



6h.575.



UNIVERSITEITSBIBLIOTHEEK GENT



900










Handwritten text at the top of the page, possibly a title or header, which is mostly illegible due to fading and bleed-through. Some words like "The" and "and" are faintly visible.



*Ha Dissertationes Criticae post dubio auctorem Tertium
Richardum Simonium... v. Delicatum.*

DISQUISITIONES CRITICÆ
DE VARIIS

Per diversa Loca & Tempora
BIBLIORUM EDITIONIBUS

Quibus accedunt

CASTIGATIONES THEOLOGI.

Cujusdam Parisiensis

AD

OPUSCULUM ISA. VOSSII

DE

SIBYLLINIS ORACULIS,

ET

Ejusdem Responsionem ad Objectiones
NUPERÆ CRITICÆ SACRÆ.

LONDINI,

Impensis RICHARDI CHISWEL, ad Insigne
Rosæ coronatæ in Cœmeterio Paulino.

MDCLXXXIV.



2h.575.



UNIVERSITEITSBIBLIOTHEEK GENT



900





26.575.



UNIVERSITEITSBIBLIOTHEEK GENT



900












*Has Disquisitiones Criticæ post duos auctores Certissimè
Richardum Simonem... v. Delicetom.*

DISQUISITIONES CRITICÆ
DE VARIIS
Per diversa Loca & Tempora
BIBLIORUM EDITIONIBUS
Quibus accedunt
CASTIGATIONES THEOLOGICÆ
Cujusdam Parisiensis
AD
OPUSCULUM ISA. VOSSII
DE
SIBYLLINIS ORACULIS
ET
Ejusdem Responsionem ad Objectiones
NUPERÆ CRITICÆ SACRÆ.

LONDINI,

Impensis RICHARDI CHISWEL, ad Insigne
Rosæ coronatæ in Cœmeterio Paulino.

MDCLXXXIV.



DISPOSITIONES CAUSARUM

DE MALIS

PER ANNO 1682 TEMPORIS

PRIMUM EDITIONIS

ORDINE

CAUSATIONES THEOLOGICAE

Cujusdam Patris

AD

OPUSCULUM 12. NOSTRUM

DE

PRIMUM EDITIONIS

ET

PRIMUM REFORMATIONIS et Objectionis

PRIMUM EDITIONIS

PRIMUM EDITIONIS

PRIMUM EDITIONIS

PRIMUM EDITIONIS

PRIMUM EDITIONIS

Optimo, Doctissimoque Viro

J. H.

ROBERTUS DENISON.

S.

MUsculum quod non ita
pridem commoratus Pa-
risiis à præstantissimo Ur-
bis illius Theologo accepi, tibi offero,
Vir Optime, qui sciam te jam ab
annis aliquot ad hoc studii genus
animum feliciter applicuisse. Opus
illud, ut audio, sumptum fuit ex

Criticâ Sacrâ Veteris Testamenti, quam Latino Sermone conceptam dudum meditatus fuerat Criticæ illius Auctor in publicum edere. Gallica enim Editio quæ in omnium manibus versatur, Latinæ tantum, quæ lucem non aspexit, compendium est, quod Linguae suæ hominibus destinaverat, qui ut paulò delicatiores sunt, ita quæ longa, tanquam sibi molesta, fastidiunt. Utinam opus illud integrum nobis non ita delicatis communicatum fuisset : ea enim quæ bona sunt, facile non respuimus. Verum cum istud à diligentissimo illo rerum Criticarum Scriptore obtineri non potuerit, Doctor tamen Theologus & Canonicus Parisiensis, qui tunc de edendo *Biblico Apparatu* cogitabat, nobis hoc quaecunque est operis perhumanè largitus fuit, quod à

Critices

Critices Scriptore se accepisse profitebatur, ut illud *Biblico Apparatu*, quem tunc meditabatur, infereret. Non ita enim friget, Vir Optime, apud Theologos Parisienses rei Criticæ studium, quin Ætate nostrâ reperiantur inter illos viri eruditissimi qui, spre-
tis Scholarum minutiis & vanis subtilitatibus, Artem illam feliciter tractent, linguasque Græcam & Hebraicam apprimè calleant. Ex horum numero ille est qui *Disquisitiones istas Criticas* de variâ per diversa Loca & Tempora Bibliorum fortunâ lubenti animo mihi communicavit. Videbitur tibi profectò, Vir Doctissime, Theologus ille Parisiensis in Appendice illâ quam huic Operi adtexuit, in optimum nostrum Vossium paulò acrius insurrexisse. Verùm si opinionum monstra quæ eruditissimo

111
Vossio

Vossio tribuit, paulò attentius considerentur, nihil præter moderationis & æquitatis leges fecisse videbitur. Sed non opus est pluribus, ut tibi rerum istarum callentissimo, Opusculi hujusce lectionem commendem. Memini enim quanti feceris degens Parisiis ingenium, eruditionem & judicium Scriptoris *Critice Sacre*, qui tamen non aliunde tibi innotuerat quàm ex ejus Scripto. Eo scilicet natus es ingenio, Vir Optime, ut quæ bona sunt statim approbes, & quæ recta sunt laudes, etiam in hominibus qui Religione & Institutis à nobis differunt. Si quid igitur in illo Scriptore paulò durius dictum, & à communi Protestantium doctrinâ alienum deprehendatur, nōsti illum esse ex eorum cœtu qui fidem Ecclesiæ Romanæ profitentur. Fruere interim

oīto V rim

Epistola Dedicatoria.

rim hoc munusculo , quaecunque
sit ; & scias me ad majora paratum
esse.

Oxoniz, Anno
MDCLXXXIII.
medio Aprili.

a 2

Sylloge

THE
LIBRARY OF THE
MUSEUM OF NATURAL HISTORY
AT
THE AMERICAN MUSEUM OF NATURAL HISTORY
CENTRE FOR THE STUDY OF
HUMAN EVOLUTION
AND
PRIMATE BEHAVIOR

AMERICAN MUSEUM OF NATURAL HISTORY
LIBRARY
NEW YORK, N.Y. 10021-2412
U.S.A.

2000

2

SYLLOGE
CAPITUM.

CAP. I.

DE Biblis in genere cum apud Iudeos tum apud Christianos.
Pag. 1

CAP. II.

De Hebraicis contextibus Biblici exemplaribus manuscriptis. p. 5

CAP. III.

*Expenduntur diversi Bibliorum codices manuscripti; varia illorum
lectiones doctiorum Iudeorum testimoniis probantur.* p. 11

CAP. IV.

*De editis, quae Masorethica sunt, Hebraei contextibus exemplaribus,
De Masoretharum arte. Illius origo. Quid de illa sentien-
dum.* p. 20

CAP. V.

*Masora partes ad codices manuscriptos expenduntur & illustrantur.
Vera Masora origo.* p. 26

2 1 CAP.

Sylloge Caputum.

CAP. VI.

Aliae Masora partes ad codices Bibliorum manuscriptos expenduntur, simulque aperitur vera illarum origo, & confirmatur lectio Masorethica.

P. 33

CAP. VII.

Nonnulla à Masorethis inutiliter & superstitiosè annotata illustrantur ex codicibus Bibliorum manuscriptis.

P. 41

CAP. VIII.

Scripturarum variantium exempla aliquot producantur ex codicibus manuscriptis, qui à Masorethicis lectionibus hæc in parte differunt.

P. 47.

CAP. IX.

Utum Judæi dedita opera codices suos corruerint. Patrum de eâ respondentia expenditur.

P. 55

CAP. X.

Isaaci Vossii sententia de Judæorum codicibus expenditur & refellitur.

P. 69

CAP. XI.

De Samaritarum Bibliis & eorum Targumim, seu Paraphrasibus.

P. 80

CAP. XII.

De Bibliis Saduceorum & Karæorum.

P. 92
CAP.

Sylloge Capitum.

CAP. XIII.

*De Iudeorum Targumim, seu Scriptura sacra translationibus, ac
primum de Paraphrasibus Chaldaicis.* p. 97

CAP. XIV.

Appendix, de reliquis Bibliorum versionibus quibus utuntur Iudei.
p. 105.

CAP. XV.

*De Bibliorum versionibus, quae apud Christianos aliquid auctoritatis
obtinent, ac primum de Graeca Septuaginta Interpretum.* p. 108

CAP. XVI.

*Iterum ac specialius expenditur Graeca Septuaginta Interpretum
versio.* p. 120

CAP. XVII.

*Examinatur Isaaci Vossii de Septuaginta Interpretibus sententia. B.
Hieronymi vindicta:* p. 129

CAP. XVIII.

*De reliquis Graecis translationibus Scripturae sacrae, & de Hexaplis
Origenis. Isaaci Vossii de Hexaplorum dispositione sententia resel-
litur.* p. 143.

CAP. XIX.

De antiquis Ecclesia Latina versionibus. p. 157

CAP.

Sylloge Capitum.

CAP. XX.

De auctoritate antiquarum Ecclesie Latinae versionum, neque imprimis illius quae hodie Vulgata appellatur. Quo sensu hac dicatur authentica.

P. 164

CAP. XXI.

De translationibus Scripturae sacrae quae in usum Ecclesiae Orientalis, cesserunt, ac primum de Syriacis; deinde de Arabicis, Copticis Aethiopicis, Armeniis, &c.

P. 172

CAP. XXII.

De recentioribus Bibliorum versionibus, ac primum de Latinis quae à Theologis Catholicis condita fuerunt.

P. 181

CAP. XXIII.

De Latinis Bibliorum versionibus quae à Protestantibus collatae sunt.

P. 187

CAP. XXIV.

De Bibliorum versionibus in lingua vernacula, ac primum de his quae auctores agnoscunt viros Catholicos.

P. 194

CAP. XXV.

De Bibliorum versionibus in plebeo idiomate, quae ab Interpretibus Heterodoxis condita fuerunt.

P. 200

CAP. XXVI.

De Bibliorum versionibus, quae plebeo ac vulgari sermone & Scholis Genevensium prodire.

P. 206

T A C

CAP.

Sylloge Capitum.

C A P. XXVII

De Bibliis Polyglottis.

p. 213

C *Astigationes ad Opusculum Isaaci Vossii De Sibyllinis Oracu-
lis & Responsum ad Objectiones nupera Critica Sacra.*

p. 223

Typo-

H B

Typothesiarum Errata præcipua, ne nimis Contextus sensui
officiant, ita corrigat Benignus Lector.

PAG. 58. l. 34. p. suos leg. suas. p. 59. l. 25. p. respondent l. respondens. p. 66. l. 2. l. A-
p. 67. l. 22. l. è suis cod. p. 97. l. 25. l. contextui. p. 103. l. 34.
p. 104. l. 1. curâ. p. 109. l. 5. l. neminem. p. 111. l. ult. p. fuerint l. fuisse existimaret.
p. 112. l. 21. p. fuisse l. fuerit. p. 114. l. 10. l. erant tam lingua. p. 116. l. 30. l. debet.
p. 117. l. 11. l. inventa fuerant. p. 131. l. pen. l. Vossium. p. 132. l. 28. l. magis
ad genium. p. 133. l. 35. l. debent. p. 137. l. 34. p. obtinentur l. obtinentur. p. 138. l. 9. l.
mentem. p. 148. l. 35. l. Palestinorum. p. 152. l. 15. l. telloribus suis fucum faciat
i. 71. p. 155. l. 23. l. accuratâ descripserat. p. 160. l. 37. p. profuerint l. profecerint.
p. 168. l. 28. l. non acquiescere. p. 171. l. 6. p. ad l. ac. p. 176. l. 19. l. codices.
p. 178. l. 10. l. concinnata. p. 182. l. 29. p. ix. l. xix. p. 192. l. 31. l. usq. recep-
tum codicem. p. 195. l. 29. l. vernaculam. p. 196. l. 34. p. in pago l. in agro. p.
198. l. 14. l. ob alias. p. 200. l. 21. p. inconditum l. inconditam versionem. lb. l. ult.
l. lingua. p. 204. l. 36. p. ortum l. ritus. p. 206. l. 26. l. jam laudatâ. p. 211. l. 22.
l. du. costâ. p. 218. l. 13. l. LXX interpretum versionem supreme. p. 219. l. 7. p.
frustra l. haudquaquam. p. 224. l. 3. l. moliri. p. 230. l. 5. dele etiam. p. 231. l. 33.
l. ætiori quàm antea compendio. p. 232. l. ult. l. respondet. p. 236. l. 3. & 4. l.
fuerint. p. 238. l. 5. transfer voc. [ratio] ad Init. prox. lin. p. 241. l. 7. l. primò.
p. 243. l. 10. l. ratione. p. 246. l. 2. p. avidius l. penitius. p. 252. l. ult. l. sus-
tinentes. p. 254. l. 32. l. crederentur. p. 257. l. 1. l. gnarum. lb. l. 31. l. suam.
p. 258. l. 30. l. antiquam.

DE VARIIS
PER DIVERSA LOCA ET TEMPORA
BIBLIORUM EDITIONIBUS
DISQUISITIONES CRITICÆ.

C A P. I.

De Bibliis in genere cum apud Judæos tum apud Christianos.

UNiversus Scripturæ sacræ contextus Bibliorum nomine apud Christianos insignitur, quasi dixeris, *libros per excellentiam*, eaque tam vetus quam novum Testamentum comprehendunt. At Judæi veteris tantum Instrumenti libros recipiunt, eosdemque sermone Hebraico conscriptos; neque enim illos quos Græcè scriptos Ecclesia à Judæis Hellenistis accepit, intra suum Canonem reposuere, quòd nihil in iis divini agnoscant; secus verò Ecclesia, quæ spiritus sancti numine afflata, hos etiam codicis sacri libris adscripsit. Qua in re illi qui Protestantium & Reformatorum nomen inter Christianos ambiunt, Synagogæ partibus adherere maluerunt, quàm Ecclesiæ utriusque, occidentalis nimirum & orientalis, sententiæ accedere. Itaque acceptos à Judæis veteris instrumenti codices Christiani in Ecclesiam invexere. Novi autem fœderis auctor Christus nihil omnino illius in literas retulit, sed illius post ejus obitum discipuli hos quos novi Testamenti libros appellamus,

B

De Veteri
Testamento.

Novum Te-
stamentum.

appellamus, in publicum ediderunt. De germanis ejusmodi librorum scriptoribus dubitarunt quidem nonnulli, quasi Evangelia quæ secundum Matthæum, Marcum, Lucam & Joannem dicuntur, reipsa illorum non essent: non enim, inquit, Evangelia secundum Matthæum, Marcum, Lucam & Joannem inscriberentur; sed Evangelia Matthæi, Marci, Lucæ & Joannis, si hæc ab illis adornata fuissent, eadem ratione qua libri *Mosis* dicimus, minime verò secundum Moysen. Verum diversa planè ratio est inscriptionis Evangeliorum ac ceterorum librorum: quandoquidem Evangelium quod publicavit Matthæus, non est Matthæi, sed Christi: quare secundum Matthæum rectè inscribitur, quasi dixeris Evangelium Christi secundum Matthæi testimonium, cui illud acceptum referunt Christiani.

Paul. epist.
ad Rom.

Jam ut ad Judæos nostra redeat oratio quibus primum credita sunt Dei eloquia, uti loquitur Apostolus, codex sacer varia apud illos sortitur nomina. Modo enim hunc *Mikra*, seu lectionem appellant; quo pacto intelligenda esse videntur verba illa Nehemiæ, & intellexerunt *Mikra*, scripturam, sive lectionem. Licet enim de legis Mosaicæ lectione ibi agatur, nomen istud postea ad reliquos scripturæ sacræ libros non malè à Judæis translatus est. Modo verò Scripturam denotant per hæc verba עֲשֵׂר וְאַרְבַּע

Nomina Scri-
pturæ apud
Judæos.

עֲשֵׂר וְאַרְבַּע *viginti quatuor*; quo nomine contextus sacri librorum numerum indicant; ad quod etiam alluisse videtur B. Hieronymus cum ait, *Quæ non sunt de viginti quatuor senibus*, ea parem non habere cum libris divinis auctoritatem: & quid per *viginti quatuor senes* veniat intelligendum, manifestius declarat idem Hieronymus in Prologo Galeato. Hac sacri codicis nomenclaturâ nihil frequentius reperire est in libris Judæorum, quam & ipsi sæpissimè apponunt in capite Bibliorum Manuscriptorum, eaque universum veteris Instrumenti contextum indicant; etsi Josephus testis in hoc argumento locuples XXII cap. 1. esse apud gentem suam libros sacros affirmet: quod non antequam innotuisset fuisset videtur, quàm ut ejusmodi librorum numerus ob literas Alphabeti Hebraici, quæ similiter XXII numerantur, facilius firmiusque memoriæ mandaretur. Nihil est enim hac in re inter Judæos discriminis, sive XXIV sive XXII tantum libros numerent: sed diversa illos ratione partiuntur. Id Hieronymo probè cognitum fuit, qui auctor est illos à quibus numerantur XXIV Scripturæ

Hier. pref. in
Esd. & Neh.

sacræ.

sacrae libri, volumen Ruth ab historiâ Judicum, & Hieremiæ Lamentationes ab ejusdem Prophetæ vaticinio sejunctis; non repugnantibus etiam ætate nostra Judæis qui duos hosce libellos Hagiographorum classi, non verò Prophetarum, adscribant.

Omniū autem optimè de Scripturâ sensisse videtur illa quæ inter Judæos Caraitarum secta appellatur, quæ *Prophetia* nomen illi indidit. Quo etiam nomine illam indigitat B. Petrus, videturque istud priscum ac genuinum esse Scripturæ nomen, quod à Judæis recentioribus non intellectum, qui multa de libris qui הנביאים id est, *Propheta* inscribuntur, commenti sunt; mirorque non deesse apud Christianos qui acutos hosce magistros audiant. Nota est omnibus & perantiqua sacrorum librorum divisio in *Legem*, *Prophetas*, & *Cetuvim*, *scripta*, seu, ut vulgo loquuntur, *Hagiographa*. Quæ partitio mirè torsit Judæorum ingenia qui in eam nuntis anxie inquirunt, & id quod explicatu videbatur facile, subtilitatibus suis implicant. Conqueritur Isaacus Abravanel vir acutissimus plerisque magistrorum suorum illud argumentum non attigisse, si unum excipias Ephodæum: sed ea quæ magister iste fusiùs de hoc negotio refert, silentio prætermittere visum est, quòd plus habeant acuminis quàm soliditatis. His igitur valere jussis dicendum videtur, Prophetarum nomen libris Josuæ, Judicum & ceteris Historicis qui ante Judæos Babylonem deportatos scripti fuerunt, adjectum fuisse, quia tunc temporis illi apud Judæos nominabantur Prophetæ, quorum erat annales ætatis suæ describere. Ita in sacris literis librorum Samuelis, Nathanis, Gadi, aliorumque Prophetarum fit mentio, quod illi res ætatis suæ studiosè conscriberent referrentque in acta publica. Quo sensu Josephus affirmat quorumlibet non fuisse apud Judæorum nationem annales scribere, sed Prophetarum duntaxat; id quo fusiùs exponit Theodoretus qui liberè asserit, complures apud Judæos exstitisse Prophetas quorum unusquisque ea scribere consueverit quæ suæ erant ætatis, partemque maximam librorum qui ab illis conditi fuerant deperditam nunc desiderari. Ita dubitari non posse affirmat quin Regum libri ex multis libris Propheticis compositi fuerint. Theodoro consentiunt Diodorus, Procopius, & alii non pauci eximie eruditionis viri. Hæc igitur genuina videtur esse ratio cur Scripturæ sacrae libri qui post Moysis tempora ante Judæorum deportationem conscripti

Pet. epist. 2.
c. 1.

Divisio Scri-
pturæ.

Don Abrav.
præf. in Jos.

Joseph. lib. 1.
adv. App.
Theod. præf.
in lib. Reg.
Id. lib. 2.
Reg. interr. 4.

Diodor. Pro-
cop.

Cur libri hi-
storici dicun-
tur Prophetæ

fuerunt, Prophetarum nomine insigniantur. Post id verò temporis simplici *Cetuvim*, seu *scriptorum* nomine donati sunt; non quòd ab eis Spiritus sancti afflatus removerent; hunc enim etiam in libris istis Judæi non secus ac Christiani haud inviti agnoscunt; sed simplici *Cetuvim*, id est, *scripta* nomine contenti, eodem modo atque nos etiam Scripturam universam Biblia appellavimus. Hominum itaque otiosorum est subtilius in hæc nomina inquirere ac venari mysteria de quibus ne quidem per somnium præsci Judæorum scriptores cogitarunt.

Scripturæ di-
visio quæ ex-
stat in libris
Christiano-
rum præfe-
renda est Ju-
daica.

Hæc de causa Christiani qui veteris Instrumenti libros à Judæorum Hellenistarum Synagogis sub nascentis Ecclesiæ tempora mutuati sunt, neque librum Ruth ab historiâ Judicum, neque Hieremiæ Lamentationes ab illius Prophetæ vaticinio in suis exemplaribus separarunt, uti solent Judæi, qui ejusmodi opuscula ad tertiam librorum sacrorum classem quæ dicitur *Cetuvim, scripta*, referunt. Mirum est quantum in hoc negotio desudaverit Doct̃or subtilissimus Abrahanel, ubi contentiosius quærit quid causæ fuerit cur volumen Ruth Historiæ Judicum, ad quam videtur pertinere, cum utriusque libelli auctorem agnoscat Samuelem Prophetam, adjunctum non fuerit. Longè melius Christiani præeuntibus sibi Judæis Hellenistis, Scripturæ sacre libros disposuere, quæ prima videtur esse librorum sacrorum dispositio etiam ab antiquis Judæis recepta & publico synagogarum usu approbata. Quare negantur Judæi cum Danielis Prophetiam tam in manuscriptis quam in vulgus editis exemplaribus ab aliorum Prophetarum corpore semovent, quasi spiritus sancti afflatus qui Danieli vaticinanti adfuit, idem non fuerit in omnibus ac ille quo alii Prophetæ inspirati sunt. Similia quoque de Davide somniant Judæi, quem Prophetarum albo non adscribunt, etsi multa in eo vaticinia agnoscant. Adeo verum est ejusmodi magistros qui paternas traditiones miris modis ostentant, multa excogitasse præsci illorum patribus incognita, & quæ ex Christianorum libris sumere videtur satius, quam ex Judæorum præsertim recentioris avi operibus. Illi enim antiquum Synagogarum usum imitati sunt, qui ad posteriores Judæos non videtur integer pervenisse. Retinendus itaque Scripturæ sacre librorum ordo qui in Græcis & Latinis Christianorum Bibliis apparet, quia prior est ac melior, & Ecclesiæ tam orientalis quam occidentalis auctoritate comprobata.

probatum. Neque audiendi sunt illi qui secuti Judæorum magistros in edendis cum Græcis tum Latinis Bibliorum exemplaribus priscum illum ordinem penitus evertunt. Ordinem tamen istum in minoribus non ita urgendum censeo, cum in his neque Judæi inter se neque etiam Christiani consentiant. Cassiodorus tria operis sui de Divinis Lectionibus capita hæc inscriptione prænotavit: *Divisio Scriptura secundum Hieronymum. Divisio Scriptura secundum Augustinum. Divisio Scriptura secundum Septuaginta.* Judæi quoque etsi patrum traditionum tenacissimi, totique a Doctoribus Talmudicis dependant, alium hodie in disponendis codicis sacri libris tenent ordinem quam illum qui Talmudistarum auctoritate comprobatus fuit. Imò diversa est hæc in parte codicum manuscriptorum cœconomia.

C A P. II.

De Hebraicis contextibus Biblici exemplaribus manuscriptis.

MANUSCRIPTOS Judæorum codices ad duplicem classem referre possumus, quorum alii publico Synagogarum usui inserviant; alii verò privatis hominibus. Non singulos tamen Scripturæ sacræ libros illi in synagogis suis legunt, sed selectos tantum & ad Religionis suæ mysteria accommodatos, quales sunt Moysis libri, à quibus legis suæ documenta hauriunt, & illi quos sub quinque *Megilloth*, seu voluminum nomine indicant, Canticum scilicet Cantorum, Ruth, Threni seu Lamentationes, Ecclesiastes & Esther. Hæc enim volumina prælegi solent in synagogis, stans ac certis diebus; Canticum Canticorum die festo Paschæ; Ruth die festo Hebdomadum; Threni nono mensis Ab; Ecclesiastes in festo Tabernaculorum; ac demum Esther decimo-

De libris Scripturæ qui synagogis inserviunt.

decimoquarto & decimoquinto mensis Adar. Legem verò in tot sectiones partiti sunt quot in anno numerantur Sabbata. Quippe quam singulis Sabbatis legunt, eique addunt excerpta quædam ex Prophetarum libris.

Mirum est quàm ridicula sit Judæorum in describendis hisce exemplaribus quæ synagogarum usui inserviunt, Religio ac stulta superstitio. Primo enim simplici ac nudâ literarum figurâ qualis in aliis codicibus cum manuscriptis tum editis apparet, minimè contenti, quasdam pingunt coronulis quas *Tagin* appellant ornatas, sive apiculis; neque eos pudet Deum facere ejusmodi apiculorum auctorem, quasi Moses illos à Deo in monte Sinai accepisset. R. Moses Scem Tob in libro ubi more Cabballistarum Alphabeti Hebraici literarum rationem investigat, de ejusmodi coronulis permulta affert, conquestus has paucissimas Judæis probè cognitatas fuisse. *Intelliges*, inquit, *sermonem ex ipsâ patrum nostrorum felicitis memoria doctrinâ haustum in tractatu Hagigâ, audiesque & facies Aleph cui insunt septem coronule; septem sunt ejusmodi in lege: Beth cui insunt tres coronule; quatuor sunt in lege: Gimel cui coronula quatuor; tres sunt in lege: Daleth cui quatuor coronule; sex sunt in lege.* Simili prorsus ratione ceterarum literarum coronulas seu apiculos idem magister persequitur, simulque indicat quotiès coronatæ illæ literæ in libris Moïsis occurrant, & earumdem coronularum figuras pariter repræsentat, quo scilicet modo illæ pingi debeant. Imò & animadvertit illarum inter se discrimina: nam aliæ ipsismet adherent literis; aliæ verò paululum ab his remotæ suprà attolluntur vel subjiciuntur. Sed hæc somnia sunt & cerebelli Judaici portenta, de quibus tamen seriò disputant magistri illi. Ita Balmasius diversas planè literarum Zain & Heth coronulas pingit ab illis quas R. Scem Tob ex patrum suorum traditione descripsit. Religionem quoque suam ac diligentiam ostendant Judæorum magistri in eligendâ voluminum istorum membranâ: papyrus enim utpote recentius inventum ad id non adhibent. Hæc siquidem munda esse debet, neque potest parari ab homine Ethnicò & Infideli, sed à Judæo qui nec Apostata sit nec Hæreticus. Quare Samaritarum exemplaria à Judæis tanquam impura rejiciuntur. Præterea non scribunt more nostro in foliis complicatis, sed in grandioribus voluminibus secundum priscum morem, eaque in

Judæorum
superstitio in
describendis
suis codici-
bus.

R. Moï. Scem
Tob in lib.
M. S.

Talm. in
Traçt. Hag.

Abrah. Balm.
in Gramm.

pagellas seu columellas quasdam Geometricâ veluti proportione observatâ partiuntur, lineasque cum amussi prius exarant, audentque asserere se ab ipso met Moysè accepisse, nullum legis exemplar absque amussi describendum. Formam quoque atramenti quo in illo exarando uti debeant, eidem Moyli acceptum referunt. Inter scribendum autem cavent in primis ne literæ simul cohæreant: hæc enim tam inter literas quàm dictiones servari debet proportio, ut inter literam quamlibet reperiatur fili spatium, inter dictiones verò spatium minusculæ literæ; demum lineæ à se invicem distent lineæ unius mensurâ, quilibet autem linea debet constare XXX literis. His adjiciendæ sunt distinctiones sectionum, quarum aliæ majores, aliæ minores; certumque inter has observari debet spatium. Iterum ejusmodi sectionum aliæ dicuntur clausæ & aliæ apertæ. Illæ appellantur clausæ quæ hinc & inde clauduntur literis, ita ut spatium trium duntaxat literarum relinquatur; pro apertis vero novem literarum. Præter istas sectiones sunt & aliæ majores, quæ etiam in editis Bibliorum exemplaribus conspiciuntur. Verùm hæc in parte gravissimè allucinantur plerique Judæorum magistri qui existimant Mosè ipsum ejusmodi divisionum quas hodiernum legis exemplar repræsentat, auctorem esse. Nam constat distinctiones istas à Criticis recentioribus, ab iis præsertim qui Masorethæ appellantur, profectas fuisse, priscisque temporibus tam in Hebraicis quàm Græcis & Latinis exemplaribus nullas distinctionum ac subdistinctionum notas existisse. Istud enim Grammaticorum est opus, & ut recte animadvertit Elias Levita, lex universa erat antiquitus *פסוק אחד* *versus unicus* absque ulla literarum ac dictionum divisione, quod etiam de Homeri operibus à Criticis Græcis observatum fuisse nôrunt artis illius periti. Neque his obstant verba illa Nehemiæ; *& legerunt in libro legis distinctæ*; quasi inde jam ab Esdræ temporibus versuum distinctio in contextum legis injecta fuerit: cui etiam sententiæ favere videntur Doctores Talmudici. Saltè illa Talmude non erit posterior, cum ejus meminerint operis illius scriptores, & ut auctor est R. Jacob Ben Ascer, Baal Hatturim; *Doctores Talmudicorum temporibus consuetudo fuit interpretande legis in aliâ linguâ, ut eam populus intelligeret, quia lingua ejus Aramæa. Lector autem non poterat legere plusquam versum unum interpreti; sed legebat versum*

Antiqua Bibliorum forma.

Neh. c. 8.

Tal. Tract. Nedarim.

Baal Hatturim in compend. Talm. de lect. libra legis.

sum

sum unum ipsi, & mox sequebatur interpretatio. Verum legebat versum alterum, nec interpres poterat interpretari donec lector versum integrum absolvisset; nec similiter lector poterat versum alium legere, donec interpretationem suam absolvisset interpres. Ex quibus confici posse videtur, legis Mosâicæ exemplaria jam ante Talmudistas versibus distincta fuisse.

Verum ista omnia cum à lectore tum à Paraphrastâ seu legis expositore etiam ab ipsius Esdræ temporibus observari potuerunt absque ullâ intra contextum distinctionis versuum notâ: & id manifestè probant priscæ illæ Bibliorum translationes quæ sermone Græco ante B. Hieronymi ætatem prodierunt, imò & ipse Hieronymus qui ejusmodi versus haud infrequentèr distinguit ratione planè diversâ ab eâ quæ nunc in editis seu Masorethicis exemplaribus exhibetur. Illud autem videtur in primis animadversione dignum in præsentî negotio, quòd nihil omnino punctorum vocalium, quæ sectionem hodiernam contextûs Hebraici inter fines quosdam limitant, appareat, nihil similiter accentuum illorum qui nunc punctorum, virgularum aliarumque interpunctionum vices gerunt. Neque etiam olim existisse in istis exemplaribus manuscriptis ullam sectionum divisionem probant Samaritanorum codices, in quibus ejusmodi sectiones ratione planè diversâ annotantur; quæ si ab ipso Mose, uti falsò putant Judæorum magistri, legi adjecta fuissent, Judæorum cum Samaritanis maxima esset hæc in re consensio. Falsò itaque pronunciant Talmudistæ, versum quemlibet quem non distinxit Moses, distinguendum non esse. Si enim res ita sit, cur idem Talmudistæ hæc in parte à Masorethis qui vulgò dicuntur *ספר לה* *seper legi* apposuisse, discrepant? Fieri ne potuit ut traditionem à Mose acceptam Judæi traditionum suarum observantissimi non eandem omnes in suis exemplaribus retinerent? De sectionum partitionibus non aliud ferri debet judicium, cum & ipsi Masorethæ, ut auctor est R. Moses, ob librorum quibus innitebantur discrepantias inter se non consenserint, idemque Moses affirmat *magnam* se deprehendisse confusionem *בית גור* in omnibus quæ ad manus suas pervenerunt exemplaribus, ita ut relictis aliis codicibus unum consuluerit cujus corrector putabatur R. Ascer, eumque in omnibus in describendo ad usum suum exemplari secutus fuerit.

Tempora

Tempora quibus sectionum, commatum, aliarumque distinctionum notæ in contextum Biblicum irrepserint, curiosius investigare videtur supervacaneum. Ista siquidem quia ab hominibus Criticis profecta sunt, non aliam præ se ferunt auctoritatem quam illam, quæ ipsis ex Doctorum consensu vel usu publico advenit; adeoque pro diversâ ætatum ratione, variis obnoxia fuerunt mutationibus, quia ex hominum arbitrio dependebant. Unus artis Criticæ apud Judæos peritus, Elias Levita, pluribus ostendit ea omnia prodiisse è Scholâ Doctorum Tiberiensium, qui vulgò Malorethæ appellantur, post Talmudistarum & B. Hieronymi tempora: ita ut quæ postea de ejusmodi distinctionum antiquitate publicata sunt, ab hominibus otiosis conficta fuerint, quasi de sacris codicibus hæc in re alia deberet ferri sententia, quam de Græcis Latinisque libris. Non enim libri quia sacri sunt, ob id cum suis divisionibus & interpunctionibus nasci debuere; neque dixerimus, exempli causâ, hodiernam Latinæ versionis interpunctionem, quam suffragiis suis comprobavit sedes Apostolica, solamque retinendam in edendis Latinis exemplaribus censuit, ab ipsis temporibus Apostolorum derivandam esse. Sed de his satis superque: nunc ad privatorum hominum codices deveniamus.

Elias Lev.

Hi in duplici quoque classe possunt collocari, quorum alii à Judæorum vulgo & ab hominibus è plebe descripti fuerint; alii vero à viris linguæ suæ peritis, & in usum eorum qui apud ipsos auctoritate pollent, vel aliquo dignitatis honore eminent; quales sunt qui *Nasî*, sive Principis, nomen sibi sumunt. Qui partem magnam literis minusculis exarati & minori formâ, multa habent incuriosius descripta, nec pauca in iis deprehenduntur *σφάλματα*. Ejusmodi complures reperiuntur in plerisque Christianorum Bibliothecis. Hi verò, quia magno sumptu exarati sunt ad fidem antiquorum & bonæ notæ exemplarium, ceteris omnibus longè præstant. Unciales easdemque elegantissimâs literas præ se ferunt, & quod boni exemplaris certissimum est indicium, nullæ in his dictiones apparent omisæ, quæ minuitiori charactere ad oram codicis descriptæ habeantur. ut in plebeiorem Judæorum libris, qui ejusmodi mendis scatent. Isti siquidem vocum sententiarumque se invicem consequentium decepti similitudine, contextus verba lacera & decurtata præsen-

De Bibliis
privatorum
hominum.

praesentant, scriptioni suae vix attenti.

Biblia emendatiora.

El. Lev. in Siphre Luchoth.

Aben Mel. in Michlol Jophi.

Leusd. praef. in Bibl. Heb. Amstel. in octavo.

Præterea multi refert unde & à quibus sumpti fuerint manuscripti Bibliorum codices; quandoquidem Hispanici Germanicis, Gallicis & Italicis longè sunt emendatioris, quia Judæi Hispani castigandis suis codicibus præ ceteris Judæis animum applicuere, ~~et~~ ^{et} etiam curiosi: unde Elias Levita in hoc studii genere non mediocriter versatus, post enumerata diversâ Bibliorum exemplaria, de Hispanicis ista subjungit; *liber N'osen Asparnia liber est completens codices Hispanicos, quia illi sunt reliquis omnibus codicibus emendatioris.* Horum similiter meminit R. David Kimchi cum in suis passim operibus, ספרים סרוקים seu *libros correctos* appellat: Quâ in re Judæi Hispaniam incolentes, linguam suam, Arabum exemplo, à quibus id omne quod habent artis Grammaticæ mutuati sunt, excoluere: studiumque omne & industriam castigandis Bibliorum exemplaribus contulerunt. Eundem Kimchium qui natione erat Hispanus, laudat Aben Melech, quod conquiendis Hispanicis, & probæ notæ exemplaribus, operam dederit. *Quis laboravit ut ille, inquit, in querendis libris correctis qui erant in Hispaniâ?* Quâ autem ratione isti codices distingui & inter nosci possint, explicatu facile est: nam Hispanici characteres præ se ferunt quadratos formæque eleganti, quales conspiciuntur in Bibliis Regiis à Plantino Antverpiæ editis, & Roberti Stephani; quæ haud dubiè ex codicibus Hispanicis exscripta sunt: Italici & Gallici paulò rotundiores sunt: Germanici verò literas Gothicas imitantur; viderique possunt in libris Hebraicis, qui primò editi sunt in Germaniâ, & in Bibliis Hebraicis Munsteri. Frequentissima sunt maximè in Europâ ejusmodi exemplaria, quæ etiâ in formâ majori & grandioribus literis cum Masorâ ad marginem, variis figuris & imagunculis expressa, descripta sunt. Talem codicem miris modis extollit Joannes Leusden linguæ Hebraicæ Professor Ultrajectinus, ad quem edita sunt Biblia Hebraica non ita pridem Amstelodami in Octavo. Illum enim præcipuè ex eo commendat, quod Masoram magnam in margine repræsentet sub usuram, canum, boum, aliorumque animalium formis; sed dignum potius exemplar istud quod pueris ob ludicras variorum animalium formas conspiciendum proponatur. Codices Hispanici, qui

qui sunt probæ notæ, Masoram simpliciter descriptam exhibent, neque ullæ prorsus in iis lineæ apparent, quæ in animalium & plantarum figuras ducantur. Itaque manuscripta Bibliorum exemplaria, quò majorem ostendunt simplicitatem, eò castiora sunt & emendatiora. Sub his animalium & plantarum figuris errores suos Scribæ imperiti occultant, neque in verbis contextûs exscribendis, quàm in Masorâ exarandâ, accuratiores sunt.

C A P. III.

Expenduntur diversi Bibliorum codices manuscripti; variae illorum lectiones doctiorum Judeorum testimoniis probantur.

Ficta esse quæ Judæi uonnulli de Bibliorum exemplaribus Esdræ manu exaratis commenti sunt, nemo paulò cordatior ætate nostrâ dubitat; similiter & ea, quæ de aliis codicibus Bononiæ, ut auctor est Finus Ferrariensis; vel Cabilone, ut aliis visum fuit, asservantur, relata sunt. Suppositam quoque esse constat antiquitatem illam, quam Samaritani Sicheimitico legis Moisaicæ exemplari tribuunt: reperti sunt etiam inter Christianos, qui pro tuendo Latino Interprete, codices suppositos valdè commendarint. Ita Lindanus Psalterii cujusdam textûs Hebraici exemplar, quod erat in Angliâ, & mirè consentiebat cum Latina editione, ostentat. Sed confictum illud fuisse, & planè adulterinum, Isaac Levita, publicus Senatûs Colonienfis Professor, ex solo Linguae Hebraicæ ingenio sagaciter deprehendit. Contendebat Lindanus multa in Bibliis Hebraicis, dedita operâ & ex odio adversus Christianos, à Judæis corrupta fuisse; idque adstruere conabatur ex fide codicis illius Anglicani, quem olim fuisse Augustini Archiepiscopi, affirmare

Codices Bibliorum suppositi.

Is. Lev. in defens. verit. Hebr. adver. Lind. lib. de opt. gen. interp.

Ar. Mont. ad
appar. Eibl.
Reg.

non dubitavit: Sed Arias Montanus post diu quæsitum, ac tandem repperit exemplar istud, dolet virum gravissimum & doctissimum hæc ex fide alienâ scripsisse & docuisse. *Neque liber, inquit, antiquus est, neque ab aliquo, qui Hebraicam linguam cognovit, scriptus; sed a Scribâ Latinæ eleganter pingendi literas non ignaro LXXX, aut ad summum C, abhinc annis depictus; brevis liber brevi charactere Hebraico, imitatione magis, & pingendi peritiâ, quàm legendi notitiâ relato, adeò corruptè descripto, ut vix ullum verbum integritatem suam retinere videatur.* Ex quibus colligere est, non solum non audiendos esse Judæorum Magistros, dum plus a quo librorum suorum antiquitatem & integritatem commendant; sed ne quidē viros Christianos, etiā pietate & eruditione conspicuos, dum ficta pro veris nobis obtrudunt exemplaria.

Ficta codi-
cum quorum-
dam antiqui-
tas.
Lib. Juchasin
seu Famil.

Fuere & apud Judæos veri ac germani Bibliorum codices manuscripti, qui non eam præ se ferunt antiquitatem, quam illis tribuunt. Ita famosum est & magni nominis apud illos Hillelis exemplar, de quo in libro Juchasin ista habentur: *Anno 984 fuit persecutio magna in Regno Leon, tunc autem inde adduxerunt exemplar librorum Scripturæ, quod descriperat R. Hillel: ex eo correxerunt omnia exemplaria; vidi ego partem illius divenditam in Africâ, quâ atate jam elapsi fuerant, ex quo exscriptum fuerat.* R. D. Kimchi tūmin opere Grammatico, tū in Commentariis in Scripturam, interdum quoque ejusdem codicis meminit; & suâ atate, illius exemplaris Pentateuchum Toleti fuisse, affirmat: similiter R. David Ganz, & alii passim Judæi, illud, tanquā pervetustum & optimæ notæ librum, in majus attollunt. Celeberrimum etiam istud Hillelis nomen viris inter Christianos linguæ Hebraicæ & Criticæ sacræ peritissimis imposuit: ita Cunaus exemplar Hillelianum appellat *venerande antiquitatis codicem, quem suâ manu conscripserit R. Hillel summus Judæorum præsul, qui Babylone in Syriam venerat sexaginta annis antequam Deus dominusque noster Christus nasceretur.* Schickardus etiam ejusdem codicis vetustatem ac bonitatem mirè prædicat, testemque profert assertionis suæ Eliam Levitam: quasi Doctissimus ille Judæus in eâ fuerit sententiâ, ut Hillel redux è captivitate Babylonicâ illam manu suâ descripserit. Verum longè alia mens fuit de hoc argumento, Eliæ Levitæ, qui suo seipsum gladio jugulasset,

R. D. Ganz in
Tsemach Da-
vid. p. 56.

Cun. lib. 1. de
Rep. Hebr.

Schick. de
Jure Reg.
Hebr.

jagulasset, si illud de Hillelis codice tulisset judicium, quod illi perperam & falso tribuit Schickardus. In eo siquidem Hillelis exemplari existant puncta vocalia, accentus, & alia, quorum Elias auctores facit doctores Scholæ Tiberiensis, quos putat Talmudistis & B. Hieronymo posteriores: vana quoque sunt & futilia ea omnia quæ in librum suum de punctorum antiquitate conjicit Buxtorfius, ut ostendat Hillelem istum B. Epiphanio coævum, Masorethis Tiberiensibus superiorem existisse: similiter frustra se contorquet vir acerrimi judicii Ludovicus Cappellus varia de codice Hilleliano conjectans; ob penuriam quidem codicum manuscriptorum, viri isti nihil certi de Hillele & ejus Bibliis definire potuisse videntur: sed ex unius R. D. Kimchi libris, qui omnium manibus teruntur, facili negotio deprehendere poterant, Hillelem Tiberiensibus posteriorem fuisse. Cum pleræque codicis Hilleliani à ceteris discrepantiæ sitæ sint in diversitate punctorum vocalium, *Mapphic*, *Dagesch* & aliis ejusdem naturæ minutis, quas nemo in veterum monumentis exercitatus Epiphanii tempore jam inventas fuisse dixerit. Commentarios quoque Joannis Merceri, qui Hillelianum etiã codicem interdum laudat, consulere poterant Cappellus & Buxtorfius.

Multas codicis Hilleliani diversas ab editis sive Masorethicis exemplaribus lectiones proferre non esset arduum ex quinque Bibliis manuscriptis iisdemque Hispanicis & probæ notæ collectas; sed quia sunt partem maximam nullius momenti & minuta sectantur, has silentio prætermittam. Paucas tantum ex libro Josuæ seligam, quæ ad oram perquam elegantis exemplaris Hispanici, inde jam ab annis 15 exarati, annotatæ exhibentur; sed diversâ & recentiori manu. Josuæ capite vi. ubi in editis, sive Masorethicis, plenè legitur *יהוה* legitur *יהוה* seu in Hilleliano *יהוה* non plenè. Capite x ejusdem libri in Hilleliano exstat *ויראו* absque *Schewee*. Eodem capite pro *מיה* cum vocali *Segol* sub *He* vulgò scribitur *מיה* cum *Camets* sub *He*. Pudet reliqua persequi, quia leviora sunt, si unum ejusdem libri Josuæ locum excipias, capite xxi. ubi in Masorethicis exemplaribus duo versus integri desiderantur, quos venerandus ille codex, qui ad usum *Naschi* seu Principis exaratus fuit, integros representat. In margine autem illius hæc leguntur addita

Buxt. de
punct. antiq.
par. 2. c. 7.
Capp. de art.
punct.

ab

ab eo qui exemplar istud innumeris locis ad Masorethicum reformavit, לא מצאו אלו השנים פסיקים בהרלי, *Non invenimus duos hosce versus in Hilleliano*: & hinc confirmatur lectio Masorethica, quæ tamen vitiosa esse videtur.

Licet autem suspicari Hillelem istum natione Hispanum fuisse, celeberrimumque Scholæ alicujus Rectorem, qui Masorethicam editionem jamdudum publici juris factam, ad vetusta exemplaria locis aliquot reformavit. Post illius obitum, ejus codices, tanquam vulgatis emendatiores, in precio esse coeperunt, maxime apud provinciæ suæ homines; & ut *Omnia post obitum fingit majora vetustas*, ita clarissimum Hillelis nomen simplicioribus facile imposuit, idemque postea Judæos etiam eruditos, re minus perpensâ in errorem abduxit. Et ut ita sentiam, facit ipsa codicis Hilleliani natura, qui in perpaucis tantum, iisque levissimis à Masorethico discrepat, qui tunc temporis publico Scholarum omnium usu & auctoritate comprobatus fuerat; idque ex eo confirmari videtur, quod tunc plures Magistri, præsertim in Hispaniâ, etiam post improbum Masoretharum laborem, quem plurimi faciebant, scripturas variantes in suis libris ex vetustioribus desumptas annotare non dubitarent. Et huc referri debent RR. Judæ, Jonæ, Kimchii & aliorum doctorum animadversiones, qui hæud infrequentè recurrunt ad ספרים מרוקים *libros correctos*: quod etiam revocanda est nota illa בספר אחר *in alio exemplari*, quæ oram codicum MSS. præsertim Hispanicorum, occupat. Hillelem verò natione Hispanum fuisse, non ex eo solum probari potest, quod in Hispaniâ repertus fuerit ejus codex Biblicus, & à Judæis Hispanis primum laudatus; sed indè etiam, quod diversas illius lectiones in Hispanicis exemplaribus annotatasprehenderim, secus in Germanicis & aliis.

Simili ratione dixerimus Bibliorum codices, quos Judæi sub nominibus Ben Aser & Ben Nephtali commendant, à viris etiam profectos, qui Academiarum Rectores expurgandis codicibus operam suam dederunt. Quæ autem ætate vixerint, apud Judæos, qui rerum suarum, ac præsertim rei Chronologicæ, minùs curiosi fuerunt, hæud constat. Vulgò tamen illorum ætas refertur ad annum Christi MXXXIV. adeoque ad tempora Tiberientibus Masorethis longè posteriora: Ità sentiunt

R. Moses Te-
phil. cap. 8.

unt R. Gedalia, R. David Ganz, & alii complures etiã inter Christianos. Nota sunt quæ R. Moses scripsit de codice Ben Ascer, quem asserit ætate suâ notissimum in Ægypto fuisse, ad quem Hierosolymitani Judæi libros suos correxerint. *Illo omnes utuntur*, inquit, *eo quod correxerit eum Ben Ascer: & in eo desudavit annis multis, atque illum correxit multoties*. Nimirum Præfecti Academiæ sibi, pro Judæorum more, exscribebant codices, qui postea in usum provinciæ, cujus erant Principes, cesserint; præsertim si quid nominis ob eruditionem sibi comparaverant: unde exorta fuisse videtur illa diversitas lectionum, quæ inter manuscripta diversæ ætatis ac provinciæ exemplaria reperitur; nec id diffidentur ipsi Judæorum Magistri, qui existimant Judæos Occidentales, in describendis suis codicibus, R. Ascerem secutos esse; Orientales verò R. Nephtali. Occidentales autem illos appellant, qui Hierosolymorum; Orientales verò, qui Babylonis terras incolunt. *Codex Hierosolymitanus*, inquit Elias Levita, *ille est quem secutus est R. Jona Grammaticus, teste R. David Kimchi, forsânque exemplar illud est quod correxit Ben Ascer, qui multo tempore fuit Hierosolymis*.

R. Elias Levit.

Lectiones autem in quibus secum Magistri illi dissident, in rebus etiã minutioribus, non secus atque Hillelianæ, versantur: nec eas hic referre videtur operæ precium, cum illarum catalogus Bibliis Venetis in majori formâ editis, & inde Basileensibus & Anglicanis, annexus fuerit. Sufficiat annotasse manuscriptos ejusmodi varietatum catalogos, qui ad calcem Bibliorum quorundam manu exaratorum habentur, quosque consulere licuit, non perfectè & ex omni parte, cum editis Basileæ, Londini & Venetiis consentire. Nonnullæ siquidem quæ in vulgatis editionibus auctorem præferunt R. Ascerem, in illis, ad earum classẽ, quarum putatur auctor R. Nephtali, revocantur: cujusmodi est, quæ numeratur sexta, & quæ deinde sequuntur. Alias etiã adjiciunt manuscripti illi catalogi; alias verò omittunt, præter editas. Ubi lineolam *Maccaph*, vel accentum lectio hodierna repræsentat, recentiores MSS. vocalem vel punctum *Dagesch*, vel quidpiam simile exhibent. Nec aliter profectò fieri potuit in contexendâ ejusmodi minutiarum serie, quas levitèr perstrinxi, quia nullius omnino sunt utilitatis. Si enim diversas generis istius varietates, quas in evolvendis codicibus.

dicibus MSS animadvertere licuit, in unum veluti corpus con-
jicere animus esset, illarum collectio in magnum haud dubie
volumen excresceret. Pingue otium illis fuisse necesse est,
qui Polyglottorum Anglicanorum editionem accurârunt, cum
lectiones istas ordine quasque suo digestas non modò ut in Ba-
sileensi & Venetâ editionibus ferebantur, publicaverint; sed &
singula Scripturæ sacra loca, quorum index hætenus desidera-
tus fuerat, his religiose adjecerunt. Demiror viros alioqui eru-
ditos, hisce minutis lectionum detineri; ad eas verò lectionum
diversitates, quæ jam ante Doctorum Tiberiensium tempora,
codices sacros occupârunt, & sunt maximi momenti, segnes
admodum se præbere. Quodque adhuc pejus videtur esse,
illi in veterum scriptorum libris minimè exercitati; sed earum
tantum, quas modò retulimus, varietatum exemplis assueti,
miram esse codicum Hebraicorum inter se concordiam pro-
nunciant. Subjici quoque hic possent diversitates illæ; quæ Ju-
dæos inter בני ישראל Occidentales & Orientales exstant,
sed ut editæ sunt ac paucissimæ, quæ alicujus sint momenti,
ne variantium scripturarum amplificator esse videar, parcam illis
recensendis, maxime cum jam illarum series ad calcem Bibli-
orum Basileensium edita fuerit. Ex his tamen confici potest
exemplaria Hebræica non ita perfectè in omnibus consentire
inter se, ut nihil omnino sit discordiæ, sicuti Judæis plerisque
& eorum sequacibus inter Christianos Hebraïstis visum fuit;
quandoquidem eammodi lectionum aliquot, licet pauciores, di-
versum pariant sensum.

Diversæ lectio-
nes apud
Rabbinos.

B. Jacob.
Hajim præf.
in Mat. magn.
Buxtorf. in
Anticr.

Jam ad Magistrorum veniamus testimonia, quæ eandem de
scripturis variantibus sententiam confirmant. Non desunt apud
Talmudicos Doctores diversarum lectionum exempla ab editis,
seu Masorethicis codicibus, quarum nonnullas profert R. Ja-
cob Hajim, easque haud invitas agnoscit Buxtorfius, Masore-
thici Codicis defensor pugnacissimus, etsi pauculas agnoscat,
easque nullius ferè momenti, quæ sensus veritati sæpius non
officiant; cum in dictionibus plenè vel defectivè, uti loquan-
tur scribendis, partem maximam versentur. Verùm ex pau-
culis illis, quas in exemplum affert R. Jacob Hajim, demon-
strari potest etiam aliquos reperiri, quæ mutant Scripturæ sen-
sum. Diximus tamen frustra quærì, in Talmudico opere nunc
edito,

edito, diversas illas lectiones, quæ olim ex eo facilius colligi poterant; quandoquidem inde jam à pluribus sæculis Judæi libros omnes, etiam manuscriptos Bibliorum codices ad Masorethicos reformare non dubitarent, ut inter legendum hosce libros sæpius deprehendi. Cavendum autem est, ne ista loquendi formula, quam frequenter in Talmudē usurpant, *ne legas sic sed sic*, ad lectionum varietatem trahantur; lusus est enim allegoricus illis Doctoribus admodum familiaris, qui servatā dictionum, ut ita loquar, substantiā diversos unitus ejusdemque vocis legendæ modos pueriliter commenti sunt. Siquis otio abundans in ea Scripturæ loca, quæ in opere Talmudico exstant, voluerit animadvertere, necesse non est ut immensā illa volumina, quæ paucissimis pervia sunt, evolvat: habemus enim tabellam cui nomen ספר תורת אהרן in quā Scripturæ sacræ loca, quæ laudantur in Talmudicis, exstant suo ordine digesta, indicatis etiam locis ac paginā ubi reperiuntur in Talmude. Sed ex isto labore improbo quid utilitatis percipi queat vix assequi possum, nisi ad pervetustos Talmudis codices, qui impuras Judæorum Criticastrosum manus effugerint, posset recurri.

Longè plura ejusmodi varietatum exempla reperiuntur in Judæorum recentioris ævi libris, etsi lectionis Masorethicæ vindices acerrimos se præbeant. Itā R. David Kimchi non itā religiosè rodicibus Masorethicis adhæret, quin eos interdum relinquat: quā ratione expendens verba illa Ezechielis Prophetæ מִקְדָּשׁ סֶטֶר hæc observat, *nomen mikdash notatur vocali Pathach sub Daleth, quā construitur cum dictione meath: neque enim meath est nomen adjectivum sed substantivum, ut reperi in quibusdam exemplaribus correctis. In aliquibus vero reperi Cametz, & hoc modo eris adjectivum. Ubi in hodiernis exemplaribus legitur, repleta est terra דָּם sanguine, habuit ipse in suo codice חַס iniquitate; aliam tamen lectionem in quibusdam exemplaribus correctis exstare animadvertit. De vocabulo elgavis, quod legitur ejusdem Ezechielis capite xiii. itā loquitur: lapides elgavis sunt lapides grandinis similes gavis, quia in quibusdam libris correctis duæ sunt dictiones; in quibusdam verò elgavis una est dicitio. Sed frustra his diutius detineor, cum nihil frequentius occurrat in Magistri illius Dictionario & Commentariis in Scripturam*

R. David
Kimchi comment.
in cap.
11. Ezech.

quàm loquutiones istae, in libro correcto, in libris aliquot correctis, & similes. Longè adhuc frequentiores occurrunt in Commentariis R. Aben Melech, qui testatur se opus suum ex libris R. Judæ, Jonæ, Aben Esræ, Kimchii & aliorum Grammaticorum compilasse. Is ad caput xxiv. ejusdem Prophetæ Ezechielis ista, post R. D. Kimchi, observat de voce הִרְקִי quæ in editis, seu Masorethicis, exemplaribus legitur cum vocali *Pathach* sub literâ *He*: *harkach* est infinitivum vel imperativum conjugationis *Hiphil*. R. Jona scribit se reperisse in libro Hierosolymitano dictionem illam notatam *Camez* sub *He*, & hoc modo erit infinitivum conjugationis *Hophal*. Scribit quoque se eandem dictionem offendisse in codice Babylónico notatam *Pathach*, & testatur R. D. Kimchi se hæc quoque ratione scriptam invenisse in libris correctis.

Aben Melech
ad cap. 24.
Ezech. v. 10.

Isai. cap. 6.

Ex hæc lectionis diversitate illustrari possunt verba illa Isaiæ הוֹחַ לְבַי הָעָם לִי וְהָיִיתִי לָהֶם כְּאֶבֶן יְסֹוד, quæ aliter LXX. Interpretes, aliter Hieronymus translulere: illi enim legerunt הָיִיתִי quasi esset *Camez* sub literâ *He*, & hæc ratione interpretati sunt, *ἐπεσυνδύμην ὡς ἰσθμὸς*, *incrassatum est enim cor populi hujus*. Hos sequuti sunt novi Testamenti Scriptores. Hieronymus verò, quia lectioni Judæorum ætatis suæ addictus fuit, eadem verba ita convertit; *excæca cor populi hujus*: & querit anxius cùm Paulus in novo Testamento, non juxta Hebraicum quod rectum esse noverat, sed juxta LXX sit locutus. Quà in re lectionis quam à Magistris suis hauserat tenaciorem se ostendit. Diversæ enim loci illius expositiones facili negotio conciliari poterant, & eodem planè modo quo suprà Kimchius & alii Magistri diversas verbi הִרְקִי interpretationes ad lectionis diversitatem reulerunt. Legerunt quippe LXX Interpretes *hoshman*, in *Hophal*, Hieronymus autem *hoshman*, in imperativo conjugationis *Hiphil*.

Hier. ad cap.
6. Isai.

Complura etiàm hæc possem conjungere ex R. Aben Esræ, cognomento apud Judæos Sapientis, operibus: qui ut erat rei Criticæ peritus, ita ab ætatis suæ codicibus & lectionibus Masoretharum noluit totus dependere; sed ad sensum potius quàm codicis sui literas sæpè animum advertit. Quà ratione, ut alia taceam, literas *Aleph*, *Vau*, *Jod*, quas vulgò lectionis matres appellant, suntque veræ ac priscae linguæ Hebraicæ vocales, pro Scribarum arbitratu modò omisissas, modò additas existimat.

Aben Esr.
præf. Com-
ment. in Leg.

Mirum

Mirum tamen est quàm sedulò literæ istæ à viris Tiberiensibus observatæ fuerint, quotiès nimirum adesse & abesse debeant. Nòn enim putavit doctissimus ille Magister decretis Masoretharum & eorum exemplaribus ità religiosè standum esse, ut ab his discedere nefas fuerit. Undè sub finem libri sui *Jesed Mora*, hæc scribit; nullatenus autem necesse est observare ejusmodi literas *Jod, He, Van, Aleph* in se invicem permutata modo addi modo detrahi &c. Quare passim in suis Commentariis nòn tam ad scriptio- nis modum attendit, quàm ad rationem sensus. Quo pacto Com- mentario in Psalmum v. verbum נִסִּי scriptum per literas *Samech* & *He*, idem esse putat atque נִסִּי scriptum per *Sin* & *Aleph*. Nòn abs re fuerit, inquit, ibi *He* idem esse atque *Aleph*, & *Samech* idem ac *Sin*. Similiter explanans caput ii. Joëlis, post- quàm animadvertit nomen פִּנְיוֹר venire ex radice פִּנָּה orna- vit, mòx observat, R. Japhetum derivare idem vocabulum ex alià radice; quasi litera *Aleph* ex illarum numero esset quæ abundant, uti loquuntur Masorethæ, suntque inutiles, & quasi legendum esset פִּנְיוֹר absque *Aleph*: Et esse פִּנְיוֹר seu sig- nificare nigrorem. Quo sensu à plerisque interpretum dictio ista vulgò sumitur, & hanc etiàm lectionem confirmat Judæus qui Masoram compilavit, adjectâ ad contextûs Hebræi margi- nem istâ animadversione; hæc dictio ex earum numero est, quæ scribuntur in medio per *Aleph* & nòn legitur.

Id. in lib. Jcf.
Mora.

Id. ad Psal. 4.

Demùm nòn defuisse videntur etiàm apud Judæos viri Critici qui in notandis diversorum codicum lectionibus om- nem operam suam collocârunt: inter quos principem locum obtinent R. Menahem de Lonzano in opere cui nomen fecit, *Schethe Jadoth*, & auctor cujusdam libelli qui inscribitur *Minchath Cohen*: ille universum opus suum in duas partes distribuit, & unaquæque pars, sive manus, digitos quinque complectitur, quorum primus scripturas variantes, quas in diversis Legis Mo- saicæ codicibus MSS. potuit deprehendere, illustrat ope decem exemplarium manu exaratorum, quæ inde jam à 15 aut 16 annis descripta existimat, eaque confert cum secundâ editione Bombergi in folio, quæ omnium accuratissima est: hujusque dictiones omnes, literas, puncta & accentus minutè considerat. Manuscriptos etiàm operis Masorethici codices & alios similes vocat in auxilium. Verùm labor iste improbus niniâque illa

diligentia R. Menahem non aliò tendit quàm ut demonstret variantes illas Scripturæ lectiones, quæ in diversis Bibliorum exemplaribus reperiuntur, ad Masoram tanquàm ad certam legendi scribendique rationem exigi debere. Idem sentit auctor libelli *Minchath Cohen*, qui de vocibus plenè vel defectivè, uti loquuntur, scribendis acutè differit: studetque diversas lectiones, ope imprimis Masoræ & librorum correctorum primæ, ut putat, sinceritati restituere. Necessariò itaque examinandi sunt codices illi Masorethici quorum sinceritatem tam miris laudibus exornant Judæi; utrum videlicet adeò puri & castigati sint, ut ab his tantillum discedere sit religio.

C A P. IV.

De editis, quæ Masorethica sunt, Hebræi contextûs exemplaribus. De Masoretharum arte. Illius origo. Quid de illâ sentiendum.

De hodiernis
Bibliorum
exemplari-
bus.

NON alia sunt hodiernis temporibus contextûs Bibliçi exemplaria quàm illa quæ vulgò Masorethica appellantur. Non enim alia indè jam à pluribus sæculis Judæi agnoscunt, eaque ab his ad Christianos pervenerunt. Undè orta est maxima illa quæ inter tot codices diversorum locorum & temporum reperitur consensus; si pauca eaque minuta excipias, quorum etiàm pleraque Scribarum oscitantium potius sunt *opda pata*, quàm variæ lectiones. Quî autem aliter fieri poterat, quandoquidè Judæi qui opus Masorethicum veluti quid Divinum respiciunt, codices Bibliorum manuscriptos ad illud reformare veriti non fuerint, erasis literis, dictionibus, imò & sententiis integris in MSS. exemplaribus, ut ità Masorethicis conformarentur? Hæc inter evolvendum Biblia manu exarata à CCCC. & D. annis sæpiusprehendere licuit: & hinc nata est

est hæud dubiè mira illa quæ inter Bibliorum codices editos reperitur concordia ; ad quæ dum non satis attendunt non modò Judæi, sed & inter Christianos viri eruditissimi, codicis Hebræi sinceritatem admirati nūmquàm illius amplificatores se ostendunt. Ità Arias Montanus liberè affirmat, ope Masoræ contextum Hebræum tantâ diligentia tantâque curâ conservatum fuisse, ut nullam vel minimam in variis exemplaribus discrepantiam admisisset vel à diligentissimo vel perspicacissimo alicujus ingenio & judicio deprehensus unquam fuerit. Similitèr Buxtorfius, vir in hoc studii genere diu multumque volutatus, Masoram quasi ad nos coelitus delapsam, præter modum his verbis prædicat : *hic quâ latissimè patens oriens & occidens uno ore, uno modo verbum Dei legitur. Hic omnium librorum qui vel in Asia, vel in Africâ, vel in Europâ sunt, sine ulla discrepantiâ cernitur. Non sic consigit ulli genti, cum nec Chaldeorum, nec Græcorum, nec Romanorum aliorumque populorum libris hanc felicitatem obtigisse videamus.*

Arias Mont. in appar.

Buxtorf. in Tiber.

Verùm egregius iste Masoretharum laudator ex præconceptâ Judæorum opinione, non autem ex rei veritate loquitur. Magistrorum illorum nugas, quia eorum libris se totum dederat, in Commentaria, quæ de Masorâ conscripsit, transfussisse videtur. Quâ ratione plerisque Theologos Protestantium, & eos præsertim qui septentrionem incolunt, ad suam, seu potius Judæorum, de contextûs Hebræi integritate sententiam, Rabbinorum testimoniis quasi obrutos, pertraxit. De isto opere longè aliud sentiunt, qui in veterum monumentis exercitati, maxime B. Hieronymi Commentariis, habent aliquid eruditionis Criticæ; nec ea statim pro veris arripiunt, quæ inter somniantium Judæi imperitè commenti sunt. Audiendus est potius hæc in re Elias Levita, qui solus inter Judæos Masoræ studio se applicuit, quàm turba Judæorum, qui illud penitus ignorârunt. Doctissimus autem Magister ille Munstero per litteras roganti, quinam essent viri isti Masorethæ, qui vulgò dicuntur Tiberienses, ità respondit sermone Judaico; *scribit R. Jonathan Judæos Tiberienses in linguâ sanctâ fuisse exercitatos, eamque elegantius ac nitidius ceteris Judæis pronunciare. Scribit quoque R. Aben Esra ex iis prodiisse auctores Masoræ, punctuationis & accentuum contra communem patrum nostrorum felicitis memoria sententiam, qui:*

Elias Lev. in epist. ad Sebast. Munst.

qui afferunt *Efram Scribam hoc ordinasse*. Ità quæ de Judæorum Tiberiensium eruditione ac peritiâ sermonis Hebraici refert Elias, cum iis, quæ jam de illis ab Origine, Epiphanio & Hieronymo scripta fuerant, consentiunt. Hic testatur se, ex Judæorum Tiberiensium Scholâ, Judæum Magistrum sibi accersivisse, cujus operâ in convertendis ex Hebræo in Latinum sermonem Chronicorum, seu Paralipomenon, libris usus fuerit. Sub finem etiâ Actionis v. Synodi Nicenæ II. fit mentio Doctoris cujusdam Judæi Tiberiensis, qui, imperante Leone Isaurico, auctor fuerit latæ sanctionis adversus Christianorum imagines. Undè liquet Judæorum Tiberiensium Scholam, quibus opus Masorethicum, seu exemplaris Biblici, quo nunc Judæi & Christiani utuntur, castigatio tribuitur, celeberrimam fuisse patrum nostrorum ætate, multumque auctoritatis, præsertim apud Judæos, obtinuisse: ex quo postea factum fuerit, ut illorum animadversiones Criticæ in diversa, quæ tunc circumferebantur, Bibliorum exemplaria, facilius à reliquâ Judæorum natione receptæ fuerint.

Nugæ sunt igitur, & Judæorum febricitantium deliramenta, quæ illorum plerique, iisque ducibus Christiani nonnulli, de Masoræ suæ origine & antiquitate effutiunt: quasi Moses ipse ex parte auctor illius fuerit, & ex parte Esdras cum Synedrii Senatoribus. Masoram longè post Græcos Interpretes & B. Hieronymum, qui usus Magistris Tiberiensibus, nusquam tamen illius meminit, inventam fuisse res ipsa declarat. Fuere apud Judæos, sicut & apud reliquas nationes, viri Critici, qui linguam suam excoluerint, librósque suos artis Criticæ beneficio & ope codicum manuscriptorum correxerint. Variantes quas interdum Critici illi observant scripturæ, quasque ad oram codicis Hebræi retulerunt, diversa ab ipsis recognita fuisse Bibliorum manuscriptorum exemplaria manifestè evincunt. Quid autem hæc in re Divini fingi potest? Quidque in libris Græcis & Latinis, successu longè feliciori, præstitum non fuerit? Verùm Judæi, quos ad superstitionem potius quàm religionem natos videmus, quia artis Criticæ, quæ à Græcis Latinisque hominibus probè excolta fuit, penitus rudes, opinionum monstra commenti sunt, quæ avidius postea Christiani nonnulli amplexati fuisse videntur. Elias Levita, qui Romæ, Venetiis & in aliis Italiæ partibus

partibus virorum eruditorum consuetudine usus fuerat, neglectâ patrum suorum traditione, non aliud de Judæorum quàm de Græcis Latinisque libris judicium ferendum esse rectè animadvertit: opinionisque suæ sequaces habuit, inter Christianos, eos omnes quibus aliqua fuit linguæ Græcæ & Latine ac rei Criticæ cognitio. Cautè tamen legendos arbitror Ludovici Cappelli & Joannis Morini libros, qui dùm plus æquo Judæis & Hebræistis, in æstu disputationis, se præbent inferos, quid in Masorâ utile, quidve inutile esset, non satis assequuntur: quasi hæc eo solum nomine rejicienda esset, quia à Judæis nobis communicata fuit. Sed hoc ipso nomine accipienda esse videtur, quòd à viris linguæ suæ peritis & in codicibus MSS. exercitatis ad nos pervenerit. Undè enim melius lectionem Hebræicæ traditio sumi potuit quàm ab illis qui hanc lectionem in Synagogis & Scholis suis retinuerunt? Traditionis tamen illius decretis, quia humana est, adeoque erroribus obnoxia, non ita firmitèr adharendum est, ut ab eâ nefas sit recedere; sed recipienda ut castigata Bibliorum censio, quæ à celeberrimâ Scholæ Doctorem profecta fuit.

Masoretharum numerum vix recenseri posse affirmat Elias Levita, &, ut loquitur, *cementi fuere & mileni sibi invicem intra multos annos succedentes, neque compertum habetur tempus quo opus suum aggressi sunt & absolverunt*; definitum videlicet: quia constanter affirmat hanc Talmude posteriorem esse, illiusque refert initium ad annum Christi 1061 imò natam illam esse crediderim post annum 1000. & ab Arabibus sumptam, quibus Judæi id omne quod habent rei Grammaticæ & Criticæ acceptum referunt. Habent illi Alcorani sui Masoram, Judaicæ haud absimilem; numeratis libri illius literis, vocibus & versibus, & hæc à Græcis Latinisque libris, quos in sermonem suum transfuderunt, mutuati fuisse videntur. Primum quidè Masoram seorsum à Magistris Tiberiensibus in codices speciales quos intra privatos Scholæ parietes discipulis suis prælegebant, relatum fuisse crediderim. Initio enim puncta vocalia & alias Masorethici artificii notas, illos in contextum Hebræum invehere non ausos fuisse, ex eo licet suspicari, quòd puncta vocalia, accentus & pleræque illarum notarum, necdum etiâ ætate nostrâ in codices MSS. qui publico Syna-

Elias Levita
in Masor.
Hammamor.

goga-

gogorum usui interserviunt, irrepperint. Probatissima quoque exemplaria MSS. quæ privatorum fuere hominum, puncta vocalia & alia similia non habuisse ex illorum lectione animadverti; verum postea à Judæis Criticis adjecta sunt. Deinde autem Scribæ, cognita punctorum & accentuum utilitate, ad lectionem & distinctionem contextus Hebræi, illa huic addere non dubitarunt, quod legendo contextui multum afferrent commodi. Eodem modo ex notis Masorethicis, quæ tamen in immensum excreverant, selectiores quasdam, vel potius illas solum, quæ in seperatis Masoræ libris continebantur, ad codicum quos describebant marginem, confusè sapius retulerunt; quas in plerisque Judaicorum Bibliorum exemplaribus MSS. videre est: sed longè melius in Bibliis Venetis ii. & iii. editionis, quas ex variis libris collectas primus publicavit R. Jacob Ben Haim, qui dispersas Masoræ partes in eam, quæ nunc scripta apparet, formam redegit. Undè ad ea Biblia, quæ Basileæ edi curavit Buxtorfius, postea translata est.

Jam quis ex his, quæ modò allata sunt, confici posse existimet, Judæos ope istius Masoræ seu Criticæ, codices suos ab omni prorsus mendâ integros conservasse: cum Critici illi, qui ætatis suæ exemplaribus manum medicam adhibuerunt, neque Prophetæ fuerint, neque spiritu sancto afflati; sed homines, qui celeberrimæ Academiæ Rectores universum Scripturæ sacre contextum ad prisca illius exemplaria pro muneris sui parte recognovère, eadem fermè ratione, quâ B. Augustini opera à Doctoribus Lovaniensibus recognita sunt. Masorethicum laborem ritè comparaverimus Lucæ Brugenfis labori circa Latinum Interpretem. Ille siquidem postquam Latina editio jussu & auctoritate Sixti V. & Clementis VIII. Summorum Pontificum, à viris rei Criticæ peritis ad pervetustos & bonæ notæ codices expensa fuit à pluribus mendis repurgata, Correctiones istas in unum volumen conjecit, nè in posterum Biblia Latina cum suis mendis in publicum ederentur. Nemo autem paulò cordatior dixerit Vulgatam illam editionem ab omni prorsus errore liberam esse; cum Baronius, Bellarminus, Lucas Brugenfis, & alii, quorum nonnulli huic correctioni præfuerunt, non diffiteantur multa adhuc in eâ superesse, quæ castigari ac reformari debeant. Laudant quidè Judæorum Magistri in hoc Masore-

Masoretharum diligentiam & industriam, quòd contextus Bibli-
lici literas, dictiones & versus magno studio & labore impro-
bo recognoverint, nè postea fieri ille contextus ulli errori esset
obnoxius. At quis inde probari putet codices sacros formae
antiquae restitutos fuisse? Potuerunt quidem Magistri Tiberi-
enses numerare literas, voces & versus codicum aetatis suae; ve-
rùm illi codices apographi tantum erant, non verò autographi
& primigenii. Illos linguae Hebraicae peritissimos fuisse, atque
castigatissima Bibliorum exemplaria undique conquisita ad
Criticae suae opus adhibuisse, facile concesserim. Sed curta ni-
mis adhuc illis fuit supellex, cum nec ad Gracos Interpretes,
neque ad Latinum, qui in condendis suis translationibus, codici-
bus à Masorethicis discrepantibus usi sunt, recurrere potuerint.
Iterum pro Masoretharum fautoribus pugnat ipsa traditio, ut
ipsum Masorae nomen sonat, quasi lectionem contextus He-
braei, inde jam à pluribus seculis usu receptam, fecerint cer-
tam & indubitatam, punctorum aliarumque notarum bene-
ficio. Pugnat etiam pro hodierna Judaeorum Masorà & editis
Bibliorum exemplaribus secta Carræorum, qui, licet plerasque
Judaeorum traditiones ut anilia commenta respuant, contex-
tum tamen Biblicum eodem modo, quo fuit à Masorethis
Tiberiensibus recognitus, haud invita recipiunt cum punctis
vocalibus, accentibus & aliis artis Masorethicae notis.

Verum ista & alia ejusdem rationis plurima, quae pro Ma-
sorae & hodierni Bibliorum contextus defensione afferri pos-
sent, probant quidem Bibliorum codices à Judaeis Tiberiensibus
recognitos spernendos non esse, quia correctio ista au-
ctores habet viros linguae suae peritos, qui modum legendi
Hebraei contextus, non pro suo arbitratu, sed pro recepta tra-
ditione, arte sua determinaverint. Inde tamen nemo confici-
at, alia omnia Bibliorum exemplaria recognoscenda esse, &
castiganda ad illam Masoretharum recensionem, uti Judaeorum
plerique pertinaciter contendunt. Graeci enim Interpretes
& Hieronymus suam quoque legendi Hebraei contextus Ma-
soram, seu traditionem, habuere: qui tamen haud infrequen-
ter à lectione Masoretharum alieni sunt. Et, quod animad-
versione dignum, doctissimi Judaeorum Magistri, RR. Juda,
Jona, Aben Esra, Kimchi & alii non pauci, dum Scripturam

Commentariis suis illustrant, lectionis Masorethicae non adeo tenaces esse videntur, quin illam interdum corrigant, laudentque alia exemplaria MSS. quae vocant correctae, etiam ubi à Masorethicis discrepant. Itaque sicut illos, qui Judaeis infensiores illorum codicibus plus æquo detrahunt, minimè audiendos esse censeo; ita neque etiam omnino audiendi sunt illi, qui opus Masorethicum demirantur, & ut Divinum suspiciunt: hi enim superstitionis Judaicae fautores rei Criticae imperitos se ostendunt. Non ideo contemnenda est hodierna, seu Masorethica, contextus Bibliorum lectio, quod Prophetas, vel homines Spiritu Sancto afflatos, auctores non habeat; simili enim ratione libri plerarumque nationum Orientalium rejiciuntur, quia eadem est prorsus ratio Chaldaicae, Syriacae & Arabicae linguarum atque Hebraicae. Illarum nulla cum punctis istis vocalibus, quae lectionem intra quosdam limites finiunt, nata est; sed hæc à viris Criticis inventa sunt, quod absque illorum ope librorum suorum lectio parum constans, in diversas partes trahi posset. Hæc arte famosi illius Impostoris sectatores, Corani sui lectionem, quae antea dubia & incerta videbatur, certam fecerunt: & ab his verisimile est Judæorum Magistros sumpsisse puncta illa & alia nonnulla, quae in Hebræos codices invexere, ut faciliior & paratior esset illorum lectio.

C A P. V.

Masoræ partes ad codices manuscriptos expenduntur & illustrantur. Vera Masoræ origo.

Occupatur labor Masorethicus circa numerationem versuum, vocum & literarum contextus Hebraei: ut hæc arte notatis quæ in his erant varietatibus, certa lectio & constans in posterum conservaretur, liberque esset codex facer ab omni prorsus mutatione. Numeratos fuisse à Masorethis versus ac dicti-

ditiones, nemo in dubium vocat. De literis autem major est difficultas, cum R. Jacob Ben Hajim, Elias Levita ac Buxtorfius, qui singulas Masoræ partes summâ diligentia evolverunt, hanc illius partem negent unquam publici juris factam fuisse: quorum auctoritate adductus Morinus, illud nunquam a Masorethis præstitum fuisse asseverat: idque eo videtur probabilius, quod illa, quæ à nonnullis publicata est, literarum contextus Hebræi numeratio, à veritate longius recedat. Illarum tamen jam ante vulgatum Talmudem factam fuisse à Judæis recensitionem probant ea, quæ adduci solent ex Tractatibus Kidduschin & Sedarum, ubi habetur literam *Van* dictionis נון Levit. xi. xlii. mediam esse Legis literam. Partem tamen istam Masoræ etiâ à Masorethis neglectam non fuisse existimo: eam siquidem inter evolvendum codices Bibliorum MSS. deprehendi ad calcem exemplaris indè jam à CCCC. ferme annis exarati, ubi inter plura Masoræ excerpta, quæ codex ille exhibet, exstat literarum recensio quam, iisdem planè verbis, quibus concepta habetur, hîc subijciam; ut judicent Critici an illa sit accurata. *Libri Geneseos sectiones, quæ appellantur parschoth, numerantur 12. quæ appellantur sedarim 43. versus 1534. voces 20713. litera 78100. dimidium exstat in his verbis ועל חרבך תחיה* puncta verò sunt quinque, &c. *Exodi parschoth numerantur 11. sedarim 33. versus 1209. voces 16513. litera, 63467. dimidium est in his vocibus, ארחים לאחקל. Levitici parschoth sunt 10. sedarim 25. versus 859. voces 11902. litera 44989. dimidium in his הוה בבשר ויהונתן. Numerorum parschoth 10. sedarim 33. versus 1388. voces 16707. litera 62529. dimidium אשר אבחר. Deuteronomii parschoth 10. sedarim 30. versus 9055. voces 16394. litera 54892. dimidium ועשית טל פי הרבר. Numerum literarum aliarum contextus Biblici partium non representant excerpta ista Masorethica. Si hæc literarum Legis Mosaicæ numeratio comparetur cum illa, quæ in Bibliis Venetis & Basileensibus edita est, hanc mendacissimam esse faciliè deprehendemus; quandoquidem in libro Geneseos literas tantum 4395. exhibet; prior verò catalogus, quem ex codice MSS. produximus, 78100. recenset, adeoque minùs à veritate alienus esse videtur. Quâ autem ratione tam improba Judæorum Masoretharum diligentia in numerandis contextus Biblici literis, *Legis sepimentum* appellari possit,*

fit, cujus beneficio ab omni prorsus mendâ & corruptione integra servata fuerit, vix assequor: cum illi, qui tam anxio labore defuncti sunt, non alias quàm codicum suorum literas dinumeraverint, quos nemo sapiens incorruptos fuisse & ipsi autographo æquandos esse existimaverit. Deindè, ut rectè animadvertit Aben Esra, literæ *Ehevi*, seu *Aleph*, *He*, *Van* & *Jod*, sæpius adsunt & absunt pro Librariorum, qui codices exarant, varietate. Nemo sanè, paulo cordatior ac rei Criticæ peritus, ex eo solùm quòd Masora vocem hanc, vel toties plenam, vel deficientem observet, statim exemplaria Biblica, quæ aliud præ se ferunt, tanquàm minùs bona, improbaverit: verùm lectionem utramque veluti probabilem amplexatus, nihil prorsus in re tam incertâ definit; doctus scilicèt Septuaginta Interpretum, Aquilæ, Symmachi, Theodotionis, necnò B. Hieronymi exemplis, qui in suis translationibus, neque cum Masoretharum codicibus, neque inter se haud infrequentèr consentiunt. Gravissimè igitur allucinantur Judæi, & eorum sequaces Masoricolæ, qui ex nudâ literarum dictionumque numeratione factâ à Magistris Tiberiensibus colligi posse arbitrantur codicem sacrum primæ formæ restitutum fuisse, & loco authentici ac primigenii exemplaris habendum. Quo nihil insulsius fingi potuit, maximè post tam longam annorum seriem, quibus lingua Hebraica veluti sepulta fuit, & Judæorum traditio intermortua, saltèm admodum interrupta: Quapropter Masorethas, qui tam anxie literas & dictiones contextus Hebræi numeraverunt, rectè comparavit sapiens Aben Esra iis qui numerarent folia & paginas libri qui rem medicam pertractat: quæ numeratio nihil prorsus ad ægroti sanitatem conferre potest.

De versuum distinctione quæ in editis, seu Masorethicis, exemplaribus apparet, idem omninò sentiendum arbitror, quod de literarum & dictionum numeratione. Hujus siquidem recensionis auctores non alias quàm Criticæ leges secuti sunt, in distinguendis hisce versibus, pro more Grammaticorum. Tamen si Talmudistas audiamus, *quilibet versus quem Moser non distinguit, nos non distinguimus*. Sed si hæc à Mose recepta est traditio, cur in hac Masorethæ cum Talmudistis in omnibus non consentiunt? Cur etiàm traditionem illam, cujus Moses auctor fingitur, Judæis, qui Græcorum Interpretum & Hieronymi ætate vixerunt,

vixerunt, cognita non fuit? Hi siquidem in multis à Maforethis discrepant. Uno eodémque tenore & quasi verbum unicum, ut bene annotavit Elias Levita, sacri codicis contextum descriptum fuisse priscis temporibus, norunt qui callent artem Criticam: sicut & olim Græcorum Latinorumque hominum libri. Hanc fuisse veterum librorum formam universa testatur Criticorum familia. Et his verbis Commentarios suos in Iliada exorditur Eustathius. *Unum quoddam corpus fuit omnino continuum ac bene compactum Iliadis poësis. Illam autem concinnârunt Grammatici ex jussu, ut aiunt, Pisistrati Atheniensium Regis, & pro suo arbitratu adaptârunt: quorum coryphæus Aristarchus, & post eum Zenodotus. Quia opus illud prolixum erat & intricatum, adeoque fastidium pariebat, illud in plura partiti sunt. Quas sectiones noluerunt appellare primum librum & secundum ac tertium & deinceps, sicuti fecit Quintus in Homericâ continuatione: sed, quoniam compositio abunde sufficiebat pluribus sectionibus, conveniens ipsis visum est appellare Tomos nominibus XXIV elementorum, &c.* Laudat Allatius Comatam nescio quem, qui Homerici operis sententias, antea nullâ distinctione subdivisas, distinxerit atque interpunxerit, ut ex his versibus videre est.

Eustath. in
Iliad. Homer.

Εὐρὺν Κομάτας τὰς Ὀμηρεῖας βίβλους
Ἐφθαλμώδεις, καὶ ὁδωμῶς ἐγγυμώδεις
Στῆξας διασπείλδου ταύτας ἐν πύχραις,
τὴν σαπείαν ῥήξας μὲν ὡς ἀργεντίας.
Ἐν ᾧ δὲ οἱ χερσὶντες καὶ ἐσφαλμώδεις
Μαθητῶν ὡς τοῖα μαθαίνεν.

Apud Leon.
Allat. anti-
madv. in An-
tiqu. Etrusc.

Cernens Comatas hos Homericos libros
jam putrientes, nullibi & scriptos notos,
Punctis notatos ordinans, rectos dedit:
Marcoris ipsas abscidit putredines:
Ex quo periti non errantibus viis,
Discant quod est par discere.

Ex versione
Joan. Argoli.

Antiquitus etiâ versus in Poëtarum libris nullâ erant notâ distincti & à se invicem discreti, quales hodiè in editis exemplaribus apparent: cum etiâ nunc Grammatici vix queant fecernere singulos.

singulos versus Odarum Pindari. Verùm quid plura moror? Nihil est omninò causæ, cur libri Judaici meliorem in hac parte sortem nacti fuerint, quàm Græca novi Testamenti exemplaria, quæ constat nuperrimè in versus distincta fuisse: qui nòn modò nòn exstant in codicibus MSS. sed & nihil eorum planè apparet in multis illorum editionibus, quæ manuscripta exemplaria, à quibus sumptæ sunt, repræsentant. Verùm quidèm est jam inde ab Esdræ temporibus versus Legis inter legendum fuisse distinctos; sed eos nòn idcirco distinxere Librarii in exarandis suis codicibus, uti postea à Criticis Tiberiensibus præstitum fuit: quorum legibus nòn magis teneri debent Judæi, quàm nos Sedis Apostolicæ decretis, quæ post correctam Latini Interpretis editionem, statuit nè in posteram ulla editio Latina typis mandaretur, nisi esset ad formam Vaticanæ exemplaris recognita. Quam constitutionem bono pacis & concordie latam fuisse constat: huicque, quantum possunt, adherent in explicando Latino Interprete, qui Romanæ Ecclesiæ nomen dederunt, siquid iis inest prudentiæ, servatis etiàm punctorum, virgularum aliarumque distinctionum notationibus, quas præ se fert illa editio. His tamen nòn obstantibus, siquando animadverterint meliorem ex aliâ distinctione, commodioremque sensum fieri; hanc vulgatæ distinctioni præferre nòn verentur, in suis Commentariis. Quâ in re, etiàm cum viris Catholicis bellè consentiunt Judæi explanatores: qui nòn ita à distinctionibus Masoretharum dependent, ut ab iis discedere sit ipsis religio, ubi receptæ distinctiones contextûs Hebræi sensum nòn ita commodum pariunt. Quibus omnibus addi possunt diversa Bibliorum manuscriptorum exemplaria, quæ & à se invicem & à Masorethicis hac in parte interdum differunt.

Est & aliud versuum genus, cujus mentionem fecisse nòn videntur illi qui hoc argumentum pertractarunt: ex quo tamen laborem Masoretharum suam duxisse originem crediderim. Hos Græci *στίχες* (Latine lineas dixerimus) appellarunt. Versus autem quilibet certo quodam dictionum numero comprehendebantur. Solebant autem librorum auctores ad calcem operum suorum numerum versuum, qui in his continebantur, adscribere: ut hac arte ab additamentis vel diminutionibus, quæ in eos intrudi poterant, se liberarent, ut ipsis videbatur. Ità Dionysius

Antiquus distinctionis
versuum usus
quinam fuerit.

genes Laertius magnitudinem vel parvitatem librorum, quos in Historia suâ laudat, aperit notatis versibus quibus illi constabant. Eodem modo B. Hieronymus volumina ab Origene composita indicat: neque aliter intelligenda sunt ejusdem Hieronymi verba, cum asserit septingentos aut octingentos versus deesse. In Jobi libro, secundum antiquam Latini Interpretis editionem, notantur quoque ejusmodi versus haud infrequenter in fine codicum Samaritanorum, Syriacorum & Arabicorum: ita ut credibile sit Judæos primum hanc methodum ab Arabibus, & hos à Græcis desumpsisse, quam postea subtiles illi Magistri pro ingenio suo amplificaverint. Alios tamen versus in contextu Biblico distinguere necesse ipsis fuit, ob lectionem Legis in Synagogis; hosque claudere non quidem juxta dictionum & literarum numerum, sed ratione sensus: quia ex eo tempore, quo lingua Hebræa non amplius fuit Judæis domestica, Legem absque interprete, qui eam in sermonem vernaculum converteret, minime legebant. Interpres verò, uti jam supra observatum fuit, versum duntaxat unicum, hæc in re prælectorem sequutus, in linguam patriam transferebat; deinde alium, & sic deinceps: ita ut lectionem suam in multos versus partiretur. Non alia sanè fingi potest origo versuum illorum qui à Tiberiensibus Magistris in contextu sacro notati sunt, quosque nunc exhibent editi codices. Alios tamen versus iisdem Tiberiensibus cognitos fuisse inde probari potest, quod interdum voces ac literas, quibus versus consent, recensent.

Tertiam versuum speciem agnoscunt Critici, quæ etiam Doctores Tiberiadis Maforæ auctores fugisse non videtur. Vocabulum *ספרי*, quod Græci sumpserunt ex re Militari, non modò lineam denotat, sed & certum quemdam linearem, adeoque versuum, ordinem: quo sensu aliàs Hesychius librum composuit sub hoc nomine, *Σπρις ἐν 13' αὐτοῦτον*, *Distinctio xii. Prophetarum*. Cui vocabulo respondet dictio *Sita* in Mafora: & ex eodem etiam fonte videntur promanasse *Sedarim*, seu ordines in eadem Maforâ; ubi idem planè significat atque vox Græca *σπρις*. Quas distinctiones & subdistinctiones inventas fuisse, ut *spiritus*, longâ dictione fatigatus, vires suas per spatia decreta resumet, rectè animadvertit: Cassiodorus. Ejusdem quoque naturæ erant

Diog. Laert. in
Vit. Philol.

Alia versuum
species.

Cassiod. de
Divin. Lecti-
on.

erant distinctiones illæ, quas Græci *καράλαια*, Latini Capitula vocabant: differebantque ab iis, quæ modò Capita appellamus. Ista siquidè *καράλαια* totum librorum contextum in minores sectiones partiebantur: eaque veluti Summaria in illorum fronte adiciebantur. Hæc videre est in novo Testamento Græcè edito Venetiis, anno MDXXXVIII. & in Græcâ ejusdem libri editione à Roberto Stephano typis perquam elegantibus accurata, quam ex MSS. codicibus, qui in Bibliothecâ Regis Christianissimi asservabantur, descripserat. Si hæc & alia similia, quæ nunc fileo, pensculatiùs considerassent viri Critici, qui in artis Masorethicæ originem animadverterunt, non tantum operæ ac temporis in refellendis Judæorum portentis, quibus nihil est nisi Divinum & à Mose vel ab Esdrâ acceptum, consumpsissent.

His denique nonnulla subjungam de notis, quas Judæi Masorethæ *תחתים*, Latini accentus vocant: & hæc distinguendis colis & commatibus Hebræi contextûs inserviunt; eadem prorsus ratione atque apud Græcos & Latinos puncta & virgulæ. In hoc tamen Judæorum Magistri tum Græcos tum Latinos videntur superasse, quòd non solum notas accentuum quæ sententias illarumque membra distinguerent, invenerint; sed & alios accentus excogitarunt qui sermonis continui essent indicia: quasi illud quod non distinguitur continuum non esset. Ejusmodi autem accentuum originem sumunt etiã ab ipso Esdrâ; sed quàm inanitèr, ex iis, quæ hætenùs de aliis distinctionum speciebus allata sunt, nemo non judicabit. Illi enim non alios auctores habent quam Magistros Tiberienses, qui hæc in parte Grammaticorum munus exsecuti sunt: neque adeò pertinaces in illis observandis se præbent Judæi, ut ab iis discedere sit ipsis religio, maximè ubi alia distinctio sensum præ se fert meliorem. Ità Aben Esra meminit doctissimi cujusdam Magistri, nomine Mosis Cohen, qui, in distinguendis contextûs Biblici sententiis, ejusmodi Masoretharum notas non admodum curaverit. De his tamen idem sentiendum existimo, quod olim sentiebat Cassiodorus de punctis, qui Latini Interpretis editioni adjecta fuerant à viris Criticis. *Ista siquidè positura, inquit Cassiodorus, seu puncta, quasi quadam via sunt sensuum & luminis dictionum.* Illos autem delirare cum Judæis necesse est, qui ejusmodi contextûs Hebræi inter-

Aben Esra in
lib. Tschuth.

Cassiod. de
Div. Lect.

interpunctionum notas tanquàm divinas suspiciunt, seque ostendunt in rebus Criticis planè hospites. Non miror universam Judæorum nationem illas, tam in exscribendis suis codicibus, quàm in explanando contextu, amplexatam fuisse, cum & ii omnes qui Ecclesiæ Romanæ fidem profitentur, Vaticanam similiter Latini Interpretis editionem cum punctis & virgulis, religiosè amplexentur; nec ab eà unquàm discedant, nisi quando in Commentariis Criticorum personam induunt: & idetiàm Judæorum Doctoribus intolens non fuisse declarant illorum Commentaria in Scripturæ sacræ contextum.

C A P. VI.

Aliæ Masoræ partes ad codices Bibliorum manuscriptos expenduntur, simulque aperitur vera illarum origo, & confirmatur lectio Masorethica.

PLerique Judæorum Magistri haud inviti agnoscunt non eandem omninò formam retinere sacros Bibliorum codices, quam primigenia & autographa exemplaria repræsentabant: putantque mutationem Bibliis suis advenisse postquam deportati in exilium Babylonicum Magistros duces non habuerunt qui Legem Mosaicam ipsis prælegerent; abolito scilicet religionis suæ cultu. Et ita deploratis eorum rebus, ut de libris suis cogitare non potuerint. Ita R. D. Kimchi passim in operibus suis asserit in exilio Babylónico periisse, iisque distractis multum confusionis advenisse, & alia similia. In eadem quoque est sententiâ R. Ephodæus, qui auctor est, ipsis LXX exilii Babylonicis annis corruptionem & confusionem cœpisse invadere libros Biblicos; quia, ut ait Kimchius; Legis Doctores mortui erant. Ex eo itaque quòd jam ante tempora Esdræ, in multis variaverint codices sacri, confici posse putant, Esdræ, qui ex illorum sententiâ

Antiqua Bibliorum Hebr. dissensio secundum Rabinos.

R. D. Kimchi.

R. Ephod.

Aben Melech
in lib. 1. Pa-
ralip.

illos codices recognovit, diversas lectiones, quas in exemplari-
bus ætatis suæ offenderat, intactas reliquisse in libris à se re-
cognitis: & hoc pacto scripturis variantibus, quas à criticis
Tiberiensibus annotatas fuisse certum est, summam auctorita-
tem tribuunt; quasi ab Esdrâ, qui spiritu divino afflatus erat,
profectæ fuissent. Quo nihil insulsius & à veritate magis alie-
num fingi potuit. Hæc animadvertit Aben Melech de vocibus
Diphath & *Rodanim*. *Diphath* scribitur (in libro Paralipomenon)
per *Daleth*, & in libro *Geneseos* per *Resch*. *Rodanim* scribitur per
Resch, & in *Genesi* *Dodanim* per duplex *Daleth*, quia *Resch* & *Da-*
leth in scriptione suâ affines sunt: & qui inspexerunt *Genealogiarum*
libros qui à priscis temporibus descripti fuerant, eorum nonnulli lege-
runt *Daleth*, alii vero *Resch*. Ideò scriptus fuit liber *Geneseos* cum
unâ lectione; hic vero (Paralip.) cum aliâ, ut indicaretur idem planè
esse vocabulum sive legatur per *Daleth*, sive per *Resch*. Hoc modo
legitur *Riblatha* per *Resch*, & *Diblatha* per *Daleth*. Sic quoque pro-
miscuè legitur *Van* & *ʃod*, quia similes sunt in suâ scriptione literæ.
Pariter inter quiescentes eadem est ratio *Aleph* & *He* in fine dilli-
onis, ut in voce סבה (cum *He* in fine) quæ eadem est atque
סבה (cum *Aleph* in fine) quia *Aleph* & *He* in eo conveniunt
quod sint literæ anhelitæ, & quilibet pro suo arbitrio scribet *Aleph*
& *He*. Ista ferè ad verbum exscripsit Aben Melech ex Com-
mentariis R. D. Kimchii.

Multa alia profert idem Aben Melech ejusmodi varietatum
exempla, quæ ex libris RR. Judæ, Jonæ, Aben Esræ, Kim-
chii, &c. testatur se collegisse. Ità observat promiscuè legi in
Scripturâ alin & alevan per *ʃod* vel per *Van*; hemeran & hemdam
per *Resch* vel per *Daleth*: jaakan & vaakan per *ʃod* vel per *Van*:
hadud & hadar per *Daleth* vel per *Resch*, & alia id genus plurima
quæ, ne sim longus, prætereo. Nihil cura fuit, inquit, mutare
literam vel duas; & id sæpius in usum venire animadvertit.
Meminit etiâ literarum transpositarum, sicuti ad hæc verba
Chronicorum, Bathseva filia Amiel, ista observat. Bathseva
filia Amiel ipsa est Bathseba filia Eliam (II Sam. xi.) alii legerunt
Barsceba, & alii Bathseba, quia affinia sunt: & eodem modo Amiel &
Eliam idem sunt, nisi quod literæ sunt transpositæ. Quæ literarum
transpositio imprimis observanda est, quod illius exempla non
desunt in codicibus Hebræis quibus usi fuere LXX Interpretes.

R. Levi.

Id. Aben Mel.
ad cap. 3.
Chron.

R. Levi Ben Gersom de voce *fabes* hæc similiter annotat: *existimo fabes per Ain unum esse ex Judicibus, & illum esse qui Judicium xii. appellatur Abetsan per Aleph; quia Aleph & Ain ejusdem sunt organi, & in se invicem permutantur.* Don Joseph Hispanus suâ quoque in librum Chronitorum explicatione quærens cur in contextendis Genealogiis tantum appareat discriminis inter hunc librum & libros Moylis, Josuæ, Samuelis & Regum, nodum hunc explicatu difficilem solvit his verbis; *videtur Esdras ita invenisse descriptas hæc familias compendiariâ, easque descripsit eodem modo quo illas invenerat.* Deinde animadversa ingenti cum nominum tum rerum discrepantiâ, ista môx subjungit: *neque istud mirum videri debet, quia temporis multi successu nomina & res mutantur.* Esdras autem scripsit familias istas eo modo quo eas reperit in variis libellis paululum hic & paululum illic atque compendiariâ. Ideo familia quam recenset per saltum in plerisque locis & sine ordine describitur. Denique existimat ille Magister Judæos Genealogie suæ oblitos fuisse, ac Esdram scripsisse quæ ex illâ sibi potuerunt occurrere, etsi illud absque ordine fuerit & interdum bis scriptum.

Maluit igitur plerique Judæorum Magistri accusare codices quibus putant usum fuisse Esdram in digerendo contextu Biblico, quam Scribarum qui postea sequuti sunt oscitationem & imperitiâ. In hoc quidem cum Judæis istis consentiunt Ecclesiæ Patres, quod utrique Esdræ sacri contextûs, tunc in multis suis partibus confusi ac perturbati, restauratoris nomen tribuant: sed longè meliùs Patres sentiunt eundem Esdram Prophetico spiritu dotatum à suis mendis illum repurgasse. *Admirabilis ille Esdras, inquit Theodoretus, sacros libros descripsit qui Judæorum incuriâ & Babyloniorum impietate dudum corrupti fuerant.* Et his potius assentiendum quàm malè feriatis Judæis, qui Scripturas in exilio Babylonico, ut ipsis placet, depravatas, cum suis mendis & corruptionibus Esdram in publicum edidisse arbitrantur: sicque diversas illas lectiones, quas Masorethæ sub nominibus *Keri* & *Cetib* indicârunt, ad eundem Esdram referunt; quasi diversæ illæ lectiones, quas ad marginem codicum suorum quotidie annotant viri Critici, hominibus divino numine inspiratis tribui debeant. Dicendum est itaque Masorethas Tiberienses ope veterum librorum, si quid falsi in codicibus ætatis suæ Scri-

R. Levi Ben Gersom.

R. Joseph Comment. in Chronic.

Id. R. Joseph ad lib. 1. Chronic. cap. 9.

Theodoret. præf. in Psal.

Patres de sinceritate Bibliorum meliùs sentiunt quàm plerique Rabbini.

Origo varia-
rum lectio-
num quæ ex-
stant in mur-
gine Biblio-
rum Hebrai-
corum.

barum inscitâ irreperat, illud abhbito iudicio correxisse: Verum quia nimia religione erga sacros codices detinebantur, non ausi sunt lectiones diversas, etiâ illas quæ extra contro- versiam genuinæ erant, intra contextum apponere, sed ad oram exemplarium suorum cum hac notâ *Keri*, quod idem est atque Græcum *καὶ*, *scribe*, illas adjecerunt, indicatâ hoc pacto verâ contextûs lectione: *Keri* enim idem est atque Latine lectum, seu lectio. Rem ita esse probant MSS. Bibliorum exemplaria, imprimis Hispanica, à quibus ejusmodi lectionum, quas vocant *Keri*, maxima pars abest; adeoque illorum ope Biblia nunc edi- ta, quæ Masorethica sunt, primæ formæ in his facili negotio res- titui possunt. Juvat hic nonnulla variantium istarum lectio- num exempla proferre comparata cum exemplari Hispanico jam à *I* ferme annis typis perquam elegantibus exarato, su- menûsq; ad id negotii librum Josué.

DiCTIONEM *חיותי* quæ occurrit cap. ii. libri Josué notârunt virgulâ censoriâ Masorethæ apposito ad oram codicis *Keri*, sive le- gendum *חיותי* sed malè; quia etiâ aliis in locis Legis, ut in plurali *חיותי* absque *Keri* Masorethico veluti Ezechielis capite xvi. scribitur *חיותי* *sorores tue*, nec ulla in margine exstat Masoræ censura, adeoque in codice, quem modò laudavimus, rectè scribitur hoc loco Josué *חיותי* nec eget castigatione: mendosa enim non est etiâ ex ipsâ Masorâ ista scriptionis forma. Sub initium capitis iii. ejusdem libri Josuæ habetur in contextu *בני* cum *Keri* notato ad marginem *בני* quasi omissa fuerit litera *ד*, quæ reverâ legitur in codice Hispanico; unde manifesto deprehenditur quæ fuerit annotationis Ma- sorethicæ origo. Eodem capite tam in MS. quam in Ma- sorethico scribitur *בני* cum *Keri* *בני* & hoc modo le- gendum esse ratio sensûs docet; ita ut etiâ absque codicibus locus iste restitui posset ob literarum *ב* & *ס* similitudinem, maximè in quibusdam MSS. exemplaribus, quæ in literarum summitatibus apiculos quosdam, qualis exstat in summitate li- teræ *Mem*, repræsentant. Capite iv. ubi legitur *בערותי* addit Masora *Keri*, seu legendum, *בערותי* uti reverâ legitur in co- dice Hispanico, cum literâ *Caph*, non autem cum literâ *Beth*, adeoque simile exemplar fuit penes Masorethas. Verum in aliis codicibus etiâ Hispanicis, quos consului, reperitur ut in hodierno.

hodierno contextu בערות cum *Beth*, sed absque notâ Masorethicâ. Quare hoc loco variant Masoræ exemplaria, idque indè etiâ confirmari videtur, quòd in editis quibusdam Bibliis nullum *Keri* hic exstet. Capite v. ubi habet contextus עניו notat Masora *Keri* עניו quâ etiâ ratione legitur in exemplari Hispanico. Masorethas simile exemplar confuluisse non dubito; undè castigationem suam hauserint. Capite vi. scribitur תקע cum *Keri* תקע quasi *Vau* irrepperit in locum literæ *Jod*, quam reverâ exhibet codex Hispanicus. Capite viii. scribitur בעיר addito ad marginem *Keri* בע quasi refecanda sit litera *Resch*, quæ etiâ non legitur in libro Hispanico, sed בגי ut in *Keri* Masorethico. Capite x. ubi scribitur ביר cum hac notâ Masoræ *Jathir Jod*, & in aliis exemplaribus *Keri* יר absque *Jod*, quomodo etiâ legitur in codice Hispanico: undè confirmatur lectio Masorethica. Capite xv. ubi scribitur in contextu רגביר cum *Keri* רגיר legitur etiâ in exemplari Hispanico רגיר sicut in *Keri* Masorethico, adeoque non ex suopte ingenio, sed ex MSS. exemplaribus castigationes contextûs Bibliici sumpserunt viri Tiberienses. Cetera, nè sum molestus, silentio prætereo: ex his enim liquet manifestè quid de *Keri* & *Cetib*, seu *lecto* & *scripto* Judæorum Tiberiensium sentiendum sit: res enim ipsa loquitur Judæos censores, in castigandis suis codicibus, perverusta & bonæ notæ exemplaria adhibuisse; & ut id adhuc fiat manifestius, juvat diversas libri primi Chronicorum lectiones ad alios codices MSS. eisdemque Hispanicos expendere.

Libri I. Paralipom. cap. i. legitur in contextu לוי cum duplici *Jod*, & ad marginem hæc nota *Jathir Jod*, seu litera *Jod* superflua est: quasi legendum sit לוי cum unico *Jod*, uti reverâ legitur in quodam exemplari Hispanico. Iterum eodem capite in nonnullis codicibus è quorum numero exstat Bibliorum editio à Judæo Manasse accurata Amstelodami, è regione dictionis יצ quæ est intra contextum, ad marginem *Keri* יצ per *Vau* non verò per *Jod*, & hanc lectionem etiâ repræsentat codex jam laudatus, qui Masorethicam confirmat. Similiter idem codex habet *Dodanim* scriptum per *Daleth* ut in Lege, non verò *Rodanim* cum literâ *Resch*; sicut in vulgatis exemplaribus. Pro יצ cum *Jod* scribitur etiâ in hoc codice יצ cum *Vau*: & sub finem capitis, ubi vulgò scribitur עיר cum

Keri.

Keri כרי in alio codice Hispanico reverâ legitur ut correxit Masora. Demùm eodem capite in hisce codicibus scribitur כרי secundum correctionem Masoræ, non verò כרי ut in hodierno contextu. Capite ii. versus finem scribitur כרי cum litera *Vau* loco *ſod*, quia legendum est כרי ut corrigit Masora, neque aliam lectionem quam istam Masorethicam exhibet codex Hispanicus jam sæpè laudatus. Sub finem capitis iii. in contextu habetur כרי cum *Keri* Masorethica כרי quasi literatum *Vau* & *ſod* facta fuerit transpositio: verùm in codice mòx laudato eadem lectione apparet atque in *Keri* Masoræ. Capite iv. exstat כרי cum *Keri* ad marginem כרי quam lectionem quoque in exemplari MS. deprehendi. Ad finem ejusdem capitis scribitur in contextu כרי & ad marginem כרי quasi litera *ſod* irreperit in locum *Vau*: quam correctionem Masorethicam confirmat exemplar unum MS. Capite vi. præfert contextus כרי & *Keri* Masorethicum כרי nec aliter etiã in quodam exemplari Hispanico scribitur. Eodem capite scribitur כרי cum *Keri* כרי quæ correctio Masorethica confirmatur auctoritate quatuor codicum MSS. Capite vii. ubi in contextu exstat כרי & in margine *Keri* כרי in uno exemplari MS. legitur ut in *Keri* Masoræ. Sed de his satis superque. Cetera annotare videtur superfluum, cum eorum eadem omninò sit ratio atque illorum quæ jam observata sunt, sicut & reliquæ Scripturæ: si enim lectiones illæ, quæ ad oram contextus Hebræi in plerisque Bibliis sub nomine *Keri* exhibentur cum quinque aut sex codicibus MSS. præsertim Hispanicis, qui plerumque aliis omnibus præferendi sunt, comparantur, consentientes ferè in omnibus correctiones Masorethicas cum illis habebimus. Undè constat Criticos Tiberienses exemplo aliorum Criticorum nihil castigationis, saltèm hâc in parte, absque exemplarium MSS. ope in sacros codices invexisse. Et id imprimis notatu dignum videtur, quòd quo plus antiquitatis & bonitatis ostendunt exemplaria illa MSS. eò magis lectionibus Masorethicis conformantur: undè tanquàm testes oculati genuinam *Keri* & *Cetib* originem deprehendere possumus. Frustrâ laborâsse videntur in numerandis hisce lectionum diversitatibus viri alioqui eruditissimi, ut indè conlicerent lectionum varietates etiã in contextu Hebræo reperi:

riti: has enim nemo paulò cordatior unquam inficiatus est, etiàm inter Judæos; quanquam illi ad Masoram quicquid occurrit variantium scripturarum tanquam ad certam regulam exigunt. Longè satius erat *Keri* & *Cetib* sive correctiones Masorethicas ad codices Bibliorum MSS. expendere, quam longam illorum seriem contexere, easque multis modis amplificare. Quandoquidem constat magnam illarum partem manifestos esse Scribarum errores, qui etiàm absque libris MSS. facillimè restitui poterant. In hoc autem religiosiores fuisse videntur Magistri Tiberienses, qui castigationes suas, ubi manifestus Scribarum error deprehendebatur, in contextu apponere non ausi fuerint; sed eas vel ad oram codicum, vel in libellos ad id paratos rejecerint. Quæ Masoretharum religio, nè dicam superstitio, plerosque qui postea sequuti sunt Judæos, in varia de ejusmodi notationibus Criticis commenta egit præcipites; dum non tam ex rei ipsius veritate & ex Critici negotii, quod penitus ignorabant, regulis, quam ex ingenio suo confingendis portentis assueto, de his sententiàm suam ferre non dubitarunt.

Præter illas quæ modò à nobis relatæ sunt, lectionum diversitates, sunt & aliæ quæ ad *Keri* quoque & *Cetib* possunt revocari; cujusmodi sunt dictiones illæ, quas notant Masorethæ sub nomine *Keri velo cetib*, seu *lectum at non scriptum*, quia reverà istæ in contextu Hebræo minimè scribuntur; sed in eo vacuum relinquitur spatiolum, notatis solum punctis vocalibus quibus dictiones illæ afficiuntur: & scribuntur integræ ad oram codicis cum hac notâ, *Keri velo cetib*, *lectum at non scriptum*. Verùm ista exemplis aliquot fient illustriora, simulque illorum, si ad MSS. Bibliorum codices exigantur, origo vera obtinebitur. Libri I. Judicum capite xx. hæc habentur in editis, seu Masorethicis, exemplaribus in contextu descripta כִּי בִּינִי וְלֹא אֲנִי cum hâc Masoræ notâ ad marginem, *Bene keri velo cetib*, id est, *dictio כי bene legenda est scripta non sit*. Sed in codice quodam Hispanico eoque optimæ notæ, sententia ista integrè descripta intra contextum repræsentatur: cujus tamen rei impatiens Judæus Criticaster, qui Masoram postea huic exemplari adjecit, erasâ dictione כי elegantissimum illud exemplar deformavit, ut locus esset notæ Masorethicæ, idque passim depre-

hendere

hendere est in codicibus MSS. præsertim Hispanicis, quos Judæi Masoricolæ ad Masorethicos reformârunt. Similiter capite iii. voluminis Ruth, in contextu habetur *וְהָאִסְרִי* & ad marginem hæc nota Masoræ, *Keri velo cetib, lectum & non scriptum*; quia nimirum omittitur *אִלִּי* quod exprimit codex mōx laudatus. II Samuel. cap. xviii. in hodierno, sive Masorethico exemplari, scriptum exstat *בֶּן יִסְרָאֵל* cum hac notâ Masoræ, *dictio cen lecta & non scripta*, quæ tamen in nostro codice MS. scribitur. Huc quoque debent referri alia exempla, in quibus una tantum litera omittitur, velut II Regum, capite xv. ubi legitur *בִּיָּדִי סֵפֶר* cum *Keri* ad marginem *הִסְלֵךְ* uti reverâ exstat in exemplari MS. Similia legere est I Samuel. cap. xiv. II Samuel. cap. xx. & aliis locis, quæ habentur scripta in codicibus MSS. eodem planè modo, quo legenda illa esse censet Masora. Præterea II Regum, capite xxix. vox integra *isavaoth* in contextu omittitur, ad quam hæc annotat in margine Masora, *dictio isevaath legi debet etsi non scribatur*. At reverâ scribitur in codice MS. Quod autem de *Keri velo cetib, lecto & non scripto* dictum fuit, idem venit dicendum de aliâ Masoræ notâ, quæ huic contraria est, nimirum *Cetib velo keri*, id est, *scriptum & non lectum*. Itâ Ruth capite iii. ubi in contextu hodierno exstat *וְיָמִין* annotârunt Masorethæ dictionem *im* legi non debere etsi scripta sit. Illud discriminis est inter *Keri velo cetib, lectum & non scriptum*, atque *Cetib velo keri, scriptum & non lectum*, quod primum voces omiffas in vulgatis exemplaribus ex aliis codicibus melioris notæ suppleat; alterum contrâ dictiones quas ex collatis exemplaribus superflue judicatæ sunt, reseceat. Quare nihil prorsus, uti perperam Judæi somniant, delitescit mysterii in istis Tiberienium animadversionibus, nihilque in hoc negotio ab his præstitum quod non antea ab aliis Criticis in Græcis Latinisque libris, & quidem longè felicius ac minùs supersticiosè, præstitum fuerit.

Idem sentiendum puto de vocibus quibusdam, quas à contextu Biblico semovendas esse existimarunt Critici Masorethæ, quòd ipsis viderentur obsceniores. Nam, sicut auctor est R. Moses, lingua Hebræa appellatur sancta, quòd nullas prorsus dictiones admittat, quæ obscenitatis aliquid præ se ferre videantur.

videantur. Hoc tamen faciliè potest falsitatis argui. Deinde mutatio illa in exemplaribus MSS. sæpius non deprehenditur, adeoque nihili facienda est. Quare auctor fuerim ut voces illæ quæ absque ullâ causâ à contextu sublatae sunt, ipsi restituantur. Jam ex his omnibus confici potest, multa à Masorethis inter diversas lectiones inutilitèr annotata, quæ manifesti erant Librariorum cespitantium errores. Quâ in re etiâ Judæis inferiores se ostendunt Ludovicus Cappellus & Joânes Morinus, dum ex pluribus Bibliorum editionibus inter se collatis, ejusmodi variantium lectionum, quæ *Keri* appellantur, numerum valdè exaggerant: cum manifesti Scribarum errores inter diversas lectiones recenseri non debeant. Contra lectionum illarum numerum plûs æquo minuit Joannes Vicens, affirmans se in variis exemplaribus Bibliorum MSS. quæ in diversis Italiæ Bibliothecis offendit, nihil omnino *Keri* & *Cetib* deprehendisse. Verum quidè est in codicibus MSS. præsertim Hispanicis & aliis bonæ notæ longè pauciores existare: sed nunquàm in libros incidi MSS. à quibus scripturæ illæ variantes penitus abessent.

C A P. VII.

Nonnulla à Masorethis inutilitèr & supersticiosè annotata illustrantur ex codicibus Bibliorum manuscriptoris.

MIRUM est quàm studiosè, magis dicam supersticiosè, literas quasdam figurâ discrepantes à ceteris, in contextu Hebræo servaverint Masorethæ, quarum etiâ alphabetum summâ diligentia contexuerunt. In his aliquid subesse mysteriorum vulgò existimant Judæi; & qui totus à Judæorum libris dependet Buxtorfius de ejusmodi literis sic loquitur.

G

*Non est
dubium*

Superstitiosa
Et illorum
Hebrææ, scri-
ptis locis ali-
quot.

Buxtorf. Corn-
ment. Maior.

namque quia prout illi sapientibus causa huius corporis agere et
 iuxta fuerint, sed quoniam ex illis variis et caliginatis praecipue pater-
 rant, vel aliterque acciderant, vel in conversis variis et inanis ap-
 paret fore contrarias. Maluit scilicet Bernardus Maior in-
 perfectionis patrum se probere, quam sciunt illius super-
 stitiosam causam investigare. Superfluo autem illi in eo fuit esse,
 quod hodierna Patrum exempla, quae à Iudicis Theol-
 ogis accurate sunt, haec quidem per se ferat, quorum alii
 maiores ceteris, alii minores, alii vero inter se et alii
 suspensa. Id autem non aliunde ortum fuisse videtur, quam
 ex eo quod Scribarum manus singulis operis proutque litteris
 inter se ex omni parte aequales deesse potuerint: unde
 factum patet ut aliquos paulatim et aliosque
 deinde potius ut accuratius omnia et singula
 cupiebant magis de decem operibus et singulis
 Alph. &c. et quoniam illa etiam in C. et
 hac verba et singula deesse potuerint, quoniam
 ex multis et variis causis et modis et
 perit et aliter et aliter et aliter et aliter
 modis et aliter et aliter et aliter et aliter
 et aliter et aliter et aliter et aliter et aliter

Hispanico quoniam non invenimus verum & in eodem libello
 1^o adeoque superfluum est & aliis de hisce causis
 ad hunc locum, res accurrent. Nam perit. Denique capite vi
 vix veritas reperitur in edis quae Malortiana sunt. Hic
 cum \pm *Pr* posteriori magno; et in eodem Hispanico & alio
 MS. nihil simile conspicitur. In aliis autem ambobus exem-
 plaribus etiam MSS. & Hispanici \pm *Pr* eadem magnum ex-
 sistit, sed diversae ratione: nam in uno prius \pm *Pr*, in altero
 vero posteriori producit. Malortiae Progreter capite in ve-
 bum וְיָצְאָה scribitur cum magno *Zav*; et in duobus
 exemplaribus Hispanici nullum apparet littere productae ve-
 stigium, ut neque in Bibliis quae accedunt Menahem. Item litterae
 edis Amstelodami in Quarta.

Eadem omnino ratio est litterarum suspensarum & inver-
 rum quae codex Hebraeus representat, sive minucularum &
 minucularum. Ita capite xviii. libri Iudicum scribitur *וְיָצְאָה*
 cum littera *Naw* supra reliquis suspensa; quam quidem suspen-
 sam etiam exhibent codices MSS. sed non modo simili: nam
 apex tantum litterae *Naw* supra ceteris tantisper attollitur, ve-
 lante vero littera integra; itaque Iudei Grammatica litteris illis
 quae suspensae dicuntur male dantur hoc nomine quia rever-
 sa suspensae essent ac ab aliis litteris separatae ac superimpositae,
 cum illud in manum Scribae, quae his locis equalis non fuit,
 manifestum rejici debent. Denique codex unus Hispanicus vocat
 Capite parvum quod existat capite xxiii. libri Genesios in dicitur
 וְיָצְאָה *ascendit eam*, nec *Pr* magnum quod eisdem li-
 bri capite xxx. dicitur vocem וְיָצְאָה *non fere eunt*; neque
Zav magnum quod reperitur in vocabulo וְיָצְאָה *foras*, etiam
 in libro Genesios capite xxxiv. Denique nec dictio וְיָצְאָה
 capite ultimo ejusdem Genesios in illo exemplari MS. repe-
 ritur cum *Maw* magno ut in edis, sive Malortianis, codici-
 bus. Una dictio libri huiusce nimirum וְיָצְאָה capite ii.
quando creata illa fuerat, representatur cum *Fi* minuculo non
 secus ac in Bibliis edis. Non est cur reliquos Scripturae sacrae
 libros pro expiscandis ejusmodi quibusvis consulas, quae
 mera sunt hominum odiosorum ac delirantium formata; anctor-
 que fuerim ut superstitiosa ista scribendi ratio à nostris codici-
 bus removeatur. Fecit quoque eadem Judaeorum superstitia

dubium quin praeiis illis sapientibus causa hujus diversitatis digna & justa fuerint, sed quas exilia varia & calamitates gravissima posterorum, vel oblivione deleverunt, vel in commenta varia & inania mysteria ferè converterunt. Maluit scilicet Buxtorfius Masoræ superstitionis patronum se præbere, quàm scripturæ illius superstitionis causam inquirere. Superstitio autem illa in eo sita est, quod hodierna Bibliorum exemplaria, quæ à Judæis Tiberiensibus accurata sunt, literas quasdam præ se ferant, quarum aliæ majores ceteris, aliæ minores, aliæ verò inversæ & aliæ suspensæ. Id autem non aliundè ortum fuisse videtur, quàm ex eo quod Scribarum manus singulas operis prælongi literas inter se ex omni parte æquales delineare vix potuerint; undè factum puto ut aliquot paululum à reliquis deflexerint. Fieri deindè potuit ut nonnulla quæ libri, seu voluminis, initium occupabant majusculæ dedita operâ fuerint exarata, quales sunt *Aleph* & *Beth*, quarum illa exstat in principio Chronicorum; hæc verò in fronte Geneseos. Judæi verò qui nōrunt mysteria ex minimis literarum apicibus deducere, de istâ scriptione cœperunt nova comminisci; quæ postea, ob Doctōrum qui ejusmodi portenta excogitaverant auctoritatem, à ceteris Judæis recepta, demùm ad posteros facillimè propagata fuerunt.

Licet autem literarum istarum usus, seu potius abusus, antiquissimus esse videatur. diūque ante Masorethas observatus; maximam tamen in his notandis differentiam animadverti inter MSS. Bibliorum exemplaria & ea quæ typis edita sunt. In illis siquidè longè pauciora exstant harum literarum exempla: & si aliquot reperiantur, vix earum figura à ceteris fecerni potest. Ita litera *Aleph* quæ prima est libri Chronicorum, & *Beth* initio Geneseos in multis codicibus Hispanis magnitudo præ aliis vix apparet: adeo exiguum est quod inter has & reliquas intercedit discrimen. In uno codice Hispanico ab annis fermè 10 exarato minutia illæ fermè ubique negliguntur. Sic Isaïæ capite lvi. Biblia edita, sive Masorethica, habent *tsophau* cum magno, ut loquuntur, & *isade*: at in illo exemplari MS. dictio illa scribitur absque ullâ literæ inæqualitate: similiter quoque scribitur in alio codice MS. Iterùm ejusdem Prophete capite xlv. ubi legimus in hodierno contextu *plantavit ornum*, cum parvo *Nun* finali, in codice Hispano

Hispanico quem môx laudavimus rectè & ut decet scribitur
 מן adeoque superstitiosa est & inutilis ista Masoræ annotatiô
 ad hunc locum, *tria occurrunt Nun parva*. Danielis capite vi.
 vox מן reperitur in editis quæ Masorethica sunt Bibliis
 cum פ Pe posteriori magno; at in codice Hispanico & alio
 MS. nihil simile conspicitur. In aliis autem duobus exem-
 plaribus etiâ MSS. & Hispanicis פ Pe quidè magnum ex-
 stat, sed diversâ ratione: nam in uno prius פ Pe; in altero
 verò posterius producit. Malachiæ Prophetæ capite iii. ver-
 bum מן recordamini scribitur cum magno Zain; at in duobus
 exemplaribus Hispanicis nullum apparet literæ productæ vesti-
 gium, uti neque in Bibliis quæ accuravit Menasseh Ben Israël
 editis Amstelodami in Quarto.

Eadem omninò ratio est literarum suspensarum & inver-
 sum quas codex Hebræus repræsentat, atque majuscularum &
 minuscularum. Itâ capite xviii. libri Judicum scribitur נון
 cum literâ Nun suprâ reliquas suspensâ; quam quidè suspen-
 sam etiâ exhibent codices MSS. sed non modo simili: nam
 apex tantum literæ Nun supra ceteras tantisper attollitur; mi-
 nimè vero litera integra; itaque Judæi Grammatici literas illas
 quæ suspensæ dicuntur malè donârunt hoc nomine quasi reve-
 rã suspensæ essent ac ab aliis literis separatæ ac superimpositæ,
 cum illud in manum Scribæ, quæ his locis aqualis non fuit,
 manifestò rejici debeat. Denique codex unus Hispanicus nescit
 Caph parvum quod exstat capite xxiii. libri Geneseos in dicti-
 one לך חרם *ad stendum eum*, nec Pe magnum quod ejusdem li-
 bri capite xxx. claudit vocem כהן *dum serò coirent*; neque
 Zain magnum quod reperitur in vocabulo זנה *scortum*, etiâ
 in libro Geneseos capite xxxiv. Demum nec dictio שלם
 capite ultimo ejusdem Geneseos in illo exemplari MS. repe-
 ritur cum Mem magno ut in editis, sive Masorethicis, codici-
 bus. Una dictio libri hujusce nimirum בבריאת *capite ii.*
quando creata illa fuerant, repræsentatur cum He minusculo non
 secus ac in Bibliis editis. Non est cur reliquos Scripturæ sacræ
 libros pro expiscandis ejusmodi quisquiliis consulamus, quæ
 mera sunt hominum otiosorum ac delirantium somnia; auctôr-
 que fuerim ut superstitiosa ista scribendi ratio à nostris codici-
 bus removeatur. Fecit quoque eadem Judæorum superstitia

ut de literis *Ehevi*, seu *Aleph*, *He*, *Vau* & *Jod*, quæ primæ sunt & veræ vocales linguæ Hebrææ, multa commenti sint, siquandò illæ à contextu absint. Quomodò libri II Samuel. cap. xix. ubi legimus particulam negantem *וְ* notatam puncto *Kibbutz* absque literâ *Vau*, hanc Masoræ notam ad oram codicis cujusdam Hispanici adjectam reperi: Particula *וְ* bis deficiis quia *Absalom* non viciis. Quod & ab Hieronymi temporibus Judæos observasse probant verba illa ejusdem Hieronymi; *In Hebræo sicut hic posuimus primum nomen ejus scribitur Ephraim: postquam enim pretio victus est ut sepulcrum venderet, licet cogente Abraham, Vau litera qua apud illos legitur, ablata est de ejus nomine, & pro Ephraim appellatus est Ephraim; significante Scripturâ nondum fuisse perfecta consummataque virtutis.* Hoc loco, ut & alibi passim, Hieronymus non tam ex suâ quàm ex Judæorum mente loquitur. Credibile autem est hanc scribendi varietatem, quæ primum à Librariis pro suo arbitratu, ut rectè annotavit Aben Esra, profecta est, Judæi postea qui ex re quâlibet mysteria eliciunt ad allegoriarum nugas pertraxerint. Incerta omninò fuit *Ehevi* scriptura ex eo tempore quo autographa sacri contextus exemplaria à Judæis deperdita sunt; illaque sæpius à Scribarum voluntate dependit, uti probare facillimum esset ex codicum MSS. & quidè optimæ notæ cum editis comparatione. Illi siquidè in infinitis propè locis distant, ita ut supra sex millia ejusmodi literarum *Ehevi*, seu *Aleph*, *He*, *Vau* & *Jod* numeraverim quæ in editis codicibus non exstant.

Frustrà igitur tam anxie desudârunt in illis numerandis Critici Tiberienses, quotiès scilicet hæc & illa dictio plena sit, id est, scripta cum ejusmodi literis: & quotiès sit deficiens seu absque his scripta. Exempli causâ, animadvertunt sedulò, quotiès dictio *osham* plenè scribatur in contextu Biblico: putâ observant religiosè hanc in Lege reperiri trigiesi novies plenè, seu cum literâ *Vau*, exaratam: simulque loca indicant; atque eodem modo per reliquos Scripturæ libros discurrunt. Verùm collatis inter se codicibus MSS. de modo scribendæ vocis illius vix semel inter se illos consentire deprehendi. Præterea, eadem dictio *osham* etiam plenè scripta non ubique illos significat, quæ tamen vera & germana est ejus significatio, sed &

inter-

Hieron.
Quasi in Gen.

Parùm con-
stans scriben-
di contextus
Hebræi ratio.

interdum cum illis, quasi esset *istham* & in scriptione deficeret. Adeo verum est in hisce vocibus non tam scriptio-
 modum, quam sensus rationem respici debere. Summa est,
 ne dicam, supersticiosa Masoretharum diligentia in scribenda
 voce *Ierusalaim*, dum studiosè annotant loca Scripturæ qui-
 bus plenè, seu cum literâ *iod*, legenda sit, & quibus deficiat,
 sive scribenda absque *iod*: tamen hâc in parte neque codices
 MSS. Hebræi contextus, neque Masoræ ipsius exemplaria
 MSS. inter se consentiunt. Quid non commenti sunt de vo-
 cabulo *מֵעֹרֹת* *meoroth*, quod initio Geneseos bis scriptum re-
 peritur absque literâ *Vau*, contra analogiæ regulas: & quia ex
 hâc scribendæ vocis illius ratione mysteria nescio quæ deduxe-
 runt Judæorum Magistri, hinc factum est ut illam scriptio-
 nis formam studiosè retinuerint Librarii in exscribendis suis co-
 dicibus. Verum Samaritani dictionem istam plenè ut decet in
 suis exemplaribus exhibent.

Verum quidè est ejusmodi literarum quæ ex Scribarum vo-
 luntate dependent, absentiam vel præsentiam sensus rationi sæ-
 pius non officere; adeoque illarum omissio nullius momenti
 esse videtur. Contingit tamen hæud infrequentè ut indè ori-
 antur sensus maximè diversi. Sicuti II Samuel. cap. xx. verbum
הִנֵּנִי quia defectivè, seu absque literâ *Vau*, scribitur, R. D.
 Kimchi ducit secundum regulas & analogiam Grammaticæ à
 radice *haga*. Sed mox observat & post eum Aben Melech
 RR. Judam & Jonam verbum istud sumere à radice *יָגַע* *iaga*,
 quasi plenè scriberetur. Sophoniæ capite iii. ubi legimus *נוֹגַע*
nogue, *mæstos*, uti vulgò reddunt interpretes ab eâdem radice
iaga, R. Solomon exponit *remotos*, sive *alienos* quasi veniret à radice
haga, non habitâ lectionis Masorethicæ ratione. Non desunt
 etiâ Magistri qui vocem *נָחִיָּו* plenè scriptam in Titulo
 Psalmi v. ducant à radice *חָלַל* quasi exstaret *נָחִיָּו* absque
 literâ *iod*, regularum, quæ ex plenis & deficientibus tam anxie
 in Masorâ annotatis exorta fuerunt, non admodum solliciti.
 Sexcenta id genus præterea quæ passim in Judæorum Commen-
 tariis, occurrunt, undè Græca LXX Interpretum & Latina
 Hieronymi translationes locis quamplurimis illustrari possunt:
 neque in hoc laudandus videtur B. Hieronymus qui Græcis In-
 terpretibus sæpe vitio vertat, quod in ejusmodi literarum lecti-
 one

one interdum ab ipso diffideant. Ità ad caput xiv. Isaia illos notat, quòd pro *Angelos* ut habet codex Hebraeus, transfulerint *Reges*: quia scilicet illi in suis exemplaribus לְמַלְכִּים absque litera *Aleph*, non vero מְלָכִים cum litera *Aleph*, ut habuit Hieronymus, legerint. Non tam ex codicum lectione, quæ hâc in re parum constans est, redarguendi erant Græci Interpretes, quàm ex sensus ratione, qui esset huic loco accommodatior, præsertim cum in notanda litera istà *Aleph* variant codices etiam MSS. neque cum editis semper concordent. Quo pacto Hieremiæ capite vii. ubi in hodiernis exemplaribus לְמַלְכִּים absque *Aleph*, in uno codice MS. legitur plenè לְמַלְכִּים per *Aleph*. Et hinc ortæ sunt notæ Masorethicæ de literis quæ redundant. Verum non obstantibus notationibus illis Masorethicis non ità codicis Masorethici lectioni & hodiernæ Grammaticæ præceptionibus addiæti esse debemus, ut eas interdum non relinquamus: maximè cum duces habeamus eruditissimos Judæorum Magistros, nobisque faveant MSS. Bibliorum codices qui ab editis, sive Masorethicis, aliquando hâc in parte discrepant. Quare inutilia sunt quæ à Masorethis labore improbo de numero ejusmodi literarum annotata fuere, sicuti quando asserunt sedecim esse loca quibus litera *Aleph* non pronunciatur, & alia similia quibus nè molestus sum superfedeo.

C A P. VIII.

Scripturarum variantium exempla aliquot produciuntur ex codicibus manuscriptis, qui à Masorethicis lectionibus hæc in parte dissident.

POSTQUAM lingua Hebræa Judæis desit esse vernacula, sermoque Chaldaicus factus est illis domesticus, tunc Scribæ in exarandis sacri codicis exemplaribus plura, ob linguarum affinitatem, permutarunt: neque ita curiosi atque antea *κατα-γραφας*, libros suos videntur neglexisse: ex quo haud dubiè factum est ut litera *Aleph*, quæ Chaldæis adeò familiaris est, interdum pro litera *He* à Librariis scripta fuerit, & dictionibus aliquot adjecta absque ullâ ratione. Ex eadem etiâ origine ortum puto, quod non pauci in contextu Hebræo Chaldaismi reperiantur, sicuti *שלהבי flamma*, per adjectionem literæ *ש* ex Chaldæorum usu: similiter *סעזכן* Chaldaicè pro Hebræo *מעזבין* & *כלכין* pro *כלכים* & alia id genus quamplurima quæ fileo, ut ad diversum ab his scripturæ variantis genus transeam, quod codices MSS. & quidè non inferioris notæ sup-
Origo diversarum lectionum.

In notandis istis dictionibus *אל. יהוה. יהוה. אל* & similibus, quæ apud Græcos Interpretes sæpius redundare auctor est Hieronymus, codices Bibliorum MSS. ab editis, seu Masorethicis, non parùm discrepant. Istæ siquidè quia in sermone frequentiores sunt, à Librariis modò scribuntur, modò omittuntur. Sic initio Psalmi xvi. repetitur vox *יהוה* in uno codice Hispanico hoc modo; *דִּי־יְהוָה יְהוָה דִּי־יְהוָה Domine Domine Dominus meus es tu*: at in hodierno semèl tantum. In eodem codice Ezechielis capite xxx. v. iii. bis quoque exstat nomen *Jeheoa* hac ratione; *appropinquat dies יהוה Domini, & appropin-*

pinguat dies Domini: codex autem Masorethicus semel tantum vocem *Jeheva* exprimit, nec aliter legisse videtur Hieronymus in suis exemplaribus. Septuaginta verò Interpretes, non repetitâ sententiâ, habent semel tantum, *appropinquat dies Domini*. Contrâ in eodem codice Hispanico Judicum cap. i. v. i. dictio כר omittitur, legiturque, & *egressi sunt בני filii Israël*, in editis verò, & *egressi sunt בני כר omnes filii Israël*. Sed non est cû ejusmodi varietatum exempla prolixiùs recenseam, quas tamen B. Hieronymus scribens Suniæ & Fretelæ admodum anxie confectatur: nam res ipsâ docet illud genus dictionum in exarandis codicibus facili negotio potuisse à Librariis addi vel prætermitti.

Præterea in codice Hispanico quem môx laudavimus, sub finem capitis ii. libri primi Chronicorum legitur eodem planè modo quo à Græcis Interpretibus & B. Hieronymo lectum est in suis exemplaribus Hebræis: *concubina Caleb Maacha peperit Seber & Tharana*; nimirum in libro Hispanico scribitur יררר *peperit*, genere foeminino: at in hodiernis, seu Masorethicis, scribitur ירר genere masculino, adeoque conjungi non posse videtur cum vocabulo *concubina*, quod generis est foeminini in Hebræo; undè factum ut recentiores sacri contextûs Interpretes qui Masoræ nimum adhærent, nè quid contra Grammatices analogiam facerent, hâc usi fuerint periphrasi, *concubina Caleb Maacha de quâ genuit Seber & Thirana*. Ejusdem libri capite iii. ubi in editis codicibus legimus ירר ורבב *cum hâc Masoræ notâ ad marginem בני סבירים* quâ conjiciunt Masorethæ legendum in plurali *filii*; non vero in singulari *filius*, ut habebant illorum codices: reverâ scribitur in codice Hispanico בני *filii*, in plurali. Capite vi. ejusdem libri pro voce סכאל *Michael*, quæ legitur in nostris exemplaribus in codice MS. exstat סכאל *Malachia*: similiter & alibi pro *Uzzia* præfert alius codex MS. *Azaria*. Capite viii. libri Josuë, v. xxii. in exemplari MS. scribitur לו in singulari, cum hâc notatione ad marginem; in alio codice להם in plurali: quæ lectio est hodierni contextûs. Particula לו *non*, & לו *Eth*, quod in Hebræo nota est accusativi, non semper eodem modo repræsentantur in codicibus MSS. atque in editis.

Longè majoris momenti est illa scripturæ variantis diversitas, quæ reperitur libri Josuæ capite xxi. in quo à Masorethicis exemplaribus absunt versus duo, qui tamen existant in Græcis Latinisque editionibus. Et hos necessario debuisse exprimi res ipsa loquitur; cùm in recensione urbium quæ ex tribu quâlibet cedebant Levitis, tribus Ruben silentio prætermitti non potuerit. Illos autem re ipsâ exhibent quinque codices MSS. idque Hispanici & optimæ notæ; quibus addi possunt Biblia Regia Parisina, Anglicana, Veneta Joannis Bragand. & Bomberg. in Quarto, Plantiniana in Quarto, Roberti Stephani, Amstelodamensis in Quarto, & alia. His tamen opponit doctissimus Mafius animadversionem Masoræ & R. D. Kimchi, ex quâ manifestum est nihil ejusmodi versuum exstare in vetustis codicibus MSS. Idemque Mafius observat Biblia, in quibus leguntur versus illi, nullam Jordanis, Hierichuntis & asyli mentionem facere. Sed in uno codice Hispanico MS. fit mentio civitatis refugii, quam exemplaria hætenus edita non agnoscunt: Jordanis autem & Hierichuntis meminisse necesse non fuit; quia absque his nominibus summa quatuor civitatum conficitur. Joannes Morinus qui locum hunc fusiùs illustravit putat versus hosce temporum injuriâ & Judæorum incuriâ de maximâ codicum parte deletos fuisse; quod videtur probabilissimum: sed ibidem falsò annotat commata illa duo, quæ erant in codice MS. quem laudat, ab eo postea qui illum exscripserat erasa fuisse, additâ ad oram codicis hac notatione, *non invenimus hos duos versus in exemplari Hilleliano*: nam in evolvendo eodem codice MS. deprehendi notam istam Masoræ longo post hujus codicis exscriptionem tempore adjectam fuisse à Judæo Criticastro, qui puncta vocalia & aliquas Masoræ partes illi adjecit. Voluit scilicet Criticaster iste suum exemplar Masorethico in omnibus conformare, & ut castigationi suæ plus auctoritatis accederet, laudavit codicem Hillelianum. Quare Masoretharum lectioni plus æquo addictus videtur fuisse R. D. Kimchi, dùm animadvertit se in nullo antiquo exemplari correcto duos hosce versus qui absunt à Masorethicis, deprehendissè, sed annotatos duntaxat. Neque etiâ Grotius eosdem versus satis accuratè expendit, suspicatus post Kimchium illos ex Chronicis libro Josuæ adjectos fuisse, sicque in

versiones cum Græcas tum Latinas venisse. Morinus contra judicat illos ex libro Josuæ in librum Chronicorum ab Esdrâ fuisse translatos, postea verò à Librariis oscitantibus per incuriam prætermisissos. Eo autem facilius fuit hæc in re Scribarum lapsus, quo frequentior occurrit in hoc capite verborum istorum repetitio *וְעַד לְיָמֵינוּ* & *de tribu*, &c. unde postea ortum, ut in illis recensendis singula exemplaria non eundem sententiarum ordinem constantè retinuerint, Haud absimiliter à Judæorum Librariis in longè pluribus peccatum fuit antiquitus, maximè in contexendâ familiarum serie : dùm enim eadem vocabula phrasésque similes inter scribendum illorum imaginationi occurrerunt, magna inde confusio in Scripturæ sacræ libros irrepsit ; uti Chronicorum libros cum reliquis Historicis conferenti manifestum erit. Quamvis enim hos ex illis corrigere minimè liceat, quia multa sunt in his aliter quàm in illis concepta ob diversos Scripturæ fines, res tamen ipsa apertè evincit, in utrisque plura deesse quæ ex vetustis solum, maximè Græcis, interpretationibus restitui possunt ; quarum conditores diversa ab editis Bibliorum exemplaria habuerunt : quorum variantes scripturas silentio prætereo, quia illæ omnibus sunt obviæ, easque tantum referre est animus quæ ex MSS. Judæorum codicibus sumi possunt. Igitur inde jam à priscis temporibus errores isti codicem Hebræum occuparunt. Ubi autem Doctor aliquis apud Judæos exstitit, qui eruditionis qualiscunque nomen sibi comparaverit, statim illi præposterâ agendi ratione vetustioribus libris codices suos ad illius exemplar reformaverunt. Tales inter Judæos fuere Doctores Scholæ Tiberiensis, similiter Magistri Ben Ascer, Ben Nephtali, Hillel, & alii plurimi quorum nomina ad nos usque non pervenerunt. Hæc arte tandem factum est, ut sublatis omnino vetustis Bibliorum exemplaribus, sublata quoque fuerint quæ in rebus majoris momenti erant scripturarum varietates. Hæc omnia illustrari possent ex aliis Judæorum libris : si enim illos qui manu exarati sunt cum editis, imò & eos qui diversis locis & temporibus editi sunt, inter se compareremus, mirum est quantum illi secum dissideant. Ita libellus cui nomen *Jetsira*, seu *De creatione*, quemque falsò Judæi plebique Abrahamo Patriarchæ tribuunt, multum à seipso dissentit in variis editionibus, plusque adhuc est discordiæ in impressis

exemplaribus. Præterea quæ exstat Latina opusculi istius translatio, in pluribus etiam cum editis & MSS. codicibus non convenit: ita ut qui editionem Mantuanam accurarunt, maximam quæ in publicando libello isto reperta est difficultatem, tam in quantitate quam in qualitate, uti loquuntur, animadverterint. Idem etiam rectè observant interpretes, qui illum Commentariis suis adornarunt, in adducendo illius contextu multum variare. Et reipsa in illa Mantuanâ editione exstat alterum libri illius exemplar à primo non parum discrepans. Simili ratione si MSS. codices famosi illius operis cui nomen Zohar, inter se velcum editis comparentur, summa inter illos reperietur dissensio. Imò satis est ut sola Cremonensis libri istius editio consulatur, in qua variae lectiones, quæ propè infinitæ sunt, sedulo annotantur. Idem etiam deprehendere licuit in variis libri Cozri exemplaribus, quorum unum erat manu exaratum. Sed his non est cur diutius immorer. Laudanda est profectò Judæorum in hoc negotio diligentia qui diverforum exemplarium lectiones studiosè animadverterunt: contra, illi vituperio digni sunt, qui nulla codicum è quibus suas editiones sumunt factâ mentione libros pro suo ingenio corrigunt.

Auctor itaque fuerim ut loca illa sacri contextus quæ manca esse vel corrupta antecedentium & consequentium ratio demonstrat, veterum Interpretum auxilio restituantur; cum in paucioribus, codices MSS. venire possint in subsidium. Errores siquidem antiquissimi sunt, libri autem manu exarati recentioris sunt ævi & ad Masoræ castigationem reformati. Ità licet tam in MSS. quam in editis codicibus versus xlii. Psalmi cxlv. desideretur, facile ex antiquis Interpretibus qui illum exhibent, suppleri poterit. *Non est dubitandum*, inquit Grotius, *quin versus hic Hebraicis codicibus exciderit Librarium culpâ, nam deest versus qui à literâ Non incipiat.* Et mox hæc subjungit idem Grotius, *quomodo ad hoc respondebunt qui nos jubent per omnia Masoretharum stare decretis?* Quibus verbis notat ætatis nostræ Masoricos, quibus contextus Hebraicus idem planè esse videtur atque Prophetarum temporibus: adeò sunt in retinendâ Masorâ pertinaces. Verùm in his & similibus veterum interpretum conversiones, tam Græcæ quam Latinæ, exemplaris Hebræi locum suppleant: neque istud Criticis qui libros Græcos & Latinos in ali-

Grot. Not. in
Psalm. 145.

um sermonem transferunt insolens est, ut ad vetustiores translationes recurrant, ex quibus codicum quos interpretantur lectiones illustrent. Quod & in interpretatione novi Testamenti jam à nonnullis feliciter observatum fuit, qui Latinum Interpretem in auxilium suum interdum appellarunt.

Denique curtam admodum Judaicorum contextus Bibliici exemplarium supellectilem fuisse Judæis Tiberienlibus probant non solum RR. Judæ, Jonæ, Aben Esræ, Kimchii & aliorum testimonia qui codices interdum MSS. eosque correctos laudant, sed & annotationes R. Ben Hajim qui primus diversas Masoræ partes variè distractas in unum veluti corpus conjecit & in publicum edidit. Hic enim alias à Masorethicis lectiones ad oram Venetæ Bibliorum editionis refert, quas ex probatis codicibus à se sumptas fuisse testatur. Sic ad dictionem כחז quæ reperitur Isaïæ capite xxxviii. v. xiv. hæc ad marginem editionis suæ extra Masoræ ordinem annotavit. *In quibusdam exemplaribus scribitur כחז (cum Jod) notaturque legendum esse כחז sed non inveni hoc recensitum fuisse, in eorum catalogo quæ in medio habent literam Jod, & legi debet litera Van.* Simili ratione idem Magister in Masorâ finali, ad dictionem כחז quam locis tribus inveniri notat Masora, hæc animadvertit, quæ Christianorum lectionem Psalmi xxii. sive Græcorum Interpretum & B. Hieronymi, translationes egregiè confirmant. *In exemplaribus aliquot correctis inveni scriptum כחז per Van cum notâ ad marginem quæ indicabat legendum esse כחז per Jod.* Perquisivi sane catalogum dictionum quæ scribuntur in fine per Van & leguntur per Jod, sed non reperi verbum illud in hac serie recensitum, sicut neque in catalogo variantium scripturarum, quæ Orientales inter & Occidentales existant, hactenus repositum non fuit. Erravit hoc loco Genebrardus qui hanc R. Jacob Hajim Masoræ instauratoris animadversionem Criticam Masoræ magnæ, seu finalis, uti loquuntur, auditoribus tribuit.

Sunt & alia multa ejusmodi varietatum exempla, quæ Magister ille ex probatis Bibliorum codicibus proferit, quæque à Masorethis non fuerunt annotata: sed hæc consultò prætereo, quod jam allata abundè sufficiant. Hic tantum subjiciam, ut negotium istud illustrius fiat, illud quod in evolvendis codicibus MSS. de pronomine כחז ille, animadvertere licuit. Quo-

ties

nēs & quibus in locis היא illa, genere foeminino, scribatur pro הוא genere masculino, admodum anxie observarunt Critici Tiberienses: sed inutilis fuisse videtur labor iste tam improbus, cum MSS. Bibliorum exemplaria ab editis hæc in parte haud rarò discrepent, non secus ac vetusti sacri codicis Interpretes. Sic Judicum cap. xiv. ubi nunc legimus כי סיירה היא absque ullâ Masoræ notâ ad marginem, scribitur in uno codice Hispanico היא. Eiusdem libri cap. xxi. in editis, seu Masorethicis, exemplaribus constantè legitur היא neque ulla exstat Masoræ notatio: at in uno codice MS. legitur הוא. Similitèr & Danielis cap. ii. habetur in uno exemplari MS. הוא ubi in editis exstat היא. Si hæc & alia ejusdem rationis benè multa, quibus in præsentia supersedeo, plerisque Protestantium probè cognita fuissent, Latinum Interpretem in quo legimus jam inde à pluribus sæculis cap. iii. Geneseos v. xv. *ipsa conteret caput tuum*, non ex eo solùm traduxissent quòd in editis contextus Hebræi codicibus non legatur היא *ipsa*, sed הוא *ipse* vel *ipsum*. Hic scribitur, inquit Sixtinus Amama, הוא *non vero* היא *nec locus hic à Masorethis notatus est*: quasi verò codicum omnium recensio à Masorethis facta fuisset. Masorethica quidèrn lectio eo probabilior videtur, quòd in multis Latini Interpretis codicibus, & quidèrn bonæ notæ, aliàs exstiterit *ipse*, non vero *ipsa*, ut in hodiernis: sed non statim damnanda erat ista lectio *ipsa*, quod à contextu Masorethico dissentiat. Fieri enim poterat ut Latinus Interpres in suo codice haberet היא *ipsa*; quia in scribendo hoc pronomine facilis fuit Scribarum lapsus, ut ex MSS. exemplaribus apertè evincitur.

Sixtin. Amam in Antbarb.

Jam ex iis quæ hætenus de Masorethicis exemplaribus allata sunt, nemo non judicabit quid sentiendum sit de Bibliis Hebraicis, quæ nunc omnium, tam Christianorum quàm Judæorum, manibus teruntur. Pauca autem hic subijcere de selectis illorum editionibus non erit ab instituto nostro alienum. Biblia Hebraica, quorum editioni præfuerunt Judæi, longè castigatiora sunt quàm illa quæ à Christianis accurata. Quare haud immeritò Elias Leyita Biblia à Bombergo edita Venetiis in folio, anno MDXVIII. præunte sibi Felice Pratensi, ut minis correctâ, maximè in lectionibus Masoræ, quam Pratensis non videtur intellexisse, rejecit. Melioris profectò sunt conditionis Biblia He-

Selectiora Biblia Hebraica.

Hebraica quæ postea publicavit R. Jacob Hajim, Masoræ instaurator, ejusdem Bombergi operâ & sumptibus, quæque iterum à Bombergo recusa sunt. In his autem non modò contextus Hebræus repræsentatur, sed & Targumim seu Paraphrases Chaldaicæ cum doctiorum Judæorum Commentariis in Scripturam & Masoram, tam magnam quàm parvam. Eadem Biblia iterum edita sunt Venetiis, anno MDCXVIII. Verùm hæc editio ceteris longè inferior est, multaque in his à censoribus, quos vulgò Inquisitores vocant, reformata & castigata sunt, in primis in Rabbinorum Commentariis. Alia etiam Biblia Hebraica in Quarto edidit Venetiis Daniel Bombergus; sed hæc minùs accurata. Contemnenda tamen non sunt illa quæ Judæi in usum suum Pisauri, Sabionosæ, Mantuæ, Francofurti, aliisque in locis, etiàm Venetiis, in minori formâ edi curârunt. Buxtorfius etiàm publici juris fecit novam Bibliorum Bombergi, quibus præfuerat R. Jacob Ben Hajim, editionem, quam in multis à se castigatam putat; maximè in notandis punctis vocalibus contextûs Chaldaici: Verùm hæc editio quæ Basileæ prodiit, anno MDCVIII. Venetianâ Bombergi, ex quâ sumpta est, longè inferior videtur, contemniturque à Judæis. Minus quoque accurata sunt Biblia Hebraica quæ Robertus Stephanus in Quarto & in Decimosexto, & Plantinus in Quarto & in aliis formis ediderunt, quàm illa quæ à R. Menasse Ben Israël & aliis Judæis publici juris facta prodierunt Amstelodami in Quarto, anno MDCXXXV. & in Octavo anno MDCLXI. Laudant præterea Judæi, præsertim illi qui Orientis partem incolunt, editionem à Jacob Lombroso in Quarto, chartâ majori, Venetiis adornatam, anno MDCXXXIX. quæ notas quæ vocant ad litteram completitur. Loca etiàm contextûs quæ videntur paulò difficiliora interpretatur Magister ille sermone Hispanico. His omnibus addi possent aliæ Bibliorum editiones, & quidè quàmplurimæ, quæ à Judæis non solum in Italiâ & Germaniâ, sed & Constantinopoli, Thessalonica & Hadrianopoli evulgatæ sunt: verùm insigniores satis est annotasse. Minùs quidem accurata esse diximus Biblia quæ à Christianis parata sunt, quàm quæ à Judæis; sed Christianis cedunt Judæi in typorum elegantia. Seorsum quoque habentur editi à Judæis libri quinque Moïsi cum triplici

plici Targum & Commentariis R. Salomon Isaaki. Hoc modo editus est Pentateuchus Hanoviae MDCXI. cum versibus per numeros distinctis, qui Latinarum editionum versibus respondeant.

C A P. IX.

*Utrum Judæi deditâ operâ codices suos corruperint.
Patrum de eâ re sententia expenditur.*

Quaquam ea quæ nunc exstant apud Judæos sacri contextus exemplaria ab illis quibus LXX. Interpretes & Hieronymus usi sunt, non parùm discrepent, imò nec etiã atate nostrâ inter se consentiant; indè tamen concludere non debemus codices Hebræicos à Judæis deditâ operâ, ex Christiani nominis odio, corruptos fuisse; sicuti nonnullis Theologis visum fuit, qui hæc in re Judæis minùs æquos se præbuerunt. Leo Calstrus Theologus Hispanus unanimem pro hac sententiâ Patrum consensionem mirè prædicat, eorùmque testimonia profert magno cum apparatu. Similitèr Joannes Morinus in hoc negotio Judæis paulò infensior est: licèt enim hanc opinionem minùs probabilem existimaret, longam tamen illius fautorum catalogum contextuit, ut simplicioribus fucum faceret. Et, quod fidem omnem superare videtur, inter Heterodoxos Isaacus Vossius multa in Judæos, tanquàm Bibliici contextus adulteratores, evomit. Verùm si rationum potiùs momenta ponderentur quàm numerentur decreta, rem prorsùs alitèr se habere liquidò constabit. Imò dùm plerique Patres Judæos accusant corruptæ Scripturæ, id potiùs de pravâ illius interpretatione intelligendum est, quàm de ipsomet contextu. Damnant siquidè sub nomine Judæorum, Aquilæ, Theodotionis & Symmachi versiones, quòd eas Judæi passim LXX. Seniorum interpretationi opponerent. Quotiès itaque Patres Judæos in jus vocant quòd Scripturam sacram corruperint, de ejusmodi versionibus, vel de aliâ re simili loquuntur, ut ex infrà dicendis fusiùs patebit. Quâ ratione Hieronymus adversariorum calumnias

Leo Calstrus.

Isaac. Voss.

Sententiæ Patrum de Judæorum codicibus.

Hieron. E.
pist. 89.

lumnias amoliri conatus, cur ipse Scripturam ex Hebræo in Latinum sermonem transtulerit, hanc rationem profert. *Ego, inquit, non tam vetera abolere conatus sum, quam ea testimonia, quæ à Judæis prætermissa sunt vel corrupta proferre in medium, ut scirent nostri quid Hebraica veritas contineret.* Quibus verbis Aquilam, Symmachum & alios Interpretes, quos Judæos sæpè aut Semichristianos appellat, acriter perstringit. Cum enim Patres inter disputandum de Religionis Christianæ veritate cum Judæis, non aliam adversus illos Scripturam adhibebant, quam Græcam LXX. Interpretum versionem; contrà, illi ad Hebræos codices, id est, ad Aquilam & alios Interpretes, qui novas translationes ex Hebræo fecerant, sæpè recurrerant. Et ob hanc potissimum rationem ad novam translationem ex iisdem fontibus cudendam adductum se fuisse profitetur Hieronymus, & ante eum Origenes similem ob causam Hexapla sua mirâ arte composuerat. Sed his prætermisissis Patris cujuslibet sententiam intueamur.

Explicatur B.
Justini Sententia.

Psal. 110.

Primus in aciem prodibit Justinus Martyr qui disputans adversus Tryphonem, primò Judæos falsæ ac subdolæ Scripturarum expositionis coarguit; Siquidem quando illis objicit, quòd imperitè ac malignè Psalmum, *Dixit Dominus Domino meo*, de Rege Ezechia intelligant, qui uni Christo potest accommodari; non secus ac verba illa Isaia, *prinsquam puer nòris vocare patrem & matrem*, &c. quæ Judæi ætatis illius ad eundem Ezechiam referebant: ille verò de Christo interpretanda esse demonstrat. Deindè multa etià, Judæorum perversitate, è Scripturis sublata esse contendit, quia Christianorum Religioni favebant; ac demùm voces quasdam in alias esse commutatas. Sed in his omnibus agitur duntaxat de perversâ contextûs expositione, vel ejusdem interpretatione, non verò de ipsomet contextu, cum de illius integritate aut falsitate judicium suum ferre non posset Justinus, quem penitus ignorasse linguam Hebraicam ostendit quam profert nominis Israël apud Hebræos Etymologia. *Nomen hoc Israël*, inquit, *significat homo vincens virtutem: isra enim homo est, el autem virtus.* Id autem præ ceteris animadversione dignum videtur, quòd Justinus Scripturæ sacræ nomine nihil aliud intelligat quàm LXX Interpretum translationem; irà ut toties Judæos depravatæ Scripturæ arguat, quoties Aquilæ versionem,

versionem, quæ ab illâ in multis dissentit, sequuntur. Et id viros etiam doctos in errorem abduxit, dum quid Scripturæ sacræ nomine Justinus intellexerit minime attendunt: quomodo Judæorum Magistros reprehendit, quod temerè assererent, nunquam ab Isaïâ scriptum fuisse, *ecce virgo concipiet, sed ecce puella concipiet*. Tota controversia est de vocis Hebraicæ *alma* interpretatione, quam LXX Seniores verterant *παρθένος*, *virgo*, Aquila verò *νεάνις*, *puella*; & post Aquilam ætatis illius Judæi: quæ interpretatio nihil prorsus mutationis affert contextui Hebraico; sed Justinus non aliam agnoscens Scripturam quàm illam quæ dudum usu publico in Ecclesiis recepta erat, LXX scilicet Interpretum versionem, hujus auctoritatem Judæis opponit. *Vos autem, inquit, & in his mutare expositiones Seniorum vestrorum, qui fuere apud Ptolemaum Ægyptiorum Regem, audetis, dicentes non habere Scripturam sicut illi verterunt, sed ecce juvencula in utero concipiet*. Scripturæ nomen ibi apud Judæos nihil sonat præter Aquilæ versionem, cui illi penitus adhærebant in suis disputationibus cum Judæis. Sifhili ratione Justinus auctor est Judæos à suis codicibus has dictiones *אֶת הָעֵץ*, à ligno, abstulisse quod in suis ipse codicibus eas legeret, Psalm. xcvi. Sed si res ipsa attentius consideretur, verba illa videntur potius assuta fuisse & adventitia, quàm prætermissa. Hos itaque decipi necesse est, qui Justinus, de rebus parùm sibi compertis nimium securè pronuncians, judicium avidius sequuntur. Tryphoni potius Judæo hæc in parte auscultaverim, quem Justinus respondentem inducit his verbis, Dialogo suo, de Scripturarum mutilatione, cujus auctores ille fecerat Judæorum principes; *incredibilis videtur res illa, incredibilis, inquam, professò videtur: horribilissimum siquidem est vituli fabricatione, quam in terrâ desertâ facere mannâ expleti, aut liberis mactatis Damonibus, aut Prophetarum ipsorum occisione*. Major reverà Judæos codicum suorum tenuit religio, quàm ut illos consultò depravare ausi fuerint. Præterea ex ejusdem Tryphonis responsis, quæ hic subijcit Justinus, apertè liquet Judæos tunc temporis Scripturarum literarum fuisse tenacissimos, & relictis allegoriarum subtilitatibus, contextui Hebraico pressius adhæsisse, ut Christianos fortius premerent. Quam ob causam Græcas versiones condiderunt, quæ melius contextum Hebraicum quàm LXX Seniorum interpre-

E. Justin.

Id. Justin.

interpretatio repræsentarent. Undè etià persæpè Justinus utramque lectionem, Judaicam scilicèt ac Christianam laudat, ut cum Judæis disputans, eos ex illorum codicibus refellat. Denique nòn est cùr Judæi ob depravatos à se Bibliorum codices in jus vocentur, siquandò unam eamdemque vocem Hebraicam ad res suas magis accomodatè exposuerint, sicuti cùm Justinus in eodem Dialogo Tryphoni objicit, Judæos perversè legere Genes. xlix. *ἵως ἂν ἔλθῃ τὰ ἀποκάλυπτα ἀντὶς*, donec veniant qua reposita sunt ei: cùm in Græcâ LXX Interpretum versione habeatur *ἵως ἂν ἔλθῃ ᾧ ἀποκάλυπται*, donec veniat cui repositum est. Nam dictio Hebraica *יָוֹשׁ* rectè in utroque sensu reddi potuit, neque constat utrùm versio, quam fidentèr Justinus LXX Interpretum esse affirmat, ab ipsis reipsâ profecta fuerit, quandoquidè Romana editio illam exhibet quam Justinus Judæis tribuit, ubi Scholiastes observat existare eandem apud Clementem Alexandrinum, Eusebium, Chrysostomum, Cyrillum, & è Latinis Patribus Cyprianum & Augustinum. Secundus ordine procedit Irenæus, qui Judæorum Magistros accusat, quòd *Legem suam è contrario Legis Mosaica statuerint: in quâ quædam auferant, quædam verò addant, quædam autem quemadmodum volunt, interpretantur.* Verùm seipsum explicat ibidè Beatus Irenæus, profitetùrque se loqui duntaxat de Seniorum constitutionibus, quos ait *præcepto Dei miscere equatam traditionem*, mentisque suæ sensum ex Christi verbis istis apud Matthæum confirmat; *quare vos transgredimini præceptum Dei propter traditionem vestram?* Quo loco Christus de contextûs Biblici depravatione nè quidè cogitavit. Nec etià plus habent ponderis alia ejusdem Patris testimonia, quæ in eversionem Judæorum exemplarium vulgò afferuntur: demiròrque Joànnem Morinum, virum eruditissimum, qui in contexendâ Patrum serie qui Biblia à Judæis corrupta fuisse existimârunt, Irenæum recenseat, affirmetque, id omninò constare ex his illius verbis; *qui quidè (Judæi) si cogitavissent nos futuros & usuros his testimoniis qua sunt è Scripturis, nunquam dubitâssent ipsi suos comburere Scripturas, qua & reliquas omnes gentes manifestant participare vitæ.* Cùm ex illis contrarium potius confici queat. Per Scripturas ibi denotat Irenæus LXX Interpretum translationem, quæ in usum plerarumque Synagogarum cesserat: & quia hæc translatio ante Christi adventum

ab.

Iren. lib. 4.
cap. 25.B. Irenæi
Sententia.

Matth.

Notatur Mo-
rinus.Iren. lib. 3.
cap. 25.

ab ipsismet Judæis condita fuerat, ex eâ versionem Aquilæ veluti perversam atque subdolam reprehendit, & proclivem Judæorum animum in Scripturæ perniciem colligit, ex illâ interpretatione quam illi in odium Christianæ Religionis aslumbant, relicta LXX Seniorum versione, quæ ab eorum patribus adornata fuerat. Tantum abest ut Irenæus depravatas à Judæis Scripturas asserat; quinimò illarum integritatem statuit, negatque illas reapse depravatas fuisse, suam tantum de eo quod futurum fuisset conjecturam subjiciens. Hanc unam librorum sacræ Scripturæ depravationem agnoscit Irenæus cum reliquis Patribus, quæ in Hebræorum codices, Judæis Babylonem deportatis, injecta fuerat, quæque postea ab Elsdra, Synagoga, quam vulgò magnam appellant, Principe sublata fuerat, exemplaribus Hebraicis primæ formæ illius ope restitutus.

Iren. lib. 3.
cap. 25.

Tertius progreditur Tertullianus: sed adeò frigida sunt quæ adversus Judæorum codices ex illius auctoritate ducuntur, ut vix refutatione egeant. Proferuntur inprimis hæc illius verba; *legimus omnem Scripturam adificationi habilem divinitus inspirari, à Judæis postea jam videri propterea rejectam, sicut & cetera ferè quæ Christum sonant, nec utique mirum hoc si Scripturas aliquas non receperunt de eo loquutas, quem & ipsum coram loquentem non erant recepturi.* Verum de contextûs Biblici corruptionibus ne verbum quidem in hoc Tertulliani testimonio. Librum Enoch quem plerique supposititium meritò arbitrabantur vindicare conatur Tertullianus, & probationi respondent quæ ex Judæorum, qui ejusmodi librum inter Canonicos non recensent, auctoritate desumpta fuerat: ait Doctores istos recutitos multa inter Apocrypha collocasse, quæ postea Ecclesia tanquam Divina receperit. Scio, inquit, *Scripturam Enoch qua hunc ordinem Angelis dedit non recipi à quibusdam, quia nec in armarium Judaicum admittitur.* Neque etiâ dixit Tertullianus, ut à Morino laudantur illius verba, *Scripturam à Judæis fuisse rejectam, sed rejectam: non enim ibi agitur de Scripturâ ex parte mutilatâ, sed de integris voluminibus, quæ Judæi tanquam libros suspectæ fidei rejecerint: & hæc lectio ex Beati Rhenani, Pamelii aliisque Tertulliani operum editionibus confirmatur.* Nec magis ad id faciunt verba illa ejusdem Tertulliani; *ista hæresis non recipit quasdam Scripturas, & si quas recipit adjectionibus & detractionibus*

Tertol. lib. de
habit. mul.
cap. 3.

Sententia
Tertulliani.

Tertull. lib.
de præscript.
adv. hæret. c. 179

Joân. Morin.
Exercit. Bibl.

tionibus ad dispositionem instituti sui intervertis; & si recipit, non recipit integras, & si aliquatenus præstat, nihilominus diversas expositiones commentata convertit. Tantum obstreperit veritati adulter sensus quantum corruptor stylus. Hæreticos ibi notat apertè Tertullianus, non Judæos. Jam ex his cognoscere est, utrùm meritò vir doctus in has voces eruperit postquam Justinus, Irenæus ac Tertulliani contra Judæorum, ut putat, codices testimonia produxit: ex his igitur evidentissimè patet principium istud, (en fundamentum, Judæi Scripturas suas atque etiam nostras in odium Christi & Christianorum depravârunt, & libros nonnullos à Canone deleverunt, sanctissimis Patribus nostris fuisse acceptissimum illòque principio fretos difficultates occurrentes nonnunquam enucleasse, & objectionibus Hæreticorum aut Judæorum respondisse. At, pace viri illius eruditissimi, dixerim eum numquàm Patres eâ de re consultuisse; sed quæ in aliis, maximè in Leonis Castri hominis Judæis infensissimi operibus legerat, ea ferè ad verbum exscripta in Exercitationes suas Biblicas transtulit. Non is tamen sum, qui Patrum decretis in hoc negotio omninò standum esse existimem. Plurimum quidè valet in rebus fidei illorum auctoritas, sed in re Criticâ tunc æstimanda est, quando cum veritate concordat, ducèmq; in hoc negotio habemus Theologorum Latinorum principem, Beatum Augustinum, qui ut fuit vir acutissimi ingenii, judiciique acerrimi, ab aliorum Patrum sententiâ discedere non reformidavit, etiàm in eo argumento de quo in præsentia lites moventur: quia illam minùs verisimilem judicabat. Quo pacto expendens rationem discrepantiæ, quæ de annis Mathusalem Græcos inter & Hebræos codices intererat, illorum opinioni favere nequit, qui hoc loco Græca exemplaria Hebraicis anteponunt. Quanquam Græcam illam versionem opus esse Prophetarum cum ceteris Patribus haud invitus agnoscat Augustinus. Nonnullorum ætatis suæ eâ de re sententiam refert his verbis; non admittunt quòd magis hic esse potuerit error Interpretum, quàm in eâ lingua esse falsum, unde in nostram per Græcam Scriptura ipsa translata est; sed iniquum non esse credibile LXX Interpretes, qui uno simili tempore unoque sensu interpretati sunt, errare potuisse, aut, ubi nihil eorum interest, mentiri voluisse: Judæos verò dum nobis invident, quòd Lex & Prophete ad nos interpretando transierunt, mutasse quedam in codicibus,

August. lib.
15. de civit.
Dei, cap. 11.

cibus, ut in nostris minueretur auctoritas. Hanc opinionem, vel suspicionem, accipiat quisque ut putaverit, certum est tamen non vixisse Mathusalem post Diluvium. Hic Augustinus veritatis pondere magis permotus fuisse videtur quam nube Scriptorum, quos minùs æquum de annis Mathusalem iudicium ferre noverat. Quare eandem quæstionem iterum pertractans, palàm asserit se in eorum sententiam venire non posse, qui Judæos deditâ operâ codices suos depravasse existimabant: negat Judæorum gentem longè latèque diffusam, in hoc conscribendum mendacium uno consilio conspirare potuisse; ità ut dùm aliis invideant auctoritatem, sibi veritatem abstulerint. Demùm hæc subdit, rectè fieri nullo modo dubitaverim, ut cùm diversum aliquid in utrisque codicibus invenitur, quandoquidem ad fidem rerum gestarum utrumque esse non potest, verum ei lingue potius credatur, unde est in aliam per interpretes facta translatio. Et ut ità sentiret Augustinus, contra plerorumque ætatis suæ Doctorum opinionem, sola rei ipsius veritas effecit. Optarem ut omnes cum Augustino, magis ad res ipsas quàm ad aliorum auctoritatem animum attenderent. Hoc enim pacto diversitas opinionum facillimè conciliaretur. Aliorum Patrum testimonia, quorum longam seriem Leo Castrus inutilitèr contexit, prætereo: satis enim erit illos producere, qui linguam Hebraicam calluerunt. Puderet enim illos testes proferre negotii quod eos omninò latuit.

Unus Græcos inter Origenes & inter Latinos Hieronymus linguæ Hebraicæ operam dederunt. Ut enim ceteros omittam, Epiphanius quem linguis quinque instructum prædicat Hieronymus, Hebraicâ levitèr tinctus fuit, rei verò Criticæ minimè peritus. Origenem primùm post Apostolos Ecclesiæ Magistrum idem Hieronymus appellare non dubitavit ob singularem illius, præfertim in Scripturis, eruditionem. Si tamen penitiùs introspectiatur Hebraicum Origenis studium, mediocriter in eo versatus fuisse videbitur; sed in hoc sanè venià dignus est, quòd longè plurimis intentus, aliquando minùs exactè loquatur, Philonem sæpe aliòsque similes Scriptores sequutus. Sat tamen eruditionis Hebraicæ habuit ut variarum editionum discrepantias assequeretur, etsi hâc in parte Hieronymo longè inferior existerit. Quare spernendum non est illius iudicium de contextûs Hebraici sinceritate. Scriptores qui Judæorum codices

August. ibid.
cap. 13.

B. Augustini
sententia de
Judæorum li-
bris.

B. Epiphan.

Origenis de
Judæorum
codicibus sen-
tentia expli-
catur.

codices elevant, multa solent ex Origenis operibus proferte, quibus Judæos tanquam sacrarum literarum corruptores traducere videtur. Ità ad hæc verba Hieremiæ, *peccatum Jude conscriptum est stylo ferreo*, Judæos palam arguit veluti falsarios, qui hoc loco, *peccatum eorum*, pro peccato Jude, posuerint. Iterum in Epistolâ, quam scripsit Africano de historiâ Susannæ, multa Judæos à suis libris rescuissse, nè legerentur à plebeiis hominibus asseverat. *Dicendum*, inquit, *quod ex iis quæ Presbyterorum & Magistratum & Judicum continebant vituperationem, quæcunque potuerunt sustulerunt à cognitione populi, quæ quidem servantur in arcanis*. Et in exemplum illius corruptionis offert quæ auctor Epistolæ ad Hebræos narrat de Isaiâ: ac contendit ea quæ ibi existant de Prophetis nimirum, *lapidati sunt, secti sunt, in occisione mortui sunt*, in libris editis non haberi; sed quæ leguntur de secto Isaiâ ex traditione accepta fuisse & in Apocrypho quodam asservari. *Quod quidem*, inquit, *fortasse consultò per dolum factum est à Judeis, quibusdam non decentibus Scripturæ injectis dictionibus, ut toti fides abrogaretur*. Alia ibidem sed planè similia in ejusdem rei probationem subiungit, ea scilicet quæ Christus in novo Testamento quasi ex veteri translata Judæis objicit, quæ tamen in hoc frustra quæsieris, qualia sunt verba illa, *Hierusalem, Hierusalem, quæ occidis Prophetas, & Lapidas eos qui missi sunt ad te*, &c. Paritèr historia quæ refertur de Zachariâ filio Barachiæ occiso inter Templum & altare, quod hæc omnia in Scripturâ minime appareant, illa à Judæorum Magistris sublata fuisse suspicatur. *Quamobrem*, inquit, *non aliud procurasse existimo eos qui estimabantur Sapientes & Principes & Seniores populi, quam ut ea adimerent quæ eorum continebant accusationes ad populum: non est ergo mirum si veram historiam Susannæ, cui pararunt insidias impudici Seniores, ii qui non longè aberrant ab instituto illorum Presbyterorum suffurati sunt & subtraxerunt à Scripturis*.

Possunt & alia bene multa ex Origenis operibus in ejusdem rei probationem congeri, quibus plerique Scriptores in everisionem codicis Hebræi abutuntur quibus cognitum non est ingenium Origenis, & quæ illi propria est scribendi ratio. Hæc non ignoravit Eustathius qui notat Origenem, quod ubique opiniones contrarias scriptis suis inferat; idemque longè antea Hie-

Eustathi. Dis-
sert. de En-
gast. adv.
Origen.

Hieronymus non solum de Origene, sed de Eusebio, Methodio, Apollinario, animadverterat, qui interdum non quod sentiunt, sed quod necesse est, dicunt. Fecit nimia illa Origenis libertas, ut, dum quicquid ex aliis Scriptoribus haustum in mentem venerat, sine delectu effudit, in hæreseos crimen, quasi mentis suæ sensa exprimeret, vocatus fuerit. Hæc itaque diligentèr observanda sunt, si Origenem cum ipso Origene conciliare velimus, nè quod ille probabiliter tantum dixerat, suisque temporibus serviens ac personis quas alloquebatur, id pro Origeniano obrudatur. Aliàs parum sibi constans Origenes ubique contraria dixisse videbitur, ut etiàm præsentis controversiæ exemplo, de contextûs Hebraici sinceritate, demonstrare non est arduum. Idem enim Origenes, apud quem Judæi suprà malè audiunt, tanquàm Scripturæ sacræ corruptores, profertur ab Hieronymo velut acerrimus veritatis Hebraicæ defensor. Quod si aliquis dixerit, inquit Hieronymus, Hebræos libros postea à Judæis esse falsatos, audiat Origenem quid, in octavo volumine explanationum Esaia, huic respondeat quasiuncula, quod nunquam Dominus & Apostoli, qui cetera crimina arguunt in Scribis & Phariseis, de hoc crimine, quod erat maximum, retinissent. Sin autem dixerint, post adventum Domini salvatoris & prædicationem Apostolorum libros Hebræos fuisse falsatos, cachinnum tenere non potero, ut Salvator & Evangeliste & Apostoli testimonia protulerint ut Judæi postea falsaturi erant. Non hic sanè tergiversatur Origenes, sed quid de Judæorum codicibus sentiret, liberè & apertè proficitur. Cur autem contrarium prorsus interdum affirmet Origenes idem Hieronymus, qui illius ingenium probè noverat, docet his verbis. De Adamantio autem sileo, cujus nomen, si parva licet componere magnis, meo nomine invidiosus est; qui cum in Homiliis suis quas ad vulgum loquitur, communem editionem sequatur, in Tomis, id est, in disputatione majori, Hebraicæ veritate stipatus & suorum circumdatus agminibus, interdum peregrina lingua querit auxilia. Alièr igitur cum eruditis se habebat Origenes, alièr verò cum imperitâ multitudine, & ut aiunt, cum paucis sapiens, ea quæ multorum erant palam faciebat. Et his consentiunt quæ ipse Origenes scribit adversus Celsum: postquam enim nonnulla ex libro Exodi produxit de Eleazari filii Moy-sis circumcisione, secundum vulgatam temporis illius editionem,

Hieron. apol.
adv. Ruffin.

Hieron. Com-
ment. in c. 6.
Isai.

Hieron. pro-
œm. quat.
Hebr. in Ge-
nes.

Origen. lib. 3.
adv. Celsium.

tionem, statim contextus Hebraici lectionem subjicit cum hac animadversione, *sed hæc quæ videntur curiosiora nec satis apta vulgi auribus*, &c. Nimirum Origenes cum multa de nominum in variis linguis, juxta Magorum Cabbalistarumque principia, virtute, diligentissimè observasset, ac quidpiam de octavæ diei circumcissione supersticiosius annotasset, verbis Scripturæ Græcæ & Judaicæ laudatis, veluti seipsum castigans alia ejusdem naturæ, quæ à plebeiorum hominum cognitione nimium remota arbitrabatur, prætermittit, Doctoris partes exsecutus, cujus erat multitudinem secundum Religionis Christianæ, non verò Judaicæ, principia docere.

Si hæc & alia, quæ prudens omitto, de Origenis ingenio & illius scribendi ratione ritè observentur, facillimè cognoscetur quo animo ille Judæos in crimen falsatæ Scripturæ adduxerit: In Homiliis siquidem quos ad populum habuit plebeiorum hominum personam induere tenebatur, similiter in Epistolâ quam scripsit Africano, veterum Patrum sententiam de Hebræis Græcisque exemplaribus sequutus est, atque in primis Justiniani, non ausus ab eâ discedere nè videretur cum Judæis sentire, ut verbis istis quæ exstant in eadem Epistolâ satis innuit; *vide ergò ne imprudentes & inscientes abrogemus exemplaria quæ habentur passim in Ecclesiis, & legem statnamus Fraternitati, ut deponant quidem sacros qui apud eos servantur libros, assententur autem Hebræis, & persuadeant ut nos puris impertiant & qui nihil habeant figmenti.* Tunc in animo habebat quantum detrimenti rebus Christianorum afferre poterat, pro illâ ætate, Judæorum de LXX Interpretum versione sententia. Undè hæc ibidem subdit; *Considera annon sit bonum meminisse ejus quod scriptum est, non transpones terminos æternos quos statuerunt patres tui.* Hæc autem dico non quod verear ac dubitem scrutari quæ sunt apud Judæos Scripturas, & omnes nostras cum illorum Scripturis conferre, & videre quam sint in illis differentia. Si non est quidem certè grave & arrogans dicere hoc, gnauiser & pro viribus fecimus ut mentem nostram exerceremus in omnibus editionibus & earum differentiis, cum eo quod longè magis exercebamus interpretationem LXX, nè videremur falsi & adulterini aliquid inducere in Ecclesias quæ sunt sub calo, & daremus pretextum iis qui querunt occasionem & volunt eos qui sunt in medio calumniari & iis qui sunt in communi criminari. Ex his manifestum est Origenem

Origen. in E-
pist. ad Afri-

genem non simpliciter, sed secundum oeconomiam duntaxat, & accommodationem, eam quæ tunc vulgò recepta erat de Judæorum codicibus opinionem suâ quoque auctoritate comprobasse. Quandoquidem, teste Hieronymo, apud eruditos contrarium docuit, neque etiâ plurimi fecisse videtur rationes quas in illâ profert epistolâ: dictionem enim conjecturalem fortassè, quasi subdubitans, adhibet. *Quod quidem fortassè, inquit, consulto per dolum factum est à Judeis, &c.* His omnibus accedit inanes prorsus esse, quas assert, rei hujusce probationes, ac à seipsis corruiere, neque illum earum fuisse auctorem crediderim; sed, ut erat vir inexhaustæ lectionis, quæ ex aliorum libris hauserat probabiliter attulit. Quanti autem ipse fecerit Judæos Origenes palam testatus est, cum illos sibi in linguâ Hebraicâ Magistros accersiverit, quorum frequenti consuetudine usus, reliquos Ecclesiæ Doctores in Scripturarum scientiâ longo intervallo superavit.

Similiter Hieronymus de Judæorum codicibus diversa planè sensisse videtur, adeo ut jam suâ ætate viri docti illius instantiam, tam in hoc argumento quàm in aliis, objicere non reformidârint: & nostris temporibus Ribera, qui in operibus Hieronymi fuit exercitissimus, mentis illius assequendæ difficultatem sentiens, affirmat Hieronymum *non oscitantem aut in-eruditum lectorem postulare.* Et scriptionis illius methodum ac rationem exprimens ita loquitur; *soles sapè vulgares interpretationes & opiniones sequi, ne unus multis repugnare velle videatur, contentus aut ibi aut alibi quod verum erat docuisse.* Multos tamen videas, qui, licet vix Hieronymum salutaverint, eum sibi patronum adsciscere non dubitent; quos sæpius decipi necesse est, dum non tam quid ipse sentiat, quàm de causâ ita sentiat, quàm quid loquatur, temerè producant. Idcirco nè similes illis esse videamur, quale sit Hieronymi ingenium, quæve illius ratio scribendi explicare est operæ precium, ut hæc arte quid constanter & ex suâ sententiâ, quid vero probabiliter tantum & ex aliorum opinione dixerit, consequi possimus.

Hieronymus juvenis, in Scholis declamator, controversias in utramque partem agitare consueverat, in Grammaticorum, Rhetorum necnò Philosophorum libris detritus. Peripateticorum in primis & Stoicorum, quia illi Logices erant peritissimi,

B. Hieronymi
de Judæorum
libris judici-
um.

Ribera. Com-
ment. in Joel.

Hieron. lib. 2.
Apolog. adv.
Ruffin.

studiosus fuit. Aristotelem & ejus Interpretum faciliè principem Alexandrum Aphrodisiæ sibi reddidit familiares, atque hujus Commentarios Latinâ civitate donavit. *Penè ab ipsis, inquit, incunabulis inter Grammaticos & Rhetores & Philosophos detriti sumus.* Indè fit ut plerumque suos obtrectatores tanquàm homines artis Dialecticæ imperitos derideat, qui *καταρχειας* Aristotelis, neque *ἐξ ἐπιμελειας*, nec *Topica* legerint. Quantum in Scholâ Aristotelis profecerit ubique ostentat, ac docet quantum in rebus Dialecticis plumbei essent illius adversarii. *Legimus, inquit, & eruditissimi viri, in Scholis pariter & Aristotele illa de Gorgia fontibus manantia. Simul didicimus plura esse videlicet genera dicendi, & inter cetera, aliud esse *παρασκευάζειν* scribere, aliud *ἀγανατίζειν* in priori vagari esse disputationem & adversario respondentem, nunc hac nunc illa proponere, argumentari ut libet, aliud loqui, aliud agere.* Hâc arte Hieronymus puerilis inconstantiæ crimen, quod ei obiectum fuit, quasi pro arbitrato loqueretur pugnantiâ, à se removit. Quæ *ἀπλῶς* ac simpliciter affirmare vitus fuerat, ea tantum *οὐκ ἀποφαντὸς* & *κατὰ τὴν* à se dicta fuisse ostendit. Itâ cum Origenem Ecclesiæ Magistrum appellare non dubitasset, eundem postea notavit ut Hæreticum. Illius pro re natâ duntaxat laudatorem se fuisse declarat. *Nostrium*, uti loquitur, *voco Origenem ob eruditionem ingenii, non ob dogmatum veritatem.* Habet & similia de Eusebio, & eâdem ratione Aquilam modo appellat accuratum ac diligentissimum interpretem, modò contentiosum & ineptum: tamen secum ipse non dissidet Hieronymus, qui, pro rerum diversitate, diversâ quoque sentit de uno & eodem interprete.

Jâm explicatâ B. Hieronymi indole ejusque scribendi formâ, ad id quod nostri est instituti deveniamus. Joannes Morinus, qui contraria ipse haud infrequentè loquitur, Hieronymi inconstantiam in eo de quo nunc agimus argumento fuggillat his verbis. *Juvenis sanctus Hieronymus LXX Interpretum translationem ut ab Apostolis approbatam & verè Divinam suspexit — Judeos deniquè maligna corruptionis, in odium Christianorum, sapè accusavit. Verum ætate proveltior Rabbiorumque plurimum, discenda Hebræa lingua causâ, contubernio usus, sententiam itâ mutavit, ut non modò codices Hebræos ab omni malignâ depravatione immunes asseruerit, sed etiâ in extrema quaque serè propenderit.* Sed dudum Hieronymus ipsemec

Ruffino

Joan. Morin.
in Exercitat.
Bibl.

Ruffino & aliis, qui eadem prorsus illi objiciebant, respondit, se tam stultum non esse, ut quod in pueritiâ didicerat, senex oblivisceretur, *neque nova sic credimus, inquit, ut vetera destruamus.* Consideranda sunt inprimis illa quæ de Hieronymianâ methodo suprà annotavimus. Primò enim Hieronymus in Ecclesiâ enutritus ejus codices in honore habuit, eosdémque ad pervertusta exemplaria castigatos longè emendatiores linguæ suæ hominibus, id est, Latinis, dedit. Quapropter receptam vulgo de illorum authenticâ sententiam amplexatus, illorum architectos, cum aliis omnibus, tanquàm Prophetas prædicavit, ut illorum lectionem sub hoc nomine commendaret. Utrùm autem reipsâ Prophetarum an Interpretum albo adscribi debeant minimè curat, cum id tunc sui non esset instituti, ea tantùm referre contentus ad operis sui commendationem quæ in ore omnium versabantur. Sed factus senior, postquàm literis Hebraicis operam dedisset, Criticum agens, non amplius ex aliorum sententiâ loquutus, quid ipse sentiret confidentèr asseruit. Demùm cum in se multorum maledicta, ob hanc opinionem convertisset, iterùm communem de Hebræis Græcisque exemplaribus, secundum œconomiam tantùm, & habitâ rerum suarum ratione, amplexatus fuit.

Malo itaque Hieronymo jam provectæ ætatis adhærere & rei Criticæ tunc perito, quàm juveni qui ex aliorum ore loqueretur. Nec est quòd Morinus objiciat, Hieronymum in his locis videri quid ipse sentiret proferre, non autem aliorum opinionem: Hieronymo siquidè familiare est, ut quæ probabiliter solùm, & quæ ex aliorum mente producit, de iis firmissimè, & quasi suam ipse sententiam exprimat, asseveret. Quo sensu intelligenda esse existimo verba illius in Epistolâ ad Galatas, ubi nonnulla à Judeis perversè deleta fuisse in Hebraicis exemplaribus auctor est. Ibi enim ex Scriptorum, quos in suâ Præfatione laudavit, sententiâ loquitur. Ità Ruffino doctrinam suam maledictis laceffenti alias respondit; *ego, in Commentariis ad Ephesios, sic Origenem & Didymum & Apollinarium sequutus sum, qui certe inter se contraria habent dogmata, ut fidei meæ non amitterem veritatem. Commentariis quid operis habent ulterius dicta edisserunt.* Et paulò post; *nùm diverse interpretationis & contrariorum inter se sensuum reus tenebitur, qui in uno opere, quod edisserit,*

Hieron. Comment. in cap. 3. Epist. ad Galat.

Hieron. Epist.
ad Augustin.

expositiones posuerit plurimorum. Quâ similiter ratione rescribens Augustino, post recensitos Doctores, quorum verbis sua ipse contexuerat, hæc subiungit. *Itaque, ut simpliciter fatear, legi hæc omnia, & in mente meâ plurima concervans, accito Notario, vel mea vel aliena dictavi, nec ordinis nec verborum, interdum nec sensuum, memor.* Iterum hæc eidem Augustino rescribit. *Siquid igitur reprehensione dignum putaveras in explanatione nostrâ, eruditionis tue fuerat querere utrum ea quæ scripsimus, haberentur in Græcis: ut si illi non dixissent, tunc meam propriè sententiam condemnares, præsertim cum libere in Præfatione confessus sum Origenis Commentarios me esse sequentum, & vel mea vel aliena dictasse.* Nequis autem illi objiceret, hoc scribendi genus peculiare illi fuisse, docet alio in loco quos sibi in hac arte duces proposuerit. *Legite, inquit, Demosthenem, legite Tullium, ac, ne forsitan vobis Rhetores displiceant quorum artis est veri similia magis quàm verâ dicere, legite Platonem, Theophrastum, Xenophontem, Aristotelem, &c.* Imò laudat Origenem, Methodium, Eusebium, Apollinarium, & inter Latinos Tertullianum, Cyprianum, Minutium, Victorinum, Lactantium, Hilarium, qui similem scribendi rationem imitati fuerint; quin & ipsummet Paulum his omnibus adiungit: *Legite, inquit, epistolas ejus & maxime ad Romanos, ad Galatas, ad Ephesios, in quibus totus in certamine positus est; & videbitis eum in testimoniis, quæ sunt de veteri Testamento, quàm prudens quàm dissimulatus ejus sit quod agit.* Et hæc ex Hieronymi libris decerpta ideo prolixius retuli, quod sæpè deprehenderim multa tribui Hieronymo de quibus ille nunquàm cogitavit. Tenenda igitur prius est dictionis Hieronymianæ œconomia, quàm de illius mente feratur judicium, & aliquid sub ejus nomine & auctoritate propugnetur. Frequentè enim non tantum quid ipse sentiat adducit, quàm quod ex aliorum scriptis hausit, quæ si probè intelligantur, nunquàm à seipso dissidebit Hieronymus, etiam in præsentem, quàm nunc tractamus, materiâ. Quando enim Judæos, tanquàm Scripturæ factæ corruptores, perstringit, ex aliorum mente loquitur. Unde Commentariis in Michæam non ausus est palàm Judæos accusare, quali è suis codicibus vocem Ephratha, seu Bethlehem, ex odio Christianæ Religionis, eraserint, nè videlicet Christi è tribu Judææ ortus cognosceretur. Verùm hanc esse quorundam ætatis suæ

Hieron. Com-
ment. in Mich.
cap. 5.

suæ Doctorum sententiam declarat, nihil omninò affirmans; aliorum duntaxat placita refert inter se pugnantia. Hoc tamen Hieronymi testimonium avidè arripuit Isaac Vossius, vir alioqui doctus, ut ostenderet Hieronymum non ausum fuisse negare Judæos vocem *Ephratha* à suis exemplaribus de industriâ sustulisse. Sed quid de hoc argumento ex rei veritate sentiat Hieronymus discere non est arduum, cum Hebraici contextûs, quem passim veritatem Hebraicam appellat, itrenuum defensorem se præbeat.

Isaac. Voss.

C A P. X.

*Isaaci Vossii sententia de Judæorum codicibus expenditur
& refellitur.*

Solas Judæorum Scripturas veras esse ac primigenias communis est Theologorum, quos vulgò Protestantes vocant, opinio; qui inter disputandum cum Doctõribus Catholicis, ad codices Hebræos semper recurrunt siquandò ab his dissentiat Latinus Interpres, quem in multis errasse arbitrantur. Inde factum est, ut Theologi illi, qui Reformatorum nomen ambiunt, antiquas Ecclesiæ versiones parvi fecerint; si perpaucos excipias, qui nævos etiã in contextu Judaico, non secus ac in illius interpretibus,prehenderunt. Verum longè ultra progressus Isaac Vossius à receptis Protestantium moribus recessit, ac palàm Judæos falsitatis accusavit, quòd multa à suis codicibus, ex Christianæ Religionis odio, de industriâ, post Christi adventum & eversa Hierosolyma, expunxissent: eosque qui Judæorum causam agunt acritèr suggillat & Doctores suæ sectæ, qui hodiernam codicis Hebræi lectionem tueantur, appellat *asellos cassos lumine & intellectu, rogâ cinctos professeris, pro chypo gestantes Biblia Masorethica cum omnibus suis punctis.*

Isaac. Voss. Epist. ad Andr. Colv.

Voss Dissertat.
de Sept. praef.

Notatur Vossius.

B. Augustin.

B. Justin.

punctis. Firmissimas Vossium assertionis ita liberae rationes habere, quis non credat? At quam graviter allucinatus ille fuerit, ex his quae mox dicentur, manifestum fiet. *Quis locus,* inquit, *qui de Messia agit in sacris occurrit literis quem illi non corrumpere aut sinistra interpretatione enervare sunt conati?* Et paulo post, *cum viderent tempus adventus Messiae praeteriisse, expleti quippe erant anni sex mille a creatione mundi, ut lucrarentur annos bis mille, tota quatuordecim saecula e codicibus suis expunxerunt: residua quinque vel sex saecula ut abolerent, decurtarunt intervalla Judicium, omit- tendo Anarchias & contrahendo spatia Regum Persicorum. Hoc pacto totis bis mille annis mensuram temporis multarunt.* Sed haec mera sunt Vossii commenta, qui non solum Judaeos accusat, sed & a Samaritis idem facinus commissum fuisse auctor est, licet dispari ratione. Verum prisci Ecclesiae Patres Africanus, Origenes, Eusebius, Hieronymus, Augustinus & alii, qui hanc Judaeorum codicis ab Hebraeis exemplaribus in rebus Chronologicis discrepantiam animadverterunt, de hac depravatione Judaeis objicienda nunquam cogitarunt. Imo Augustinus hac in parte Judaeorum exemplar Graeco praefendum esse non veretur interdum asserere, in eaque est opinione, *ut ei lingua potius credatur, unde est in aliam per interpretes facta translatio.* Justinus Martyr, qui disputans adversus Tryphonem Judaeos variis modis exagitat, ut Graecam, quae tunc sola in Ecclesia auctoritatis aliquid obtinebat, Septuaginta Seniorum interpretationem vindicaret, de mutata ab iis Chronologia, ut causae suae patrocinarentur, ne verbum quidem protulit.

Præterea si Judaeis in mentem venisset codices Hebraeos corrumpere, ne tempus quo in sacris literis venturum esse Messiam significatur elapsum esse videretur, longè potiori titulo Danielis vaticinium, quod accuratè tempus illud observat, quam libros Moyſis aut Judicium depravassent. Prophetiam autem Danielis, quae magnam partem Messiae tempora respicit, integram remansisse in confesso est apud omnes, & hac Judaeos valdè premi negare non audet ipse Vossius. Sed latebras quærens affirmat antiquos Judaeos non tantum Daniele a choro Prophetarum segregasse, sed & negasse fuisse Prophetam. Verum nunquam intellexit vir doctus, quo sensu Judæi Daniele Prophetarum choro minimè adscriberent. De hoc negotio, uti jam

jā supra observatum est, frustrā Christiani cum Judæis disputant: utrique enim lubentes agnoscunt in libro Danielis multa existare de Messia venturo vaticinia, & hunc Spiritus sancti opus esse non secus ac reliquos Scripturæ sacrae libros. De Davide eadem prorsus fingunt Judæi atque de Daniele: non idē tamen Spiritus sancti afflatum ab eo remonent. Contrā in Psalmis etiā multa haberi quæ venturum Messiam prænunciant palam asserunt, & siquid sit inter illos & Christianos hāc in parte discriminis, mera est de nomine, ut jā alibi probatum est, controversia: dū illi aliter Scripturæ sacrae libros partiuntur atque Christiani. Sed suo seipsum gladio jugulat Vossius dū ob res Chronologicas Judæos falsitatis reos peragit, quandoquidē hodierna contextus Hebraici Chronologia Judæos longē magis urget quā illa quæ ex Græcā LXX Interpretum versione ducitur, nec id Judæi ipsi diffitentur in libris Talmudicis, ubi non eunt inficias jā expletum fuisse tempus quo venturus erat Messias, sed addunt illum propter eorum iniquitates non advenisse. Hæc sunt Talmudistarum verba; *domus Eliæ traditio hæc est; mundus constabit sex annorum millibus; annorum erunt duo millia inanitatis, seu ante legem: duo etiā millia annorum Legis: & duo millia annorum temporis Messia. Sed ob iniquitates nostras, quæ multa sunt, præterire anni illi, qui jā elapsi sunt.* Vossius, qui istud Eliæ effatum ad institutum suum trahere conatus est, in pluribus erravit: primò enim laudare videtur illud quasi reverā ab Eliā Prophetā, aut ex ejus libro, quem olim, inquit, *veteris Testamenti scriptis annumeratum fuisse constat*, desumptum fuerit. Sed Elias iste Doctor fuit Talmudicus, sicuti R. Hillel, R. Schammai, R. Johanan, & alii benè multi quorum nomina & sententiæ in Talmude referuntur. Deinde figmentum est quod ait bis mille annos qui Legem Moysis præcessere, non à principio creationis debere numerari, sed à Diluvio vel ab illo tempore quo Noë dixit Deus, velle se mundum perdere. Longē siquidē diversa est hoc loco Judæorum sententia de sex annorum millibus quo mundus duraturus erat, secundum Magistri Eliæ traditionem. Vaticinii enim illius fundamentum ex sex diebus creationis petatum est; itā ut, sicuti Deus intra sex diem spatium mundum creavit, similiter idem mundus sex anno-

Talm. in tract. Sanhedr. & iii Avoda Zara.

Voss. de Sibyll. lin. Oracul. cap. 2.

Talmudistarum sententia de mundi duramine.

annorum millibus perduraturus sit: idcirco annorum mundi supputatio, inde jam à primâ rerum omnium creatione sumi debet. Magistri qui Commentariis suis Talmudis libros illustrent, bis mille annorum numerant à primo homine condito usque ad tempus illud quo Abraham relicto Idolorum cultu veram Dei unius Legem amplexatus est. Tunc secundum illorum supputationem annum vitæ agebat quinquagesimum secundum. Frigida autem sunt quæ profert idem Vossius ut probet ex B. Petri epistolâ, mundi, de quo agitur, initium arcessendum esse à Diluvio, quod Apostolus ille veterem mundum eum vocaverit qui Diluvium præcessit; terram verò quæ nunc habitans mundum alterum: hæc, inquam, frigida sunt & extra propositi hujusce rationem. Sed non est cur fictitiæ Doctoris Eliæ de mundi duratione Prophetiæ diutius immoremur, neque etiâ ratio habenda est libri illius Prophetiarum Eliæ, quem falsò putat Isaacus Vossius, Eliæ Talmudici nomine deceptus, inter veteris Testamenti libros olim collocatum. Alias siquæ sint majoris momenti probationes ab eodem Vossio productæ adversus Judæos, expendamus.

Nonnulla deinde Vossius adversus Judæos congerit, ut conficiât illos non pauca Scripturæ sacræ loca mutilasse, atque in primis Justinum Martyrem opponit, qui scribat complura olim à Judæis inquinata fuisse exemplaria. Verum jam antea iis omnibus, quæ ex Justinii auctoritate sumi possunt, rationibus abundè satisfacimus. Contextum Hebræum nunquam consuluit Justinus, imò nec consulere potuit; cum ex illius scriptis manifestum sit, eum linguam Hebræam non calluisse. *Sed quos non lesus, inquit Vossius, dedisset sanctissimus Martyr Tryphoni & innumeris aliis, inter quos versabatur, Judæis, si non vera fuissent ea quæ illis intentat crimina? Sed hæc argumentandi ratio digna non est homine erudito, qui in evolvendis B. Justinii libris deprehendere poterat multa illi excidisse. At pergit Vossius; vaticinium de Christo quod occurrit Psalmo xxii. ubi pro foderunt substitutum est, tanquam leo, fuisse ab iis depravatum fatentur plerique Christiani exceptis Fanaticis quibusdam & Sēsqui-Judæis. Verum quidem est ob id à plerisque Theologis in jus vocari Judæos quasi deditâ operâ locum istum corruperint. Sed absit ut Fanaticos ac Sēsqui-Judæos illos esse pronunciem, qui hoc crimen*

Voss. de Sep-
tuag. Interpr.
cap. 8.

Notatur Voss.

crimen à Judæis amoliuntur, cùm R. Jacob Ben Hajim Masoræ instaurator lectionem *caru*, *foderunt*, quæ Christianis favet, in nonnullis exemplaribus se invenisse palam testetur. Neque mirum videri debet, quòd Masorethæ eam, quæ causam suam magis tuebatur, lectionem amplexati fuerint. Eam quidè quàm Græci Interpretes & Hieronymus repræsentant veriore esse agnosco; non ideo tamen accusandi sunt Judæi qui è duabus lectionibus unam selegerint, quæ ad res suas magis accommodabatur. Quin & fieri potest ut ea solum in Masorethicis exemplaribus lectio exhiberetur quàm hodiè exhibent. In lectionibus *cari* & *caru* parum esse discriminis norunt omnes qui rei Criticæ periti sũnt, & quàm facilis ac frequens sit literarum *iod* & *Vau* inter se permutatio. Neque dixeris literam *Aleph* in dictione *cari* scriptam reperiri, minimè verò in dictione *caru*, adeoque mutationem non ita facilem fuisse. Sed alia sunt & quidè haud infrequentia in sacris codicibus superflue hujusce literæ exempla, quæ Masorethis ipsis non fuere incognita. Quare Græci Interpretes & B. Hieronymus illam veluti superfluam reticuerunt, vel ab eorum exemplaribus aberat; secus verò Masorethæ, qui illam agnoscunt.

Vana sunt etiàm quæ ex loco Zachariæ, cap. xii. v. x. objicit Vossius, quasi antiquam Judæi lectionem, quàm prisci interpretes in suis exemplaribus habuere, de industriâ mutaverint: at nemo non, artis Criticæ peritus, judicabit hanc diversitatem ortam esse ex diversis exemplaribus; dùm in aliis legitur *dakru*, in aliis autè *rakdu*, ob facilem videlicet literarum *Resch* & *Daleth* in se invicem permutationem. Nec video cùr ob id, & alia id genus sexcenta, Judæi potiùs in crimen falsitatis adducantur, quàm Græci, Latini, ceterarumque nationum Scribæ, qui similiter in describendis suis codicibus labuntur. Hanc literarum similium commutationem in omnibus linguis reperiri necesse est, undè postea ingens codicum nata est discordia. Quà de re consulendum est imprimis Scioppij de arte Criticâ opusculum, qui totum istud negotium egregiè illustravit. Leo quoque Allatius, vir in evolvendis codicibus MSS. diù versatus, varia Criticorum, in rei hujusce confirmationem, loca congestit: cujus verba huc referre non pigebit, ex illius animadversionibus in Antiquitatum Etruscarum

Leo Allat. in
Antiquit. E-
trusc. pag. 55.

Fragmenta, quæ ab Inghiramiò edita fuerant. *Præterea*, inquit, tot exscriptorum errata, tot literarum, tot nominum in antiquorum monumentis mutationes, si ingennè agimus, à nullo alio quàm à capitibus hisce corrivârunt, ob literarum similitudinem quam inter se capitales, non autem minuscule, servant. Exemplis sed paucissimis ex aliorum animadversionibus agamus, nè ista curiosius ipse perquirere, ab inficeto nescio quo, dicar. *Josephus Scaliger in Varronem de Rē Rusticâ, lib. ii. cap. iii. Mediam non Meliam propter familiarem veteribus rē L in D mutationem, ut Melica contrā gallina dicta, qua Medica dici debebant; & alibi Librarios imperitos sapē pro l, L, & contrā scribere. Godeschalcus Stenichius in libro i. Appuleii ait, sapē in mutuum locum immigrâsse has literas, D & T; & in libro v. causam depravandi sententiam asserit similitudinem literarum B & P; nam & has, ut & R, non semel ex affinitate commutatas, testes Quintilianum & Plinium adducens, quorum verba & monita de majusculis & Romanis literis accipiendâ, quod iis antiquis in libris describendis usi fuissent. Joannes Isacius Pontanus in Glossario prisco Gallico, non in dissimili argumento, B & P mutationem, solennem metastasim vocat. Scioppius de Criticâ tradit, exemplisque ex variis fusè probat, C in G, D in L, F in E, P in B & R; & vice versâ, L in D, E in F, R & B in P, ob similitudinem commigrâsse. Habent quoque inter se quamdam similitudinem majusculæ Græcorum literæ. Itâ facillima est literarum Græcarum B, Γ, P, necnōn Γ & T, atque Δ & Λ commutatio. Quibus addi posset nōn tantum inter literas etiâminusculas reperiri discrepantiæ, quin sæpius ob earum, quam servant, inter se similitudinem, aliquid confusions oriatur. Quo pacto, ut innumera fileam, quandò apud Græcos legendum sit *ῥῆν*, quandò *ῥῆν*, & apud Latinos *orbis* vel *urbis*, sæpè in incerto est. Varias codicum suorum lectiones sibi objiciunt Chronographi, Historici & alii passim, quorum exempla ubique prostant: exempli causâ; hætenus, Dagobertum Francorum Regem Nanthildem, puellam elegantis formæ, è Monasterio raptam, totius gentis consilio uxorem duxisse, communiter receptum fuerat. Verùm ætate nostrâ viri clarissimi, Jacobus Sirmondus, Adrianus Valesius & alii in codices MSS. inciderunt, qui nōn habeant, Nanthildem, unam ex puellis de Monasterio, in matrimonium accipiens Reginam sublimavit, uti pravè Fredegardi contextum Aimonius*

Aimونیus laudaverat; sed, *Nantehildem unam ex puellis de ministerio accipiens*, &c.; sicut in MS. Fredegardi codice à se lectum fuisse animadvertit Simondus. Ejusmodi allucinationes, quæ non solum ex literarum similitudine, sed & ex innumeris aliis causis nascuntur, reperire est in omnibus manu exaratis, cujusunque linguæ sint ac conditionis. Unde postea lectionum monstra orta sunt, quæ Criticorum ingenia valde contorquent, & gravissima inter Grammaticos dissidia excitant. Itaque qui se germanos Ciceronis imitatores jactitant, suam sibi interdum Ciceronianismi imperitiam exprobrant, non aliam sæpè ob causam, quam quod diversis, in evolvendis Ciceronis operibus, codicibus usi fuerint, quorum indolem bellè notavit Henricus Stephanus.

Henric. Steph.
præfat. casti-
gat. in Cicer.

Sed nè ea, quæ ab imperitis duntaxat ignorari possunt, prolixius annotem, unam operum Ciceronis editionem in exemplum proferam, quæ ex officinâ Elzeviriorum, anno MDCLXI. accurante Schrevelio, prodit. In quâ editione, diversæ aliarum editionum codicumque manu exaratorum lectiones, ad oram libri utilissimè relatæ sunt. Si & in Hebraicis exemplaribus idem præstitum fuisset, & ad illorum margines variantes omnes lectiones, quæ ex diversis codicibus cum MSS. tum editis, necnon ex vetustis translationibus sumi poterant, fuissent observatæ, Judæos ob hanc codicum diversitatem, exemplaria sua corrupisse nemo sanus dixerit; sed ex diversis istis lectionibus meliorem quisque seligeret, ut olim Hieronymus, qui Commentariis suis in Prophetas, à Græcâ LXX Interpretum translatione sæpius recedit. Itaque Magistrorum suorum lectioni addictissimus, in caput ii. Oseæ, hæc animadvertit, *pro salu quoque, quod Hebraicè dicitur jaar, LXX translulerunt testimonium, Resch & Daleth literarum falsi similitudine: si enim pro Resch, Daleth legatur, testimonium dicitur: ita duntaxat ut sed litera non legatur.* Iterum ad caput v. ejusdem Prophetæ notat LXX Interpretes, quod pro חרש mensis, legerint חרש rubigo. Et ad caput ix. quærens cùm ubi LXX habent, *caro mea ex eis, ipse verterit cùm recessero ab eis*, hæc habet, *in eo loco in quo nos diximus, ut eis cùm recessero ab eis, LXX & Theodotio translulerunt, ut eis caro mea ex eis; quærensque causam cùm sit tanta varietas, hanc mihi videor reperisse, caro mea lingua Hebraicè dicitur besari. Rursum si dicamus, recessio mea, sive declinatio mea, dicitur besuri.* Simili rati-

B. Hieron.

one nihil causæ fuit cùm Hieronymus à receptâ illâ LXX Seniorum versione *אֲנִי אֶדְבַר אֲנִי*, ubi causæ tuæ, recederet; quam suâ auctoritate B. Paulus confirmaverat, nisi quòd aliam lectionem præferrent ejus exemplaria, & pro *אֲנִי* ubi, per transformationem literarum legeret *אֲנִי* ero. Similem transpositionem longè satius est observare in *dakern*, transfixerunt, & *rakedu*, insultarunt apud Zachariam, quàm Judæos cum Vossio suggillare, quasi mutationem istam in contextum deditâ operâ invexerint. Sed his aliisque ejusdem naturæ diversitatibus contexendis superfedo; nè prolixiori eorum recensione molestus sim, maxime cùm à Theologis, qui suis explanationibus sacra volumina illustrarunt, diligentèr observentur.

Rectè quidè Vossius Judæorum codices in multis vitiatos esse scripsit: quorum scilicèt eadem omninò fors fuerit atque Græcorum Latinorumque librorum; dignusque est Georgius Hornius qui sibilis omnium excipiat, cùm doctissimo Vossio opponit sanctiones Regum, Principum ac Magistratum, quibus volunt ut eæ solùm in Ecclesiis contextus Biblici versiones legantur, quæ ad exemplaria Hebraica adornatæ fuerint; quasi verò ejusmodi sanctiones Principum codices Judæorum ab omni prorsus mendâ integros servare potuerint. At in eo castigandus etiàm Vossius, quòd nonnullos ejusmodi errorum à Judæis consultò in sua exemplaria & ex odio Christianæ Religionis invecos fuisse pertinaciùs contendat. Ità ad verba ista Geneleos, *Non auferetur sceptrum de Juda & dux de femore ejus, donec veniat qui mittendus est*, hæc animadvertit; hunc locum non tantùm in versione Gracâ, verùm etiàm in omnibus codicibus Hebræis mutarunt Judæi rescribendo *שִׁירָה* pro *שִׁירָה* uti observatum compluribus, quorum opinionem confirmat codex Samariticus. Sed quis nesciat olim in contextu Hebræo literam *iod*, ante inventa puncta vocalia, modo *i*, modo *e*, vocalium, locum tenuisse; & hanc non solùm, sed & alias vocales, quas vulgò *Ehevi* appellant, pro Scribarum arbitrio neglectas fuisse? Sive igitur scribatur *שִׁירָה* ut in hodiernis Masoretharum codicibus, sive *שִׁירָה* uti legisse videntur LXX Interpretes, ob id in crimen falsitatis adduci non debent Judæi, qui in suis exemplaribus vocalem *iod* retinuerunt. Fieri etiàm potest ut Græci Interpretes eam in suo exemplari legerint, quandoquidè idem est omninò dictio-

nis

Genes. 49.10.

Voss. de Septuag. In.erp. cap. 8.

nis illius sensus, sive per *ʔod*, sive absque *ʔod* efferatur, quia littera *ʔod* non minus per vocalem *e* quam per *i* potest pronunciari. At Masorethæ, qui legendum esse *schilo* arbitrati sunt priscam litteram *ʔod* retinere, quâ non obstante, etiam hodiernis temporibus cum Græcis Interpretibus legere possumus *schelo*, uti reverâ legunt nonnulli Judæorum Magistri. Hæc non debuit ignorare Vossius, qui toties Judæos in jus vocat, quique scribit, eos qui negant hunc locum à Judæis corruptum esse, Prophetias omnes abolere. Eadem omnino vocalicis Hebræi ratio existit ante & post Christi tempora; nihilque prorsus causæ est, cur depravationes, siquæ fuerint in illo ante Christi adventum, illas tribuat Vossius errori & incuriæ Librariorum; eas verò, quæ in exemplaria Hebraica post Christi adventum intrusæ sunt, vitio animi adscribat. Masorethis etiam Tiberiensibus plus æquo detrahit Vossius, dum illos vocat homines barbaros, & in vernaculâ quam jactant linguâ peregrinos, à quibus nihil aliud quam vitiosum & ab omni ratione alienum proficisci potuit. Illos quidem non fuisse Prophetas cum Vossio lubens agnosco, eisdem quoque punctorum vocalium & apicum auctores esse non diffiteor: at quis inde conficiat eos barbaros fuisse, & linguæ Hebræicæ imperitos, ac demùm Scripturas punctis & apicibus onerari potius quam exornari. Si vera sunt quæ de seipso jactitat Vossius, vidisse plures quam bis mille codices Hebræicos manu exaratos, artis Masorethicæ eum prorsus ignarum non fuisse credibile est. Hæc opus est Judæorum Tiberiensium, qui codicis Hebræici lectionem, qualis tunc usu publico recepta erat, adhibitis punctis vocalibus, determinârunt. Masoræ nomen illi inditum est, quod traditionem, seu legendi contextûs Hebræici rationem diuturno usu comprobata, amplexari fuerint. De illorum Criticâ idem planè judicium ferri debet, ac de Græcis Latinisque libris, qui à viris eruditis castigati & recogniti fuere. Celeberrimæ apud Judæos Scholæ præfuerunt Magistri illi Tiberienses, qui, conquisitis undique Bibliorum exemplaribus, accuratam illorum editionem publicârunt. Nihil ab illis in hoc negotio præstitum est, quod in crimen verti possit. Et hæc illorum correctio, quantumlibet accurata, aliis non obsuit, quin eadem exemplaria adhuc recognoscerent, eademque etiam nostrâ ætate, ad Græcam

Voss. de Septuag. Interpr. cap. 30.

De Masorâ judicium.

Voss. Respons.
ad nuper.
Critic.
Refellitur
Vossius.

LXX Interpretum versionem & Latinam Hieronymi recognosci posse existimo, in locis quibus illorum exemplaria à Masorethicis variasse constabit. Non ideo tamen Judæos, cum Vossio, falsitatis accusabimus, quia illorum codices iidem omnino non sunt atque illi, quos ad condendam translationem suam adhibuere Græci Interpretes: sed dicemus diversas lectiones non minus reperiri in Hebræorum exemplaribus, quam in Græcorum, Latinorum, ceterarumque gentium libris. Rabinorum traditionibus solo auditu propagatis nihil solidi subesse putat Vossius; *& quæ solo auditu propagantur traditiones, inquit, raro solent ad duo vel tria perstare sæcula.* Sed quid hæc faciunt ad eam, de qua in præsentia agitur, traditionem? De oralibus Judæorum, ut vocantur, traditionibus, quas merito à prudentioribus explodi agnoscit, nulla est controversia; sed de eâ tantum quæ Masora appellatur, quamque unicam Judæi Caraitæ, qui plerasque Judæorum traditiones, velut anilia commenta, respuunt, amplexati fuere. Si hanc rejiciat Vossius, rejiciat quoque necesse est librorum Chaldaicorum, Syriacorum & Hebraicorum, qui nonnihil antiquitatis præ se ferunt, lectionem: iis enim omnibus, simili prorsus ratione atque Hebraicis, puncta vocalia, quæ certam facerent illorum lectionem, addita sunt. Traditionis itaque hoc loco nomine, nihil aliud intelligimus quam receptam & longo usu confirmatam codicis Hebraici lectionem. *Sed codex ille, inquit Vossius, mutus est, quem nec legere, nedum intelligere, quisquam sciat, utpote truncus mediâ sui parte; nec aliis quam quas Christiana fidei inimici apposuisse instructus vocalibus.* Minusne truncus erat codex ille LXX Interpretum ætate, cum nihil omnino punctorum vocalium in eo appareret? Ea est linguæ Hebraicæ, ut & ceterarum Orientis linguarum natura, ut paucissimas vocales repræsentet; adeo ut librorum, qui sermone Hebræo, Chaldaico, Syriaco, & Arabico scripti sunt, lectio non parum ab usu dependeat, quem hęc traditionem, seu Masoram, cum Judæis vocamus. Jam à quibus usus iste legendi codicis Hebraici sumi potuit quam à Judæis? *Verum, inquit Vossius, Judæi inimici sunt Christianæ fidei.* An ideo codices suos legere dediderunt quia Judæi? Imò nisi Judæi essent, codices Hebræos in Synagogis non legerent: nec ab aliis quam ab istis illorum

illorum lectio ad Christianos derivari potuit. Judæi quoque erant LXX Seniores à quibus totus dependet Vossius, iique nōn aliam contextūs Hebraici lectionem sequuti sunt, quā quæ usū publico ætatis suæ apud Judæos recepta erat. Quapropter id omne quod regerit Vossius in Hebræum codicem, quod sit liber dimidiatus & mediā sui parte truncus, affirmari etiā potest de codice Hebræo, quo usi sunt Græci Interpretes: neque tam codex accusari debuit quā linguæ Hebraicæ ingenium, & ob eandem rationem reliquæ linguæ Orientales accusabuntur, quasi dimidiatæ sint linguæ. Iterum tamen, & usque ad nauseam, inculcat Vossius mutum esse Hebræum codicem, & vel ipsis agnoscentibus Rabbinis, truncum mediā sui parte, utpote veris destitutum vocalibus. Sed quæ sint veræ codicis Hebraici vocales fingit se ignorare, dū illis eum destitutum tam fidentèr asseverat. Priscæ siquidē Hebræorum vocales sunt, ut ipse alibi nōn diffitetur, literæ *Aleph, He, Van & Iod*, quibus & alias adjungit Hieronymus. Sed quod populi Orientales rarò inter scribendum eas adhiberent, puncta vocalia excogitârunt viri Critici, quò facilius promptiorque esset librorum lectio. Verū parū consensaneè loquitur Vossius, nec tam ex rei veritate quā ex præconceptâ adversus Judæorum codices opinione.

CAP. XI.

De Samaritarum Bibliis & eorum Targumini, seu Paraphrasibus.

DE Samaritarum, qui etiâ à Judæis Cuthæi appellantur, gente, moribus ac Religione, multa habet contextus sacer in libris Regum, Chronicorum & Esdræ, quæ postea fusiùs explicavit Josephus, testis in hac materiâ locuples, nostrâ autem ætate Joânes Morinus in Exercitationibus quas in Pentateuchum Samaritanorum adornavit, Hottingerus in Exercitationibus Antimorinianis, Vualtonus Prolegomeno de Samaritanis, aliique viri eruditissimi res Samaritarum illustrârunt. Quare, his silentio prætermisissis, ad illorum codices transeo, quorum etiâ mentionem fecerunt Patrum nonnulli tûm Græci tûm Latini, & Scholia Romanæ ac Francofurtensis LXX Interpretum editionum. Sectam Samaritarum unico Moylis Pentateucho uti, puto notum esse omnibus: quippe eo tempore quo illi à Judæis discesserunt, Lex una apud Hebræos vulgata fuerat, aliis Scripturæ libris vel nondum compositis, vel siqui essent, nondum publici juris facti fuerant. Quid autem de isto Samaritarum codice sentiendum sit, videtur explicatu difficile. Morinus, qui primus illum publicavit, in illius laudem more suo discurrens, eum in majus attollit; quam ob causam apud viros eruditissimos malè audit, inprimis apud Muisium tunc Hebræarum literarum apud Parisienses Professore Regiûm, qui censuris suis Morini sententiam de Pentateucho Samaritanorum castigavit. Suas etiâ postea Exercitationes de Pentateucho Samaritano Hottingerus Tigurinus Exercitationibus Morini opposuit. Verum uterque non pauca in eo reprehendit quæ non videtur asseruisse, laudatis solùm

Samaritano-
rum codices.

plūs æquo Samaritanorum codicibus, de quibus tunc agebat : quo etiā modo præfatus in suam Bibliorum Græcorum editionem Hebraica miris modis suggillavit. Omnium autē moderatissimos se præbuerunt Ludovicus Cappellus & Brianus Vualtonus, qui Pentateuchi Samaritici fidem in plurimis hæud improbârunt. At omnium pessimē de illo sensit Usserius Armachanus, vir aūoqui iudicii acerrimi, qui codicem Samaritarum à Dositheo quodam Samaritâ Hæretico variis in locis interpolatum & deditâ operâ corruptum fuisse asseverat.

Usser. Ar-
mach.

Unus itaque & in omnibus, si pauca excipias, idem est codex Samariticus ac Judaicus, idque dudum ab Eusebio in Chronicis & ab Hieronymo observatum. *Samaritani*, inquit Hieronymus, *etiā Pentateuchum Moysi totidem literis scriptitant, figuris tantum & apicibus discrepantes.* Quæ verba Hieronymi Josephus Scaliger nō videtur intellexisse, cū asserit, *Samaritanos totidem literis nē una quidem minùs aut ampliùs Pentateuchum legere atque Judeos.* Nam ipsemet Hieronymus notat interdum utriusque codicis varias lectiones, uti Quæstionibus Hebraicis in Genesim, & Commentariis in Epistolam ad Galatas. Quare Hieronymus, dū affirmavit Judaicum & Samariticum Legis Mosaicæ exemplaria similia esse in omnibus, voluit tantum his verbis codicem Samariticum distinguere à Græcorum Latino-rumque translationibus, quod ille purus putus esset contextus Hebræus; quod de Bibliis Græcis & Latinis affirmari nō poterat. Ad eundem ferè modum etiā loquitur Eusebius à quo sæpiùs totus dependet Hieronymus. In nonnullis Pentateuchum Samaritarum à Judaico discrepare nō est ampliùs dubitandi locus, postquā illorum exemplar editum est in Polyglottis Parisiensibus & Anglicanis. Istud enim exemplar ab ipsismet Samaritis obtinuerat nobilis vir Petrus à Valle, quod deindē Achilles Harlæus Sancius, tunc apud Turcarum Imperatorem Regis Christianissimi Legatus Parisios asportari curavit; & illud in Bibliothecā Patrum Congregationis Oratorii, prope Luparam, aservatur. Alia ejusdem Pentateuchi exemplaria in aliis Europæ Bibliothecis delitescere fidem faciunt Epistolæ Perefci, Petri à Valle, Comberi & Aleandri ad Joannem Morinum. Hæc scribebat Hieronymus Alexander

Hieron. in
Prol. Galat.

Scalig. de E-
mendat.
Temp.

Hieron. Ale.
and. Epist.

anno MDCXXVIII. Scias velim hic quoque esse in Vaticanâ Bibliothecâ aliud Pentateuchi exemplar iisdem Samaritanis literis scriptum, quod quinque abhinc annis pia memoria Scipio Cardinalis S. Susanna, tunc Bibliothecarius CCC. aureorum precio comparavit: atque is quidem codex, etsi characteres habet Samaritanos, Hebraicâ tamen linguâ, nisi vester, confectus est. Certum est Samaritas, etsi numero paucissimos ac Judæis longè inpares, etiâ post eversum illorum Templum, quod erat in Garizim, ritus patrios semper retinuisse, & Moïsi Pentateuchum legisse in suis Synagogis, quem & hodiè adhuc legunt. Codex ille Samariticus, qui ad nos pervenit, si ad vetustos codices, quorum Fragmenta aliquot in operibus Eusebii, Hieronymi, & aliorum Patrum exstant, recognoscatur, genuinus deprehendetur, idemque qui ipsis illis temporibus legebatur à Samaritis. Hunc tamen ab antiquâ simplicitate ac sinceritate in aliquibus degenerasse non eo inficias; sed hæc est fors librorum omnium, qui non idèo tanquam foetus adulterini rejiciuntur, quod non in omnibus primigenia exemplaria repræsentent: aliâs dicendum esset nè unum quiddem veterum librorum ad nos usque pervenisse. Homeri versus, qui nunc in omnium manibus versantur ob similem causam, tanquam Homerici, non deberent recipi, quia vir *κατα* Aristoteles ex Homero citat nonnulla, quæ in hodiernis exemplaribus minimè apparent. Imo nec recipiendi essent Judaici Bibliorum codices, quibus nunc utimur, quod illos, quibus usi sunt in condendis suis translationibus Græci Interpretes, perfectè non exhibeant. Dicendum igitur tum Samariticum tum Judaicum Pentateuchi exemplaria genuinos esse codices, licet aliquid sit varietatis, non secus ac Homerus Aristotelicus idem planè est atque ille Homerus, qui ab Aristarcho recognitus fuit, etsi secum ipsi interdum non concordent.

Homeri Poë-
ma.

Objectiones
contra codicis
Samaritani
integritatem.

Non desuere tamen, præsertim è Protestantibus, qui Samaritarum codicem rejiciendum esse putaverint, hanc potissimum ratione ut ita sentirent adducti, quod verus Dei cultus, Pontificum Doctorumque successio, apud Hebræos solos remanserit; minimè verò apud Samaritas, adeoque ab illis duntaxat, tanquam à Dei populo, sumenda esse Legis exemplaria. Denuror sanè Theologos Protestantes, qui Ecclesiæ au-

ctoritatem,

toritatem, Pontificumque & Doctorum successionem vulgò parvi faciunt, ut omnibus compertum est, probationes hujusmodi assumere. Non major est hæc in parte Synagogæ quàm Ecclesiæ auctoritas. Quis autem nesciat hujus auctoritatem codices suos ab omni prorsus mendâ non vindicasse, cum Græca LXX Interpretum versio, quâ solâ Ecclesia tum Orientalis tum Occidentalis utebatur, jam à temporibus Origenis integra non esset. Haud invitus tamen concesserim Judæorum exemplaria principem locum obtinere, & Samariticis præferenda: nam à Judæis, non verò à Samaritis, Scripturæ sacræ libros mutuati sunt Christiani; verum sola coetus cujusunque auctoritas probatum & ab omni prorsus errore integrum non efficit librum; sed illum duntaxat authenticum & ab omnibus recipiendum declarat, ita tamen ut alios codices, siqui sint, tanquam adulterinos non rejiciat.

Sunt & alia nonnulla quibus Judaici codicis defensores Samariticum Legis exemplar onerant: primò enim hoc mutilum esse, paucarum dictionum exemplo, conantur ostendere; deinde dictiones quasdam pro aliis substitutas arguunt. Samaritanorum etiã codicum inter se & cum Judaicis discrepantias objiciunt; similiter Librariorum incuriam, qui literas *Aleph* & *Ain*, *He* & *Heth*, aliasque ejusdem organi sæpius confundunt. Verum isti suo seipso gladio jugulant cum eadem prorsus adversus codices Judæorum objici possint. In hoc decipiuntur Judaici exemplaris patroni, quòd ex præconceptâ semel Judæorum quorundam opinione, putent illud ab omni prorsus errore liberum; quod de solis autographis potest affirmari. Parùm constantem apud Judæos olim fuisse scribendi contextus Hebraici rationem jam supra ostendimus, forsânque liberiorẽ quàm apud Samaritas, qui allegoriarum Judaicarum nugas nunquam venati sunt. Imò & in hoc Samaritici codices Judaicis præstant, quòd multa in hos superstitiosè invec̃ta, in illis desidererentur; cujus generis sunt literæ quas vocant majusculas, minusculas, suspensas, inversas & similes; deinde dictiones lectæ & non scriptæ, & alia quæ prætereo. His omnibus accedit fornam scriptionis, quam Samaritarum libri præ se ferunt, vetustatem sapere, contra Judæorum codices variis aratibus reformatos, tandem Masorethicorum nomen obtinuisse. De-

Vindicatur
Samaritano-
rum codex.

nique in multis etiã Judæorum contextus ex Samaritico potest illustrari ; ita Cere eos ca, ite ii. in illo legimus, Deum opus suum complevisse *die septimo*, in hoc verò *die sexto*, quæ lectio videtur commodior. Ejusdem libri capite iv. videtur etiã in Judæorum exemplari desiderari illa pericope, *transcamus in campum*, quæ exstat in Samaritico, notantque hunc hiatum ad oram codicum suorum Judæi quamplurimi his verbis, *pausa in medio versus*. Novi quidẽ Hieronymum hanc pericopen tanquã superfluam in Græcis & Samariticis exemplaribus notasse, Quæstionibus Hebraicis in Genesim ; *superfluum est*, inquit, *quod in Samaritanorum & nostro volumine reperitur, Transcamus in campum*. Verũ constat Hieronymum in hisce Quæstionibus, ubi Judaici contextus assertorem se profitetur, nõn tam ex suã quã ex Judæorum sententiã loquutum fuisse. Exodi capite xvii. ubi in Judaicis codicibus legimus, filios Israel in Ægypto per spatium CCCCXXX. annorum commoratos fuisse, comprehendit Samariticum exemplar cum filiis Israel eorum Patres, sive Patriarcharum in eãdem Ægypto commorationem. Quæ lectio cum veritate consentit ; nõn autem Judaica. Fieri tamen potest ut ista omnia in suis codicibus suppleverint, sintque glossemata ad contextus Hebræi, qui sæpè obscurior est, explicationem adjecta. Quare suspiciones tantũ esse possunt de Judæorum exemplari his locis truncato.

Navi codicis
Samaritani.

Ex aliã autem parte complura exstant in Pentateucho Samaritarum liberius scripta, quæ à Doctoribus Samaritis ex aliis ejusdem Pentateuchi locis majoris perspicuitatis causã adjecta fuisse videntur. Quæ supplementa haud dubiẽ codicem vitiosum arguunt. Similiter Samaritas erga suos codices minũs religiosos fuisse demonstrat vox *Garizim*, Deuter. xvii. quam loco *Ebal*, quæ antiqua erat lectio, reposuere. Ex quibus manifestẽ evincitur, neutrum exemplar, sive Samariticum, sive Judaicum ab omni prorsus labe immune esse, adeoque recipiendum utrumque tanquã ejusdem libri apographa, quæ sibi invicem auxilio esse possint ; ita tamen ut Judaicum, etiam nexos quoque suos habeat, Samaritico præferatur, nõn ob id solum quod à Judæis tũ Religio tũ libri sacri ad Christianos pervenerint, verũ etiã quia Judæorum exemplaria minũs videntur erroribus

ribus obnoxia. Illud tamen impedimento esse non debet, quo minus hæc Samariticorum ope castigentur iis locis ubi error manifestus constabit, & anteponatur lectio Samaritica Judaicæ, si illa veritati sit propior. Videtur quidem modus legendi contextûs Hebraici apud Samaritas liberior quàm apud Judæos, quia illorum exemplaria nihil omninò exhibent punctorum vocalium; quæ legendi contextûs rationem limitant in codice Judaico. Verùm constat puncta illa recens esse Judæorum inventum, nec etiàm ista addi voluminibus quæ publico Synagogarum usui inserviunt. Quare laudandos potiùs in hoc Samaritas arbitror, qui priscam librorum formam retinuerint, quàm vituperio dignos. Habent autèm legendi sacri codicis traditionem, sicut & olim Judæi ante puncta à Criticis Tiberiensibus inventa. In hoc denique Samaritæ etiàm præstant Judæis, quòd illi antiquos linguæ Hebraicæ caractères, sive Mosâicos, retinuerint; Judæi verò post suum è Babylone egressum Babylonios, sive Chaldaicos, quibus assueti erant, domesticos & familiares sibi fecerunt: undè postea factum fuit ut Samaritani Judæos, atque inprimis Esdram, tanquàm Scripturæ sacræ contextûs corruptorem, traduxerint. Verùm, omnis ejusmodi querelis, quid de primis Hebræorum literis sentiendum sit, juvat paucioribus verbis aperire.

Pro Samaritarum caracteribus pugnant saniores Critici & antiqua gentis Samariticæ Numismata, adeò ut Josephus Scaliger afinos vocare illos non dubitaverit, qui non amplectuntur Hieronymi sententiam scribentis; certum esse Esdram Scribam Legisque Doctorem post captam Hierosolimam & instaurationem Templi sub Zorobabel alias literas reperisse, quibus nunc utimur, cum ad illud usque tempus iidem Samaritanorum & Hebræorum characteres fuissent. Hanc B. Hieronymi de Samaritanorum literis sententiam non ità pridem renovârunt Guilelmus Postellus, Blancuccius, Villalpandus, Morinus, Cappellus, Mayerus, Perescius, & inter Judæos R. Azarias & alii non pauci. Postellus, qui longâ Judæorum consuetudine usus fuerat, mutationis illius causam refert ad odium quo Judæi Samaritanos, tanquàm Schismaticos, prosequuti sunt. *Pars illa, inquit, quæ cum sacris literis colebat Idola, Heretica & indigna cum quâ conversarentur, vel communitate characterum, à viro prebo merito judicata est, statim*

Præstantia
codicis Samaritici.

Hieron. Prolog. Galeat.

Litterarum Samaritarum antiquitates.

Guilel. Postell. in Alphab. 12. linguarum, cap. de Samar.

que post captivitatem animum diversis characteribus reperiendis appo-
suit. Et paulò post hæc subjungit; cum autem has meas con-
jecturas ipsis Judæis aperirem, dicebant esse verissimas & à multis
Doctorum suorum scriptas. Longè tamen probabilius videtur,
Judæos civitati suæ restitutos servasse Chaldæorum literas, qui-
bus in exilio assuefacti erant, priorum jam obliti. Deindè
Numismatum argenteorum meminit idem Postellus, quæ mag-
nam præ se ferrent antiquitatem, quorúmque non pauca se
apud Judæos vidisse testatur, qui illa tanti facerent, ut unum,
inquit, quod aliqui quincuncem non aestimet, non potuerim mihi duo-
bus nummis aureis redimere, asseruntque esse à temporibus Solomonis.
Demum hæc addit, quæ præsens argumentum non parùm illu-
strant; asserunt etiã indies Hierosolymis, quæ hodie Chus aut
Chassem baric dicuntur, in maceris & ruderibus profundissimis, hæc
crebrò ab effossoribus reperiri, esseque antiquitatis certissimum argumen-
tum, quòd illic scribitur, Hierusalem Sancta, quam Samaritani ipsi
à temporibus Solomonis non sunt ingressi, nec Sanctæ nomine dignati
sunt, ut qui adorarent extra Hierusalem & colerent Idola, Semi-
Gentiles & Semi-Judæi, unde longè abest ut voluerint urbem, quam
habebant adversariam & odiosissimam, suis characteribus celebrare.
Verùm de Siclis Samaritanorum longè plura habentur apud
Villalpandum, Morinum & alios. Perefcius plura Samarita-
rum Numismata habuit, Hieronymusque Aleander se non pauca
Romæ offendisse testatur.

His tamen non obstantibus Joannes Buxtorfius, hodierni con-
textus Judæorum assertor obstinatissimus, literarum Hebraica-
rum perennitatem permultis, quæ ex Rabinorum libris sumpta
sunt, tætu. Buxtorfio quoque convenit Lightfootus, etsi
Talmudicos Doctores sibi contrarios agnoscat. Similia quoque
habet Schickardus, linguæ Hebraicæ in Academiâ Tubingen-
si Professor, & alii nonnulli Hebraistæ. Sed hanc sententiam
Vyaltonus deseruit, quam ex Rabinologiâ potius quàm ex
saniori Theologiâ profectam deprehenderat: quam ob causam
malè audiit vir ille clarissimus apud nonnullos Rabbinitas, in-
primis, apud Matthiam Vasmut Rostochiensem, qui multa in
eum debacchatus, auctor est, in Ecclesiâ reformatâ tolerari non
debere Vyaltonum citantem Pontificios auctores adversus sacrarum li-
terarum Divinam originem. Neque paritèr in illo cœtu, qui re-
formati

Villalp. Ap-
par. in Ezech.
Morin. Exer-
cit. in Pentat.
Samarit.
Aleand. in E-
pist. ad Mo-
rin.
Buxtorf. Dis-
sert. de lit.
Hebr.
Lightf. Hor.
Hebr. ad c. 5.
Matth.
Schickard. in
Jure Reg.
Hebr. sub fi-
nem.
Vasm. in vin-
dic. S. Hebr.
Scrip.

formati nomen ambit, tolerari debuere Drufius, Scaliger, Caſaubonus, Voſſius, Amama, Bochartus, & alii complures è numero Proteſtantium, qui eadem planè cum Ludovico Cappello & Vualtono de literis Samaritarum ſentiunt. Præterea Buxtorſius non æquo animo, ſed quaſi invitùs, in hanc ſententiam de literarum Hebraicarum perennitate deſcendiſſe videtur, ut reſelleret librum cui Ludovicus Cappellus, *Arcani punſtationis revelati*, nomen fecerat, in eoque literarum Hebraicarum novitatem comprobaverat, ex Samaritarum antiquitate. Per multos quidè ad ſententiam ſuam perduxit Buxtorſius; ſed hi ſunt ex eorum claſſe, quos *aſſello* vocat Iſaac Voſſius *rogà cinſos Profeſſoria*, quibus cum nihil ferè ſit artis & ingeni, ex unius Buxtorſii libris docti, Rabbinos, quos nè quidè à limine ſalutaverunt, ubique crepant. Verùm nihil cauſæ eſt cur de primis Hebræorum characteribus tam anxie diſputent Critici: nam ſi paulò attentius conſiderentur Samaritica Hebraicæque elementa & inter ſe conſerantur, non ità ſecum diſſident, quin una eadèque illorum origo agnoſcatur: undè etià Græcorum Latinorumque literæ, quas majusculas, ſeu capitales, appellant, deductæ fuerunt. Sed illæ quia conſuetudini ſerviunt, pro variis locis & temporibus aliquid mutationis recepere. Quo pacto, ut ceteras linguas omittam, aliter characteres ſuos pingunt Judæi qui regiones Orientis incolunt, aliter qui Occidentis terras habitant. Deindè in his etià inter ſe variant Judæi Hiſpani, Galli, Itali ac Germani. & ab his omnibus iterum Mauri diſcrepant. Neque minùs etià diſcriminis eſt inter varias characterum Samaritanorum formas, qui nupèr in Europà prodire, ut cuiſlibet erit obvium, ſi diligenter annotaverit diſparilitatem elementorum quam exhibent literarum Samaritarum Alphabeta, quæ in lucem miſerunt Guilelmus Poſtellus, R. Azarias, Blancuccius, Villalpandus, Kircherus, Morinus, Hottingerus, & alii. Qui in Bibliis Pariſienſibus & Anglicanis exarati fuere characteres ex uno codice exſcripti ſunt atque formati: his autè ſuppoſitis mirum videri non debet, literam *Tau*, quam Hieronymus crucis figuram præſerre olim annotaverat, nunc eandem in vulgatis Linguae Samariticæ Alphabetis non repræſentare, quia ſcilicet litera illa ſucceſſu temporum mutata eſt. Magiſter tamen Azarias in

Iſaac. Voſſ.

Poſtell. in Alphab. 12. ling.
R. Azar. Imre
Bin. cap. 56.
Blanc. in Gramm.
Villalp. Appar. in Ezech.
Kirch. Oedip.
Ægypt. par. 2.
Morin. Exercit. in Pen-
tat. Samarit.
Hotting. in Exercit. Anri-
Morin. ſuo

Aleand. in E-
pist. ad Morin.

suo Alphabeto Samaritico duplicem hujus literæ figuram pro-
fert, quæ una crucis etiã formam imitatur. Hieronymus
quoque Aleander Morino scribens de Siclis gentis illius, quos
Romæ viderat, de quodam Numismate hæc habet; *perspicies*
in utrâque nummi facie literam Tau in similitudinem crucis effictam,
& mirum sanè videri potest, quòd cum antiquitus hoc modo scriberetur
X, posterioribus temporibus in eam X degeneraverit. Eadem etiã
scripsit Morino Perescius. Quare unus idẽmque character eo-
dem tempore diversis in locis diversas formas induit, quid hæc
in re mirabile est, quòd ille, qui omnium antiquissimus est,
post multorum sæculorum decursus à primâ figurâ, præfer-
tim apud gentes diversas paululùm degeneraverit. Quis igno-
rat Romanorum literas post Gothorũ in Italiam irruptionem
à priori & antiquâ formâ recessisse, nec easdem esse cum Ro-
manis, quæ Longobardicæ appellantur? Verùm de his fusiùs
disputatum est. Nunc ad Samaritarum Targumim, seu Para-
phrases, veniendum

Libri Scrip-
tæ sacræ scri-
pti primũ
linguâ ab om-
nibus intel-
lecta.

D. Mallet.

Origo ver-
sionum Scri-
pturæ apud
Samaritanos &
Judæos

Versiones Sa-
mariticæ.

Quia, secundum B. Pauli monitum, *quæcunque scripta sunt ad*
nostram doctrinam scripta sunt, priscis temporibus tum vetus tum
novum Instrumentum, non alio sermone quàm materno con-
ditum est, ut libri sacri etiã à plebeiis hominibus legi possent.
Repertus est tamèn nostrâ ætate Theologus Parisiensis, qui affir-
mare non dubitavit libros Legis Mosaicæ linguâ quæ tunc He-
bræis non esset vernacula videri compositos; quòdque vix cre-
dibile est, ornatissimus ille Doctor opinionum monstra de lin-
guâ Hebræicâ, de illius characteribus & de Grammaticâ, cu-
jus primus auctor Moses exstiterit, commentus est. Verùm
sacri contextus versiones, seu paraphrases, quas patrio sermone
concinnârunt Judæi ac Samaritæ, statim atque sermo Hebræus
desiit esse vernaculus, manifestè ostendunt Scripturam sacram
sermone ab omnibus intellecto primò conditam fuisse. Hinc
orta est apud Samaritanos versio illa scripta sermone Syro-Chal-
dæico hæud impuro, qui ejus antiquitatem denotat. Hæc edita
habetur in Polyglottis Parisiensibus & Anglicanis, videturque
à Doctoribus Samaritanis composita, ut in Scholis legeretur &
ab omnibus Mosaicæ legis verba intelligerentur, postquàm
linguæ Hebrææ usus penes doctos tantùm servatus est. Sama-
ritanus Interpres ferè ad verbum exprimit contextum Hebræo-
Samaritanum,

Samaritanum, à quo in paucissimis discedit, maximè in fluviorum, urbium, regionumque nominibus; quæ interdum ad sua tempora accommodat. Non videtur etià ab omni anteceptâ opinione liber, quâ ratione multis in locis nomen *Elohim*, *Demus*, *Angelos* interpretatur. Ità ubi in Vulgatâ editione legimus hominem ad similitudinem Dei creatum fuisse, ille vertit, *ad similitudinem Angelorum*: & paulò antea, pro hisce verbis in Latino Interprete, *eritis sicut Dii*, ut etià existat in Hebræo, habet, *eritis sicut Angeli*. Interdum etià voces Hebraicas ad mentis suæ sensum, pro more omnium Interpretum, restringit: quomodo pro istis quæ sunt in Latinâ editione, *Spiritus Domini ferebatur super aquas*, reposuit, *stabat super aquas*. Versionis autem illius Samariticæ Latinus Interpres non videtur in omnibus accuratus, iis præsertim locis quibus non consentit cum contextu Hebræo-Samaritico, qui etià in aliquibus castigandus.

Gen. 3. 1.

Gen. 1. 2.

Fuit quoque Samaritis versio Græca, in usum Samaritarum, quibus lingua Græca erat vernacula composita. Prisci Ecclesiæ Patres versionis illius in suis operibus haud infrequentèr meminerunt, ità ut Morinus hanc ab illis conditam fuisse affirmet: sed hæc in re gravissimè allucinatur, cum alios auctores quàm Samaritas ipsos non possit agnoscere. Errat similiter Isaacus Vossius, qui negat ullum unquam fuisse Samaritis Græcam Pentateuchi versionem; verum ea omnia, quæ à Patribus sub nomine Samaritani codicis laudantur, sumpta fuisse ex Origenis Hexaplis, quæ Scholiis illustrabantur, ubi diversæ lectiones etià exemplarium Samariticorum exhiberentur. Non eo quidè in inficias, ad oram Hexaplorum Scholia quædam retulisse Origenem; sed Patres, qui de lectione codicis Samaritici mentionem fecerunt, citant Pentateuchi translationem, quæ à Samaritis, quibus lingua Græca vernacula erat, legeretur. Imò aliter fieri non potuisse credibile est, sicut & iidem Samaritæ, qui Arabicè loquuntur, Arabicam habent contextus Hebræo-Samaritani versionem. Suspiciatur tamen Mafius non aliam fuisse Samaritanis qui Græcè noverant Pentateuchi Interpretationem quàm Græcam Septuaginta Seniorum; sed longè probabilius est Samaritas istos exemplo Judæorum Hellenistarum novam finxisse sibi versionem quæ in Scholis & domi legeretur;

Joân. Morin.
Exercit. in
Pentat. Sa-
mar.
Voss. de
Sept. Interpr.

Andr. Mafius in Jos.

servato semper in usum Synagogarum contextu Hebræo-Samaritano, quem etiã hodiè retinent. Quibus accedit eam, quam sub nomine Samaritarum laudant Patres, versionem in nonnullis à Græcâ LXX Interpretum discrepare, ut ex Eusebii Chronico manifestum est. Præterea auctor est idem Masius Symmachum, qui antea sectâ Samaritanus ad Ebionitarum partes transierat, non aliundè adductum fuisse ut novam sacri codicis versionem Græco sermone caderet, quam ex odio Samaritarum, à quibus discesserat. Græca hæc Samaritarum versio concordat in aliquibus cum priori translatione Samariticâ, ubi differt à contextu Hebræo-Samaritano, quasi Græca ab hac desumpta fuerit. Sed quia sæpe etiam inter se discordant, nihil certi eâ de re affirmari potest. In nonnullis etiã Græca ista Samaritanorum versio cum LXX Interpretibus consentit. Quæ omnia exemplis illustrare non erit difficile. Geneseos capite xlix. ubi Latinus Interpres verba tam contextûs Hebræi quam Hebræo-Samaritani ritè expressit, *habentes jacula*, Græcæ Samaritarum versionis auctor eadem interpretatus est, *ἔχοντες μασέ-*
δον, & id perfectè consentit cum translatione Samariticâ & Chaldaicâ Onkelosi Paraphrasi. Ibidem paulò post, ubi in contextu Hebræo legimus, tam Judaïco quam Samaritico, *be-*
ethan, & in Latinâ editione, *in forti*; in Græcâ verò LXX Interpretum, *cum fortitudine*, Samaritæ versionis utriusque Interpretes transulerunt, *in profunditate*. Quæ interpretatio Grammaticalem, ut vocant, sensum non exprimit, potestque fieri ut sensus ille communiter à Samaritis reciperetur. Geneseos capite v. in Samaritanâ versione, sicut in utroque contextu Hebræo, legimus *loco Dei*, sive *pro Deo*; at Samaritarum Interpres Græcus habet *timeo Deum*, quasi diverso ab hodiernis exemplaribus codice usus sit: sed R. Saadias Gaon eandem omninò in suâ Paraphrasi Arabicâ interpretationem exhibet, qui non alia tamen habuit exemplaria quam hodierna. In Exodo pro voce *muscarum*, quæ legitur in editione Latinâ, exstat in Græcâ versione Samaritarum nomen *corvi*, quia legit in contextu Hebræo-Samaritano Interpres Samarita *oreb* pro *erob*, quod *muscam*, sive similibus animalculorum confusam multitudinem, significat: qui error in Interpretem refundi debet, ob diversum legendi modum ex punctorum vocalium absentia à codice Hebræo-Samaritano.

Arabi-

Gen. 49. 23.

Gen. 49. 24.

Gen. 5. 19.

R. Saad.

Exod. 8. 22.

Arabicam quoque Pentateuchi versionem habent Samaritæ, quæ in illorum usum cessit, quibus sermo Arabicus vernaculus est. Licet enim Samaritæ non secus ac Judæi-Hebræum duntaxat Legis Mosaicæ codicem in Synagogis suis legant, habent tamen diversas pro diversis regionibus illius translationes. Triapla habuit, verum mutila, clarissimus Perefcius à Samaritis, quæ versionem istam Arabicam charactere Samaritico descriptam, repræsentarent; etsi non desint illius exemplaria literis etiã Arabicis exarata. Hottingerus caput iv. Geneleos ex quodam translationis illius Arabicæ Fragmento, libro tertio Bibliothecæ suæ Orientalis, Arabicè & Latine inseruit. Ejusdem etiã meminit doctissimus Vualtonus, quam ei Usferius Armachanus communicaverat. Habent & alios Samaritæ libros Arabicè scriptos, charactere autem Samaritico exaratos. Ità Josephus Scaliger meminit Chronici cujusdam Samaritani, cujus Epitomen Latine reddidit Hottingerus, cum hac Inscriptione, *Epitome capitum libri Josua*. Quia ab excessu Mosis & ducatu Josuæ incipit atque extenditur, ut à Scaligero animadvertum fuit, usque ad tempora Antoninorum Augustorum. Non deest itaque etiã Samaritis Josuæ Historia, quæ tamen in omnibus cum libro Josuæ non consentit, sed eam inter libros sacros minime recensent, quia Legem duntaxat Mosis tanquam Divinam recipiunt. Hic non moror Lexica, quæ sunt in usum Samaritarum, quorum unum penes se habuisse testatur Perefcius, in Epistolâ quam scripsit Morino. Similiter Guilelmus Postellus eorum Grammatices alicubi meminit. Quæ Samaritarum scripta, si edita fuissent, linguæ Samariticæ non parum lucis afferrent, & quâ ratione Samaritæ linguam Hebræam pronuncient, quosve significatus dent vocibus quibusdam difficultatibus nobis innotesceret.

Hotting.

Scalig. de
Emendat.
Temp.
Hotting.Perefci. in E-
pist. ad Mo-
rin.

C A P. XII.

De Bibliis Saducæorum & Karræorum.

Nobilissimam fuisse Christi temporibus sectam Saducæorum, principemque locum in rerum administratione apud Judæos obtinuisse, manifestum est. Verum everfis Hierosolymis dispersisque in varias mundi partes Judæis penitus extincta fuit celebris illa Saducæorum secta; ita ut nulla illius vestigia supersint. Sola remansit Phariseorum secta, in quorum locum successi sunt Judæi illi quos Rabbanistas, seu Talmudistas, vulgò nominamus. Hi enim iidem sunt atque Pharisei quorum traditiones Judæi avidius amplexati, illas tanquàm ex ore Dei profectas venerantur. A Phariseis itaque, non verò à Saducæis, ad Christianos libri veteris Testamenti pervenerunt. In hoc autem Isaacus Vossius & alii plurimi allucinati videntur, præeunte illis B. Hieronymo, dùm Saducæos exemplo & imitatione Samaritarum quinque duntaxat libros Moysis recepisse affirmant. Quid enim causæ erat cùm Saducæi, quorum Hæresis ferò apud Judæos obtinuit, & post confirmata usu publico Prophetarum volumina, soli Moysi crederent? Samaritarum atque Saducæorum longè dispar est ratio. Illi siquidem non alias quàm Pentateuchum Scripturas agnoverunt, quod eorum Schismatis tempore Lex sola apud Judæos vigeret. Sed cùm orta est Saducæorum secta jam librorum sacrorum Canon à Judæis confectus fuerat. Dubitandum igitur non est Saducæos universos sacri contextus libros, seu *τὰ πρῶτα τὰ γραμμένα*, omnem Scripturam recepisse, rejectis solum Phariseorum traditionibus, quæ illis videbantur otiosorum hominum commenta. Gravius adhuc errant qui Karræos in hoc etiàm negotio Samaritanis convenisse existimant: &, quod fidem omnem superare videtur, Isaacus Vossius, vir alioqui doctus, Karræos inter Ebionitas, Naziræos

&c.

De Bibliis
Saducæorum.Voss. de Sep-
tuag. Interpr.
cap. 17.

& alias Judæorum sectas quæ, servatis Legis Mosaicæ ritibus, credebant Evangelio, collocat. Quare paucis exponendum nobis est, quæ fuerit illa Karræorum secta, quæve fuerit illorum de sacris codicibus sententia.

Dictio *Karai*, undè Karræi nomen suum sortiti sunt, significat, teste Eliâ Levitâ, hominem in Scripturarum lectione exercitatum: sed nomen illud, quod primò fuit honorificum, coepit deindè exosum esse, post obortam Karræorum sectam, sub initium, ut videtur, sæculi decimi. Illi non secus ac Rabbanistæ XXIV. libros Scripturæ, cum punctis vocalibus aliisque Masoræ notis, amplexantur. In exponendis sacris codicibus lectionem Masorethicam ubique secuti, eam non minoris faciunt quàm Aben Esra, Kimchius & alii Judæorum Grammatici: & horum etiâ exemplo Grammaticas subtilitates acutè venantur. Quare gravissimè allucinatus est Buxtorfius ubi scribit; *de Karreis, qui omnibus traditionibus rejectis, soli textui adhererent, legimus illos olim non solum in intellectu & explicatione rerum, sed etiâ in lectione Scripturæ multimodè inter se dissentisse, quòd punctationem, cen Legis oralis & traditionum speciem, respuerent; seu ut Muscatius scribit, quòd indifferenter rejicerent tam traditiones de modo legendi Scripturam, quàm traditiones explicationis rerum.* Longè aliud de Karræis sensisset Buxtorfius, si incidisset in eorum libros, quibus destitutum se fuisse testatur. Hi siquidè Talmud & Judæorum traditiones non omninò rejiciunt, sed illas sacris codicibus non audent æquiparare, uti Rabbanistæ. Ideoque his relictis, germanum, qui ipsis videtur Scripturæ sensum, Criticorum more, qui ab omni anteceptâ opinione sunt liberi, & ex loci unius cum alio simili collatione eliciunt, Talmudicarum expositionum, quæ sæpius extrarem ipsam de quâ agitur excurrunt, parùm solliciti. Itaque si Karræi interdum apud Judæos Rabbanistas malè audiant tanquàm contextus Biblici corruptores, id ex odio & invidia, necnon ex contentionis æstu proficiscitur. Hæc omnia ex ipsis Karræorum libris faciliùs cognoscentur.

Aaron filius Josephi è sectâ Karræorum, qui scripsit commentaria in Legem, anno MCCXCIV. ab exordio libri sui miserrimum Judæorum statum, illorūque in terras gentium dispersionem paucis complectitur, & asserit obsignatam illis fuisse.

Elias in Tisbi.

Karræorum
Biblia.

Buxtorf. de
punctorum
antiquit.

Aaron Kar-
raus.

fuisse visionem atque Prophetiam, &c, eos ferè oblitos esse lingua Hebraica; verùm surrexere Doctores, inquit, quidam apud Israëlitas in singulis civitatibus qui perscrutati sunt Scripturam, quæ apud nos XXIV. libros comprehendit. Nòn igitur hâc in parte Samaritis consentiunt Karræi, uti nonnullis visum est, sed universum Scripturæ Canonem cum Rabbanistis, velut authenticum, recipiunt: Eúmque hæud infrequentèr Prophetiam appellant, ut hoc pacto distinguatur à traditionibus illis, quas ceteri Judæi pro Divinis obtrudere nòn reformidant. Eodem loco Doctores Cabbalicos notat, qui pro Scripturâ sæpius cerebelli sui commenta & mendacia proponunt, &, ut loquitur, innituntur *Cabbala & mendacia effutiant, dicuntque Cabbalam, seu traditionem, Scripturâ superiorem esse.* Karræos tamen nòn omnem prorsus traditionem respicere; sed incertam parúmque constantem ab eâ quæ vera est, secernere, idem Scriptor Karræus apertè declarat his verbis; nèque verò quis nobis objiciat nos etiã inniti *Scripturæ rationi & tradite à majoribus doctrina: hæc siquidem, quâ utimur, traditio nòn fuit deperdita, consignatæque est in Scripturâ verâ, nec posita est in varietate: sed de illâ Israëlita per omnia consentiunt.* Hujusmodi est traditio illa, quæ effecit ut codicem Masorethicum ab omnibus Judæis receptum, cum punctis vocalibus & accentuum notis, illi quoque suâ auctoritate comprobarent. Ista longè melius patefient ex ipso quem môx laudavimus Scriptoris Karræi commentario.

Mirum est quantum Karræus ille scriptionis hodiernæ rerumque Grammaticarum, quotiès aliquid ad contextûs explanationem conferunt, studiosus fuerit. Celeberrimos Judæorum Rabbanistarum Magistros interdùm appellat, quorum testimoniis sententiam suam confirmet; eos quoque interdùm refellit, inprimis Doctores allegoricos & Cabbalicos. Sæpius tamen ad Grammaticæ analogiam recurrit, quàm ad aliorum testimonia. Ità statim ab initio explanationis suæ in librum Genesios hæc habet; *bereschith ejusdem est forma atque scherith, nisi, quod quiescat Aleph: notum est autem dictionem, reschith, nomen esse quod tempus indicat, & quod etiã notet id quod prius est;* (sicut Exodi capite XXIII.) *primitia frugum terræ tue.* Addit hoc loco; *reschith nomen esse temporis: deindè censurâ suâ castigat Magistrum quemdam Jesuam, qui putat indè jam ab initio existi-*

existisse Angelos, eique opponit *Doctorem Misnicorum sententiam*, qui dixere Angelos primâ die creatos non fuisse, verbisque Scripturæ ipsius conficit, tunc nondum quidpiam conditum fuisse, & hanc esse communem Interpretum sententiam. Ad vocem *והארץ* & terra, observat *Van*, quod huic dictioni præfigitur, sumi debere sicut *Phe* raphatum in linguâ Arabicâ, quod non est servile, sed initium sermonis. Nomen *Elohim*, ait esse Judicibus proprium, & mox hæc subdit; postquam repertum est *Eloah*, inde cognovimus *Elohim* nomen esse plurale, additque esse *לשון רפואה* dictionem qua honorem denotet. Explicat proprietates germanâque significationem vocabulorum *sohn*, *bohu*, *choschech*, easque aliis Scripturæ locis illustrat, refellitque Anonymum quemdam, qui sentit hic nomen *choschech* significare ignem elementarem. Dicit *merachepeth* esse ex conjugatione *Dageschatâ*, seu *Piel*. Vim hujus sententiæ explicat ad literam & varias difficultates, tum ex contextu, tum ex Interpretum expositionibus obortas, solvit. De vocabulo *לילה* hæc animadvertit; *litera He* dictionis *lailah* est *adjectiva*, eademque ratio est vocum omnium desinentium in *He*, earumque accensus est *Mileel*. Ubi legimus in Latino Interprete, *faciamus hominem*, &c. & in Hebræo contextu *נעשה* reprehendit quosdam interpretes, qui putabant exponendum esse *faciam*, quasi scriptum esset *נעשה* quia nonnullis in locis in se invicem permutantur literæ *Ethan*, id est, *Aleph*, *iod*, *Tau* & *Nun*. Hanc quidem regulam non improbat auctor ille *Karræus*, verum hic locum habere pernegat. Ad vocem *סחלריו* quæ scribitur cum puncto *Tfere* sub *Beth*, hæc annotat; dictio ista notatur puncto *Tfere* sub *Beth*, quia est in plurali, ut sit quid discriminis à singulari & *חלריו* quod est cum *Scheva*: venit autem abque literâ *iod*, quod est indicium pluralis, sicut *פערין* & *בכל* ejusdem rationis plurima. Capite. iii. *Geneseos* observat, dictionem *אכר* legi cum puncto *Dagesch* intra literam *Caph* ornatûs & euphoniæ causâ.

Jam puto neminem esse, qui, ex hætenus allatis, non conficiat *Karræos* hodiernam contextûs Hebraici lectionem sequi, ac totos à codicibus *Masorethicis* dependere, servatis perquam accuratè punctorum vocalium & accenruum minutis. Scrip-
 us in illo Scriptore *Karræo* leguntur hæc vocabula, *Parhach mag-*
num,

Karraosum
Theologia.

num, Parbach parvum, Scheva, Hateph-Camets, Cholem, Scheruc, (sic enim scribit, non Schurec) & alia id genus complura, quæ sunt Judæorum Grammaticorum inventa. Neque minus in rebus Philosophicis & Theologicis exercitatum se ostendit, quàm in præceptionibus Grammaticis. Verum ista prætereo, quia sunt extra propositi nostri rationem, pauca solum attingam ex eorum Theologiâ, nè sint in posterum qui Karraos confundant cum Samaritis, quasi utrique animæ nostræ immortalitatem non agnoverint. Karraus itaque jam sæpius laudatus ad hæc verba, *faciamus hominem ad imaginem nostram*, animadvertit, *animam hominis ex superioribus esse; corpus vero ex inferiorum formâ: & hanc postea rationem subjungit, quia anima ejus non aliter subsistit quàm Angeli.* Ac demùm addit, *propter animam est mundus futurus.* Ista jam annotaverat Judæus ille, qui editioni Constantinopolitanæ libri Juchasin præfuit: nam in libri illius Inscriptione, seu primâ paginâ, hæc leguntur; *hinc constat Saducaeos non esse Karraos atatis nostra: hi enim agnoscunt mercedem & pœnam atque resurrectionem.*

Denique Karraus ille, eruditi Scripturarum Interpretis partes exsequutus, Doctorum Cabballicorum methodum, qui nœras allegoriarum nugas sectantur, valdè improbat. Ità eos reprehendit acerrimè qui illa omnia, quæ in initio Geneseos de ligno vitæ referuntur, explanant, & ut loquitur, *quisque pro arbitratu suo illud omne argumentum sumpsit parabolicè: sed scire, inquit, id omne quod scribitur revera ità esse.* Et mox in exemplum ejusmodi allegoriarum profert quæ Doctores isti Cabbalici vulgò de serpente referunt. Dicunt, inquit, serpentem fuisse magnum sicut camelus, & Samaelem ipsi ineqnitasse; Deum quoque ludentem cum camelo eidem ineqnitasse. Præterea dicunt, nè legeris tunicas *וַיַּלְבִּישׁ* pellis, sed tunicas *וַיַּלְבִּישׁ* lucis. Quas expositiones deridiculas ità suggillat; isti inniuntur majoribus suis seu paribus in plerisque ejusmodi expositionum & aliis similibus. Ac demùm malè sanis interpretibus, qui otio suo abutuntur, dira imprecatus hæc addit; *va illi qui impudens id aggredi audeat.* Diversas etiam lectiones, quas Doctores isti ex suo ingenio in Scripturâ ineptè comminiscuntur, refellit. Sic notat quosdam interpretes, qui in primis Geneseos verbis pro *וַיַּלְבִּישׁ* scripto per Resch, legunt *וַיַּלְבִּישׁ* per Daleth: nonnulli sunt, inquit, qui

mutant

mutant Resch in Daleth; sed id cerebelli est commentum. Simili ratione eos perstringit qui dictionem בורא in duas dictiones separant, quali in contextu legeretur בורא. Haftenus de Karæorum sectâ satis superque dictum est; nunc ad Judæos Rabanistas, undè nostra divertit oratio, redeundum.

CAP. XIII.

De Judæorum Targumim, seu Scripturæ sacræ translationibus, ac primùm de Paraphrasibus Chaldaicis.

Sermo Hebræus tandiù Judæis remansit integer & ipsis vernaculus, quamdiù Hierosolymis remansere Prophetae, qui etiâ conciones suas ad populum linguâ Hebræâ, quæ ab omnibus intelligebatur, habuerunt. Verùm Babylonem deportati, linguæ suæ penitus oblici sunt, saltèm illi qui erant e plebe. Quapropter post annos aliquot Hierosolyma reversi, Legem Mosis intelligere non potuerunt, nisi præeuntibus sibi Doctoribus, qui Babylonice, seu Chaldaicè, illam interpretarentur. Quo sensu legimus apud Nehemiam, suggestum sibi fecisse Esdram ex quo concionaretur ad populum, & unâ cum Levitis legisse in libro Legis Dei distinctè & aperte ad intelligendum: & post nonnulla, dixit autem Nehemias & Esdras Sacerdos & Scriba & Levita interpretantes universo populo, linguâ, ut verisimile est, Chaldaicâ. Quæ consuetudo à Judæis, in toto terrarum orbe dispersis, nostrâ etiâ ætate retinetur. Ità Judæi Hispani, Germani, Turcæ, Græci, Persæ & alii, Legis contextûs Hispanicas, Germanicas, Turcicas, Græcas & Persicas interpretationes subjungunt. Et ex eodem fonte exortas fuisse existimo, quotquot hodiè reperiuntur apud Judæos Bibliorum conversiones ac Paraphrases. Neque aliam Græcæ translationis,

Origo Paraphracon
Chaldaicarum
apud Judæos.

stationis, quæ sub nomine LXX Interpretum circumfertur; originem esse credibile est. Judæi enim Alexandrini, qui Græcè loquebantur, versionem sibi Græcam fecere, quæ à Judæis postea ad Christianos pervenit. Hierosolymis aliisque terris vicinioribus, ubi tunc Chaldæorum lingua vigeat, nata sunt Paraphrasæ Chaldaicæ, undè in alias deinde regiones transfusæ fuerunt. Paraphrasæ istas Chaldaicas etiam hodiernis temporibus plurimi faciunt Judæi, illas maximè quæ Onkeloso & Jonathani vulgò tribuuntur. De auctoritate tamen & antiquitate ejusmodi Paraphraseon non consentiunt inter se viri docti; & quia nemo est qui argumentum istud majori eruditione tractaverit quàm Elias Levita, vir in linguâ Chaldaicâ & in Scriptoribus Chaldæis diù multumque volutatus, hujus verba, quæ multum lucis præsentī negotio afferent, huc transferre non pigebit, ex præfatione quam suo Methurgeman, sive Lexico Chaldaico præmisit.

Elias præfat.
in Methurg.

Cum è terrâ suâ exsules Judæi, inquit Elias, Babylonem deportati sunt, obliti fuere omnino lingua suæ, ut perhibet liber Nehemiæ. Imò Doctorum Legisque peritorum scientia præcipua fuit in linguâ Babylonicâ. In eâ etiam compositum est Talmud Babylonicum. Præterea sub Templo secundo lingua eorum partem maximam fuit Babylonica. Quare cum hoc deprehendisset Jonathan filius Uzzielis Chaldaicam Paraphrasim in octo Prophetas, in illorum usum conscripsit. Similiter Onkelos in Legem: verum Hagiographa translata non fuere, nisi multo post tempore, in linguâ Talmudis Hierosolymitani, sicut postea exponam. Nunc nonnulla de iis quæ Paraphrastæ istos respiciunt, querenda. Cur expositum habeatur in Gemarâ Jonathanem existisse longè ante Onkelosum: quomodo Jonathan fuerit ex discipulis Hillelis, qui floruit annos circiter centum ante destructum Templum; Onkelos verò filius Titi qui evertit Templum: & si ita sit, cur Jonathan primò interpretatus fuerit Prophetas, non verò à Lege sit exorsus. Patres nostri felicitis memoriæ dicunt quidem, voluisse explanare Hagiographa, sed ad eum adventasse vocem è cælo dicentem, non satis est quòd aperueris mysteria Prophetarum? vis adhuc aperire mysteria Spiritus Sancti, (id est, librorum Hagiographorum)? Non igitur Hagiographa, ob hanc causam, Paraphrastice exposuit; sed jam altera se offert difficultas, nimirum, cur Legem non exposuerit, maximè eo quòd Doctor Cabbalicus Ribbi Menahem Rekanaten-

ſcripſerit in ſeſſione **עצור** cum quoque eodem modo Legem tranſtulſſe, ſicut habet ad hac verba, & miſit avem vivam: ſic enim loquitur; inveni in Targum Jonathanis filii Uzzielis, felicitis memoria, & dimiſit avem vivam, &c. neque aliter ſcribit pluribus aliis locis. Si hoc verum ſit, mirum eſt profeſſò, quomodo intra breve illud tempus interciderit, neque quidquam ex eà translatione reſiduum ſit. Querendum quoque eſt, cur non tranſtulit Onkelos Hagiographa, remaſerintque abſque interpretatione uſque ad tempora Hieroſolymitani cujuſdam, qui ea Paraphraſticè explanavit. Compertum autem non habetur quis ille fuerit, quòdve nomen illius, & quo tempore vixerit. Ita quoque interpres Hieroſolymitanus, qui Legem tranſtulit, nobis exſtat incognitus, utrùm ſcilicet idem ſit atque is qui interpretatus fuit Hagiographa; an verò ſint duo interpretes, qui diverſis temporibus floruerint. Sunt qui dicant Aquilam Proſelytam utriuſque Paraphraſeos auctorem eſſe. Sunt quoque qui dicant Joſephum Cæcum utramque condidiſſe: & reverà inveni in Bereſebith Rabba verſus plures ex Hagiographis necnon ex Prophetis tranſlatos nomine Aquila, ſicuti verſum illum, mors & vita in poteſtate linguæ, &c. Vide in radice **עצור** pariter ad hac verba Ezechielis, ſponſæ adulteriorum, habet Targum Aquila **פריארה פורנא** (id eſt, *παλαία πόρνη*, ſeu vetuſtam meretricem); vide in radice **פריארה**. Sic quoque nonnullas veſtium, quarum meminit Iſaias, interpretatur Aquila. Verum Paraphraſeos Rabbi Joſephi nulla eſt mentio in Bereſebith Rabba: nondum enim vivebat. Tamen illius eſt mentio in Gemarà ad quosdam verſus Prophetarum & Hagiographorum, qui nullatenus reperiuntur in verſibus Legis. Scito autem in nihilo diſcrepare linguam Paraphraſeos Onkeloſi à lingua Paraphraſeos Jonathanis, quia utraque lingua Babylonica eſt, pariter tanquam Danielis & Eſdra: ſed hujus lingua longe purior eſt ac nitidior quam ceterorum Targumim, ut mox exponam. Valde autem Targum Hieroſolymitanum diſſert à Babylonico, idque quia illud conſtat ex pluribus linguis, Babylonica videlicet, Græcà, Romanà & Perſicà. Eo quòd autem multa ejuſmodi linguarum deprehendantur, videtur mihi coepiſſe hac commixtio ab eo tempore, quo regnorum iſtorum dominatio fuit in Hieruſalem; idcirco vocata eſt lingua illa Targum Hieroſolymitanorum: & in eadem compilavit Ribbi Johanan Talmud Hieroſolymitanum, annis circiter CCC. poſt evulſa Hieroſolyta. Neminem vero tales his temporibus gentes iſtas imperaſſe Hieroſolymis, nam poſt

Proverb. 12.

alteram, ut habetur in libro Josephi Goronide. Verùm tempus quò conditum est Targum Hierosolymitanum in Legem & Hagiographa, nobis est incognitum; utrùm scilicet fuerit ante vel post Talmudis Hierosolymitani compositionem. Adducor ut credam Targum Hierosolymitanum non exstare nisi in Jobum, Proverbia & Psalmos, non verò in *Quinque Volumina*: quia non idem est orationis character, licet in his multe sint voces ex Targum Hierosolymitano.

Haecenus Elias Levita, qui demùm sententiam suam de diversitate Targum Jobi, Proverbiorum & Psalmorum, quod Hierosolymitanum vocat, à Targum Quinque Voluminum, confirmat exemplo duplicis Targum, quod reperitur in Volumen Estheris; secundum verò Hierosolymitani nomen habet: idque iterùm confirmat auctoritate R. Solomonis, & post nonnulla demùm concludit non minùs ignorari auctorem Targum Quinque Voluminum, quàm Targum Jobi, Proverbiorum & Psalmorum. Jam ex his cognoscere est, quàm parùm certa sint ea, quæ de Scriptoribus Targumim afferunt Judæi. Primò enim qui fuerint Onkelos & Jonathan, quæve ætate vixerint, compertum non habetur. De illorum antiquitate etiàm disputant Christiani, dùm alii, ducti potissimum Judæorum testimoniis, illorum Paraphrases circa tempora Christi confectas fuisse existimant; alii verò has Origene atque Hieronymo posteriores esse affirmant, quòd illarum nusquam meminerint. Fieri tamen potest, ut jam indè ab illis temporibus Judæis Babylonensibus fuerint cognitæ, apud quos natæ esse videntur; sed nondùm, in unum veluti corpus Paraphraseos redactæ, in vulgus abierant: quomodo etiàm incidi in exemplaria quædam Pentateuchi, quibus Gallica contextus Hebræi expositio ad singulas serè voces adungebatur: Gallica tamen Legis Mosaicæ Paraphrasis à nemine Judæorum hæcenus laudata fuit. Verisimile est itaque Doctores quosdam Scholarum Babylonensium in usum gentis suæ dictiones Hebraicas Chaldaicè exposuisse; ex quibus, longo post tempore, integra demùm Paraphrasis composita fuerit. Et ut ita sentiam, facit Chaldaus sermo purus & non inquinatus, quo scripta sunt. Quæ quidèm intelligenda sunt de Paraphrasi duntaxat, quæ sub nomine Onkelosi exstat in Legem Moysi, & de altera in omnes cum priores tum posteriores Prophetas,

ut loquar cum Judæis, quæ Jonathani tribuitur. Ille enim Jonathan, vel alius quilibet auctor Paraphraseos in Prophetas, aliam, quæ sub Jonathanis nomine à Judæis quibuscum vulgata est, minimè composuit; adeò diversa est utriusque loquela. Miror id non animadversum fuisse D. Huetio aliisque viris Criticis, qui Pseudo-Jonathanem istum cum vero & antiquo Jonathanem confundunt, quasi unus idemque Scriptor fuerit Paraphraseos in Pentateuchum & Prophetas. Quæ verò fingunt Talmudici Doctores de voce quâdam cœlo delapsâ, quæ Jonathanem ab explanatione librorum, quos vocant Hagiographos, deterruerit, pura putâ sunt somniantium Judæorum commenta, quæ nemo sanus agnovit. Notanda autem imprimis sunt quæ de dialectorum, Babylonicæ & Hierosolymitanæ, diversitate observavit idem Elias, qui reliquas Paraphrases, quæ existant in libris Hagiographos, non multi fecisse videtur, quòd ab hominibus nullius nominis scriptæ fuerint. Quibus accedit illarum auctores sæpius à contextûs Hebræi verbis recessisse, substitutis in ejus locum Talmudicis fabellis, aliisque id genus commentis.

Onkelos & Jonathan Scripturæ verbis longè pressius adhærent, de quâ tamen exprimendâ ad literam interdum minùs curant, teste eodem Eliâ Levitâ. *Paraphrasta verò, inquit, interdum non servant Grammaticam: reddunt enim præteritum per futurum, sicut & futurum per præteritum: paritèr aliquando participium per præteritum aut futurum. Infinitivum quoque cum literis servilibus כן כו quæ ei præfiguntur, reddunt ut plurimum per præteritum, interdum etiâ per futurum. Præterea aliquando interpretantur verbum, uti convenientius esse judicant in linguam Targumicam, contextui Biblico non additi.* His subjungit Elias R. Solomonis Isaaki, quem malè nostri Jarchi appellant, testimonium, qui observat Onkelosum de Scripturæ Grammaticâ minimè sollicitum, mentis suæ sensum haud infrequentèr sectatum fuisse. Voces etiâ aliquot isti Paraphrastæ imò & versus integros omiserunt; nec desunt loca, quæ in sensum trahant planè contrarium. Commune scilicet est illud Paraphrastarum omnium factum, qui libros ex unâ linguâ in aliam transferunt, ut nimis liberam convertendi rationem sectentur. Quare siqua occurrat ex interpretatione varietas, ea statim ad causam

Elias Lev.
Praef. in Me-
thurg. sub
finem.

causam suam & originem referenda est, ac diligenter inquirendum, quid ex diversis codicum lectionibus proficisci potuerit, quidve pro interpretis arbitrio mutatum fuerit. Sed illud imprimis animadversione dignum est, quod perturbata olim fuerit & admodum confusa Paraphraseon Chaldaicarum scriptio. Nulla enim servabatur orthographiae analogia, literæ *Pau* & *Jod* absque ullâ Lege plerisque dictionibus adscribebantur. Simili ratione punctationis Chaldaicæ auctor nullam planè methodum, in apponendis contextui Chaldaico apicibus, servaverat: uti palam testatur Elias Levita, qui primus linguam Chaldaicam excoluit. Quàm verò difficile fuerit Grammaticam Chaldaeam condere, malim ejusdem Eliæ verbis, quàm meis explicare. *Plurimi, inquit Elias, rogârunt me, an condì posset Grammatica in hac Targumim, respondi uti sentiebam, nimirum, me non posse, eo quòd exemplaria inter se variarent, tam in dictionibus quàm in literis, & omnino in punctis, quæ admodum variant. Et id profectò inde oritur, quòd Paraphraste scripserint suas Paraphrases absque punctis, quippe quæ nondum inventa fuerant, ut rectè demonstravi in præfatione libri Masoreth hammasoreth. His accedit, quòd vetustissima exemplaria omnia sint absque punctis, quia non ea punctarunt auctores Masore, uti punctarunt universam Scripturam: sed multo post tempore ab uno vel plurimis, iisdemque nullius nominis punctata fuere, prout ipsis visum fuit. Quare nulla in ipsis servatur analogia, neque ex illis duci potest ratio aliqua unde conficitur Grammatica. Et nisi res ita se habeat, quis putet ab eo tempore quo condita sunt Targumim, neminem adhuc apud Judæos existisse, qui sat eruditionis habuerit ad construendam Grammaticam, sicuti fecit Ribbi Juda* primus Grammaticus felices memoria: quandoquidem ante illum nulla fuit Grammatica Hebræa. Quia autem invenit Scripturæ sacrae libros punctis & accentibus notatos, necnon Masorâ instructos à Masore conditoribus, ipse cœpit adjuvare Israëlitas, exsulumque Judæorum oculos Grammaticâ suâ illustrare. Hunc sequutus est Ribbi Jona, & hunc iterum excepit R. Saadias Gaon: deinde innumeri postea fuere Grammatici. At nemo fuit qui ad Targum animadverteret, & castigaret quod erat depravatum. Omnes illud parvi fecerunt, ac prodis perversum: quod tamen unicuique servatur. Idcirco cogitavi de ratione, quâ quisque facere posset Grammaticam Targumicam*

Elias Lev.

* In hoc erat Elias, quòd primum Grammaticorum apud Judæos recenset R. Judam: cùm prior illo fuisset R. Saadias, quem postea nominat.

micam hoc modo, ut fundamentum suum sumeret ex iis quæ in Daniele & Esdrâ habentur Chaldaicè concepta, & hinc duntaxat confirmat adificium suum, non verò ex Targumim, indeque ducat regulas Grammatices, si non omninò, saltem ex parte, quia illud exiguum est.

Iterum post nonnulla hæc subjicit, in eadem præfatione, Elias. Seculis præteritis, priusquam ars typographiæ inventa fuisset, non repertum est Targum Prophetarum & Hagiographorum, præter unum in urbe & duo in climate. Idcirco nemo fuit, qui ea attenderet; at multa semper Targum Onkelosi exemplaria reperta sunt: quia, nimirum, tenebatur legere singulis hebdomadibus Sectiones duas Scripturæ, & unam Targum. Existere aliqui homines qui animum illi applicarent, ac quidpiam in illud scriberent, in quibus non multum profectus deprehendi. Facta quoque est in eum Masora quam hætenus videre non licuit. Verum in Prophetas & Hagiographa nemo fuit, qui eos aperiret ac mustaret. Non fuit qui quæreret vel postularet; sed omnes dicebant, opus illud relinquamus donec veniat Elias. Ubi autem semel inventa fuit Grammatica illa Chaldaica, quam conditu difficillimam Elias judicaverat, statim Munsterus, Mercerus, alique viri docti reformando contextui Chaldaico omne studium suum contulere: præ ceteris verò Joannes Buxtorfius, qui ausu improbo immensum Paraphraseon opus nuperæ Grammatices methodo conformatum edi curavit. Textum Chaldeum, inquit Buxtorfius, qui Targum vulgò dicitur, & illustrissimus est textus Hebraici commentarius, in Mose & Prophetis ad antiquam, veram & perpetuam linguæ prisce Chaldaicæ analogiam libris Esræ & Danielis pulcherrimè præmonstratam redeimus, & ab ineptâ & insignitè deformi punctatione, quam editiones Venetæ continent, vindicavimus. Verum, ut optimè à Ludovico de Dieu annotatum fuit, nonnulla adhuc post Buxtorfii castigationem supersunt in melius reformanda. Inter evolvendum codices quosdam sacri contextus manu exaratos, fortè incidi in Pentateuchum chartâ maximâ in Pergameno prægrandioribus literis descriptum, qui Onkelosi Paraphrasim hoc modo exhibebat ut quemlibet contextus Hebraici versum comma similiter Paraphraseos exciperet. In eo autem exemplari punctatio Chaldaica à quâlibet aliâ, quam hætenus deprehendere licuerit, tam

Buxtorf. præ-
fat. in Bibl.
Easil.

in.

in editis, quàm in manuscriptis codicibus, mirè discrepat. Hæc enim analogiam punctationis librorum Esdræ & Danielis longè melius quàm Buxtorfiana editio repræsentat. Vulgò tamen tribuuntur Complutensibus castigationis punctationis Chaldaicæ exordia, quæ deinde ab Ariâ Montano exculta, demùm à Buxtorio in Bibliis Basileensibus perfecta fuerit. Sed hæc longè adhuc perfectior apparet in exemplari manuscripto, quod modo descripsimus. Quare existimaverim etiàm ante Eliæ Levitæ tempora non defuisse apud Judæos, qui, in Paraphrasibus Chaldaicis exercitati, linguæ Chaldaicæ periti essent; sed talia exemplaria ad manus Eliæ nunquàm venerant, demirorque Judæos, qui diversis Onkelosi Paraphraseos editionibus præfuerunt, melioribus usos non fuisse codicibus. Auctor tamen non fuero, ut hodiernæ Targumim punctationi quantumlibet à Buxtorio reformatæ in omnibus credatur, nisi ubi sensum videtur ferre commodiorem. Sed ad antiquam potius recurrendum est contextus Chaldaici formam, dum ab illo prorsus aberant puncta vocalia, quæ nuperrimè à Magistris inventa, Paraphrasibus sine ulla arte adjecta sunt. Punctationis Chaldaicæ eadem non est auctoritas atque Hebraicæ. Hæc siquidè doctissimos censores, Magistros scilicet Tiberienses, nacta, quorum auctoritas non minus, quàm Scholæ Tiberiensis, nomen apud omnes obtinuerat; illa verò paucissimis cognita, etiàm hodiè à plerisque Judæis ignoratur.

CAP. XIV.

Appendix, de reliquis Bibliorum versionibus quibus utuntur Judæi.

PRÆter allatas contextus Hebræi Paraphrases, quas modò recensuimus, alias superesse, quæ nondùm editæ sint, nullus dubito; maximè cum inter legendum Rabbinorum libros aliquas laudari deprehenderim, quæ nondùm juris publici factæ sunt. Sed hæc dudùm Judæis neglectui fuere, quia linguam Chaldaicam ignorabant. Quapropter cum lingua etiàm Hebræa Judæis paucissimis probè cognita esset, necesse fuit ut Judæorum Magistri sacros codices in vernaculum sermonem converterent. Undè innumeræ apud Judæos Scripturæ sacræ versiones prodierunt. Jam à nongentis & ampliùs annis R. Saadias cognomento Gaon, seu Excellens, Scripturam universam Arabico sermone donavit; licèt unicus duntaxat Mosis Pentateuchus ad nos usque pervenerit, quem Judæi Constantinopolitani literis Hebraicis edi curarunt. Eundem postea Angli caractere Arabico editum in elegantibus illis Polyglottis nobis communicarunt. Hæc Saadiæ interpretatio Paraphraseos, potiùs quàm versionis simplicis nomine insigniri debet, quia contextus sui verbis non ita pressè adhæret interpres. Mutat etiàm interdum nomina propria, & ut ab omni anteceptâ opinione liber non erat, mentis suæ sensa potiùs quàm ipsûmet contextum haud infrequentè exprimit. Præterea cum ars Grammatica nondùm benè à Judæis exculta fuisset, quando Saadias translationi suæ animum applicuit, mirum videri non debet, si nævi aliquot in eâ occurrant. Dictio illius, etsi ad Hebraismos minùs accedat, quia Paraphrastica est, non ita tamen Arabica est, quin lingua Hebraicæ ingenio sæpiùs inserviat, ita ut ex eâ hominem

Versio Arabica
R. Saadiæ.

Judæum faciliè agnoscas. Idque in causâ fuit, ut versionis illius Arabicæ Latinus interpres locis aliquot turpiter allucinat us fuerit, quia linguæ Hebraicæ non peritus unum sermonem Arabicum intuitus est.

Alia Judæorum
versio
Arabica.

Versionem aliam Pentateuchi Arabicè scriptam publicavit Erpenius, quæ Judæum Africanum auctorem habet, quæque à verbis contextus minus quam Saadiana recedit, adeoque frequentiores in eâ Hebraismi apparent. Non ita tamen à contextu suo dependet interpres ille, quin aliquando gentis suæ opiniones sectetur. Persicam Jacobi cognomento Tauasi, ex urbe Taus, quæ erat oriundus, Pentateuchi versionem huic adjungere possumus, quod ejusdem planè sit naturæ, idemque in illâ agnoscatur ingenium Judaicum. Hæc quæ primum Constantinopoli à Judæis caractere Hebraico unâ cum Saadiæ Paraphrasi edita fuerat, secundo in Polyglottis Anglicanis caractere Persico edita est.

Versio Ser-
mone Græco
vulgarl.

Habent quoque Judæi contextus Biblici versionem Græco sermone vulgari Constantinopoli editam, quam pluris faciunt Carraïtæ, illi præsertim qui regiones incolunt ubi sermo ille Græcus vulgaris vernaculus est. Pentateuchus versionis illius editus est Constantinopoli, caractere Hebraico cum punctis vocalibus, à Judæis quos vulgò Rabbânistas, seu Talmudistas, appellamus. Legi quoque in eadem linguâ Græcâ vulgari librum Jobi ibidem editum duabusque distinctum columnis, quarum una Hebraicè, altera verò sermone Græco vulgari exhibet Græcum hæc Inscriptione *אִתּוֹב בְּרִשְׁתִּי הַקֹּדֶשׁ יְבִרְשֵׁתִי רוֹמַאִי* id est, *Jobus in linguâ sanctâ & in linguâ Romanicâ*, seu Græcâ vulgari: R. Moses filius R. Eliæ Phobian interpretationis illius auctor, in præfatione quam operi suo præmisit, testatur se in eandem quoque linguam Solomonis Proverbia convertisse, & ad hanc elucubrationem gentis suæ potissimum inscitiâ, quæ linguam Hebraicam ignoraret, adductum se fuisse. Huic translationi aliam in Pentateuchum adjungere iidem Judæi Constantinopolitani sermone Hispanico & literis Hebraicis unâ cum punctis vocalibus editam, quæ hæud dubiè auctores habet Judæos Hispanos qui nunc degunt Constantinopoli, Thessalonicæ, Adrianopoli, aliisque locis vicinis, quò recesserunt postquam Hispaniâ pulsi sunt. In his autem
versio-

Versio Hispa-
nica.

versionibus sermonem Græcum vulgarem & Hispanicum agnoscere difficile est, adeo frequentes occurrunt in illis Hebraismi.

Celeberrima etiã est apud Judæos qui Hispaniæ & Italiæ terras incolunt totius Scripturæ versio Hispanica, quæ in usum Judæorum primum Ferrariæ edita est, anno MDLIII. Hæc contextus Hebræi verba ita pressè sequitur, ut ab eo tantillum discedere interpreti religio fuerit, qui ob hanc causam voces interdum obsoletas & in Synagogis Hispaniæ natas adhibet, quæ huic translationi multum obscuritatis afferunt. Si iis, quæ in præfatione operis illius exstant, fides adhibeatur, versio illa partem maximam ex Pagnini translatione sumpta est: sed in condendâ versione illâ Judæi Kimchii potius, Aben Esræ, & aliorum Magistrorum, quos consuluerat Pagninus, æstimatores fuere, quam ipsius Pagnini, cui adhæsisse palam testantur, ut omnem à se invidiam amoverent. Verisimile est Abrahamum Usque Judæum è Lusitania in adornandâ hâc translatione Hispanâ sibi prævios habuisse Doctores Hispanos, qui ante illius tempora Biblia in Synagogis Hebraicè & Hispanicè prælegerant; adeo ut pleraque illorum voces usurpaverit. Illud autem in hâc Ferrariensi editione animadversione dignum videtur, quod interpretes argumenti quod tractabat difficultate deterritus, nihilque in rem tam arduâ definire ausus, stellulas seu asteriscos locis Scripturæ quam pluribus apposuerit, quorum admodum incerta sibi videbatur expositio. Hæc enim in præfatione leguntur,

*yes de notar que en los lugares donde se viere esta estrella *, es señal que ayduda en la declaracion del vocablo y alguna vez diversos pareceres.*

Judæi tamen qui secundam versionis istius editionem accurârunt anno MDCXXX. plerisque ejusmodi asteriscorum à novâ illâ editione sustulere, cum augeri potius debuerit illorum numerus quàm minui. Quid verò commodi ex istâ translatione, quam vix Judæi intelligunt, referre possunt Christiani, non liquet: & ut olim Aquilæ contentiosi interpretis damnata est *παραζήτησις*, ita nemo sanus laudaverit Ferrariensem istam versionem, quæ nimis affectata est, dumque Grammaticam unam respicit interpretes, vix sensum exprimit. Hunc in eo castigat Cassiodorus de Reynâ, quod verba illa capitis ix. Isaiæ exponens, *vocabitur nomen ejus admirabi-*

Alia versio
Hispanica.

Cassiod. de
Reynâ.
Isa. 9. 6.

mirabilis, consiliarius, Deus fortis, pater futuri saeculi, princeps pacis, ut habentur in editione Vulgatâ, in alium planè sensum traxerit, quasi hæc tantum, *princeps pacis*, in Messiam cadant; cetera autem Deo attribui debeant. Verum hæc in re, ut & alibi passim, interpret Hispanus gentis suæ placitis obtemperat. In eo tamen veniam dignus non est, quod contra artis Grammaticæ regulas, quam profitetur, articulum *el* præposuerit *marravilloso, consejero*, & ceteris, cum in Hebræo præfixum *ha*, cui respondet articulus *et*, apud Hispanos, notatum non fuerit. Similiter & aliis in locis peccat contra easdem regulas, sicuti cum ab initio Psalmorum verba contextus Hebræi ita vertit, *bien aventurado el varon*, cum veri debuissent juxta artis suæ leges, *bien aventuranzas de el varon*, ut ad verbum sonant Hebraica. Sed non est cur ejusmodi subtilitatibus diutius immoremur.

Psalm. 1. v. 1.

C A P. XV.

De Bibliorum versionibus quæ apud Christianos aliquid auctoritatis obtinent, ac primum de Græcâ Septuaginta Interpretum.

Diversæ de Græcâ Bibliorum translatione sententia.

ET si Græca, quæ sub nomine Septuaginta Seniorum circumfertur, versio, Judæos auctores habeat & à Judæis publicè lecta fuerit in Synagogis & Scholis, visum tamen est illam inter eas versiones collocare, quæ in usum Christianorum cesserunt: quia dudum illa à Judæis ad Christianos transiit, & nostrâ adhuc ætate in plerisque Ecclesiis retinetur. Mirum autem est quantum hætenus tam de auctoritate Græcæ illius translationis, quam de auctoribus disputatum fuerit, & nunc etiã sub judice lis est. Alii siquidem omnem prorsus auctoritatem illis Interpretibus negant; alii contra illorum decretis in omnibus standum esse existimant, eosque ut Prophetas Spiritu Divino afflatos suspiciunt; alii denique velut inter hos & illos mediū vetustam illam ac venerandam sacri

sacri codicis versionem meritis ornant laudibus, ita tamen ut in aliquibus illius etiam fidem accusent. Historiam illorum Interpretum, qualis à Philone, Josepho & à plerisque Patrum cum Græcorum tum Latinorum describitur, lubens prætereo: hanc puto laterenemini. Id tantum ab omnibus observatum velim, id omne quod in Patrum scriptis exstat de Septuaginta Interpretibus, si pauca excipias quæ magnam partem à Judæis postea conficta sunt, ex Aristæ libello, *De Legis Divina ex Hebraicâ linguâ in Græcam translatione per LXX Interpretes*, desumptum fuisse. Libellum autem hunc partum esse supposititium judicârunt viri docti, quibus est aliqua rei Criticæ cognitio. Licet etiam supposititius non esset libellus ille qui sub Aristæ nomine circumfertur, illos, qui inde veritatem Historiæ peti posse autumant, non magis sapere crediderim, quam si quis in Xenophontis Cyropædiâ veram Cyri Historiam quærat. Ut enim ex solâ libri illius inspectione acutissimè Tullius, *Cyrum à Xenophonte non ad Historia fidem scriptum fuisse, sed ad effigiem justî imperiî,prehendit*; ita & inter legendum Aristæ libellum, hunc ad sermonem commentitium, quales sunt quos hodiè Romanos appellamus, quam ad genuinam rei gestæ Historiam magis accedere, nemo est qui statim non agnoscat. Universa liquidem libri illius oratio ita composita est, ut à Judæo quodam Helkenistâ gentis suæ amantissimo instructa fuisse videatur. Historiæ illius Scriptori, pro innatâ genti suæ consuetudine, grandia ubique loquitur, neque etiam parcat miraculis. Regi enim Ptolemæo roganti cùm nemo Scriptorum *Ἰσῆα*, sive externorum, egregiè illius operis mentionem fecisset, Demetrium his verbis respondentem inducit. *Quia ista Lex est sacrosancta & divinitus lata, tum quia nonnulli id aggressi Divinâ plagâ territi ab instituto destiterunt. Nam audiivi Theopompum, cùm vellet quadam ex istâ Lege, tum non ita commode versa, in suam Historiam inferere, animo fuisse turbatum ultra dies triginta, & in morbi intermissione cùm exorâisset Deum votis ut sibi declararet quam ob causam hoc sibi accidisset, in somno ei fuisse indicatum, idèò accidisse quia Divina studio suo evulgare conaretur, & reserere ad multos homines: hinc cùm institutum intermisset, dicitur fuisse liberatus à morbo. Accepi etiam de Theodecte Tragico Poetâ, quod eum voluisset* aliquid,

De libello Aristæ judicium.

aliquid, quod scriptum esset hoc libro, transferre in quamdam fabulam suam, fuisse visum ei ablatum donec perpenderit hoc sibi evenisse propter hoc suum sacrum, & per multos dies reconciliasset sibi Deum votis suis.

Hæc sanè minùs absunt à fabulâ quàm ab Historiâ, ingeniumque Judaicum planè redolent, quod confingendis miraculis semper idoneum fuit. Similia ferè commenti sunt de voce coelo delapsâ, quæ Chaldaicæ Paraphraseos Scriptorem deterruerit ab interpretatione librorum Hagiographorum. Deindè contraria videtur hîc asserere Pseudo-Aristeas: nam cùm scribit de Theopompo, indicat Legem Mosis jam antea Græco sermone donatam fuisse. Sed lires ita erat, cùm alia interpretatio tam enixè conquisita est? Quapropter rectè Baronius aliique viri doctissimi, hâc potissimum ratione ducti, rejectâ Clementis Alexandrini auctoritate, conficiunt Scripturam antea in Græcum sermonem conversam non fuisse; sed eam quæ LXX Senioribus tribuitur interpretationem omnium primam esse. Neque dixeris illam priorem minùs elegantem & inconditam fuisse: quantumlibet enim imperfecta supponatur, in Bibliothecâ Regiâ cum innumeris aliis libris aservata fuisset, neque Regi prorsus incognitâ. Alia prætereo, quæ à viris eruditissimis, præsertim à Josepho Scaligero, de supposititiâ Aristæ libello annotata sunt, quæque teste in hâc materiâ locupletissimo, Gerardo Vossio, *levia non sunt*. His omnibus accedit Aristeam ad historiæ illius scriptionem adductum in primis videri, ut pîi benèque morati principis ideam exprimeret, neque alio nomine Historia illa commendari debet. Quare fabulæ istius concinnator, causæ suæ veluti diffidens, eamque judicans minùs probabilem, hæc subiungit; *existimo autem fore ut iis omnibus, qui hæc sunt lecturi, videantur ea supra fidem esse: sed profectò non licet aliquid narrare falsi de illis quæ excepta & annotata sunt; nefas etiam est præterire aliquid in huiusmodi rebus, sed ut hæc sunt acta, ita ea exposui, ut vitarem omnem errorem*. Demum hæc addit; *propterea studiî sermonis illius veritatem ab illis accipere, qui singula quæ fiunt in Regiis negotiis & conviviiis solent excipere & annotare*. Nimirum, metuens ne ea quæ profert ab omnibus tanquàm parùm credibilia respuerentur, conatur illa undecunque corroborare.

Verùm his obstare videtur Patrum omnium & aliorum non inferiorum

Joseph. Scalig.
animadv. in
Chron. Euseb.
Ger. Voss.
lib. 1. de Hi-
stor. Græc.

inferioris notæ Scriptorum auctoritas, qui Aristæ Historiam, tanquàm veram narrationem, operibus suis inseruerunt, adeoque contraria sententia vix defendi poterit sine temeritatis notâ. Sed non tam quid à Patribus hæc in re dictum fuerit considerandum videtur, quàm rationes quibus ad hanc sententiam adducti sunt, expendendæ. In rebus Criticis non numerantur suffragia, sed ponderantur rationum momenta. Constat illos unius Aristæ, sive Philonis ac Josephi, qui ex Aristæ sua hauserant, auctoritate permotos fuisse. Utrùm autem vera esset necne illa Aristæ Historia; non erat cùm *κεκτηνός* inquirerent. Quandoquidẽ Græca LXX Seniorum versio, quâ tunc Ecclesia utebatur adversus Judæos, qui contextum Hebræum inter disputandum Christianis passim opponebant, illius fidem egregie tuebatur. Malè rebus suis consulissent Patres, nisi versionem illam amplexati fuissent, quam Judæi penitus rejicere non poterant. Hieronymus, quia erat omni disciplinarum genere instructus, hæc Criticæ leges apprime novit: ideo, contra communem Patrum sententiam, ea, quæ in omnium ore vulgò habebantur de LXX Interpretum cellulis, evertere non dubitavit. *Nescio*, inquit, *quis primus auctor septuaginta cellulas mendacio suo extruxerit*. Justinum deinde cellularum testem oculatum deridet, ut virum simpliciorẽ, qui Judæorum fabulas arripuerit. Similitèr nec veritus est in eodem argumento à reliquis Patribus discedere, dùm Aristæ ipsius & Josephi auctoritate communitus LXX Interpretes contulisse, non verò prophetasse, asserit; *aliud est enim, inquit, vatem, aliud est esse interpretem: ibi spiritus ventura prædicat, hic eruditio & verborum copia ea quæ intelligit, transfert*. Imò nec eos pluri fecit quàm Tullium, qui œconomiam Xenophontis & Platonis Protagoram, & Demosthenis pro Ctesiphonte orationem Rhetorico spiritu, non Prophetico, transfulerat: Neque unquàm aliud sensit de illis videtur Hieronymus, licet interdum scribat eos fuisse afflatos Spiritu sancto: sed quod tunc *δαιμονισμός* sentiendum esse judicavit vir ille prudentissimus, plerisque illud affirmare visus est. Quâ similitèr ratione, quamvis Hieronymi animus post Aristeam, Josephum, aliisque ætatis suæ Judæos eò inclinarit, ut LXX Seniores Græcæ tantum versionis, quæ exstat in libros Legis, auctores fuerint, tamen Comenta-

Hieron.

menta-

mentariis quæ ad reliquos Scripturæ sacrae libros adornavit, haud aliter de iisdem LXX loquitur ac si illos horum quoque versionis conditores credidisset, quia nimirum discedere à receptâ opinione videri noluit, quam tamen minùs probabilem censebat.

Quæ sit origo
libelli sub
nomine
Aristæz sup-
positi.

Heins. in
Aristarch. fac.

Exod. 24. 11.

Sed, inquit, aliquis, si quæ habetur apud Aristeam de LXX Interpretibus narratio inter fabulas recenferi mereatur, quodnam est fabulæ istius fundamentum? Eam enim illius architectum sine aliquâ ratione confinxisse vix credibile est, cum nè Poëtarum fabulæ omni prorsus veritate careant. Existimavit Heinſius hanc de LXX Interpretibus fabellam deductam fuisse ex capite xxiv. Exodi, ubi legimus Moysen, Aarōnem & LXX Seniores ascendisse ad Deum, & quia pro his verbis quæ habentur in Latino Interprete, *nec super eos qui procul recesserant de filiis Israël misit manum suam*, Hellenistæ in Græcâ versione legerunt, & *electorum Israël neque unus dissensit*; inde suspicatur Heinſius numerum Interpretum, & quæ de illorum mirâ consensione narrantur, suam originem ducere. Sed quicquid sit de illâ Heinſii conjecturâ, vix dubitari posse arbitror quin opus illud quod LXX Senioribus tribuitur a Judæis quibusdam Alexandrinis potius quàm Hierosolymitanis confectum fuisse; nonnullas liquidem voces Ægyptias adhuc retinet, quales sunt *Abrec*, *Remphan*, & alia. Quia verò res erat magni momenti, illud Synedrii magni auctoritate susceptum ac comprobatum fuisse verisimile est, undè postea factum est ut translatio illa nomen LXXII Seniorum, seu Synedrii magni Senatorum, tulerit: sæpius enim qui vulgò putantur illius architecti חֲכָמִים senes, quasi dixeris Senatores, appellantur. Quâ ratione locus Talmudis alioqui explicatu difficilis, in quo Græca translatio opus duntaxat quinque Seniorum appellatur, facili negotio cum vulgatâ de LXXII Interpretibus sententiâ conciliabitur. Ex eadem Synagogæ magnæ Aſſessorum auctoritate huic versioni accessit authenticum apud Judæos omnes, præsertim Hellenistas, eodem modo quo in Ecclesiâ Occidentali Patres Synodi Tridentinæ constitutione suâ Latinum Interpretem fecere authenticum. Sicut enim inter Christianos linguæ Græcæ imperitia effecit ut in alias linguas Græca illa versio transferretur, ac diuturnus postea Ecclesiæ cujuscunque usus singulis versionibus

sionibus auctoritatem addidit: ita & apud Judæos linguæ Hebrææ ignoratio in causâ fuit, cùm Judæi Alexandrini sacros codices Græcè in usum suum verterint, quæ deindè Bibliorum conversio in Synagogis & Scholis prælecta est, & quia, ut verisimile est Synedrîi Hierosolymitani, à quo tunc adhuc universa Judæorum natio dependebat, auctoritate comprobata fuit, illius nomine maximè commendata est.

Tamen crediderim necesse non esse ad Synedrîi illius magni Senatores recurrere, quo numerus LXXII Interpretum, quibus illa translatio vulgò tribuitur, explicetur commodius: sed ratio duntaxat habenda est formulæ loquendi Judæis admodum familiaris, quâ res omnes quæ alicujus momenti esse ipsis videntur LXX illis Senatoribus tribuant, ut plus ejusmodi rebus accedat auctoritatis. Itâ puncta vocalia, accentus & alia ejusmodi plurima viris Synagogæ, quam vocant magnam, adscribunt, non tam ex rei veritate, quàm ex illâ loquendi formulâ: itâ ut vix judicari possit quandonam seriò loquantur, & quandò allegoricè. Istud loquutionum genus viros complures eisdemque eruditos in varios errores perduxit, dùm in evolvendis Judæorum libris, potiùs quid loquantur Judæi, quàm quomodo & quibus de causis itâ loquantur, considerant. Hic in exemplum afferri possunt ea omnia quæ in Magistrorum libris de sacri contextûs apicibus, de *Keri* & *Cetib*, plenius ac deficientibus, superfluis, & aliis ejusdem naturæ sexcentis, passim occurrunt. Hæc siquidè omnia vel ad Mosè in monte Sinai, vel ad Synagogam illam, seu Senatum, cui præfuit Esdras, Judæi plerique tribuunt: quæ tamen nisi allegoricè, & על דרך הקבלה *per modum Cabbala*, ut ipsimet loquuntur, exponas, manifestò falsa sunt. Simili ratione si non tam ad verba quàm ad scribendi formam, quæ gentis Judaicæ propria est, attendamus, LXXII Interpretum historia ex eodem fonte haud improbabilitèr duci videbitur, sive illa reapse Synedrîi magni auctoritate comprobata fuerit, sive illo consentiente in Synagogis lecta publicè, ex longo postea usu sibi fecerit auctoritatem, quæ sanè vero propiora esse videntur, quàm ea quæ habet Pseudo-Aristeas de Græcæ translationis comprobatione his verbis; *absolutâ autem interpretatione Demetrius illam Judæis omnibus congregatis in locum illum, ubi erig*

Arist. de Septuag. Interp. sub fin.

perfecta, praelegit, praesentibus etiam ipsis Interpretibus, qui etiam, ut auctores magnorum bonorum, magnâ laude & approbatione accepti ab ipsâ Judaeorum multitudine. Similiter & Demetrium prosequuti sunt suâ laude, rogâruntque ut istam Legem descriptam suis etiam Principibus dare vellet. Ut autem perfecta sunt ista volumina Legis adstantes & sacerdotes & interpretes seniores gubernatoresque civitatis, & ipsi Principes multitudinis ita dixerunt, quoniam recte, sancte & per omnia accuratè perfecta est ista interpretatio, par est ut per omnia sic ista permaneant, nec ulla fiat immutatio. Verum si tunc Alexandria viri erant linguæ Græcæ quàm Hebraicæ adeo periti, ut ex solâ Græcæ translationis lectione de ejus bonitate ejusque perfectâ cum Hebræo contextu consensione judicare potuerint, cur Rex eorum non usus operâ aliorum industriam sollicitè requirit? Deinde quis credat Judæos Hellenistas in rebus Hebraicis mediocriter versatos rectam de interpretatione sententiam ex solâ illius lectione ferre potuisse; cum hodiernis temporibus vel ii qui sunt in utrâque linguâ exercitatissimi illud polliceri non audent. Quare ea omnia quæ vulgò proferri solent ex Josephi, Philonis, aliorumque libris, ut versionis illius sinceritas commendetur, magni facienda esse non duxerim, neque illa trahi posse in fontium Hebraicorum eversionem, quia nihil in istis Scriptoribus de Græcâ LXX Interpretum versione reperitur, nisi quod ex suppositio Aristæ libello haustum ad ceteros promanavit.

De Græcâ
translatione
judicium.

Et si autem quæ circumfertur de LXX Interpretibus historiam sub Aristæ nomine, tanquam commentum à Judæis Hellenistis confictum rejiciam; non is tamen sum qui illi translationi, quæ diu in Synagogâ & Ecclesiâ fidem obtinuit, detrahi velim. Novi enim quanti hæc interpretatio facta sit veteribus, postquam ab Apostolis laudata, fidēsque Christiana per universum orbem non alio instrumento propagata est. Eam pleræque adhuc retinent Ecclesiæ, neque etiam ætate nostrâ aliam fortè retineret orbis Catholicus, nisi novam Hieronymus ex Hebræis fontibus translationem concinnasset. Hæc quidem aliâque ejusdem rationis plurima, quæ in hanc rem proferre non esset arduum, versionem hanc permagni esse momenti manifestò declarant, sed non inde sequitur, ut visum est Isaaco Vossio & alijs perpaucis, eam solam esse veram ac germanam
Scrip-

Scripturam, quæque Hebraicis codicibus præferri debeat. Ufu quidẽm communi apud veteres Ecclesiæ Patres receptum fuerat, ut nihil sanum in Scripturis haberetur, nisi quod LXX transtulissent, quia cum illorum translatione nata fuerat Ecclesia, cujus etiã progressus huic soli debebatur. A trita illa viã non ausus est discedere Origenes, licet maximam inter Græcos & Hebræos codices agnovisset discrepantiam, &, uti de seipso testatur, in omnibus Bibliorum editionibus & earum differentiis ingenii sui vires exercuisset. *Quid opus est*, inquit, *ut dicam de Exodo ubi quæ pertinent ad Tabernaculum & ejus atrium & arcam & quæ ad indumenta Pontificis & sacerdotum, valde sunt mutata; adeo ut nẽ videatur quidem esse sensus similis. Vide ergo nẽ imprudentes & inscientes abrozevius exemplaria quæ habentur passim in Ecclesiis. Ibi LXX Interpretibus se magis addictum ostendit, nẽ videlicet quid falsi & adulterini in Ecclesias inducere videatur, licet aliundẽ constet eum inter eruditos pluris fecisse veritatem Hebraicam. Neque profecto aliud sentire de suis codicibus potuit ac debuit vetus Ecclesia, cui suspectæ erant Judæorum fraudes. Sed B. Hieronymi gravissimorumque ætatis nostræ judicium Patrum sententiæ præferendum videtur. Illi quippe linguæ Græcæ, aut Latinæ, duntaxat periti, de rebus sibi incognitis quidquam certi definire non poterant. At ætate nostrâ Judæos codices cum Græcis conferre liberamque de utrisque sententiam proferre possumus. Neque his obstat Apostolorum auctoritas, qui non ad Hebræa sed ad Græca exemplaria recurserunt. Quid enim profuisset Apostolis per orbem universum Evangelii fundamenta jacentibus codices Hebraicos, Judæis paucissimis tunc cognitos, in usum adhibere? contra vero lingua Græca plerisque gentibus, Cicerone teste, erat vernacula. Apostoli igitur, relictis codicibus Hebræis, non ideo Græcos sumpsere, quod hi illis meliores essent, sed per œconomiam tantum & accommodatè ad illorum ingenium, qui Scripturarum scientiã imbuendi erant. Nihil indẽ auctoritatis advenit Græcæ LXX Seniorum versioni, nisi extrinsecus; nec illa tunc ob hanc causam prodiit emendatior quod ab Apostolis in novo Instrumento laudata fuerit, si jam antea erat depravata. Similiter nihil de auctoritate contextus Hebraici detractum*

Origen. in
Epist. ad African.

Cicer. pro
Arch. Poët. a.

tractum est, quòd is Apostolis primisque Ecclesiæ Patribus minùs familiaris exstiterit; sed sicuti Patres Tridentini constitutione suâ, quâ vetus editio Latina authentica pronuntiata fuit, Hebraicos Græcosque codices intactos reliquerant; ita & longævus Græcæ translationis usus in Ecclesiâ fidem & integritatem Hebraicorum exemplarium non minuit. Suos habuit nævos indè jam à primis Ecclesiæ temporibus, quorum plures feliciter notavit Hieronymus. Hic autem de iis non loquor, quæ Hieronymus genio suo ac temperamento plus æquo indulgens, interdum minùs benè castigat. Censuræ Hieronymi patronam se præbuit Ecclesia Romana, dum relictâ LXX Interpretum versione, quæ per tot annos universum orbem Catholicum sola occupaverat, Hieronymianam recens cusam ad Judæorum codices amplexata est.

Nec sanè levissimis rationibus Hieronymum ad novam ex fontibus Hebraicis conversionem adductum fuisse necesse est, quæ non immeritò postea in Ecclesiæ usum cessit. Nam, ut ipse testatur, errores qui jam plurimi ejus ætate Græca exemplaria occupabant soli in causâ non fuere, cùm id operis quod plerorumque hominum tunc maledicta in ejus caput convertit, aggressus fuerit; verum etiâ, ut erat utriusque linguæ callentissimus, Græcos Interpretes non rectè interdum contextûs Hebræi verba exprimere deprehenderat, quos ob hanc causam sæpè notat in suis Commentariis. His autem recensendis LXX Seniorum allucinationibus, nè molestus esse videar, supersedeo, quarum jam plurimæ ab explanatoribus sacrorum voluminum annotatæ sunt: &, ut habeatur amplior earum series, Græca illorum versio, in locis præsertim quæ habent aliquid obscuritatis, cum Hebraico contextu conferri debent. Nam in his potissimum sensum germanæ lectionis non assequuti in varias & admodum liberas expositiones abeunt. Laudo quidè industriam simul & eruditionem Isaaci Vossii, qui Græcam illam translationem, quam Divinam putat, in omnibus vindicare conatus est, sed longè meliùs de illâ interpretatione sensisse videtur Mafius, vir acutissimi ingenii judicii quæ acerrimi, quique multotiès Hebræos, Græcos, Syrosque codices versavit, nullo partium studio abreptus. Quare quid de LXX Interpretibus sentiendum sit ex eo potius quàm ex Vossio discendum.

dum esse existimaverim. Hanc autem de illis tulit sententiam vir doctus; præter Legem Moſis ſi reliquos libros ſpectes, uſque adè perversa eſt ea interpretatio, qua LXXII tribuitur, ut verisimile videri nequeat, viros LXXII primarios, quales miſſiſſe Ptolemao Pontificem eſt prodiitum, tam ineptos fuiſſe, tamque imperitos & ab interpretandi munere imparatos atque omninò abſurdos, ut ſic allucinarentur: neque enim in verbis ſolùm maximi errores, tanquàm ex paragrammate, nati apparent, dum alia ſepè pro aliis interpretantur; verum etiàm non raro in bene longis verborum circumscriptionibus. Tuetur hiſ verbis vir ille doctiſſimus D. Hieronymi ſententiàm, qui nòn eoſdem eſſe Pentateuchi ac ceterorum Scripturæ ſacræ librorum Interpretes, ex formâ & ratione translationum conficit. Poſt nonnulla idem Maſius mentem ſuam de eodem argumento apertiùs explicans hæc ſubjungit, quæ obſervatu digna ſunt. Neque verò ego jam quos dico errores de eâ Scripturâ judico, qua nunc eſt in Hebraicis codicibus, nè mihi aut novos Librariorum interductus, aut mendas, aut denique Judeorum interpunctiones atque vocalium accentuumque, ut vocantur, appoſitiones, quas פסוקים בעלי feciſſe dicuntur, aut etiàm, quod quidam facere nòn dubitant, quibus ego ſanè nondùm aſſentior, iſtorum ſclerataſ perfidiam opponas, quaſi de indiſtriâ ipſi mutarint multa in librorum Hebraicorum ſcripturâ. Ipſe illa qua tractantur res, ſepè verborum atque orationum, quibus illi Interpretes uſi dicuntur, abſurdam diſcrepantiàm ſatis planam faciunt. Imò ea nòn raro etiàm dilucidè veſtigia apparent, qua ſecuti illi in errores ſunt delati. Et mox rem totam hæc ratione definit; verum enimverò, uti iſta ſunt, quid ego ſentiam ſiquis me roget, nòn diſſimulebo mihi interpretationem iſtam, cùm eam lego, multis in locis ineptiſſimam, & tantis viris planè indiſſimam, videri: & in nonnullis rursus Divinam: & à vatibus, potiùs quàm Interpretibus, dictatam: & quia hiſce difficultatibus nòn ſolùm in ceteris libris, quanquàm ſatendum eſt multo plures in iis eſſe errores atque etiàm turbulentioreſ conſuſoreſque, verùm etiàm in Moſis Pentateucho, ut vocamus, afficior, neque poteſt de nihilo eſſe nata qua de Ptolemao deque illis Interpretibus ab omnibus reſertur Hiſtoria, propenſiorem ad veritatis ſimilitudinem eſſe, eorum exiſtimare opinionem, qui dicunt nòn ſolùm Moſis Legem, ſed reliquos etiàm Hiſtoricos & ſacrorum vatum libros rogatu Ptolemai ab Hebrais illis eſſe converſos. Hactenùs Maſius, cujus verba

Maſius præſat. in Joſu.

Hieron. præſat. in Trad. Hebr.

Id. Maſius.

ba

ba prolixiùs recensui, quia præsens argumentum non parùm illustrant. Primò itaque vir ille doctus, & in Judæorum, Chaldæorum, Syrorum, Græcorumque libris diù multùmque volutatus, non ausus est Græcam translationem, si Pentateuchum excipias, LXX Senioribus tribuere, adeò foedis erroribus ipsi videbatur referta, & quia plures mendas etiã in Pentateucho animadvertit, communem de LXX Interpretibus sententiam, subdubitans tamen, amplexus est: neque viros illos quos ex præconceptâ opinione inter Judæorum ætatis illius primores agnoscit, ineptos, absurdos, atque imperitos veretur appellare, & ut ita loqueretur rei ipsius veritate, necnon auctoritate Hieronymi adductus fuisse videtur. Deindè veluti seipsum castigans, nonnulla in eadem versione *Divina & à Prophetis potius quàm ab Interpretibus dictata*, agnoscit; & quod apprimè notatu dignum est, testatur se Græcorum codices non reprehendisse ex hodiernis Judæorum exemplaribus, quæ constat a primævâ formâ in aliquibus degenerasse. Denique Theologorum vulgus irridet, qui de præsentî materiâ, quam ignorant, superciliosè judicant, invehuntque in Ecclesiam portenta opinionum, quæ postea suis sibilis excipiunt Heterodoxi, qualia sunt ea quæ a nonnullis asseruntur de contextu Hebraico à Judæis deditâ operâ corrupto, de Græcis exemplaribus Hebraicæ veritati antefereendis, aliisque non paucis ejusdem naturæ, quæ ex eorum Scholâ, qui zelum quidè habent sed non secundum scientiam, solent proficisci. Si adhuc ætate nostrâ superstes esset vir ille præstantissimus miraretur etiã inter Heterodoxos reperiri, qui eadem omninò atque Theologi illi, quos perstringit, de Græcis Hebraisque codicibus sentiunt, præeunte ipsiſ Isaac Vossio.

Masium in omnibus consentientem haberemus, si in construendâ Aristæ Historiâ, quam nube testium confirmatam viderat, minùs se religiosum ostendisset, potiùsque rationes expendisset, quàm numerasset decreta. Neque aliter profecto de Græcâ versione judicabit, qui eam minutatim expensam retulerit ad codices Hebræorum, & ita censent omnes qui in explanandâ Scripturâ suam industriam collocarunt. Si enim aliquandò ad majorem contextûs explicationem, Hebraicam Græcamque lectionem produxerint, interdum quidè ex Græcâ

Græcâ Hebraicam non reformidant castigare, sed longè sapius. Græcæ Hebraicam præferunt. Itâ, ut ceteros taceam, Augustinus Eugubinus in suâ veteris Testamenti ad Hebraicam veritatem recognitione, collatis inter se variis editionibus, Græcos Interpretes aliquandò imperitiæ palâm arguit. *Hæc, inquit, nimirum Græca translatio, sive Græcarum literarum cognitionem absolutam non tenerent LXX illi Seniores, sive aliis exemplaribus uterentur, quàm nunc aut Hieronymi tempestate haberentur, sive studio quodam deditâ operâ itâ vellent transferre plurimum ab Hebraicâ veritate invenitur dissentire. Quædam etiâ apertissimam præse ferunt Græci sermonis imperitiâ, in aliis maxima lingue Hebraica ignoratio deprehenditur.* In nonnullis tamen castigandus est ipse Augustinus Eugubinus, qui LXX Interpretes semper non est assequutus, sicuti cum illos reprehendit quod, capite xix Geneseos, pro voce *convivii, locum* reposuerint. Neque enim animadvertit malè in Græco exemplari Venetiis edito legi *πύλον* pro *πύλον*, ut reverâ legitur in editione Romanâ. Similiter ineptum se ostendit idem Eugubinus, cum animadversionibus in caput xxv Geneseos Græcos Interpretes damnat, quòd verbum Hebræum *naphal* per Latinum *manere* expresse-
 rent, cum per *cadere* verti debeat, statimque Latinum Interpretem, qui hoc loco *obiit* interpretatus est, acerrimè tuetur. Sed omnium optima est Græca LXX Seniorum versio; unò nec aliter verba Hebræa debent transferri quàm ipsi transfulerunt, si ad sensum attendatur. Nam de morte Ismaëlis ibi non agitur, sed de illius mansione ac terrâ quam incoluit, ut ex his, quæ antecedunt manifestum est. Quare non in omnibus audiendus est Eugubinus, dum Græcos Interpretes accusat, licèt plurimos eorum errores non malè notaverit.

August.
Eugub.

Gen. 19. 3.

Gen. 25. 18.

CAP. XVI.

Iterum ac specialius expenditur Græca Septuaginta Interpretum versio.

Philo lib. 2.
de 'Vita
Mosis.

Quando Ju-
dæi coepe-
runt Græcam
translationem
rejicere.

GRÆCAM Septuaginta Seniorum interpretationem maximo cum gaudio priscis temporibus à Judæis omnibus acceptam fuisse probant verba illa Philonis, qui eos Prophetarum albo adscripsit; *singulis annis solennis celebritas agitur in Pharo insulâ, ad quam non Judæi solum, sed & plurimi alii trajiciunt, locum veneranturi in quo primùm hæc translatio apparuit, & pro veteri beneficio semper se renovante, gratias acturi Deo. Post preces autem & gratiarum actiones, alii tentoriis fixis in litore, alii in ipsâ arenâ sub dîo discumbentes cum domesticis & amicis epulantur, tuncque præferunt littus regiis palatiis.* Constat versionem hanc à plerisque Judæis in Synagogis ac Scholis lectam, & illius beneficio plures ad fidem Christianam conversos: sed ubi Judæis cum Christianis res esse coepit, contigit occasione disputationum, quæ inter hos & illos de Scripturis exponendis fuere, ut illi codicum Hebræorum longè magis quàm antea studiosi fuerint. Eversis siquidem Hierosolymis, ac gente Judaicâ à Romanis deletâ, ferè tota cecidit Synedrîi magni auctoritas: sed non desuere Magistri qui linguam Hebræam in Scholis præsertim excolerent. Tunc igitur primùm, ex odio Christianæ Religionis, Septuaginta Seniorum interpretationi detraxere ii præsertim qui debebant in Palæstinâ, quorum aliquid adhuc in reliquos Judæos erat auctoritas. Hujus rei fidem faciunt veterum Patrum testimonia, atque inprimis Justinî Martyris, quæ plena sunt ejusmodi querelarum, quod scilicet Græca translatio passim a Judæis respueretur. Quapropter illi nihil non moliti sunt ut eam interpretationem, quæ omnes Christianorum Ecclesias occu-

pabat,

pabat, convellerent. Neque aliundè profectum fuisse arbitror, quòd illorum Magistri de jejuniò indicto & tenebris super terram factis tribus diebus, eo quòd Lex Græcè translata fuerit, cominenti sunt. Hæc enim fabulâ simpliciorum animos à legendâ LXX Interpretum versione avertere voluerunt, cùm agrè ferrent illam in plerisque, Hellenistarum maximè, Synagogis legi. Ex eo potissimùm tempore Græca translatio à Judæis videtur neglecta, imò contemptui habita, & nisi ab Ecclesiâ, ad quam à Synagogâ jam transierat, benè exculta fuisset, de illâ actum fuisset penitus. Verùm quia sermo Græcus quo versio illa scripta fuit non ita purus est, frequentioribusque Hebraïsmis & Syriaisinis, si ita loqui fas est, abundat, hinc factum puto ut illa in integritate suâ vix conservari potuerit, dùm quisque castigare veritus non est quod minùs intelligebat. De linguâ Hellenisticâ, quâ vulgò creditur conscripta illa translatio, in præsentia non disputo, mirorque viros eruditissimos de hoc argumento diù multùmque inter se concertâsse, utrùm scilicet reverâ sit aliqua lingua Hellenistica quæ à Græcâ distinguatur. Lingua enim quæ vocatur Hellenistica non aliâ est quàm Græca quæ in ore Judæorum aliquid linguæ Hebraicæ & Syriacæ retinuit. Et id non solum in linguâ Græcâ reperire est, sed & in aliis omnibus linguis, quas Judæi in Scripturæ sacræ conversione adhibuerunt. Ità versiones Arabicæ, Hispanicæ, Persicæ, vix ab Arabibus, ab Hispanis & à Persis intelligi possint nisi linguam Hebraicam calleant. Sermonem istum Judæorum meritò appellabimus Synagogæ sermonem, quia in Synagogis natus est & earum usui servit. Idemque planè est Græcus novi Testamenti sermo, quòd ex Græcâ LXX Interpretum versione sumptus fuerit. Græca itaque sunt verba omnia tam veteris quàm novi Testamenti, si perpauca excipias, sed illorum significatus Judæi pro diverso conceptu modò extendunt modò restringunt, secundùm linguæ suæ proprietatem: ob quam rationem vetus Interpres Latinus, qui Græcam translationem in usum Ecclesiæ Latinæ indè jam ab illius exordio Latino sermone donavit, sæpius allucinatur, dùm linguam LXX Seniorum minimè assequitur. Ità Genesios capite xlix. ubi

Sermo quo
concepta est
Græca trans-
latio.

Gen. 49. 19.

R

in

in Græco legimus τὰς, *πειράσεις πειρασέσθαι αὐτὴς*, Interpres ille convertit, *tentatio tentabit eum*. At longè melius Hieronymus, qui ad fontes Hebræos recurrit, interpretatus est, *Gad, latrunculus latrocinabitur eum*. Multa ejusmodi in antiquâ illâ versione eruditè castigavit Hieronymus, sed longè plurima adhuc supersunt corrigenda, ad quæ non videtur attendisse.

Græca translatio mendis referta.

Græca illa translatio adeò corrupta erat Hieronymi temporibus, ut novam doctissimus ille Pater cudere maluerit ad fontes Hebræos, quàm veterem repurgare, quæ tam in Græcis quàm in Latinis codicibus erat vitiosissima. Non desunt etiàm hodiè, qui nihil omninò priscæ illius editionis remanere existiment. Sed eam ad nos usque pervenisse, imperfectam tamen & mutilam, probant cum Græcorum tum Latinorum Patrum opera, in quibus partem maximam eodem planè modo reperitur atque in Græcis exemplaribus, quæ sub nomine LXX Interpretum habemus. De eâ quoque malè judicant qui non aliam linguæ Hebraicæ cognitionem habent quàm eam quam ex nuperis Grammaticorum præceptionibus ac Lexicis hauserunt. Ut enim in pluribus errasse illos Interpretes cum B. Hieronymo lubens agnosco, ita & ab eodem Hieronymo & à recentioribus Interpretibus sæpissimè immeritò reprehendi nullus dubito. Quàm frequentè in suis animadversionibus aberravit Hieronymus egregiè ostendit Pierfonius, Præfatione Paræneticâ quam præmisit editioni Græcæ LXX Interpretum, quæ prodiit Cantabrigiæ in minori formâ anno MDCLXV. Addam & alia in eandem rem exempla, quibus constabit recentiores etiàm Interpretes malè in multis Græcam illam versionem castigasse. Versus iv. Psalmi cix. à Græcis Interpretibus ita redditur, *ὅ ἐστις ὁ ἐν τῷ αἰῶνι καὶ ἀπὸ τοῦ αἰῶνος ὁ Μελχισεδεκ*. *Tu es sacerdos in æternum secundum ordinem Melchisedec*: eosque sequutus est Hieronymus in Latinâ Psalterii ex Græcis fontibus conversione. At plerique recentiorum hanc sententiam à veteribus minùs benè redditam fuisse putant; inter quos Hugo Grotius hæc annotavit, *nos̄ter textus habet, secundum meam constitutionem ó Rex mī iuste*; quâ in re à Grotio & aliis gravitèr peccatum est, qui levissimâ de causâ ab auctore Epistolæ ad Hebræos dissentire audeant. Existimârunt Græcos Interpretes.

De auctoribus Græcæ translationis iudicium.

Grot. Comm. in Psalm. 109.

tes non legisse in suis exemplaribus *divrathi* cum *ʃod*, ut in hodiernis, sed simpliciter *divrath* absque *ʃod*. Sed non erat cur ad lectionum diversitatem recurrerent, cum etiam beneficio Paragoges Grammaticorum, quam in aliis locis tenentur agnoscere, Græca interpretatio defendi poterat. Sed valere iussu istâ Grammaticorum Paragoge, dicendum est literam *ʃod*, quæ claudit vocabulum illud, exprimere vocalem *e* antiquam, seu hodiernum *Scheva*, quod in fine dictionis cujusslibet necessario pronunciatur, uti nunc etiam sub ultimis Imperativorum *fac, dic*, & similium apud Latinos littera *e* inter pronunciandum auditur, quam Ennius, Plautus, alique vetusti Scriptores, expresserunt.

Iterum Septuaginta Interpretes libri ii Reg. cap. ix. ubi, secundum lectionem hodiernam codicis Hebræi, habent recentiores, *quis mecum?* Septuaginta Interpretes verterunt *nis ei vi?*, *quis es tu?* propter eandem causam, quia scilicet *ʃod* finale, quod est in Hebræo, minimè curarunt, & pro *isthi* hodierno legerunt quasi esset *ath*. Illud autem quod in præsentia de literâ *ʃod* annotamus, debet similiter observari de litteris *Aleph* & *Vau*, quæ olim erant loco vocalium, quæque pro Scribarum arbitrio modò in exemplaribus exhibentur & modò ab illis absunt. Ità, ut innumera exempla taceam, literam *Aleph* in dictione *lacen*, Geneseos cap. iv. legerunt Græci Interpretes, quasi esset *locen*, id est, *non sic*: recentiores autem, quia legunt *lacen* absque *Aleph* vertunt, *quapropter*. Simili ratione Geneseos cap. xxx. Septuaginta legerunt *ba Gad*, per duas dictiones cum *Aleph*, secus codex Masorethicus, in quo est *bagad*, unâ dictione & absque *Aleph*. Libri i. Samuelis capite xv. in codice Hebræo nunc legimus *jareu* absque *Aleph*, LXX verò haud dubiè legerunt cum *Aleph*, & interpretati sunt *invidiosus*, *invidians est*, quam translationem suâ quoque expositione confirmant RR. David Kimchi & Aben Melech. Ad hæc & ad alia ejusdem naturæ plurima quia animus non advertunt recentiores Interpretes, toties in jus vocant LXX Seniores, quoties cum nuperâ codicis Hebræi lectione non consentiunt. Nec in hoc etiam interdum excusandus videtur B. Hieronymus qui eos quoque damnat haud infrequentèr, quan-

Gen. 4. 15.

Gen. 30. 11.

1 Sam. 15. 5.

dò cum lectione Magistrorum suorum non concordant. His omnibus accedit hodiè nimis curtam esse cognitionis linguæ Hebraicæ suppellectilem, nec posse ex eâ solum de Græcâ interpretatione ferri iudicium. Sed ut hæc omnia magis patefiant, Psalmum xxii. juxta Græcos Interpretes & recentiores, qui hodiernis codicibus Hebræis addicti sunt, examinabimus.

Psalmi qui apud Hebræos numeratur xxii. ea est Inscriptio in editione Græcâ *eis τὸ πᾶσι ὑπὲρ τῆς ἀνταλήψεως*, &c. pro quibus hæc habentur in Hebræo *לְכָל־עַל־מִצְוָתָי* & eodem quoque modo legisse Hieronymum constat ex illius versione. Jàm licet suspicari LXX Interpretes non habuisse in suis exemplaribus *לְכָל־עַל־מִצְוָתָי* sed *לְכָל־עַל־מִצְוָתָי* adeoque mirum non est si vocem Hebraicam quam reddidit Hieronymus *ceruum*, ipsi verterint *ἀντάληψιν*, *auxilium*, & infra v. xx. eandem vocem similiter exposuerint, nimirum, *eis ἡ ἀντάληψις μου*, in *auxilium meum*. Jàm si commodioris sensûs habeatur ratio, haud dubiè LXX Interpretum versio Hieronymianæ aliisque recentioribus prævalebit, adeoque istæ obscuræ sunt & à vero sensu alienæ. Tamen ut illæ immutentur auctor non fuero, quia codicem Hebræum exprimunt qui à Masorethis reformatus fuit, & Psalmorum Inscriptiones pleraque explicatu difficillimas esse & Magistris ipsis incognitas nemo nescit. Deinde initio Psalmi pro Hebraicis *לְכָל־עַל־מִצְוָתָי* in Græcis paulò fusiùs exstat *ὁ θεὸς ὁ θεός μου πρός μου* quæ lectio vetus est, jàmque ab Eusebio observatum est *πρός μου* non legi in Hebræo codice. Sed duæ earundem dictionum versiones in unum conjectæ fuerant. Quod verò pronomen *μου* bis non legatur in Græco sicut in Hebræo, id nullius est momenti, potuitque proficisci à Græco Amanuensi, cui inutilis visa est illa repetitio. Mox pro Hebraico *לְכָל־עַל־מִצְוָתָי* videntur LXX legisse per metathesim *לְכָל־עַל־מִצְוָתָי* vel *לְכָל־עַל־מִצְוָתָי* seu potius literæ *Aleph*, ut & alibi passim, nullatenus solliciti, vocem *לְכָל־עַל־מִצְוָתָי* verterunt *ἀγγελος καὶ βασιλεὺς*, quasi *Aleph* hoc loco adventitia fuerit, quomodo vocem *מַלְאָכָי* & *Angelos* & *Reges* interpretari possis, non habitâ ratione literæ *Aleph*, sicuti de interpretatione dictionis *מַלְאָכָי* Hieremiæ vii. inter se non consentiunt etiâ Judæi, alii enim contendunt, literam *Aleph* ibi deficere, & vertendum esse quasi legere-

tur.

tur מלאכה *opus*; alii verò putant *Aleph* non deficere & interpretantur cum Hieronymo *Regina*.

Versu iii. ejusdem Psalmi longè meliùs ac dilucidius dictio Hebraica וְסִמָּה vertitur *silentium* ab Hieronymo & recentioribus interpretibus quàm à LXX ἀνοια, *insipientia*: hæc enim interpretatio vix sensum patitur. Versu ix. ὀπίμην & juxta sensum גַּל Græcè redditur ἡλπισεν, *speravit*, quasi dixeris, *se totum retulit*. Alia similiter quæ sequuntur apprimè quadrant cum textu Hebræo. Verùm longè meliùs ac dilucidius versu xvii. Græci Interpretes legerunt כִּרְוָה *foederunt*, quàm ut hodierna præferunt exemplaria כִּנְאוּ & in versione quæ falsò nomen Vatabli præfert redditur, *sicut leo*. Versu xxv. פָּנֵי מִנִּי legerunt פָּנֵי מִנִּי à me. Versu xxvii. כִּנְיָוִים verterunt πτωχός, *pauperes*, quasi scriptum fuerit כִּנְיָוִי. Sed hæc literarum *Vau* & *Jod* frequentissima est in Scripturâ commutatio. Quam ob causam versu xxx. פֶּשַׁע *anima ejus*, ut in Hebræo. codice nunc legitur, ipsi verterunt ἡ ψυχή μου, *anima mea*, quasi in suis codicibus legerint פֶּשַׁע. De pari lectione Psalmò xxiv. v. iv. inter Magistros maxima est contentio, dùm alii legunt נֶפֶשׁ alii verò נַפְשׁ uti reverà legendum esse Masora parva indicat. Sed illius diversitatis Masora magna nullatenus meminit: & idcirco ad oram codicis in Veneto & Basileensi exemplaribus hæc verba Hebraicè relata sunt, *mirum est hanc vocem recensitam non fuisse in Masorâ magnâ inter dictiones illas quæ scribuntur per Vau in fine & leguntur per Jod*; quasi verò omnes lectionum discrepantias annotaverint Judæi Tiberienses. R R. Aben Esra, R. Solomon Isaaki, Joseph Hajon, David Kimichi, Obadias Siphorno, & alii non pauci, qui lectionem quæ est ad marginem contextui præferunt, legerunt נֶפֶשׁ at Græci Interpretes & Hieronymus נֶפֶשׁ. Codices MSS. quatuor melioris notæ consului, quorum tres repræsentabant נֶפֶשׁ unus verò נֶפֶשׁ absque ullâ Masoræ parvæ notatione. Quamnam lectionem in tantâ codicum Interpretumque diversitate, sequemur?

Præterea eodem versu dictio quæ vocem נֶפֶשׁ consequitur, in oppositas plane translationes variis in locis Interpretes perduxit: fecit enim ut quod ab his asseritur, ab illis negetur.

Putat

neri non poterant Græci Interpretes, quia nondum inventæ. Tunc enim universus Scripturæ sacræ contextus erat velut יהוה אחד *unus versus*.

Jam ex his facili negotio colligi potest quid LXX Interpretes ad diversam à recentioribus translationem adduxerit: quippe parum certa est contextus Hebraici lectio. Quare non video quomodo ad ista exempla & alia innumera, quibus supersedeo, respondere possint ætatis nostræ Interpretes, qui volunt nos in omnibus stare Masoretharum decretis; cum illorum codex aliquandò deficiat & in quibusdam sit mutilus. Ità quis neget in hodierno codice Hebræo integrum desiderari versum xiii. Psalmi cxlv? Cum enim Psalmi hujusce versus ordine Alphabetico omnes disponantur, nulla subest ratio cur ille, qui per litteram *Nun* debuit notari, solus desideretur. At illum representant LXX Interpretes hoc modo, αὐτὸς κύριος ἐν τοῖς λόγοις αὐτοῦ καὶ θεὸς ἐν πνεύματι αὐτοῦ, & in Latino Interprete, *fidelis Dominus in omnibus verbis suis & sanctus in operibus suis*. Cavendum tamen est nè quotiès plura exhibent

Græci Interpretes quam contextus Hebræus, totiès hîc mutilus censeatur. Nam illi Paraphrastarum potiùs quam Interpretum aliquandò munus obeunt, & quod inprimis animadversione dignum est, translatio illa non integra ad nos usque pervenit, sed admodum confusa & permixta. Ità hæc duo verba Hebraica יהוה יהוה quæ optimè juxta codicis He-

brai lectionem vertit Hieronymus, *Deus meus, Deus meus*, LXX transulère ὁ θεός μου, ὁ θεός μου πρὸς ἑμέ, *Deus meus, Deus meus, respice in me*. Scilicet Hebraicum יהוה verti potest *Deus meus* si legatur *eli*, & *ad me*, si legatur *elai*. Contigit verò versionem postea utramque probatam fuisse à viris qui Græca cum Hebraicis conferre non potuerunt & in unam coäluisse, quia sensus hâc ratione videbatur completior. Nec dubito quin antiquitus voces illæ πρὸς ἑμέ à germanâ LXX Seniorum editione abfuerint, vel saltē θεός semel tantum appositum fuit. Simili serè ratione initio capitis iii. Prophetæ Habacuc, liquet duas simul translationes congestas in eâdem translatione representari, ita enim habetur in codice He-

brao,

bræo, בקרב שנים חייו בקרב שנים חורו, quæ hæc ratione ab Hieronymo Latine versa sunt, *In medio annorum vivifica illud, in medio annorum notum facies, & rectè Hebraica exprimunt.* Græca autem LXX hoc modo concepta habentur, ἐν μέσῳ τῶν ζώων γενοθήσῃ, ἐν τῷ ἐγγίζειν τὰ ἐν ἐμπροσθέν, ἐν τῷ παρέρχαι τὰ κατὰ ἀναδείκνυσθαι quæ ità redduntur; *in medio duorum animalium cognosceris, cum appropinquaverint anni cognosceris, cum advenierit tempus demonstraberis.* Bis tantum legitur in contextu בקרב שנים at Græca translatio hæc verba ter exprimit, verbum quoque Hebræum תריוו quod semel tantum reperitur in eodem contextu, ter etiam in Græcâ versione redditur. Taceo maximam quæ hic interest Græcos inter & Hieronymum aliósque ætatis nostræ Interpretes differentiam, quorum versio hoc loco Græcæ anteponenda est, ut & sæpè fit quotiès in Hebræo aliquid est obscuritatis. Quare etsi plurimi faciendam esse Græcorum Interpretum versionem & in nonnullis etiàm Hieronymianæ & recentioribus quibuscumque præferendam esse existimem, non possum tamen non improbare Isaci Vossii sententiam, qui putavit LXX Seniores in locis Scripturæ obscurioribus longè melius illius sensum expressisse quàm Hieronymum aliósque ætatis nostræ Interpretes.

CAP. XVI.

Examinatur Isaaci Vossii de Septuaginta Interpretibus sententia. B. Hieronymi iudiciæ.

IN rebus Criticis non tam quid ab aliis dictum fuerit, quam quid perspectis omnibus dicendum sit, animum debemus advertere, de hoc potissimum solliciti, ut non modò quid quisque loquatur, sed etiàm quid quisque sentiat, & quæ etiàm de causâ quisque sentiat exactius inquiremus: plerique enim dum ex aliorum auctoritate mentem suam confirmant, Scriptores sæpius ex singulis vocibus, quam ex sententiæ perpetuitate & constantiâ spectant. Ità quàm foedè in hac parte erraverit Isaacus Vossius, dum Iustini Martyris aliorumque Patrum testimonia in opus suum de LXX Interpretibus transtulit, suprà ostendimus, simulque illum tam in Judæos quam in illorum codices plùs æquo injuriosum esse demonstratum est. Nimirum, ut optimè aliàs a B. Hilario annotatum, *Immoderata est omnis susceptarum voluntatum pertinacia, & inde flexo motu adversandi studium persistit ubi non rationi voluntas subjicitur, nec studium doctrine impenditur, sed iis que volumus rationem conquirimus, & iis que studemus doctrinam comparamus.* Similibus ferè rationibus adductus fuisse videtur doctissimus Vossius ut Hebræos Judæorum codices elevaret & Græca LXX Seniorum exemplaria assereret. Contendit igitur hos Interpretes Spiritu sancto afflatos fuisse, quâ in re sibi consentientes habet Patres omnes priscae ætatis, si unum exceperis Hieronymum, quem tam de Judæis Bibliorum corruptoribus quam de Prophetiâ & afflatu LXX Seniorum sibi contrarium sentit. Beatus quidèm Hieronymus omnium ferè ætatis suæ Doctorum maledicta in se convertit, quòd viam communem & longo Ecclesiarum

Hilar. lib. 10.
de Trin.

Isaac. Vossius
de Septuaginta Inter-
pretibus
sententia.

fiarum usu approbatam deserens, ad Judæorum castra videretur se recipere, parumque abfuit quin ab Ecclesiâ tanquam novator ejiceretur: imò & ætate nostrâ illius versionem damnat Vossius, eamque appellat Rabbinicam: sed doctissimus ille Pater reprehensoribus istis occurrens, qui damnare possunt, docere non possunt, artem Criticam exercuit, & iis a quibus reclamatum est, suis libris abunde satisfacit. Nec mirum profectò si in nonnullis attentior & copiosâ linguarum suppellectili instructior Hieronymus à veteribus recedere non dubitaverit: manifestos quippe errores æquitas minimè defendit. Novi quidè in rebus fidei aliquid divini præ se ferre Doctorem Ecclesiæ consensum, at ille cordatus non est nec religiosus, qui in iis rebus quæ non sunt fidei à Patrum sententiâ discedere reformidat, mavultque aliorum scriptis quàm oculis suis & experientiâ credere. De seipso longè aliud olim sentiebat Augustinus, qui optat ut alii de suis operibus judicent.

August. lib.
de dono per-
sev. cap. 21.

Neminem, inquit, velim sic amplecti omnia mea ut me sequatur, nisi in iis in quibus me non errare perpexerit.

Non est igitur cur Vossio hac in parte assentiamur, qui contra B. Hieronymum LXX Interpretes velit divino numine affatos fuisse, & ab omni prorsus errore, etiam levissimo, liberos. Imò quasi eum puduerit Interpretes illos Prophetarum nomine donasse, seipsum postea veluti castigans affirmat Prophetam vetustis Scriptoribus idem esse quod Interpretes, illòsque Prophetas esse teste Apostolo, qui Scripturas rectè interpretati sunt. Sed cur latebras hic querit Vossius & ad profaniam, ut ita loquar, eruditionem recurrit, ut demonstret in eo errare Hieronymum cum scribit aliud esse Prophetam, aliud Interpretem: quasi ipse contradixerit Apostolo, qui pluribus in locis *προφηται* sumpsit pro interpretari? Verùm hic non errat Hieronymus, qui vocis illius proprietatem optimè noverat, quandoquidè animadvertit Poëtam Græcum à Paulo Prophetam vocatum fuisse. Sed in Responsione suâ ad objectiones Nupera Criticæ sacræ cuneos captans Vossius ubique tergiversatur. Ità quid illi causæ fuit, ut non modò Apostolorum & Evangelistarum, sed & Philonis, Festi, Platonis & aliorum proferret testimonia, ut evincat eos non tantum qui futura prædicerent dictos fuisse Prophetas, sed & qui præ-
terita

Oct. dñi 1751
MAY 26

Hieron. com-
ment. in E-
zech.

Voss. Resp.
ad Obj. [Cr. t.
pag. 6.

terita & præsentia explicarent. Quandoquidem eâ de re inter illum & Scriptorem Criticæ sacre nihil erat controversiæ. Dùm negavit Hieronymus LXX Seniores Prophetas esse, eisdemque Interpretes duntaxat fuisse asseverat, Prophetam eo loco idem esse arbitratus est atque hominem spiritu sancto afflatum, quo nimirum sensu Patres omnes Græcos illos Interpretes appellaverant Prophetas, nec aliâ ratione nomen illud Prophetæ usurpavit ipse Vossius, qui tam confidenter illorum *θεοπνευστίας*, sive afflatum, divinum asseruerit. *Non sum nescius*, inquit, *multorum me incursum, non reprehensionem tantum, sed & odium, quod tam magnifice de hac versione sentiam, & adeo quidem ut vix dubitem eam divinitus inspiratam appellare: sed quænam rogo possit excogitari ratio quamobrem non id ipsum credam quod jam ab Apostolorum temporibus omnes credere Christiani, exceptis duntaxat paucis nimio plus sævimentibus sequiorum temporum Judæis?* Inter hos hæud dubiè B. Hieronymum collocabit. Deindè probat fusiùs eorundem Interpretum *θεοπνευστίας*, argumenta eorum infringens qui dicunt hos non potuisse afflari spiritu sancto aut Prophetico, quia Judæi testantur tempore Templi secundi defuisse donum spiritûs sancti & Prophetiæ. *Illud*, inquit, *omniò est Rabbinicum & nugatorium.* Sed non minùs nugatoria sunt quæ ille affert adversùs Hieronymum his verbis; *cùm itaque tam latè Prophetarum & Prophetia, etiàm apud Hebræos, patuerit appellatio, non admittendi sunt illi qui LXX Interpretes Prophetas fuisse negant, utpotè præcipuos populi Judaici sacerdotes, & non præteritarum tantum sed & futurarum rerum interpretes.* Quasi verò illud in quæstionem venisset utrùm LXX Senibus Prophetarum nomen competeret, quatenùs nomen illud *Propheta* idem sonat atque *Interpres*; cùm ipse tam multis probare conatus fuerit eos Prophetas fuisse, qui à spiritu sancto ac Prophetico afflati fuere: imò existimat injurios illos esse Hieronymo qui testimoniis ejus abutuntur ad evertendam LXX Interpretum auctoritatem, cùm ille ætate provectior eorum errores non ipsis Interpretibus, qui afflatu spiritûs sancti sacros libros verterunt, sed Librariis imputandos censuerit. Verùm suprà fusiùs ostensum est, quæ fuerit de præsentī negotio B. Hieronymi sententia, quæ Vossio latuit. Jam enīn provectæ erat ætatis, cùm Prophetarum li-

Voss. de Septuag. Interp. cap. 25.

Ibid. cap. 26.

In Resp. ad Critic. sacr.

Auctores
Græcæ versi-
onis.

bro Commentariis suis illustravit. At quàm sæpè in illis non modò Librarios, sed ipsos Interpretes castiget, nemo nescit. Et si supposititium esse foetum, quæ sub nomine Aristæ circumfertur, Historiam jam antea dixerim; lubens tamèn agnosco hanc quæ LXX Senibus tribuitur interpretationem sub Ptolemæo Philadelpho conditam fuisse à Judæis Alexandrinis, & ex Hebræo codice Chaldaicis, sive Babylonicis, literis exarato, quia non alias adhibuere literas in describendis suis exemplaribus Judæi, post suum è Babylone reditum, quàm Assyriacas. Sed versio altera Græca, quam ex eodem codice Hebræo Samariticis literis satis negligentè descripto factam putat Vossius ab homine neque Hebraicè forsàn, neque Græcè docto, merum est figmentum ex Pseudo-Aristobulo desumptum; qui tamèn de Samariticis literis, quibus hunc exaratum fuisse contendit Vossius, nè verbum quidèm protulit, & de illis præter Vossium nemo cogitavit; adeò illud ab omni veri specie alienum videtur. Errant quidèm, ut benè à Vossio animadversum fuit, qui putant Græcam versionem ex aliquâ Paraphrasi Chaldaicâ aut Syriacâ derivatam fuisse, cum nulla tunc esset ejusmodi, & constet Philonem linguam Hebraicam & Chaldaicam pro eadem ubique accipere. Suspiciari tamèn licet, Græcos illos Interpretes sermonem Chaldaicum, qui Judæis plerisque, post reditum è Babylone, vernaculus fuerat, respexisse. Nulla quidèm erat tunc temporis Chaldaica aut Syriaca Paraphrasis, tamèn longè ante illa tempora Magistri, tam in Scholis, quàm in Synagogis, contextum Biblicum Chaldaicè non minùs quàm Hebraicè legebant, undè forsàn contigit ut plures in Græcâ translatione voces ad genium linguæ Chaldaicæ aut Syriacæ conversæ sint, quàm secundum linguæ Hebraicæ proprietatem. Commentum quoque aliud finxit idem Vossius, qui asserit usque ad tempora Aquilæ nullam aliam lectam fuisse in Synagogis Judæorum Scripturam præter illam LXX Interpretum, quia perierat intellectus linguæ Hebrææ, quam nè ipsi quidèm callerent Judæorum Rabbini: LXX verò Interpretes, ut auctor est idem Vossius, vixerunt florante & superstite etiamnum Hebræâ linguâ. Verùm lingua Hebræa non magis florebat tempore LXX Interpretum, siqui fuerint illius nominis, quàm tempore Aquilæ; quippe illa

Voss. de Si-
byll. Orac.

Vossii errores.

illa post deportatos Babylonem Judæos penitus abolita est, & post illorum inde reditum ipsis non fuit amplius domestica & familiaris. Remansit apud solos Magistros, qui eam publicè in Synagogis, seu Scholis, docuerint, si verum est usque ad Aquilæ tempora non aliam in omnibus Judæorum Synagogis lectam fuisse Scripturam quam Græcam LXX Seniorum interpretationem, quâ ratione fieri potuit, ut Flavius Josephus Legem Moyfis in Synagogâ Hebraicè interpretatus sit, ut affirmat Vossius, qui similiter asserit eundem Josephum, omnium sui sæculi Hebræorum longè eruditissimum, Historiam belli Judaici antequam Græcè scriberet, linguâ Hebræâ edidisse? tamen si credamus Vossio, lingua Hebræa penitus deperdita fuerat: si res ita sit, cùm hanc appellat linguam patriam Josephi? *Conveniet nulli qui secum dissidet ipse.* Manifestum est etiâ ex ejusdem Josephi libris Judæos Palæstinæ regionumque vicinarum tunc temporis linguam Hebræam excoluisse, quam usu, ut nostrâ etiâ ætate, discerent absque ullis præceptionibus, Grammaticis quæ non à sexcentis tantum, ut contendit Vossius, sed à nongentis & amplius annis inventæ sunt. Quo sensu idem Josephus ait, etiâ referente Vossio, excelluisse se in disciplinis patriis præ ceteris Hebræis: Græcam verò linguam non nisi per Grammaticam didicisse. Patrias vocat disciplinas studium linguæ Hebrææ ac Legis Mosaicæ, quam Judæi Hierosolymitani in Synagogis Hebraicè legebant. Si tamén audiamus Vossium, qui sæpius à seipso dissentit, Christus & Apostoli in Judæâ Græcè loquebantur; *ubicunque*, inquit, *jâm ab Alexandri Magni temporibus, Græci fuere domini, ibi etiâ Græca prævaluit lingua, & absurdum est unam excipere Judæam:* & paulo post; *ut in Ægypto, Asiâ & reliquâ Syriâ, itâ quoque in Judæâ nulla præter Græcam audiebatur lingua, in urbibus præsertim oppidisque.* Imò præter linguam Græcam in Ægypto audiebatur lingua Coptica, in Syria Syriaca, & in Judæâ Judaica, seu Chaldæo-Syriaca. Ex libro Evangeliorum discere potuit Vossius, sermonem Judæorum qui Hierosolyma incolebant, quæ inter urbes & oppida reponi debet, Chaldæum, sive Syriacum fuisse, nec Christum Judæos urbis ullius Græcè sed Syriacè alloquutum fuisse. Hanc etiâ postea Judæi, qui regionem istam incoluere, licet corruptam, retinuerunt, uti probari potest

Voss ad Cast.
flora. cap. 2.

Voss. de Si-
byll. Oracul.

test exemplo Talmudis, qui vulgò ab ipsis Hierosolymitanus appellatur, & lingua quâ conceptus est liber ille vocatur quoque Hierosolymitana. Judæis etiâ Babyloniensibus tunc temporis, ut & longè antea, domesticus fuit sermo Chaldaicus, qui suum pariter Talmudem habent eâdem linguâ conscriptum. Plerique etiâ vetustiores libri Judæorum, exceptis paucissimis, non alio sermone conscripti sunt quàm Chaldaeo impuro. Sed non est cûr refellendis Vossii assertionibus, quæ nihil omninò probabilitatis præ se ferunt, diutius immoremur, qualia sunt quæ affirmat de libris Deuteroseon, seu Traditionum Judaicarum, quas omnes ante Justiniani tempora sermone duntaxat Græco concinnatas fuisse contendit, & de libro Misnâ qui è Græco in Hebræum sermonem circa illud tempus conversus fuerit: quia cautum fuerat edicto Justiniani, nè Judæi Deuteroseos, seu librum Traditionum, in Synagogis legerent. *Illi, inquit Vossius, ut edictum eluderent scriptum hoc in Hebræum converterunt sermonem.* Risum teneatis amici!

Voss. de Si-
byll. Orac.

Etiâ in Syn-
agogis Helle-
nistarum le-
gebatur con-
textus Hebræ-
us.

Justin. No-
vell. vel Con-
stit. 146.

Verùm si ad Justiniani edictum animum advertisset vir doctus, facilè deprehendisset non modò Hierosolymis, sed etiâ in eorum Synagogis, qui vulgò Hellenistæ appellantur, contextum Hebræum lectum fuisse. Id enim apertè significant verba illa Constitutionis Justiniani; *Didicimus quosdam so- lam habentes vocem Hebraam etiâ ipsâ uti velle in sacrorum li- brorum lectione, aliis verò Græcam quoque editionem assumendam esse arbitrantur, & jamdudum hæc de re inter se disputant.* Nos igitur his auditis meliores judicavimus eos esse qui Græcam quoque versionem ad librorum sacrorum lectionem volunt assumere, & quam- cunque linguam simpliciter quam locus commodiorem & aptiorem audientibus facit. Duplicis generis Judæos supponit illa Justi- niani Constitutio, quorum alii linguæ Hebrææ penitus addi- cti Scripturam sacram in Synagogis sermone duntaxat Hebræo legerent; alii verò, quia Græcas literas callebant, lectioni Hebraicæ Græcam adjungere. Justiniani autem edicto per- mittitur ut non solum Græcè, sed in aliâ quâlibet linguâ co- dex facer legeretur. Judæi igitur omnes Hellenistæ, ut decreto Mosis obtemperarent, non alio unquam sermone quàm Hebræo Legis contextum in Synagogis suis legerunt, cui deindè lectio- ni alia mox succedebat sermone vernaculo. Neque his obstant priscorum

priscorum Judæorum Patrūque testimonia ex quibus manifestò liquet Judæos Alexandrinos & alios omnes quibus lingua Græca fuit vernacula, Græcam LXX Interpretum versionem in Synagogis suis legisse. Similiter constat etiā Hierosolymis quasdam existisse Synagogas in quibus Lex Mosis & Prophetæ Græco sermone legerentur. Sed hæc & alia ejusdem rationis benè multa quæ huc congeri possent, probant tantum lectioni contextus Hebraici additam fuisse explanationis causâ Græcæ interpretationis lectionem, sicut & in nostrâ etiā ætate Judæi ex antiquo more singulis Sabbatis legunt aliquid Scripturæ sacræ Hebraicæ & Chaldaicæ, quia scilicet antiquitūs erant in Synagogis & Lectores & Interpretes, quod etiā Interpretis seu Prophetæ munus à Synagogâ ad primos Christianorum coetus transiisse clarè demonstrant verba Apostoli in Epistolâ primâ ad Corinthios. Hinc forsàn ortum est ut Græca illa LXX interpretatio quibusdam in locis minùs accuratè verba contextus Hebraici exprimant, quia scilicet illius concinnatores Paraphrastarum potius quàm Interpretum, locis præsertim obscurioribus, munus obierunt. Sed ea omnia, quæ pro tuendâ LXX Senum translatione & elevandis Judæorum exemplaribus contra omnem probabilitatis speciem fusiùs retulit Vossius, in præsentia refellere nec tempus est mihi nec animus: longè satius erit Hieronymi versionem cum Græcâ locis aliquot conferre, ut inde patefiat quàm verè dixerit Vossius Hieronymum nusquàm rectè ab antiquis recessisse Interpretibus, eumque primum fuisse Christianorum qui Rabbinicam condiderit versionem, quique alios ad idem audendum signifer præcesserit. Longè aliud de versione Hieronymi, quæ nunc in Ecclesiâ Occidentali legitur, judicium tulit Augustinus. Eugubinus his verbis; *Hanc si cum editione LXX consuleris, ausim hæc uti similitudine ut lucem ac tenebras à te collatas afferam. Et quod nos tota hoc opere ostendemus. Inveniemus certè hanc adeò fuisse Ecclesiis necessariam, ut, nisi hanc operam Divinus Hieronymus nobis præstisset, versari adhuc nos in multis erroribus cerere necesse fuerit.*

Epist. 1. ad
Corinth. cap.
4

Voss. Resp. ad
Critice.

August. Eugub.
Praef. in lib. de
Vulg. Edit.

Conferatur
Græca versio
cum Latinâ
Hieronymi.

Summam itaque exempli collationis istius ex libris Prophetarum, quos ex Hebræo vertit Hieronymus, ac Commentariis suis illustravit & utraque adhuc existat, cum vetus tūc recens.

Isai. 2. v. 22.

cens, illorum translatio in ejusdem operibus. In omnibus autem Hieronymum vindicare etiã à levissimis erroribus, sicuti LXX Interpretes vindicare enixè contendit Vossius, mihi nullatenus propositum est : quippe non pauca Hieronymo quantumlibet erudito exciderunt, dùm Judæis atatis suæ nimium addictus Græcos Interpretes severius interdum castigat. Sed doctissimum illum Patrem toties allucinatum fuisse quoties illos deserit, ut existimat Vossius, pernego. Capite secundo Commentariorum in Isaiam ad hæc verba, *quiescite ab homine cujus spiritus in naribus ejus, quia excelsus reputatus est ipse*, miratur LXX Interpretes tam perspicuam, ut ipsi videtur, de Christo Prophetiam in Græcum noluisse vertere, damnatque Judæos, qui verbum, quod in Hebræo est ambiguum, in deteriore partem interpretati sint. Judæorum autem nomine ibi Aquilam notat aliòsque Interpretes qui diversam à LXX Seniorum versione translationem de industria considerant, ad quas Judæi, relictis vetustis interpretibus, recurrebant. Jam utrùm hæc omissio Librariis an ipsis LXX Senibus tribui debeat nunc non inquirò, quam constat à Græcis exemplaribus ante Origenis tempora abfuisse, cum verba illa sub asteriscis de editione Aquilæ addita fuerint : nec disputo similiter de bonitate versionis Hieronymi, utrùm præferenda sit Aquilæ translationi, quæ cum hodiernis Judæorum codicibus hîc consentit ; verùm inde conficio versionem Hieronymi malè à Vossio Rabbinicam vocari, quasi jam senex Hieronymus solis Judæis in condensâ suâ contextûs Biblici interpretatione crediderit. Ejusdem Prophetæ capite v. ubi juxta vocum Hebraicarum proprietatem vertit Hieronymus, & *pascentur agni juxta ordinem suum*, LXX Interpretes arguit, quòd nescio quid volentes, uti loquitur, transfulerint, *pascentur direpti quasi tanri*, pro *agnis tanros* intelligentes, & pro *advenis* interpretantes *agnos*. Hebraica tamen hoc loco implicata non sunt & sensus apertus. Reprehendit etiã Græcos Interpretes Hieronymus, quòd pro his verbis, *quis ibit nobis*, ut habent omnes Interpretes, quia in Hebræo legitur *lanu*, ipsi posuerint, *quia ibi ad populum isrum*, quod penitus, inquit, in Hebræo non habetur. Sed forsân pro *lanu* legerunt *laam*, vel eadem verba quæ mòx sequuntur, majoris explicationis causâ, hîc addita sunt. Quia Pronomen *nobis* nihil ibi, ut & alibi *palsim*, significat. Verùm

Isai. 5. 17.

Isai. 6. 8.

Verùm longè magis animadversioe digna sunt quæ refert idem Hieronymus ad hæc verba quæ juxta codicis sui Hebræi lectionem transfulerat, *excæca cor populi hujus, & aures ejus aggravæ: cùm longè benignior videatur Græca interpretatio in quâ legitur, incrassatum est cor populi hujus.* Sed nōrunt linguæ Hebrææ periti hanc diversitatem ex variâ punctorum vocalium notatione ortam fuisse: sequuti sunt LXX ætatis suæ lectionem quæ diversa erat ab eâ quæ Hieronymi ætate obtinebat, & hæc eadem in exemplari Masorethico repræsentatur. Utraque lectio traditione confirmatur; sed Græca videtur in eo Hieronymianæ præferenda quòd illam sequutus fuerit Apostolus in Actibus Apostolorum: ad hæc tamen respondet Hieronymus, lectionem hanc tribuendam potius esse Evangelistæ Lucæ quàm Apostolo. *Evangelistam Lucam, inquit, tradunt veteres Ecclesie tractatores medicine artis fuisse scientissimum, & magis Græcas literas scisse quàm Hebræas. Unde & sermo ejus, tam in Evangelio quàm in Actibus Apostolorum, compitior est & secularem redolet eloquentiam, magisque testimoniis Græcis utitur quàm Hebræis.* Itaque in eâ videtur fuisse sententiâ Hieronymus ut crediderit B. Paulum cum Hebræis disputantem nōn juxta LXX loquutum fuisse, sed juxta Hebraicum; Lucam verò Evangelistam, qui Græcas literas apprime callebat legebatque Græcos codices, Græcis testimoniis usum fuisse. Similia serè his affert Hieronymus Quæstionibus Hebraicis in Genesim, ubi expendens diversitatem quæ Græca inter & Hebræa exemplaria intererat in recensendis filiis Jacobi qui cum ipso Ægyptum ingressi sunt, quærensque ibidem cur LXX potius versioni Stephanus in Actibus Apostolorum adhæserit quàm Hebræo contextui, ita loquitur; *nōn debuit Sanctus Lucas, qui ipsius Historia scriptor est, in Genes Actuum Apostolorum volumen emittens, contrarium aliquid scribere adversus eam Scripturam quæ jam fuerat Gentibus divulgata. Et mox; hoc autem generaliter observandum, quòd ubicunque sancti Apostoli aut Apostolici viri loquuntur ad Populos his plerumque testimoniis abutuntur, quæ jam fuerant in Gentibus divulgata.* Nimirum nōn idèò Apostoli versionem Græcam in suis libris adhibuere, quòd auctores illius Divino, seu Prophetico, spiritu afflati fuerint; vel quòd nōn alia Scriptura in Judæorum Synagogis legeretur quàm Græca illa,

Hieron. Comment. in cap. 6. Iſai.

Hieron. Quæst. Hebr. in Gen.

Cūr Græcæ versionis usi fuerint Apostoli.

Voss. Resp. ad
Critic. Sacr.

Syriacè non
vero Græcè
concionatus
est B. Stepha-
nus.

Hieron. Com-
ment. in cap.
6. Iſai.

Castigatur B.
Hieronymus.

illa, ut perperam existimavit Vossius, sed quia vulgò erat recepta, &c, ut auctor est B. Hieronymus, *dum loquuti sunt ad Populos Apostoli iis usi sunt testimoniis quæ jam fuerant in Gentibus divulgata*; secus verò dum homines gentis suæ, qui callebant linguam Hebraicam, alloquuti sunt. Sed *mentisum fuisse Lucam necesse est*, inquit Vossius, *si alios Stephanus in concione suâ, quàm ille posuit, sensus expresserit*: quasi verò illum mentiri necesse sit qui eadam diverso tantum sermone referat paucis, quæ nullius erant momenti, immutatis. Neque mentis Scriptoris Criticæ Sacræ assequutus fuisse videtur vir doctus, cum de eo ita loquitur quasi crediderit Stephanum non Græco aut plebeio Syriaco, sed Hebraico sermone ultimam suam concionem absolvisse. *An plebs*, inquit Vossius, *tempore Apostolorum gnara veteris lingua Hebræa? An mentitus Evangelista? Quid æmum integrum in Evangeliiis supererit si istiusmodi admittamus commenta?* Sed potius monstra sibi fingit quæ postea debellet. Syriacè concionatus est Stephanus, quia sermo Syriacus tunc Judæis Hierosolymitanis erat vernaculus, at quæ profert veteris Testamenti testimonia ea non alio sermone proferte potuit quàm Hebraico, quia Judæi Hierosolymitani Legem Moïsis Hebraicè in Synagogis suis legebant, non verò Græcè; & si qua subjungebatur interpretatio, illa Syriaco pariter sermone qui plebeius erat, ut hic liberè fatetur Vossius, non verò Græco, quo in Hellenistarum duntaxat Synagogis ac Scholis utebantur.

In hoc tamen corrigendum esse Hieronymum non diffiteor, quòd dicat Matthæum & Johannem de Hebraico veteris Testamenti testimonia sumpsisse, oblitus regulæ illius quam Traditionibus Hebræicis in Genesim produserat, nimirum, Apostolos & viros Apostolicos non aliam ob causam Græcis exemplaribus usos fuisse, quàm quia jam hæc in Gentibus divulgata fuerant: Hebraica verò in Synagogis duntaxat Judæorum aservabantur, & inter hos paucissimi reperiebantur, qui ea intellexerent: contra autem lingua Græca tunc plerisque Gentibus erat vernacula. Observandum autem est Apostolos, etiam Græcis codicibus adhæserint, non ita tamen ab iis dependisse, quin haud infrequentèr ad sensum potiùs quàm ad verba attenderint. Quare Hieronymus explicans hunc locum Michææ Prophetæ, & in Bethlehem Ephratha, ista annotat; *sunt qui asse-*

Mich. 5 v. 2.

rant:

rant in omnibus penè testimoniis quæ de veteri Testamento fiuntur istiusmodi esse errorem, ut aut ordo mutetur, aut verba, & interdum quoque sensus ipse diversus sit, vel Apostolis vel Evangelistis non ex libro carpentibus testimonia, sed memoria credentibus, quæ nonnunquam fallitur. Hæc quidem paulò duriora videntur, nec eā protuli ut iis fidem adhibeat Vossius. Interea vix fidem suam abnuere poterit Joānni Calvino, qui eundem Michææ locum illustrans, hæc animadvertit; *quid opus est torquere Prophetæ verba, cum Evangelista propositum non fuerit referre quod apud Prophetam legitur, sed notare locum duntaxat.* Similiter idem Hieronymus non ex aliorum sed ex suâ loquutus sententiâ de hisce omnibus testimoniis, quæ ex veteri Testamento in novum translata sunt, hæc in genere observat. *In multis testimoniis quæ Evangelista vel Apostoli de libris veteribus assumpserunt, curiosius attendendum est, non eos verborum ordinem sequutos esse, sed sensum.* Sed nunc ad id quod est nostri instituti revertamur.

Calvin. Comment. in cap. 5. Mich.

Hieron. Comment. in cap. 7. Isai.

Prima verba capitis noni ejusdem Prophetæ vix intelligi possunt in Græcâ versione, cum omnia aperta sint in translatione Hieronymi: utramque duabus columnis distinctam hac ratione produxit Hieronymus; *primo tempore alleviata est terra Zabulon & terra Naphthalim, &c.* En Hieronymiana translatio! Græca vero ita habet; *hoc primum bibe, velociter fac regio Zabulon & terra Naphthalim.* Aliundè assumptam fuisse crediderim dictionem *bibe*, quæ mutat sensum. Paulo post eodem capite notat Hieronymus LXX Interpretes, quod pro verbis istis; *vocabitur nomen ejus admirabilis, consiliarius, Deus fortis, pater futuri sæculi, princeps pacis*, illi majestate nominum perterriti de puero non ausi sint dicere, quod Deus sit appellandus, sed pro his sex nominibus posuerint quod in Hebraico non habetur. Iterum manifesti erroris Græcos Interpretes arguit Hieronymus, quod ad lectionem suorum codicum minus attenti, pro *verbum* transtulerint *mortem*, dicendo, *mortem misit Dominus in Jacob*, cum dicendum esset, *verbum misit*, &c. ut Hieronymus interpretatus est, qui statim addidit erroris illius originem his verbis; *apud Hebræos דבר quod per tres literas scribitur consonantes pro locorum qualitate, si legatur dabar, verbum significat, si, deber, mortem & pestilentiam.* Non longè ab initio capitis x. ejusdem Prophetæ ad hæc verba, *va Assur*, eisdem Interpretes

Isai. 9.

Isai. 10. v. 5.

Ibid. v. 18.

Isai. cap. 14.

v. 1.

De linguâ
LXX Inter-
pretum Vol-
tio contrarius
est Hierony-
mus.

Isai. 24. v. 23.

Hieron. Com-
ment. in cap.

30. Isai.
Isai. 40.

Isai. 45.

pretes accusat Hieronymus quòd Hebraica minùs accuratè ex-
prellerint. Iterùm tub finem ejusdem capitis ad verba ista, *ve-*
niet in Aiarb, &c. quantum illi ab Hebræo discrepent fusè osten-

Saul, quod perspicue falsum est, inquit, civitas enim Saul appellatur
Gabaa, ut in Hebraico continetur. Præterea Hieronymus lon-
gè diversa sentit de linguâ LXX Interpretum quam Vossius,
qui existimat in eâ nihil esse nisi Græcum, frustrâque eam ap-
pellari linguam natam in Synagogâ. Itâ enim loquitur libro sex-
to Commentariorum; *pro advenâ, id est, ἀφονότα, LXX γη-*
ώγας interpretati sunt qui Hebraicè ger dicitur—ergo georas non
est Græcum verbum sed Hebraicum Gracâ consuetudine declinatum;
licet quidam, Hebrai sermonis ignavis, Gracam in eo Etymologiam
exprimere conetur, ab eo quod terrena rei curam habeat, γῆ enim, in-
quit, terra appellatur & ἡ γῆ, γῆρας, id est, sollicitudo. Quantum à
germano Scripturæ sensu deflexerint Græci Interpretes, capite
xxiv. ejusdem Prophetæ, ubi in Latinâ editione legimus, *eru-*
bescet luna & confundetur sol, rectè animadvertit Hieronymus his
verbis; *pro eo quod nos interpretati sumus, & erubescet luna & con-*
fundetur sol, LXX transtulerunt, liquefieri laterem & cadere murum:
& mox erroris causam detegit, quia scilicet pro Hebraico le-
vana, quod lunam significat, legerunt lebena; & pro hamma, id
est, calore, quo Sol denotatur, legerunt etiâ homa, quod murum
significat. Sed frustra his diutius detineor, quippe ab omnibus le-
gi possunt Hieronymi Commentaria in Isaiam, ubi passim Græ-
cos Interpretes erroris arguit, quòd ambiguitate vocum, vel
aliâ ratione, decepti fuerint: aliquandò tamen illis parcit, sicuti
capite xxx. postquàm eorum in interpretando inconstantiam
dammavit, mox velut seipsum castigans, hæc subjicit; *datur mi-*
hi suspicio non eos errasse à principio, sed paulatim Scriptorum vitio
depravatos. Et capite xl. ubi nonnulla à Græcis Interpretibus
omissa annotavit, statim addit quasi subdubitans, *vel a LXX præ-*
termisum vel paulatim Scriptoris vitio prætermisum. Similiter
communem Græcorum exemplarium editionem ad Hebræos co-
dices interdum castigat, nè error in Interpretes rejiciatur, quo-
modo ad hæc verba capitis xlv. *hac dicit Dominus Christo meo Cyro,*
rectè animadvertit, non solum Latinorum, sed & Græcorum plu-
rimos vehementer errare existimantium scriptum esse, sic dicit Do-
minus.

minus Christo meo Domino: Neque enim, inquit, $\chi\omega\epsilon\iota\varsigma$, quod Dominum sonat, sed $\chi\upsilon\varsigma\theta\omicron\varsigma$, dicitur, qui Hebraicè appellatur $\chi\chi\chi$.

Eadem videre est in Hieronymi Commentariis in Hieremiam, Ezechielem & alios Prophetas. Ità ferè ubique Commentario in Hieremiam notat quæ à LXX Interpretibus prætermiſſa sunt, aut saltèm non ampliùs in Græcis illorum exemplaribus apparent. Modò enim ipsos Interpretes, modò Librarios accusat. Commentario paritèr in Ezechielem, ubi Græcorum codicum omiſſionem animadvertit, statim hæc adjicit; *melius est in Divinis libris transferre quod dictum est, licet non intelligas quare dictum sit, quàm auferre quod nescias.* Capite tamen v. ejusdem Prophetæ vix audeat Græcos Interpretes accusare, ubi ait; *multo melius fuerit transferre quod scriptum est, quàm rei malè translatae patrocinium querere. Nec hoc dicimus ab illis factum quibus vetustas auctoritatem dedit; sed per multa sæcula Scriptorum atque Lectorum vitio depravatum, quoniam & Aristæus & Josephus & omnis Schola Judæorum quinque libros tantum Moysi à LXX translatoſ asserant.* Neque hoc solum loco Hieronymus, sed & aliis in locis, negare videtur cum præcis Judæis aliud quidpiam Scripturæ sacræ à LXX Senibus translatum fuisse præter quinque libros Moysi, sicuti ad caput. v. Michæ, ubi hæc habet; *interpretatio LXX (si tamen est LXX, Josephus enim scribit & Hebræi tradunt quinque tantum libros. Legis Moysi ab eis translatoſ & Ptolemæo Regi contraditoſ) tantum discordat in præſenti loco ab Hebræicâ veritate, ut nec capita possimus ex æquo ponere, nec eorum simul sententias explicare.* Verùm longè aliud sentit Vossius, qui non solum rei malè translatae ubique patrocinium querit, ut verbis Hieronymi utar, sed palàm testatur se non dubitare Propheticos libros à LXX Interpretibus Græcè fuisse redditos, licet olim dubitaverit. Et quod fidem omnem superare videtur, si Vossio credamus, Græci Interpretes in libris obscurioribus, puta Jobi ac Proverbiorum, magis accuratos se ostendunt. Sed neminem fore arbitror linguæ utriusque peritum, qui hâc in parte illi assentiatur, adèò inepta est multis in locis istorum librorum Græca illa translatio. Non is tamen sum qui ab Hieronymo ità dependere velim ut etiàm illius errores, qui plurimi sanè sunt, approbem. Sic, nè longiùs abeam, capite xxvii Commentariorum in Ezechielem LXX arguit quod *pro filiis Dedan, filios Rhodiorum* interpretati sint, decepti fortè primæ literæ similitudine, ut pro

Hieron. Commentar. in Ezech. cap. i. cap. 5.

Hieron. Commentar. in cap. 5. Mich. v. 9.

Voss. Resp. ad Critic.

Vossii errores.

Græcos Interpretes aliquid quando malè castigat Hieronymus.

pro *Dadan* legerent *Radan* : sed errorem hunc in Scribas potius quam in Interpretes rejiciendum esse demonstrant ea quæ paulo post eodem capite sequuntur, ubi in LXX non secus ac in Hieronymi translatione legitur *Dedan*, sive *Dadan*. Iterum in caput xxxiii. ejusdem Prophetæ, ubi de *Gog* fit mentio, observat Græcos Interpretes libri Numerorum capite xxiv. pro *Agag* quod legitur in Hebræo, reposuisse *Gog* : Sed manifestus est Librarii error. Sed ut innumera ejusmodi taceam, longè melius idem Hieronymus capite xl. eorundem Commentariorum hæc observat ; *omnia prope verba Hebraica & nomina quæ in Græcâ & Latinâ translatione sunt posita, nimia vetustate corrupta Scriptorumque vitio depravata, & dum de inemendatis scribuntur in emendatiora, de verbis Hebraicis facta esse Sarmatica, imò nullius gentis dùm & Hebræa esse deserint & aliena esse non caperint.* Apprimè igitur distinguenda sunt & secundum Criticæ regulas illa omnia quæ, ut minùs benè à LXX Senibus translata, arguit Hieronymus : ut enim plurimos eorum errores rectè annotavit, ita & in iisdem castigat non pauca quæ minimè castiganda erant. Nec mirum, cum ipsemet Hieronymus testetur se Explanaciones suas vix implere potuisse, quia nulla hora erat, nullum momentum in quo non fratrum occurreret turbis, seque jam senem præter dictandi difficultatem Hebræorum volumina ob literarum parvitatem hæud relegere potuisse. Similiter observat se nonnulla celeritate dictandi, dum parùm attendit, non benè vertisse. Itaque nec Hieronymus, nec LXX Senes Prophetæ fuerunt, sed Interpretes, quibus multa, quia homines erant, excidisse necesse est.

Hieron. Comment. in cap. 40. Ezech.

Hieron. præf. in lib. 7. Comm. in Ezech.

Id. Comment. in cap. 42.

CAP. XVIII.

De reliquis Græcis translationibus Scripturæ sacrae, & de Hexaplis Origenis. Isaaci Vossii de Hexaplorum dispositione sententia refellitur.

Nemo de Religione Christianâ benè sentiens ante tempora Hieronymi novam Scripturæ sacrae versionem ad fontes Hebræos cudere ausus fuerat : quandoquidem Græca illa LXX Seniorum translatio tanquàm Divina & à viris Prophetico spiritu afflatis profecta in universo orbe Christiano suspiciebatur. Quare satius fuisset ceteras versiones Græcas inter Judaicas recensere quàm inter Christianas, quippe quæ ex odio Christianæ Religionis & ab hominibus Judæis, vel potiùs Semi-Judæis, conditæ fuerint. Verùm cum illas omnes Hexaplis suis, unâ cum Græcâ LXX Interpretum versione inseruerit Origenes, easque prisci Ecclesiæ Patres in exponendis Scripturis consuluerint, ac nihil frequentius in B. Hieronymi libris occurrat quàm illorum auctorum nomina, visum est nobis eas post recensitam LXX Seniorum interpretationem etiâ recensere. Primus igitur prodibit Aquila, cujus versionem Græcam ad Imperatoris Adriani tempora referemus. Hic, relicta Christianorum Religione, quam antea professus fuerat, ad Judæorum partes transfugit, simulque novam contextus Biblici versionem quam Græcæ, quæ tunc temporis sola in universâ Ecclesiâ obtinebat, opponeret, aggressus fuit : & quia LXX Seniores plerisque in locis Paraphrastas potiùs quàm Interpretes deprehenderat, novam ipse suscepit quæ verba Hebræa *אין משה* redderet, & undè postea contentiosi Interpretis nomen obtinuit, pravaque illius affectatio, quam *αρεσκλια* appellabant, damnata est. Et si diversa

Græca Aquilæ translatio.

pro,

Hieron. Epist.
125. ad Da
mas.

Origen in
Epist. ad
Afric.

Græci Sym-
machi v. c. f. i.

pro sua consuetudine Hieronymus de illo sensisse videatur. Hunc siquidem interdum laudat ut eruditum & diligentem Interpretem: sic scribens Damasus, de eo ita loquitur; *Aquila qui non contentiosus, ut quidam putant, sed studiosus verbum interpretatur ad verbum.* Ipse tamen alibi eum vocat contentiosum & ineptum Interpretem, habitam scilicet rerum locorumque ratione, de uno eodemque Interprete diversè judicat, illumque notat ut Semi-Christianum eundemque Judæum ac Elaphemum appellat. Simili ratione Epiphanius, qui de Aquilâ, tanquam de homine qui sæpius *σολοικίζει* & barbarè loquitur, detrahit, illius versionem adversus Arianos, relictâ LXX Interpretatione in auxilium vocat. Quanti eum fecerint Judæi, docet Origenes his verbis; *sic, inquit, Aquila Hebraica dictioni serviens reddidit, qui apud Judæos creditus est Scripturam majori cum laude esse interpretatus quo maxime solent uti qui sermonem ignorant Hebræum ut qui maxime sit eum assequutus.* Vix tamen excusari potest Interpretis illius *ἡρακλῆς*, sive prava affectatio, qui, dum pressius contextus sui verbis adhæret, nequit intelligi: quare nec ipse suâ translatione contentus alteram molitus est, in quâ eandem ferè interpretandi methodum sequutus, fecit ut istæ versiones non alios ferè haberent approbatores quàm Judæos; neque enim ad eas ob aliam causam recurrisse videntur B. Justinus & alii Patres quàm ut eodem Judæos inter disputandum fortius premerent.

Qui primus post Aquilam sacros codices ex Hebræo sermone in Græcum transfulerit non satis constat: illam enim versionem alii Symmacho, alii Theodotioni tribuunt. Symmachus primum sectâ Samaritanus ad Christianos deindè Nazaræos, sive Ebionitas, transiit. Versionem suam ex odio gentis suæ Samaritanæ, à cujus Religione deseruerat, fecisse imperante Severo vulgò creditur. Hic quia Aquilæ interpretationem ut ineptam à plerisque, maxime à Christianis, contentum noverat, quòd verbum interpretetur ad verbum, sensui magis reddendo quàm verbis, ut testatur Hieronymus, se applicuit: *Symmachus, inquit, non solet verborum ἡρακλῆς, sed intelligentia ordinem sequi.* Alteram deindè translationem, quasi prior illa minus accurata fuisset, referente eodem Hieronymo, aggressus est.

Tertium

Tertium inter Græcos sacri contextûs Interpretes locum obtinebit Theodotio, quem tamèn plerique ante Symmachum vixisse, sub Imperatore Commodo, arbitrantur. Ille Marcionitarum partes primò amplexatus, ad Ebionitas postea transfugit. Et in condendâ suâ versione, spretâ planè Aquilæ methodo, ad LXX Interpretes omnium maximè accessit. Quapropter Origenes ex illâ sumpsit quæ huic deesse videbantur. Imò testatur Hieronymus ætate suâ lectum fuisse in Ecclesiâ Danielis vaticinium secundum Theodotionis illius editionem. Hunc sensum potius quàm verba contextûs sui respexisse multis probare non esset arduum. Ità capite iv. Genesios, ubi in LXX legimus *ἐπιδὼν* & in vulgatâ *respexit*, quæ interpretatio perfectè cum Hebræorum codicibus convenit, habet Theodotionis versio *ἐκπύεσιν*, *inflammavit*; quâ in re consentit cum Rabbini quibusdâ qui putant Cainum inde percepisse, sacrificium suum Deo non fuisse acceptum, quod victimam suam igne absumptam non vidisset.

De Quartâ & Quintâ Bibliorum versionibus ex Hebræo in Græcum, quas similiter Hexaplis suis adjecit Origenes, nihil certi affirmari potest, cùm quinam fuerint illarum conditores penitus ignoretur. Eas tamèn à Christianis Scriptoribus factas fuisse verisimile non est, quia non aliam longo etiam tempore post Hieronymum Scripturæ sacræ translationem agnovit Ecclesia quàm illam quæ in toto orbe Catholico sub nomine LXX Interpretum legebatur, & ut auctor est Olympiodorus, supervacaneæ erant fabulantium Hebræorum pravæ interpretationes post LXX versionem, & alii Interpretes laudati sunt tantum perspicuitatis causâ: & ante inventas hæc versiones B. Irenæus loquutus de LXX interpretatione hæc subjicit; *verè impudorati & audaces ostenduntur qui nunc volunt aliter interpretationes facere.* Imò Hieronymus versionum istarum auctores æquè Judaicos translatore appellat atque Aquilam, Symmachum & Theodotionem. Notandum autem est duas hæc versiones, quas appellavimus Quartam & Quintam, in Hexaplis Origenis exstitisse sub nominibus Quintæ & Sextæ: quia his etiâ adensebatur Græca LXX Senum interpretatio; sed nos eas solum hîc commemoramus quæ post versionem LXX ex Hebræis fontibus desumptæ sunt. De omnibus hæc translationibus

Græca Theodotionis interpretatio.

Aliæ translationes Græcæ.

Olympiodorus initio Caten. in Job.

Iren. lib. 3. adv. Hæret. cap. 25.

& de cujuslibet Interpretis ingenio multa possent adjici; sed hæc faciliè peti poterunt ex illorum fragmentis quæ supersunt, quæque alias edi curavit doctissimus Drusius. Consulendus est similiter Scholiastes cujus annotationes editæ fuerant cum Romæ tum Parisiis unâ cum Græco exemplari LXX Interpretum secundum codicem Vaticanum: sed legenda sunt inprimis B. Hieronymi Commentaria in Scripturam sacram, ubi nihil frequentius occurrit quàm nomina Aquilæ, Symmachi, & aliorum Interpretum Græcorum quos modò calligat, modò illustrat.

Hieron. lib. 1.
Apol. adv.
Ruffin.

His versionibus alias nonnulli adjungunt, easque tribuunt Luciano, Hesychio, Origeni & Apollinario; sed isti, si Apollinarianum excipias, Græca tantum LXX Seniorum exemplaria ad vetustos codices recognoverunt, novæ translationis minime auctores. Quo sensu explicanda sunt verba illa Hieronymi testis in hac materia locupletissimi; *Alexandria & Egyptus in Septuaginta suis Hesychium laudat auctorem; Constantinoplis usque ad Antiochiam Luciani Martyris exemplaria probat; media inter has provincie Palæstinos codices legunt, quos ab Origene elaboratos Eusebius & Pamphilus vulgaverunt, totiusque orbis hæc inter se trifariam veritate compugnat.* Apollinarius verò ex omnibus editionibus unam concinnavit, sed infelici successu, eademque tam à Judæis quàm à Christianis improbata. Quare Hieronymus de illo hoc tulit judicium; *prætermisso Apollinarium qui bono quidem studio, sed non secundum scientiam, de omnium translationibus in unum vestimentum pannos assuere conatus est, & consequentiam Scripturæ non ex regulâ veritatis, sed ex suo judicio texere.* Sed hæc omnia longè magis patefient in exponendâ Hexaplorum Origenis dispositione, quam perpaucis probè cognitam fuisse ex iis quæ mox proferentur manifestum erit.

Id. Hieron.
Eisd.

Duplicem LXX versionis editionem sæpissimè distinguit B. Hieronymus, præsertim in Epistolâ quam scripsit Suniæ & Fretelæ, quas admonet aliam esse editionem LXX Interpretum, quam omnes Græciæ Tractatores *communem*, Græcè *κοινὴν*, appellabant; & aliam quæ in Hexaplis Origenis reperiēbatur, quàmque testatur à se in Latinum sermonem fidelitèr versam. Addit Hieronymus inter hanc & illam id esse discriminis, quòd *κοινὴ* illa, seu Vulgata, pro locis & temporibus

Hieron. Epist.
ad Sun. &
Fret.

De duplici
Septuaginta
Interpretum
versionis edi-
tione.

bus & pro voluntate Scriptorum veterum corrupta fuisset, illa verò quæ habebatur in Hexaplis, ipsa esset quæ in eruditiorum libris incorrupta & immaculata LXX Interpretum translatio reservabatur. Quæ tamen non ita intelligenda sunt, quasi Græca illa editio quam repræsentabant exemplaria Origenis purus putus fuisset LXX Interpretum codex ab omni prorsus errore immunis, cum ex ipso Origene discamus illum vulgatos codices, qui jam suâ ætate corruptissimi erant, quâ potuit industriâ correxisse. Jam quis aulit affirmare illum ab his mendas omnes sustulisse? Imò fieri potest ut ille sub correctionis obtentu, corruptiones in antiqua exemplaria intruserit; non secus ac censor ille qui Græcam editionem quæ exstat in Bibliis Complutensibus castigatam non solum ad codices Græcos, qui vetusti erant & bonæ notæ, recognovit; sed & interdum ad fontes Hebræos reformavit. Itaque sicuti Complutensis editio Græca idèò non est sincerior quòd magis ad codicem Hebræum accedat, sed contrà ob hanc potissimum rationem de eâ tanquam corruptâ detraxerunt viri eruditissimi. Ità neque Origeniana illa editio, quam magni facit Hieronymus, quòd à veritate Hebræicâ minus abesset quàm Vulgata editio Græca, idèò incorrupta & immaculata appellanda est, quòd exemplaria Hebraica magis referat quàm *κοινὴ* illa, seu *communis*. Fateor quidèò nihil omninò mutationis de industriâ Origenem invexisse in versionem LXX quam Hexaplis suis inseruit, quippe illud ipse testatur scribens Africano, dum ait sibi non fuisse consilium quidquam cudere quod discreparet à Scripturâ in Ecclesiâ Catholicâ receptâ; sed ipsius methodi ratio, quam in castigandis vetustis exemplaribus Græcis adhibuit, docet apertè aliquid in illis mutasse. Ità enim Tractatu viii. in Matthæum loquitur; in *veteris Testamenti exemplaribus quacunque fuerunt inconsonantia, Deo præstante, coaptare potuimus, utentes judicio ceterarum editionum. Ea enim quæ videbantur apud Septuaginta dubia esse propter dissonantiam exemplarium facientes judicium ex editionibus reliquis convenientia servavimus*. Itaque Origenes dum Vulgatis Græcæ editionis Septuaginta exemplaribus manum medicam adhibuit, Aquilam, Symmachum & alias editiones consuluit; imò &, ut verisimile est, contextum Hebræum. Jam quis affirmaverit eum in suis correctionibus ita felicem ut à verâ lectione nunquam aberraverit,

Origen Tr. 8.
8. in Matth.

Id. Epist. ad
Afric.

De editioni-
bus Luciani
& Hesychii.

Anno 1515.
Nuperz edi-
tiones Græ-
cæ.

Anno. 1518.

Anno. 1587.

Anno. 1628.

Eusebiana
editio.

Hieron. apol.
adv. Ruff.

Palæstina,
Constantino-
politana &
Alexandrina
editiones.

raverit, maximè cùm excusserit omnes omninò editiones, ut ipse loquitur, & omnes varietates : ut collatâ varietate translationum intelligeret LXX translationem.

De Luciani & Hesychii castigationibus, qui similiter ad antiqua exemplaria vulgatos Græcæ editionis codices recognoverunt, idem judicium fieri debet. Illos enim verisimile est etiâ Aquilæ & aliorum versiones consuluisse. Undè postea orta est maxima illa codicum Græcorum diversitas quæ etiâ nunc apparet in variis quæ nuperrimè prodierunt Græcæ LXX translationis editiones. Quas tamèn omnes ad tres præcipuas, undè postea ceteræ derivatæ sunt, revocare possumus. Et hæ sunt Complutensis, quæ etiâ exstat in Bibliis Regiis, seu Antverpiensibus, in Polyglottis Parisiensibus, & in Bibliis quæ sub Vatabli nomine vulgò circumferuntur : Aldina, seu Venetiana, quæ deindè eadem prodiiit Argentinæ, Basileæ & Francofurti ; ordine tamèn librorum quorundam immutato : ac demùm Romana ex codice Vaticano, quæ postea Parisiis unâ cum antiquâ versione Latinâ operâ Joannis Morini secundò edita est, eandemque etiâ Angli, tanquàm omnium accuratissimam, in sua Polyglotta transtulerunt. Complutensis omnium est mendosissima, quia nòn ad Græcos solum codices, sed & ad Hebræos recognita fuit. Tribuunt etiâ nonnulli Eusebio & Pamphilo novam Græcæ LXX versionis recognitionem, sed Eusebii siqua fuerit editio ab Origenianâ minimè diversa erat : codices enim ab Origene elaboratos, ut ait Hieronymus, Eusebius & Pamphilus vulgaverunt. Refert etiâ Eusebius Constantini Imperatoris ad seipsum Epistolam *περὶ κατὰ κελεύσεως θεοπνευστῶν λογίων, de parandis sacris codicibus*. Utî reverâ ad calcem quorundam exemplarium Græcorum nomina Pamphili & Eusebii hoc modo descripta reperiuntur, Πάμφιλος & Ἐυσέβιος ἰδιορθώσαντο, *Pamphilus & Eusebius correxerunt*. Nimirum Origenis exemplaria, quæ Hexaplis inserta fuerant, à Pamphilo & Eusebio postea descripta fuere pro Ecclesiis Palæstinæ, undè codicum Palæstinarum, referente Hieronymo, nomen sumpserant ; sicuti quæ ab Hesychio castigata fuerant appellata sunt Constantinopolitana, & quæ Lucianus correxerat, Alexandrinorum.

drinorum nomen reportarunt. Et hæc etiã ætate nostrã in diversis codicibus apparet editionum diversitas, dùm alii Origenianos, sive Palæstinos, referunt; alii verò Alexandrinos. Nunc quæ fuerit Hexaplorum Origenis dispositio inquirendum, de quã viri eruditissimi inter se nõn consentiunt.

Isaacus Vossius Origenem in Hexaplis suis compingendis aliam instituisse viam ac vulgò existimant se aliquandò demonstraturum pollicetur, quare respondens Scriptori Nuperæ Criticæ, qui novam hanc viam ab illo quæsierat, contendit Tetrapla & Hexapla Origenis ita dicta nõn fuisse à quatuor aut sex columnellis, sed Tetrapla dicta esse quòd quadruplicem versionem; Hexapla verò quòd sex continerent versiones; errare de Octaplis Scriptorem Criticæ, dùm errantem sequitur Epiphanium, quia nulla unquam Octapla scripsit Origenes: codicem Hebraicum nõn venisse in censum versionum, quia priores columnas vocat Origenes τὰ Ἑβραϊκὸν Ἰσαακ, velut fundamentum omnium versionum. In Tetraplis, addit Vossius, sex erant columnellæ, in Pentateucho etiam septem, utpote cui Samariticus adderetur codex, literis Prototypis Hebræorum expressus, ut ab Eusebio & Africano appellatur. Quia tamen in solo id factum Pentateucho, idè Tetrapla sex tantum columnellas vulgò continere dicebantur, pari ratione atque in Hexaplis; quamvis in Psalmis septima quoque accederet versio, Hexaplorum tamen remansit appellatio, quia septima illa versio in aliis deficeret libris. Hactenus Vossius, qui nõn alios opinionis istius, quæ nova est illa via quam se demonstraturum pollicitus fuerat, auctores laudat quàm seipsum, &, ut maiorem illius dictis fidem adhibeamus, hæc demùm subijcit; *cum nulla supersint, aut saltem nulla Hexaplorum aut Tetraplorum hactenus reperta sint, exemplaria, velle de his nimium copiose contendere id demùm fuerit hominis nimium intemperanter otio suo abutentis.* Hæc ratione promissa solvit Vossius qui tam confidenter pollicitus fuerat, se novam & hactenus inauditam Hexaplorum Origenis dispositionem demonstraturum esse. Sed cum nulla illorum exemplaria unquam viderit, priscos Ecclesiæ Patres atque inprimis Epiphanium, qui illa tanquàm oculati testes describunt, consulere liceat.

Voss. de Sepr.
Interp. lib.
29.

Id. Resp. ad
Nup. Critic.

Immensum
Origenis opus
expenditur.

Narrantur
Vossii errores
circa Orige-
nis Tetrapla
& Hexapla.

Dionysius Petavius, vir è Societate Jesu doctissimus, & in Græcis Hebræisque libris non minus quam Vossius exercitatus, asserit neminem Epiphanio accuratius tradidisse quænam fuerint Origenis Tetrapla, Hexapla & Octapla; idemque Petavius miratur plerosque, qui sua ex Epiphanio hauserunt, in tam aperto ejus loco allucinatos fuisse, ac inprimis notat Marianum Victorinum Scholiis ad lib. ii. Apolog. adversus Ruffinum, ubi redarguit Erasimum ex Epiphania auctoritate, ut ait, sed malè. Singularum itaque editionum ordo ex Epiphanio hoc diagrammate proponitur.

T E T R A P L A.

<i>Aquila.</i>	<i>Symmachus.</i>	<i>Septuaginta.</i>	<i>Theodotio.</i>
----------------	-------------------	---------------------	-------------------

H E X A P L A.

<i>Hebraica literis Hebraicis.</i>	<i>Hebraica Græcis literis.</i>	<i>Aquila.</i>
------------------------------------	---------------------------------	----------------

<i>Symmachus.</i>	<i>Septuaginta.</i>	<i>Theodotio.</i>
-------------------	---------------------	-------------------

O C T A P L A.

<i>Hebraica literis Hebraicis.</i>	<i>Hebraica literis Græcis.</i>	<i>Aquila.</i>	<i>Symmachus.</i>
--	-------------------------------------	----------------	-------------------

<i>Septuaginta.</i>	<i>Theodotio.</i>	<i>Quinta Editio.</i>	<i>Sexta Editio.</i>
---------------------	-------------------	-----------------------	----------------------

Verum, inquit Vossius, Tetrapla & Hexapla non à quatuor & sex columnellis dicta sunt, sed à quadruplici versione, & quòd sex continerent versiones: quâ in re profectò gravissimè allucinatur vir doctus. Nun Tetraplorum, Hexaplorum & Octaplorum nomen derivatum fuit à numero editionum, & quælibet

Ruffin Inveſt.

libet editio columnellam unam, ſive paginam, pro antiquâ deſcribendorum voluminum conſuetudine occupabat, ut apertè evincunt verba illa Ruffini; *voluit Origenes noſtris oſtendere quatis apud Judeos Scripturarum lectio teneretur & in propriis paginis vel columnellis editiones earum ſingulas quaſque deſcripſit.* Eadem igitur omninò erat in Hexaplis Origenis columnellarum atque editionum ratio. Nulliusque prorsus momenti ſunt quæ ducit Voſſi uſex voce ἰδρυ, quo nomine inſignivit Origenes priores columnellas, nimirum τὸ ἰδρυ ἰδρυ velut fundamentum omnium verſionum. Quid quæſo aliud indè colligi poteſt quàm Origenem voluiſſe diſtinguere hoc nomine contextum Hebraicum à verſionibus quæ ex eo, tanquàm fundamento, deductæ fuerant. Quo ſimiliter modo Hieronymus eundem contextum veritatem Hebraicam appellat. Minuſne idè conſtat illum contextum in Hexaplis Hebraicis & Græcis literis deſcriptum duas columnellas occupâſſe, à quibus æquè ac à verſionibus, quarum quælibet ſuâ quoque columnellâ exarata erat, Hexaplorum nomen derivatum fuerit? Præterea ejuſdem Voſſii commentum eſt quod fingit de codice Samaritano prototypis literis Hebræorum expreſſo, qui Pentateucho additus fuerit. Illud enim priſcis Eccleſiæ Patribus, Epiphanio, Hieronymo, Ruffino; etiàm Eufebio & Africano, quos in ſuam ſententiam pertrahere conatur, prorsus fuit incognitum: neque unquàm pariter certiffimis rationibus demonſtrabit Voſſius quod tam confidentèr aſſeverat de codice Samaritano, qui penes Origenem fuerit, fruſtrâque ejus rei teſtes proferit Eufebium, Africanum, Syncellum, imò & ipſummet Origenem, quide hoc exemplari Samaritano prototypis, ut loquitur, literis exarato nè quidem per ſomnium unquàm cogitârunt. Habuère Samaritani Græcam Pentateuchi verſionem, quæ Patribus fuit probè cognita, & ex eâ ſumpſère Africanus, Eufebius & Syncellus codicis Samaritani ab Hebraico diverſas lectiones quas libris ſuis inſeruerunt. Linguae Hebraicæ operam dedit Origenes præunte ſibi Huillo Judæorum, non verò Samaritanorum, Patriarchâ: & idcirco non Hebræis Samaritanorum, ſed Judæorum, exemplaribus uſus fuit. Quo ſenſu intelligenda ſunt verba illa Eufebii; *tantam curam ac diligentiam in Divinarum librorum accuratâ inqueſtione adhibebat Origenes ut Hebraicam*

Eufeb. lib. 6.
Hiſtor.

Voss. in Resp.
ad Object.
Critic.

braicam etiam linguam didicerit, & prototypas, quæ apud Iudeos erant Hebraicis literis scriptas, sibi comparaverit. Sed Eusebii verba in alium planè sensum avertit Vossius, &, ut ea sententiæ suæ facilius accommodaret, lectionem jam vulgatam absque ope ullius codicis MS. in aliam mutare non dubitavit. Ità enim legit; *τὰς τῶν Ἰουδαίων ἐμπροσθεν πρωτοτύποις ἀποστόλῃς Ἑβραίων στοιχείοις γεγραπὸς κτῆμα ἰδίον ποιῶντας*, cum vulgo legatur *πρωτοτύποις* non verò *πρωτοτύποις*, & ità vertit; *ut Hebraicam etiam linguam didicerit, ac illas quoque sibi comparaverit Scripturas quæ prototypis Hebræorum literis exarata esse dicuntur.* Apud Eusebium, inquit Vossius, prototypi characteres non sunt alii quàm Samaritici, & manifestè sibi adversaretur Eusebius si de vulgaribus Judæorum intellexisset elementis, cum contrarium in suo scripserit Chronico. Miror sanè Vossii ingenium qui lectoribus suis in re tam apertà, quæque omnibus, qui linguam Græcam vix à limine salutaverint, est obvia. Teruntur omnium manibus libri Eusebii, cui non aliud propositum fuit loco jam citato ostendere, quàm studium indefessum Origenis laboremque ejus improbum in evolvendis Scripturæ sacræ libris & perscrutando illorum sensu, qui, ut id facilius obtineret, linguam Hebræam à Judæis Magistris didicit, eorum libros characteribus Hebraicis exaratos evolvit eosdèmq; cum Græcis LXX Senum, Aquilæ, Symmachi & aliorum versionibus contulit. Utrùm *πρωτοτύποις* an *πρωτοτύποις* legendum sit in præsentia non disputo, quia servatà etiam lectione Vossii manifestum erit non aliud intelligendum esse per prototypas literas quàm characteres Hebræos. Contextus scilicet Hebræus in Origenis Hexaplis descriptus erat literis Hebraicis & Græcis, ut jam observatum fuit. Quare Eusebius cogitans de exemplaribus Hebraicis quæ tunc à plerisque Hebraicè nescientibus legebantur, quia illorum characteres Græci erant, asserit Origenem sibi comparasse exemplar Hebræum characteribus etiam Hebræis exaratum: qui enim aliter fieri potuisset cum Judæos linguæ Hebræicæ Magistros habuerit, non Samaritanos? Non incognita quidèµ fuisse Eusebio, Origeni & aliis Patribus Pentateuchi Samaritani etiam diversis à Judaicis characteribus descripta exemplaria lubens agnosco; sed quia plerique illorum non callebant linguam Hebraicam, ubi de codice Samaritico loquuntur,

loquuntur, haud dubiè intelligunt versionem Græcam Pentateuchi Samaritani, quæ tunc vulgata erat. Neque Eusebii verba in Chronico ullatenus Vossio favent, ubi meminit Eusebius trium Scripturæ sacrae codicum à quibus sua hauserit; nimirum, *παρὰ τοῦ ἐκκλησιαστικοῦ, à LXX Interpretibus; παρὰ τοῦ ἱεροῦ Ἰουδαίου Ἐβραίων, ab Hebraico exemplari Iudeorum; παρὰ τοῦ παρὰ Σαμαρείταις Ἐβραίων, ab Hebraico exemplari Samaritanorum.* Ibi enim nomine exemplaris Hebraei Samaritici necesse est intelligi Græcam illius versionem, non secus ac nomine Hebraici Iudeorum exemplaris plerique Patres qui Hebraicè nesciebant Aquilæ versionem, quæ ex Hebræo ad verbum sumpta fuerat, intellexêre. Noverat igitur Eusebius Samaritanos non secus ac Iudeos Pentateuchi Hebraei exemplar penes se retinere; sed quia linguæ Hebrææ imperitus erat, Græcam illius versionem à Samaritanis cusam, quæque tunc ab iisdem legebatur, consuluit. Sic ut antea Justinus Martyr, disputans contra Tryphonem Iudeum, Græcam Aquilæ interpretationem donat nomine contextus Hebraei; quia Iudæi plerique illius temporis eâ utebantur: sed ad hæc & alia ejusdem rationis benè multa animum non advertit Vossius. Nunc tempus est ut ad id undè diverti redeam.

In Origenis Hexaplis, ut ex allato suprà diagrammate cognoscere est, primum locum obtinebat contextus Hebræus literis Hebraicis descriptus, secundum idem contextus Græcis characteribus exaratus; quia scilicet ex illo, tanquam ex primâ origine, versiones omnes Scripturæ derivatæ fuerant: deinde sequebatur interpretatio Aquilæ qui Hebraica ad amissum & longè melius quàm ceteri Interpretes referebat: Septuaginta verò medium locum, non verò primum, ut quibusdam visum est, occupaverunt, tanquam ceterarum omnium regula ad quam illæ expendi deberent. Symmachi præterea & Theodotionis translationes illam proximè & ex utrâque parte comitabantur, quòd ei haud dissimiles essent, eadèmq; in his tribus observaretur interpretandi methodus.

Jàm quia ingens illud volumen tot editiones repræsentans quasi sub unâ lineâ carè constabat, & à paucis poterat comparari, ita ut conquestus fuerit Hieronymus chartas Alexandrinæ marsupium suum evacuasse, cogitavit Origenes, vir acutissimi ingenii & scientiæ inexhaustæ, de ratione aliquâ quâ omnes hæc

Dispositio
Hexaplorum.

Hexapla in
compendium
reducta.

Epiphan. de
pond. & mens.

ce editiones veluti sub unam repræsentaret. Et quia non alia tunc temporis in omnibus Ecclesiis Scriptura recipiebatur quam LXX Interpretum translatio, hanc seorsim edidit cum notis quibusdam, quorum beneficio aliæ omnes exhibebantur. Itaque quæ in contextu Hebræo deesse videbantur, supplevit ex Theodotionis versione, notam additam, quæ à Grammaticis vocatur *asteriscus*; quia scilicet illa verba contextus nimis curta ac velut abbreviata illustrabat: siquid verò in contextu Hebræo abundare videretur atque esse supervacaneum, locis illis luxuriantibus aliam notam adjecit à Criticis dictam *obelus*, sive *veru*; quasi jugulandum illud esset quod in Græcâ LXX editione veluti luxuriabat. Ad id imprimis attenderat Origenes in operis illius œconomia, teste Epiphanio, ut Judæi facilius à Christianis inter disputandum revincerentur: quippe illi passim objiciebant aliter esse in exemplari Hebræo quam in Græcâ LXX versione. Idem quoque testantur Hieronymus & Rufinus, etsi Hieronymus interdum ejusmodi notarum usum paulò aliter exponat. Alias etiã notas, putà lemniscos, huic operi adjecerat Origenes, de quorum usu inter se non consentiunt aetatis nostræ Critici, &c, quod à paucis adhuc explicatum est, illa editio Græca LXX cum omnibus hisce notis, tam illustrantibus quam jugulantibus etiã in Hexaplis Origenis, unâ cum Aquilæ, Symmachi & ceterorum Interpretum translationibus reperiebatur, uti probare videntur verba illa Rufini; *voluit Origenes nostris ostendere, qualis apud Judeos Scripturarum lectio teneretur, & in propriis paginis, sive columnellis, editiones eorum singulas quasque descripsit, & ea quæ apud illos sunt addita, vel decrepta, certis quibusque signis additis ad versiculorum capita designavit, & in alieno non suo opere suas tantummodo notas fixit, ut sciremus non quid nobis sed quid Judeis adversum nos certantibus aut deesse aut abundare videretur.*

Idem præterea Origenes ingens illud Hexaplorum opus Scholiis diversi generis, quæ ad oram codicis retulerat, illustravit; ut editioni illi LXX Interpretum, quæ media inter alias omnes apparebat, lucis aliquid afferret. Primò enim quid esset discriminis inter antiquam, seu vulgatam, LXX Interpretum editionem & novam editionem suam beneficio notæ illius, id est LXX, statim deprehendi poterat. Illa quippe nota ò communem lectionem exhibebat. Deindè in iisdem Scholiis Aquilæ,

quæ, Symmachi ac Theodotionis diversæ interpretationes, quæque per suam literam designabantur. Ità litera A' denotabat Aquilam, Σ'. Symmachum & Θ. Theodotionem; Quinta quoque editio per E'. & Sexta per Σ'. notabantur. Notas etià ad oram sui codicis retulerat Origenes exponendis ad litteram, ut vocant, Scripturæ sacræ verbis, quæ Origenis notæ inter ejus opera sub nomine Scholiorum indicantur. Si etià Isaacum Vossium audiamus, non improbabile est Origenem variantes codicis Samaritici lectiones in Hexaplis suis annotasse. *Siquis malit, inquit, credere Origenem non integrum codicem Samariticum Hexaplis & Tetraplis suis inseruisse, sed tantum variantes annotasse lectiones, non multum adversabor.* Ità minus constans Vossius in sententiâ suâ, modò ait, modò negat; & cum antea tam confidenter asseverasset exemplar Pentateuchi Samaritani in Hexaplis etià literis Samariticis descriptum existisse, nunc dubitans nihil in re parùm sibi compertâ audet pronunciare. Verùm uti nullatenus probabile est exemplar Samariticum, quod idem prorsus erat atque Judaicum in Hexaplis existisse; ità verisimile est diversas exemplaris Samaritici à Judaico lectiones Origenem inter Scholia sua retulisse, quas non ex codice Samaritano prototypis illis literis descripto, uti commentus est Vossius, sed ex Græcâ Pentateuchi Samaritani versione à Samaritanis ipsis accuratâ.

Hæc est Origenis Hexaplorum œconomia ac dispositio, quam viri etià eruditissimi comprehendere minimè potuerunt, dum non assequuntur quomodò in uno eodémque opere Græcæ Aquilæ, Symmachi ac Theodotionis interpretationes bis repertæ fuerint; nimirum integræ in operis contextu & ex parte in Scholiis quæ erant ad marginem. Sed Origenes, qui omnibus prodesse voluit, immensum illud opus Hexaplorum, beneficio notarum & Scholiorum, in compendium redegit, ut illi qui Hexapla integra non possent comparare, saltèm illorum summam etià ex ipsismet Hexaplis describerent. Et eadem arte *κοινὴν* illam, seu communem, LXX editionem simul cum novâ suâ editione quam integram, quia castigationem illam arbitratus est, Hexaplis inseruit, in uno eodémque opere repræsentavit, adjectis scilicet ad oram codicis *κοινῆς* illius, seu vulgatæ, diversis lectionibus sub notâ *δ*. Quapropter in eo gra-

Voss. Resp.
ad Critic.

Dispositio
Hexaplorum
iterum illu-
stratur.

vitèr allucinantur nonnulli, dùm, istâ Hexaplorum dispositione non intellectâ, contendunt in illis duplicem LXX Interpretum editionem, tam vulgatam scilicèt quam puram illam, cujus ità frequentèr meminerunt Origenes & Hieronymus, sub duplici columnellâ fuisse collocatam, & hâc ratione Hexapla non à diversis columnellis, sed à versionibus nomen suum ducere. Sed hæc apertè falsa sunt, nec aliundè proficiscuntur quàm ex ignoratione dispositionis Hexaplorum, ad quorum marginem vetus LXX Senum lectio relata fuerat : & hoc modo utraque LXX Interpretum editio in Hexaplis apparebat. Jàm quia pauci immensa illa Hexaplorum volumina, quæ Hieronymi marsupium evacuârunt, integra poterant comparare, plerique editionem illam LXX ab Origene interpolatam cum asteriscis & obelis aliisque notis ex ipsismet Hexaplis desumpserunt ; undè postea nata est maxima in Græcis exemplaribus confusio, & ex eo tempore non ampliùs antiqua illa LXX interpretatio plerisque in Ecclesiis lecta est, sed Origeniana & interpolata, quæ etiàm, aut saltèm similis, ad Ecclesiam Occidentalem operâ B. Hieronymi postea pervenit.

CAP. XIX.

De antiquis Ecclesiae Latinae versionibus.

PLeraque lites, quæ in Ecclesiâ ab aliquot annis natæ sunt de rebus Biblicis, ex Criticorum quorundam ac Grammaticorum officinâ prodiere, qui in Scholis innutriti nihil non vocant in controversiam, atque ingenium suum Ecclesiæ auctoritati præferre audent, &, quasi ars eorum Critica cum illius decretis stare minimè posset, statim ea impugnant: sed haud dubiè immeritò, quandoquidè Ecclesia Criticas animadversiones, quæ quotidie fiunt in Scripturam à viris pietate & eruditione conspicuis, non improbat: neque, si quis exactius in contextûs Biblici rationem inquirat, ea labores illius respuit; modò de vetustis editionibus non detrahat. Liceat itaque Theologis Protestantibus exemplo Patrum ad fontes Hebraicos recurrere, novas etiâ ad has versiones cudere, modò ab iisdem Patribus discant, *Scripturam sacram Ecclesia Catholica possessionem esse propriam*, & de Ecclesiâ ejusque libris id sentiant quod unus ex illorum sectâ scripsit his verbis adversus eos qui versiones antiquas & longo Ecclesiarum usu conservatas negligunt; *sua sit alma matri Ecclesia facta testa auctoritas, suus sit sanctis Patribus salus bonos, quorum veneranda canitiei, si qui non assurrexerint, vel placitis contraverint, nec filiorum incensum illis, nec fratrum nobis venient. Timet Scriptor ille è Protestantium turbâ nè fratres sui Novatores audiant rectius quàm Reformati, qui pessimâ omnium reformandi ratione destruunt ut adstruant. Optârim itaque ut nobiscum in gratiam redeant Protestantes, cum, si præsens materia de antiquis Interpretibus diligentius consideretur, nomine potius quàm reipsâ à Theologis Ecclesiæ Romanæ diffideant, nuncque eorum plerique longè æquiores se præbeant quàm Schismatis initio, maxime ex quo doctissimi Cappelli Critica Sacra illos ad veram sententiam.*

Auctor præ-
far. in lib. 1)
Boys. pro de-
sens. Vulg.

tiam de contextûs Hebraici, qui hodiè omnium manibus teritur, inconstantia revocavit: quippe temeraria Grammaticorum quorundam assertione deceptos se fuisse deprehenderunt, qui ex hodiernis Grammaticæ Hebrææ præceptionibus de antiquis illis Interpretibus judicabant.

Antiqua Ecclesiæ Occidentis is translatio.

In universâ itaque Ecclesiâ Latinâ ab Apostolorum ferè temporibus usque ad Hieronymi ætatem Scripturæ Sacræ interpretatio obtinuit, quæ ab aliis Itala, forsân quia in Italiâ primum nata fuerat, aut inde ad ceteras gentes, quibus Latinus sermo erat vernaculus, transierat, ab aliis verò vetus, ob illius antiquitatem, appellabatur. Vulgaræ quoque & Communis nomen apud plerôsq; sortita fuerat, ut a ceteris versionibus, quæ vix numerari poterant, hoc nomine distingueretur. Quis fuerit vetustæ illius translationis auctor ignoratur. Constat tamèn hanc ex Græcâ LXX Senum interpretatione desumptam fuisse, cum nemo usque ad Hieronymum novam ad Hebræos codices versionem cudere ausus fuerit. Illam quidèm Flaminius Nobilius majori quàm potuit diligentia restitutam Romæ edi curavit, eamque iterùm editam Parisiis unâ cum Græco exemplari Vaticano publici juris fecit Joannes Morinus: sed hanc puram putam esse Ecclesiæ Latinæ versionem, quæ ante Hieronymum sola in Occidente legebatur, nemo rei Criticæ peritus affirmaverit. Fieri siquidèm non poterat ut Nobilius illam modis omnibus absolutam & perfectam ex Patrum operibus hauriret, qui eam non exactè sequuti fuerant, & siqui eorum Græcè docti fuerunt, versionem novam ad Græcum sermonem LXX Interpretum condere non ipsis fuit religio. His omnibus accedit Hieronymum antiquam illam versionem quam in locis quibusdam minùs accuratam deprehenderat & pro regionum & exemplarium diversitate parùm constantem, refecisse. Usus est in illâ reformandâ exemplari Græco quod Hexaplis suis inseruerat Origenes, quodque minùs ab Hebræis codicibus aberat. Sed ex iis, quæ etiàm hodiè supersunt venerandæ illius interpretationis Fragmentis facîle cognoscetur plures adhuc mendas in eâ reliquisse Hieronymum, qui singulis in re tam operosâ attentus esse non potuit.

Origenis laborem imitatus est B. Hieronymus.

Idem Hieronymus nè linguæ suæ hominibus, ut loquitur, id est Latinis minùs utilem quàm Græcis Origenes se ostenderet,

deret, hujus exemplo antiquam illam versionem castigatam unâ cum additionibus ex Hebræo contextu sub asterisci notâ, adjecto quoque obelo, qui indicaret quod erat veluti supervacaneum, publicavit. De hoc opere ita loquitur ipsemet Hieronymus B. Augustino rescribens; *illa interpretatio LXX Interpretum est, & ubicunque virgula, id est obeli sunt, significatur quod LXX plus dixerint quam habetur in Hebræo. Ubi autem asterisci, id est stellulae praeucentes, ex Theodotionis editione ab Origene additum est; & ibi Græca transfûimus, hic de ipso Hebræico quod intelligebamus expressimus, sensum potius veritatem quam verborum ordinem interdum conservantes.* Hæc nova Hieronymi ex Græcis exemplaribus translatio à plerisque Ecclesiis maximo cum gaudio excepta, quod exponendis Scripturis apprimè esset utilis; quidque discrimini esset inter Ecclesiæ & Synagogæ codices præmonstraret. Quantum verò ob id in doctissimum illum virum & de Ecclesiâ benè meritum debacchatus fuerit Rufinus, vix dici potest. *Quis, inquit Rufinus, alius auderet ab Apostolis tradita Ecclesiæ instrumenta temerare nisi Judaicus spiritus?* De illâ enim versione Rufinus non loquitur quam postea Hieronymus ad codices Hebræos cudit, sed de eâ quam ad Græcam LXX Interpretum translationem, adjectis nonnullis sub asterisci signo, & adhibitâ virgulâ, quid ab hac rescandum esset designante, lecerat. Multa alia addit idem Rufinus, quibus similiter damnat aliam Hieronymi versionem, de quâ infra agetur: & dum exemplo Origenis, quem in suo opere imitatum se fuisse contendit, se tuetur Hieronymus, iterum objicit ei Rufinus neminem Catholicum hætenus ausum fuisse quidpiam Scripturæ sacræ ex Hebræo Latinum facere, sinulque ostendit Origenianum opus ab Hieronymiano longè diversum esse, quandoquidè nihil prorsus immutationis Origenes, ut testatur Rufinus, in versionem antiquam & ab omnibus Ecclesiis receptam invexerat: sed Rufino & aliis obrectatoribus egregiè respondit Hieronymus.

De aliâ, quam doctissimus ille Pater jam senior factus ad Hebræicam, uti loquitur, veritatem condidit, translatione longè major est difficultas. Ob hanc enim etiâ apud amicos suos tanquam Novator malè audiit, ita ut nec ipse Augustinus ferre potuerit ut Græca interpretatio, quâ ulos fuisse Apostolos manifestum erat, diffamaretur; quasi ab illius auctoribus in multis

Hieron. in
Epist. ad August.

Rufin. invec.

Hieronymi
translatio ex
veritate Hebræicâ.

August. Epist.
ad Hieron.

tis erratum fuisset. *Perdiderim erit*, ait Augustinus scribens Hieronymo si tua interpretatio per multas Ecclesias frequentius cœperis lætitari, quod à Græcis Ecclesiis Latina Ecclesia dissonabunt. Rémque mox exemplo confirmat his verbis; quidam frater noster Episcopus cum lætitari insitisset in Ecclesiâ, cui præest, interpretationem tuam, movit quiddam longè aliter abs te positum apud Ionam Prophetam quàm erat omnium sensibus memoriaque inveteratum & tot ætatum successionibus decantatum, factus est tantus tumultus in plebe, maxime Græcis arguentibus & inclamantibus calumniam falsitatis, ut cogeretur Episcopus, ea quippe civitas erat, Judeorum testimonia flagitare. Ob hanc versionem omnium maledicta in se convertit Hieronymus, quâ de re passim & usque ad nauseam in libris suis conqueritur, nec tam librum quam apologiam ubique scribit. Quid faciam, inquit, calumniatoribus meis, qui, si aliquid de Septuaginta Interpretum translatione subtraxero, me sacrilegum & absque timore Domini vociferantur, maxime qui cum in fidei veritate discordent & Manicheorum sequantur errores, in eo imperitorum animos commovent, si de veteri quippiam monstrare potuerint mutatum consuetudine, libenter errare cupientes quàm aliquid ab æmulo verum discere. Et post nonnulla hæc iterum addit adversus Rufinum & illius imitatores, qui translationi suæ obrectantes illi quasi Hæretico & Apostatæ detrahebant. Latini nostri imò invidi Christiani, & ut apertius dicam, Grunniana factionis heredes adversum nos latrant cùm juxta Hebræum disseramus. — Si nobis non habent fidem, legant alias editiones Aquilæ, Symmachi & Theodotionis: interrogent Hebræos non unius loci, sed diversarum provinciarum, & cum errori meo vel imperitiâ cunctos viderint consonare, tunc se intelligant nimium esse pruden-tes, & magis cupere dormire quàm discere, habitentque in Septuaginta cellulis Alexandrini Phari. Demùm neque etiâ parcit supercilio Episcoporum, ut verbis illius utar, qui, quosunque in Ecclesiâ viderint præpotentes, & Dei habere sermonem, opprimere nituntur. Sed frustra his diutius detineor cùm libri apologiæ quos scripsit adversus Rufinum sint omnibus obvii. In his autem novæ suæ versionis rationem strenuè defendit, atque ostendit quantum sub Judæis magistris profecerit in studio Scripturarum, & quantum etiâ sub iisdem Doctoribus profuerit Origenes, Clemens Alexandrinus, Eusebius & alii complures, qui dùm de Scrip-

Hieron. Com-
ment in cap.
32. Ezech.

Id. ibid. cap.
33.

Scrip-

Scripturâ disputant & volunt approbare quod dicunt, sententiae suae testes & approbatores producunt Hebræos. Et quia Rufinus Hieronymo objecerat illum non Apostolico in condenda sua translatione, sed Judaico spiritu, animatum fuisse; ille respondet, *nisi prolixum esset & redoleret gloriam, jam nunc tibi ostenderem quid utilitatis habeat magistrorum limina terere & artem ab artificibus discere.* Scripsit etiam Hieronymus epistolam Pammachio, quae inscribitur, *De optimo genere interpretandi*, in qua Palladii cujusdam calumnias refellit, qui ex suasione Rufini ejus interpretationem calumniatus fuerat. Pluribus exemplis demonstrat officium veri interpretis non esse Scriptores quos in alienum sermonem transfert, ad verbum exprimere, cum LXX Interpretes, neque etiam Evangelistae hanc interpretandi rationem sequuti sint. *Aquila, inquit, Prosephus & contentiosus Interpretes, qui non solum verba, sed & etymologias verborum transferre conatus est, jure projicitur à nobis.* De LXX etiam Interpretibus in eadem epistolâ ita loquitur; *longum est nunc evolvere, quanta Septuaginta de suo addiderint, quanta dimiserint, quae in exemplaribus Ecclesiae obelis asterisque distincta sunt.* Haec & alia ejusdem naturae plurima in hanc epistolam conjicit, ut suam interpretandi rationem, quae nonnullis paulò liberior visa fuerat, ab adversariorum calumniis vindicaret, & ut obrectatores sui intelligerent non verba in Scripturis consideranda, sed sensus. *Audiant, inquit, & à me non periclitari Ecclesiarum statum si celebritate dictandi verba aliqua dimiserim.*

Hieron. de
opt. gea. in-
terp.

Lubens igitur agnoscit Hieronymus se in cudenda novâ contextus sacri translatione Judæos potissimum tanquam duces ac magistros consuluisse: neque diffitetur sibi multa, tanquam homini, excidere potuisse; adeo ab eorum mente erat alienus qui illum asserunt in hoc opere condendo Prophetico spiritu afflatus fuisse, quos egregie refellit Mariana; *quid juvat, inquit, doctissimus ille Jesuita, post tot saecula novo commento novos Prophetas comminisci? Eumne Prophetam appellabimus qui versio- nis suae duces modò Græcos Interpretes, modò Judæos ætatis suae à quibus sapius dependet, sequitur.* An ille Prophetæ est qui haud infrequentèr, maximè Commentariis suis in libros Prophetarum, de germano dictionum Hebraicarum significatu dubitat? Novi quidèrn Pagninum aliòsque Scriptores, maximè

maximè è Protestantium secta, negare versionem illam, quæ indè jam à pluribus sæculis in Ecclesiâ occidentali legitur, esse Hieronymi; sed, si paucos editionis istius libros excipias, quos constat non fuisse ab Hieronymo translatos, quales in eâ exstant, nemo paulò cordatior unquam inficias ierit hanc interpretationem quæ sub Vulgatæ nomine circumfertur verè ab Hieronymo conditam fuisse, etsi ex antiquâ versione Latinâ, quæ ante Hieronymi tempora in eadem Ecclesiâ sola obtinebat auctoritatem, nonnihil in eâ remanserit; ita ut in locis quibusdam, quæ tamèn paucissima sunt, hujus antiquæ versionis lectionem exhibeat, vel ex utrâque sit mixta. Manifestum est interpretationem illam ex Hebræis fontibus ab homine Latino desumptam fuisse. Jam quis in universâ Ecclesiâ Latinâ præter Hieronymum utriusque linguæ, Hebræicæ scilicet ac Latinæ, tunc temporis peritus fuit? Sed qui plura de his rescire voluerit, consulat libros quos Augustinus Eugubinus & Joannes Mariana de hoc argumento conscripserunt.

Ut perfectius adhuc editionis illius Vulgatæ natura cognoscatur, observandum est Hieronymum, etsi verba contextûs sui ad verbum se non expressisse, & more Grammaticorum, palam asserat, interdum tamen verbis ipsis longè pressius quàm LXX & alii Interpretes adhæret, adeoque sibi in vertendo non est semper similis. Iterum animadvertendum est, non ex Hieronymi translatione toties hodiernam contextûs Hebræici lectionem castigandam esse, quoties cum illâ non consentit; quia etsi veritatem Hebræicam sequutum se esse profiteatur, aliquandò tamen illâ relicta præfert Græcos Interpretes. Neque pariter Hebræum magistrorum suorum exemplar quod hæud infrequentur LXX Senioribus opponit, quasi illi in suis codicibus malè legerint, in omnibus anteponendum esse existimaverim: quandoquidem nec ipse Hieronymus habuit exemplar contextûs Hebræi *אבות* *אבות*. Denique nec de ejusdem Hieronymi versione ex nuperis translationibus quæ ab eâ sapissimè variant judicandum, sed recurrere necesse est ad alias Grammaticæ regulas quàm illas quæ à nuperis Magistris invecitæ sunt, uti jam fusè demonstratum fuit, idemque variis exemplis confirmare non esset difficile. Sed unum tantum proferam quod minùs peritis negotiû aliquid posset facessere.

Legimus in editione Vulgatâ capite ix. Zachariæ, versu xi. hæc verba; *tu quoque in sanguine Testamenti tui emisisti vinctos tuos de lacu*: at juxta codices Hebræos verti debet, *emisi vinctos tuos*, & Pronomina *tu*, *tui*, *tuos*, sunt foeminini generis, adeoque sensum faciunt longè diversum ab Hieronymiano, qui etiâ est LXX Interpretum. Permulti, ut hoc loco Vulgatam editionem assererent, Judæorum codices, quasi ab his deditâ operâ corrupti fuissent, rejecerunt. Sed longè satius est dicere Pronomen istud in foeminino sumi interdum pro eodem in genere masculino; id etiâ agnoscentibus Masorethis ipsis Tiberiensibus qui puncta vocalia contextui hodierno adjecere. Itâ annotârunt in tribus Scripturæ locis, quæ indicant, hoc contigisse. Quare si illud aliquando in aliis etiâ locis occurrat quæ Tiberienles præterierint, statim non accusandi erunt vetusti Interpretes quod cum recentioribus non consentiant. Eâdem ratione vindicari poterit Hieronymus qui interpretatus est *emisisti*, cum juxta codicem Hebræum interpretari debuisset *emisi*. Hæc enim translationis diversitas orta solum est ex literâ *iod* quæ sæpè in Masorâ notatur tanquàm redundans ac supervacanea. Masorethæ ipsi numerant in Masorâ quam vulgò magnam appellant hujuscemodi xlii. in quibus *iod*, ut ipsi loquuntur, id est, litera *iod* redundat. Sic capite xxxii. Hieremiæ, versu xxxiii. ubi legimus *docuisti* in secundâ personâ, verbum Hebræum exprimitur cum *iod* in fine, quasi exponi debeat in primâ personâ; sed in Masorâ quam vocant parvam annotatur legendum esse absque *iod* & in secundâ personâ, ut etiâ legit Hieronymus. Sed hæc prætereo & alia ejusdem rationis plurima quibus ostendi posset immeritò Latinum Interpretem sæpè ab iis reprehendi qui eum non intelligunt, quique omnia ex artis suæ præceptionibus dimetiuntur.

C A P. XX.

*De auctoritate antiquarum Ecclesiae Latinae versionum,
atque imprimis illius quæ hodiè Vulgata appellatur.
Quo sensu hæc dicatur authentica.*

Antiquarum
Ecclesiae ver-
sionum aucto-
ritas.

Licet illud à naturâ videatur hominibus insitum, ut in suis disputationibus sint opiniosissimi & falsa atque etiã iniqua interdum pro veris assumere non reformident, tamen id potissimum in præsentî argumento occurrit, ubi Scriptores pro aris inter se decertant. Ita Judæi Doctores non aliundè commoti fuisse videntur ut codices suos etiã à levissimis mendis vellent expurgatos, nisi quia Judæi sunt, nec aliam in Synagogis Scripturam legunt quàm contextum Hebræum. Similiter Græci Latinique Patres priscis Ecclesiæ temporibus Græcam LXX Interpretum versionem quàm Divinam amplexati Hebræis exemplaribus anteposuerunt, quia illi Græcarum disciplinarum artibus imbui, hi verò Italiam, seu Vulgatam, Bibliorum editionem, quæ in usum Ecclesiæ Latinæ cesserat, ex Græcâ LXX Seniorum hausèrant. Similiter in hoc laudanda est Synodi Tridentinæ Patrum sapientia, qui versionem illam quæ dudum publico Ecclesiarum usu recepta versabatur in omnium manibus, suis suffragiis approbatam authenticam declaraverint; id est, quæ sola apud Latinos auctoritatem obtineret. Similiter vetus illa Latina, quæ in Ecclesiâ Occidentali per multa sæcula ante Hieronymi translationem lecta est, non minus authenticæ editionis nomen merita est, quàm hodierna Vulgata. Id tantum inter hanc & illam discriminis est, quod illa publico Concilii generalis decreto declarata non fuerit authentica. Erat itaque Vualtonus qui negat veterem hanc editionem Vulgatam fuisse authenticam, tum quia, inquit, ex Græcâ facta sit quam

Vualt. Pro-
leg. 10, de
Vulg.

quam authenticam non fuisse jam ostendimus, nec potest rivulus auctoritatis plus habere quam erat in suo fonte, nec potest ulla versio dici authentica nisi Interpret eodem spiritu verterit, quo primus auctor scripsit. Quod de hac versione nemo affirmavit, nec illam Ecclesia Romana rejecisset & aliam novam accepisset si authenticam judicasset. Verum non intellexit Vualtonus quid nomine authentici in Synodi Tridentinæ decreto designetur, dum confundit authenticum cum Divino & Prophetico in eo de quo agitur argumento. Quare necesse est ut illud expendamus quod Tridentini Patres nomine illo intelligi voluerunt.

Noratur
Vualtonus.

Vulgò apud Jurisconsultos nomen authentici idem sonat atque *αὐτόγραφον* quod Gallicè appellamus *Originale*, & hoc sensu Testamenti exemplum distinguitur ab authentico, & tabulæ authenticæ dicuntur quæ primariæ sunt & ex quibus tanquàm ex origine exemplaria descripta sunt. Hoc modo nè contextus quidem Hebraus dici poterit authenticus, quia dudum perière autographa codicis Hebraei, nec supersunt nisi apographa: alià igitur ratione ab iisdem Jurisconsultis nomen authentici sumitur, quo pacto etiàm versio in eorum libris nomen præfert authenticæ: ità Novellarum Justiniani Latina interpretatio vocata est authentica, quia ex Græco fonte ad verbum reddita fuerat, sicque ab alià versione distincta est, cujus auctor fertur Julianus Patricius, quæ est duntaxat Latina Constitutionum illarum Epitome. Prius exemplum authenticum appellatum fuit, quasi dixeris verum nec ullatenus detruncatum, ut observavit Antonius Contius. In hac nominis authentici usurpatione nihil est quod Protestantibus queat esse offenculo. Si vocis autem illius notionem à Jurisconsultis, etiam apud ipsos nata sit, petere non limus, idem vocabulum pluriès repetitum occurrit in actis Synodi Quintæ Generalis: ubi enim relecti fuissent codices quos Macarius Patriarcha Antiochenus aliique Episcopi. Monothelitæ Concilii Patribus obtulerant, statim Legati Sedis Apostolicæ responderunt, à Macario ejusque sociis detruncata fuisse Patrum testimonia. Postulant proferri codices authenticos ex venerabili Patriarcheio civitatis Regiæ, seu Constantinopolis, & conferri cum codicibus à Macario aliisque Episcopis & Sectâ Monothelitarum productis. Ibi authenticum idem planè est atque illud quod non est adulteratum, aut suspectæ fidei. Neque alio sensu,

Quid nomen
authenticum
significet.

Contr. Præf.
in lib. Novell.

Synod. 5. Ge-
ner. Constant.
act. 6.

sensu Episcopi Tridentini Latinam versionem, quæ tunc sola in omnibus Ecclesiis Occidentis legebatur, authenticam declaraverunt; nec in aliam trahi posse videntur explicationem Constitutionis illorum verba, si paulò attentius considerentur. Agebatur nimirum de sèligendâ unâ ex multis, quæ tunc circumferebantur, sacri contextûs versionibus, & quia pleræque auctores habebant homines fidei suspectæ, prudentissimè visum est illis Episcopis, ut ea sola quæ antiqua erat & longè antè exorta schismata in Ecclesiis retineretur. *Sacrosancta Synodus considerans non parùm utilitatis accedere posse Ecclesie Dei, si ex omnibus Latinis editionibus quæ circumferuntur sacrorum librorum, quamam pro authenticâ habenda sit innotescat, statuit & declarat ut hac ipsa vetus & Vulgata editio, quæ longo tot seculorum usu probata est in publicis lectionibus, disputationibus, prædicationibus & expositionibus pro authenticâ habeatur, & ut nemo eam rejicere quovis prætextu audeat.* De contextûs Hebræi auctoritate cum veteri Interprete Latino conferendâ nè per somnium quidè m cogitârunt Tridentini Antistites, sed ex pluribus, quæ tunc vulgatæ fuerant, Latinis versionibus antiquam ceteris præponendam esse prudentissimè decreverunt. Quâ in re firmum constansque apparet Ecclesiæ judicium; quia sicut olim Aquilæ, Symmachi ac Theodotionis translationes subdolas esse persensit; ita nunc antiquam unam ceteris posthabitis quæ ex innovandi studio conditæ videbantur, amplexata fuit.

Nòn aliâ ratione authentici nomen, quo usi sunt in hoc negotio Patres Tridentini, exposuère plurimi Theologi, quorum etiàm nonnulli Concilio interfuerunt. Sed quia id quod jam ab aliis actum est agere nòn est animus, illorum testimonia silentio prætereo. His solum adjiciam unius Genebrardi, Vulgatæ editionis defensoris acerrimi, verba ex epistolâ quam eâ de re scripsit Ariæ Montano. *Tantum comparat, inquit Genebrardus loquens de Concilio Tridentino, Vulgatam cum ceteris ejusdem generis propter recentiorum Hereticorum & aliorum novatorum temeritatem, qui novas subinde versiones expetunt, veteres fastidiunt, proque innatâ novarum cupiditate antiqua novis posthabent.* Qui etiàm inter Heterodoxos eruditionis aliquid habent simul ac modestiæ veterem Interpretem Latinum venerantur, interdùmque ab eo discedere ipsis est religio. Undè Paulus Fagius, vir Hebraicè & Chaldaicè doctus, sciolos eos vocat qui *Vulgatam editionem teme-*

Genebr. Epist.
ad Ar. Mont.

Pauli Fagii &
J. Drosii de
Vulgatâ editi-
one judicium.

re natam stultie & impudenter autumant. Laudat quoque eruditissimus Drusius sapiens in hac parte Concilii Tridentini consilium, prudentiamque illius demiratur. Alios ex Protestantium secta prætermitto, quorum amplam seriem de Synodi Tridentinae decreto recte sentientium, contexere non esset arduum. Quare ii solum de Constitutione Tridentina quæ vetus editio declaratur authentica perversè sentiunt, qui Rabbinorum libris penitus addicti, de Bibliis Judaicis & de arte suâ actum putant, nisi de antiquâ illâ interpretatione detrahant. Hebraizantium princeps Buxtorfius, cujus iracundiam Critica sacra Ludovici Cappelli excitaverat, hunc paulò durius quasi Latini Interpretis patrocinium suscepisset his verbis reprehendit; *hoc observet lector, nullum unquam majorem patronum fuisse Vulgatæ versionis, & qui fortius argumentum suppeditaverit ad ejus authenticam adstruendam, quàm malè sanus ille Criticus.* Ille tamen est Cappellus cui doctissimus Hugo Grotius, alique saniores Protestantium Critici adhæserunt. In hoc quoque laude digni sunt Angli Protestantes, atque inprimis Clarissimus Vualtonus, qui in Prolegomenis quæ in Polyglottis illorum præmissa sunt, relicta Buxtorfiorum sententiâ, Ludovicum Cappellum fermè ubique sequuntur: nec parvi faciunt Latinum Interpretem, etsi vim nominis *authenticum* probè intellexisse non videantur. Longè absunt à quorundam Protestantium malè sanis opinionibus qui in Concilii Tridentini Episcopos nihil non virulenti evomunt. Ità Fullerus auctor est, *per superbissimam Romani Pontificis Tyrannidem factum ut exclusis & eliminatis translationibus ceteris etiâ ipso veritatis Hebraica prototypo, versio Latina Vulgatæ Divinum quendam principatum obtineat.* Neque etiâ Isaac Casaubonus, vir alioqui eruditus, Tridentinis Præfultibus pepercit, qui affirmet veritatem Hebraicam, jus suum & auctoritatem amisisse, postquam Tridenti factæ sunt authenticæ Græca & Latina versiones. Sed immeritò de Tridentinâ sanctione conqueruntur Protestantes si benignè, ut par est, nomen illud *authenticum* interpretari velint, nec ab illis Theologis discedere qui primas tenent in Ecclesiâ Romanâ. Ecclesiarum tranquillitati decreto suo consuluerunt Tridentini Patres, & illis tantum voluerunt occurrere qui ex innovandi pruritu perverfis suis dogmatibus non parum auctoritatis accessurum putabant, si versioni Ecclesiasticæ, quæ tunc in omnium manibus versabatur, detraherent.

Lud. Cappel.

Buxt. in Anti-
crit. par. 2.Fullerus in
Miscell.Casaub. ad
Annal. Ezeron.

Non

Imprudens
Theologorum
quorundam
Hispanorum
zelus.

Joân. Mar.
pro defenf.
Vulg.

Petrus Lop.
lib. 2. Conc.
Ed. Madrit.

Leo Allat. ani-
mad. in antiq.
Xtrusc.

Diversa de
Latino Inter-
prete etiã
Romæ judi-
cia.

Nòn minùs etiã gravitèr in hoc negotio à Theologis quibusdã Orthodoxis peccatum fuisse videtur, qui Vulgatam editionem ab omni etiã errore immunem esse contendunt, cui sententiã plerosque Hispaniã Theologos aetate suã patrocinatos fuisse testatur Joãnes Mariana; itã ut contrarium sentire vix ausi fuerint viri docti. Itã enim opus suum pro defensione Vulgatæ orditur; *opus molestum suscipimus multaque difficultate impeditum, periculosam aleam ac quã nescio an ulla disputatio his superioribus annis inter Theologos in Hispaniã præsertim majori animorum ardore & motu agitata sit, odioque partium magis implacabili, usque eo ut à probis & contumeliis, quibus se mutuos sædabam, ad tribunalia ventum sit, atque quæ pars sibi magis confidebat adversarios de Religione postulatos gravissimè exercuit, quasi impios, superbos, &c. Moxque addit viros eruditionis opinione præstantes è vinculis coactos fuisse causam dicere, haud levi salutis existimationisque discrimine. Sed pluribus ostendit Mariana; multa in Hebraicis & Græcis codicibus vitia esse, multa mendacia in rebus minutis, eorumque partem aliquam non exiguam in nostrã editione Vulgatã exstare. Similitèr Petrus Lopez, Theologus Hispanus, in libro quem scripsit de concordia sacrarum editionum Hebraicæ & Græcæ, LXX cum Vulgatã Græcam editionem non minùs asserit authenticam quam Vulgatam hodiernam, nævósque adhuc in hac superesse non diffitetur. Eandem quæstionem de interpretandã Concilii Tridentini sanctione, quã Vulgatam facit authenticam, à Patribus Societatis, quorum curæ Universitas quædam commissã fuerat, motam fuisse nos monet Leo Allatius, simulque quid de hoc Sacra Congregatio Generalis, cui acquiescere nefas est, inquit, censuerit, profert his verbis ex Bibliothecã Cardinalis Biscix; die xvii. Januarii MDLXXVI. Congregatio Generalis S. F. L. A. S. Montald. Sixt. Caraf. censuit nihil posse asseverari quod repugnet Vulgatæ Latine editioni, etiã quod esset sola periodus, sola clausula, vel membrum sive vox, vel dictio sola, vel syllaba, Iotave unum, & acriter reprehendit Vegam qui libro xv. de Iustificacione capite ix. tam audacitè loquutus est. Sed statutum illud Congregationis Cardinalium quod editum non fuit, nunquã vim Legis obtinuisse etiã in Italia manifestè probant ea omnia quæ Illustrissimus Cardina-*

lis Palavicinius adversus P. Paulum, qui de Tridentinis Episcopis loquutus fuerat quasi ipsi Latinum Interpretem sanctione suâ approbando de ceteris editionibus detraxissent. Longè aliam Synodi mentem fuisse pluribus ostendit Palavicinius, & in explicatione vocis *authenticum* nobiscum perfectè consentit declarans Concilii Tridentini Antistites decreto suo Vulgatam editionem ab omnibus mendis non repurgâsse. Cum adhuc castigari possit, imò & alia interpretatio quæ sit accuratior haberi queat. Nec aliud de eadem Vulgatâ senserat longè antea Guilelmus Lindanus qui errores aliquos in eâ animadvertit, quos non in Librarios tantum, sed & in ipsum Interpretem regerit. Verum præ omnibus audiendus est Franciscus Lucas Brugensis, testis in hac materiâ, in quam penè omne studium suum contulit, locupletissimus. Is igitur in Epistolâ Dedicatoriâ quam præmisit notationibus suis in Biblia, quibus variantia in diversis exemplaribus loca diligentissimè annotavit, sic loquitur; *quod nobis objectant alii, cum vetus editio Latina à Tridentino Concilio probata atque authentica probata sit, nullâ amplius opus esse castigatione, ridiculum prorsus est. Neque enim Concilium editionis hujus exemplaria erratorum expertia esse judicavit; neque etiâ certum aliquod editionis exemplar sequendum omnibus proposuit; sed editionem ipsam ceteris quacunque exstant Latinis editionibus prætulit & authenticam definivit.* Quibus consonant Vulgatæ editionis Correctiones quæ diversis temporibus jussu Sixti V. & Clementis VIII. Pontificum accuratæ sunt. Ille veritus nè in priscum illud chaos editionum de quo loquitur Hieronymus redeamus, testatur se viros delegisse Scripturarum, Theologiæ & linguarum multarum peritos, necnon diuturno variarum rerum usu acrique judicio ac solertiâ præstantes, qui antiquam editionem Latinam ad vetustissimos codices Latinos & Patrum Enarrationes corrigerent; in iis verò quæ neque codicum, neque Doctorum consensu satis munita videbantur ad Hebræa Græcâque exemplaria juxta Hieronymi & Augustini consilium recurrerent. Monet tamen Sixtus id parcè faciendum esse nè quæ longo usu recepta sunt, fluctuent. Ac

Z.

demum

Lind. de orig.
gea. interpr.

Franc. Luc.
Brug.

Bulla Sixti V.
seu Præfat. in
Edit. Vulg.

demum constitutione suâ decernit ut illa editio ab omnibus recipiatur, tanquam illa quam Tridentina Synodus authenticam declaravit: eandemque proponit ut veram, legitimam, indubitatam & in omnibus publicis privatisque disputationibus, lectionibus, prædicationibus & explanationibus recipiendam. Vetat præterea nè in posterum Biblia Vulgatæ editionis publicentur, quæ suæ non conformata pacem Ecclesiæ conturbent, & statuit ea nullam fidem nullamque auctoritatem habitura esse quæ suæ editioni non consenserint. Hactenus Sixtus V. qui etiam testatur, quò res ista magis incorruptè perficeretur, suâ seipsum manu correxisse, siquæ confusa, aut faciliè confundi posse, videbantur. *Aliorum quidem*, inquit, *labor fuerit in consulendo; nosster autem in eo quod ex pluribus esset optimum deligendo.* Ità ut hæc Bibliorum editio Sixti nomen haud immeritò prætulerit.

- Bulla. Clem. 8.** Id tamèn impedimento non fuit cùr aliam & ab hâc diversam Bibliorum editionem aggressus fuerit Clemens VIII. qui ab initio Bullæ suæ affirmat Bibliorum sacrorum Vulgatæ editionis textum summis laboribus ac vigiliis à se relictum, ac quàm accuratissimè mendis expurgatum. Sed non ità est expurgatus quin adhuc multa expurgari potuisse asserat auctor præfationis quæ præmittitur editioni Bibliorum ejusdem Clementis. *In hac tamen*, inquit, *pervulgatâ lectione sicut nonnulla consilio mutata, ita etiam alia quæ mutanda videbantur consilio immutata relictæ sunt.* Prolixum esset annotare loca omnia quæ ab his Pontificibus Sixto V. & Clemente VIII. castigata sunt. Siquis tamèn illa cognoscendi studiosus fuerit, adeat libellum quem Thomas Jamefius maligno animo sub hâc Inscriptione literis sesquipedalibus in Angliâ edidit; *Bellum Papale, sive concordia discors Sixti V. & Clementis VIII. circa Hieronymianam editionem*: ubi etiam interdum utriusque editionis lectiones cum Lovaniensi consert. Sed in hoc potius laude digni sunt summi illi Pontifices quàm vituperatione, qui omne studium suum & industriam contulerunt ut veterem Interpretem quàm accuratissimum & ad vetustos codices recognitum
- Præfat. ad edit. Clem. 8.**
- Notatur Tho. Jamefius.**

tum haberemus. Jam ante illos eidem correctioni operam suam dederant qui Bibliis Complutensibus præfuere. Habemus quoque Roberti Stephani in eandem Vulgatam castigationes: & Theologi Lovanienses non veriti sunt post Concilii Tridentini decretum Criticas suas animadversiones ad diversas lectiones ad oram codicis Vulgatæ, quam edicuraverunt, referre. Sed sola nunc obtinet apud omnes Clementis VIII. recognitio, quam clarissimus Vualtonus ceteris omnibus antepositam Polyglottis Anglicanis inseruit.

Cardin. Ximeni.

Rob. Stephanus.

Theologi Lovan.

Z 2

C A P.

CAP. XXI.

De translationibus Scripturæ sacræ quæ in usum Ecclesiæ Orientalis cesserunt, ac primum de Syriacis; deinde de Arabicis, Copticis, Æthiopicis, Armenicis, &c.

Ecclesia Orientalis versiones undè sumptæ.

Greg. Abul-Phar. Dyn. 6.

De translationibus Syriacis

Jesudad.

Sicuti Religionis Christianæ exordia à Græcis ad ceteras deinde orbis Orientalis nationes transferunt, ita & Græca LXX Interpretum versio in illarum omnium linguas translata fuit, nec aliam præter Græcam LXX Scripturam gentes illæ cognovisse videntur exceptis Syris, de quibus hæc habet Scriptor Arabs Gregorius Abul-Pharajius. *Hæc Septuaginta versio illa est quæ recipitur à nostris Doctoribus, eademque est in manibus Græcorum & aliarum sectarum Christianorum exceptis Syris, maximè Orientalibus. Horum siquidem exemplar, quod simplex appellatur, consentit cum exemplari Judæorum. Occidentales verò duas habent versiones, simplicem quæ ex Hebræo translata est in Syriacum post adventum Christi Domini tempore Addei Apostoli; vel, ut aliis placet, ante illum tempore Salomonis filii Davidis & Hiram Regis Tyri; & Septuaginta translata ex Græco in Syriacum longo tempore post Christi adventum. Et si quæ affert Abul-Pharajius de duplici apud Syros versione sint vera; supposititia tamen esse nemo negaverit illa quæ refert de tempore quo primum apud illos condita sit ex Hebræo in Syriacum Scripturæ translatio. Quia verò insulsum prorsus erat Salomoni tribuere quosdam Scripturæ libros qui eo posteriores sunt, Jesudad Episcopus Hadriensis id solum restrinxit ad libros Mosis, Josuæ, Judicum, Ruthæ, Samuëlis, Davidis, Proverbiorum, Ecclesiastæ, Cantici Canticorum atque Jobi; reliquos verò libros veteris*

teris Testamenti simul & novi, Thaddæi & aliorum Apostolorum curâ, Abgari regis Edeffæ tempore, in Syrum sermonem conversos: licet, teste eodem Jesudado, nonnullis visum fuerit vetus Testamentum à sacerdote quodam Samaritano in dialectum Samaritanam translatum fuisse. Sed hæc a fabulâ minus absunt quam ab historiâ; quippe unicum Pentateuchum in linguam suam, quæ vix differt à Syriacâ, transfulerunt. Deindè Ieremo Syricus, quo usi sunt Apostoli, præsertim in Judæâ, longè alius est quam Syricus ille quo tam vetus quam novum Testamentum conscriptum est. Ebed-Jesu Metropolita Sobensis inter Scriptores Syros recenset quemdam nomine Mar Aba, seu Dominum Aba, cognomento Magnum, qui totum vetus Testamentum ex Græco sermone in Syriacum verterit: sed, ut rectè animadvertit Abraham Ecchellensis, ante hunc Mar Abam aliam existisse veteris Testamenti ex Græco LXX Interpretum versionem, probari potest ex Commentariis Jacobi Nisibensis & B. Ephrem. Constat præterea Syros Græcam LXX editionem, qualis ab Eusebio cum obelis & asteriscis ex Origenis Hexaplis descripta fuerat, in linguam suam convertisse, seu potius Syram interpretationem, quæ ante illa tempora in Ecclesiis Syriæ legebatur, ad Origenianum exemplar accommodasse. Multos habuit ejusmodi librorum doctissimus Mafius, quos publici juris non fecit, exceptâ Josuë Historiâ ab eo Græcè editâ cum asteriscis, obelis, aliisque Grammaticorum notis, quas in suam editionem invexerat Origenes. Patres etiâ cum Græci tum Latini interdum meminere Syri codicis, seu versionis Scripturæ quæ Christianis Syriæ usui esset, ubi diversas à Vulgatis codicibus illius lectiones annotant.

Ebed-Jesu in
caral. Script.
Chald.

Abrah. Ecchel
Not. in Ebed-
Jesu.

Mafius in
Jos.

Exemplar illud Syriacæ versionis quod in Polyglottis Parisiensibus & Anglicanis editum fuit, ex Hebræo contextu sumptum est & quibusdam in locis ad Græcum LXX reformatum; ita ut non omnino exhibeat antiquam illam versionem quam Syri simplicem appellavere. Penè quidè ad verbum ex Judæorum codice hæc translata fuisse videtur, adeò illum in plerisque locis perfectè exprimit. Sed Syrorum scribæ qui, linguæ Hebrææ ignari, contextum Hebræum undè illa derivata fuerat, consulere non potuerunt, in multos errores, qui tamèn partem maximam etiâ absque ope codicum MSS. faciliè corrigentur,

rigentur, lapsi sunt. Non is tamèn sum qui Syrorum Librarios toties erroris accusandos censeam, quoties cum Judæorum codicibus non conveniant; cum etiàm Judaica exemplaria varaverint: sed de iis tantùm erroribus in præsentia loquor, qui extra controversiam à Scribis Syrorum profecti sunt. Miror Anglos in suis Bibliis multos illius generis reliquisse. Quis enim, ut longè plurimos fideam, ferat in versione Syriacâ, capite xiv. Geneleos, ubi in Hebræo legitur *Gojim*, id est, *Gentes*, legi in Syriaco *Geloje*, undè Latinus Syriaci Interpres insulse prorsus fecit populos nomine *Gelitas*. Similiter libri ejusdem capite xxii. ubi exstat secundùm exemplar Hebræum *Moria*, in Syro legitur *Omourje*, ex quo Interpres Amorrhæos fecit, quasi ibi ageretur de populis Amorrhæis: sed ejusmodi errores Scribis ex parte, & ex parte illis qui puncta quæ in lingua Syriacâ non minùs quam in Hebræâ vocalium vices supplent, translationi Syriacæ adjecerunt, tribuendos existimo. Eodem modo Geneleos capite xxxii. Syri qui dictionem Hebraicam *nasche* minimè intellexerunt ex eâ fecere *Genefio*, ac demùm Interpres Latinus Syriacæ versionis transtulit *neruum muliebrem*: ità ut etiàm in Lexico Syriaco Ferrarii Romæ edito vox *Genefio* cum aliis Syricis appareat, quæ tamèn ex Hebræo corrupta videtur, nec reponenda inter vocabula Syriaca. Sed isti & aliis ejusdem naturæ sexcentis superfedeo. Id solùm animadversione dignum est longè sæpiùs Syros Scribas in describendis Syriacis exemplaribus errasse quàm Judæos qui linguam Hebræam calluerunt. Hâc ratione Josuæ ix. pro Hebræo *Rex Basan* in Syro exstat *Rex Muhnin*, quæ lectionum diversitas venit ex eo quòd Syrus Scriba non distinxerit inter literas *b* & *m*. Eadem est ratio ibidem vocabuli *Kiriath jaarim*, pro quo in versione Syriacâ legitur *Kiriath Naarin*, & in Latinâ interpretatione *Civitas Naarin*. Pariter capite vii. libri Judicum exstat *Nedubaal* pro *Iernbaal*, & capite xi. *Nephtha* pro *Iephtha*, & sic innumera quæ prætereo, quandoquidèm facillè restitui possunt. Quare de Syricis exemplaribus quæ edita sunt illud optimo jure affirmare possumus quod olim Hieronymus de Græcis LXX codicibus affirmavit; non tam Hebræa quàm barbara quedam & Sarmatica esse nomina.

Possẽm etiã ea indicare loca quibus Syrus Interpres relicto Judæorum codice Græcam LXX Interpretum versionem sequitur: quæ tamẽ interpretationis varietas in Scribas potiùs refundi debet, qui Syriacam translationem aliis exemplaribus Syricis vel Arabicis, quæ ex Græcâ editione sumpta fuerant, conformârunt. Itã capite ii. Geneseos in Syriaco aequè ac in Græco legimus *die sexto*: at in Hebræo exstat *die septimo*, & lectionem hanc contextus Hebræi antiquissimam esse probat Hieronymi animadversio in hunc locum. Similitèr capite iv. Geneseos hæc clausula, *campus in campum*, ex Græcâ LXX versione in Syriacam translata est, eamque jam suo tempore abfuisse ab Hebræis codicibus testatur quoque Hieronymus. Demùm Geneseos capite viii. ubi de corvo fit mentio quem Noachus dimisit ex arcâ, aequè in Syriaco ac in Græco LXX legimus corvum istum in arcam reversum nõn fuisse; sed particula negans in contextu Hebræo nõn reperitur, neque etiã in eo illam exstiusse tempore Hieronymi ex illius scriptis facillimè probari poterit. Ex quibus cognoscere est versionem illam quam Syri simplicem appellant à priscâ simplicitate suâ multum degenerasse, & mixtam potiùs nunc vocandam esse quàm simplicem. Variationes, quæ ex diversâ numerorum notatione ortæ sunt, prætereo; putã libri Judicum capite xvi. pro eo quod in Hebræo & in Vulgatâ legimus 1100. exstat in versione Syriacâ 1300. Lib: i i. Samuëlis capite vi. pro numero 50070. qui legitur in Hebræo, Græco & Latino, exstat in Syro duntaxat 5070. Sed nemo nescit frequentissimas esse in omnibus libris ejusmodi numerorum diversitates. Alia sunt diversitatum exempla majoris momenti in translatione Syriacâ, eæ scilicet quæ sensum omninò mutant, quales sunt nonnullæ in libro Josuë, præsertim ubi Tribui cuilibet Israëlitarum sua terræ assignatur. Alia etiã deprehenditur in codice Syrorum mutatio qui plerasque Psalmorum Inscriptiones, quæ in Hebræo contextu reperiuntur, abstulerunt ut alias substituerent. Idque ex eo videtur ortum quòd antiquitùs initio Psalmi cujuslibet *κεφάλαιον*, sive *Summarium*, in quo erat Psalmi argumentum, præmitteretur; sicque factum est ut Judaicæ Psalmorum Inscriptiones, quæ Psalmos ad mentem Syrorum nõn explicabant, sublata fuerint, earumque locum illæ quæ

quæ à Syris Doctoribus adjectæ fuerant, occupaverint.

De linguâ Syriacâ variisque illius dialectis nihil dicam præsentia, quandoquidem argumentum illud eruditè pertractârunt viri multi. De iis solùm nobis agendum est quæ Syrorum translationem spectant. Itaque quod antea observavimus de Judæorum codicibus quibus Doctores Judæi è Scholâ, ut vulgò creditur, Tiberiensi puncta quæ locum vocalium supplent, adjecere, illud idem nunc venit annotandum de Syriacis exemplaribus in quæ Doctores Syri puncta vocalia quæ modò in iis apparent, invexerunt. Errat itaque Vualtonus qui existimat Gabrielem Sionitam Maronitam è monte Libano primum exemplari Syriaco puncta vocalia inferuisse. *Primus, inquit de isto Gabriele loquutus, illud punctavit & Latinam ejusdem interpretationem adjunxit; antea enim MSS. omnia punctis vocalibus vel prorsus destituta erant, vel si in unâ dictione punctum aliquod vocale notatum esset, in aliâ erat omissum, prout in exemplaribus MSS. hodiè, videmus, una etiâ ejusdem dictionis syllaba aliquandò notata, alia nuda erat.* Hæc quidè ex parte vera esse nòn diffiteor quia Syriaci codicis manu exarati alii plus alii minus punctorum exhibent pro Librarium arbitrio qui præcipua quidè nòn omittunt. Sed incidi in MSS. codices qui omnia perfectè repræsentarent. Testatur quoque Abraham Ecchellenlis, Maronita etiâ è monte Libano, penes se fuisse libros aliquos scriptos Syriaco sermone ante trecentos & quadringentos annos cum omni punctorum apparatu. Deindè in plerisque codicibus nòn omittuntur puncta nisi ea quæ lectioni vix utilia sunt, quæque facili negotio inter legendum suppleri possunt. Ut vidè est in Syriacâ novi Testamenti editione, quam primus juris publici fecit Vuidmanstadius, quæque aliqua ejusmodi punctorum minùs necessaria omittit. In hoc igitur laudanda nòn est Gabrielis Sionitæ, viri doctissimi, industria quòd primus Syriacis exemplaribus puncta addiderit: sed in hoc potiùs laudandus quòd longè plurimos errores qui in ejusmodi codicibus MSS. vulgò exstant labore improbo correxerit; etiâ si hæc in parte illa seditio nòn videatur omninò absoluta ac perfectæ.

Minoris adhuc auctoritatis esse videntur translationes Arabicæ, quæ leguntur hodiè à Christianis qui degunt in Oriente; nec tantam præ se ferunt antiquitatem quàm Syriacæ: pleraque enim
illarum

Abr. Ecchel.
not. in Ebed.
Iesu.

De translati-
onibus Arabi-
cis.

illarum apud Syros, cum Jacobitas & Maronitas, tum Nestorianos ex eo potissimum tempore vulgatæ fuerunt, quo lingua Syriaca non amplius ipsis fuit vernacula, postquam scilicet sub ditione Saracenorum fuerunt, qui linguam Arabicam in illorum regiones introduxere. Copti etiam, sive Christiani qui Ægyptum incolunt, sua habuere Biblia scripta antiquo sermone Coptico, quæ adhuc retinent; sed quia perpaucis cognita erat lingua illa Coptica novas versiones Arabicæ concinnare quæ ab omnibus intelligerentur necesse fuit. Ità ut plerique eorum libri qui Ecclesiarum usui inserviunt Copticè simul & Arabicè descripti conspiciantur. Itaque verisimile est Syros ex sermone Syriaco in Arabicum Scripturam sacram convertisse, cujusmodi sunt exemplaria illa Arabica ad quorum calcem legimus versionem Arabicam ex Hebræo sumptam fuisse, id est ex translatione illâ Syriacâ quam Syri vocant simplicem. Simili ratione dixerimus exemplaria versionum Arabicarum, quæ Græcos LXX codices sequuntur, non tam ad Græcum LXX expressos fuisse quam ad Syriacum sermonem qui ex Græco desumptus fuerat, etsi credibile sit sectam illorum qui Melchitarum nomen reportarunt ex Græcis codicibus versionem suam, sicut & alios plerosque libros qui eorum usui deserviunt, hausisse. Utrum autem ante illa tempora fuerit versio aliqua Scripturæ nunc non inquiri, cum certum sit pleraque populorum qui Orientis regiones incolunt sacri contextus versiones eas non esse quæ priscis temporibus apud illos obtinebant. Jam si versio illa Arabica, quæ in Polyglottis Parisiensibus & Anglicanis edita est, penitus introspectiatur, reperietur admodum imperfecta mendisque & erroribus scatens. Ità liber Josuë Arabicus, licet in fine illius dicatur ex Hebræo conversus, ex Græco tamen & Hebræo, seu potius ex Syro, mixtus conspicitur. Præterea translationis istius auctor Paraphrastam interdum se ostendit, non Interpretem, sensumque sui contextus mutare ipsi nulla est religio. In libro Paralipomenon exstant nomina Turciæ, Græciæ, Chorasan, Sclavoniæ, Franciæ, Cypri, & alia similia. Non omnia tamen versionis istius vicia Interpreti Arabi tribuenda sunt, cum pleraque hæud dubiè à Scribis profecta fuerint. Ità perquam insulse in versione Arabica legitur Josuë xi. *Nabin Rex Cesarea*; cum in He-

bræo contextu & in antiquis interpretationibus legatur *Jabin Rex Habor*. Iterumque in eadem versione môx habetur Josuë expugnasse urbem Cæsareæ, quæ aliarum urbium caput fuerit; & capite tertio libri Judicum loco Hebrææ vocis *Peslim*, quæ significat *Idola*, in Arabico reponitur *Palestina*. Denique nonnulli etiã errores in exemplaria Arabica irreperunt ob punctorum vocalium inconstantiam; non minus enim defunt linguæ Arabicæ ejusmodi puncta quàm linguis Hebraicæ & Syriacæ.

De Coptorum
versionibus.

Copticæ Bibliorum versiones, quæ antiquitùs à Christianis illis qui Ægyptum incolebant, concinnatae sunt, videntur esse melioris notæ quàm Arabicæ. Majorem enim illæ præ se ferunt antiquitatem: & si P. Kircherò credamus, penes quem fuere aliquot ejusmodi versionum exemplaria, ad tempora ferè Concilii Niceni illas referemus. Sed, quicquid sit de illarum antiquitate, certum est illas in Ægypti Ecclesiis lectas fuisse longè ante Arabicas, quæ ex iis derivatæ sunt. Nomen illud Coptus, vel ut aliis placet Cophus, suam videtur originem ducere ex urbe ejusdem nominis, quæ olim Thebaidis Metropolis fuit, cujusque meminerunt Strabo & Plutarchus: verisimile quoque linguam illam Copticam vetustam esse Ægyptiorum linguam, non puram quidè, sed aliquid habens admixtionis ex Græco, ab eo potissimum tempore quo sub Macedonum ditione fuerunt: ità ut etiã antiquos linguæ suæ caractères in Græcos, quos adhuc ex parte retinent, mutaverint. Quia verò lingua illa paulatim desit esse vernacula penesque viros solum qui habebant aliquid eruditionis remansit, tùm Ægyptii Doctores libris, qui in Ecclesiâ legebantur Coptico sermone, uti suprà animadversum fuit, explicationem Arabicam, postquam in potestatem Saracenorum venerunt, adjecere. Linguæ etiã illius Copticæ Lexica habent & Grammaticas, quæ publicavit P. Kircherus, ex quibus cognoscere est prisam illam linguam Coptorum præter voces Græcas quibus alterata fuit sub Græcis Principibus, retinere etiã aliquid linguæ Arabicæ. Versionem autem illam Copticam à Græcâ LXX Interpretum translatione desumptam fuisse dubitari nequit, cum Judæi soli antiquitùs, demptis quibusdam Syriæ Ecclesiis, contextum Hebraicum aut versiones ad illum adornatas, legerint.

Interpreta-
tio Æthiopi-
ca.

De versione Bibliorum Æthiopicâ sermone Æthiopico conscriptâ

scriptâ perpauca annotabimus. Hæc siquidem, ut & alii ferme omnes libri, qui Æthiopum Ecclesiis leguntur, ex linguâ Copticâ in Æthiopicam translata sunt. Biblia itaque Æthiopica eadem sunt atque Coptica in sensum Æthiopum conversa. Neque etiâ alium gentis Patriarcham agnoscunt Æthiopes, à quo dependeant, quàm illum qui dignitatem Patriarchæ Alexandrini sibi arrogavit: ab Ægyptiis, seu Coptis, ritus Ecclesiarum suarum mutuati sunt. Lingua autem Æthiopica vetus, quâ suam Bibliorum interpretationem descriptam habent, nonnihil habet admixtionis ex linguâ Hebræâ, Arabicâ & Chaldæâ; sed ex hac præsertim, adeò ut ipsi Æthiopes linguam suam etiâ appellent Chaldaicam, sive Babylonicam; quasi eadem sit atque pura illa & antiqua Babylonica, à quâ tamen multum discrepat. Non parùm tamèn ab hac differt recens sermo Æthiopicus, qui Æthiopibus nunc est vernaculus. Punctis vocalibus Hebræorum, Chaldæorum, Syrorum & Arabum more non utuntur; sed litera quælibet consonam & vocalem simul componit, quod genti illi speciale est.

Nihil omninò antiquæ versionis illius Persicæ, cujus præsci Ecclesiæ Patres meminerunt, superesse verisimile est, quæ etiâ extra controversiam ex LXX interpretatione desumpta fuerat. Vetus quoque lingua Persica multum admixtionis recepit ex illius cum Arabicâ confusione, à quâ nomina artium & disciplinarum ferè omnia mutuata est, simulque characteres Arabicos deperditis antiquis suis literis, quæ adhuc in monetis quibusdam conspiciuntur. Versio autem illa partis alicujus sacrorum codicum, quæ ætate nostrâ edita est, non multi æstimanda videtur, quia nupera est.

Versio Persica.

Si Doctoribus Armeniis velimus credere, quam nunc legunt in suis Ecclesiis sermone Armenio Bibliorum versio, non à Joanne Chrysostomo, ut nonnullis visum est, ex Græco in Armenium facta est; sed à gentis suæ Doctoribus qui literis Græcis operam dederant, maximè à quodam Moyse cognomento Grammatico, & à Davide qui vulgò Philosophus appellabatur, idque contigit circa Joannis Chrysostomi tempora. Negant similiter Armenii eundem Joannem Chrysostomum characterum Armeniorum auctorem esse, sed hos tribuunt homini cuidam solitario nomine Mesrop, qui eos in-

Armeniorum translatio.

venit in urbe Balu non longè ab Euphrate, qui vivebat similiter circa tempora B. Joannis Chrysostomi. Sed quia vix reperiabantur exemplaria integra ejusmodi Bibliorum, eaque admodum carè constabant, ætate nostrà Jacobus Caractri Armeniorum Patriarcha in Europam misit Uscanum Yuschuananchi Episcopum, ut Biblia Armenia illius curâ & industriâ typis mandarentur, & reapse vetus ac novum Testamentum linguâ ac characterè Armeniis editum est Amstelodami anno MDCLXIV. Constat autem hanc interpretationem Armeniam, idque ex illius Episcopi Armeni ore didici, sumptam fuisse ex Gracâ versione LXX Interpretum.

Moscovitæ,
rum, Georgi-
an. & aliorum
populorum
versiones.

Denique Moscovitæ, Iberi, seu Georgiani, populi quoque qui Colchidis regiones incolunt, suas etiâ habent contextûs sacri versiones, & non ita pridem Biblia sermone & characteribus Moscoviticis edita sunt. Has autem omnes ex Græco derivatas fuisse dubitari nequit, cum gentes illæ fidem Christianam ritûsque Ecclesiarum suarum à Græcis hauserint. Sed de Bibliis nationum Orientalium sacris superque.

C A P.

CAP. XXII.

De recentioribus Bibliorum versionibus, ac primum de Latinis quæ à Theologis Catholicis conditæ fuerunt.

Quamquam Franciscus Ximenius de Sineris Cardinalis & Archiepiscopus Toletanus non aliam in Bibliis suis Complutensibus versionem Latinam, quæ contextum Hebræum exprimeret quam Vulgatam, seu Hieronymianam, posuerit, dignus tamen est qui inter Catholicos Scripturæ sacræ Interpretes recensatur: primus enim publici juris fecit in ornatissimo illo opere Paraphrasin Chaldaicam in quinque libros Moysi cum interpretatione Latinâ ad verbum, simulque Græcam LXX versionem in omnes libros veteris Testamenti cum translatione Latinâ interlineari. Et quia non in omnium manibus versantur Biblia illa Complutensia, abs re non erit hic referre quale fuerit doctissimi illius Cardinalis propositum in novâ illâ Bibliorum editione. Scribens in fronte operis sui Leoni X. asserit uniuscujusque idiomatis suas esse proprietates verborum, quas translatio quantumvis perfecta non possit exprimere, idque maximè linguæ Hebræicæ proprium esse. Et mox hæc subjungit; *accedit quod ubicunque Latinorum codicum varietas est, aut depravata lectionis suspicio, ad primam Scripturæ originem recurrendum est, sicut B. Hieronymus & Augustinus ac ceteri Ecclesiastici tractatores admonent, ita ut librorum veteris Testamenti sinceritas ex Hebræicâ veritate; novi autem ex Græcis exemplaribus examinatur.* Sed quis credat Cardinalem illum, qui tam magnificè de codicibus Hebræis loquitur, mox in aliâ epistolâ, quæ est ad Lectores suos, de eadem illâ veritate Hebræicâ pessimè detrahere & ita ut liceat suspicari hæc ab aliis suggesta fuisse. *Mediam, inquit Cardinalis ille* (nimium

Biblia Car-
din. Ximenei.

Anno. 1515.

Cardin. Xi-
men. Prol. ad
Leon. P.

(nimium

Id. Cardin.
Prod. ad Lect.

Nicol. Ram.
in ailect. Vulg.

Sanctis Pag-
nini ver-
sio.

Genebr. praf.
in Orig. op.

Huet. de Clar.
fateci p.

(nimirum veritatem Hebraicam & versionem LXX) *Latinam B. Hieronymi translationem velut inter Synagagam & Orientalem Ecclesiam posuimus, tanquam duos hinc & inde latrones; medium autem Iesum, hoc est Romanam Ecclesiam, collocantes. Hac enim sola supra firmam petram edificata, reliquis à rectâ Scriptura intelligentiâ deviantibus, immobilis semper in veritate permansit.* Indigna prorsus Cardinale Sanctæ Romanæ Ecclesiæ comparatio, quam tamèn Nicolaus Ramus Theologus similicèr Hispanus & Episcopus Cubensis in opus suum de Vulgarâ transtulit.

Santes Pagninus, è Sancti Dominici familiâ, primus novam sacri contextûs versionem ad codices Hebræos publici juris fecit anno MDLXXVII. cum duabus in fronte epistolis Adriani Sexti & Clementis Septimi, summorum Pontificum, qui hanc Bibliorum editionem auctoritate suâ communiunt. Jàmque antea Leo X. consilium Pagnini de parandâ ad Hebræos fontes novâ Bibliorum interpretatione haud improbaverat. Constat tam ex Epistolâ quam Franciscus Picus scripsit Pagnino, quam ex ipsomet Pagnino, eum annos saltèm triginta in concinnandâ illâ interpretatione Latinâ collocasse; ita ut Judæis ipsis suæ ætatis accurata & sermonem Hebraicum aptissimè reddens visa fuerit. Sed de illâ aliter judicârunt viri inter Catholicos primarii: hanc siquidèm itâ describit Genebrardus; *minùs diligens, nimis ambitiosa, nimis curiosa, nimis Grammatica, nimium Rabbinarum minutiarum emula, quæque recentium præceptionum subtilitate noxam sinceritati & sententiarum & rerum sepiusculè afferat: unde nec satis interdum coheret cum veterum Hebræorum doctrinâ.* Et hæc exemplis aliquot confirmat Joannes Mariana, qui contendit fidei nostræ mysteria aliquando Pagninum evertisse dùm ab Hieronymi versione longiùs discedit: sicuti capite ix. Jobi, ubi Hieronymus vertit, *rursùm circumdabor pelle meâ*, indeque resurrectionem corporum probat, Pagninus transtulit, *postquam pellem meam contriverunt*; & in primâ versionis suæ editione adhuc obscuriùs interpretatus fuerat, & *post pellem meam contritam vermes contriverunt hanc carnem*, verbis nonnullis additis, quæ non exstant in Hebræo. De illâ tamèn Santis Pagnini interpretatione diversum planè à Genebrardo, Marianâ, aliisque viris eruditissimis, quos silentio prætereo, judicium tulit D. Huëtius, qui de Pagnino sic loquitur; *perfectæ propemodum & absolute sanctorum voluminum interpretationis exemplum*

plum dedit. Verùm in multis à Pagnino erratum fuisse manifestum est. Primò enim profitetur se à Latino Interprete nunquam discessurum, nisi in locis ubi necesse fuerit: tamèn sæpius hunc deserit absque ullà prorsus necessitatis ratione, ut Kimchium aliòsque recentiores Judæorum magistros sequatur. Quomodò initio Geneseos quid causæ erat ut pro his verbis quæ exstant in editione Vulgatâ, *Spiritus Dei ferebatur super aquas*, ipse redderet, *Spiritus Dei superflabat in superficie aquarum*, nili quòd ità interpretatus esset Chaldæus Paraphrastes & aliqui post hunc Judæorum Magistri. Iterùm quis ferat ejusdem Pagnini versionem capite vi. Geneseos, qui pro verbis istis, quæ exstant in editione Latinâ, *non permanebit spiritus meus*, reposuerit, *nòn erit ut in vaginâ spiritus meus*. Voluit exprimere nòn solùm verbi Hebræi sensum, sed & Etymologiam illius, eodem modo quo Kimchius illam reddiderat: quare ineptum planè & contentiosum, ut olim Aquila, interpretem se ostendit, adèò barbarè loquitur. Sic ubi Latinus Interpres habet, *producant aqua reptile*, ipse vertit, *reperere faciant aqua reptile*, & in aliâ editione, *reptificent*, &c. Gen. 1. 20. Sensum etiàm interdùm contextûs Hebræi nòn assequitur; ità optimè Latinus Interpres vertit quæ habentur in Hebræo Nchemiæ VIII. *legerunt in libro in lege Dei distinctè*; verùm Pagninus ità reddidit absque ullo sensu, *legerunt in libro in lege Dei expositi*: quo loco secum ipse nòn contentit; nam in Dictionario aliter verba illa interpretatur. Cetera quæ notari possent in Pagnini versione, quia nolo esse longus, prætereo.

Novæ Bibliorum versionis auctor nòn fuit Arias Montanus, cui satis fuit Pagnini translationem aliquot in locis castigare. Sed quia nudas Grammaticæ Hebrææ præceptiones sæpius respexit, vix rebus ipsis attentus, Pagnini barbariem ex pravâ affectatione superavit. In eo torus occupatur ut voces Hebraicas ad verbum exprimat, sensum illarum pro locorum ratione minimè curans. Ità capite ix. Exodi, ubi Pagninus nòn malè verterat, *novi quia nondum timeatis*, castigator Arias Montanus reddit, *novi quia antequàm timeatis*. Dictio scilicèt Hebraica *terem* modò *prinsquàm*, modò *nondum*, pro locorum diversitate, significat: quæ dum nòn attendit Arias, illam eo sensu qui sibi primo obviùs est, reddit. Sexcenta ejusmodi in hâc tran-

Arias Montani
Biblia.

Exod. 9. 30.

tran-

translatione reperias, quibus consultò superfedeo. Quis quæso intelligat Ariæ interpretationem Psalmo cx. ubi pro verbis istis, quæ legimus in Vulgarâ editione, *tu es Sacerdos in æternum secundum ordinem Melchisedec*, & in versione Pagnini, *secundum morem Melchisedec*; Arias reddidit, *tu es sacerdos in sæculum super verbum meum Melchisedec*. Illum quidem vindicare conatus est D. Huëtius, neque dubitavit eum appellare fidissimum Interpretem, qui verbis contextûs sui pressius adhærens imperitorum calumnias contemptui habuerit: sed ille profectò Interpretis nomine dignus non videtur, qui sensum Scriptoris quem reddit nullatenus exprimit. Dignus tamèn est Arias Montanus qui laudetur à viris omnibus eruditis ob immensum illud opus ac verè *Regium Polyglottorum Antuerpiensium*, cui iussu Philippi II. præfuit, quòdque suffragiis suis etiàm approbârunt plurimi Theologi Parisienses, quorum testimonium hic referam. *Sacra Biblia Philippi II. &c. Hebraicè, Syriacè, Græcè & Latinè expressa ad formam Complutensium Bibliorum olim in Hispaniâ impressorum vidimus, approbavimus, digna denique censuimus quæ à Catholicis legerentur & opponerentur falsis & impiis Hæreticorum translationibus quibus suum imperitis linguarum facere conantur. Approbatum quoque fuit opus illud à duobus summis Pontificibus, referente Francisco Lucâ Brugenfi, illudque vocat Gregorius XIII. in Epistolâ ad Philippum II. Hispaniarum Regem, opus verè ætæternæ. Theologi quoque Hispani xlii. illud auctoritate suâ communiverant, quibus tamèn non obstantibus Arias Montanus apud multos Hispaniæ Theologos malè audiit, præsertim quòd Paraphrasim Chaldaeam non solum in libros Moysi, uti Cardinalis Ximenius, sed & in reliquos Scripturæ sacræ libros, demptis paucissimis, edidisset. Renovavit hanc querelam Andreas de Leon Zamorensis, Clericorum Regularium minor, in Epistolâ quam scripsit ad illos qui Parisiis nova Polyglotta parabant, ubi de Paraphrasi Chaldaicâ, quæ in Bibliis Regiis edita fuerat, sic loquitur: *de Paraphrasi Chaldaicâ, quam Rabbinus Thargum appellant, quid loquar? vitiosa & corrupta nimis, degenerans ab illo primo nitore & candore plena Thalmudicis fabulis, impietatibus sacrilegis fœdata, in quo conveniunt omnes, & ipse Cardinalis Ximenius, ut in Præfatione Complutensi.* Cajetani ingenium in vertendis Bibliis rectè descripsit Melchior Canus, dùm ait illum iisdem semper vestigiis inhærendo per omnia*

Luc. Brug. de
Paraphr.
Chald.

Andr. de
Leon Epist.

Melchior Can.
de Loc.
Theol. lib. 2.
cap. 13.

omnia in veteri Testamento Hebræicos, in novo Græcos, codices prorsus amplexum fuisse. Imò Cajetanus ipsemet methodi sui rationem in convertendis Hebræicis liberè explicat his verbis; *testor ego quòd inter hos labores dicebatur mihi ab Interpretibus, dictio Hebræica sonat hoc, sed non apparet sensus nisi mutetur in hoc alterum. Respondebam ego auditis omnibus significationibus, non sit vobis cura si sensus non apparet, quia non est vestri officii exponere, sed interpretari: interpretamini sicut jacet, & relinquatis expostitoribus curam intelligendi.* Ingenuè fatetur Cardinalis ille à se quanquàm Hebræicæ linguæ imperito vetus Testamentum ex Hebræo conversum fuisse in Latinum, & ad id usum se fuisse operâ duorum hominum, quorum unus Christianus, alter verò Judæus, qui linguæ illius callentissimi erant: & ut ita ageret hâc potissimum ratione ad ductum se testatur quia, *nisi textus adsit qualis est in suâ origine, jam non textus exponitur nisi divinando, sed exponitur textus ut intelletus est ab illo interprete.* Demùm optat ut talis interpretatio habita fuisset à Patribus, quantumvis mutila; *quoniam, inquit, jam haberemus expositum textum ipsum sacre Scripturæ & non textum confectum Interpretum arbitrio.* Sed perfectam illam & modis omnibus absolutam interpretationem assequi non poterat Cajetanus, qui scribit omnes ferè dictiones Hebræas esse *equivocas.* Ausim tamèn affirmare doctissimum illum Cardinalem, etsi linguæ Hebrææ prorsus ignarus esset, contextûs sui verba non infelicitèr expressisse, atque in illius versione longè minus esse barbariei quàm in Ariæ Montani translatione. Judicium quidè illius de antiquis Interpretibus, ut paulò liberius, inter Hæreses repositum fuit à Gabriele Prateolo, cui vili veneunt Hæreses. Non parùm quoque illud displicuit Cardinali Palavicinio, qui in eum sic animadvertit; *quel grand intelletto nell'altre opere fu ammirato, in queste per la sciarsi egli trasportar dalla guida di chi meglio intendeva la Grammatica Hebræa, che i misteri Divini restò inglorioso.*

Prætermitto versionem aliquot veteris Testamenti librorum à Thomâ Malvendâ è Dominicanorum ordine concinnatam; in hâc enim tam prava est affectatio sensûs Grammatici, ut nihil præter barbariem præ se ferat Interpres ille, & à nemine intelligi posset, nisi quibusdam notulis versionem suam illustrâset.

Ferendum non esse Isidorum Clarium, cujus emendatio nihil aliud est quàm Interpretis veteris reprehensio, palam asserit

Cajet. præf.
in Psal.

Cajetani metho-
dus in
convertendis
Bibliis.

Id Cajet. ibid.

Gabr. Præf.

Palavic. Hist.
Concil. Trid.
lib. 6. cap. 17.

Thomæ Mal-
vendæ me-
thodus.

Melch. Can.
de loc. Theol.
lib. 2. cap. 13.

Biblia Isidori
Clarii.

Index Rom.
lib. Prohib.

Versio quæ sub
nomine Vatabli edita est.

Melchior Canus. Pollicetur enim, inquit idem Melchior, in operis fronte veterem editionem correctam, postea verò quàm pollicitatione hâc depellit invidiam novitatis, multa inserit, adjicit quædam, nonnulla mutat. Nòn meliùs describi poterat & ingenium & interpretatio Isidori Clarii Monachi Cassinensis, qui in plerisque locis quæ castigat in Latino Interprete ineptum se ac linguæ Hebraicæ imperitum ostendit. Hæc autem Bibliorum editio Romæ prohibita est, & exstat in Indice librorum Prohibitorum sub hâc Inscriptione; *Vulgata editio veteris ac novi Testamenti, quorum alterum ad Hebraam, alterum ad Græcam veritatem emendatum esset diligentissimè, ut nova editio non facile desideretur, & vetus tamèn hîc agnoscat, anno MDXLII.*

Denique sub Vatabli nomine multa Bibliorum exemplaria Latina circumferuntur, quæ tamèn illius non esse in confessio est apud omnes. Robertus Stephanus doctissimi illius viri ac sapientissimi linguæ Hebraicæ in Academiâ Parisiensi Professoris nomen ementitus fuit, ut hâc arte faciliùs incautos deciperet: quandoquidèm editio illa quæ prodiit ex officinâ Roberti Stephani anno MDXLV. quasi ex Vatabli Prælectionibus ac Notis integra excerpta fuisset, Leonis Judæ Zuingliani versionem exhibet cum Annotationibus, quæ magnam partem ex Judæis, præsertim R. D. Kimchi & Joanne Calvino aliisque Protestantibus sumptæ fuerunt. Hanc Leonis Judæ interpretationem Robertus Stephanus ceteris omnibus atque imprimis versioni Santis Pagnini anteposuit, quia illa minùs obscura erat, sermòque Latinus in eâ purior. Idem tamèn Stephanus in aliâ editione quam publicavit anno MDLVII. Pagnini translationem præ aliis omnibus selegit; sed quæ priori jam edita castigatio esset, & ab ipsomet Pagnino, si Roberto Stephano credimus, correctâ. Neque igitur Vatablus, neque Robertus Stephanus ullius Bibliorum versionis auctores sunt: uterque tamèn de literis Hebraicis benè meritus.

C A P. XXIII.

De Latinis Bibliorum versionibus quæ à Protestantibus concinnatæ sunt.

Longè magis adhuc secum ipsi dissident in vertendis Bibliis Protestantes quam Interpretes Catholici. Sebastianus Munsterus, qui vetus Testamentum ex Hebræo Latinum fecit, interpretationis suæ rationem apertè declarat statim ab exordio sui operis, ubi testatur se non alios versionis suæ duces sequutum esse quam Rabbinos, relictis vetustis Interpretibus, ita ut si quando in errorem inciderit, Judæorum Magistri qui illi præerunt accusandi sint. De hac Munsteri translatione sic loquitur Sixtus Senensis, *Munsterus ubique horridus, semicusus & asper, usque adeo Hebraici sermonis horrorem sequutus est, ut cum multa Latinis auribus mollitè accommodare potuisset, omnes tamèn Hebraici sermonis proprietates ac phrasæ adeo servare studuit, ut nec ipsos Hebraicorum nominum stridores prætermittere voluerit, ingerens Latinis auribus ubique pro Oziâ Uzziyah, pro Ezechia Jechizkiah, pro Ezechiele Jechezchel, &c.* Sed miror Sixtum qui Cajetanum, Pagninum, Olearium & alios laudet, qui in suis sacri contextus versionibus longè majorem barbariem in Latino sermone quam Munsterus affectaverint. De eâ quoque pro more suo Genebrardus detrahit & paulò vehementius in Interpretem stomachatur, dum ait, *Munsterus neglectâ vocum propriâ notatione sapè Lutheranisabat & à suo D. Francisci instituto discedebat.* Imò nemo recentiorum Interpretum, inprimis Protestantium, contextus Hebræi verba & sensum melius videtur expressisse quam Sebastianus Munsterus, qui in hoc tantum reprehensione dignus est, quòd posthabitis vetustis Scripturæ sacræ Interpretibus re-

Versio Sebast.
Munsteri.

Sixt. Sen. lib.
8. Elbl. S.

Genebr. præs.
in op. Orig.

Huct. de
Clar. Interp.

Gen. I. 22.

Leonis Judæ
translatio.

Petr. Gal. in
virsâ Cast.

centiores Judæorum Magistros nimis anxie sequatur. In Latino quoque sermone, si nomina quædam propria excipiantur, non ita horridus ac senticofus est uti Sixto Senensi & aliis nonnullis visum est. De illo omnium optimè sensissè videtur Huëcius, qui eum hisce ornat laudibus; *Sebastianus Munsterus Bibliorum Interpretes sanè doctus in Hebraica semper stylum collineans ad eaque nunquam non se componens.* Longe tamen ei felicius successisset si consilio Magistri sui in linguâ Hebraicâ Conradi Pellicani obtemperans ex Rabbiniis ea tantum sumpsisset quæ Grammaticam respiciunt, ac non minus vetustos sacri contextûs Interpretes quàm recentiores Judæos sibi duces proposuisset: tunc enim à Latino Interprete non discessisset ita frequentèr. Quid enim necesse erat ut pro his verbis quæ exstant in Vulgatâ, *crecite & multiplicamini & implete aquas maris*; ista substitueret quæ paulò horridiora videntur; *fructificate & augete & implete aquas in fretis*? Leo Judæ è Zuinglianorum sectâ vetus quoque Testamentum, saltem maximam illius partem ex Hebræis fontibus in Latinum sermonem convertit. Et quia versioni suæ superstes non fuit, eam absolverunt Bibliander & Petrus Cholinus. Ille octo ultima capita Ezechielis Prophetæ, Daniëlem, Jobum, Ecclesiasten, Cantica & xlviii. Psalmos ex Hebræo transtulit; Cholinus verò ex Græco libros quos Protestantium Theologi Apocryphis adscribunt. Illa primùm edita est Tiguri anno MDXLIII. posteaque secundo edita à Roberto Stephano anno MDXLV. cum Vulgatâ è regione tacito auctoris nomine, ut jam supra animadvertimus. Verùm contra hanc editionem & editorem Stephanum statim insurrexerunt Theologi Parisienses & post longas ex utrâque parte disputationes de rebus Bibliicis plenas concertationis, tandem solum vertere coactus est Stephanus & ad Genevenses transfuga scripsit Apologiam adversus Theologos Parisienses, quam Latino & Gallico sermone editam publicavit, ubi multa quidè de his conquestus, sed in plerisque novatorem & Calvinì assecram se prodit. In quibusdam tamen Stephanum à Theologis istis vindicat Petrus Castellanus Episcopus Matisconensis & magnus Franciæ Eleemosynarius, qui res de quibus Theologos inter Parisienses & Robertum Stephanum agebatur, ad Regis consilium sæpius retulit: quippe notat illos, quòd linguarum Græcæ & Hebrææ non periti, multa

multa perperam eidem Stephano objecerint. Hanc quoque Leonis Judæ versionem severè castigavit Genebrardus; quā in re Theologis Parisiensibus, ipse ejusdem facultatis Theologus, placere visus fuit. Sed longè mitius à Theologis Hispaniæ exceptus Robertus Stephanus, qui editionem Bibliorum à Theologis Parisiensibus improbatam, de auctore versionis Latinæ ex Hebræo minime solliciti, simul cum notis paucissimis in eā immutatis Salmanticæ publicârunt, eamque dignam judicârunt quæ à viris Scripturæ sacræ studiosis legeretur. Minus quidem propriè voces Hebraicas reddidit Leo Judæ quàm Sebastianus Munsterus, sed editionem suam Latinis auribus accommodavit, quod à Munstero præstitum non est. Si quā in re reprehendi meretur Leo Judæ, in hoc maximè quòd, nè ob brevitatem obscurus fieret, Paraphrasten interdum potius quàm Interpretem se ostendit.

Genebr. praf.
in op. Orig.

Famosissima quoque est Sebastiani Castalionis interpretatio veteris Testamenti quam sæpius cudit ac recudit; & omnium optima habetur illa editio quæ publici juris facta est Basileæ, anno MDLXXIII. Sixtus Senensis de Munsteri & Castalionis versionibus ferens judicium, utrumque asserit ad extrema sine modo tendisse; illum in affectandis Judaicis Idiotismis durum esse, agrestem, barbarum & planè Judæum; hunc verò in affectandis ineptè singulis gentium loquutionibus gentilem esse ac profanum, utpote qui delicatus mollisque nec se Latine loqui putet, nisi quàm effœminatissimè loquatur. Addit idem Sixtus ejusmodi loquutionum profanarum exempla, putà Castalio Deum Patrem appellat Jovem, Divum omnipotentem, Gradivum ac Coelicolam: similiter Angelos vocat Jovis Genios; Prophetas, vates & fatidicos; viros sanctos, Heroas. Perbellè hanc Castalionis interpretationem illiusque ingenium depingit Genebrardus his verbis; *versio Castalionis est affectata, plus habens pompæ & phalarum quàm rei & firmitatis, plus ostentationis quàm substantiæ, plus succi quàm succi, plus hominis quàm spiritus, plus fumi quàm flammæ, plus humanarum cogitationum quàm Divinorum sensuum.* Sed longè vehementius in Castalionem insurrexere Doctores Genevenses atque imprimis Theodorus Beza, cui tanquàm imperito ac temerario homini detrahunt, qui in re Divinâ impiè luserit, ex prævâ Catullianæ

Sebast. Castalionis interpretatio.

Sixt. Sen. lib.
8. Bibl. S.

Genebr. praf.
in op. Orig.

Castal. Cant.
Cant.

Gen. 1. 1.

It. Lev. Medit.
in lib. Ruth.

Junii & Tremellii versio.

næ dictionis affectatione. Ità in libro Cantici Canticorum simplici voce *columba* nōn utitur sed usurpat *mea columbula* hoc modo ; *mea columbula ostende mihi tuum vulticulum, fac ut audiam tuam voculam venustulam* : &c, *vulticulum habes lepidulum* : *Capite nobis vulpeculas parvas vinearum vastatriculas*. Ubique in hoc libro dictionum mollium effluentia luxuriat Castalio, & Catullum magis ludentem de Lesbæ passerculo refert quàm sacrarum literarum Interpretem. In universo operis sui contextu periodos orationis suæ ligat, ut sit continua, uti cognoscere est ex primo capite Geneleos quod sic orditur ; *Principio creavit Deus calum & terram : cū autem esset terra iners atque rudis, tenebrisque offusum profundum & Divinus spiritus sese super aquas libaret, jussit Deus ut existeret lux*, &c. Notatur quidē à Bezâ aliisque Doctoribus Genevensibus tanquàm linguæ Hebraicæ imperitus ; sed, pace illorum dixerim neminem unquàm è Scholâ Genevensium prodiisse, qui Hebraicè, Græcè & Latine ità doctus fuerit. Nōn diffiteor quidē illum, quia in Latino sermone delicatiorem molliorēque se præbuit contextus sui verba in plerisque sat accuratè nōn expressisse ; sed id nōn ex ignorantia fecit, verū ex pravâ imitandæ Ciceronianæ & Catullianæ dictionis affectatione. Isaacus Levita, vir Hebraicè doctissimus, qui paulò etiā acerbius Castalionis versionem, ut minùs propriam ac liberiolem, reprehendit, quòd rei Grammaticæ nōn satis curiosus fuerit, in eā notavit errores nullius ferè momenti : facileque cognoscitur ità consultò vertisse Castalionem, ut sensum magis commodum efficeret, minùsque barbarè loqueretur. Genebrardus quoque Castalioni objicit quòd initio Geneleos verbum Hebraicum *amar* quod in Vulgatâ & ab aliis Interpretibus vulgò redditur *dixit*, ipse quasi favens Servetanorum Hæresi, & ut omnem Verbi Divini cognitionem auferret, interpretatus fuerit *jussit*. Sed eā de re forsā nunquàm cogitavit Castalio, constatque verbum *amar* atque in linguâ Hebraicâ atque in Arabicâ aliquandò optinè reddi posse *jussit* : quæ etiā interpretatio à loco de quo agitur nōn omninò aliena esse videtur.

Id unum nobis superest ut in Junium & Tremellium animadvertamus qui similiter auctores sunt interpretationis sacri contextus

textus, quæ à plerisque Protestantibus initio magni æstimata fuit, præsertim in Angliâ & Genève, ubi serè sola in disputationibus obtinebat. Repertus est tamèn tunc temporis vir è sectâ Protestantium Joannes Drusius, linguæ Hebraicæ in Frisîæ Ordinum Academiâ Professor clarissimus, qui eam severè castigavit, ostenditque in multis Junium & Tremellium allucinatos fuisse. Longè etiàm postea Constantinus L'Empereur linguæ Hebraicæ, quam apprimè calluit, in Academiâ Lugdunensi Batavorum Professor similem de Tremellii ac Junii Bibliorum versione tulit sententiam, de illâ sic loquutus; *in vertendis Hebraicis à Junio & Tremellio non raro abire debui: hoc enim in istâ Bibliorum versione sæpè observavi; conceptam analysin veluti normam statui ad quam in vertendo respeceretur, cum hoc modo sæpè à vero sensu recedatur.* Hos tamèn Interpretes tanti fecit Hebraizantium nostri temporis facile Princeps Joannes Buxtorfius, ut illos appellaverit viros incomparabiles, & eorum translationem in concinnando Dictionario suo Hebræo *מִן הַיָּד* sequutus fuerit, & ex hujus postea penu quidquid habent eruditionis Hebraicæ delicatuli illi, qui priscos hodiè Interpretes fastidiunt, deprompsère. Tremellius, quia primùm Religione Judæus fuit antequàm Calvinianisimum professus fuisset, multum ex Judæis, præsertim recentioribus profecerat, & habet in dictione suâ Latinâ nescio quid pravè affectatum quod ex Genève hauissse videtur: adeò familiares sunt Doctoribus, Genevensibus ejusmodi loquutiones quæ Pronominibus relativis abundant, ubi nullum apparet relationis vestigium. Quomodò in versione Tremellianâ legimus capite primo Geneseos; *viditque Deus lucem hanc esse bonam, & distinctionem fecit Deus inter lucem hanc, &c.* Et post nonnulla iterùm, *fecit ergò Deus hoc expansum quod distinguit inter has aquas quæ sunt ab inferiore expansi istius & aquas illas.* Similia habet Theodorus Beza in versione suâ novi Testamenti, neque etiàm veritus est interdùm Tremellius verbâ quædam illustrationis causâ addere, quæ sensum mutant. Ità capite ii. Geneseos, ubi in Vulgatâ legimus; *sed fons ascendebat è terrâ,* & in aliis plerisque translationibus, *& vapor,* &c. vertit Tremellius,

Constant.
L'Emp. in
Epicr. ad nov.
Dav. lyr.

Buxt. præf.
Lex. Hebræ.

Gen. i. 4.

Ibid. v. 7.

us,

us, aut vapor non ascendebat, sequutus hâc in re Paraphrasim Arabicam R. Saadiae cognomento Gaon, sive Excellentis. Præterea libri Nehemiae capite viii. præter verba ista quæ habentur in Latino Interprete ad verbum expressa ex Hebraicis fontibus, *legerunt in libro Legis Dei distinctè & apertè ad intelligendum & intellexerunt cum legeretur*, addidit hæc alia; *per Scripturam ipsam*, quæ non exstant in contextu, & reddidit; *exponendo sensum dabant intelligentiam per Scripturam ipsam*. Quâ in re non tam contextus Hebraei verba respexit, quàm Theologiæ Calvinisticæ principia, & ab eo longius recessere Sebastianus Munsterus, Leo Judæ, Castalio aliique Interpretes è classe Protestantium, exceptis Genevensibus quibus hæc Tremellii interpretatio mirè arripit.

Biblii Lucæ
Osiandri.

Possumus quoque inter sacri contextus Interpretes è coetu Protestantium collocare Lucam Osiandrum: licet enim integram codicis Hebraici versionem aggressus ille non fuerit, nè ab antiquo Interprete Latino videretur omnino discedere; loca tamèn quæ ab hoc minùs benè reddita putavit, ex Hebræo interpretatus est, retentâ nihilominus veteris Interpretis translatione etiàm in his locis, ut ex eâ veluti collatione esset omnes cognoscerent, exempli causâ; Geneseos capite primo, ubi legimus in Vulgatâ *ferebatur*, ipse alio charactere addit, *incubabat*, quasi verbum Hebraicum meliùs exprimeretur per Latinum *incubabat*, quàm per *ferebatur*. In multis quidèm errat Lucas Osiander, dùm faciliùs Latinum Interpretem, quem non satis assequutus est, relinquit. In hoc tamèn meritò laudatur à Theologis Tubingensibus illius consilium, quòd in suâ Bibliorum editione vetustum & longo Ecclesiarum omnium Occidentis usu receptum semper repræsentaverit. Non erit intempestivum hûc referre Theologorum Tubingensis Academiæ de novis Interpretibus judicium. *Dum illi novas versiones afferunt, videntur studiosis Theologie veterem illam & usitatam velle manibus excutere. Nonnulli in vertendo obscuram diligentiam Hebræorum & sordidam ætæ-
beas quam illorum Grammatici habent sequentes, non modò grati-*

am,

am, sed fructum studii sui propemodum amittunt. Sunt etiam non pauci, qui destituti solidiore cognitione Hebraeae linguae & ignari proprietatis & elegantiae, interpretationes in medium afferunt, aut prodigiosas, aut certe non satis instituto convenientes. Similiter Andreas Osiander Lucae filius, eandem interpretandi methodum sequutus, antiquam editionem Latinam unâ cum suis Castigationibus patris exemplo publici juris fecit, servatâ semper antiquâ illâ editione. Hanc interpretandi rationem omnium esse optimam nemo paulò cordatior dubitaverit: modò tamèn correctiones intra contextum Latini Interpretis non reponantur; sed referantur ad oram codicis veluti suspiciones ac conjecturae. Ab horum instituto non ita pridem longè abiit Cocceius vir quidè linguæ Hebraicæ non imperitus, & in hoc studii genere exercitatus, ut cognoscere est ex Latinâ veteris Testamenti versione quam Commentariis suis adjecit & ex Dictionario linguæ Hebraicæ, quod haud ineruditè ex variis translationibus & ad mentem etiam veterum Interpretum adornavit. Quos tamèn frequentius in translatione suâ deserit, nimirum ingenio suo indulgens, verbâque potius & minutias quàm res ipsas venatur.

Biblia An-
dree Osiandri.

CAP. XXIV.

*De Bibliorum versionibus in lingua vernaculâ, ac
primùm de iis quæ auctores agnoscunt viros Catho-
licos.*

AN Biblia in
sermonem
vernaculum
converti de-
beant.

POST obortas in Ecclesiâ Occidentali novas Hæreses quæ, contemptis Patrum traditionibus, non aliud agnoscunt Religionis principium quàm Scripturæ sacræ libros, maximæ fuerunt inter partis utriusque Theologos de præsentî argumento concertationes. Qui sapientiores sunt inter Catholicos Theologi ingenique moderatioris Scripturas materno & naturali gentis cujuscunque sermone expositas non absolutè damnant; quia & hoc priscis Ecclesiæ Patribus non improbatum fuit; sed consentaneum existimant ut ob novas Hæreses, quæ nostrâ potissimum ætate ob Scripturam malè intellectam natæ sunt, sacrorum codicum lectio peræquè & absque discrimine non omnibus, etiam plebeiis, proponatur: sed habendam esse rationem locorum, temporum, personarum; quia inde utilitatis parùm, damni verò multum redundat. Fides secundum B. Pauli sententiam est ex auditu, certumque est longè plures ex auditu Evangelio quàm ex lecto ad Christi fidem esse conversos. In primâ Christianæ Religionis promulgatione nullus erat Evangeliorum codex ex quo fidei principia haurirentur: imò etsi nihil unquam de fide in Christum scripsissent Apostoli, Religio beneficio traditionis, Deo ita disponente, integra conservari poterat. Ità scilicet sentiunt Doctores Catholici, qui tamèn omninò non respuunt Scripturæ sacræ versiones plebeio sermone conceptas, modò non ab omnibus & absque ullâ temporis, loci & personæ restrictione legantur, &, ut inquirunt,

Non

Non profit potius quicquid obesse potest.

Jàm ante ortas eorum qui hodiè Protestantes appellantur novitates apud omnes ferè Christiani nominis gentes Scripturæ versiones existisse linguâ vernaculâ multis probare non esset arduum. Quid enim Græcos impulit ut Græcam LXX Interpretum versionem Hebræo contextui anteponerent, nisi quia lingua Græca ipsis vernacula erat. Quâ similiter ratione adducti sunt Italiæ populi ut sacros codices è Græco in Latinum sermonem converterent, nisi quia Latine loquebantur. Ex eodem fonte ductæ sunt apud populos Orientales translationes Syriacæ, Copticæ, Æthiopicæ, Armeniæ, & aliæ quas prætermitto, nè sim longus. Verum quidè est plerasque ejusmodi versionum etiâ hodiè legi ab istis populis sicuti nunc in Ecclesiâ Occidentali Latina legitur, qui tamèn illas minimè intelligunt; sed hinc non evincitur istas versiones domesticas non fuisse, ac familiares plebeiis hominibus, quorum idiomate scriptæ fuerant, ut ab omnibus legerentur.

Nunc transeo ad illas quæ sunt recentioris ætatis, apud Italos Jacobi de voragine, quondam Archiepiscopi Genuensis laudatur interpretatio Itala totius Scripturæ: leguntur etiâ hodiè versiones Italæ sacri codicis sub nominibus Nicolai Malermii Abbatis Monasterii S. Michaëlis de Lerno, & Antonii Bruciolii, cum præfatione quæ in quibusdam exstat editionibus in quâ auctor fusiùs differit de Scripturis sermone vernaculo convertendis. Inter hunc tamèn & alios Interpretes illud est discriminis, quòd Bruciolius ex ipsis fontibus Hebræis vetus Testamentum, & è Græcis novum transfulerit more Protestantium, alii verò Latinum Interpretem qui in Ecclesiâ Occidentali legebatur in linguam vernaculum reddiderint. Variæ interpretationis illius ad Hebræos codices formatæ circumferuntur editiones, quarum primam auctor Francisco primo Francorum Regi dicavit anno MDXXX. Sequutæ sunt postea tres aliæ editiones annis MDXXXIX.—XL. & —XLI. quarum utilissima videtur editio anni MDXL. quia in eâ reperiuntur notulæ non omnino contemnendæ, cum epistolâ ad Renatam Franciæ Ducis

Nehem. 2. 8.

Ferrariæ tunc conjugem, in quâ pluribus contendit Antonius Bruciolius damandas non esse Scripturæ sacræ versiones linguâ vernaculâ editas, easdemque miris modis extollit: ferendo tamen isti oneri impar fuisse videtur Italus ille Interpres, qui ex aliis versionibus, quæ jam antea ad Hebræos codices conditæ fuerant, maximè ex Pagnini Latinâ translatione ferè totus dependet, cuiusque idcirco errores sequitur, aliisque addit in locis præsertim quæ non probè intellexit. Ità capite octavo Nehemiæ, ubi Pagninus absque ullo ferè sensu vertit, *in Lege Dei expasiri*, reddit eadem ferè ratione, *nella Lege d' Iddio dichiarata*, simili & à Pagnino & ab Hebræo contextu recedens: quia enim Hebræos codices non consuluit, non potuit animadvertere in illis vocem quæ *Legem* significat esse generis fœminini; participium verò passivum quod interpretatus est *dichiarata*, quali ad *Legem* referretur, esse generis masculini, & ità dum Pagninum, cuius sensum non assequabatur, corrigit, nec verba contextûs consulit, allucinatur. De versione Italâ Jacobi de Voragine iudicium ferre nequeo, cum in illam nunquam inciderim. Possëvinus, penes quem fuit translationis illius exemplar, de eâ tanquàm minùs accuratâ loquitur; alii contra illam suâ quoque laude dignam iudicant. Sed de ejusmodi versionibus, quæ ex Vulgatâ editione vernaculo sermone factæ sunt, affirmare possumus plerasque earum castigatas non esse; quandoquidè Latinus Interpres sapissimè absque linguæ Hebraicæ cognitione intelligi non potest, undè factum est ut Jacobus de Voragine, Malermius, & alii qui Scripturam sacram ex Latinis codicibus duntaxat in aliam linguam converterunt, in errores gravissimos hæud infrequentèr labantur.

Versiones
Gallica.

Fuere etiã in Galliâ longè ante Calvinianorum sectam fieri contextûs versiones scriptæ sermone Gallico: nam & Genève & in vicinis montibus ante reformatam in his locis, seu potius deformatam, à Joanne Calvino Religionem, legebatur Gallica Scripturæ sacræ versio à Canonico quodam, nomine *Guiars des Moulins*, ex Ariâ in pago Atrebatensi, tunc Episcopatus Tervanensis concinnata anno MCCXCIV. Servant adhuc Genevenses in Bibliothecâ publicâ interpretationis illius Gallicæ exemplar, ejusdem quoque exemplar alterum asservatur Parisiis in Mu-

seo

Rob. Oliv.
præf. in sua
Biblia.

sæo clarissimi viri Henrici Justelli, putoque eam esse Bibliorum translationem cujus meminit Robertus Olivetanus, qui primus dedit Genevensibus Biblia ex Hebræo sermone in Gallicum sermonem translata. Exstat quoque in Bibliothecis quibusdam Franciæ Gallica Bibliorum versio, quæ Oresmo Rothomagensis Ecclesiæ Canonico tribuitur, regnante in Galliâ Carolo Quinto; testaturque Carolus Molinæus penes se habuisse aliquot illius Fragmenta manu exarata. Præterea Theologi Lovanienses non primi, ut vulgò creditur, Gallicam sacri contextus versionem sumptam ex Latino Interprete typis mandarunt. Alia enim reperitur anno MDXXX. Antverpiæ edita typis Martini L'Empereur cum Caroli Quinti Imperatoris privilegio in fronte operis. Ob multa tamen de veritate illius editionis dubitari potest, primò enim annus editionis minimè concordat cum his quæ in Privilegio habentur, annum videlicet illum MDXXX. primum esse Imperii Caroli Quinti, qui tamèn ad Imperium assumptus fuerat jam ab anno MDXIX. Deindè in eodem Privilegio fit mentio de fidei Inquisitoribus & aliis Theologis quibus communicata fuerit illa interpretatio : at constat nullos tunc temporis fuisse in his locis fidei Inquisitores. His omnibus accedit capite iii. Geneleos ubi in Vulgatâ legimus, *ipsa comeret caput tuum*, verba illa in Gallicâ interpretatione sic reddita habentur uti in Protestantium versionibus; *cette semence brisera ta teste*. Denique etiàm in præfatione, quæ huic versioni Gallicæ præmittitur, Scripturæ sacræ libri eodem ferè modo dividuntur atque in Protestantium Bibliis: quandoquidèm illi duntaxat Canonicis ad censuram qui Hebræicè scripti & in Canonem Judæorum recepti fuerint. Sed his omnibus responderi posse existimo: primò enim fieri potest ut error aliquis in Privilegii verba intepserit, idque probari potest ex aliâ ejusdem versionis editione cum Caroli Quinti Imperatoris Privilegio aliter concepto. Secundò, de veris, qui tunc fuerint in his locis fidei Inquisitoribus, non agi verisimile est. Tertiò, potuit Interpres Gallicus interpretari capite iii. Geneleos, *cette semence*, &c. quia statim ab initio versionis suæ pollicetur se interpretationem suam sumpsisse ex antiquis Vulgatæ editionis exemplaribus editionibus. At constat multa ejusmodi fuisse, quæ à viris Catholicis lau-

lau-

laudantur, in quibus non lectum fuerit ut in hodiernis, *ipse* sed *ipse*, ut manifeste probatur ex variantibus Theologorum Lovanienſium lectionibus ac Notis Franciſci Lucæ Brugenſis. Demùm Gallicæ verſionis illius auctor qui Latinam B. Hieronymi tranſlationem faciebat Gallicam, ut in ipſâ operis Inſcriptione teſtatur, imitari potuiſſe videtur in librorum ſacrorum diſiſione B. Hieronymum, maximè antequàm eâ de re quidpiam à Synodi Tridentinæ Patribus decretum fuiſſet. Imò neque aliter Scripturæ ſacræ libros longè poſtea partitiſ fuit Cardinalis Cajetanus.

Non moror in præſentiâ Theologos Lovanienſes, quorum verſio Gallica, quæ jam ſexcentiis cuſa ac reſuſa eſt & ab aliis poſteâ etiàm reformata verſatur in omnium Catholico- rum manibus. Id operis non ab aliis rationes aggreſſi ſunt Theologi illi, quàm ut homines plebeios & ineruditos à Bib- liorum Genevenſium, quæ tunc pluris fiebant, lectione aver- terent. Similibus quoque adductos ſe fuiſſe teſtantur ratio- nibus Theologi illi qui Biblia in ſermonem Anglicum, Ger- manicum, Polonicum, Hungaricum, & in alia plebeia idioma- ta, converterunt; nè ſcilicet ab omnibus paſſim legerentur Proteſtantium Biblia. Fertur etiàm reperiri in Provinciâ MSS. Bibliorum exemplaria ſermone Provinciæ, quæ ſuſpi- cor olim facta fuiſſe à Valdenſibus linguâ maternâ, non purè Gallicâ, quorum meminit Joânnes Leger, Calviniani ritûs Mi- niſter, in Hiſtoriâ quam de illorum ſectâ compoſuit, ubi etiàm teſtatur penes ſe habuiſſe exemplar illius verſionis lin- guâ Valdenſium.

In Germaniâ etiàm ante Lutheri novitates Biblia ſermone Germanico à Catholicis legebantur, ut Scriptores nonnulli aſſerunt qui laudant Germanicas Norimbergæ 80 Auguſtæ editiones ante Lutheranos. Proteſtantium deindè verſionibus oppoſuerunt Joânnes Eckius, Diſtenbergerus & alii Germa- nicas ſacri contextûs tranſlationes. Polonicè etiàm vertit Biblia Jacobus Wowiezkus, Societatis Ieſu Presbyter, man- dante Gregorio XIII. illiuſque verſio poſteâ à Clemente VIII. approbata eſt. Legimus & à tempore Bedæ in An- gliâ exſtitiſſe verſiones ſermone vulgari ſcriptas. Sed æta- te noſtrâ Angli Catholici utuntur verſione quæ linguâ Anglicâ

Tranſlatio
Valdenſium

Joan Leger
Hiſt. des Val-
lèes.

Verſiones
Germanicæ;

Polonicæ.

Anglicæ.

Anglicâ concinnata est à Theologis quibusdam Anglis, qui Rhemos in Galliâ transfugæ, ibi versionem Anglicam publici juris fecerunt, quam Anglorum Protestantium versionibus opponerent. In Hispaniâ indè jam à tempore S. Vincentii cognomento Ferrarii, Biblia in linguam Hispanicam conversa fuisse testatur nuperus Scriptor his verbis; *la Biblia en lengua Valenciana con licencia de los Inquisidores à cuya translacion asisto S. Vincente Ferrer*: hancque editam asserit in Folio, chartâ Regali, in folio de papel Real. Gothicam versionem longè antiquiorem laudant, factam operâ Uulphilæ Gotthorum Regis Socrates & Sozomenus. Placent etiâ nonnullis Biblia Arabicè versâ ab Hispanensi Episcopo, cùm Hispani Maurorum dominationi parebant. Hieronymi versionem in linguam Dalmaticam non recenseo, quia fictitia est & ab illis supposita qui doctissimi illius Patris verba non intellexerunt, ubi ait, se Scripturæ sacræ translationem dedisse linguæ suæ hominibus. Per *homines* enim *lingua sua* non alios intelligit quàm illos qui linguam Latinam callerent, & hâc loquutione nihil occurrit in ejus scriptis frequentius ubi Latinos designat Græcisque opponit qui legebant Origenis Hexapla.

Hispanicæ.

Cypr. de Val.
pr. f. in Vers.
Bibl. Hisp.

Gothicæ.

Arabicæ.

Fictitia ver-
sio Dalmaticæ.

CAP. XXV.

De Bibliorum versionibus in plebeio idiomate, quæ ab Interpretibus Heterodoxis conditæ fuerunt.

Innoc. 3.
Epist. ad
Metens.

Albigensium
& Vuclesistæ-
rum transla-
tiones.

De Luthero
& illius trans-
latione.

Luther;

JAM Innocentii III. temporibus vulgata fuerat apud Metenses in Galliis Bibliorum versio sermone Gallico ab hominibus Heterodoxis composita, de quâ valdè conquestus est summus ille Pontifex, monitus ab Episcopo Metensi Laicorum & mulierum non modicam multitudinem Gallicam quamdam translationem Divinorum librorum legere, coactisque secretioribus conventiculis aliorum aspernari consortium, Presbyterisque in faciem resistentes eorum simplicitatem fastidire. Quæ forsân Bibliorum versio ab Albigensibus illius temporis sumpta fuerat. Nec sua etiâ Vuclesistis defuit in Angliâ sermone Anglico, cujus etiâ aliquid ætate nostrâ superesse didici. Sed ejusmodi Bibliorum versiones ex Interprete Latino factæ fuerunt, quod illarum auctores linguarum Hebrææ ac Græcæ imperiti essent. Primus omnium Martinus Lutherus, ut erat pervicaci animo, vetus Instrumentum ex Hebræis codicibus, & novum ex Græcis transferre ausus est in sermonem vulgarem. Vix Hebræicè balbutiebat Lutherus cum inconditum fœdisque erroribus scatentem & à nonnullis etiâ postea sectæ suæ hominibus reprobam Latino Interpreti opposuit, qui dudum Theologorum omnium consensu & in Ecclesiis & in Scholis receptus fuerat. Mirè tamèn sibi gratulatur quod linguis benè instructus, *abominationem Papiſticam & impiam Sophistarum tyrannidem unâ cum toto Antichristianorum Imperio proſtigaverit.* Imò si ipsi credamus, ipſimet Diabolo ob linguarum peritiam formidabilem se præbuit. *Diabolo enim, inquit, non tam cura est spiritus meus ac lingua & in Scrip-*

turis

inris calamus. Ille tamèn Germaniæ Protestantium Patriarcha primâ versionis suæ editione, quâ Diaboli copias fugaverat profligaveratque Papisticam tyrannidem, minimè contentus, aliam recoxit; sed neutra viris etiàm sectæ suæ paulò cordatioribus placere potuit, & Sebastianus Munsterus veritus non est Lutherum notare ut Interpretem minùs accuratum parùmque doctum Hebraicè. Scripsit quoque Bucerus Lutheri versionem erroribus plenam esse, & Melchior Zanchius librum de illius erroribus composuit. Philippus Marnixius in epistolâ ad Drusium auctor est versionem nullam à textu authentico magis alienam videri quàm Lutheri Germanicam. Novam idcirco sibi cuderunt Bibliorum translationem Germanicè Zuingliani, rejectâ eâ quam Lutherus concinnaverat, usque sunt opera Leonis Judæ, quod Luthero valdè displicuit. Protestantes quoque Belgici qui hanc ex linguâ Germanicâ converterant non secùs ac Sueci, Finlandi, Dani, Islandi & alii Septentrionis populi qui Lutheri erroribus adhæserunt, ad novam Bibliorum versionem se accinxisse testantur; quia cum tumultuario tempore Lutherana versio fuerit composita, ut loquitur Joannes Leusden linguæ Hebraicæ in Academia Ultrajectinâ Professor, multis scaturit viriis quæ pleraque in suam versionem, additis adhuc multis aliis ex oscitantia auctoris versionis Belgicæ natis, irreperunt. Anabaptistas tamèn à Lutheri versione nunquàm discedere voluisse auctor est idem Leusdenius, qui ægrè tulerunt novum Testamentum à Joanne Urtenhove correctum fuisse. Itaque Belgæ versionem Lutheri, à quâ penitus antea dependebant, in Synodo Dordracenâ, ut vocant, veluti falsam & à fontibus Hebræis degenerem respuerunt, novamque meditati revisores atque interpretes sese nominarunt.

Nunc quæ fuerit Lutheri methodus in parandâ novâ suâ interpretatione ex Hebræis codicibus inquirendum est. Ille auctor est Hebræam linguam intercidisse, adeoque Judæis credendum non esse: undè etiàm detrahit B. Hieronymo, qui in translatione suâ Christi cognitionem non habuerit, quod illi cum Rufino commune est, qui olim sanctissimo illi Patri objecit eum Judaico spiritu animatum fuisse. Miratur reperiri apud Christianos qui Judæorum amilia commenta magni faciunt; *nuga Judæorum*, inquit, *arguant, eos nihil scire sacrarum*

Munst. Præf.
in Bibl. &
Not. in cap. 2.
Jonæ.

Leusd. in Phil.
lol. Hebr. mix.
diss. de novâ
vers. Eccl.

Versio Ana-
baptistarum.

Luth. lib. de
Jud. &
cor. mend.
Lutheri me-
thodus in suâ
Bibliorum
conversione.

N. Comm. in
cap. 16. Gen.

In cap. 34
Gen.

rerum, & tamen trahunt secum magnos viros & nostro tempore viros in ipsorum linguâ doctissimos qui tales sæpè nugas admirantur. Ingenium postea Rabbīnorum, qui res Grammaticas duntaxat sciunt, describit his verbis; nōrunt quid nominis, quid rei nōrunt: itaque nihil sani docere possunt. Quare Judæorum Magistros eosque sacri contextûs Interpretes qui illis adherent penitus respuit tanquàm homines ineptos, qui Judaicas Christianis obtrudunt versiones. Judicavit Lutherus longè satiùs esse obscuriora Scripturæ loca ex fidei Christianæ analogiâ, seu regulâ, explicare quàm expositionem illorum haurire ex Rabbīnorum libris, maximè cum deperditâ semel linguâ Hebræâ in integrum restitui nōn potuerit, ac plerarūque linguæ illius dictionum germanus sensus nōn minùs Judæos quàm Christianos fugiat. Ita intercidit, ait Lutherus, usus ac cognitio hujus linguæ ut haud unquàm perfectè restaurari queat: nec vocum tantum, sed & phrasum & constructionum multiplex & varia est obscuritas, quâ fit ut vim & figuras aut emphases plurimarum dictionum & sententiarum ignoremus. Aut siquâ ratione in integrum restitui poterit per Christianos, id fiat oportet ab iis qui ex novo Testamento veram cognitionem Scripturæ habent.

In hac Lutheri methodo nonnulla esse haud contemnenda nemo ierit inficias, præsertim quæ affert adversùs temporis sui Interpretes qui ex Rabbīnorum libris toti dependebant. Hos tamen nōn ob aliam rationem suggillasse videtur, quàm quòd illi ejus versionem in plerisque notâssent tanquàm minùs propriam. In hoc à Luthero inprimis peccatum fuit, quòd relictis Judæorum recentiorum libris Hieronymum aliòsque vetustos Interpretes neglexerit, & quasi solus inter Theologos saperet, recurrit. Ità ut rei Grammaticæ nōn satis addictus in falsas interpretationes abierit, quomodo ex anteceptâ de rebus fidei Christianæ opinione quâ erat imbutus pro verbis istis capitis iv. Geneseos, *possedi hominem per dominum*, ut etiàm exstat in Hebræo, ipse vertit, *possedi hominem Dominum*. Nimirum intuitus fuerat Lutherus Doctōrum quorundam Cabbalistarum, ut vocant, sententiam, qui existimant hoc loco denotari Messiam. In primâ autem versionis suæ editione eadem verba reddiderat, *acquisivi hominem Domini*; & hæc interpretatio magis adhuc à sensu contextûs Hebræici aliena

ena erat. Quippe fieri non poterat quin homo linguâ Hebraicâ ita levitèr tinctus in gravissimos errores laberetur. Quapropter illius discipuli versionem Magistri sui in multis castigare non reformidarunt; servatâ tamen illâ intra contextum honoris causâ, contenti correctiones suas alio charactere, vel duabus virgulis, conclusas adjicere, ut videre est in Bibliis Vinariensibus, quæ Lutheri versionem cum ejusmodi correctionibus repræsentant: & à Lutheranis maximè commendatur Germanica illa editio quam omnium putant castigatissimam. Paulus Eberus, qui Pastoris Ecclesiæ Vuitebergensis nomen sibi sumit, idem omninò apud Protestantes fecit quod apud Catholicos ab Isidoro Clario præstitum fuerat. Ille etenim Vulgatæ à se correctæ Germanicam Lutheri versionem adjecit, profiteturque in operis sui præfatione antiquam se retinuisse, quantum fieri potuit, Latini Interpretis versionem: sed postea correctionis suæ eum puduit, censuitque nullam correctionem suarum habendam esse rationem, ac rogat ut emendata à se Biblia in posterum non edantur, quod altis negotiis tunc impeditus in plerisque allucinatus fuisset.

Exstat quoque Germanica Bibliorum versio à Tigurinis Doctoribus, qui Lutheranam contemptui habuerunt, condita; atque imprimis à Leone Judæ. Novam tamen non ita pridem cuderunt Tigurini, quasi prior illa minus accurata fuisset. Audio recentioris illius Bibliorum translationis auctores esse Hottingerum, Heidekerum, Mullerum & alios, qui verba Hebraica serè ad verbum reddiderunt. Piscator, vir multi nominis apud Calvinianos, fertur Bibliam etiâ in sermonem Germanicum transulisse, & quamquàm à Junii ac Tremellii versione Latinâ in pluribus dependere voluerit, hos tamen Interpretes hæud infrequentèr deseruisse. Belgica versio, de quâ in Synodo Dordracenâ anno MDCXVIII. deliberatum fuerat, prodiiit tandem anno MDCXXXVII. jussu Ordinum facta Belgicè ex contextu Hebræo, non vero ex translatione Lutheri Germanicâ, quæ sincera non esset. Navos etiâ suos habet interpretatio illa Belgica, quæ recentiorum Judæorum expositionibus nimium adhæret, quasi illi soli Hebræicè sapuissent. Hanc quoque nonnulli è Protestantium classe adorti sunt, Belgicæque novitatis crimen objectum fuit.

Versio Tigurina
na sermone
Germanico.

Piscatoris ver-
sio.

Translatio
Belgica.

Notatur
Joannes Leus-
den.

Joannes Leusden, Ultrajectinus Professor jamque supra laudatus, dum gentis suae versionem asserere conatus est, inter alia assertionis suae argumenta, profert Sixti Quinti & Clementis Octavi, summorum Pontificum, emendationes in Latino Interprete: valde siquidem aliena fuit à Belgarum Protestantium instituto Sixti Quinti & Clementis Octavi emendationis ratio, qui non ducti partium affectu antiquam editionem Latinam ad verusta illius exemplaria castigare in animo habuerunt; illi verò Hebraicae veritatis, à qua discedere non audent, ostentatores, quotidie faciunt ac reficiunt novas Bibliorum interpretationes, & quò plus auctoritatis his accedat, veterem accusant Interpretem; eoque tantum collimare videntur ut nova, quæ in Ecclesiam invexerunt, dogmata novis Bibliorum translationibus stabiliant, ut nec ipsimet diutentur: palam enim affirmant, ex oriente linguarum Orientalium solo Theologos Evangelicos ad fontes provocasse, ut errores Patrisni detegerent & resellerent, suamque confessionem stabilirent.

Sixin.
Amam. lib. 1.
Antib. Bibl.
Versiones ab
Anglis condi-
te.
Colloq.
Hampr.

Novis Bibliorum versionibus Anglos Protestantes velut obertos fuisse, adeò ingens erat illarum multitudo, testantur verba illa, quæ habuit Episcopus Londinensis in Colloquio Hartptonæ. Si ingenii cuiusque liberetur ratio, nullum unquam translationibus suam fore; idcirco Regia Majestas optavit ut de versione aliqua, quæ unius apud omnes formæ esset, deliberaretur, subjiciens nullam hactenus Bibliorum interpretationem Anglicandam bonam se deprehendisse; tamen se sentire pessimam omnium esse Genevensem, studium suum in illud conferre debere viros duarum regni Universitatum doctissimos, ut postea recognoscatur ab Episcopis eruditissimis; deinde secretiori consilio oblata demum Regis auctoritate confirmetur. Hoc pacto universa Ecclesia Anglicana hæc versione tenetur, non verò alia qualibet. Ex his sanè faciliè cognoscitur quid tunc mali ac discordiæ in Anglicam invexerit Bibliorum diversitas, sub nominibus Tindali & Coverdali, Thomæ Matthæi, Tunstali & Hethi, Parkeri Archiepiscopi Cantuariensis & aliorum Episcoporum, quæ Episcoporum versionis nomen reportavit. Illa verò Genevensium, quam omnium pessimam Rex Jacobus appellat, eadem est atque Genevensis Gallica, quæ in sermonem Anglicum conversa fuerat, legebaturque in Angliâ à nonnullis Protestantibus qui ortum Genevensium profitebantur. Ejusmodi Bibliorum Historia sua peti potest ex libro Durelli ac Fulleri Historiâ rerum Anglicarum.

Durel. Vindic.
Eccles. Ang'ic.

glicarum. Sapientissimè itaque Rex Jacobus, ejus nominis primus magnæ Britanniae Rex, sancivit ut, posthabitis omnibus illis Bibliorum translationibus, quæ tunc in Angliâ circumferebantur, nova, quæ ab omni partium affectu libera esset, cuderetur. Leges etiâ condendæ interpretationis istius tulit, jussitque ut ii qui illi præessent ab eâ quæ Episcoporum versio appellabatur non discederent nisi in locis ubi aliter fieri non posset. Jussit etiâ ut voces quædam retinerentur quæ Ecclesiæ usui aliquâ ratione consecratæ videbantur, sicuti nomen *Church*, quod *Ecclesiam* denotat, & hæc sanctione arguebat Genevenses, qui alia substituerunt nomina, quos etiâ perstrinxit, vetans ne ad oram codicis rejicerentur annotationes; quia scilicet facillimè ejusmodi notis plebei homines decipiuntur. Hæc & alia ejusdem naturæ plurima, quæ à Rege mandata fuerant, Angli perfecerunt; & adhuc ætate nostrâ non alia legitur contextus Biblici interpretatio in Anglorum Protestantium cœtibus quam Anglica illa, quæ jussu Regis adornata fuit. Hanc eandem repræsentat codex illorum Liturgicus, exceptâ Psalmorum versione, quæ nihil mutationis recepit, eaque retenta est in publicis precibus quæ jam ab initio eorum secessionis ab Ecclesiâ Romana sub Eduardo Sexto obtinuerat. Jam ante Protestantium illorum tempora Anglos habuisse versionem contextus Biblici sermone Anglico à Vuiclefo conditam vulgò creditur; sed hæc, ut & alia quæ sub Henrico VIII. in Angliâ visa est, ex Latino Interprete derivata fuerat. Lutheri quoque versionem novi Testamenti Anglicè conversam fuisse auctor est Cochlaus. Fertur etiâ Biblia Londini fuisse edita sermone Vualliensium, seu antiquorum Britonum, & Guilhelmi Bedellum vetus Instrumentum, Usleriorum verò Armachanum novum in sermonem Hybernicum transtulisse. Sed hæc Hybernicam sacri codicis interpretationem igne absumptam perisse.

Cochl. in a. &
Luth.

C A P.

CAP. XXVI.

De Bibliorum versionibus, quæ plebeio ac vulgari sermone à Scholis Genevensium prodire.

Roberti Olivetani translatio.

Nullæ reperiuntur sacri contextûs versiones sermone Gallico, quæ ex Hebræis & Græcis fontibus sumptæ fuerint, præter eas quæ è Genevensium Scholâ prodire. Nam in præsentia non moror Gallicam Scripturæ interpretationem quæ Renati Benedicti, Theologi Parisiensis, nomen præfert: quandoquidem illa non differt à Genevensi, ut ex iis quæ postea animadvertentur manifestum erit. Robertus Olivetanus, ex Picardiâ oriundus & Joannis Calvinî consanguineus, primus immensum illud opus aggressus est & absolvit anno MDXXXV. qui etiam primus est deformatæ apud Genevenses ab eodem Calvino Religionis annus. Ante hæc tempora, ut testatur Robertus, legébantur in his locis MSS. versionis antiquæ sermone Gallico exemplaria, cujus auctor ignorabatur. Quæ autem fuerit interpretationis suæ methodus fusioribus verbis asserit Olivetanus in Præfatione, quam operi suo præmisit: nec ea sanè contemnenda erat, si tanto oneri sustinendo par fuisset. Sed nec Hebraicè nec Gallicè doctum fuisse Interpretem illum multa ostendunt. De linguâ Gallicâ nulla est dubitandi ratio, cum Roberti versionem postea recognoverit Joannes Calvinus, & hanc à se recognosci asserat quòd illius auctor barbarè loqueretur. Neque similiter linguam Hebræam calluisse ipse manifestè ostendit in tam laudatâ Præfatione ubi nonnulla habet quæ vix a linguæ Hebrææ tyronibus ignorari poterant, dignusque est qui omnium sibilis excipiat, cum eodem loco observat R. Aben Esram legissè in libro dicto *Tjachuth*, Judæos Tiberienses auctores esse punctorum, quæ nunc suppleunt vices vocalium in codice Hebræo, cum ab ipso

somet Aben Efrâ scriptus fuerit liber iste dictus *Tfachuth*. Robertus itaque Olivetanus non tam ex Hebræis codicibus vetus Instrumentum Gallicè reddidit, quàm ex aliis Interpretibus quos sibi duces proposuit. Recenset enim jam suâ ætate tres Scripturæ sacræ versiones Germanicas & duas sermone Italico. Profitetur tamèn ab ipso exordio se *in nullius jurasse verba magistri*, sed omni antecessorâ opinione vacuum ad codices Hebræos respexisse: loca verò Scripturæ quæ sibi videbantur paulò obscuriora asterisco, sive stellulâ, notasse, aliorum interpretatione ad marginem rejectâ.

Ejusmodi diversas interpretandi sacri contextûs rationes plurimi facit Olivetanus, maximè eas quas ex Græcis Interpretibus & B. Hieronymo annotavit, quòd eidem contextui multum lucis afferant. Idcirco non omnino dependere se palàm proficitur ab hodiernis Judæorum codicibus, quibus addita fuisset à Magistris Tiberiensibus puncta illa vocalia quæ nunc illos occupant, non veretur asserere; & ob hanc causam haud infrequenter se prætulisse Vulgatæ codicis Hebræi lectioni Græcos Interpretes & Hieronymum. In scribendis quoque nominibus Hebræis eisdem sequitur Interpretes, quos recentioribus Judæorum Magistris anteponit; novorumque Hebraizantium pronuntiationem monstrosam appellat. Denique se in linguæ Hebraicæ cognitione B. Hieronymo longè inferiorem esse agnoscit.

Digna sunt illa quæ in homine Heterodoxo, etiàm à viris Catholicis, laudentur: sed de Roberto Olivetano affirmare possumus eum *vidisse meliora probavisseque*, at *deteriora sequutum*, dùm intra breve nimis spatium, unius videlicet anni, opus quòd vix intra annos quinquaginta perfici posset, absolvit. Rarò admodum interpretationum diversitates annotat, & vix recurrit ad vetustos Interpretes. Interdum sensus minùs obvios sequitur, ut ab ipso Geneseos initio, ubi pro his verbis quæ in Vulgatâ & in aliis ferè omnibus versionibus exstant, *Spiritus Dei ferebatur*, ipse vertit, *ventus Dei*, &c. Ne autèm ob affectatam hanc in re novitatem in jus vocaretur, testes interpretationis suæ adhibet Patres aliquot Ecclesiæ Græcæ qui ea similiter reddiderunt: aliam tamèn interpretationem ad oram codicis sui retulit. In foedissimos quoque errores lapsus est Olivetanus non solum quòd Hebraicè & Gallicè doctus non esset; sed & quia literas

Lati-

Latinas non videtur calluisse. Et ita dum Interpretem Latinum in condenda sua versione magis intuetur, quam verba contextus Hebraici gravissimè allucinatur; exempli causâ capite i. Geneleos ubi in Latino Interprete legimus *cete grandia* ipse reddidit *grandes balcines*. Sed nomen istud tam in Latino quam in Hebræo ad *balenas* restringi non potest, cum in genere denotet animalia formæ oblongæ & ingentis. Quodque adhuc turpius, capite xv. Geneleos, ubi Latinus Interpres habet *lampas*, vertit Olivetanus ob vocum affinitatem *lampe*.

Joannis Calvi-
ni Biblia.

Joannes Calvinus, quanquam non magis sciret Hebraicè quam Robertus Olivetanus, hujus tamen versionem recognovit; quod ut ipse testatur, minùs Gallica esset multique in eà errores deprehenderentur. Illam tamen antea laudibus ornata auctoritate suâ muniverat. Optat ut viri eruditi per sex annorum spatium huic operi, quod laboriosum judicat, totos se dedant, versionemque suam postea aliis non minùs eruditione præstantibus communicent. Hanc Calvinì recognitionem publicavit Henricus Stephanus anno MDLIII. &, quod ille esset vir acuti ingenii excellentisque judicii atque in sacrarum literarum studio volutatus, non pauca in versione Olivetani eruditè correxit, vocèsq; rancidulas, quia linguæ Gallicæ peccatissimus erat, feliciter castigavit. Ad res tamen potius quam ad verba respexisse videtur, ac sæpissimè ut commodiorem sensum faciat, Paraphrastam agit non Interpretem. Aliquando etiã ubi necesse non fuit, discessit ab Olivetani versione, methodum tamen illius sequutus, diversis quas fert textus Hebræus expositionibus ad marginem rejectis, sed minùs frequenter quam Olivetanus, & in hac quoque aliquandò errat, quod sentum minùs proprium intra contextum exhibeat, probabiliori ad oram codicis relato, quia dictionum Hebraicarum proprietatem non intellexit. Plures etiã notas marginales sumptas ex vetustis Interpretibus, quas sapientè Olivetanus adjece- rat suis exemplaribus, absque ullâ prorsùs ratione Calvinus sustulit; sicuti capite vi. Geneleos, ubi in LXX editione & Vulgarâ legitur, *non permanebit spiritus meus*, ipse cum Olivetano vertit, *ne debeatra*, sive, *non disceptabis*, non servatâ veterum Interpretum translatione, quam ad marginem codicis sui præsentaverat Olivetanus. Recognitionis istius Calvinianæ plures fuerunt

fuerunt editiones, quæ etiâ ab hominibus Catholicis avidè lectæ fuerunt, & ea imprimis quæ Lugduni anno MDLVII. publicata est, in Folio, & charactere haud ineleganti, paucissimis duntaxat in eâ immutatis, librorumque sacrorum divisione ad Vulgatam accommodatâ: neque etiâ aliis munita est præfationibus quàm Hieronymianis, ut hæc arte facilius simpliciores deciperentur.

Cornelius Bertramus linguæ Hebraicæ apud Genevenses Professor, Beza, Fayus, Rotanus, Jaquemotus, Goulartius & alii nonnulli Calvinii editionem iterum recognoverunt anno MDLXXXVIII. &, ut erant Interpretes illi, imprimis Bertramus, Grammaticæ Hebrææ periti, præscam Genevensium versionem fecerunt minùs à Judæorum libris alienam, sequuti in hoc negotio Munsteri ac Tremellii præ ceteris interpretationes. In multis quidè ab illis censoribus castigati sunt feliciter & ut par erat Robertus Olivetanus & Joannes Calvinus; sed ex nimia corrigendi libidine locis compluribus manum medicam ubi nihil prorsus necessitatis erat adhibuerunt. Ità dùm Tremellium sequuntur capite viii. libri Nehemiæ, ubi cum ipso reddunt; *ils en donnoient l'intelligence par l'écriture mesme*, Theologiam potius, quam in Scholis Genevensium hauserant quàm Scripturæ ipsius verba exprimunt. Similiter capite iv. Geneseos, ubi priùs ab Olivetano & Calvino rectè & ad mentem Interpretum veterum redditum fuerat; *alors on commença d'invoquer le nom du seigneur*, reformatores isti obscurè ac barbarè verterunt; *alors on commença d'appeller du nom de l'eternel*, prævæ affectationis Aquilæ hæc in re imitatores. Vim quoque Gallici sermonis interdum non videntur assequuti; exempli causâ capite vi. Geneseos, ubi sermo est de arcâ, admodum insulsè interpretati sunt; *tu la fassentreras de godron par dedans & par dehors*: longè meliùs Olivetanus & Calvinus reddiderant; *tu la poisseras de poix par dedans & par dehors*, ut etiâ existat in Latino Interprete; *bitumine lines intrinsecus & extrinsecus*. Quis pariter ferat loquutionem hanc capite xxx. Geneseos, *il pela les escorces blanches*. Denique ut sexcenta ejusdem rationis præteream vim particularum sermonis Gallici non videntur intellexisse, quæ tamèn sensum immutant.

Doctorem
Genevæ
Bibli.

Ex eo tempore non alia à Doctoribus Genevensibus versio-
 sue correctio edita est quæ recenseri mereatur: sed voces quas-
 dam penitus obsoletas sustulerunt, ut interpretatio illa videre-
 tur minus horrida. Notas duntaxat Scripturæ locis quæ ali-
 quid obscuritatis præ se ferrent adjecere, quæ postea pro Do-
 ctorum Genevensium arbitrio auctæ sunt, & hac arte cerebri sui
 commenta sæpe pro verâ ac germanâ Scripturâ obtrudunt.
 Plerasque ejusmodi notarum ex variis Genevensium Docto-
 rum libris & Bibliorum editionibus non ita pridem in unum cor-
 pus redegit Samuel Desmaretz Calviniani ritus Groeningæ Mi-
 nister, quas Genevensium versioni à se editæ addidit. Sed
 ut nullius ferè judicii est Scriptor ille, multa inutilia & absque
 delectu operi suo admiscuit. Biblia quæ sub nomine Renati
 Benedicti Theologi Parisiensis sermone Gallico publicata sunt
 etiâ inter Genevensia collocabimus; cum & ipse Benedictus,
 à fratribus suis Theologis Parisiensibus gravissimè reprehensus
 ob istam Bibliorum editionem, liberè coram Deo & homini-
 bus confessus fuerit suam Bibliorum editionem totum se debere
 viris Genevensibus, paucioribus solum immutatis dictionibus
 quas non ad Hebræos codices, quia nihil Hebraicè sciebat, sed
 ex suo ingenio reformaverat. Rationes quoque profert in-
 genuè Doctor ille Parisiensis quibus ad novam Bibliorum edi-
 tionem adductus fuerit, quia scilicet Parisius nuperrimè edita fu-
 erat Dialectica Aristotelis ex Græco in Latinum conversa ab
 homine linguæ Græcæ imperito, & ut illa versio magni æsti-
 mata fuerat, ita & ipse Interpretis illius exemplo, licet nihil un-
 quàm de literis Hebraicis ac Græcis degustasset, vetus Testa-
 mentum ex Hebrais fontibus & novum è Græcis interpretari
 non reformidaverat.

Biblia Samu-
 elis Desmaretz.

Biblia Renati
 Benedicti.

Joannis Ade-
 odati transla-
 tio.

Denique Genevensium etiâ Bibliis adscribemus Joannis Ade-
 odati, Calviniani ritus Genevæ Ministri, totius contextus Bibli-
 cionem, quæ primò Italico, deinde Gallico sermone edita est;
 nec minus hodiè in Calvinianorum manibus versatur quàm ipsa
 Genevensis: adeò famosus est Interpres ille apud ritus sui homi-
 nes. Nec sanè levioribus adducti sunt rationibus ut de istâ tran-
 slatione ita sentirent, quandoquidem omnia in eâ plana sunt &
 facilia, auctorque ejus Paraphrasten potius quàm Interpretem agit,
 & nihil non ad sectæ suæ placita pertrahit, præsertim in No-
 tis,

ris, quæ versionis suæ contextui addidit. Ità Geneleos capite vi. Bertrami castigationem sequutus, vitatâ tamèn illius barbarie & obscuritate, vertit; *alors on commença de nommer une partie des hommes du nom de l'eternel*: aliam interpretationem, quæ vera & germana est, quàmque Olivetanus & Calvinus sequuti fuerant, omnino reticet contentus notam addere, quæ Scripturæ verba intra hunc sensum limitet. Voces quasdam adjicere aut illas in alias mutare majoris perspicuitatis causâ ei non est religio, minùs interdum de sensu proprio sollicitus modò ab omnibus etiàm plebeiis hominibus intelligatur. Nec tam viri Critici in suâ translatione munus obire videtur quàm Theologi & concionatoris qui in eo totus est ut populi affectus excitet. Non pauca quidè in Notis ejus laude digna sunt, & interpretandis locis Scripturæ obscurioribus haud inutilia; sed quia ex sectæ suæ principiis interdum loquitur tunc ineptum disputatorem se ostendit, vel dùm concionatoris partem agens subtiliores conceptus affectat, ridendum se cordatis hominibus exhibet. Ità quis temperet à risu legens hanc illius annotationem ad caput ii. Geneleos; *Eve*

Gen. 2. 21.

sut formée non de la teste par ce que la femme doit estre sujette au mari, non des pieds par ce que elle ne doit estre foulée ni aillée comme une servie, non du devant par ce qu'elle ne doit contrarier, non du derriere par ce qu'elle ne doit estre méprisée ni rebutée ni delaisée, mais du coste & du milieu du corps pour monstrier la moderation que le mari doit garder en sa superiorité & la fidele compagnie qu'ils se doivent l'un à l'autre. Iis autem qui Joannis Adeodati versionem legere voluerint auctor fuerim ut Italicam, quæ haud inelegantè scripta est, Gallicæ præferant legantque præsertim librorum capitumque summaria quæ universam Scripturam velut in compendium redactum exhibent.

Nec forsitan abs re erit Gallicam Sebastiani Castalionis versionem inter Genevenses recensere, licèt ille his valdè exosus non minùs ob interpretationem illam Gallicam quàm ob Latinam Genevensium maledicta in se converterit. Publicata est autèm illa Castalionis editio Basileæ anno MDLV. eamque ipse Henrico II. Regi Francorum dicavit. Non est autem cur in eam anxie inquiramus cum fermè ad verbum ex Latinâ petita fuerit, eamdemque prorsus scribendi rationem sequutus fuerit Castalio, exempli causâ, capite xlix. Geneleos, ubi nomen Hebraicum *Schilo* in Latinâ editione interpretatus fuerat *Sospirator*, vertit in Gallicâ, *porte*

Castalionis
versio Gallica.

*bonheur: & hanc quoque eodem planè modò atque Latinam sic exorditur; Premièrement Dieu crea le ciel & la terre; & comme la terre estoit neante & lourde & tenebres par dessus l'abisme, & que l'esprit de Dieu se balançoit par dessus les eaux; Dieu dit, la lumiere soit, &c. Quæ ad verbum ex Latinâ suâ translatione reddidit. De illâ autem non minùs conquestus est Theodorus Beza quam de Latinâ, reprehenditque acerrimè Theologos Basileenses, qui passi sint Sebastiani Castalionis Biblia cum Latina tum Gallica edi Basileæ. Utramque arguit ut impiam & indoctam, asseritque Castalionem linguæ Hebrææ prorsus imperitum esse; & quia nihil omninò Hebraicè noverat Beza, testatur id se à viris didicisse in hâc linguâ peritissimis. Sed non ita indoctus erat Hebraicè Castalio quin magis peritum Interpretem quàm Genevenses multis in locis se præbeat; quomodò, ut innumera præteream, dictionem *Tannim*, quæ occurrit initio Geneseos vertiturque à Latino Interprete *cete grandia*, non reddidit uti Genevenses *grandes baleines*, sed novâ dictione inventâ, ut meliùs piscium istorum magnitudinem exprimeret, interpretatus est *grands poissonnars*.*

Cassiodori de
Reynâ trans-
lationes His-
panicæ.

Cassiodori de Reynâ & Cypriani Valerii, qui è Protestantium coetu etiã fuerunt, sacri contextûs versiones scriptas Hispanicè penè omiserunt. Ille in operis Præfatione testatur in condendâ suâ versione ex Hebræis codicibus ducem imprimis sibi proposuisse Pagninum Judæosque qui Hispanicam veteris Testamenti interpretationem publicârunt. Hic verò non tam novæ ad Hebræos fontes translationis auctor est quàm prioris, quæ à Cassiodoro edita fuerat, reformator. Uterque autem vix Hebraicè doctus fuit. A Protestantibus quoque publicatam fuisse Italico sermone Scripturæ sacræ versionem ex eo licet suspicari quòd Robertus Olivetanus duas Bibliorum interpretationes in hâc linguâ ante sua tempora editas recenscat. Unius quidem auctorem fuisse Antonium Bruciolium jam supra animadversum fuit; à quo verò altera illa condita fuerit ad Hebræos codices penitus ignoro.

Versio Italica.

C A P. XXVII.

De Bibliis Polyglottis.

Biblia vocant Polyglotta quæ pluribus expressâ linguis habentur; quâ ratione Judæi Constantinopolitani duo Legis Mosaicæ exemplaria linguis quatuor concepta ediderunt, quorum primum exhibet contextum Hebraicum, Chaldaicam Onkelosi Paraphrasim, Targum, sive Paraphrasim Arabicam R. Saadiæ cognomento Gaon, seu Excellentis, & Persicam Taufi versionem; alterum verò præter contextum Hebræum & Chaldaicam Paraphrasim complectitur translationem sermone Græco vulgari, & alteram linguâ Hispanicâ; utramque Hebraicis characteribus exaratam, additis punctis Rabbinicis quæ vices vocalium suppleant. Idem quoque in Arabicâ Saadiæ & Persicâ Taufi versionibus servatum fuit : at illud imprimis videtur dignum animadversione quod Judæi qui Arabicæ R. Saadiæ interpretationi puncta adjecerunt ad plebeiam potius linguæ Arabicæ pronunciationem attenderint quam ad veram & Grammaticam qualis notatur in Alcorano, ex his quæ prima sunt Geneseos verba licet judicare.

אֵל אֶתְּיָדָא וְהָאֵל אֶתְּיָדָא
וְהָאֵל אֶתְּיָדָא וְהָאֵל אֶתְּיָדָא

Hæc si conferantur cum Arabico Saadiæ exemplari, quod Grammaticis signatum punctis existat in Bibliis Anglicanis, etsi interpolatum ut in Bibliis Parisiensibus, quantum Judaica ista punctorum ratio à germanâ, seu Grammaticâ, discrepet faciliè deprehendetur. Proferam quoque hoc loco specimen versionum Græcæ vulgaris & Hispanicæ, quod illarum exemplaria in Europæ Bibliothecis vix reperiuntur. Istud ex versu sexto capituli primi Deuteronomii sumetur, mediûmque locum Græcam inter & Hispanicam tenebit veritas Hebraica.

Polyglotta Ju-
dzorum.

Prunus

אוקריוש או	יהוה	נאשטרו דין
חאוש סש אשידיכן	אלהינו דבר	הכלו אנש אין חרב
פרוש אשש איש	אלינו בחרב לאמר	פיר דיוור אבסטו
טו חרב טו אזי	רב לכם שבת בהר	אווש אשטאד אינד
פולי אשש אופו	הוה :	מונטי אישטי
קחשטי אישטו אורוש		
אשטו		

Anno 1515.
Polyglotta
Compluten-
sia.

Primus inter Christianos Biblia Polyglotta publicavit integra Franciscus Ximenius de Sineris, Cardinalis & Archiepiscopus Toletanus, quæ vulgò Complutensia Biblia appellantur. In his exstant contextus Hebraicus, Græca LXX Interpretum versio & Latina quæ vulgò putatur Hieronymi, necnōn Chaldaica in quinque tantum Mosis libros Paraphrasis. Rationem operis sui statim ab exordio illustrissimus ille Cardinalis aperit his verbis in Prologo ad Leonem x. summum Pontificem; *cum uniuscujusque idiomatis sua sint verborum proprietates, quarum totam vim non possit quantumlibet absoluta translatio prorsus exprimere; tum id maxime in eâ linguâ accidit per quam à Domino locutum est — accedit quòd ubique Latinorum codicum varietas est, aut depravata lectionis suspicio ad primam Scripturæ originem recurrendum est, sicut B. Hieronymus & Augustinus ac ceteri Ecclesiastici tractatores admonent; ita ut librorum veteris Testamenti sinceritas ex Hebraicâ veritate, novi autem ex Græcis exemplaribus examinetur.* Contraria tamen mōx loquutus in alio ad lectorem Prologo veritati Hebraicæ detrahit, Judæorum codices elevans ut antiquas Ecclesiæ versiones attollat: proficitur enim Latinam B. Hieronymi versionem Hebraica inter & Græca exemplaria à se collocatam tanquam Iesum seu Romanam, ut loquitur, Ecclesiam inter duos hinc & indè latrones. Indigna sanè comparatio, quàmque à tam eximio Cardinale profectam vix crediderim. Chaldaicam verò Paraphrasim in libros tantum Mosis publici juris se fecisse affirmat, quòd ista in reliquos veteris Testamenti libros admodum impura sit, minusque digna quæ sacris codicibus inseratur.

Hæc est Bibliorum Complutensium œconomia: in hoc qui-
Hæc

Ap̃madversio
Biblia
Complut.

dẽm illorum auct̃or Cardinalis Ximenius videtur dignus lande quòd novam & ab Hieronymianâ diversam translationem nõn cuderit, majorẽmque adhuc laudem meriturus si ea notasset loca in quibus Latinus Interpres, qui nõn semper Hieronymum sapit, ab Hebræo contextu discedit. Nõrunt siquidẽ rei Criticæ periti versionem istam, qualis nunc exstat, Hieronymianam in omnibus haud referre; sed habere aliquid mixtionis ex vetere, seu Italâ. In hoc etiã doctissimum illum Cardinalem laudo, quòd Latinam editionem, quæ tunc innumeris mendis scatebat, in multis repurgarit: verum ista castigatio nõn ubique feliciter ei successit, iis præsertim in locis ubi contextus Hebraici verbis pressius adhaerens Latinum Interpretem ex illo solum & absque Latinorum codicum ope correxit, lapsus similiter in reformandis interdum ad Hebraica Græcorum Interpretum exemplaribus; etsi palam testetur se nõn vulgaria, seu temerè oblata, exemplaria sequutum fuisse; sed vetustissima simul & emendatissima. Græca autẽm novi Testamenti verba ita à se edita asserit ut nudas præferrent literas absque ullis aut spirituum aut tonorum notis. *Antiquissimos, inquit, Græcos absque hisce fastigiis literarum scriptisasse notius est quàm ut sit multis argumentis comprobandum.* Cũ verò idẽ ab ipso præstitum nõn fuerit in Græcâ LXX Interpretum editione mox ostendit; quia scilicet hæc mera est interpretatio, nõn autẽm contextus, qualis est Græca novi Testamenti editio. Demum his omnibus adtexuit Cardinalis Ximenius Hebraicorum Chaldaicorumque vocabulorum dictionarium, quod nõn ex Rabbiorum libris desumptum fuit, ut alia ferè omnia quæ postea concinnata sunt, sed ex vetustis Interpretibus.

Biblia Complutensia iterum edi curavit, sed longè auctiora Antuerpiæ Arias Montanus sumptibus & auctoritate Philippi II. Hispaniarum Regis, à quo Bibliorum Regionum, seu Philippi II. nomen sortita sunt. In his præter contextum Hebræum, Græcam LXX Interpretum versionem & Latinam B. Hieronymi, quæ exstant in Complutensi editione, apparet Chaldaica Paraphrasis in reliquos veteris Instrumenti libros, quam Complutensium Theologorum Bibliothecæ dicaverat Cardinalis Ximenius, & in novum Testamentum Syriaca translatio cum Latinâ illius versione. Nõn aliam quidẽ textus Hebræi translationem

Anno 1572.
Polyglotta
Regia.

nein quàm Hieronymianam Ximenii exemplo ductus operi suo Arias inseruit: verùm nè deesset Latina interpretatio, quæ contextus verba in omnibus & *καὶ τὸ δὲ* referret, ad calcem ejusdem operis adjecit Latinam Santis Pagnini versionem cum suis ad eam castigationibus, quo magis adhuc verba Hebraica exprimeret. Immensum illud & verè Regium opus à Theologis Hispanis, Parisiensibus, Lovaniensibusque & aliis viris eruditione & pietate conspicuis approbatum, imò & à summo Pontifice Gregorio XIII. eximie laudatum, vix obtrectatorum quorundam latratus & maledicentiam effugere potuit. Malè siquidè audiit apud istos Arias Montanus, quòd ausu planè tenerario & nefando impuram illam & portentosam Paraphrasim Chaldaicam, quam Ximenius in Collegii Complutensis Bibliothecâ recondi jusserat, primus in publicum edere veritus non fuisset. Non defuere etiàm inter Judæos, maximè in Italiâ, qui ex Paraphrasis istius editione Religionis suæ superstitionibus multum roboris accedere arbitrati, Philippo II. veluti ceremoniarum suarum eximio defensori fausta precati sunt. Verum inter Theologos repertus est, vir impensè doctus, Franciscus Lucas Brugensis, qui Paraphrasim Chaldaicam adversùs importunos invidorum latratus sermone apologetico defenderit. Professus etiàm fuerat Arias Montanus se ab instituto & ratione Cardinalis Ximenii nè tantillum recessisse qui in animo habuerat ejusmodi Paraphrasim integram seorsim publicare cum Latinâ illius interpretatione resectis tantùm fabellis.

Animadversio
in Biblia Re-
gia.

Dignum est profectò Regium opus illud quod ab omnibus Theologis celebretur, & si nonnulla videantur in eo desiderari: eosdem quippe nævos præfert, quos jam antea in Bibliis Complutensibus notavimus. Nimirum eadem sunt exemplaria Græca & Latina quæ jam publicaverat Cardinalis Ximenius. Santis Pagnini versionem Latinam non tam reformavit Arias Montanus quàm deformavit: dùm enim verba Hebraica pressius sequitur ubique ferè *συνεικίζε*, danisque *sine mente sonum* à germanâ dictionum significatione sæpiùs recedit. Denique Arias instructissimum longèque ampliorem quàm qui in Bibliis Complutensibus apparatus, qui plura Lexica plurèſque Grammaticas exhibet, edi curavit: à quo tanèn non pauca, quæ minùs ad propositi sui rationem faciant, rescari possent tanquàm inutilia.

Regias

Anno 1645.

Polyglotta
Parificensia.

Regias Cardinalis Ximenii & Philippi Ilmpensas longè superavit ætate nostrâ vir eximius Michaël le Jay Parisinus, qui suis sumptibus novam Bibliorum Polyglottorum editionem aggressus, in illis cudendis patrimonium dilapidavit priusquam ingens & mirabile opus istud ad umbilicum perduceretur. Primum itaque ea omnia quæ in Bibliis Regiis jam edita fuerant iterum edicavit typis elegantioribus, quibus deinde Samaritanorum codices, Pentateuchum scilicet Hebræo-Samariticum & versionem Samariticam, Syriacam quoque & Arabicam in totum vetus Testamentum versiones punctis instructas cum Latinis earum interpretationibus ausu planè incredibili adiecit: similiter versionem Arabicam in novum Testamentum quæ in Regiâ editione non existat. In hoc autem negotio usus est operâ doctissimi viri Gabrielis Sionitæ Maronitæ è monte Libano & in perpaucis voluminibus Abrahami Echellensis Maronitæ etiâ è Libano. Desideratur autem in hoc opere apparatus qui complectitur animadversiones quæ in varias illas Bibliorum editiones jam à viris doctis paratæ fuerant. Ortum quoque fuit ex illorum negligentia qui tam eximio operi præfuerunt, ut Græcæ LXX Interpretum versionis & Latinæ B. Hieronymi exemplaria eadem prorsus recusa fuerint quæ jam in Bibliis Regiis edita, prætermisâ Vaticanæ exemplaris editione Græcâ quæ purior erat magisque castigata, neglectis pariter Vulgatæ editionis exemplaribus, quæ summorum Pontificum auctoritate ad vetustissimos eosdemque optimæ notæ codices à viris præstantibus & rei Criticæ peritis recognita fuerant. Interim mendas prætereo quæ, Scribarum incuriâ in libros Syriacos & Arabicos injectæ, magnam partem relicta sunt. Verba etiâ Syriaca & Arabica minùs affectu Latini eorum Interpretes sensum locis compluribus non rectè exprimunt.

Animadversiones
in Biblia
Parificensia.

Denique præmissæ sunt immenso huic operi Præfationes aliquot quæ illius utilitatem commendunt. Verùm in his suo seipsum gladio jugulat vir clarissimus D. le Jay, dum totus dependens ab hominibus qui non erant ab omni prorsus opinione præconceptâ liberi atque inprimis à Joanne Morino, viro alioqui docto, Judæorum codices elevat, iisque antiquas Ecclesiæ tralationes præferre non dubitat; quodque videtur incredibile, palàm asserit pro certo & indubitato esse debere, *Vulgatam editionem quæ communi*

Catholica Ecclesia lingua circumfertur verum esse ac genuinum sacrae Scripturae fontem. At nè quidem Patres Tridentini simile de Latinis codicibus decretum ferre ausi sunt. Profusè marsupium suum evacuavit largificus ille vir in edendo tam magnifico Bibliorum Polyglottorum apparatu, si constet Latinum Interpretem complecti germanam ac primigeniam Scripturam ad eumque solum tanquam ad verum fontem recurrendum. Haud absimili ratione pro tuendâ LXX Seniorum interpretatione ducit argumentum opinione suâ firmissimum ex Scriptore Mahumetano, qui in re Chronologicâ, relictis Judæorum & Samaritanorum codicibus Hebraeis, Græcos Interpretes sequitur: indeque conficit D. le Jay; *nō tantum apud Christianos LXX Interpretum suprema auctoritatis fuisse, sed apud Mahumetanos etiā ipsos.* Demum quis credat D. le Jay, ut versionis Arabicæ, quam primus in publicum edebat, antiquitatem commendaret, veritum non fuisse affirmare illius ope ab Hieronymo septingentos aut octingentos versus, qui in veteri Jobi translatione deerant, restitutos fuisse; testemque profert assertionis suæ ipsummet Hieronymum qui scribit ante librum Jobi à se translatum DCC. ferme, aut DCCC. in eo versus defuisse; sc̄que in illâ cudendâ nullum de veteribus sequutum fuisse Interpretem, sed ex ipso Hebraico Arabicoque sermone, & interdum Syro, nunc verba, nunc sensus, nunc simul utrumque expressisse. Verum Arabici sermonis nomine nullam hoc loco versionem Arabicam indicare voluisse Hieronymum notius est quam ut multis probetur. Ostendit doctissimus ille Pater his verbis, quam difficilis intellectu sit liber Jobi, cujus auctor non Hebraica modò verba usurpavit, sed & Arabica & Syriaca, ad quorum intelligentiam *Lyddam quendam præceptorem qui apud Hebraeos primus haberi putabatur non parvis se redemisse nummis* testatur.

Hieron. Praef.
in Job.

Anno 1657
Polyg'otta
Anglicana.

Vix publici juris facta fuerant Biblia Parisina, cum in Angliâ clarissimus Vualtonus alique viri eruditissimi cogitare coeperunt de iisdem Bibliis iterum prelo committendis in minori formâ typisque minis elegantibus ut nova illa Polyglottorum editio sacrarum literarum studiosis paratior esset atque illorum usus accommodatior. Res ista feliciter & ut in animo habuerant eis successit. Proderunt itaque anno MDCLVII. Biblia illa Polyglot-

ta, quæ vulgò Anglicana appellantur, eaque sex tomis comprehensa. Illa quidem chartæ magnitudine & bonitate, necnò typorum elegantia Parisiensibus Heptaglottis longè inferiora sunt; at id imprimis habent commodi quòd singuli contextus & versiones unico veluti intuitu legentibus se offerant, faciliq; negotio inter se conferri possint: in legendis autem Parisiensibus Polyglottis id frustra obtineas nisi duo simul volumina immensæ molis evolvantur. Deindè in hoc etiàm Anglicana præstant Parisiensibus, quòd illa Græcæ LXX Interpretum & Latinae B. Hieronymi versionum puriora exemplaria præferant, Græca scilicet quæ Romæ ex codice Vaticano, & ex hoc postea Parisi edita; Latina verò quæ studio & auctoritatè summorum Pontificum Sixti V. & Clementis VIII. ab innumeris mendis expurgata fuerant. His omnibus accedunt versiones Arabicae & Syriacæ libri Esther, Judith, Tobiae aliorumque, per paucorum tamen, voluminum, quæ in Bibliis Parisiensibus Syriacæ & Arabicæ non exstant. Habet similiter Anglicana illa editio Targum triplex; nimirum, illud quod vocatur Hierosolymitanum, alterum Pseudo-Jonathanis, quæ ambo sermone Chaldaico impuro scripta sunt & Persicam Taufi Paraphrasim. Habet quoque Evangelia quatuor Persicè & Psalterium Æthiopicum; quæ omnia in Bibliis Parisiensibus desiderantur.

Interea D. le Jay, qui in edendis Bibliis Parisiensibus facultates suas consumpserat, fortunam multis conquestus Anglos tanquam homines plagarios accusabat qui laborem alienum sibi sumpserant, nihilque aliud quam quod jam editum à se fuerat, si paucula eaque nullus ferè momenti excipias, iterum publicarent. Dignus sanè miseratione fuit vir ille, qui futuri lucri studio patrimonium miserè dilapidavit. Verum laude quoque digni sunt Angli qui paratiora & ad usus quoslibet accommodatiora Polyglotta ediderint; laude adhuc digniores si nationum Orientalium versiones, imprimis Arabicas, quæ in eorum Bibliothecis delitescunt, meliorisque sunt notæ quam quæ in Parisiensibus sunt editæ, publici juris fecissent: longè siquidem satius fuisset exemplaria Pentateuchi Arabici cum obelis, asteriscis aliisque Origenianis notationibus, quæ servantur in Bibliothecâ Oxoniensi evulgare, quam interpolatam illam R. Saadiae Paraphrasim, qualis jam in Polyglottis Parisiensibus

Animadversio in Biblia Anglicana.

riensibus exstabat, iterum recudere. Quòdque videtur mirabilius, constat errores innumeros, quibus abundat Parisiensis editio, maxime in versionibus Syriacis & Arabicis, necnon in Latinis illarum interpretationibus, adhuc in Anglicâ eisdem conspici; neque etiâ castigatos fuisse in animadversionibus Criticis, quæ in ultimum tomum rejectæ sunt. Alia prætereo & quidè non pauca, quæ in Anglicâ Bibliorum editione notari possent; quippe *nihil est ex omni parte beatum*. In eâ autem præcipuè eminet apparatus Biblicus qui frontem libri occupat, etsi suos quoque habeat nervos, videtur enim à diversis Scriptoribus concinnatus, qui diversa de eodem argumento sentientes in contraria abeunt: indeque ortum videtur ut Vualtonus, cujus nomine opus istud prodit in lucem, parùm consentaneè interdum loquatur.

FINIS.

CASTIGATIONES
AD
OPUSCULUM
ISAACI VOSSII
DE
Sibyllinis Oraculis
ET
RESPONSIONEM
AD
OBJECTIONES
NUPERÆ
CRITICÆ SACRÆ.

CRITICAL SACRA

OF LECTURES

AND

DISCOURSES

ON THE

OF THE

OF THE

OF THE

OF THE

OF THE

Castigationes ad Opusculum
ISAACI VOSSII
 DE
 SIBYLLINIS ORACULIS
 ET
 RESPONSIONEM
 AD
 OBJECTIONES
 NUPERÆ
 CRITICÆ SACRÆ.

Auctor Criticæ sacræ in vetus Testamentum Simonius in Isaaco Vossio, quem nimio Græcæ versionis affectu abreptum existimabat, moderationem requisierat. Sed vir doctus, qui *Christum in Apocalypsi repi-* Voss. In Resp.
dos evomere novit, *nihilquo Deum amare quod medium sit,* ani- ad Obj. nup.
 mo longè obstinatori accessit ad scribendum opusculum de Si- Crit.
 byllinis Oraculis, in quo ad id unum respexisse videtur, ut e-
 levatis pro suo more Judæorum codicibus Græcos Interpretes
 in majus extolleret. Ità etiã respondet Simonio ut eum po-
 tiùs animo à Rabbinis præoccupato ad scribendum se accinxit,
 se scribat, exemplo Hieronymi, qui *primus Christianorum Rab-* Id. Voss.
binnicam condidit versionem & alios ad idem audendum signifer præ-
cessit. Profitetur Vossius se non Rabbinos sed Christum se-
 qui.

qui magistrum, & in eâ quam Christus ipse approbavit versione acquiescere, Simoniôque auctor est ut cesset novam sacrarum literarum molire versionem, quod purior magisque genuina introduci nequeat Scriptura quam illa quæ à Christo & Apostolis nobis tradita est. Placet quidè in hoc Vossius quod Græcis Interpretibus plurimum tribuat, plûs etiâ placiturus si non eos ab omni prorsus errore immunes affirmaret, atque ab illis nè quidè in minutioribus recedendum esse, utpote qui Prophetæ non Interpretes ipsi videantur. Laudo præterea eximii illius viri diligentiam in asserendâ à maledicentissimorum hominum calumniis LXX Seniorum tralatione & in expurgandis eorum codicibus. Verùm ubi de rebus Judæorum eorûmque libris agitur, summam præ se fert in his vir doctus inscitiam falsæque pascim pro veris conatur obtrudere. Totum istud negotium exemplis aliquot fiet illustrius. Quare nonnulla ex clarissimi illius viri opusculo de Sibyllinis Oraculis & Responsione ad Objectiones Criticæ sacre seligam, ex quibus manifestum erit illum de rebus parùm sibi compertis decreta tulisse. Summam itaque exordium ab Epistolâ quam opusculo de Sibyllinis Oraculis præmisit.

Primâ fronte in hac epistolâ Vossius virum Hebraicè doctum miris modis traducit veluti *fatuum*, *Semi-Rabbinum* & *insignem nebulonem*, qui verba Hieronymi nequissimè interpolata produxerit. Verùm ex hoc potius B. Hieronymi loco qui in controversiam vertitur, Semi-Rabbini isti Sibyllistam Vossium tanquàm falsificum in jus vocabunt, qui doctissimi illius Patris verba à se minimè intellecta perverterit, protuleritque tum editos tum manu exaratos Hieronymi codices per paucis cognitos. Locus de quo agitur exstat his verbis conceptus in Quæstionibus seu Traditionibus Hebraicis in Genesim ejusdem Hieronymi. *Hebrai quod sequitur, & nescivit cum dormisset cum eâ & cum surrexisset ab eâ, appingunt de super quasi incredibile & quod rerum natura non capiat coire quempiam nescientem.* Testatur Vossius complura se consuluisse exemplaria MSS. & in omnibus scriptum invenisse *apponunt* pro *appingunt*. Verius dixerit in nullis, qui probæ notæ fuerint, codicibus se invenisse *apponunt*. Quis enim sensus ex his verbis formari posset si pro *appingunt* repositum fuerit *apponunt*? Undè autem codices illos

Voss. in Epist.
ad Thom.
Erun.

Hieron. Tradit.
in Gen.

Gen. 19. 33.

*I*llos fumperit non refert. Sed ut veniamus ad rem, nihil cau-
ſæ fuit cur Voſſius ſcilicèt verba contextûs Hebraici perver-
teret, veritus ſcilicèt nè ex iſtâ diſtione appingunt punctorum
antiquitas inde jam à temporibus Hieronymi defenderetur.
Fatentur enim ſaniores Critici ejuſmodi puncta Hieronymi æ-
tate longè recentiora eſſe, qui tamen hæc inviti agnoſcunt
iſtud punctorum genus quorum hoc loco meminit Hierony-
mus, quæque ſupra diſtiones aliquot Hebraici contextûs appo-
nuntur, eadẽ fermè ratione quã Samaritæ & Syri lineolas
quaſdam tranſverſas ſuper quaſdam vocabula appingunt, quæ
hæc dubiè à Grammaticis feu Criticis inventæ ſunt. Judæos
tũ antiquos tũ recentiores habet ſibi conſcientes hęc
in parte Hieronymus: de his mentio fit in Talmude in Me-
draſchim, ſeu Commentariis Judæorum Allegorijs in Scriptu-
ram, & in Maforâ. Ea quoque repræſentant hodierna Bibli-
liorum exemplaria nõn ſecus atque Hieronymi ætate, & in ple-
riſque ad diſtionem קִיָּסָה de quâ in præſentiâ diſputatur, ad
oram codicum hæc additur notatio נקוד על פunctum ſuper li-
teram Van. In Biblijs Venetiſ editis in minori formâ à Petro
Bragadino Genefis capite xxxvii. ubi ſimile punctum occurrit
ad diſtionem וַיְחַדֵּם exiſtat in margine hæc nota וַיְחַדֵּם
נקודה בַּתורה נקודה ex punctis xvi. quæ ſunt in Lege. Rationes
ejuſmodi punctorum quales redduntur à Judæijs, quorum ani-
ma eſt ineptiendi pruritus, ſilentio prætermitto, quia ineptæ
ſunt. Satis eſt annotaſſe Judæos ejuſmodi puncta ex paternâ
traditione in exemplaribus ſuis dudũ retinere.

Deplorat deinde in eâdem epistolâ Vossius miserum hoc tempore in Germaniâ Academiarum statum ubi tam impunè grassatur Rabbinismus, nullâque excolitur Theologia nisi Rabbinica. Fieri non posse existimat vir doctus ut humaniores literæ tractentur ubi Rabbinismus regnat strigésque Rabbinicæ latè dominantur. Nec in his secum dissidentem me habebit Vossius. Auctor quoque fuerim ut nugivendi isti Theologastri, qui spretis literis Græcis & Latinis, nihil præter Rabbinorum commenta admittunt, ex Theologorum albo expungantur. Verùm ut his etiâ adscribantur viri eximiè docti qui exemplo Origenis, Hieronymi, Chrysostomi, Theodoret, aliorumque Patrum frequentant Judæorum limina, vix ferre possum. Nu-

Edit. Venet.
in 16. an.
1615.

gas quidē easque maximas plerique Judæorum libri præferunt : at non pauci sunt ex eorum classe Magistri qui sacras literas mirè illustrarunt. Rem ità esse apertè docent unius Hieronymi in Prophetas Commentarii qui doctissimos ætatis suæ Judæos consulere non erubuit. Delicatulò Vossio Hieronymus vilis est & Theologorum Semi-Rabbinorum princeps. Semi-Rabbinus tamen iste, etsi suos quoque naves habeat, reliquos Ecclesiæ Patres in exponendis sacre Scripturæ libris longo intervallo superavit. Optarim quoque ut in Semi-Rabbinorum castra prius transeat Vossius quàm res illorum tractet : vix enim à risu temperant Semi-Rabbini isti cùm legunt in epistolâ quam præmisit libello de Sibyllinis Oraculis ne sex quidē effluxisse sæcula ex quo primum usurpari cœperunt puncta ista vocalia, quibus hodierni Judæorum codices onerantur : hos tria vel quatuor sæcula acerrimè inter se conflixisse, dùm alii sic, alii aliter inducendas esse vocales censerent ; & hè nunc quidē controversiam hanc fore sopitam nisi Daniel Bombergus litem istam diremisset conductis aliquot Judæorum centuriis ; atque ità demùm istas vocales primum Venetiis ex officinâ Bombergi in lucem prodixisse. Habuit profecò vir doctus Bibliothecam Rabbinorum libris benè instructam ex quâ hausit commenta ista plusquàm Rabbinica. Primò siquidē nōrunt qui sunt in Judæorum libris volutati jam ante Bombergianas Bibliorum Hebraicorum editiones in aliis Italiæ partibus, maximè Pisauri, edita fuisse Biblia Hebraica punctis vocalibus adornata. Reperiuntur etiàm Bibliorum exemplaria indè à CCCC. aut D. annis manu exarata quæ eadem puncta præferant, laudanturque à Rabbini antiquioribus Biblia Hebraica quæ puncta ista exhibeant. Similiter non à DC. solum sed à DCCCC. & ampliùs annis usurpata sunt ista puncta. Rabbi Saadias Gaon librum scripsit de re Grammaticâ sub annum DCCCC. in quo de punctis vocalibus, quæ longè ante illius ætatem apud Judæos in usu fuerant, multis disputat. Præterea ficta sunt ea omnia quæ de gravissimo inter Judæos conflictu affert Vossius, quoniam scilicet modo apponendæ essent vocales contextui Hebraico. Ex eadem quoque officinâ prodit quod habet vir doctus de editionibus Bombergianis quæ ex plurimum Judæorum sententiâ mendis scatent. Spemunt quidē

dẽm Judæi primam Bibliorum Hebræicorum Bombergianam editionem cui præfuit Felix Pratensis, quia scilicet notationes Masorethicae ad oram illius exemplaris summâ rei illius inscitia adjectæ sunt. Verum secundam & tertiam Bibliorum Bombergianorum editiones laudant & venerantur. De addendis quidẽm notis Masorethicis ad Bombergianas editiones maximæ subortæ sunt difficultates, quia pauci sunt etiã inter Judæorum Magistros qui artem Masorethicam benè calleant; quas tamen improbo ac duro labore superavit R. Jacob Ben Haim, primus Masoræ instaurator. Utrum autem in alendis Judæorum, quos conduxerat Bombergus, centuriis patrimonium dilapidaverit, uti contendit Vossius, nõn anquiro, neque de hoc nunc agitur negotio. Complura iis quæ jam à me allata sunt faciliè adjici possent, forsàn nec ab instituto aliena; sed vereor nè vir doctus me tanquã Semi-Rabbinum ac Judæorum fautorem trahat in judicium. Quare ad illius de Oraculis Sibyllinis opusculi examen transeo, ubi eruditius de Judæis eorũque libris disputat.

Nonnulla affert statim ab initio operis vir inexhaustæ eruditionis de Sibyllinis Oraculis, quibus in Hispaniã præsertim abusi fuerint Judæi adversus Christianos. Hæc quæ minùs à commento quã à verâ historiã videntur abesse præmonet inferenda paginæ xix. vel xxvi. ubi tractat illud argumentum. Verum cum jam demonstratum fuerit Chronologiam ex Judæorum codicibus petitam minùs adhuc favere Judæis ipsis quã quæ ex Græcis Interpretibus sumitur, nõn est cur refellendis hâc in re doctissimi Vossii inventis ampliùs detineamur. Jam quidẽm vir perspicacissimus animadverterat Judæos sub Aquilæ tempora Hebræos codices deditâ operâ corrupisse & bis mille annorum expunxisse tempus, ut tempus Messia necdum advenisse obtinerent: at hoc loco, longè oculator, putat depravationis istius spatium ut plurimum viginti duobus posse determinari annis, idque ex verbis Ignatii in epistolâ ad Philadelphienſes rectè confici. Scribit sanctissimus ille Martyr, referente Vossio, se audiisse nonnullos dicentes, si eâ quæ in Evangeliiis continentur nõn etiã in Archivis, seu antiquis inveniantur monumentis, nolle se iis credere. Cum ipse responderit, inquit Vossius, illi verò negaverint, manifestum Judæos jam tũ aut depravasse sua exemplaria aut recessisse à sensu quem LXX tradidere Interpretes?

Sed quâ ratione Ignatii responsum, qui asserit Christum sibi esse pro Archivis, ad suam de corruptis circa illud tempus à Judæis codicibus Hebraicis possit trahere sententiam vir doctus, fateor me non assequi. Neque etiâ in germanis epistolarum Ignatii exemplaribus, quæ in lucem ipse edidit Vossius reperiuntur verba illa, *Christo veluti summo sacerdoti credendum potius quam aliis sacerdotibus*, quæ tamen quasi ad Ignatii responsum pertineant, profert vir doctus. Juvat hîc asferre ipsissima Ignatii verba; *ἡκουσα γὰρ πᾶν λεγόντων, ὅτι εἰάν μὴ ἐν τοῖς ἀρχαίοις εὐρω τὸ εὐαγγέλιον, ἢ περὶ αὐτοῦ. Τοῖς δὲ τοιούτοις ἐγὼ δὲ λέγω ὅτι ἐμὸν ἀρχαία ἐστὶν Ἰησοῦς ὁ Χριστός.* *Audivi enim quosdam dicentes nisi invenero in Archivis Evangelium, non credo. His autem respondeo, mihi loco Archivorum esse Iesum Christum.* Ibi de veteri Testamento non agitur cum novo comparato, ut existimavit Vossius, sed de Hæreticis qui ab Ecclesiæ infantia orti fidem quam præmonstrabat Evangeliorum codex respuebant: undè factum fuit ut prisci Ecclesiæ Patres Tertullianus, Irenæus & alii ejusmodi Hæreticos non tam ex sacris codicibus refellerent, quàm ex certâ traditione, seu ex Christi doctrinâ per Apostolos eorûmque successores viros Apostolicos in Ecclesiis diversarum gentium propagatâ. Quo sensu asserit Ignatius Christum, seu illius doctrinam, sibi Archivorum antiquorûmque monumentorum loco esse. Is est, ni fallor, Ignatii verborum intellectus qui unitatem doctrinæ in Christo commendat, cujus spiritus quibuscumque Archivis debet anteferri.

Multa etiâ hoc loco affert Vossius de vocis *Ara* origine, sentitque cum iis qui *Aram* & *Hegiram* Arabum idem vocabulum arbitrantur; nec id videtur extra probabilitatem: sed quod mox subjungit de nomine *Hegira* Arabicæ quasi ductum fuerit ex Hebræo *חג* *hagger*, Profelytus, non est itâ probabile. Putat vir doctus complures Judæos è sectâ Herodianorum relicto suo Messîâ Herode, qui semper ab ipsis vocatus fuerit *חג* *peregrinus*, ad Mahometum transiisse & ab iis quoque dictum *hagger*. Cum Judæi, inquit Vossius, *Messiam peregrinum seu Profelytum fore crederent.* Ista profecto à commentis Rabbînicis minùs recedunt. Deindè ex quo Sibyllarum oraculo didicit vir doctus Judæorum Messiam ex ipsorummet Judæorum sententiâ Profelytum fore & peregrinum: hanc enim assertionem Prophetarum vaticiniis & Evangelicæ historiæ con-

trariam esse nemo nescit. Unum quidē prae ceteris Messiam Judaei expectant de quo in praesentia loquitur Vossius: at iste ex Judaeorum omnium consensu futurus est natione & ritibus Judaeus. Verum alios praeterea Messias expectant eo-que nomine insigniunt reges quoslibet qui erga illos bene affecti sunt. Quā ratione Cyrus Judaeorum Messias appellatus est. Sic quoque Herodes & Mahometus Messiae nomen à Judaeis reportare potuerunt. Parati sunt etiā hanc nostrā aetate Regem illum aut Principem quemcunque qui res illorum & ritus patrias tueri voluerit tanquam Messiam suum salutare. Verum ista ad nomen *Hegire*, quod constat Arabicum esse non Hebraicum, minimè pertinent. Magis ad veritatem accedit quod, post nonnulla interjecta, subjicit vir doctus de genuinā vocis ἀποκρυφῶς significatione, ita ut ἀποκρυφῶς idem sit quod κρυφῶς, librique Apocryphi iidem fuerint qui arcani & inaccessi. Sed quis cum Vossio indè conficiat scripta illa Apocrypha, quae ex ejus sententiā olim veteris Testamenti libris conjuncta fuere, & à priscis Judaeis approbata, digna fuisse quae cum ceteris libris Prophetis in Scripturarum Canonem referrentur: hodiernum tū Synagogae tū Ecclesiae Canonem mutilum & decurtatum esse, qui Enochi, Eliae aliisque ejusdem naturae libros non complectatur? Vili veneunt apud Vossium Prophetæ, qui non modo LXX Interpretes inter Prophetas recensent, sed & his quoque adscribat celeberrimos impostores qui ementicis Patriarcharum & Prophetarum, necnon virorum aliquot magnae apud Gentiles existimationis nominibus libros Adami, Enochi, Abrahami, Moysis, Esaiae, Hieremiae, Hystaspis, Mercurii, Trismegisti, Zoroastris, Sibyllarum, Orphei, Phocyllidae & complurium aliorum libros in lucem protulerunt. Brevi, si superis placet, etiā inter Prophetas Vossius tanto Prophetarum stipatus agmine nova procudet vaticinia, non secus ac famosus ille Impostor Guilhelmus Postellus, qui scribit Chaldaeos doctrinam etiā revelatam habuisse in suā primā Monarchiā, & continuè instar sacrae doctrinae per decem Sibyllas esse instauratam, ut esset omnino apud spiritum Dei inexcusabilis mundus, Christusque sacrarum & Sibyllinarum doctrinarum Rex ab universo orbe adorandus innotesceret. His ferè similia de Sibyllinis Oraculis affert Vossius. Oculatior tamen adhuc Postellus Propheticam istam

Guil. Postel.
de Orig. cap.
16. de oru
Sibyll. doctrin.
na.

istam doctrinam asserit ortum habuisse à foeminâ principe totius orientis proximâ sanguine ipsi Noacho. Quis credat Isaacum Vossium, qui nihil non virulenti passim in operibus suis adversus Judæos eorumque Talmudem evomit, recensuisse etiâ inter Prophetas etiâ Doctorem Talmudicum. Si res ita sit, miror illum tanto contentionis æstu abreptum fuisse in virum Hebraicè doctum quod è Talmude Evangelia exposuerit. *Minus mihi peccatum videtur*, inquit Vossius, *qui ex Alcorano quàm qui ex Talmude exponat Evangelia.* Sed de his fatis superque, ad libros Apocryphos undè diverti tempus est ut redeam.

Apocryphos appello Scriptores, ubi de rebus Biblicis agitur, illos quos in suum Canonem neque Ecclesia neque Synagoga receperunt. Hinc factum est ut olim Hieronymus Judæorum personam induens & novissimè Cajetanus libros complures inter Apocryphos retulerint antequàm manifesto Ecclesiæ decreto tanquàm Divini & Prophetici recepti fuissent. Hoc sensu Hieronymus affirmat Daniele non habere apud Hebræos Susannæ historiam, nec hymnum trium puerorum, nec Beli Draconis fabulas; *quas nos*, inquit, *quia in toto orbe dispersæ sunt, verni anteposito cæsse jugulante subiecimus ne videremur apud imperitos magnam partem voluminis detruncasse.* Haud absimiliter alio loco postquàm Scripturæ libros qui in Judæorum Canone erant, protulit, mox addit, *quidquid extra hos est intra Apocrypha ponendum esse;* nimirum Sapientiam, quæ vulgò Salomonis inscribitur, & Iesu filii Sirach librum, & Judith, & Tobiam & Pastorem. Africanus etiâ simili ratione adductus Susannæ historiam à Scriptore Græco confictam putavit: alii duos Danieles finxerunt; quorum primus Vaticanii, quod sub ejus nomine legitur, auctor fuerit, alter verò Historiæ istius Scriptor, quæ in antiquis Græci exemplaris editionibus Prophetiæ Danielis præmittebatur: primus siquidè Hieronymus hanc historiam ad eam ejusdem libri rejecit, quod eam Judæorum codex, quem Latinum faciebat, non repræsentaret. Sententiam suam de Susannæ historiâ confirmat Hieronymus aliorum Patrum testimoniis. *Miror*, inquit, *quosdam iniquissimos indignari mihi, quasi ego decurtaverim librum, cum & Origenes & Eusebius & Apollinarius aliique viri Ecclesiastici & Doctores Græcia has, ut dixi, visiones non haberi apud Hebræos fateantur, nec se debere respondere*

Porphy-

Lightfoot.

Hieron. Præf.
in Dan.

Hieron. Pr. f.
in lib. Reg.

Africanus.

Hier. Proœm.
Comment. in
Dan.

Porphyrio pro his quæ nullam Scripturæ sanctæ auctoritatem præbeant. Gregorius Nazianzenus, Melito Sardensis & auctor Synopseos quæ sub nomine Athanasii circumfertur ulterius progressi librum Estheris inter Apocryphos collocarunt, quod linguam Hebraicam non callentes, ex eo solum quod antiquæ Estheris Historiæ nonnulla à Græco Scriptore assuta fuerint, opus integrum expungerunt. Accidit, inquit Sixtus Senensis, ut propter has appendicum lacrimas hinc & inde quorundam Scriptorum temeritate insertas, liber ille quamvis Hebraicus apud Christianos auctoritatem canonicam non receperit. Nicolaus quoque de Lyrâ, Cajetanus, & alii nonnulli hæc additamenta pro Canonicis non habuere, similibus haud dubiè rationibus adducti.

Gregor. Nazianz. Melit. Sard. Pseudo-Athan.

Sixt. Sen. lib. 1. Bibl. S.

Lyran. Cajet.

Hæc paulo fusiùs quidè allata sunt, ut manifestum esset omnibus quinam libri ex vetustiorum Ecclesiæ Patrum sententiâ inter Apocryphos repositi fuerint. Apocryphorum siquidè vocabulo abusus Vossius libros supposititios & adulterinos veteribus Apocryphis adscribit, sicque fucum facit incautis & simplicioribus. Quod enim contendit vir doctus, libros Sibyllinos aliòsque quos appellat fatidicos olim cum libris veteris Testamenti conjunctos fuisse, lectos in primitivâ Ecclesiâ & à Paulo aliisque Apostolis commendatos otiosi hominis est figmentum. Non alii enim in Ecclesiâ primitivâ lecti sunt libri Apocryphi ceterisque veteris Instrumenti libris adjecti in Græcis Bibliorum exemplaribus, quàm illi qui à Patribus recensentur; etsi interdum Patres nonnulli, ut Judæos, Gentilèsque pressius urgerent, vocaverint etiâ in auxilium libros Sibyllarum aliòsque ejusdem rationis, quos tamèn nemo paulò cordatior inter Apocryphos, de quibus hoc loco agitur, numerabit. Dolet Vossius libros Sibyllinos & alios fatidicos, postquam publico edicto prohibiti sunt, factos fuisse Apocryphos, interdictos, à nemine legendos, cum antea palàm & religiosè non secus ac reliqui veteris Instrumenti libri à Judæis legerentur: tum factum fuisse ut arctiori quàm antea sæpe libri sacri constringerentur, & ex eo tempore *Apocryphi* vocabulum, in sequiorem sensum acceptum fuisse, quasi idem esset liber Apocryphus qui, spurius & dubiæ fidei. Interim Scriptores non laudat à quibus lepida ista commenta hauserit, quæ tamen parùm absunt à fabulis Judaicis. Lubens à viro docto quæserim, quod olim festivus ille Cardinalis Hippolytus Ate-

stensis.

stenfis ab Ariosto; *done ha trovato tante Cojonerie?* Illi tamèn assentior in eo quod scribit de Apocryphis, si per libros Apocryphos non alios intelligat quàm illos qui à Judæis ad Christianos cum reliquis veteris Testamenti libris transierunt, quippe partem maximam in Ecclesiâ Romanâ, imprimis post Synodi Tridentinæ decretum, tanquàm Canonici leguntur. Fieri potuit ut libri isti qui inter Apocryphos olim recensiti fuère, quòd illos Canon Judaicus minimè approbaret, Prophetas etiam habuerint auctores. Nec contra ista pugnat Josephi auctoritas qui affirmat à temporibus Artaxerxis certam non fuisse apud Judæos Prophetarum successionem, adeoque qui ab eo tempore conscripti sunt, libris Propheticis non debere adnumerari. Nam Prophetarum munus tunc omninò Judæis sublatum fuisse verisimile non est: quamdiu enim stetit Judæorum Respublica, tandiu fuère apud eos Scribæ publici qui res ætatis suæ chartis committerent, iique Prophetæ appellabantur quia Spiritûs sancti numine afflati erant, quanquam non fatidici. Imò nè quidèm necesse est illos qui tunc temporis res Judaicas scriptis complectebantur Prophetas fuisse, quia Synedrii magni assessores, quos à Deo inspiratos novimus, illorum opera recognoscebant. Verùm cum publica Senatûs Judaici auctoritas ejusmodi libros in Canonem librorum sacrorum nunquàm retulerit, mirum videri non debet Patres plerosque non recepisse illos tanquàm Divinos, sed ut Apocryphos & dubiæ fidei, comparatè scilicèt ad alios sacri codicis libros qui certæ erant fidei. Idem enim illis non fuit liber dubiæ fidei qui spurius atque adulterinus, ut existimare videtur Vossius, sed certa ab incertis hoc titulo signare voluerunt: aliàs libri isti priscis Patrum nostrorum sæculis in Ecclesiâ lecti non fuissent, si quid spurii & adulterini in illis deprehensum fuisset. Minoris tantum illi erant momenti quàm libri sacri, eosque idcirco Ecclesiasticos potius quàm Divinos Patres appellabant. *Legi quidem*, inquit auctor expositionis Symboli quod tribuitur Rufino, *in Ecclesiis voluerunt, non tamen proferri ad auctoritatem ex his fidei confirmandam.* Quà etiàm ratione eosdem libros in suis coetibus legit Ecclesiâ Anglicana. Non puto tamen quemquam hætenus cogitasse, si Vossium excipiamus, de introducendâ in Ecclesiâ librorum Sibyllinorum lectione.

Rufinus.

Novi quidē Patrum nonnullos librum qui inscribitur Pastor multū veneratos fuisse, Tertullianum quoque Enochi libellum quasi Divinum obtrudere conatum: imō contendisse Judæos à contextu Scripturarum libros complures semovisse, qui Religionem Christianam illustrabant. Cui etiā sententiæ adhaerere visus est Origenes, qui in epistolā, quā scripsit Africano de historiā Susannæ, asserit Judæos multa à suis libris sustulisse nè legerentur illa à plebeiis hominibus. Verū ista & alia id genus, quæ per paucorum sunt, quæque ab iis proferuntur ut suæ potiùs hypothēsi quā veritatī serviant, communi Patrum sententiæ apponi nequeunt. Nam ipse Tertullianus commune illud Ecclesiæ placitum verbis suis hoc loco videtur confirmare; *scilicet*, *Scripturam Enoch non recipi à quibusdam, quia nec in armarium Judæorum admittitur*. Itaque temporibus illis judicabatur istud Apocryphum, seu dubiæ fidei, quod Judæi in suum Canonem non admitterent. Aliud etiā sentit aliis locis Origenes quā quod scripsit Africano. Verū hoc loco Susannæ historiā & alia additamenta, quæ præfert Græca LXX Interpretum editio, non aliā ratione tueri potuit quā recurrens ad libros Apocryphos ac supponens Judæos in excubendis suis codicibus non paucos à plebeiiorum cognitione removisse quæ in istis Apocryphis expressa fuerint. Didicerat forsā Origenes à Judæis, quorum frequenti commercio utebatur, Esdrā ejusque socios non omnes qui tunc exstabant libros in publicum edidisse, & hinc confici posse existimabat Græcos Interpretes ea sumpsisse quæ in Hebræis codicibus non legantur. Sed hæc sententiā à communi priscorum Judæorum consensu recedit, qui perfectam & in omnibus accuratam contextus Hebræi concordiam agnoverunt. Neque aliam ob causam inventa fuisse videtur ab Origene & aliis nonnullis quā ut veritas Hebraica cum Græcis exemplaribus, de quorum sinceritate non parva erat dubitandi ratio, conciliaretur. His accedit Origenem non tam ex suā mente in hæc ad Africanum epistolā loquutum fuisse, quā ut codices, qui tunc in Ecclesiis legebantur, defenderet.

Objicit præterea doctissimus Vossius virum inexhaustæ doctrinæ Clementem Alexandrinum scribere Apostolum Paulum remisisse ad Sibyllas & Hystaspis vaticinia & commendasse eorum lectionem. Si queratur autem à Vossio ubinam hoc dixerit Paulus, statim respondit sufficere nobis debuisse hoc Cle-

Tertul.

Origenes.

Tertull. de
hib. mul.

Origen.

Clem. Alex.

mentem virum sanctum & cum multis Apostolicis conversatum affirmasse; verum si responsionis istius habeatur ratio, priscos Ecclesiæ Patres ab omni prorsus errore immunes fuisse necesse est, quo nihil absurdius fingi potuit. Nōrunt quippe quā aliquam rerum Ecclesiasticarum cognitionem habent quā vafre prisci illi Patres, atque inprimis Clemens Alexandrinus, cum Judæis ac Gentilibus disputarint. Contendit etiā Vossius librum Enochī, aliōsque similes libros fatidicos ex eo solum rejiciendos nōn esse, quod in Fragmentis aliquot quæ supersunt multa superstitiosa & Magica contineantur, cum Balaamus Magus & Incantator fuerit, qui tamen futura Christi mysteria manifestè prædixit: quasi verò ea quæ de Balaamo in Scripturā referuntur ad præsens institutum trahi possent, & hoc exemplo libros quos nōn solum mendaciis superstitionibūque & fabellis refertos esse constat, sed & ab Impostoribus, qui clarissimorum virorum ementiti sunt nomina, profectos, tueri liceret. Eādem arte febricitantium Judæorum somnia in Zohare, Rabboth & Midras ab eodem spiritu quo profectum est Evangelium inspirata fuisse auctor est Guilhelms Postellus, qui affirmare veritus nōn fuit ex doctrinā Zoharis, tanquā quæ à spiritu sancto & spiritualibus auctoribus pendet eductum esse Evangelium. Chalanni, inquit idem Postellus, Syri, Indi, Chaldaei, Magi, Gymnosophiste, Egyptii & Propheta eādem sunt origine. A quo nōn multum discedere videtur optimus Vossius, cui auctor fuerim ut Zorobabelis vaticinium, quod de Messia clare loquitur, fuitque à Judæis sermone haud impuro & Prophetico editum, in fatidicorum suorum classe collocet. Sed his valere iussis id quod nostri est instituti persequamur.

Præter hæcenus allata de libris Apocryphis animadvertendum est nōn solum Judæos sibi Canonem Scripturarum condidisse; sed & suum quoque Canonem habere Ecclesiam quæ auctoritate suā communivit plures libros quos Judæi expunxerant. Itā Augustinus asserit libros Maccabæorum nōn à Judæis, sed ab Ecclesiā pro Canonicis accipi: quod de duobus tantum primis Maccabæorum libris intelligendum est: tertium enim Ecclesia non minùs quā Synagoga respuit. Cui etiā sententiæ videtur accessisse Hieronymus; etsi passim in suis operibus

Postell. de
Orig. c. p. 17.

Liber Zorob.

August. lib. 18.
de Civit. Dei,
cap. 36.

operibus strenuissimum Canonis Judaici defensorem se præbeat. Ruffino enim obijcienti Hieronymum nullam Scripturæ sacræ auctoritatem tribuisse in suâ Bibliorum editione Susannæ historiæ, hymno trium puerorum ac Beli Draconis narrationibus, quas appellaverat fabulas, respondet doctissimus Pater, non se quid sentiret dixisse, sed quid Judæi contra Christianos dicere soleant explicasse. Dixerat tamen Hieronymus Origenem, Eusebium, Apollinarium & alios Græciæ Doctores pro his visionibus, quæ nullam Scripturæ auctoritatem præbeant, Porphyrio noluisse respondere. De libro quoque Judith hæc scribit idem Hieronymus: *hunc librum Synodus Nicæna in numero sanctarum Scripturarum legitur computasse*: ad quæ hæc animadvertit Erasmus; *non affirmat approbatum hunc in Synodo Nicenâ, sed ait legitur computasse*. Revera Hieronymus Præfatione in librum Regum, tùm Judith tùm Tobiam in Canone esse negaverat. An contraria his locis loquitur Hieronymus, qui secum etiâ in hoc dissidere videtur, quòd eosdem Tobiam & Judith libros apud Hebræos inter Hagiographa legi affirmet, qui & jam alibi scripserat hosce libros non exstare in Canone Judæorum, adeoque inter Apocrypha reponendos. Quæ sint illa Hebræorum Hagiographa, de quibus his locis loquitur Hieronymus, fatetur se ignorare Josephus Scaliger, quia Hagiographa à Judæis longè ante Hieronymi sæculum in Scripturarum Divinarum Canonem recepta fuerint. Sed in hoc decipi Scaligerum putat D. Huëtius, quòd nulla Hagiographa extra Canonem Hebræos habuisse censuerit, affertque adversus Scaligerum famosam illam *Bath kol*, seu *siliam vocis*, cujus ope Judæi scriptiones Hagiographas & à Deo inspiratas ediderint. Verùm mera sunt otiosorum hominum somnia, quæ Doctores recutiti de *Bath kol* commenti sunt. Deindè constat illos nunquàm in suum Canonem recepisse libros Judith & Tobiam. Itaque ficta sunt ea quæ de duplici apud Hebræos Hagiographorum genere à D. Huëtio & aliis proferuntur, refellique possunt non solum Josephi & Hieronymi testimoniis qui Tobiam, Judith aliisque libros Græcè editos, quos nunc Canon Ecclesiæ Romanæ comprehendit, neque Prophetici neque Hagiographis à Judæis adscribi palàm testantur; verùm etiâ Judæorum recentiorum auctoritate qui in recensendis libris sacris nullam planè de illis mentionem faciunt; sed

Ruffin.

Hieron. lib. 2.
Apol. adv.
Ruff.Hieron. præf.
in Judith.
Erasm. Schol.
in hæc præf.Hieron. præf.
in Tob. &
præf. in Ju-
dith.Scal. animadv.
in Chron. Eu-
seb.
Huët. De-
monstr. E-
vang. prop. 4.
de lib. Judith.

Bath kol,

eos tantum laudant tanquam scripta sententiosa, quibus tamen nihil Divini inesse crediderunt. Si igitur hæc nostrâ ætate, imò jam priscis Ecclesiæ sæculis, inter Canonicos numerati fuerint, id tribuendum est Ecclesiæ judicio, non Synagogæ. Quare duplex Canon statuendus est, Ecclesiæ scilicet & Synagogæ: à primo non malè dici possunt Ecclesiastici libri illi quos Ecclesia, non habitâ ratione Judaici Canonis, in suum Canonem voluit admitti & legi in suis coetibus. Constat enim inde jam ab ipsis nascentis Ecclesiæ primordiis legi & cani consuevisse in congregationibus fidelium libros hosce, quos miratur Erasmus hodiè falsum legi & cani in Templis. Sed rem ita esse discere potuit Erasmus ex libro Invektivarum Ruffini adversus Hieronymum.

Erasm. Schol.
in Præf. Hieron.
in Dan.

Sixt. Senens.
lib. 1. Bibl. S.

Hæc omnia egregiè illustrat Sixtus Senensis ab initio Bibliothecæ suæ, ubi libros Scripturæ sacræ in duas classes partitur. In primâ eos recenset, quos Protocanonicos seu Canonicos primi ordinis appellat, & hi sunt qui ex communi tum Judæorum tum Christianorum consensu extra controversiam recepti sunt; in alterâ autem classe eos reponit quos vocat Deuterocanonicos, seu Canonicos secundi ordinis, *qui olim*, inquit, *Ecclesiastici vocabantur*: illi nimirum de quibus inter Catholicos aliquando fuit anceps sententia, quique serò ad notitiam totius Ecclesiæ pervenerunt. Primi generis libris adscribit in veteri Instrumento eos solum quos in suum armarium admisit Synagoga; ad alterum verò genus revocat illos qui priscis Ecclesiæ sæculis inter Apocrypha scripta à plerisque numerabantur, quibus etiâ adscribit volumen Esther, quod de illius auctoritate nonnulli Patres dubitaverint, uti jam annotatum fuit. Sola de auctoritate Hieronymi restat difficultas, qui contra Judæorum omnium fidem, imò & sui ipsius testimonium scripserit libros Tobiae & Judith apud Hebræos inter Hagiographa existare. Miror Scaligerum aliòsque viros rei Criticæ peritos non animadvertisse in Hieronymi Præfationibus in Tobiam & Judith legendum non esse *Hagiographa* uti nunc legitur, sed *Apocrypha*. Licet enim desint codices manu exarati quibus lectionem hanc suffulciam, ipsamet Hieronymi verba illam manifestè ostendunt; *librum utique Tobie*, inquit doctissimus Pater, *quem Hebræi de catalogo Divinarum Scripturarum secantes his*

Hieron.

qua Hagiographa memorant manciparunt. Quis non statim deprehendat legi debuisse *Apocrypha*, non *Hagiographa*, cum liquido constet Judæos de Catalogo Divinarum Scripturarum *Hagiographa* nunquam resecurisse. Similis prorsus ratio est Praefationis Hieronymi in *Judith*, ubi etiam pro voce *Hagiographa* reponi debet *Apocrypha*: sic enim in eâ hodiè legimus; *apud Hebraeos liber Judith inter Hagiographa legitur, cujus auctoritas ad roboranda illa quae in contentionem veniunt minus idonea.* Si idonea non est libri istius auctoritas ad res fidei stabiliendas, haud dubiè non est è libris *Hagiographis*, qui extra controversiam Canonici & inspirati apud Judæos habentur; sed ex *Apocryphorum* numero, seu *Scriptorum* qui sunt dubiae & incertae fidei, quales existimavit libros *Judith* & *Tobiae Hieronymus*. Haec tamen de *Apocryphis* quæ quidem fusiùs quàm postulabat instituti ratio explicavimus. Sed rem disputantium contentionibus valdè implicatam enodare à proposito nostro alienum non duximus.

Satis non fuit eruditissimum Vossium novos Prophetas finxisse veteribus longè oculatiores, novum jam librorum Scripturae sacrae ordinem hæc tamen inauditum procudit. Libri Moysi ipso auctore quinque constituunt volumina, non vero unum ut Judæis visum est: & ut id à nemine possit vocari in controversiam, novæ illius distributionis rationes evidentissimas profert; *constat autem, inquit, vel ex ipsis sacris literis, ut alias gentes, ita quoque veteres Hebraeos non in codicibus, quod sermone demum factum, sed in voluminibus & continuatis pellibus libros suos descripsisse.* Quid necesse fuerit ut ad veteres Hebræos recurreret Vossius minimè capio, cum etiam ætate nostrâ Judæi in libris qui Synagogarum usui serviunt, ejusmodi voluminibus utantur: nec ideo tamen Legem in quinque partiantur volumina; sed eam ex antiquo more, quem etiam Christi temporibus obtinuisse crediderim, unico volumine comprehendunt. Mox ulterius progressus vir doctus affirmat ætate Aquilæ, quem vocat futilissimum Interpretem, Judæos, vel ipsum Aquilam; nequissimam & ineptissimam sacrorum librorum divisionem odio Hebdomadam Danielis commentos esse, eosque pervertisse sensus & ordinem Scripturae inducendo novam distributionem, Legis videlicet Prophetarum & *Hagiographorum*. Utrum no-

Aquila.

נקראו
כזבים לפי
שנחנו
ברוח
הקודש :

R. D. Kimchi
Præf. in Psalm.
Ramb. in
More Nev.

R. Don Joseph
Jech. præf. in
Psalm.

va librorum distributio, modò libri integri sint, illorum sensum pervertat, iudicent perspicaciores. Verùm nè minutiora confectari videar, dico longè probabilius esse Aquilam in vertendis sacris codicibus sequutum fuisse ordinem librorum quem ætatis ratio illius exemplaria Hebraica præferebant, cum mutationis illius nulla appareat. Sed id fecit, inquit Vossius, odio Hebdomadam Danielis quem rejecit extremo penè inter Hagiographos loco: quasi verò Judæi non æquè fidem adhibeant Danielis de Messia vaticiniis ac Christiani. Miratur illorum simplicitatem Vossius qui Rabbiniis credunt asserentibus *Cetuvim*, seu libros Hagiographos, spiritus sancti afflatu conscriptos; si Rabbinos, inquit, consulas, ridebunt utpote gnaros quid per spiritum sanctum intelligant. Cùm jam factus Rabbiniista Vossius Rabbinos istos non laudavit, ut ex illis cognoscamus quid per *Cetuvim* intelligant? Novi quidèm Judæos de germanâ vocis illius significatione inter se non convenire; etiâ omnes sentiant *Cetuvim*, seu Hagiographos non minùs Divinos esse & Canonicos quàm reliquos veteris Instrumenti libros. Negotium istud ita explicat subtilissimus Abravanel; dicti fuere *Cetuvim*, quia scripti fuere in spiritu sancto; si vero ita sit, nomen *Cetuvim* ad id institutum non est ut denotet sermones hosce scriptos fuisse in libro, non vero ex ore exceptos; verùm ut denotet scriptos fuisse in spiritu sancto & in illo gradu, neque fuisse cum ipsis spiritum Divinum nisi in ipsâ suâ scriptione in hac lingua & sapientiâ. Prophetiam in diversos gradus dividi, quorum unus alterum superet, affirmat R. David Kimchi: quos gradus subtiliùs explicat R. Moses Ben Maimon. Sed valere jussis ejusmodi subtilitatibus, quæ ex Philosophiâ Aristotelis & Averrois desumptæ sunt, constat Judæos hâc in re cum Josepho consentire, quòd libri omnes qui exstant in illorum Canone verè Divini sint ac Prophetici, quia scilicet à Prophetis conscripti fuere. Undè R. Don Joseph Ben Jechaia, qui Commentariis suis Psalmos illustravit, eosque cum Patribus suis ad *Cetuvim*, seu Hagiographorum, classem revocat, illos cum Lege Mosi comparat, maximamque indè colligit Psalmorum dignitatem. Idcirco, inquit Magister iste, dignitas libri illius maxima est quòd sequatur Legem Divinam, ejusque formam ac perfectionem imitetur. Illud confirmat Patrum suorum auctoritate, qui Psalmos Prophetis ipsis videntur anteposuisse; quando-

doquidē illos Mosis Pentateucho adjungunt. Itaque, fatentibus ipsis Rabbiniis, neque Danielis neque Davidis minuitur auctoritas, etsi in Prophetarum classe non recenseantur. Hæc enim eodem loco mox subjungit R. iste Joseph modò laudatus; *neque mirum est librum Psalmorum multa continere vaticinia de tempore Messia, cum etiā in spiritu sancto interdū existent de rebus futuris vaticinia.* Hæc arte Judæi cum Christianis facili negotio conciliabuntur. Quòdque videtur dignum animadversione, Talmudici Doctores librum Jobi volunt ab ipso Mose scriptum, qui tamen in classe *Cetuvim*, seu Hagiographorum, collocatur.

Talm. Baba
bathra.

Quis credat Vossium è Rabbiniistâ fieri Doctorem Talmudicum? Contendit Judæos, etiā fatentibus antiquis Rabbiniis, multa sacram literarum loca expunxisse, utilitate suadente & verba & sensus immutasse. *Nihil à me, inquit vir ille Talmudicus, hic fingi cognosces, siquis Talmudicos, adeat libros in quibus pluribus locis hæc legas; bonum est ut evellatur litera de Lege & ut sanctificetur nomen Domini.* Verū non licet omnibus adire libros Talmudicos, uti doctissimo Vossio. Crediderim decretum istud Talmudistarum rectè explicari posse verbis R. Mosis Ben Maimon, qui cum plerisque Judæorum Magistris ita Legis Mosaicæ immutabilitatem defendit, ut quasdam illius constitutiones Synedrii magni auctoritate ad tempus rescindi posse existimet. Afferit Magister ille Talmudicus Deum quidē prohibuisse Deuter. iv. nequid ad verbum suum adderetur, neque etiā quidpiam ex eo detraheretur; verum permississe omnium temporum & ætatum sapientibus, seu, domui judicii magni, sepes constituere ad judicia Legis stabilienda in rebus quibusdam quas volunt innovare ad sartam rectam conservandam Legis auctoritatem: Deum præterea facultatem illis sapientibus concessisse quædam præcepta Legis tollere & quædam prohibita permittere in certâ quâpiam re & casu non autem in perpetuum. Hæc sumpta sunt ex Latinâ libri Mose Nevochim editione, à Buxtorfio publicatâ. Similia his habet auctor libri cujus nomen Cozri, quique Hebraicè & Latine etiā à Buxtorfio editus. Roganti enim Cozri quomodò potestas illa innovandi quidpiam in Lege Divinâ stare possit cum verbis illis Deuteronomi; *non ei addes nec quidpiam ab eâ*

Ramb. More
Nev. part. 3.
cap. 41.

Cozri.

detrahes.

detrahes; respondet Judæus, hæc verba dici solum de multitudine, nè quid ex suo ingenio innovet, sapiatque ex sua scientiâ: non verò de senatoribus Synedrii magni, quia scilicet non unius fuit Mosis sanctiones condere, sed & aliorum quoque Prophetarum sacerdotumque & Judicum quibus idem spiritus Dei interfuit. Is est ni fallor genuinus Talmudicæ doctrinæ sensus quæ in everfionem verborum contextûs sacri trahi non potest, cum de tollendâ literâ, imò dictione necnon sententiâ aliquâ inter explicandum contextum illum agatur; minimè verò de mutandis eradendisque ejusdem contextûs literis aut dictionibus. Morinus, à quo Isaacus Vossius id omne quod Rabbinologiam sapit in suis operibus mutuatus est, postquam nihil non commentus fuit ut ostendat sacros codices à Judæis deditâ operâ corruptos fuisse, demùm B. Augustini sententiam his verbis amplectitur; *S. Augustini sententiam de libris Judæorum ab ipsis de industriâ non depravatis lubemè amplectimur*. A quo tamen se in eo discedere profitetur, quòd Augustinus actionem illam incredibilem judicaverit, quia fieri non potuit gentem tam longè latèque diffusam conspirâsse in pervertendis codicibus tam multis & tam longè latèque dispersis; ipse vero Morinus Augustino perspicacior contendit actionem istam non modo Judæis esse credibilem, sed etiâ ab iis haberi alterum *fidei fundamentum*. Utrum autem illud à Morino firmis probationibus demonstratum fuerit non est hujus loci expendere: satis enim est ostendisse Morinum, à quo in plerisque dependet Vossius, adduci non potuisse ut crederet Scripturæ sacræ libros à Judæis de industriâ depravatos fuisse; etsi Talmudistarum de evellendâ literâ è Lege pronuntiatum non ignoraverit.

Jâm Vossius relictis Talmudistis ad Græcos Interpretes venit, totûsque est in asserendo id omne quod superest linguæ Hebraicæ acceptum ferri debere LXX Interpretibus: absque illis nè unum quidè verbum rectè exponi posse, nullas omnino versiones à Judæis seu ad mentem Judæorum factas bonas inveniri quæ non sint à LXX desumptæ Interpretibus; ubicunque ipsi deferuntur ipsam quoque ibi deferi veritatem; demùm ab illis Judæis petendam esse sacrarum literarum interpretationem, qui florente & superstitè etiamnum linguâ Hebraicâ sacros verterunt libros, sed non ab istis Judæis qui Christianæ fidei sunt hostes

J. Mor. lib. 1.
Exerc. 1.
cap. 6.

August.

hostes, quique sponte suâ fatentur se nescire Hebraicè. Jam his ferè similia pro evertendis hodiernis codicibus Hebraicis & stabilendâ veterum Interpretum auctoritate produxerat Joannes Morinus, quæ cum à Ludovico Cappello, teste in præsentî materiâ locupletissimo, quem haud immeritò plurimi faciunt Vossius, gravissimis argumentis castigata fuerint, malim verbis doctissimi illius viri quàm meis optimo Vossio respondere. Prima itaque de Morino ait Cappellus (nos verò de Vossio,) facile esse ignaræ plebi fumos vendere & ad populum phaleras jactare. Deindè veniens ad LXX Interpretes negat, contra Vossii mentem, linguam Hebraicam fuisse illis vernaculam, quæ scilicet in captivitate Babylonicâ, à quâ plusquàm CC. annis distabant, perditâ fuerit. Addit illos ex Chaldaicâ & Syro, Chaldaicæ quâ Judæi tum utebantur, linguæ affinitate potuisse studio, labore ac frequenti sacrorum Scriptorum lectione atque diligenti examine linguæ Hebraicæ non mediocrem sibi comparare scientiam. Multa etiâ potuisse illos ad linguæ illius & sacrorum librorum intelligentiam ex patrum suorum traditione habere necessaria. At eos, inquit Cappellus, omnia vidisse, omnia intellexisse, nullibi lapsos esse aut alucinatos nemo dixerit, nisi quæ Hebraicè nihil scit & qui eorum translationem cum Hebræo textu non contulit, etiâ in his locis in quibus illi non secus quàm nos hodie legimus, ubi videre est frequentes eorum pueriles & pudendos lapsus, sæpe lapsus à genninâ vocum & phrasæ significatione & sacrorum Scriptorum mente atque scopo. Hæc & alia ejusdem generis plurima Criticæ suæ sacrae inferuerat Cappellus, quæ expungi curavit Morinus, quia ad illius palatum non faciebant. Illa autem sumpsimus ex sermone Apologetico ejusdem Cappelli adversus Bootium. Quid autem ad hæc respondeat Vossius non video, cum & ipse noverit Cappellum ad scribendum opus suum Criticum non accessisse animo à Rabbini præoccupato. Imò Semi-Rabbini isti quos sæpius traducit Vossius de Cappello ejusque libro gravissimè conquesti sunt. Audiamus iterum verba ejusdem viri docti & in hoc studii genere exercitatissimi, quibus diversum planè & à Vossii sententiâ alienum fert judicium de versionibus illis quæ post LXX Interpretes ex Hebræo factæ sunt; tribuatur sanè veteribus illis translationibus, ait Cappellus, sua cuique laus, gloria & honor ob earum antiquitatem

Lud. Capp. in
apol. adv.
Boot.

Id. Capp.
ibid.

tiquitatem & perpetuum Ecclesie usum; at nè tamen ubi manifestò visiose sunt aut manca & imperfecta præponatur earum vitium ipsi originaria veritati atque authentico textui, nève præferantur illa perversà quâdam & iniquâ ac iurgiosâ & contentiosâ prorsus invidiâ aut potiùs damnandâ quâdam ræsondeâ aliis longè melioribus atque accuratioribus translationibus. Potuit igitur melior & accuratior fieri sacrorum codicum translatio auctore Cappello quàm sit Græca illa LXX Interpretum versio. His & alia complura possent adjici quibus in præsentia supersedeo nè sim molestus. Deindè cum Cappellus non sit ex eorum hominum sectâ quos facetissimus Vossius appellat *asellos cassos lumine & intellectu, tegulâ cinctos Professoriâ, pro clypeo gestantes Biblia Masorethica cum omnibus suis punctis*, facile crediderim eum absque ullo negotio ad viri tam eximii sententiam de Græcâ LXX Interpretum versione accessurum.

Iterum instat Vossius contenditque omnes Judæos qui Christi præcesse tempora agnovisse hanc solam versionem velut legitimam; usque ad tempora Aquilæ nullam aliam lectam fuisse in omnibus Judæorum Synagogis præter illam LXX Interpretum, ut in Ægypto, Asiâ & reliquâ Syriâ, ita quoque in Judæâ à temporibus nimirum Alexandri Magni nullam præter Græcam auditam fuisse linguam in urbibus præfertim oppidisque; nè in Hierosolymitanis quidem Synagogis aliam præter Græcam personuisse linguam si Hebræa prælegeretur Scriptura accessisse interpretationem Græcam. Quot verba protulit Vossius tot effudit commenta. Primò enim ante conditam LXX Seniorum versionem ab Esdræ temporibus constat non aliam in Judæorum Synagogis lectam fuisse Scripturam quàm contextum Hebraicum. Non enim ita linguæ suæ oblici fuere Judæi in exilio Babylonienfi quin illa penes Prophetas, sacerdotes ac viros principes remanserit, uti rectè monuit Josephus Albo, præstantissimus Judæorum Theologus: & id haud invitus agnosceret Vossius qui putet LXX Interpretes sacros vertisse libros florente & superstitie etiamnum Hebraicâ linguâ. Jàm etiam post conditam LXX Seniorum translationem saltè in aliquot Synagogis lectum fuisse contextum Hebræum, nec diffiteri poterit vir doctus, qui scribat Fl. Josephum Legem Moysis in Synagogâ Hebraicè interpretatum esse, Historiam belli Judaicæ antequam Græcè scriberet linguâ Hebræâ edidisse; quo argu-
mento

Voss. in epist.
ad Andr.
Colv.

R. Joseph.
Albo.

Voss. in
Castig. ad
Oj. Horn.

mento refellit Vossius illos qui objecerant nescisse patrum sermonem, neque unquam codicem Hebraicum inspexisse, quibus opponit ipsamet Josephi verba, qui scribat excelluisse se in disciplinis patriis præ ceteris Hebræis, Græcam verò linguam non nisi per Grammaticam addidicisse, accuratâ verò pronunciandi ratione caruisse. Ergo etiâ teste ipsomet Vossio qui pugnantia loquitur, non modò vilis popellus & ii solùm qui rure & in pagis versabantur dialecto utebantur Syriacâ; sed & viri principes inter quos Josephus qui linguam Hebraicam, aut Syriacam, vocat sermonem patrum, cujus pronunciandi ratio; quia erat paulò horridior, testatur se pronunciare vix potuisse Græcum sermonem, qui Hebraico, seu Syriaco, longè politior erat. Si lingua Græca in urbibus & oppidis erat vernacula, cùm Josephus qui rure & in pagis educatus non fuerat, hanc per Grammaticam didicit? Sileo Christum & Apostolos Hierosolymis Syriacè loquutos, uti manifestum est ex libris novi Testamenti. Quare figmentum est quod asserit Vossius de Hierosolymitanis Synagogis, in quibus non alia audita fuerit lingua quàm Græca. *Quod si*, inquit vir doctus, *Hebræa prælegeretur Scriptura accedebat interpretatio Græca, à solis quippe doctis intelligebatur vetus Hebræica lingua.* Mirus sanè ratiocinator Vossius, qui ex eo quòd docti solùm linguam Hebraicam intellexerint concludit etiâ Hierosolymis accessisse Græcam interpretationem. Longè verius dixisset his locis ubi lingua Syriaca apud Judæos erat vernacula accessisse lectioni Hebræicæ sacri contextûs interpretationem Syriacam; in iis verò locis ubi apud Judæos vigeat sermo Græcus accessisse Græcam interpretationem. Sic etiâ Hierosolymis in Synagogâ Alexandrinorum qui Græcè loquebantur non dubito quin sacer contextus primò Hebræicè pro antiquo Synagogarum usu lectus fuerit, deindè Græcè ab aliquo Interprete ex antiquâ etiâ consuetudine Judæorum, qui indè jam à reditu exilii Babylonici postquàm lingua Hebraica desuit esse vernacula, sibi præpositos habuerunt Interpretes qui verba Hebraica in patrum sermonem converterent, ut ab omnibus etiâ plebeis intelligerentur. Quo sensu exponenda esse Justiniani verba putaverim quibus probant viri docti priscis temporibus in Synagogis Judæorum qui vulgò Hellenistæ appellantur lectam fuisse publicè Græcam LXX Interpretum versionem.

Joseph. in fin.
ætiq.

Justinian.
Nov. 146.

sionem. Si enim verba Novellæ Justiniani pensculatius considerentur, manifestum erit in istis Synagogis Græcam translationem venisse tantum in auxilium contextus Hebraici & velut illius interpretationem. quomodo Hierosolymis aliisque locis vicinioribus lectioni Hebraicæ adjuugebatur interpretatio Chaldaico-Syriaca. Minimè tamèn reluctans agnosco cum Vossio etiàm in Judæâ linguam Græcam aliquâ ratione obtinuisse, maximè apud viros primarios & magistratus, ita tamèn ut sermo Chaldaico-Syriacus, quem eorum majores è Babylone reportaverant, prævaluerit: & ut ita credam non solum adducor Josephi auctoritate, sed & compluribus novi Testamenti testimoniis ex quibus liquido constat Christum & Apostolos Syriacè loquutos fuisse. Verùm de his infra iterum locus erit differendi. Sunt & alia quædam quæ in opusculum suum de Sibyllinis Oraculis adversus Judæos eorumque codices Vossius conjecit: verùm cum ea rursus inculcet vir doctus in Responsione suâ ad Objecta nuperæ Criticæ, satius erit ista omnia in unum collecta expendere. Videndum itaque an hæc in parte felicior successus ei fuerit.

Voss. in Resp.
ad Obj. nup.
Crlt.

Primâ fronte laudat Vossius auctorem Criticæ sacræ, quam Simonio tribuit, quòd præci Interpreses, LXX scilicet & Cappelli Observationes, ei placuerint. Diligentiam quoque ejusdem Simonii, seu potius patientiam, in evolvendis Rabbiorum scriptis laudat & admiratur: sed quòd illorum expositionibus traditionibusque solo auditu propagatis aliquid solidi existimet subesse, & quidem tantum ut eas sæpè non dubitet LXX Interpretum præponere versioni, in eo se cum illo consentire non posse palam profitetur; nec putat quemquam cordatum cum Simonio hæc in parte consensurum. Cordatus tamèn est Cappellus ille quem tanti facit Vossius & quidem meritò; at in hoc, de quo agitur, negotio. nè tantillum quidem Simonius discessit à Cappello qui Morinum ejusque simiam Vossium perstringit, tanquam homines intemperantes qui perversâ quâdam & damnandâ ~~reponendi~~ antiquas translationes aliis longè accuratioribus præferant. In hoc præterea Vossio displicet Simonius quòd scripserit Hieronymum rectè aliquandò recessisse ab antiquis Interpretibus quasi verò antiqui illi ab omni prorsus errore immunes exstiterint. Neque etiàm

tiām in hoc Cappellam deferuit Simonius, ubi enim Cappel-
lus loco jam supra laudato pueriles lapsus in Græcā LXX In-
terpretum versione haud infrequentè deprehendi annotavit,
hanc & Hieronymianam inter se comparat præfertque Hiero-
nymianam utpote quæ meliorem sensum pariat; ac de-
mum ista subjungit; *sexcenta possent imò innumera ejusmodi*
proferri loca in quibus ex eadem cum hodiernâ planè lectione
Hieronymus longè aliter & feliciter multo mentem sacrarum
Scriptorum expressit quàm LXX, quia nempe eorum laboribus &
translatione adjunctis & aliorum, Aquile nimirum, Symmachi, Theodo-
tionis, &c. versionibus sublevatus, illorum hominum σφάλματα, ces-
pitaciones, hallucinationes & aberrationes deprehendere potuit. Nec
aliud profectò de Hieronymo sentiunt qui Græcæ & Hebrai-
cæ eruditionis habent aliquid, si unum excipiamus Vossium,
qui exemplo Ruffini Hieronymum Judaico & à Rabbiniis præ-
occupato animo ad cudendam novam contextus Hebraici versi-
onem accessisse existimat. Dudum evanuit auctore in primis
Hieronymo illa Græcorum Interpretum Prophetia quam ma-
jores nostri nimium venerati sunt. Verum ad id quod è re
nostrâ est redeamus.

Lud Capp.
in apol. adv.
Duxit.

Recentium Rabbiorum expositionibus & eorundem traditi-
onibus solo auditu propagatis nihil inesse solidi contendit
Vossius, eo præsertim adductus argumento quòd traditiones
quæ solo auditu propagantur rarò solent ad duo vel tria per-
stare sæcula. Si res ita sit, quâ ratione fieri potuit ut LXX In-
terpretes post deperditam à duobus sæculis linguam Hebraicam
sacri codicis versionem fecerint in omnibus absolutam qualem
fingit Vossius. Dicit haud dubiè nihil hâc in re mirabile esse
cum illi Prophetæ fuerint. Sed cuiam credemus, an Vossio as-
firmanti Græcos. Interpretes fuisse Prophetas, an Hieronymo
neganti? Verum inquires Semi-Rabbinus est Hieronymus qui
novam & Judaicam contra communem Ecclesiarum consensio-
nem ausus est translationem cudere; At Sibyllista est Vossi-
us, qui novos Prophetas & Faticos hætenus incognitos com-
mentus est. Judaica illa & Rabbinica Hieronymi versio suos
habet approbatores & quidè innumeros, eosque pietate & e-
ruditione conspicuos. Nemo autem est ætate nostrâ qui sen-
tentiam Vossii de unicâ LXX Interpretum versione recipiendâ
an-

amplectatur, si demas quosdam Socini discipulos, qui avidè illius opinionem arripiunt. Juvat rem ipsam avidius introspicere naturamque traditionis cui contextus Hebraici lectio innititur manifestam facere.

Res quidè Religionis, maximè quæ ad doctrinam à sensibus paulò remotiorem pertinent unius traditionis ope absque scriptis per plura sæcula vix servari posse facilè concesserim. De rebus verò quas vocant disciplinæ & ceremoniarum diversum planè ferri debet judicium, quia scilicet res istæ fermè quotidie in usum veniunt. Hoc potissimum traditionis genus prisci Ecclesiæ Patres suis suffragiis approbant. Jam dico eandem omninò esse linguarum rationem, quæ licet emortuæ nec amplius vernaculæ sint, adhuc apud Doctores obtinent vigentque in Scholis. Ad hanc traditionis speciem revocamus linguæ Hebraicæ apud Judæos traditionem. Ex hac proculdubio factum est ut etiàm hodiernis temporibus Samaritæ eosdem Legis Mosaicæ codices habeant atque Judæi si paucula excipias. Deniùm ex illâ quoque traditione ortum ut Judæi non modò Orientales & occidentales de contextus Hebraici lectione inter se consentiant; sed & illi qui *Carræim* apud illos nomen, ex eo reportarunt quòd, rejecto Talmude aliisque traditionibus parùm constanter, Scripturæ adhæreant & cum reliquis Judæis de ratione legendi sacri codicis in omnibus concordent. Explodenda igitur non est temerè traditio illa quam Carræi, qui plerasque Judæorum traditiones respuunt, integram amplexati fuere. Huc quidè multa possem congerere sumpta ex Judæorum libris, quibus probant majores suos indè jam à Zorobabelis & Esdræ temporibus Scholas habuisse tum apud Babylonios tum apud Hierosolymitanos; sed his & aliis ejusdem generis prudens supersedeo quòd non sint ad palatum doctissimi Vossii cui Rabbinologia multum displicet. Non ignoro complures Judæos, illos maximè qui sunt è classe Grammaticorum, existimare non solum sacros codices in exilio Babylonico variè distractos ac miserè depravatos fuisse, uti sentiunt RR. Kimchi & Ephodæus, sed & linguam ferè deperditam. Et cum his consentiunt etiàm Judæi qui sunt è sectâ Carræorum. Ità enim scribit de hoc argumento

argumento Aaron Ben Joseph, doctissimus Carræus; exules fuerunt Israëlita ex terrâ suâ in alienâ, obsignatâque est visio ac Prophetia, parumque absuit quin lingua Hebraica deperdita fuerit. Surrexerunt sapientes Israëlita quibus Deus addidit spiritum & pertraxerunt Scripturam quæ apud nos libros XXIV complectitur. Ex quibus manifestum est linguam Hebræam antiquitus omnino sepultam non fuisse, etsi post reditum Judæorum è Babylone Hierosolymis non amplius vernacula fuerit; sed à Legibus tantum Doctoribus conservata. Sic dicitur Esdras scribæ peritissimi munus præstans legisse ex pulpito Legem coram multitudine virorum & mulierum. Ex eo potissimum tempore suos ducunt Paraphrastas Judæi qui Legis verba sermone patrio exponerent ut ab omnibus intelligerentur; nec aliundè suam duxisse originem crediderim Græcam LXX Interpretum versionem, de quibus postea mira commenti sunt Judæi; eorumque somnia tam avidè arripuit Vossius, ut existimaverit illos solum à Christianis audiendos esse. Tum in Synagogis & Scholis locorum ubi lingua Græca erat vernacula lecta est Græca illa Judæorum Alexandrinorum translatio, quæ intra breve temporis spatium ad reliquos Judæos qui Græcè loquebantur pervenit, quod lingua Græca esset lingua dominantium. Non ideo tamen relicta est contextus Hebraici lectio, ad cujus duntaxat auxilium veniebat Græca interpretatio. Neque id diffitebitur Vossius qui asserat Josephum & Philonem, qui erat Alexandrinus, Hebraicè doctos fuisse. Quandonam igitur perit lingua Hebraica? An tempore Aquilæ, quem futilissimum vocat Interpretem Vossius. Verum ipse etiâ agnoscit Originis tempore Alexandria, & Hieronymi atate Tiberiade, celeberrimas fuisse linguæ Hebraicæ Scholas. Conservatas autem fuisse post Hieronymum Tiberiadis Scholas nemo ignorat, quibus tandem Criticorum illorum familia, qui vulgò Masorethæ appellantur, nota est. Masoretharum autem nomen obtinuerunt, quod Masoram, seu legendi contextus Hebraici traditionem, ab omnibus Judæis tunc receptam beneficio notarum quarundam, seu punctorum vocalium, intra certos limites clauferunt. En traditio Judaica, cui plurimum quidè tribuit Simonius; sed à quâ non totus dependet, cum non parvi etiâ faciat traditionem, seu lectionem contextus Hebraici,

Aaron Ben Joseph Præf. Comm. in Pentat. כמעט הייתה לטון עבר נשתכח מהם. נגל

Nehem. cap. 8.

Hebraici, quam Græci Interpretes sequuti sunt. Imò eam interdum Malorethica præferre non dubitat, quia scilicet neque à Græcis Interpretibus, uti Vossius; neque à Latino, uti plerique Ecclesiæ Romanæ Theologi; neque à Judæis, ut turba Protestantium præoccupato ad scribendum animo accessit.

Verum, inquit optimus Vossius, Judæi Christiani nominis sunt inimici, adeoque ab istis peti non debuit sacri codicis lectio: quasi verò ars aliqua ab aliis sumi possit quam ab illis qui artem illam tractant. Sed iterum instat Vossius fateturque lectionem hanc à Judæis quidem petendam esse, verum à priscis illis qui Christi tempora præcesserunt, minime verò à recentioribus Rabbiniis qui illam penitus ignorant. Et in hoc etiam cum Vossio consentit Simonius quòd traditionem lectionis Hebraicæ sumat quoque ab illis antiquis Judæis; in hoc verò ab eo discedit quòd non ab iis solum, sed & ab Aquilâ, Symmacho, Theodotione, Hieronymo aliisque omnibus Interpretibus sacrarum literarum hauriendam illam esse putaverit: quia nimirum ars quælibet ex uno aut altero perfici nequit, sed ex omnibus simul collectis. Nullius Magistri legibus additum se profitetur Simonius, negat ex vulgaribus Grammaticorum regulis perfectam haberi posse linguæ Hebraicæ cognitionem, quia sunt specialiores & intra angustos nimirum præceptionum limites clauduntur. Censet præterea ad vetustos recurrendum esse Interpretes exemplo Hieronymi, qui non modo ætatis suæ Magistros consuluit; sed & modò LXX Interpretes, modò Aquilam, modò Theodotionem, & quemlibet alium sequitur, cujus interpretatio sibi videatur commodior. De novâ instituendâ versione etiam ætate nostrâ quæ ceteras omnes superet non desperat. Neque enim verum est ut sapius inculcat Vossius unum duntaxat Hieronymum à LXX Interpretibus recedere ausum fuisse. Imò reliquos Patres sæpius videas ad Aquilæ vel Theodotionis vel Symmachi versiones recurrere, quòd hæ meliorem interdum sensum pariant. Longius profectò recedunt à Vossio qui putet sublatis LXX Interpretibus simul quoque tolli omnem quæ superest linguæ Hebraicæ cognitionem, absque illis nè unum quidem verbum rectè exponi posse, Aquilam & alios Interpretes peccasse ubicunque à vetere recesserunt versione, illum subtilissimum esse Interpretem, qui ex Græ-

cā tantum LXX Seniorum translatione Hebraicè doctus non novas potestates vocibus Hebraicis affinxerit, sed eas solum retinuerit significationes à Græcis illis interpretationibus positas, diverso tamen ordine, & alias notiones aliis locis accommodans. Istum tamen Aquilam, cujus versionem plenam futilibus vocabulis affirmat Vossius, haud infrequenter laudavit Origenes qui de Aquilā loquitur tanquam de homine qui verborum proprietates investigans, eorumque significationibus diligentèr inhærens, eadem aptissimè interpretari studuerit, ὁ κλεινότερος ἐρμηνεύων φιλοπρόμηνος Ἀκύλας. Si autem eandem Aquila linguæ Hebraicæ notiones diversis locis diversā tantum ratione applicuerit, expendenda sunt illa loca, judicandumque an rectè ab illis Interpretibus discesserit. Constat Hieronymum aliquandò prætulisse Aquilam LXX Senioribus quod hi Judæis favere sibi viderentur. Similitèr Origenes putavit Aquilam locis compluribus dictiones contextus Hebraici convenientius expressisse quàm LXX, nec ab eo dissentit Theodoretus. Commentum igitur est quod fingit Vossius, inter omnes scilicet antiquos Christianos neminem fuisse cui non majus Hebraicæ veritatis lumen affulserit quàm omnibus sæculi nostri Rabbiniis & Semi-Rabbiniis Christianis: nam ut optimè à Ludovico Cappello annotatum fuit, nihil est simul coeptum & perfectum. Septuaginta Interpretum translatio ab Aquilā, Symmacho, Theodotione & ab Hieronymo emendata est, & quotidie emendatur, non secus ac Hieronymiana, à viris Græcè & Hebraicè doctis. Illa reliquis Scripturæ sacre versionibus in eo solum præstat, quod prima sit omnium translationum, à quā proinde qui postea sequuti sunt Interpretes non pauca ad instituti sui rationem hauserint. Nec dubito quin Philonis tempore Alexandriae aliisque locis, ubi floruit lingua Græca, dictionum Hebraicarum Lexica exstiterint sumpta ex versione LXX Interpretum. His etiā adjutum fuisse Aquilam in cudendā novā suā translatione non inficias ierim. Sed ut credam illum qui ab Origene, Hieronymo aliisque Patribus diligentissimi Interpretis cognomentum reportavit, Judæos ætatis suæ non consuluisse vix adduci possim; & ut ita sentiret Vossius non aliundè permotus fuisse videtur quàm ex præconceptā opinione, solos nimirum audiendos esse LXX Interpretes quibuscum linguæ Hebraicæ

Orig. Comm.
in cap. 1.
Genes.

cognitio sepulta fuerit. Id omne quod in Aquilam regerit Vossius de Hieronymo etiã dici potest, quem tamẽ constat Doctores Judæos ætatis suæ in condendâ versione suâ ex Hebræo in Latinum sæpius consuluisse, imò & ab istis sæpius quàm à Græcis Interpretibus dependere voluisse. Ubique enim testatur in operibus suis Hieronymus se à doctissimis Judæorum Magistris ætatis suæ institutum fuisse. Similis est prorsus Aquilæ ratio, quem contentiosum aliquandò appellat Interpretem quod dictionibus Hebraicis pressius adhærens verba potius quàm sensum exprimat. Unde illum *κακοζήμιος* quidẽm, seu prave affectationis, accusat, minimè verò ignorantie; cum hanc potius affectationem tribuat Origenes nimie illius diligentie. Verum his diutius quàm par erat immorati sumus.

Nunc ad alia transit Vossius. Negat Scripturæ sensum erui posse ex codice muto quem nec legere, nedum intelligere, quisquam sciat, utpote trunco mediâ sui parte, nec aliis, quàm quas Christianæ fidei inimici apposuerẽ, instructo vocalibus. Satis nõn fuit Interpretes sacri codicis traduxisse, nunc ipsosinet codices accusat Vossius. Palsum & usque ad nauseam in opusculo objicit mutum esse codicem Hebræum; quasi verò LXX Interpretum temporibus minùs mutus fuerit quàm ætate nostrâ. Hæc est nimirum Orientalium scribendi ratio, ut scẽtentur compendia, neque illud vitium magis cadit in sermonem Hebraicum quàm in Arabicum, Chaldaicum & Syriacum, quorum etiã scribendi ratio compendiosa est. Exemplarium quibus usi sunt LXX Interpretes melior nõn fuit conditio; verum erat apud Hebræos ut & apud reliquos Orientales certa quædam legendi ratio usu confirmata, maximè apud Magistros, qualis etiã nunc exstat. Nam etiã post inventa puncta vocalia plerique Orientalium libri absque istis editi sunt, neque tamẽ minùs eos legunt qui eorum linguas callent, quàm si punctis omnibus instructi editi fuissent. Samaritæ codicem suum ejusmodi punctis nunquàm onerârunt, imò neque ea exhibent Judæorum exemplaria, seu volumina quæ publico Synagogarum usui inserviunt. An ideo isti codices muti sunt? Suas quoque habent vocales Judæi quæ ab istis punctis minimè dependeant, ut & ipse Vossius nõn diffiteretur: verum istas Scribæ pro arbitratu suo modò adjiciunt, modò omittunt. Quare optimè animadvertit sapiens.

ens Aben Esra, vanum esse hâc in parte Masoretharum laborem qui nimis anxie annotant quotiès dictio aliqua plenè scribatur & quotiès deficiat; id est quandonam cum suis vocalibus repræsentetur. *Scriba*, inquit doctus Aben Esra, *interdum scribendo exprimit dictionem plenam, interdum verò deficientem idque causâ compendii.* Si quis tùm antiquos tùm recentiores Interpretes inter se conferre voluerit, deprehendet ex illâ vocalium præsentia vel absentia aliquid diversitatis in contextu transferendo contigisse. Neque etiâ hodiè hâc in parte consentiunt secum invicem Judæorum Magistri, uti compluribus ostendit Simonius, qui non ob hanc causam de Judæorum codicibus detrahit; sed vitium illud, si quod sit, in linguarum orientalium naturam rejicit. Hâc arte Doctores Mahumetani lectionem Alcorani adjectis ejusmodi notis, seu punctis vocalibus, constantem fecerunt, nè in varias partes pro cujusque arbitrio trahi posset. Laudanda est profectò Judæorum hâc in parte diligentia qui punctotum beneficio factorum codicum lectioni in posterum consuluerunt. Certum est in quâlibet ætate fuisse Masoram aliquam saltèm apud linguæ Hebraicæ Doctores aspectabilem, quia semper certa fuit contextûs Hebraici legendi ratio; etsi illa nonnihil pro diversis ætatibus variaverit, ut ex diversarum translationum collationibus licet judicare. Quare totum istud negotium nunquàm videtur intellexisse Vossius, qui scribat propter vocalium defectum eò miseros Judæos redactos fuisse inscitia, ut nè legere quidèm scirent, nisi Hebraica verba Græcis expressa literis adscriberentur, quibus vocalium refarciretur defectus. *Hunc scribendi morem*, inquit, *à Judeis acceptum, in Tetraplis & Hexaplis sequuntur est Origenes, Hebraicis & Samaritanicis opponens eadem Hebraica & Samaritica Græcis expressa literis, additi tantum vocalibus ut commode legi possent.* Mira sanè hoc loco, ut & alibi passim, commentus est doctissimus Vossius: ut enim fileam merum illud esse figmentum quod affert de contextu Hebræo qui literis Samaritanicis insertus fuerit Hexaplis Origenis, nemo sanus existimaverit Origenem hausisse à Judeis rationem exprimendi contextûs Hebraici Græcis literis; verùm ipse potiùs, ut linguæ suæ hominibus se accommodaret, verba Hebraica primùm Hebraicis literis, deindè Græcis characteribus expressit, ut etiâ Hebraica le-

Aben Esr.
Præf in
Pentat.

de *escribir*, al qual los Persios se applicaron y accommodaron, de suerte que *elvidaron* y se perdio totalmente el proprio suyo. Sed frustra his immoramur: nemo enim ignorat Persas & Turcas non aliis uti characteribus quam Arabicis, qui in negotio de quo agitur Hebraicos omnino referunt. Nec quidquam ad propositum facit quod mox subjungit exemplum Vossius petitum ex scriptis Homeri & Virgilii operibus si vocalibus destituta ad nos usque pervenissent, quandoquidem maximum est discrimen inter linguas Græcam & Latinam, atque inter Hebraicam, Chaldaicam, Syriacam & Arabicam; cum hæ punctis vocalibus destitutæ non idcirco vocalibus penitus destituantur. Adjicit & aliud commentum vir doctus, rationem hanc scribendi, Græcis scilicet literis, viguisse apud Judæos per annos ferè mille, nempe usque ad tempus Masoretharum, qui ante sexcentos ferè annos, neglectâ hæc duplici scripturâ, sequuti Syros & Arabes apices & puncta invexere quibus vocalium loco uterentur. Verum inde jam ab octingentis annis scripsit R. Saadias opuscula quædam de re Grammaticâ, ex quibus constat etiâ ante illa tempora ejusmodi puncta vocalia Bibliorum codicibus adjecta fuisse. Quorsum meminit Masoretharum, quos punctorum inventores fuisse non diffiteor, cum & ipsi diu ante Magistrum Saadiam floruerint? Verum, inquit Vossius, adeo recentia esse puncta vel ex eo satis est manifestum quod nullus liber, nullumque appareat monumentum, quod quidem quingentis annis sit vetustius in quo ista compareant. Simili ratione dixerim ante sexcentos annos nulla fuisse Hebraica Bibliorum exemplaria, quod non inveniantur ætate nostrâ quæ majorem præferant antiquitatem: sed pudet in his refellendis, quæ aperte falsa sunt, longius detineri. Monumenta produxit Simonius longè antiquiora in quibus puncta compareant. Invehitur præterea in Judæos. Vossius, eosque pravos & perversos vocales plenisque vocabulis aptasse colligit ex propriis nominibus quæ in Evangeliiis & in veterum Judæorum passim occurrunt monumentis; *ut neceſſe sit*, inquit vir doctus, *aut ineptissimè & nullo judicio hodierna esse apposta puncta. aut Christum & Apostolos omnesque adeo veteres Judæos Prophetarum & proavorum ignorasse nomina.* Verum non animadvertit optimus Vossius illa eadem nomina hodiernis

R. Saadias.

diernis etiã temporibus à Judæis diversarum nationum diversâ ratione efferrî ac scribi si in patrium sermonem transferantur. Ea siquidẽ aliter scribunt Itali, aliter Hispani & aliter Germani. Ad antiquam tũ scribendi tũ pronunciandi rationem magis accedunt Hispani, quia simplicior est illorum pronuntiatio; Judæi verò Germani à genuinâ tũ scriptione tũ pronuntiatione ceteris omnibus longius recedunt: idque manifestò colligitur ex libris quos Italicè vel Hispanicè vel demum Germanicè conscripserunt, in quibus dictiones Hebraicæ diverso planè modo & aliis literis exprimuntur. Constat tamẽ illos hanc scriptionis diversitatem ex diversis Hebraicorum exemplarium lectionibus nõn hausisse. Sed pronuntiationis vitium quod ex vulgari sermone oritur, secum etiã trahit scripturæ vitium; undè factum est ut plerique Hebraistarum, qui ex Grammaticâ Hebræâ Buxtorfii Hebraicè sciunt, pravè quoque & more Germanorum dictiones Hebraicas scribant. Illud omne jam à Leone Modenâ verbis paucioribus annotatum fuit, qui ut genti suæ faveret Italorum pronuntiationem ceteris præfert; *nella pronuncia di essa lingua Hebraea*, ait Magister ille, *sono talmente poi tra di loro differenti, che à pena sono intesi; Todeschi da gl' Italiani e Levantini ne vi è chi più chiaro & conforme alle regole della vera Grammatica Favelli che Italiani.* Eandem fuisse linguarum omnium sortem discere possumus ex priscis Grammaticis, illudque argumentum optimè tractavit Erasmus Dialogo de rectâ Latini Græcique sermonis pronuntiatione, ubi observat Maximilianum Cæsarem ab aliquot diversarum nationum oratoribus se præsentè Latinè salutatum, omnes tamẽ qui aderant hisce orationibus credidisse nullam Latinè pronuntiatam fuisse, sed vulgari quamlibet sermone. Galli orationem nõn malè Latinam adèd Gallicè pronuntiatam fuisse testatur idem Erasmus, ut Italis aliquot eruditus qui tũ aderant Gallicè nõn Latinè dicere crederetur. Ad quam Galli orationem Doctor aulicus tam Germanicè respondit ut nemo vulgari linguâ dicere potuisset magis Germanicè; in hunc enim modum exorsus est; *Casarea Maghestas penè cander fidere for, & horationem seftram lipentèr audifit.* Haud abfimiliter Judæi Germani sermonem Hebraicum Germanicè pronuntiant & scribunt, & inde maxime orta est nominum pro-

Leo. Mod.
Hist. de Rit.
Hebr. par. 2.
cap. 1.

Erasmus.

Eras. sub. fin.
Dial. de pron.
lat. & Græc.
serm.

priorum

priorum diversitas quæ in Pagnini, Munsteri, aliorumque recentiorum Interpretum versionibus deprehenditur, si cum Evangeliiis & antiquioribus monumentis illa comparentur. Sed tempus est ut ad alia cum Vossio transeamus.

Incertam esse vocum Hebraicarum expositionem propter defectum vocalium contendit vir doctus, in eaque etiam sententiâ Simonium esse existimat, qui etiam crediderit inde factum ut Rabbinii codices Hebræos lxxii. facies habere affirmant. Verum quidem est Simonium interpretationum contextus Hebraici diversitatem ex parte tribuisse vocalium, quæ modò ad sunt modò absunt inconstantia. Sed lxxii. facies illas, quas codices Hebræi præ se ferant, ex Judæorum opinione longè aliter explicavit; nec est profectò cur istud Judæorum pronuntiatur adeò frequentèr obijciat Vossius quod non videtur intellexisse. Unus enim simplèxque Scripturæ sacre sensus non minùs à Judæis quàm à doctissimo Vossio comprobatur. Nomine autem lxxii. facierum veniunt tantùm sensus allegorici qui tot sunt quot otiosi Magistri possunt comminisci. Commune enim est essatum non modò apud Judæos qui sunt è sectâ Carræorum, sed & apud Rabbânistas, quibus inest eruditionis aliquid & judicii, *מקראות מיר פשוט*, seu, ut vocant, *literalem*, quem unicum amplexari se profitetur doctissimus Aben Esra, spretis illis lxxii. faciebus, seu sensibus allegoricis & Cabbalisticis, quos plerique Judæorum maximè qui incolunt regiones orientis sectantur. Quare Judæis ipsis illi mihi videntur ineptiores qui ex Rabbînorum libris varia fabularum monstra congerunt, ut Doctoribus istis recutitis creent invidiam. Ejusmodi portentis pleni sunt libri Talmudis & antiqui Medraschim, seu Commentarii allegorici. Hoc sensu dicunt Magistri Mosè non esse mortuum, R. Simeonis Ben Jochai & Regis Ezechie temporibus visum non fuisse arcum coelestem quia justî erant; eo tempore quo Jonathan Paraphrasi Chaldaica operam dabat aviculas super eum volitantes momento exustas fuisse. Sexcenta ejusdem generis prætereo, quæ Judæi sapientiores *נרד חרש* sensu allegorico dici existimant. Ad quam etiam classẽ revocanda sunt ea omnia quæ de lxxii. Scripturæ faciebus commentî sunt Magistri.

R. Aben Esr.
Præf. in Pen-
tat.

Cesset

Cesset itaque Vossius illis obijcere veritatem constare non posse ubi adeo multiplex est sensus.

Tergiversatus eodem loco vir doctus multa affert de nomine Prophetæ quæ sunt extra propositum planèque inutilia: quasi enim illum puduerit Græcos Interpretes Prophetis adscripsisse, illos affirmat verè Prophetas esse qui rectè Scripturas interpretantur, cum Propheta idem sit quod Interpres & *πρῆφηνος* interpretari. Quasi vero de hoc Prophetiæ genere in præsentia agatur. Derisus fuerat à Simonio Vossius qui rancidam de LXX Interpretum Prophetiâ sententiam renovare studebat, non aliis ad id permotus argumentis quàm ex odio illorum quos vocat Semi-Rabbinos. Quò autem tendant illa quæ prolixiùs comminiscitur vir acutissimus ut ostendat non apud Græcos tantùm sed & Ægyptios somniorum, futurorum & similibus interpretes vel indices appellatos fuisse Prophetas non ità sum oculatus ut videam. Contendit etiã Idolorum cultoribus Deum sæpè contulisse donum Prophetiæ. Sed quid hæc facient ad præsens institutum? Græcam versionem divinitus inspiratam appellat & illius auctores Spiritu sancto aut Prophetico afflatos, earumque *θεοπνευσίας* multis conatur adstruere. Non malè igitur Simonius objecit Vossio Prophetiam illam jampridem & ab Hieronymi temporibus à LXX Interpretibus sublatam esse. Imponit ipse potiùs Simonio cum illum in jus vocat quasi crediderit Stephanum Protomartyrem non Græco aut plebeio Syriaco, sed Hebraico sermone ultimam suam absolvisse concionem. *Quid integrum in Evangeliiis supererit*, inquit vir ad superstitionem usque religiosus, *si istiusmodi admittamus commenta?* Verùm fingendis commentis ità assuetus est Vossius, ut nova cadere hoc loco veritus non fuerit quæ postea commentitiis rationibus refelleret. Verisimilem putavit Simonius Hieronymi opinionem, qui scripsit credibile non esse Stephanum in suâ ad Judæos Hierosolymitanos concione testimonia veteris Instrumenti aliundè produxisse quàm ex Hebræorum codicibus. De verbis concionis quæ constat sermone Syriaco expressa fuisse non loquitur Simonius, sed de Scripturæ locis quæ in illâ concione à Stephano laudata sunt. Quare Vossii commentum est quòd Simonio tribuit, eum ex-

istimasse

istimasse plebem tempore Apostolorum gnarum fuisse veteris linguæ Hebrææ, cum ipse potius passim affirmet plebem Hierosolymitanam Syriacè loquutam; in Synagogis Hierosolymitanis, ubi Syriacus sermo vigeat, lectam non fuisse Legem Græcè sed Hebraicè, cui statim adjunderetur interpretatio Syriaca, non verò Græca uti commentus est Vossius: at de his jam suprà fusiùs dictum fuit.

Iterum malignè Simonio objicit Vossius ab eo scriptum Aristæi inter commentitia ob id repositum fuisse, quòd Judæis solenne fuerit fingere & scribere incredibilia, cum ea quæ Moy- sis & Prophetarum scriptis continentur magis sint incredibilia; ac si ex eo solùm quod Judæis solenne sit fingere incre- dibilia probaverit Simonius commentitiam esse Aristæi Histo- riam. Firmissimas & ex ipso Aristæi opusculo desumptas ra- tiones profert, ostenditque Philonis Herennii testimonio quod refert Origenes Judæos illius temporis multa confinxisse parùm verisimilia. Nec miror Vossium ejusmodi Impostores cum Moy- se & Prophetis conferre non dubitasse, qui jam illos inter Pro- phetas retulerit. Scribit tamèn vir doctus in eodem opusculo ubi, ut & ferè semper, parùm consentanea loquitur in Judæ- orum scriptis peregrinam rem esse veritatem, tantam inscitiam & barbariem, tantam figmentorum copiam in iis occurrere ut ni- hil verius sit illo Satyrici dicto,

— *Are minuto*

Qualiacunque volunt Judæi somnia vendunt.

Malignè similiter & contra mentem Simonii alia nonnulla sub- jungit Vossius, quibus inutile est respondere cum Simonii li- ber nunc Latinè & Gallicè omnium teratur manibus, etsi Gal- lica recens editio, quæque ex eo sumpta est Latina, innumeris scateat erroribus. Jam ut fortiùs premat Simonium Vossius, rogat undè suum de Regibus Judæorum hauserit historiam De- metrius Phalereus, si hujus ætate nulla existerit Græca versio. Istud quoque comminiscitur Vossius ut fingat sibi adversa- rium. Demetrii Historiam è Græcà versione quæ LXX Senio- ribus vulgò tribuitur desumptam fuisse faciliè agnoscet Simo- nius, qui de ætate auctorum versionis illius nusquam dispu- tat, verum de ipsismet illius auctoribus, putatque ea quæ de

illis ab Aristæo referuntur non abesse à commento. De tempore quo illa instituta & perfecta fuerit à Judæis Alexandrinis dissentientem non habebit Simonium Vossius, sed ut credat tot fabellis quæ de illis Interpretibus vulgò circumferuntur, vix adduci potest. Suo interim fruatur judicio delicatissimus Vossius, qui somnia plusquam Rabbinica tam avidè arripit, & quàm jam factus oculator vir doctus ad scribendum se accinxit, non solum Moyfis Pentateuchum à LXX Interpretibus, sed & libros Historicos & Propheticos Græcè fuisse redditos nunc non dubitat, etsi olim se dubitasse profiteatur. Gravissimæ tamèn sunt dubitandi rationes, inprimis quæ ex Josephi, Hieronymi & priorum Judæorum testimoniis peti possunt. Negaverat Simonius verba Aristæi à Vossio intellecta fuisse, nunc ad illorum qui Græcè sciunt judicium provocat vir doctus, quorum etiam decretis penitus standum esse arbitror, velimque ut ea quoque expendant illi judices quæ ex Eusebio aliisque Scriptoribus Græcis in opus suum transtulit Vossius cum novâ Græcorum verborum translatione; adeò in omnibus novator est vir ille incomparabilis, qui iterum nova comminiscitur Origenis Hexapla, quæ nemini hætenus visa fuerint. Probabiliora sunt quæ môx subjicit de eodem Origene, qui integram LXX Interpretum versionem & fidelitèr descriptam Hexaplis suis inseruerit; non verò locis aliquot immutatam, uti suspicatur Simonius. Licet tamèn suspicari cum Simonio Origenem Græcam interpretationem quæ ipsomet teste innumeris erroribus tunc refecta erat ita integram non restituisse, quin plura loca sub prætextu castigationis immutaverit, quandoquidem non eam solum ad probatos versionis illius codices recognovit; sed & ad Hebræos & Aquilæ, Symmachi, Theodotionis aliorumque translationes. Quod vix assequi potuit quin antequam illam versionem in multis vitiârit, maximè cum Origenes veritatem Hebræicam longè pluris æstimaverit quàm putat Vossius, si credamus Hieronymo, qui ingenium doctissimi illius Patris probè noverat; *de Adamantio autem, inquit Hieronymus, sileo, qui cum in Homiliis suis quas ad vulgum loquitur communem editionem sequatur, in Tomis, id est, in disputatione majore, Hebræicâ veritate stipatus & suorum circumdatus agminibus interdum peregrina lingua quarit auxilia.* Alitèr igitur se habuit Origenes cum hominibus eruditis; alitèr cum impe-

Hieron.
Procem. in
Quæst. Hebr.
in Gen.

imperitâ multitudine; & ut aiunt, cum paucis sapiens ea quæ multorum erant loquebatur. His consentiunt quæ scribit adversus Celsum: postquam enim ex libro Exodi produxit nonnulla secundum vulgata Græcæ versionis exemplaria, statim contextus Hebraici lectionem subjicit cum hac animadversione; *ἀνὰ τὰ ἔνθα ἡ μεταφράσις πρὸς τὴν ὁρακλήν ἐστιν ἡ ἀληθὴς ἀρχή.* Sed hæc quæ videntur esse curiosiora nec satis apta vulgi auribus, &c. Errat itaque vir doctus qui existimat Origenem non alios probasse codices quam Græcos LXX Interpretum. Ignorat œconomix illius Leges quas plerique Patrum, imprimis Origenes, sequuti sunt, ut jam receptis à multitudine opinionibus se accommodarent. Quam etiâ Origenis œconomiam, seu prudentiam, imitantur ætate nostrâ præstantissimi Ecclesiæ Romanæ Theologi, qui usum Latinæ editionis populo concedentes veritatis Hebraicæ cognitionem sibi reservant. Quia portentosis Aristæi de LXX Interpretum versione sermonibus fidem non adhibet Simonius, causam reddere conatus cûr illa LXX Senioribus attributa fuerit, testatur se ad eorum sententiam accedere qui putant à LXXII. Synedrîi Hierosolymitani Senatoribus, qui hanc suffragiis suis & auctoritate comprobârunt, nomen istud reportasse. Nihil tamén affirmat, sed de re tam obscurâ & à nostris temporibus itâ alienâ conjecturam facit: in eum tamén modestè sentientem acriter insurgit Vossius, rogâque si ab universo approbata fuerit Synedrîo Græca illa interpretatio, quâ fieri potest ut mendosa minimèque exacta fuerit, ac si necesse fuerit ut auctoritas Synedrîi magni, quàm versioni illi accessisse suspicatur Simonius ut publicè in Synagogis & scholis legeretur, hanc ab omni prorsus errore eximere debuerit? Non major illi *ἀντιλογία* ex Senatorum Hierosolymitanorum decreto accedere potuit quàm Latinæ editioni tributa est, postquam Tridentini Patres illam Constitutione suâ fecerunt authenticam. An idcirco Latinus Interpres à mendis quibus antea scatebat repurgatus fuit? Minimè. In hoc etiâ decreti utriusque videtur maxima paritas, quòd sicut in occidentis Ecclesiâ ex linguarum Græcæ & Hebraicæ ignorantia factum est ut Biblia sermone Latino conversa & lecta fuerint, itâ etiâ linguæ Hebraicæ apud Judæos Hellenistas imperitia fecit ut Judæi Alexandrini sacros codices in usum suum

O ig li's 4.
adv. Celsum.

Græcè verterint, quæ deinde translatio Græca apud omnes Judæos qui Græcè sciebant obtinuit, eaque forsàn à Senatoribus Hierosolymitanis approbata: dixi forsàn, quia opus nōn est ad illorum auctoritatem recurrere ut ratio exponatur cūr versio ista LXX Senioribus attributa fuerit; sed observanda tantum est loquutio Judæis admodum familiaris, quā res omnes quæ alicujus momenti sibi esse videntur, referre soleant לְאֲנָשֵׁי כְנֶסֶת הַגִּדּוּלָה *ad viros Synagoge magnæ.* Quod genus loquutionis plurimos eosque eruditissimos in varios errores perduxit, dum Judæorum libros nōn satis cautè evolvunt: cum nōn tam quid loquantur Magistri quàm quomodò & quibus de causis ita loquantur animadvertendum sit. Itā plerique Rabbinī contendunt sacri codicis apices & alia similia suam ducere originem à viris Synagogæ magnæ, de more scilicet gentis suæ, non verò ex rei ipsius veritate. Hoc quoque modo Græcam versionem tributam fuisse LXX Senioribus conjicere longè satius est, quàm Aristæi commentis cum Vossio fidem adhibere.

Displicet præterea viro docto quòd Simonius reducere conatus fuerit Hellenisticam linguam à viris doctis explosam, eamque obtrudere sub nomine linguæ quæ in Synagogis potissimum obtinebat, ac si in illis peculiaris aliqua fuerit lingua quæ nec Græca nec Hebraica fuerit, ut hæc ratione efficiat LXX Interpretes & Græcè & Hebraicè nescivisse. Novèrat profectò Simonius quid jam à Salmasio adversus linguæ Hellenisticæ defensores scriptum fuerat: sed pace viri illius docti dixerim eum de umbrâ asini disputantem lites de nomine tantum concitasse. Imperitiā Hebraici & Græci sermonis Græcis Interpretibus nōn tribuit Simonius sed ῥακῶ-ζῆλαια tantum, seu pravam affectationem Judæis Interpretibus familiarem, maxime in vertendis Scripturis, qui verba Hebraica dum curiosius & ad literam volunt exprimere à communī magisque recepto sermone paululum deflectunt, specialēque notiones & à vulgaribus distinctas interdum vocibus quibusdā tribuunt. Ista licet animadvertere in omnibus ferme Scripturæ sacre versionibus quæ à Judæis conditæ sunt, uti rectè ostendit Simonius, à quo etiā optimè annotatum fuit, Græcam LXX Seniorum interpretationem plerisque Patribus Græcis vix intellectam fuisse quòd illa Syriacæ vel Hebraicæ:

braicæ linguæ aliquid retineret : Sicûť translatio Hispanica Ferraræ edita quæ Judæos habet auctores ab iis qui Hebraicè nesciunt vix legi potest, etsi Hispanicè docti sint. Id etiã in causâ fuit cûť antiquus Græcæ versionis Interpres nōn paucas dictiones Græcas malè expresserit, vim illarum nōn assequutus. Aliquas etiã nōn videtur intellexisse ipsemet Hieronymus licet Hebraicè & Græcè doctus, dũ magis ad Græca quã ad Hebraica undè Græca sumpta fuerant attendit. Simonio etiã obijcit Vossius eum nescivisse quinam fuerint Hellenistæ. Fateor nescivisse antea Simonium quæ contra communem doctissimorum virorum sententiam commentus est eruditissimus Vossius, qui ut ostentet Græcam eruditionem Ἑλληνιστῶν esse asserit partes Græcorum sequi, ut Πομπηζῶν, Περσῶν, Μεδιῶν, Ἀρμενῶν, imitari mores & ritus aut stare à partibus Romanorum, Persarum, Medorum & Antigoni, & illis quomodocunque favere. Verũ perindè est ac si dixerim in præsentī negotio, ubi de re Criticâ lis movetur cum Vossio, nōn modò Vossium esse rei Criticæ peritissimum, sed & Canonicum Vindobonensem, qui Liturgiam Anglicanam in templo bellè decantens. Constat duplicis generis fuisse Judæos, & διαπορεῖν οἱ Ἑλλήνων. distinctam fuisse ab iis Judæis, qui tũ in Judæâ, Samariâ, Babyloniâ aliisque regionibus vicinis Syriaco utebantur Sermone & Hebraicis codicibus. Illi, quia dispersi erant inter nationes quibus lingua Græca erat vernacula, Græcè etiã loquebantur & Scripturam Græcè legebant, appellanturque in Actis Apostolorum Ἑλληνισταί. De iisdem quoque exponenda sunt hæc verba Judæorum in Evangelio Joannis; οὐκ εἰς τὴν διαπορεῖν οἱ Ἑλλήνων μέλλει πορεύεσθαι; numquid in dispersionem Gentium iturus est? Jã Simonius, quod erat instituti sui referens, asserit Græcam LXX Interpretum versionem à Judæis maxime Hellenistis approbatam, quia Græcè callebant; secus verò à reliquis Judæis quibus lingua Græca nōn erat domestica, quales erant Babyloniæ, Palæstinæ, Syriæ & Judææ incolæ quibus omnibus sermo Chaldæicus, sive Syriacus, communis fuit. Nōn inficiatur tamen Simonius etiã inter hos existisse Hellenistas aliquot, nimirũ Hierosolymis erat Synagoga Alexandrinorum & Antiochiæ reperiabantur quoque Judæi Hellenistæ, uti constat ex Actibus Apostolorum. Cũ de contextu Hebræo tantũ

Act. II. 20.

tũ.

tum & Græcâ illius interpretatione hoc loco ageretur necesse non fuit ut Simonius extra viam currens exemplo Vossii Judæos illos vocaret Hellenistas qui pacatiori erant animo & sine cunctatione vectigal pendebant, monebuntque jugum à Deo impositum æquo ferendum animo, istos Græcorum partes sequutos fuisse: quasi verò etiâ Hierosolymis aliisque locis ubi Judæi Hellenistarum nomine insigniti non fuerunt nulli fuerint Judæi qui æquo animo & sine cunctatione vectigal penderent. Quare igitur etiâ isti dicti non sunt *Ἑλληνισταὶ* seu *ἑλληνιστῆς*; Verum suâ fruatur conjecturâ Vossius, & Hellenistum ad solum non referri sermonem judicet. Modò aliquâ ratione ad hanc referatur satis est. Hellenista quoque fuit Christus, si credamus Vossio, non quòd Græci sermonis peritus fuerit, sed quia jubet ut *Casari detur quod est Cesaris*. Quod verò mox subjungit vir doctus de depravatis Judæorum codicibus deditâ operâ in rebus Chronologicis non est cûr iterum illud ad examen revocemus, cûm jam superiori scripto fusiùs demonstratum fuerit in hoc Vossium gravissimè allucinatum esse; nec ea similiter quæ de Danielis Prophetiâ etiâ Judæis cognita jam quoque allata sunt hic opus est repetere. Juvat nunc ea excutere quæ tanquàm minùs commodè à LXX Interpretibus reddita carpserrat Simonius, eadèmq; obstinato animo Vossius tuetur. Expendens verba illa primi capitis Geneseos *eis ἀρχὰς τῆς ἡμέρας*, dicit Simonius ancipitem sibi videri hanc expositionem, quia vox ἀρχὴ *principatum* & *principium* significat. Miratur Vossius Simonium non etiâ reprehendisse vocem Hebræam, quæ & ipsa duplicem habet potestatem. Sed diligentis est Interpretis vitare amphibologiam. Locum hunc ante Simonii censuram, tanquàm convenientiùs ab Aquilâ expressum quàm à LXX Interpretibus, notaverat doctissimus Origenes. Deindè animadvertenterat Simonius ad hæc verba capitis iii. Geneseos *ἡμέρας* 10 οὐ ἀπὸ ἀρχῶν ἔσθ' ἡμέρας, prapositionem ἀπὸ huic loco non convenire, nec videri ullum constituere sensum: at longè perspicacior Vossius non potuisse locum hunc meliùs & exactiùs reddi contendit, nullumque esse Græcum Scriptorem qui non sic loquatur. Græca quidèµ esse hæc verba & prapositionem Hebræicam οὐ rectè exprimi per Græcam ἀπὸ non inficias ierit Simonius; verum quæstio est utrùm hoc loco, ubi

de

de comparativo agitur, uti loquuntur Grammatici, illa præpositio per Græcam ἀπὸ benè reddita fuerit. Græcus Scriptor appouisset ὅθεν ubi sæpius LXX & Aquila vertunt ἀπὸ. Tertiò ad idem caput coniecerat Simonius pro τηρήσει & τηρήσεις legendum τηρήσει & τηρήσεις. Sed delicatior Vossius hoc non esse Græcum objicit, quia non dicitur τηρήσω sed τηρώ, unde futurum τηρῶ. Minus tamèn delicatus Grotius futurum τηρήσω non improbat, quod etiàm legit Complutensis editio. Præterea à τέρω non modò fieri in Futuro τηρῶ sed & τέρω nòrunt Grammaticorum filii. Cetera, quia sunt ejusdem generis & parvi momenti, visum est prætermittere, nè minutiora consèctari videar. Silere tamèn non possum quod peritus naupegus Vossius annotat ad hæc verba capitis vi. v. xiv. Γενεσεος ποιήσων σταυροειδωτὸν ἐκ ξύλων τετραγώνων, *fac tibi arcam ex lignis quadratis.* Negat, contra mentem Simonii, ex asseribus aut tabulis ullum construi navigium, sed ex arboribus quadratis ædificari, quæ aptissimæ sunt fabricæ navali, utpote quæ materiem & simul resinam seu picem ad unguendas exhibeant naves. Quadratas illas arbores quales fingit Vossius, cedrum videlicèt, abietem, piceam, pinum & sapinum construendis navibus aptissimas esse faciliè crediderim, sed cùr neget illas deindè ædificari ex plancis, sive asseribus, ad costas ligneas applicatis minime assequor. Nunc ad alia quæ majoris sint momenti veniamus.

Denique, ut finem dicendi faciam, Vossius maligno adversus Simonium animo invidiam illi creare conatur, dùm eum parem facit Spinossæ Judæo in iis quæ habet de incertitudine Scriptorum veteris Testamenti. Mox tamèn, seipsum veluti castigans Vossius, fatetur ingenuè meritò damnatum à Simonio Spinossam velut indoctum & futilibus nimium argumentis quoscunque ferè S. Scripturæ libros abjudicantem ab illis quibus semper attributi fuère auctoribus. Verùm indoctiores ipso Spinossâ se ostendunt qui libros Scripturæ sacræ statim tribuendos iis esse existimant quorum nomina præferunt Damnanda quidèm Spinossæ malignitas, sed non statim ea omnia quæ habet de sacris Scriptoribus damnanda sunt, quòd in aliquibus cum viris pietate & eruditione conspicuis consentiat. Verùm cùm hæc in parte Simonius non solùm doctissimo Vossio displicuerit, sed & viris haud inferioris notæ, qui nihil non virulenti adversus illius Criticam sacram evomuerunt juvat hoc argumentum fusiùs texere.

Displicuit

Displicuit inprimis beatulis istis & delicatulis id omne quod scripsit Simonius de publicis gentis Hebraicæ Notariis, quos cum Josepho & quibusdam Ecclesiæ Patribus vocat Prophetas, qui non solum res gestas suis temporibus chartæ commendabant, sed & ea quæ à prioribus Prophetis scripta fuerant servabanturque in scriniis publicis recognoscebant, eandem ferme ratione quâ Esdras post Judæorum à Babylone reditum sacros codices recognovisse, & illi quam nunc obtinent formæ restituisse vulgò tum à Judæis tum à Christianis creditur. Nihil est in hac Simonii assertionem quod non à plerisque Patribus iisdemque doctissimis approbatum fuerit. Adeatur unius Theodoret, præstantissimi Ecclesiæ Orientalis Theologi, præfatio in libros Regum, ubi totum istud negotium explicat, liberèque ac nullatenus dubitans asserit complures apud Hebræos fuisse Prophetas, quorum unusquisque scribere consueverit quæ suæ erant ætatis, partem maximam librorum qui ab ipsis conscripti sunt nunc desiderari, idque disci ex Paralipomenon historiâ. Addit illos quos nunc vocamus libros Regum ex scriptis illis longo post tempore desumptos fuisse. Theodoro consentiunt Diodorus, Procopius & alii non pauci. Similiter doctissimus Masius, quem sequuti sunt Pierius, Sanctius, Cornelius à Lapide aliique Jesuitæ in libris sacris diù multumque versati, quorum verba hic asserere non est operæ pretium, cum illorum libri omnibus sint obvii. Verum ut res ista fiat illustrior in singulos Scripturæ sacre libros speciatim incurrere forsàn non erit à proposito alienum.

Primus in aciem prodibit Moyses quem quinque librorum Legis auctorem esse constans est tam Judæorum quam Christianorum traditio. In eo tamèn religiosiores fuisse videntur Judæorum Magistri qui nè quidèm dictionem unam, imò nec syllabam, exstare in Lege contendunt quæ à Deo profecta non fuerit & Moyse dictata; secùs Christianorum plerique, qui aliqua libris Moysis vel ab Esdrâ, vel ab aliis qui eos recognoverunt, longo post tempore adjecta fuisse liberè affirmant. Nec ipse Hieronymus singula Pentateuchi verba, qualis nunc exstat, Moyse tribuere ausus est, sequutus hac in re communem Doctorum Ecclesiæ sententiam, qui Legem universam

Theodoret.

Diod. in lib.
1. Sam.
Mas. Præf.
Comm. in
Josu.
Sanct. Præf. in
lib. Reg.
Perer. Præf.
in Gen.

universam ab Estdrà scribà peritissimo recensitam recognitamque fuisse constanter asseverant. *Sive Moysen dicere videris*, inquit Hieronymus, *auctorem Pentateuchi, sive Estdrà ejusdem instauratorem, non recuso.* Verum utrum Moyses ipse eam quam sub ejus nomine habemus historiam totam literis mandavit, vel ex parte à Notariis illis qui res ætatis suæ conscribebant, chartis excipi jussit, major est difficultas. Tamen in quacunque partem res cadat, Moyses totius Legis auctor & scriptor censebitur, ut optimè à Simonio jam annotatum fuit, quid scribæ illi siqui jam à Moysis tempore existerunt, ab eo in omnibus pendebant. Nihil quidem in universâ Lege reperias, quod ejusmodi scribarum auctoritatem stabiliat. Sed nisi jam ab illis temporibus ab ipso Mose constituti fuissent, aliquid Hebræorum Reipublicæ defuisset, quo nec Aegyptii, nec aliæ Orientis nationes caruere. Jam à Moysis temporibus fuisse apud Hebræos annalium scriptores Sanctius Jesuita doctissimus non dubitavit asserere his verbis; *Sentio fuisse in superioribus sæculis verba dierum, Commentarios, Ephemerides & curam diligentem & sedulam, ne obscuraretur temporum oblivione quos quisque natales & posteros haberet: quod à tempore Moysis mihi videtur omnino certum.* Parco recensendis aliorum nominibus qui eadem sentiunt. Miror tamen nuperum Scriptorem ex ordine Seraphicorum zelo plusquam Seraphico accensum sententiam hanc in Disquisitionibus Biblicis tanquam impiam damnaſſe, illiusque auctoribus dira imprecatum. Verum ut audio, Seraphicus ille Doctor, cum nihil sciat Hebraicè neque Græcè, audacissimæ tamen est incitiæ, & ex eorum sectâ qui quæcunque ignorant blasphemant. Offendit præterea nonnullos, & fortasse delicatulum Vossium, in Criticâ sacrâ Simonius, quod aliqua libris Moysis postea adjecta fuisse affirmaverit. Sed non etiâ hâc in re novator est Simonius, qui consentientes sibi habet peritissimos Scripturæ sacræ Interpretes Masium Pereriumque qui hujus verba ferè integra in Præfationem suam in Genesim transtulit, Bonfretium, Cornellum à Lapide, & alios bene multos. *Placer etiâ mihi*, inquit Pererius, *eorum sententia, qui existimant Pentateuchum longo post Moſem tempore interjectis multifariâ ver-*

Hieron. adu.
Hclv.

Sanct. Proleg.
4. in Paralip.

Epist. Cath.
Judæ v. 8.

Perer. præf.
in Pent.

Bonfrer. Coni.
in cap. 36.
Gen. v. 31.

Corn. à L.
pide Comm.
in cap. 36.
Gen.

D. Huët Deni.
Evang. Prop.
4. cap. 14.

Exod. 24.
Deut. 31.

Hieron.
Oleas. Prol.
in Pent.

bonum & sententiarum clausulis veluti sarcitum & explicatiùs redditum, & ad continuandam historia seriem melius esse dispositum. Simili ratione Bonfrerius expendens verba quaedam Geneseos quæ suspicatur à Moyse scribi non potuisse, hæc habet; *malim dicere aliquem alterum scriptorem Hagiographum nonnulla postea addidisse, quam Moyse Prophetam agentem omnia adscribere.* Haud absimiliter ad eundem locum Cornelius à Lapide ait; *hæc verba videntur addita post Mosem ab eo qui Mosi diaria digessit.* Quid quod & ipsemet D. Huëtius Spinosa objicienti libris Mosi nonnulla assuta fuisse, ita respondet ut ab eo vix discedere videatur: *Faemur, inquit, Scripturae reparatorem Esdram, sicubi se darent obscuriores aut difficiliore loci, huc & illuc de suo nonnulla in libros sacros explanationis causâ insarxisse.* Præterea cum tot disputationibus propagati sint codices sacri, ut nullius unquam libri tot existerint exemplaria, quid mirum, si quod aliàs sæpè evenit factum hic quoque sit, & adextera ad oram à viris piis ac doctis nota in ipsum forte contextum irrepperint? Denique illa quæ ad calcem Deuteronomii habentur de Moyse morte & sepulturâ à Josuâ, vel potius à Synedrii magni Senatoribus, quorum dux fuit Josue, reliquo contextui vulgò creduntur adjecta. Ea siquidem quæ tunc gerebantur in acta publica referri mos erat ab iis quorum fuit illa describere, quo sensu dicitur Josue nonnulla scripsisse in volumine Legis Domini, scædus scilicet quod cum populo percusserat. Multa quidem in ipsomet Pentateucho exstant quæ Legis libros à Moyse scriptos fuisse manifestè ostendunt; sic in Exodo legimus; *scripsit Moyses universos sermones Domini*; & in Deuteronomio; *postquam ergo scripsit Moyses verba Legis.* Sed hæc & alia ejusdem generis complura de quibusdam tantum Legis partibus, quarum in his locis fit mentio, exponenda esse demonstravit Simonius: undè & Hieronymus Oleaster, vir Hebraicè doctus & in sacris literis apprime versatus, negat posse ex Scripturis probari efficacissime Moysem ipsum Legis quam sub ejus nomine habemus Scriptorem fuisse. Hactenus de Moyse & ejus libris; nunc reliquos historiæ sacræ libros expendamus.

Primus

Primus post Pentateuchum occurrit liber qui dicitur Josuæ, quémque à Josuâ scriptum fuisse non secus atque à Moyse Pentateuchum firmissimè probare videntur verba illa ; *scripsit quoque* (Josuæ) *omnia verba hæc in volumine Legis Domini.* Josuæ nimirum defuncto Moyse, vel illius Scribæ eo mandante ea quæ tunc temporis gerebantur in acta publica conjecerunt : quo sensu *volumini Legis* quasi addita fuisse dicuntur. Mirum tamèn quàm secum diffideant qui hoc argumentum tractarunt ; ità ut nè ipse Augustinus Josuam scripti quod sub ejus nomine circumfertur, extra controversiam auctorem esse ausus sit affirmare. *Si ab illo,* inquit, *(Josuâ videlicet) conscriptus liber qui appellatur Iesu Nave, vel si ab alio scriptus est,* &c. Similiter Theodoretus auctor est hunc à Josuâ scriptum non fuisse, sed ex libro posteriori excerptum. E recentioribus autem doctissimus Masius pluribus ostendit, minimè dici posse ea omnia quæ in Josuæ historiâ nunc extant ab eo profecta fuisse, quæque suprà allata sunt de Scribis illis publicis & de illorum muneribus gravissimis rationibus confirmat, & id ad alios etiàm Scripturæ libros extendit. Talmudistarum quidem sententia est Josuen scripsisse librum suum & octo versus Legis ; sed ab his discedere veritus non est Magister acutissimus R. Isaac Abravanel, & ut ità sentiret non modò his verbis, quæ referuntur ad calcem libri Josuæ, & *post hæc mortuus est Josuæ filius Nun,* &c. adductum se fuisse asserit, sed & ob alias quæ passim in ipso Josuæ contextu reperiuntur loquutiones, quarum auctorem Josuam esse potuisse inficiatur. Hujus generis sunt, primò illud quòd habetur de duodecim lapidibus, quos posuit in medio Jordanis alveo, de quibus nimirum dicitur, *sunt ibi usque in præsentem diem* ; deindè id quod refertur de circumcissione, cuiusmodi hæc subjungit scriptor libri Josuæ ; *vocatum est nomen loci illius Galgala usque in præsentem diem.* De quibusdam etiàm populis, quos Israëlitarum penitus non deleverant, hæc leguntur ; *habitaverunt in medio Israel usque in præsentem diem.* Prætereo & alia multa quæ eodem planè modo enunciuntur in historiâ Josuæ, & quæ ab ipso Josuâ scribi non potuisse pluribus contendit idem Magister Abravanel. *Si Josuæ,* inquit Magister ille, *scripsisset hæc omnia, nam diceret*

Jos. 24. 26.

Aug. in Jud. qu. 12.

Theodoret.

Mas. Comm. in cap. 10. Josu.

Talm. B'aba barbara.

R. Abrav. Praef. in Jos.

Jos. 4. 9.

Jos. 6. 9.

Id. Abrav. ibid.

Usque in presentem diem? Addit ea quæ in Josuæ historiâ leguntur de Danitis qui urbem *Leshem* expugnaverint, quæ tamèn evidens est sub finem Judicum contigisse, adeoque post ipsius Josuæ obitum. Verùm ista & alia ejusdem rationis bene multa, quibus consultò supersedere visum est, non probant Josuam, vel illos quibus præerat scribas, ea quæ suorum erant temporum in acta publica non retulisse; sed tantum alios postea Scribas eadem acta recognovisse, interjectis aliquot connexionis & explicationis causâ.

Pseudo Dcr.

Neque aliâ profectò ratione contextus fuisse videtur liber qui *Schepketim*, seu *Judices* appellatur, quia similes in eo loquutionum formulæ apparent. Quare D. Huetius Dorothei sententiam de hoc libro amplexatur, qui Dorotheus auctor est Scribas illius temporis quæ sub Judicibus gesta fuerant, ea in Commentaria retulisse, ex quibus postea Samuel librum Judicum composuerat. Quis autem fuerit Dorotheus ille in præsentia non disputo, satis est inde confecisse nudiustertius natam non esse Simonii opinionem quæ Scribas publicos in gente Hebræâ statuit, quorum fuit res suorum temporum describere, ex quorum postea Commentariis alii Scribæ, seu Prophetæ, qui hos exceperunt, historias contexuere, quas legimus sub Josuæ, Judicum, Samuelis & Regum nominibus. Hanc quoque sententiam confirmant Syri, ad calcem enim historiæ Judicum in exemplari Syriaco hæc verba leguntur;

Ex cod. Usser.
Tom. 6. Polygl.
Anglic.

Liber autem Judicum, quamvis annotatum non sit nomen ejus qui ipsum scripsit, notum tamen est quod ab aliquo sacerdotum filiorum Aaronis, qui temporibus Judicum istorum sacerdotio functi sunt, scriptus sit. Librum Ruth Dorotheus modò laudatus ad eosdem Scribas refert, idque videtur longè verifimilius quàm aliorum sententiæ quibus nihil inest firmitatis. De utroque hæc habet Sixtus Senensis; dicitur *Samuelem librum Judicum collegisse, eique adjecisse Ruth Moabitidis historiam; sunt qui Ezechiam, & qui Esdram putent utriusque voluminis auctorem.*

Sixt. Sen.
Bibl. S. lib. 1.

Theodoret.
præf. in lib.
Reg.

De libris autem Regum hæc annotavit Theodoretus, plurimos scilicet fuisse Prophetas apud Hebræos, quorum quique scribebat res suæ ætatis, & inde factum esse quod primus liber Regum apud Hebræos & apud Syros nominetur *Prophetia Samuelis*. Deinde mox addit; *qui ergo Regnorum libros*

libros scripserunt ex scriptis illis acceptâ occasione post plurimum tempus scripserunt. Et post nonnulla interjecta hæc affert de libris Paralipomenon. *Fuerunt aliqui alii Historiographi eorum quæ ab illis fuerant prætermissa, qui de his conscriptum librum appellârunt Paralipomena.* Sixtus Senensis de primo & altero librorum Regum, quos Samuelis nomine insigniunt Judæi, hæc subijcit *Liber Samuelis partim à Samuele Prophetâ, partim à Nathan & Gad Prophetis creditur esse conscriptus. Samuel enim collegit facta Heli, Saulis, Davidis ac sui ipsius gesta, quæ in primo Regum usque ad mortem suam referuntur. Nathan vero & Gad Propheta scripserunt libros Regum à morte Samuelis usque ad finem libri secundi.* Quæ hoc loco scribit Sixtus Senensis, licet à veritate minùs aliena crediderim in genere, tamèn si in specie & minutatim expendantur, nequeunt esse vera ex omni parte: quandoquidèm à Samuele ea omnia quæ usque ad illius mortem narrantur scribi non potuisse complura ostendunt. Vix enim credibile est eum de rebus quæ suâ ætate gerebantur & quarum fuerit ipse testis oculatus hæc scripsisse; propter hanc causam non calcant sacerdotes Dagon & omnes qui ingrediuntur templum ejus limen Dagon in Azoto usque in hodiernum diem. Neque ea similiter quæ paulò post narrantur de arcâ Domini quæ erat usque in diem illam in agro Josuæ Bethschemitis. His accedit Samuelem hujus clausulæ, quæ in illius historiâ legitur, non videri auctorem; olim in Israël sic loquebatur unusquisque vadens consulere Deum; qui enim Propheta dicitur bodiè, vocabatur olim Videns. His tamèn non obstantibus credibile est historiam quæ nomen Samuelis præfert, ab illo verè conscriptum fuisse usque ad ea quæ de illius morte referuntur. Illa autèm quæ in contrarium adducta sunt probant duntaxat Scribæ alicujus, seu Prophetæ, putâ Hieremiæ, ut quibusdam visum fuit, recognitionem accessisse, qui nonnulla explicationis causâ addiderit. Alii tamen malunt tribuere has additiones Esdræ & illius Collegis. Syri librum Primum & Secundum Regum, qui Tertius & Quartus numerantur in Latinis codicibus, dicunt scriptos fuisse à sacerdote quodam nomine Johanen.

De libris Chronicorum, seu Paralipomenon, à quibus illi fuerint

Sixt. Sen.

1 Sam. 5. 5.

R. Sal. Comm.
in Paral.
R D. Kimch.
praf. in Paral.

Hier. In epist.
ad Paul.

Grot. ad lib.
1. Paralip.

fuerint collecti est etiã dubitandi ratio. Judæi plerique illorum auctorem faciunt Esdrã. Itã R. Salomon & R. D. Kimchi hanc esse traditionem patrum suorum asserunt, qui Esdrã quoque adiungunt socios Aggæum, Zachariã & Malachiã Prophetas; ita tamẽ ut illi nõn tam historiam de novo scripsisse dici queant, quã vetusta Chronica Regum Judæ & Israel compilasse, rejectis iis quæ minùs suo instituto convenire videbantur, additis etiã nonnullis interdum quæ in aliis Scripturæ sacræ libris prætermissa fuerant, undẽ nomen Paralipomenon ortum apud Græcos, quod ab his deindẽ ad Latinos transit. Quare rectẽ Hieronymus appellat librum Paralipomenon veteris Instrumenti epitomen. Sixtus Senensis affirmat libros Paralipomenon nullum habere certum auctorem. Refert tamẽ Judæorum eã de re sententiam, quibus etiã suffragatur Hugo Grotius, qui libros hosce scriptos fuisse ab Esdrã existimat, & ab iis dictos *divre hajamim, verba dierum*, seu excerpta ex Regum diurnis. Librum qui Esdrã nomine prænotatur, partem maximam ab illo digestum & descriptum fuisse res ipsæ quæ habentur in illius contextu videntur indicare. Nehemias autẽ in fronte operis auctorem se proficitur libri illius quem Judæi secundum Esdrã nominant.

Liber Psalmorum à Judæis appellatur *Sepher tehillim*, seu liber laudum, quem Augustinus totum esse Davidis aliquando sensisse videtur, qui etiã nõn dubitat illos quos longo post Davidem tempore conditos fuisse manifestum est, etiã Davidi referre quod hic nõn modò Cantor sed & Propheta exstiterit. Neque etiã ab eã opinione divellere potuerunt Augustinum Asaphi, Idithi & aliorum Cantorum nomina quibus Psalmi aliquot tribuuntur, quia materiam ipsis suppeditare potuit David, quã postea adornarunt. Verum longẽ rectius Hieronymus qui Psalmos eorum esse asserit, qui ponuntur in titulis, David scilicet, *Asaph & Idithun, filiorum Core, Eman Ezrabite, Moyses, Salomonis & reliquorum quos Esdras primo volumine comprehendit.* Hieronymo consentiunt plerique Judæi. Itã sapiens Aben Ezra affirmat Psalmos eorum esse quorum nominibus prænotantur, etli

Hieron. ad
Sophron.

Aben Es. praf.
in Psal.

et si complures sint qui nullum nomen præferant. In hoc tamèn castigat Hieronymum Magister ille, quòd nòn abso-
lutè pronunciet Psalmos ab iis esse conditos, quorum no-
minibus prænotantur, sed eos qui Davidis & Salomonis præ-
ferunt nomina, vel illorum esse, vel de illis à Cantoribus
compositos. Christus tamen universum Psalmorum opus
tribuisse videtur Davidi, cùm ait; *ipse David dicit in libro*
Psalmorum. Sed communem Judæorum sententiam sequu-
tus est Christus. Illi enim Psalmos Davidis nomine præ-
notabant, nòn quòd reverà Psalmorum omnium auctorem
illum agnoscerent; quandoquidèm res ipsa contrarium a-
pertè demonstrat: sed quòd præcipuus illorum Scriptor es-
set, & in sacris codicibus; *egregius Psalter Israel* appelletur.
Scribit tamèn jam laudatus Aben Esra nòn deesse inter Ma-
gistros suos qui totum Psalterii opus Davidi tribuant, quem
etiàm agnoscunt Prophetam.

Luc. 20. 42.

Liber qui vulgò dicitur Proverbiorum commendatur à
nomine Salomonis quod illius frontem occupat, et si uni-
versa operis illius ratio demonstrare videatur hoc nihil esse
præter varia sententiarum excerpta, quæ cùm à Salomone
nùm ab aliis Scriptoribus collectæ in unum postea corpus
conjectæ fuerunt. Salomonem multas composuisse Parabo-
las probant ista quæ de seipso habet; *cùmque esset sapientis-
simus Ecclesiastes docuit populum & enarravit quæ fecerat & in-
vestigans composuit Parabolas multas*, quæ usque ad tria millia
numerantur libro iii. Regum; sed quæ hodiè nòn exstant
si paucas exceperis quas repræsentant sacri codices. Pri-
mis novem capitibus illius operis nomen Salomonis præfi-
gitur, deindè sequuntur & alia quindecim capita, quæ ejus-
dem Salomonis nomen præferunt; & hæc secundam esse
illius Parabolarum, sive sententiarum, partem existimavit
Aben Esra. Pars verò tertia earundem Parabolarum
sumit initium ab his verbis capituli xxv. *Gloria Dei est*
celare verbum, quæ distinctio ab iis profecta est qui Scri-
pturæ sacræ libros in ordinem quem nunc servant re-
degerunt. Salomonem enim ipsum nomen suum toties
Parabolis suis præfixisse vix credibile est; sed Scribas
potius qui opus illud in partes suas divisere. Ità verum
hunc

Ecclesi. 12. 9.

Lib. 3. Reg.
cap. 4. 32.

Aben Es.
Comm. in
cap. 10.
Prov.

hunc quem initio capitis xxv. legimus; *Ha quoque Parabola Salomonis quas transtulerunt viri Ezechia Regis Juda*, putat Aben Esra esse Sobnæ qui Regis Ezechiae Scriba erat. Sobnam quidem & alios qui Regi Ezechiae erant à commentariis, sententias istas quarum prima est illa, *Gloria Dei est celare verbum*, ex integro volumine decerpisse lubens agnoscō: cum & verba hæc, *quas transtulerunt viri Ezechia*, id apertè demonstrant. Partem quartam Parabolarum Salomonis habemus initio capitis xxx. ubi legitur in editione Latinâ *verba congregantis*, & in contextu Hebraico, *verba Agur*. Quis sit autem ille *Agur*, sive *Congregans*, non conveniunt inter se Scripturæ Interpretes. Prisci Judæi, teste R. Salomone, ità volunt appellatum fuisse Salomonem quasi dixerimus *colligentem sententias*: id enim Hebraicè sonat dictio *Agur*, cujus similiter sensum expressit Latinus Interpres dum reddidit *verba congregantis*. Eandem opinionem illustrat R. Levi Ben Gersom, ubi ait; *videtur Salomon Aguris nomen ipse sibi imposuisse ratione habitâ sententiarum quas in hoc libro collegit*. Sed forsàn melius Aben Esra & eum sequutus Grotius suspicantur Agurem istum fuisse temporum illorum Theognidem, aut Phocylidem, ex cujus scriptis sententias quasdam selegerit Salomon ipse, quasque cum aliis sententiis in unum volumen coniecerit. Additur demùm pars quinta Proverbiorum Salomonis, quæ intra caput xxxi. quod & ultimum est, clauditur, idque Regis Lamuelis nomine. Quis autem sit Lamuel ille, ignoratur. Judæi plerique existimant Salomonem indicati, non secus ac per Immanuel, ut auctor est Aben Esra, indicatur Messias, & appellationis istius rationem sumit ex eo quod Lamuel significet *illis Deus*, quia nimirum Salomonis temporibus, ait idem Aben Esra, Deus unus ab Hebrais colebatur. Sed de originatque vocis Lamuel non est cur simus solliciti, maxime cum LXX eam non exhibeant, & diversâ planè ratione verba contextus Hebraici legerint ac converterint.

Librum qui Hebraicè dicitur *Cohélet*, & apud nos Ecclesiastes, Latinè possumus appellare Concionatorem; licet plerique Judæi recentiores dictionem *Cohélet* velint significare hominem congregantem, quod scriptum illud multas com-

R. Levi Com.
in cap. 30.
Prov.

complectatur de rebus diversis sententias. Ità sentiunt R. Salomo & R. Aben Esra; &, ut ille inquit, Salomō qui operis hujusce auctor est, in alio loco vocatur *Agur* ob eandem rationem, vel ut loquitur R. David de Pomis, *ritolo del libro nomato Ecclesiastes composto da Salomone significa congregatore percongregare, & racorre in quel trattato diverse opinioni de gl' huomini la maggior parte de quali sono false*. Judæi tamē nonnulli, teste R. Salomone, in interpretandā voce istā *Cobeleth* cum LXX. conveniunt; ea siquidē indicari arbitrantur hominem qui in coetu aliquo concionatur. De scriptore autem illius operis minimē consentiunt inter se Magistri: Talmudici enim Doctores tribuunt illud Ezechiae, Rabbinii autem recentiores Salomoni, & pro his pugnant verba contextus, in quo multa exstant quæ vix de alio quā de Salomone exponi possunt. Itaque verisimile est Doctores Talmudicos voluisse duntaxat scriptum illud à Rege Ezechia & à viris illius confectū excerptum fuisse ex Salomonis operibus. Christiani quoque Interpretes non alium Ecclesiastæ Scriptorem agnoscunt quā Salomonem, si perpaucos excipias, inter quos est Hugo Grotius, qui seriū illud scriptum compositum fuisse affirmat sub nomine Salomonis, & in illius rei argumentum habere se testatur multa vocabula ex eo collecta, quæ non alibi exstant quā in Daniele, Esdrā & Chaldaeis Interpretibus. Auctor est Hieronymus, priscos Hebræos inter cetera Salomonis scripta quæ antiquata sunt, de hoc quoque obliterando cogitasse, eo quod *vanus asserat Dei creaturas*; quā in re concordat Hieronymus cum Talmudistis ac Judæis recentioribus: sed Doctores istos multa ex suo ingenio commentos esse nemo ignorat.

A quo scripta fuerit Historia quam sub nomine Estheris legimus, incertum est. De tempore tamē quo illa condita fuerit, omnes ferē tū Judæi tū Christiani consentiunt. Sive enim auctores illius sint viri Synagogæ magnæ, uti sentiunt Doctores Talmudici, sive Esdras, quæ Patrum nonnullorum sententia est, sive Mardochæus, ut probabilius existimat R. Aben Esra, & liber ipse testari videtur, de tempore quo scripta fuerit historia Estheris lis nulla movebitur. Unde nec malè conjicit Hugo Grotius Esdram

R. Dav. de
Pomis in Lex.
Hebr.

Hieron. Com.
in cap. 12.
Eccles.

libro suo & historiæ quam scripsit Nehemias, attexuisse historiam Estheris, quæ medio temporum eorum quæ duobus illis libris narrantur contigerat, quam à Mardocheo quoque scriptam fuisse agnoscit idem Grotius.

Aben Esra
Praef. in Cant.

Canticum Canticorum non alium auctorem habere quam Salomonem, docet ipsa operis Inscriptio quod illius nomine pranotatur. Constat præterea ex libro iii. Regum eundem Salomonem Parabolas, sive sententias, & Cantica composuisse. Liber autem ille, teste R. Aben Esra, quia fuit Canticorum Salomonis præstantissimum, fortitus est nomen Canticum Canticorum, quasi dixeris excellentissimum carmen. Dubitarunt tamen nonnulli utrum opusculum istud quale nunc exstat, à Salomone scriptum fuerit, an verò ex integro illius Canticorum volumine excerptum. Carmen autem illud quo Salomon cum Salomitide loquens inducitur tanquam sponsus cum sponsa, explicatu difficillimum est non solum ob loquutiones paulò audaciores frequentioresque similitudines quæ à nostris consuetudinibus abhorrent; sed etiam quod nomina interlocutorum non annotentur ut in libro Jobi. Nam præter Salomonem & illius Sponsam, interlocuentes, etiam sunt duo chori Juvenum & Virginum.

De libro Jobi mirum est quàm secum diffideant Judæorum Magistri. Rem verò gestam in hoc opere non narrari putant Doctores Talmudici, quibus assentiuntur R. Moses Ben Maimon & alii pauci; sed esse figmentum, seu Parabolam, quæ ingens pietatis simul & patientiæ exemplum ostendat: & his suffragantur etiam Christianorum nonnulli. Imò nec desinere qui non solum operis istius argumentum confictum existimarunt, sed & Jobi quoque nomen volunt ex primis libri verbis desumptum, ubi legimus *Jobad jom*. Illa enim quæ verbis istis prævia sunt, Prologi instar addita fuisse arbitratur. Sed Ezechelis Prophetæ testimonium, qui Noë, Danielis, Jobique simul meminit, demonstrat commentitium non esse Jobi nomen, & eos qui ita sentiunt acerrimè impugnat sapiens Aben Esra, qui suspicatur illum fuisse ex posteris Esau, idque denotari ex loco Huz unde ortus dicitur. Similiter rem uti narratur gestam

Aben Esra.
Comm. in
cap. i. Job.

gestam fuisse docent Jobi & illius amicorum nomina & alia complura quæ his adjunguntur, etsi non pauca sint quæ ad Parabolam magis quàm ad historiæ veritatem accedant. De auctore verò scripti illius longè minùs adhuc constat: alii quippe illud ad Moysen referunt, alii ad Isaiam, alii ad ipsummet Jobum aut ad ejus amicos. Neque etiàm inter se consentiunt qui operis hujusce auctorem faciunt Moysen: sunt enim qui ab eo solùm ex alienâ linguâ Hebraicè conversum putant. Sed his prætermisiss, siquid etiàm in re obscurâ licet suspicari, illos minùs recedere à verisimilitudine arborror qui operis illius confectionem ad tempora Captivitatis Babylonicæ revocant: dictio enim sæpiùs vix Hebraica est, scatet loquutionibus Chaldaicis, & sapit hominem qui ex alieno commercio sermonem Hierosolymitanum insecerat. Quo sensu explicanda sunt Hieronymi verba asserentis Jobum se convertisse ex Hebraico Arabicò-que sermone & Syro. Quibus omnibus accedit Judæos, quorum res tùm temporis videbantur desperatæ, magna ex illo opere tulisse solatia. Rem itaque dudum gestam Scriptor narrat: & quia Poëtam agit, licet argumentum quod tractat non sit fictitium, orationem floridam & figuratam adhibet, verisquæ interdum adjicit quæ sunt tantum verisimilia, servato tamen semper personarum loquentium decore. Jam de Prophetis nonnulla subjiciamus.

Prophetæ à B. Augustino appellantur enunciatores verborum Dei hominibus: illi enim veluti Divinæ Legis Interpretes concionabantur ad populum, quem doctrinam à Mose traditam docebant stabilitâ illius auctoritate. Deinde minas & promissiones quas Moyses in genere tantum promulgaverat, hi suæ ætatis rebus accommodabant, idque Oratorum more; unde fit ut comparationum similitudinibus, metaphoris & hyperbolis abundant, simplicique ac nudâ rerum narratione haud contenti, eas verbis exaggerent: *Neque enim, ut auctor est Hieronymus, simplex à Prophetis historia & gestorum ordo narratur, sed enigmatum plena sunt omnia, aliudque in verbis sonant, aliud tenetur in sensibus, ut quæ æstimaveris planâ & inoffensâ currere lectione, sequentium rursus obscuri-*

Aug. qu. in exod.

Hieron. præfat. lib. 18. Comm. in Isai.

Merc. in cap.
9. Amos.

Hieron.
Comm. in
cap. 25. Hie-
rem.
Doroth. de
vitiâ & morte
Proph.

Cornel. à Lap.

Calv. præf. in
Ili.

ratibus involvantur. Non ita autem futura vaticinantur Prophetæ, quin jam facta sæpius referant, ut evidentissimè probari potest ex Zachariæ Prophetiâ, quæ magnam partem rei præteritæ & quæ tùm gerebatur, narratio est. Quomodo diligentissimus Scripturæ Interpres Joannes Mercerus in explicandis verbis quibusdam Prophetæ Amos, Judæorum expositionem improbat, qui de rebus futuris ibi agi contendunt cùm de re jam præteritâ agatur, moxque verba ista subjungit, quæ notatu digna sunt; *laboramus penuriâ librorum sacrorum, ac sæpe in Prophetis pleraque legas facta, quæ in sacris historiis quæ hodiè exstant non reperias.* Prophetas similiter testatur Hieronymus in suis narrationibus non attendere interdum ad rerum ipsarum ordinem quo gestæ fuerint. *In Prophetis, ait, historia ordo non tenendus, cùm in præsentiarum sub eodem Rege priora postea & posteriora ante dicantur.* Præposterum illum ordinem tribuit Pseudo-Dorotheus Scribis qui Prophetarum vaticinia ex illorum ore excepta referebant in chartas; quasi Prophetæ ipsimet conciones quas habebant ad populum non commendassent literis. Idem observavit de Hieremiæ vaticinio Cornelius à Lapide, qui existimat Baruch Scribam illius Prophetæ omnes ejus Prophetias diverso tempore editas in unum volumen collegisse, neglecto temporis ordine quo editæ fuerant. Fatetur & ipse Joannes Calvinus Prophetarum vaticinia eo quo decebat ordine disposita ad nos usque non pervenisse; non inde tamèn illorum Divinitati quidpiam detrahi arbitratur. *Qui diligenter, inquit, & cum judicio versati sunt in Prophetis, mihi concedent non semper fuisse quo decebat ordine digestas illorum conciones; sed ut ferebat opportunitas, inde conflatum fuisse volumen.* Existimat sacerdotum operâ, quorum officium erat Prophetias ad posteros commendare, libros Prophetarum, etli his insensissimi essent sacerdotes, conservatos fuisse. Scribit præterea idem Calvinus Prophetas postquam concionem habuere ad populum, brevem illius summam collegisse, quæ valvis affixa ab omnibus legeretur, posteaque à ministris Templi inde ablata in thesaurum reponeretur in perpetuum rei illius monumentum; unde confectos fuisse conjicit qui nunc exstant Prophetarum

rum libros. Verùm ex verbis Isaia & Habacuc, quos veritatis illius testes profert Calvinus, id unum probari posse videtur, Prophetas vaticinia sua apertè ac dilucidè, ut ab omnibus intelligerentur & legi possent, super tabulas descripsisse: de valvis autem Templi, quibus illa affixa fuisse putat, nulla prorsus fit mentio. Paritèr brevem duntaxat eorumdem vaticiniorum summam ab ipsis Prophetis collectam fuisse, non verò integras conciones ab iis descriptas, fingit perperam: quanquàm illas quas nunc habemus Prophetias integras esse, nemo rei Criticæ peritus dixerit. Verùm defectus ille, siquis sit, à Prophetis non videtur profectus. Idem Calvinus & eum sequenti Genevenses, Inscriptiones quæ Prophetarum nomina, & editarum Prophetiarum annos indicant, à Sacerdotibus, quorum fuit illas in Templo asservare, majoris lucis causâ adjectas fuisse suspicantur. Hæc siquidè sunt illorum verba; *il semble que ces titres aient esté ajoutez, aux revelations des Prophetes par les Sacrificateurs & Levites qui avoient charge de garder les Propheties au thesor du Temple après qu'elles avoient esté proposées au peuple suivant la coutume des Prophetes.* Quam Genevensium opinionem suffragio suo comprobavit Hugo Grotius. Id tantùm inter hunc & illos est discriminis, quòd has Inscriptiones non Sacerdotibus & Levitis tribuat, sed viris Senatorum magni qui Prophetarum scripta collegerunt, prænotaveruntque tempora scriptionis. Hoc videtur probabilius, quia in confesso est ferè apud omnes, Senatui cui Esdras præfuit, nonnulla sacris codicibus connexionis & explicationis causâ adjecisse. Ità quoque Thomas putat Inscriptiones quæ Psalmis aliquot apponuntur, eundem Esdram auctorem habere, factasque fuisse, *partim secundum ea quæ tunc agebantur, & partim secundum ea quæ contigerunt.* Demùm verisimile etiam est historias illas, quæ Prophetarum quorundam concionibus insertæ reperiuntur, ab iisdem Senatoribus additas fuisse dùm sacros codices recognoscerent formarèntque quem nunc habemus Scripturæ Canonem. Secundum quam rationem putant nonnulli verba illa quæ leguntur Hieremiæ, capite li. *Hucusque verba Hieremiæ,* Prophetæ hujus vaticinium claudere, caputque quod sequitur Prophetiam non esse,

Genev. in
edit. Bibl. an.
1665. præf. in
Isai.

Grot. annot.
in cap. i.
Amoi.

Thom.
Comm. in
Psal. 6.

R. David
Kimchi Com-
ment. in cap.
51. Hierem.

se, sed historiam, quæ ex fine libri iv. Regum sumpta fuerit. Et in hoc Judæorum Magistri consentiunt cum pluribus Doctoribus Christianis. Auctor est enim R. David Kimchi, verba illa, quæ usque ad finem vaticinii Hieremiæ allata sunt, ad hujus Prophetiam non pertinere; sed eum qui librum hunc descripsit, huc coniecisse deportationis historiam qualis extat in fine libri Regum. Conjicit Abravanel Efdram, seu Synagogæ magnæ Senatores, supplementi illius auctores esse, quo etiam modo Ezechie Regis historia ex libri ii. Regum capite xviii. in Isaïæ Prophetiam translata est. Ex his omnibus facile dignoscetur qui fuerint apud gentem Hebræam Prophetæ, quale illorum officii munus, & quæ eorumdem scribendi ratio. Præterea id etiam videtur animadversione dignum, quod Prophetæ non solum conciones ad populum habuerint, ediderintque de rebus futuris vaticinia, sed & historias suorum temporum ordine digestas in acta publica retulerint. Quo pacto Isaïas qui Regis Ozïæ gesta descripsisse dicitur, non minus historici quam Prophetæ nomen reportabit. Vel potius Prophetæ nomen apud Hebræos ista omnia complectitur; ita ut quicunque Divinæ voluntatis erant interpretes, seu vaticinia ederent, sive res suorum temporum conscriberent, Prophetæ appellerentur. Ex quo haud dubiè venit ut prisci Judæi *Neviim*, seu Prophetarum, nomine insignierint Josuæ, Judicum, Samuelis & Regum historias, quod hæc descriptæ essent à viris qui in eorum Republicâ Spiritu sancto afflati, Prophetæ nominabantur. Quo etiam sensu verè affirmavit Josephus apud gentem suam non à quibuslibet libros componi, sed à Prophetis tantum. Vim quoque vocis illius probè assequutus est Jonathan qui pro dictione Hebræâ *Navi*, *Propheta*, aliam quæ significat Scribam in suâ Paraphrasi interdum substituit; quasi qui Prophetæ appellantur, iidem sint atque Scribæ. Neque aliud sapientissimus Efdras in sacris codicibus nomen obtinet, quam Scribæ peritissimi. Verum de Scriptoribus sacris satis superque hætenus dictum sit. Libros Apocryphos, seu quos non admittit Judæorum armarium, silentio præterire visum est, quia illorum auctores, ut præfert nomen *Apocryphi*, occulti sunt

sunt & incerti. Cesset itaque doctissimus Vossius optimum Simonium & de literis sacris benè meritum allatrare, qui de Scriptoribus veteris Testamenti nihil in publicum edidit, quod jam à viris gravissimis iisdémque pietate & eruditione conspicuis approbatum non fuerit. *In malevolam animam non introibit sapientia.*

F I N I S.

THE HISTORY OF THE
CITY OF LONDON

BY
J. STOW
AND
J. WARD

IN TWO VOLUMES.
THE FIRST VOLUME.

LONDON:
PRINTED BY J. STONE, AT THE
SIGN OF THE WHITE STAR, IN
ST. MARTIN'S LANE, NEAR
ST. MARTIN'S CHURCH.

1714.

THE SECOND VOLUME.

LONDON:
PRINTED BY J. STONE, AT THE
SIGN OF THE WHITE STAR, IN
ST. MARTIN'S LANE, NEAR
ST. MARTIN'S CHURCH.

1714.

CHRISTIANI KORTHOLTI,

S. Theol. D. & Profess. Primarii,

DE

VARIIS SCRIP-
TURÆ EDI-
TIONIBUS

TRACTATUS THEOLOGICO-
HISTORICO - PHILOLOGICUS;

Quo de Textu divinarum literarum origi-
nario, diversis ejus Translationibus, & celebrioribus o-
peribus Biblicis, fusc agitur, quæque de Scripturarum fontibus,
versione LXXvirali, Targumim, ac Latina Vulgata, Card. Bellarminus,
hujusque propugnatores, Jacobus Gretserus & Vitus Erber-
mannus, minus recte disputant, solide
refelluntur.

KILONI,

Impensis Johannis Sebastiani Richelii,

Anno clō lōc LXXXVI.

SERENISSIMO PRINCIPI
ET DOMINO,

DN. RUDOLPHO
AUGUSTO,

DUCI BRUNSVICENSI AC
LUNÆBURGENSI,

DOMINO SUO CLEMEN-
TISSIMO;

S. P. D.

CHRISTIANUS KORTHOLT, D.

Academiae Holsatorum Christian-Albertinae hodie
Pro-Rector, & Collegii Theologici Decanus,

Qui OCTAVII AUGUSTI Cæsaris vitam mores-
que describit Svetonius, præter varias virtutes alias,
ut Iustitiam, Lenitatem, Benignitatem, Modestiam,
Humanitatem, vel præcipue & hoc in eo commendat, quod

studia liberalia ab ætate prima & cupide & laboriosissime
exercuerit, in magna quamvis mole rerum & legerit, &
scripserit, & declamaverit quotidie, multa varii generis
prola oratione, ligata etiam nonnulla, composuerit, inge-
nia denique seculi sui omnibus modis foverit. Mihi qui-
dem animus non est, cum OCTAVIO AUGUSTO
nunc TE componere, Setenissime Dux RUDOLPHE
AUGUSTE, quæque cum Ipso communes TIBI sunt,
Virtutes omnes persequi, ut qui haud ignoro, quam in-
vitus laudes Tuas audias: id interim tacere heic non pos-
sum, in eo AUGUSTUM exacte TE referre, quod, sub-
limi constitutus loco, nataliumque splendore fulgens, sa-
pientiæ studia infra Tuum illud fastigium nequaquam
æstimas; imo non unius Augusti, sed Philippi insuper Ma-
cedonis, Alexandri M. Julii Cæsaris, Hadriani, Antoni-
norum, similiumque heroum indolem hoc ipso TE ex-
primere, quibus, tametsi aliis fuissent virtutibus destituti,
vel sola literarum admiratio, inque viros eruditione pollen-
tes benevolentia, immortalem nominis gloriam peperis-
set. Quin his omnibus eo TE illustriorem facit doctrina
Tua, Domine, quo exultâ ab illis humanâ præstantior est,
in quam TU omni studio incumbis, divina sapientia. Non
accepta aliunde loquor, sed quæ coram ipse expertus sum
atq; intuitus, quæ ex colloquiis Tuis, quæ ex tot clementissi-
mis literis didici quibus aliquot jam annos me dignatus
es. Biblia sacra unice in amore ac deliciis TIBI sunt: hæc
scri-

scrutaris; hæc commentariis illustras; de his & coram sermones, & epistolares frequenter συζητήσεις instituis: huc denique omnia Tua, ipsa etiam, quibus adeo delectaris, Poëtica studia, refers. ut vere Beatis illis annumerare TE liceat, quorum oblectatio est in Lege Domini, quique de Lege illius meditantur interdium ac noctu: quorum palato suaviora melle sunt præcepta Dei, & qui plus ea diligunt quam aurum purgatissimum. Neque vero ita Scripturarum sacrarum studio duceris, ut in nuda earum notitia acquiescas; sed ut Consiliarii Tui sint, cœu sancto olim Davidi, divina testimonia, utque observes illa ex toto animo, & pedes Tuos ad ea referas. Vix umquam congregationi sacræ Hamburgi me interesse meminî, quin TE piorum cœtui admistum conspexerim, Princeps religiosissime, & ita quidem conspexerim, ut maximum illum CONSTANTINUM in TE intueri mihi viderer. Hunc enim sicut nulla ratione adduci potuisse Eusebius memorat, ut sedens de rebus divinis verba facientes audiret; quod nefas esse diceret, ubi de DEO instituta sit oratio, remisse ac molliter auscultare: sic neque TU aliter quam stans capiteque detecto Verbum DEI excipis, Domine; isque mos TIBI perpetuus. Pietatem præterea infucatam spirant omnes aliæ actiones Tuæ, omnes sermones. Ex abundantia cordis os Tuum loquitur. Quæ latent in mente, identidem ad linguam recurunt. Serioq; testor, & sine adulatione ulla, quod numquam

quam TE accefferim, quin melior ex conversatione
illa recesserim.

Atque talis cum sis, Serenissime Princeps, non dubi-
tat augustum in conspectum Tuum prodire, Tuoque illu-
strissimo nomini dicare se & consecrare, meū hoc de Variis
Scripturæ S. editionibus opusculum. Nec enim displice-
re TIBI posse sat scio, aut esse ingrata, quæ ad promo-
vendum salutare illud studium Biblicum ullo modo faci-
unt. Accipe ergo paginas istas vultu sereno, solitaque
me clementia constanter complectere; qui non desinam,
dum vixero, & revereri & amare tantum Principem. Sic
TE, Dux auguste, salvum diu & incolumem cum cel-
sissima familia præstet Numen benignissimum! Scribo
Kilonii Holsatorum, die XI Martii, qui CONSTAN-
TINO in fastis sacer, anni cło lcc LXXXVI.

AD

CONSPECTUS LIBRI

- I. De scriptorum V. T. temere nimis credito interitu.
- II. De Hebraici textus integritate.
- III. De Translatione Chaldaica.
- IV. De Versione Syriaca.
- V. De Versionibus Graecis.
- VI. De Interpretatione Lxx Seniorum.
- VII. De Textu Graeco Novi Testamenti.
- VIII. De Latinis Translationibus generatim.
- IX. De auctore Versionis Vulgatae Latinae.
- X. De Auctoritate Vulgatae Latinae.
- XI. De robore invicto argumentorum, quibus Vulgatae Latinae auctoritatem authenticam impugnant Protestantes.
- XII. De locis, quae Chemnitius depravata esse dicit in Vulgata Latina.
- XIII. De locis, quae in Psalmis male reddita esse a Latino Interprete Calvinus contendit.
- XIV. De locis Vulgatae corruptis in Novo Testamento.
- XV. De Versionibus Latinis aliis.
- XVI. De Pentateucho Samaritano.
- XVII. De Versione Arabica & Turcica.
- XVIII. De Versione Aethiopica.
- XIX. De Versione Persica.
- XX. De Versione Armenica.
- XXI. De Versione Aegyptiaca & Copta.
- XXII. De Versione Italica.
- XXIII. De Versione Gallica.
- XXIV. De Versione Hispanica.
- XXV. De Versione Germanica.
- XXVI. De Versione Belgica.
- XXVII. De Versione Britannica & Anglo-Saxonica.
- XXVIII. De Versione Danica.
- XXIX. De Versione Svecica, Finnica, Lappica, Islandica, Gothica.
- XXX. De Versione Polonica, Lituanica, Livonica, Russica.
- XXXI. De Versione Bohemica, Hungarica, Slavonica.
- XXXII. De celebrioribus operibus Biblicis.



DE
VARIIS SCRIPTURÆ
SACRÆ EDITIONIBUS.

CAPUT I.

DE
SCRIPTORUM V. T. TEMERE NIMIS
CREDITO INTERITU.

I.

Occupatus in quæstione Bellarminus, sub
initium libri ii de Verbo Dei, utrum Scri-
ptura Sacra univerſa perierit tempore capti-
vitatis Babylonice, quando civitas everſa, tem-
plumq; incenſum eſt, ac deinde ab Eſdra fuerit ruruſum
reparata, Spiritu ſancto ei ſuggerente & dictante o-
mnia, ſicut ante fuerant? Ita ſeptire videtur, ait, Ba-
ſilius in Epistoſa ad Chilonem: Hic campuſ, inquit, in quo
ſeceſſu factuſ, Eſdras omneſ divinoſ libroſ ex mandato
Dei erueltavit. Hac ille. Addunt quidam in eandem
ſententiam Irenæum, Tertullianum, & Clementem A-
lexandrinum; ſed illi non aperte hac docent.

*Baſilium M.
an doceat,
Eſdras de
noſtro reſtitu-
iſſe Scriptu-
ra libroſ an-
tea deper-
ditoſ.*

II. Verumenimvero, quod de Irenæo, Ter-
tulliano, & Clemente, affirmat Cardinaliſ, idem de
Baſilio quoque non immerito dici poſſe videtur; nec
ipſum

ipsum scilicet aperte hoc docere, quod de Esdra per-
fualum sibi iverunt nonnulli. Verba Basilii sic ha-
bent: ἐν ταῦθα πεδίων, ἐν ᾧ ἀναχωρήσας Ἐσδρας, πύ-
σας τὰς ποταμύνας εἰβλὼς περὶ αὐτὸν ἐξηρδύετο. Quæ
verti possunt ita: *Heic sita planities, in qua Esdras,*
reversus in patriam suam, omnes divinitus inspiratos
libros sonora voce prælegit. ἀναχωρεῖν enim sæpe signi-
ficat redeo, revertor. Vide Stéphanum in Thesauro.
& ἐξηρδύομαι idem etiam est quod *sonora voce pro-*
nuncio, eloquutionem instar scaturiginis exuberantis e-
bullire sino. Vide Pl. cxiix, 171. cXLV, 7. Matth. xiii,
35. Confer quoque Os. xi, 10. Amos, iii, 4. ubi leoni
rugienti tribuitur. Videtur ergo respicere Basilium
ad historiam Nehemiæ iix annotatam, ubi, in plani-
tiam, ante portam aquarum, congregatis Israelitis,
in eminentiori loco constitutus Esdras sacras literas
prælegisse dicitur.

*In quæstione
de Scriptura
deperdita
Pontificii
non consen-
tunt.*

III. Quidquid autem hujus sit, ad ipsam de
Scriptura plane deperdita opinionem quod attinet,
eam improbabilem sibi videri ait Bellarminus: cui
heic adstipulantur ex Pontificiis illustrioribus alii non
pauci, nominatim Card. Baronius ad ann. clxxx, 12.
seqq. Gilbertus Genebrardus libro ii Chrenographiæ,
ad annum mundi clb clb clb lb cxxxix, Antonius Pos-
sevinus in Apparatu sacro, tit. *Biblia*, Benedictus Pe-
rerius præfat. Commentarii in Genesin, Augustinus
Torniellus in Annalibus, ann. mundi clb clb clb cd
xlvi, 4. Leonhardus Marius prolegom. Commenta-
rii in Pentateuchum, quæst. 111, sect. 1, Cornelius a
Lapide in Deuter. iii, 14. Jacobus Bonfrerius proleg-
gom. in libros Moïsis, Nicolaus Serarius proleg. Bi-
blic.

blic. cap. xii, Marianus Victorius in scholiis ad Prologum galeatum Hieronymi, Martinus Becanus Analogia V. & N. Testamenti cap. i, quæst. iv. Quamquam nec desint ex eadem schola, qui contrarium tueri satagant, uti, v. c. Card. Hosius, in Confessione Petricoviensi cap. lxxx, Sixtus Senensis libro i Bibl. S. tit. *Esdra libri duo*, & libro ii, voce *Henoc*, Leo de Castro præfat. in Esaiam cap. xliii, aliique.

iv. Quin Alphonsus Salmeron, ex novem primis Loyolæ sociis unus, qui & Tridentinæ Synodo Romani Pontificis nomine interfuit, Tom. i. Comment. in N. T. proleg. ix, can. iv, scribere non dubitat, *Esdram Prophetam restituisse omnes libros sacros, qui interciderant tempore captivitatis Babylonica, COMMUNEM fere OMNIUM DOCTORUM ESSE CONSENSUM.* Ubi quidem Ebermannus, Salmeronem cum Bellarmino (qui, teste in vita ipsius Fuligatto lib. ii, cap. v, Salmeronis Commentarios recognovit ipse accensuit,) conciliaturus, in suo Bellarmino Vindicato, obvertit, non dicere Salmeronem, Scripturam universam *PERISSE* tempore captivitatis Babylonicæ; quandoquidem vox *INTERCIDERANT*, qua utitur, non magis significet interitum omnimodum, quam dispersionem & neglectum custodiæ: indeque ipsius dictum, bene stare cum sententia Bellarmini; quod scilicet Esdras fuerit instaurator librorum sanctorum, non omnia iterum dictando, sed colligendo & ordinando Scripturas in unum corpus, quarum partes variis in locis invenerat; & etiam emendando, si quæ depravata erant negligentia Scribarum. Verum non sufficebat hæc nude ita dicere, sed addenda erat probatio.

*Salmeroni
de ea asser-
tio.*

*Ebermannus frustra
conciliare
nititur Salm.
cum Bell.
p. 52.*

*Intercidere
quid noster
Latinus.*

tio. Certe promiscue Latinis usurpari nō *perire* & *intercidere*, vel ex eo liquet, quod est apud Tullium, in Oratione pro Dejotaro : *PEREANT amici, dum una inimici INTERCIDANT*. Opponi vero *intercidere* & *exflare*, patet ex Plinio, lib. xxxv Nat. Hist. cap. iix. Si ergo interciderunt Scripturæ tempore captivitatis Babylonicæ, quod affirmat Salmeron, utique non extare potuerunt post illa tempora, & ab Esdra in unum corpus colligi. Sed quale, obsecro, illud est, quod deinde subjungit Erbermannus ? Bellarmini *sententia*, inquit, *Salmeronem non adversari, colligitur ex ejus loci scopo. Intendebat enim probare, nullum ex libris canonicis periisse; id vero colligit etiam ex eo, quod Esdras restituerit omnes libros sacros. Sive enim id factum fuerit recensendo & colligendo dispersa volumina, sive deperdita de novo dictando, nil facit ad Salmeronis intentum.* Bella videlicet illatio : Potuit Salmeron, probaturus, nullum ex libris canonicis periisse, obtinere quod intendebat, etiam si non adversaretur Bellarmino in quaestione de omnimodo interitu Scripturarum ; ergo Salmeron non adversatur Bellarmino in ea quaestione. Annon idem hoc est, ac si ita colligerem : Potuit Erbermannus, cui propositum erat convitiis proscindere Protestantes, obtinere quod intendebat, etiam si non oppugnaret Gerhardi Bellarminum *ἐρδοξίας* testem ; ergo Erbermannus non oppugnavit Gerhardi Bellarminum *ἐρδοξίας* testem ? Certe heic prorsus *ἀπ' οὐκ*, quod ajunt, delapsus Jesuita, vel *δὸν* vā potius, non intelligit quid loquatur.

de litera,

v. Tangit porro Bellarminus heic celeberrimam
istam

NUNQUAM DEPERDITI.

istam quæstionem de literis, quibus hodierni Hebraei codices descripti visuntur; sintne videlicet antiquæ illæ & genuinæ, quibus ipse Moyses ac Propheta in suis libris consignandis usi, num vero ab Esdra demum inventæ? accedensque posteriori sententiæ, *sine dubio*, inquit, *novas literas habemus*. Sed quia ex instituto controversiam isthanc non pertractat Cardinalis, neque nos eidem heic immorabimur. Solum Bellarmino opponimus nunc Collegam ipsius & intimum Card. Baronium; qui, ubi in Annalibus suis, ad ann. CLXXX, 10. seqq. opinionem de Scriptura prorsus deperdita, & ab Esdra divinitus edocto suæ integritati reddita, impugnavisset, mox num. XIII subjungit: *Nec rursum, quod ajunt, Esdræ literas Hebraicas commutasse, ac proinde non eo charactere, quo olim exarata est lex, post Esdræ haberi conscriptam, probatur antiquorum Hebræorum auctoritate. Quod si aliqua ab eo facta est commutatio literarum, de quinque finalibus tantum contigisse potuit. Nam Philo Judæus, & Judæorum disertissimus, illa ipsa lingua ac charactere, quo antiquitus scripta lex est, sic permansisse semper absque aliqua mutatione usq. ad tempora Ptolemæi Philadelphi, qui eam per Hebræos in Græcum transferrî curavit, aperte testatur. & num. XVII: Si tot ubique locorum extabant vetera exemplaria, quomodo verum esse potest, alio charactere Esdræ curasse sacra volumina scribi; cum non nisi unius characteris esse omnes vetustissimi codices reperiantur, nempe Hebræico antiquo charactere conscripti?* Hæc Baronius: præter quem (ut taceam ex eadem schola alios) Bellarmino quoque heic refragatur celeberrimus ille inque Orientali literatura versatissimus

quibus hodierni codices Hebræi descripti, novæ sint & ab Esdra inventæ.

Baronius Bellarmino refragatur

in vita Moys.

Contradictio

quisque Bell.
Kircherus.

tissimus Jesuita, Achanasius Kircherus, in Oedipo suo Aegyptiaco, Tomo II, sive in Gymnasio Hieroglyphico, classe II, capite II, disquisitione II,

CAPUT II.

DE

HEBRAICI TEXTUS INTEGRITATE.

I.

Pontificis
Verum di-
cuntur odi-
se editionem
Hebraicam,
quam Pro-
testantes
Vulgatam
Latinam.

Hæretici huius temporis, ait Bellarminus, odio editionis vulgatae, nimium tribuunt editioni Hebraicae. Rectius nos: Pontificii, præpostero amore editionis vulgatae, nimium derogant editioni Hebraica. Non oderunt Protestantes (quos Hæreticorum nomine, more Papistico, heic infamat Bellarminus) versionem vulgatam, sed honorifico eam loco habent. Debetur sua laus, inquit Chemnitius noster eo ipso loco quem Cardinalis heic citat, quisquis fuit vetus ille interpres: multa enim sunt non male reddita. Et utile est, extare certam aliquam versionem, qua in citationibus allegetur: ita tamen, ut vocabulorum emphasis & sententiae proprietates ex ipsis fontibus iudicetur: ad quos omnino recurrendum est, sicubi minus recte, commode, & proprie interpres reddidisse videtur. Hoc modo nos retinemus & usurpamus veterem versionem. Pontificii contra, saltem plurimi, iique non postremæ classis, ut versioni vulgatae sua constet, quam Tridentina Synodus ei tribuit, authentia, codicem Hebraicum adeo depravatam esse contendunt, ut ejus, prout hodie extat, nulla amplius sit certitudo, nec

ad

ad ipsius exemplaria, quando de fidei rebus agitur, tuto possit recurri. Ita enim docent, Porchetus in *Victoria adversus Hebræos*, parte 1, cap. 11, xv, *Augustinus Steuchus*, *Recognit. V. T. ad veritatem Hebraicam*, *Franciscus Titelmannus* in *Collatione super Epistolam ad Romanos*, & in *Apologia pro veteri Interprete*; *Johannes Mariana* in *tract. pro editione vulgata*, *Jacobus Perez*, sive *Peresius*, *Valentinus Hispanus*, dictus *de Valentia*, *Episcopus Christopolitanus*, præfatione in *Psalms*, *Wilhelmus Lindanus*, *Episcopus Ruræmundensis*, præfatione libr. de optimo genere interpretandi *Scripturas*, item libr. 1, cap. 11, *Melchior Canus*, libr. 11 *Locorum Theol.* cap. xiii, & qui illum heic sequitur, *Gregorius de Valentia*, libr. 112 *Anal. fidei* cap. v; *Thomas Stapletonus* *Relectione princip. fidei doctrinalium*, contr. v, quæst. 111, art. 1, *Alphonfus Salmon*, Tom. 1 *Commentar.* pag. 29. *Antonius Possevinus*, libr. 11 *Bibliothecæ selectæ* cap. vi, *Christophorus a Sacrobosco*, *Defens. decreti Tridentini de autoritate editionis vulgatæ* parte 1, cap. 111; *Hector Pintus*, *Comment. in Dan.* vii, *Leo Castrius*, *tract. de translatione Scripturarum*, qui præmittitur ejusdem in *Esaïam Commentariis*, *Domin. Garfias*, *proœmio propugnac. religionis Christianæ*, *Jacobus Bonfrerius*, *præloquio Pentateucho præmisso* cap. xiii, sect. 111, *Blasius Viegas*, *Comment. in Apocal.* 1, sect. xii, §. 11, *Joh. Lorinus*, *Comment. in 11 Petri* 1; 19. *Gordonus Huntlaus* in *Epitome*, contr. 1, cap. vi, 11x.

11. Sed unde, obsecro, probat *Bellarminus* suum istud effatum, *Protestantes nimium tribuere editioni*

tioni Hebraicæ? Calvinus enim, ait, in *Antidoto Concilii Tridentini*, nec non Kemnisius in *Examine ejusdem Concilii*, & Georgius Major præfatione in *Psalms*, omnia examini & emendari volunt ad Hebraicum textum, quem purissimum fontem non semel appellant.

III. Verum, si id est nimium tribuere editioni Hebraicæ, nimium eidem tribuisse necesse est Hieronymum, Augustinum, Hilarium, Cassiodorum, imo ex ipsa Pontificiorum ecclesiâ Doctores quosdam primarios. Hieronymus quippe, epistola xxix, ad Lucinium, *Ut veterum*, inquit, *librorum fides de Hebræis voluminibus examinanda est: ita novorum Græci sermonis normam desiderat.* Quæ verba repetuntur c. *Ut veterum*, dist. x. Idem Hieronymus epistola cxxv, ad Suniam & Fretelam: *Sicut in Novo Testamento, quando apud Latinos questio exoritur, & est inter exemplaria varietas, recurrimus ad fontem Græci sermonis, quo novum scriptum est Instrumentum: ita in Veteri Testamento, si quando inter Græcos Latinosq; diversitas est, ad Hebraicam recurrimus veritatem; ut, quicquid de fonte proficiscitur, hoc queramus in rivulis.* Iterum Comment. in Zach. iix, 19. *Cogimur ad Hebræos recurrere, & scientia veritatem de fonte magis quam de rivulis querere.* Quæ repetuntur c. *Jejunium*, dist. lxxvi. Confer epistolam cxxxii, ad Vitalem, epistolam cxli, ad Marcellam, epist. ciii, ad Desiderium, sive præfationem in Pentateuchum, præfationem item in Josue, librum adversus Helvidium, & alia passim loca. Augustinus libro ii de Doctrina Christiana capite xi: *Latina lingua homines duabus aliis ad Scripturarum divinarum cognitionem habens opus, Hebræa scilicet & Græca, ut ad exemplaria*
pra-

*Testimonia
Patrum &
Doctorum
Pontificio-
rum pro au-
thoritate te-
xtus Hebræi.*

precedentia recurratur, si quam dubitationem attulerit Latinorum Interpretum infinita varietas. Confer ejusdem libri caput xii & xiii. Idem etiam libro xv de Civ. DEI cap. xiii, Quum diversum aliquid in utrisque codicibus invenitur, ait, ei lingua potius credatur, unde est in aliam per interpretes facta translatio. & capite xiv: Illa numerorum varietas, qua inter codices Hebraeos invenitur & nostros, si quid habet ita diversum, ut verum esse utrumque non possit, rerum gestarum fides ab ea lingua repetenda est, ex qua interpretatum est quod habemus. Adde lib. xi contra Faustum Manichæum cap. ii. Porro Hilarius in Psalmum cxix: Frequenter admonuimus, non posse satisfactionem intelligentia ex Latinitatis translatione præstari. Cassiodorus libro i Institut. divinarum lectionum cap. xv: Quod si alia verba reperiantur absurde posita, aut ex aliis codicibus, quos B. Hieronymus in editione lxx Interpretum emendavit, vel quos ipse ex Hebræo transsulit, intrepide corrigenda sunt. — Decet enim, ut, unde ad nos venit salutaris translatio, inde iterum redeat decora correctio. Franciscus Ximenius, Cardinalis, Archiepiscopus Toletanus, & Hispaniarum Archicancellarius, præfatione in Biblia Complutensia ad Leonem x: Ubicumque Latinorum codicum varietas est, aut depravata lectionis suspicio, (id quod librorum imperitia simul & negligentia frequentissime accidere videmus) ad primam Scripture originem recurrendum est, sicut B. Hieronymus & Augustinus, ac ceteri Ecclesiastici Tractatores admonent; ita ut librorum Veteris Testamenti sinceritas ex Hebraica veritate, Novi autem ex Græcis exemplaribus examine-

Bibl. lat.
p. 211.

sur. Junge ejusdem prologum de variis Bibliorum Tractatoribus. Card. Cajetanus, (cujus illustria, quibus ab ipsomet Bellarmino aliisque primariis Pontificiis ornatur, encomia recitavimus tractatu de Canone, cap. x, 19.) præfatione in libros Mosaiscos: *Intendo juxta Hebraicam veritatem sextum exponere, ubi diversa occurreris sententia in vulgata editione & in Hebraico textu. Non enim interpretis Græci aut Latini, sed ipsius tantum Hebraei textus auctoritas est, quam complecti cogimur & complectimur fideles omnes.* Josephus Acosta, Jesuita, (vir, Philippo Alegambe teste, ingenio præstanti, acri judicio, labore indefesso, facundia doctrinæ, præstans, & qui omne disciplinarum genus didicit & professus est) libro 11 de Christo revelato cap. xv: *Quid amplius Latino aut Græco concedendum est, quam ut tunc habeatur interpretatio bona, cum concordas originali lingua? auctoritas autem divina tota penes illam linguam sit, in qua sacri scriptores edidit primum.* Idem confirmant Benedictus Arias Montanus, qui Concilio Tridentino ipse interfuit, præfatione in opus Biblicum Regium, Ludovicus Vives commentar. in Augustini libr. xv de Civ. Dei, cap. xi & xiii, Johannes Driedo libr. 11 de Scripturis & dogmatibus ecclesiasticis, cap. 1, Marcus Marinus præfat. in Arcam Noæ. Refer præterea huc e Pontificiorum schola, qui, quod jamjam memorati scriptores faciendum dicunt, ac argumentis firmant, ipsa praxi exprimunt, emendando scilicet & corrigendo Latinum textum ex Hebræo & Græco. Quorum catalogum sic satis longum exhibet laboriosissimus noster Gerhardus in sua Confessione Catholica lib. 11, art. 1, cap. 11, pag. 147. seqq.

seqq. nec non Chamier, Tom. I Panstratix, lib. xiv, cap. ix, 17. seqq.

III. Atque ita constat, non solos Pro-
stantes omnia examinari & emendari velle ad Hebræ-
um textum, uti Bellarminus lectori persuadere cona-
tur; sed velle idem Ecclesiæ Doctores vetustissimos,
velle ex ipsismet Pontificiis scriptoribus doctissimos
nominatissimosque. Quamquam, Midianitarum mo-
re, mutua heic cæde se truncant, quialias de concor-
dia tantopere gloriantur. Dum enim, quos paulo ante
citavimus, auctores, textum Latinum ad Hebræum &
Græcum exigendum, indeque emendandum & corri-
gendum esse volunt, contra Gregorius de Valentia,
Tom. III, disp. I, quæst. I, puncto VII, 43. conceptis
verbis, *Græci, inquit, & Hebraici codices, sicubi a nostra
editione vulgata Latina dissident, per nostram corrigen-
di & emendandi sunt.* Sic & Martinus Antonius Del-
rio, Proloqu. in Pharum Sapientiæ cap. III, reg. VII: *In
quibus Hebræa conveniunt cum Latine vulgata dictis,
sunt certa & infallibilis veritatis; in quibus dissident,
sunt corrigenda ex Latino, non contra.* Eodem modo
Johannes Eusebius Nieremberger, libro VI de Origine
S. Scripturæ cap. XXIII: *Latinus textus non est corrigen-
dus per Hebraicum, sed Hebraicus per Latinum.* & Gret-
serus in sua Defensione infra capite XI: *Si fontes in do-
gmate aliquo fidei vel morum à vulgata editione dissen-
siant, fontes, tanquam turbide fluentes, depurandi &
expurgandi sunt ad latinam vulgatam editionem.* Ad
hunc modum illi Jesuitæ: cum quibus confer. Mel-
chiorem Canum lib. II Locorum cap. XIII, seq. Jo-
hannem Azorium lib. IIX Institutionum Moralium

Ind. 7. 36.

Pontificii
Hebræo tex-
tui detra-
hentes.

col. 570.

cap. iiii, aliosque. Et hoc ipsum constanter observavit in sua N. T. translatione Germanica Hieronymus Emserus, Græcum textum ex Latino semper corrigens, totiesque malæ fidei Lutherum postulans, quoties, vulgata insuper habita, originali textui Græco is adhæsit.

*Locum Ez. 9.
6. consideratur.*

iv. Sed operæ pretium erit, expendere, quæ in textu Hebræo corrupta esse suspicatur Bellarminus. Primum igitur ait, Calvinum, qui alias pro puritate Codicis Hebræi pugnet, Instituit. cap. vi, §. xi, (in recentioribus editionibus locus extat lib. i, cap. xiii, §. ix,) contendere, If. ix, 6. esse legendum: & *vocabitur admirabilis*; cum Hebræus textus hodie non habeat וְקָרָא *vocabitur*, sed וְקָרָא *vocabis*.

*Bell. Grammatica sua
Hebrææ oblitus, Confirma
cap. 13.
n. 7.*

v. Ubi non urgebo, neque in veteribus Calvini Institutionibus, quas mihi quidem videre contigit, nec in recentioribus, haberi illa verba: & *VOCABITUR admirabilis*; sed ita Prophetæ testimonium citari: *hoc est nomen, quo VOCABUNT eum, Deus fortis, Pater futuri sæculi*; tantum mirari subit, proferre talia Bellarminum, qui ipsemet in suis Hebræicæ linguæ Institutionibus parte iv, cap. iv, 7. observandum monet, apud Hebræos non raro usurpari tertiam personam verbi Activi in Passiva significatione; idque probat exemplo petito ex Gen. xvi, 14. ubi וְקָרָא verendum esse ait (non *vocavis*, sed) *vocatum est*. Sane quemadmodum consequentia nauci est, si ita colligas: Bellarminus contendit, esse legendum Gen. xvi, propterea *vocatus est putens*; at Hebræus textus modo non habet, *vocatus est*, וְקָרָא sed, *vocabis*, וְקָרָא; ergo

ergo confessione Bellarmini turbidus heic fuit Scripturæ fons : sic pari ratione nihili est illa Cardinalis argumentatio : Calvinus contendit , esse legendum *Il. ix. & vocabitur admirabilis* ; at Hebræus textus modo non habet, *vocabitur*, יִקְרָא, sed, *vocabit*, יִקְרָא, ergo confessione Calvini turbidus heic fuit ille fons, quem ipse idem ubique purum fluere volebat. Uti enim Bellarminus ex Hebrææ linguæ idiotismo (quem מְקָרָא כְּסוּרָא *scripturam abbreviatam* vocant Rabbini) ibi יִקְרָא recte vertit passive, nec ullæ translatione isthac depravati textus Hebræi nascitur suspicio : sic non minus recte ex eodem principio, citra ullam turbati fontis suspensionem, passive heic reddi potest יִקְרָא, quemadmodum sane ita etiam redditur in translatione Latina, a Sancte Pagnino, auctore Pontificio, primum adornata, Benedicti vero Ariæ Montani aliorumque Hebrææ linguæ peritissimorum collato studio ad Hebraicam dictionem diligentissime expensa, ac toti tandem Lovaniensi Academiæ probata, uti ex præfatione liquet. Audiatur quoque heic Jesuita ille celeberrimus, Johannes de Pineda, ad Job. iii, 3. scribens: *Latinus interpres leniter atque latine, & quod pro cuiusque palato ad plura referri possit, (אָמַר)* in qua dictum est, *reddit, & quidem multo, quam alii Hebraizantes, sapientius & verius. Nam quedam sunt in Hebræo Activa, qua debent Passive & impersonaliter exponi; sicut Gen. ix. v. 6. Et vocabitur nomen ejus; in Hebræo, vocabit.* Idem, commentatus in hunc ipsum Isaïæ locum, multis firmat exemplis Franciscus Forerius, qui Concilio Tridentino inter Theologos interfuit. Adde & Augustinum Steuchum, (quem

Bibl. 12f.
p. 61.

l. c. p. 132.

p. 58.

virum aeterna dignum memoria, & Italia verum ornamentum, appellat Posslevinus) ad Gen. ix, 6. Benedictum Pererium, Jesuitam, (*in cujus scriptis, Philippo Alegambe iudice, tantum apparet ingenium, tanta doctrina atque eloquentia, tanta rerum omnium comprehensio, ut supervacaneum sit lucernam Solis luminis inferre,*) ad Gen. xv, 6. Franciscum Riberam, & ipsum Jesuitam, (cui, teste rursus Alegambe, etiam miraculis auctoritatem fuisse conciliatam credunt Pontificii) in Mich. 11, 17. Unde patet, quam inepte ad illa Amelii: *Nihil usitatus est apud Hebraeos, quam tertiam personam verbi impersonaliter usurpare, ita ut aliquando active, aliquando passive possit reddi*; notet Erbermannus, Hebraici textus corruptionem *apertissime* a Bellarmino fuisse ostensam, ut ipse Amelius in loco Is. ix non potuerit negare mutationem, sed maluerit excusare. Videlicet hoc est concedere corruptionem textus sacri, eandemque velle excusare, si dicas cum Pagnino, Aria Montano, Pineda, Forerio, Eugubino, Pererio, Ribera, quin ipsomet Bellarmino, verbum activum aliquando ex Hebraeae linguae idiotismo recte verti passive. Sed haec manifestiora sunt, quam ut operosius ostendi desiderent.

vi. Quod ait porro Bellarminus, Calvinum non ignorasse, vulgatam editionem, quantum ad lectionem loci Es. ix, 6. meliorem esse Hebraica, si quidem reprehendat Judaeos, ita lectionem invententes: *Hoc est nomen, quod vocabis eum Deus fortis, Pater futuri seculi*; & sic epitheta illa: *Deus fortis, Pater futuri seculi*, non ad Filium, sed ad Deum Patrem referentes; id quam sit frivolum, vel caecus videt.

det. Neque enim eo nomine Judæos arguit Calvinus, quod in Hebræo legant *יהוה*, sed quod verbum hoc connectant cum substantivo *יהוה*, quasi id, una cum subjunctis epithetis, heic esset subjectum prædicationis, hoc pacto : *Deus fortis, Pater futuri seculi, vocabis nomen ejus Principem pacis.* Quam construendi rationem oppido absurdam esse, & violentam contextus perversiorem, nemo sanus negaverit. Vide se ipsum satis explicantem Calvinum Commentario in hunc Isaïæ locum.

VII. Excipit Gretserus: non ignorasse Bellarminum, etiam illam lectionem, & vocabit, ita tandem explicari posse, ut verum sensum reddat, Christi que gloriam & divinitatem nobis prædices. Sed quaritur, inquit, utra lectio hoc melius, aptius, & evidentius contra Judæos, Christi hostes, efficiat; illane; & vocabitur: an illa: & vocabit nomen ejus, &c. Et nisi prodigiosus stupor Prædicantem (Hunnium) haberes, perspicue cerneret, illam lectionem: & vocabitur nomen ejus Admirabilis, Consiliarius, Deus fortis, Pater futuri seculi, Princeps pacis; longe esse aptiorem ad Christi maiestatem & divinitatem à Judæorum perfidia asserendam; & consequenter, primigeniam genuinamque lectionem non esse illam, quam hodie textus Hebræus representat: & vocabit; sed illam: & vocabitur. Ad eum modum Gretserus: qui mirabilem, more suo, heic iterum disputatorem agit.

Gretseri excerptio.
col. 449.

IIIX. Primum scilicet pervertit statum controversiæ; Quaritur, inquit, utra lectio hoc melius, aptius, & evidentius contra Judæos, Christi hostes, efficiat. Neque enim in præsens quæstio est, an, si in

Responsio.

in Hebræo legatur יָקָרָה, facilius & evidentius ex dicto Isaiano elici possit sensus, quem intendit Propheta, quam si legatur יָקָרָה, sed, num hæc vox, quæ hodie in codicibus visitur, sit ipsa illa, qua usus fuit Isaïas, dum suam ex sancti Spiritus afflatu consignavit prophetiam: an vero humano sive errore, sive crimine infarsa sit textui sacro vice יָקָרָה, quod olim ibi extiterit. Nam quod scribit Gretserus, si illa lectio: & vocabitur, aptior sit ad Christi majestatem & divinitatem a Iudæorum perfidia asserendam, quam ea altera: & vocabit; sequi, primigeniam genuinamque lectionem non esse illam, quam hodie textus Hebræus repræsentat: & vocabit; (יָקָרָה) sed istam: & vocabitur (יָקָרָה) id nihili omnino est; cum non illico, quidquid nobis videretur magis aptum ad convincendos & refellendos, sive Judæos, sive alios veritatis hostes, ita scriptum fuerit ab auctoribus *Homologis*. Capessis exemplum Urgent orthodoxi pro adstruenda æterna filii Dei generatione verba Psalmi II, 7. *Dominus dixit mihi: filius meus es, אֲנִי הוּא יִלְדְתִיךָ ego hodie genui te.* Neo-Photiniani sive Sociniani, uti inter alia ex Carcehesi Racoviensi, tit. de Cognitione Christi, cap. I, quæst. XIX, patet, expiunt, nihil in isto textu haberi de æternitate. *Etenim*, inquirunt, *cum vox HODIE certum tempus designet, pro æternitate denotare non potest.* Hæc ergo si quis dicere vellet, Hebræum textum esse corruptum, nec legendum הוּא, ut nostri habent codices, sed מְנַח, cum posterior hæc lectio longe sit aptior ad CHRISTI æternitatem & divinitatem a Socinistarum perfidia asserendam; si quis, inquam,

inquam, cum in modum nugari veller, annon piorum omnium indignationem esset provocaturus? Eiusdem vero rationis est, de qua paulo ante loquebamur, Gretseri argumentatio.

ix. Qui nec porro dextrum se magis Theologum præstat, dum ita pergit: *Quid inde conficias, si hoc modo cum Judeis Isaianum locum explices: Et nomen ejus, hoc est, statuet, decernet, imponet, sive indet, Admirabilis, Consiliarius, Deus fortis, Pater futuri seculi, Princeps pacis. Annon, qui locum Isaia in hunc modum explanat, Judeorum & Arianorum causam agit ac propugnat?* Nam quorsum id monet, obsecro? An, ut propugnati sive Iudaismi sive Arianismi reos agat Protestantes? Ita vero ejus erit, nominare illos, qui e Protestantium ecclesia locum Isaia istum in modum explanarint. Nostorum sane unanimis est sententia, *נִרְאָה* aut vertendum esse cum Jonathan Chaldaeo passive, aut, si activum retineatur, subintelligendum Nominativum convenientem; ut sensus sit: hic vel ille, quicumque vocaverit, ille vocabit eum Admirabilem, Consiliarium, Deum fortem. Atque ita nomina illa in textu expressa dicimus heic esse, non, ut Judæi somniant, Dei nominantis, sed filii nominati. Sicut alias quoque exemplorum Biblicorum inductione constat, in sensu nomenclatura, nomen postpositum phrasi *שֵׁם נִרְאָה*, sive *נִרְאָה* active, sive passive sumatur, esse, non denominantis, sed denominati: uti in sua Schola Isaiana ad præsentem locum bene notat noster quondam Collega, D. Augustus Varenius, Theologus Rostochiensis. Vide inter alia Gen. iv, 25. 26. v, 2. 3. xxv, 25. 26. xxxiix, 30. Quo

Gretseri ead.
luminia.

Ejus deput.
fio.

observato, sponte sua ruunt, quæ præterea heic pro Judæis aduersus Hunnium nostrum declamat Gretserus.

x. Et tantum de loco Is. ix, 6. ubi nihil in Hebræo esse corruptum (ut superioribus id adhuc adjiciamus) ipsa etiam Masora testis est, dum monet, verbum **קָרָא** sexies in Scriptura occurrere deficiente particula **נָא**. Falsa namque foret hæc nota, si ex Passivo verbo Activum heic esset formatum. Vide Masoram magnam fol. 54. b. & parvam ad Gen. xxv.

*Locum Ierem.
23, 6. exo-
penditur.*

xi. Deinde Bellarminus, pro ostendendo fonte ex ipsius Calvinii professione corrupto, urget, quod hic velit, Jeremiæ xxiii, 6. esse legendum: *Et hoc est nomen, quod vocabunt eum, Dominus Justitia nostra*; cum fons Hebraicus constanter habeat **קָרָא** *vocabis eum*, non **קָרְאוּ** *vocabunt eum*.

xii. Ubi rursus missum facientes, quod minus curate denuo verba Calvinii citentur, ut qui non habet (in editionibus quidem mihi visis) *nō vocabunt*, sed ita: *Nihil dilucidius Jeremiæ loco quæri potest, hoc fore nomen, quo VOCABITUR germen Davidis, Jehova, Justitia nostra*; id missum facientes, inquam, dicimus, Sanctem etiam Pagninum, & Ariam Montanum, Pontificios celebratissimos, in sua translatione Latina legere heic: *vocabunt eum*; neque tamen propterea fingere depravationem textus Hebraici, & pro **קָרָא** cum Bellarmino substituere **קָרְאוּ**, sed pro genuina nobiscum agnoscere lectionem, quam hodierni codices exhibent. Ita I Regg. xxi, 38. vulgata Latina habet: *Et LAVERUNT CUTEM ejus*; quomodo item LXX: *ἔαψαν*, Hebræi vero codices constanter legunt,

legunt, *לָוִי & lavis*; Amos IV, 2. Latina habet: *& levabunt vos in consis*; LXX: *καὶ ἀψοῖται*, at Hebræus textus, *לָוִי & sollet*. Numquid ergo & heic fontem turbidum fluere dicet Bellarminus? Sane Glasius noster, cum ipsa LXXXII V. T. loca collegerit, quæ corrupta esse Jesuita Jacobus Gordonus Huntlaus, aliique nonnulli, vel suspicantur, vel palam affirmant, memoratorum illorum nec minimam facit mentionem, ac si depravationem & ipsa in fonte passa esse cuiquam crederentur. Scilicet observandum heic, quod in canonibus, Commentario in Prophetas majores præmisissis, canone XVI, monet Cornelius a Lapide: *Propheta utuntur multiplici Enallage; & speciatim quidem Enallage Numeri, ut à singulari transceant in pluralem, & è contrario, præsertim cum agunt de populo, vel cætu hominum: hic enim collectivè, quæ populus, est singularis, distributivè vero, quæ multos complectitur, est pluralis. Quocirca tunc singulare nomen aut verbum accipitur collectivè, & significat Quisque. Confer Christophorum de Castro, Jesuitam itidem celeberrimum, ad locum Ieremiæ, de quo in præfenti agimus: ubi, quod verba ista a plurimis Hebræis per enallagen numeri explicentur, operose probat: quamvis ex ejusdem quoque Castrii sententia verbum singulare *לָוִי* rectè referatur ad substantiva, quæ præcesserunt, Juda & Israel; ut ita fluat textus: *In diebus ejus (germinis Davidis) salvabitur Juda, & Israel habitabit in confidentia: & hoc est nomen ejus (germinis) quod vocabit (Juda & Israel) illum, Ithova Justitia nostra.* Quæ expositio, utique satis commoda, si admittatur, nemo tam erit ineptus,*

ut dicat, qui locum Jeremiæ ita reddit: (quemadmodum a Calvino illum reddi ait Bellarminus (*hoc est nomen, quod VOCABUNT* (Iuda & Israel) *enim, Dominus Iustitia nostra*; coipso textum Hebræum arguere alicujus depravationis. Etenim quid notius, quam in Latina lingua, per syllepsin, quam vocant, numerorum, duobus nominibus singularibus addi verbum plurale? quomodo Virgilius *Aneid.* 11, 316.

furor itaque mentem

precipitant.

De loco

2. 22, 17.

xiii. Ulterius fontis Hebræi corruptionem demonstraturus Bellarminus, in exemplum affert decantatissimum illud, ex Psalmo xxii, 17. *כֹּחַ, נֶמְסוּ*, inquit. *Christianorum est, qui non legat: foderunt manus meas & pedes meos; textum vero Hebræi legunt כֹּחַ chaari, id est, sicut leo, non, foderunt, quod dicitur כֹּחַ chara.*

xiv. Hic nimirum ille locus est, quo imprimis triumphare solent *ἀφ' ὑποψίας* Hebrææ hostes, quique adeo eruditos vehementer exercuit. Eorum videlicet nonnulli, cum cetera fontium Hebræorum integritatem constanter defendant, in hoc uno fere corruptionem agnoscunt: alii vero ne heic quidem mendum ulla ratione in textum irrepsisse, admittere volunt, sed *כֹּחַ* retinendum docent. Quamquam non eodem modo suam hanc illi sententiam tueantur. Vide inter alios, qui fusc materiam isthanc & ex instituto persequuntur, Salomonem, *Glossium* lib. 1 *Philologiæ sacræ*, tract. 1, parte 11, sect. 11, num. XLIX, Christophorum Helvicum *Appendice in Elenchi Judaici*, (quæ est disputatio xiv

Tomi

Tom. iv Giesſenſis) num. XLVI, Giſbertum Voetium parte I Diſp. Theolog. ſelectarum, diſp. iv, quæ eſt de Inſolubilibus Scripturæ, num. iv, lo. Henr. Hottingerum lib. 1 Theſauri Philologiæ cap. II, quæſt. iv. Quidquid ſit; Bellarmino ſane, quo cum nobis in præſentia res eſt, nullo heic negotio in occurſum iri po- teſt. Etenim paulo inferius §. *Dices aliquis*, diſerte iſ, *In Maſoreth*, ait, *monent Rabbin*, in *Pſal. 22. ſcribi debere* *כארי* *charu*, non *כארי* *chaari*; ex quo eviden- ter colligitur, errore ſcribarum nunc legi *כארי* *chaari*. Quæ ſi vera (nobis autem id heic perinde eſt, quibus *κατὰ* *κατὰ* cum antagoniſta nunc agere placet) ſi, inquam, deſcribentium tantummodo errore in textum ſacrum irrepiſit *כארי*, idque notarunt Maſoretæ, quid nobis locum iſtum objicit Cardinalis? qui utique, e- juſcemodi ſphalmata quædam in codice Hebræo occurrere, haud imus inficias. Cum enim (verba recito Glasſii, viri in talibus exercitatiſſimi, quæ ha- bentur loco paulo ante laudato, parte I, pag. m. 7.) *textus ſacri, à ſcriptura Mæſaica primordio ad ſolu- tam uſque captivitatem Babyloniam variè deſcripti fuerint, fieri facile potuit, ut ſcribarum incuria qua- dam σφάλματα ortographica, non quidem in ſententi- is, ſed in aliquibus elementis, irreperens, & continuata deinceps ſerie in plura diffunderentur exemplaria. Iſti igitur incommodo ut remedium adhiberens Maſora au- tores, (quos ab ipſo Eſdra & reliquis אנשי כנסת הגדלה אֲנָשֵׁי כְנֶסֶת הַגְּדֹלָה & reliquis) viri Synagoga magna, erudite deducit Buxtorff. in Ti- beriade ſeu Comment. Maſoretico) voces in contextum plerorumque voluminum diu receptas reliquerunt inſe- gras, (nec enim religionis cauſa quicquam auſi muta-*

*Textus Mo-
ſaicus quo
ſenſu a Pro-
ſtantiſſimo
dicatur in-
corruptus,*

Maſoreta.

ve) sed emendationem, vel ex fide aliorum probatorum exemplarium, vel suo, eoque sano, iudicio, in margine indicarunt. Ita Glassius: qui, quæ dixerat, evidentibus statim exemplis it probatum, (v. c. quod i Sam. iv, 13. in textu scribitur ל , Masoretæ vero in margine reponant ל , ubi prius mendosum esse, in apri-
 co,) & deinde subdit: Ex huius igitur generis Masore-
 ticis notis si quis corruptelas sacri Hebraei textus (prout
 nostris temporibus extat, & a nobis Christianis usurpatur)
 probare satagat, eum opposita mentis laborare merito
 dicemus, cum illarum vocum, quæ olim mendosæ erant
 scriptæ, emendationem à viris doctissimis, & ex proba-
 tis authenticisque exemplaribus, adornatam, nota illa ex-
 hibent. Idem paulo post, ubi demonstraturus erat,
 quod ne quidem per incitiam vel incuriam a libra-
 riis textus V. T. Hebræus fuerit depravatus; Hic verò,
 ait, distinguendum esse videtur inter tempus Masore-
 tarum labores antegressum, & inter tempus eosdem in-
 secutum. In illo, per tot librariorum transcriptiones,
 textui sacro quadam illata fuisse menda, non negamus,
 uti supra etiam dictum. Postquam autem Masora non
 sine divino ductu conscripta fuit, potuisse hætenus, vel
 posse ad consummationem usque seculi, universale erra-
 tum corruptelamque textui Hebræo inferri, quin statim
 animadverti, & puritati pristinae restitui queat, forsiter
 negamus.

Explicatur
 statim con-
 troversia
 amplius.

xv. Ubi, dum UNIVERSALIS ERRATI mentio-
 nem Glassius facit, alterum, quod adversus Bellar-
 minum heic observandum, nobis suggerit. Scilicet,
 quando textus Hebræi integritatem propugnamus,
 non est quæstio de unius vel alterius codicis depravatio-
 ne,

ne, quæ in puncto, vel accentu, vel litera, vel etiam integra dictione occurrat, siue ex incuria, siue data opera fuerit facta: sed hoc queritur, an textus Hebraeus in se ac UNIVERSALITER IN OMNIBUS CODICIBUS ita sit corruptus, ut ex aliorum probatorum & integrorum exemplarium inspectione mendum illud corrigi nequeat: quæ sunt verba Gerhardi nostri, lib. II Confess. Catholicæ, artic. I, cap. II, th. II. cui, & paulo ante laudato Glasio, ex Reformatis heic, inter alios, οὐδὲν φεῖσται est doctissimus vir, Andreas Rivetus, dum in sua ad Scripturam S. Ilagoge, cap. IIX, 18. ita hanc rem scribit: *Controversia non est de QUIBUSDAM codicibus Ebraicis, sed IN UNIVERSUM de OMNIBUS: vel de levibus quibusdam erratis in multis exemplaribus, ex scriptorum vel incuria vel inscitia admixtis; id enim negari nec potest, nec debet. Sed status controversia is est; an nulla hoc tempore reperiantur exemplaria Ebraica consueque pura, ut, ex collatione, in omnibus ad salutem necessariis veritas deprehendi possit lectionis, quam Sp. sanctus suis amanuensibus dictavit.* Similiter alii. Quæ cum ita sin, apparet sane rursus, immerito sententia nostræ opponi כִּנְרִי.

XVI. Etenim non omnes in universum codices Hebræos legere כִּנְרִי, sed extare olimque extitisse exemplaria כִּנְרִי exhibentia, non uno ostendere licet documento. Et primo quidem illa Græcorum translatio, (quam heic sequuntur versiones Syriaca, Arabica, Æthiopica) ἀποφαίνεται, clare evincit, legisse eos in suo, quo usi sunt, exemplari, כִּנְרִי vel כִּר, uti etiam Gretserus heic monet, & Bellarminus ipse in sua Psalmorum explanatione, ubi comma hoc interpreta-

*Non omnes
Codices le-
gunt Caari.*

col. 455.

pretatur. Porro quod nec Aquila Ponticus, *homo eruditissimus lingua Hebraica, & verbum de verbo exprimens*, uti cum laudat Hieronymus ad Is. XLIX, s. *quique*, (ut idem ait Hieronymus epist. CXXXIX, ad Marcellam) *verborum Hebraeorum diligentissimus explicator*; quod, inquam, nec Aquila iste in Hebræo legerit כִּנֹּר, ut quidem illud notat, *sicut leo*, inde perspicuum est, quod in versione sua, vixdum exacto centesimo a CHRISTI ascensione anno edita, habet *ἡγεύων*, utique non Nomen, sed Verbum plurale in fonte se legisse innuens: quemadmodum & Hieronymus in translatione sua ex Hebræo reddit *fixerunt*. Quin Gretserus in genere de omnibus versionibus ex Hebræo affirmare audet, quod *concorditer asphulentur illi lectioni, Caru, non illi, Caari*. Amplius R. Jacob ben Chajim, (qui vixit circa annum Domini 1510, & a Daniele Bombergo, primo Typographo Hebraico, ad correcturam Hebraicorum fuit adscitus, cujus etiam instinctu Biblia Hebræa cum Mosora magna & parva in ordinem redegit, præloque commisit) in Masora magna, in ordine literarum Alphabetico כִּנֹּר, ad vocem כִּנֹּר, & inde ad כִּנֹּר Psalmi XXII, *In aliquos libris emendatis*, ait, *reperitur כִּנֹּר*. Iohannes item Isaac, ex Judæo Pontificius, & Professor Colonienfis, libro II adversus Lindanum, suum quondam discipulum, pag. 112. Ego, inquit, *Johannes Isaac, ipsa veritate & bona conscientia testari possum, quod huiusmodi Psalterium apud avum meum viderim, ubi in textu scriptum erat כִּנֹּר*. Et Wolfg. Fabricius Capito lib. I Instit. Ebr. cap. XIII, se apud Vangiones in membranaceo ac vetustissimo libro

libro margini hanc vocem adscriptam vidisse memorat. Sic quoque Gerhardus in Exegesi Loci de Scriptura, cap. xiv, 330. *In Bibliotheca*, ait, *Academia nostra Jenensis habetur codex Hebraeus manuscriptus, qui legit* *וְכָל*. Ad quem Codicem & alibi idem provocat Gerhardus; uti ante eum jam in publica disputatione provocaverat olim, teste in Harmonia sua Biblica, ad h. l. Dn. D. Walthero, Petrus Piscator, & ipse Jenensis Theologus. Quid? quod Gilbertus Genebrardus, Hebraicarum literarum in Parisiensi Academia Professor, & post Aquisgranensis Archiepiscopus, in suis ad præsentem locum notis doctissimorum Judæorum testimoniis probare satagit, optima & antiquissima exemplaria habere *וְכָל*; sicut & Petrus Lanselius, qui, teste Plr, Alegambe, Græcæ, Hebrææ, Chaldaicæ, Syriacæ, Arabicæ, linguarum notitia polluit, & præcipuas Germaniæ bibliothecas lustravit, in sua Justinii Mart. editioni Parisi subjuncta Dispositione, ut vocat, notarum Casauboni, cap. xv, bis testatur, in vetustissimis Codicibus Hebraicis reperiri *וְכָל*. Quin ipse Hunslæus, ille acerrimus alias præ ceteris Hebraicæ veritatis impugnator, tomo 1 Epitomes, Controv. 1, cap. x, *Scio*, inquit, *non paucos libros Judæorum habere in ipso textu וְכָל. h. e. foderunt.* Addeſis Gerardum Veltuykum, in appendice libri, quem inscripſit, Itinera deferti, Dieguum Payuam Dandrada, lib. iv Defensionis Tridentinæ fidei, pag. 616. Petrum Galatinum, de Arcanis Catholicæ veritatis libro 1, cap. iix, ac lib. iix, cap. xvii; & observa insuper, quod Biblia Complutensis, an. clp 1o xx, cura Card. Ximenii, & cum pri-

*Biblioth.
scriptor.
Sec. p. 386.*

vilegio Papæ Leonis x, edita, legant 1775. Sed quid opus his immorari diutius, cum ipse Bellarminus, quo cum nobis res est, non admittat universalem loci nostri Davidici depravationem; uti ex his, quæ supra ex eodem producebamus, facile liquet, & agnoscit insuper Apologeta ejus Gretserus? Ad alia itaque pergo.

col. 455.

De loco
Ps. 19. 5.

xvii. Provocat nempe amplius auctor noster ad Psalm. xix, 5. ubi Hebraici codices legunt: *In omnem terram exiit* קוֹלֵךְ *sive perpendiculum eorum*; cum tamen LXX verterint, *φῶς αὐτοῦ*, & horum versionem approbaverit Apostolus Rom. x. 18. imo & Hieronymus ad literam reddiderit ex Hebræo: *exiit sonus eorum*. Unde necessum esse ait, aut Paulum & Hieronymum reprehendere, aut certe fateri, fontem hoc loco non esse purum. Verisimile autem esse putat, legi debere, קוֹלֵךְ, quandoquidem unalitera tantum addita, ex קוֹלֵךְ fiat קוֹלֵךְ. Eadem repetit in Explanatione Psalmorum, ubi hunc locum interpretatur.

LXX interpret. & N. T. scriptores non semper singula verba locorum V. T. exprimunt!

xix. Verumenimvero, si, quotiescunque vel in sua translatione LXX, vel in citationibus ex Veteri Testamento Evangelistæ & Apostoli, in uno vel altero verbo discrepant a textu Hebræo, illico inferendum sit, Hebræum textum esse corruptum, corruptus quoque erit in Hebræo locus Mich. v, 1. in aliquot verbis discrepans a textu Græco Matthæi 11, 6. corruptus erit locus Is. xxix, 16. itemdem discrepans tum a versione Lxxviri, tum ab allegatione Pauli na Rom. ix, 33. corrupti erunt in Hebræico textu multi loci alii, quos tamen depravationis nec insimulant Pontificii, nec insimulare possunt, ni ipsi suæ trans.

translationi vulgatz, Hebraum codicem heic sequen-
ti, dicam scribere velint. Scilicet LXX Interpretibus,
& Evangelistis atque Apostolis, *cura fuit, non verba
& syllabas aucupari, sed sententias dogmatum ponere*;
indeque non semper in translatione & allegatione sua
verbum expresserunt e verbo, sed *ἡσυχαστὶς* eundem
sensum aliis sermonibus indicarunt: sensum quaesiverunt,
non verba; nec magnopere de ordine sermonibusq, cura-
runt, dum intellectui res pateret; uti loquitur ille Scri-
pturarum doctissimus interpres Hieronymus, episto-
la ei, ad Pammachium, de optimo genere interpre-
tandi: ubi etiam, quod dicit, pluribus in medium al-
latis exemplis it probatum. Quemadmodum ergo
alias non semel, sic etiam in exprimendo loco Psal-
mi XIX, ad sensum magis quam verba attenderunt
LXX & Apostolus, pro linea seu norma substituentes
prædicationem vel doctrinam, quod nihil aliud quam
ista per eam a Davide intelligatur; sicut & ipse Paulus
doctrinam Apostolicam alias *κἀνωτα*, normam & line-
am, appellat Gal. VI, 16. Philipp. III, 16. Atque hoc
est, quod ex ipsismet celebrioribus Jesuitis nobiscum
fatetur Martinus Antonius Delrio, quando in Ada-
giis suis sacris, adag. DECXXIV, affirmat, LXX & Paulum
vocasse sonum ipsam prædicationem, que revera, inquit,
est PERPENDICULUM ædificii cælestis. Subscribunt quo-
que huic sententiæ, quod videlicet sensum Psalmi
respexerint LXX & Apostolus, magni nominis Doctores
Pontificii, Benedictus Arias Montanus, Franciscus
Titelmannus, Gilbertus Genebrardus, Augustinus
Steuchus, in præsentem locum: nec abnuic in suo
Commentario Jesuita Iohannes Lorinus; qui insu-

Pontificis-
rum suffra-
gium.

p. 14.

Gretseri
eneprio.
col. 456.

per Eugubinum, Titelmannum, Bredenbachium, Malvendam, & (cujus suffragium, quod jure mireris, negare nobis audet Erbermannus) doctissimum Genebrardum; nostræ heic sententiæ adstipulari, ambabus, quod ajunt, manibus largitur. Adde & Johannem Isaac, qui, ut in aliis, ita & hoc loco, Hebraici textus integritatem adversus Lindanum tuerur.

XIX. Gretserus heic, Hunnium nostrum alloquens, *Quod tu & Junius dicitis*, inquit, 70. *interpretes, Apostolum, & Hieronymum, respexisse ad sensum, & explicare voluisse, quam sit illa regula seu norma in omnem terram diffusa, nempe ipsam predicationem Evangelicam; id libenter crederem, nisi compertum haberem, boni interpretis officium hoc postulare, ut, quando verbum aque apte per aliud verbum ejusdem prorsus significationis exprimi potest, non exprimat per aliud prorsus metaphoricum, ut est sonus respectu regula, seu linea, seu perpendiculari.*

Responsio.

xx. Verumenimvero, si hanc suam regulam, debere nimirum bonum interpretem, quoties fieri id potest, unumquodque verbum per aliud ejusdem prorsus significationis vocabulum exprimere, generaliter de quavis interpretatione intellectam vult Gretserus, oppido fallit. Etenim audivimus supra affirmantem Hieronymum, licere fideli etiam & cordato interpreti aliquando, non verbum exprimere e verbo, singulasque lectori vocolas adnumerare, sed *παραφραστικῶς* eundem sensum ALIIS SERMONIBUS indicare; idque non semel fecisse ipsos etiam scriptores *ἱεροπαιδῆς*. Quod si paraphrasi & aliis plane sermonibus citra crimen uti potest interpres, quidni unicam

ei vocem metaphorice reddere sit integrum? præsertim si & ipsum illud, quod vertendum est, vocabulum, improprie & metaphorice in textu sumatur: quod in præsentī loco fieri adeo est liquidum, ut ipsosmet etiam Iudæos non omnino id præterierit: R. liquidem Aben Ezra כִּי דָּוִדִּי Davidicum disertè exponit per מִכְתָּבִי *scripturam*, (quæ כִּי מִכְתָּבִי signum,) *sensus est*, inquit, quod *SCRIPTURA eorum legitur in omni loco, & docti sensum ejus intelligunt in omnibus locis terra.* Ad Hieronymum quod attinet, voluit & ille dubio procul כִּי לִי LXX ac Apostoli heic vestigia premere, ut ipsimet cordatiores Pontificii fatentur. Et sane Bellarminus hocipso capite toridem verbis affirmat, *Psalms interpretationem Hieronymianam, cum textu Hebraico, qui NUNC extat, in omnibus convenire.* Quod si ita, convenire quoque oportet *vocem sonus*, qua in illa sua interpretatione Hieronymus utitur, cum כִּי דָּוִד, quod est in textu Hebraico qui nunc extat. Interim ponamus, legisse Hieronymum in suo, quo usus est, Hebrai codicis exemplo, non, כִּי, sed כִּי לִי, quid inde contra nos? qui, ut jam supra monitum, de *unius vel alterius codicis depravatione* heic non disputamus. Et opponere in tali casu possemus Hieronymiano codici codicem Aquilæ, interpretis longe vetustioris, quem דָּוִד legisse, vox כאָדָו, qua in sua translatione utitur, evidenter monstrat.

XXI. Ultimo tandem loco Bellarminus, pro fontium demonstranda corruptione, urget, quod *INTERDUM desint integra sententia in Hebraeo, cum non desint, nec in versione 70. nec Hieronymi translatione.*

D 3

Quant.

De loco
Ex. 2. 22.

Quamquam non nisi unicum profert exemplum ex Ex. II, 22. ubi deesse ait totum illud : *Alium quoque genuit, & vocavit nomen ejus Eliazer, dicens : Deus patris mei auxiliatus est mihi, & liberavit me de manu, Pharaonis.*

XXII. Merito autem heic Cardinali opponimus, quæ habet ipsemet infra capite VI. Docet nimirum ibi, translationem LXXviralem hodie non extare incorruptam, sed valde vitiatam in pluribus locis esse; ut *JAM TUTUM NON SIT HEBRAICOS TEXTUS EX GRÆCIS CODICIBUS EMENDARE.* & paulo post, *Ista, inquit, Græca versio, quam nunc habemus, in pluribus locis dissensit ab Hebræo; multa non habet, quæ sunt in Hebræo; multa habet, quæ non sunt in Hebræo; ut omnes noverunt, qui in ea versati sunt.* Neque videtur (ita mox pergit) satis apte hoc argumentum solvi ab iis, qui respondens, textum Hebræum esse corruptum, ubicunque a Græco discrepat. Nam neque hæresici hoc admittunt, qui anteponunt Hebræum textum Græco; neq; Catholici admittere debent, ne faseri cogantur, vulgatam editionem Latinam, quæ Ecclesia Catholica tot jam seculis utitur, & quam Concilium Tridentinum authenticam esse judicavit, totam esse corruptam. Nam, excepto Psalterio, Latina editio cum Hebræis codicibus magis convenit, quam cum Græcis. Porro, quod & hæc ipsa vulgata Latina Pontificiis authentica, aliqua habeat, quæ, saltim eodem loco, non extent in codice Hebræo, nec extiterint unquam, rursus fatetur BeHarminus hoc ipso capite, dum scilicet octo illos versiculos, qui post comma tertium Psalmo XIII editionis vulgatæ inserti sunt, nunquam in Hebræo fuisse; nec ad Psalmum

num istum pertinere, sed ex Rom. III. 13. seqq. ab aliquo illuc esse translatos, cum Hieronymo fatetur. Atque ita patet, vel ipsomet Bellarmino iudice vitiosam esse istam collectionem: hic vel ille locus non extat in codice Hebræo, extat autem in editione LXXviri & vulgata Latina; ergo textus Hebræus, quantum ad illum locum, corruptus est & depravatus.

xxiii. Nec est ut excipiat Cardinalis, tamen si de quibus jamjam dicebamus, versiculi isti eodem illo loco unaque & eadem illa serie non reperiuntur in codice Hebræo, extare nihilominus in eo alibi sparsim. Nam & verba, quæ Ex. 11, 12. in Hebræo deesse ait Bellarminus, extant ejusdem libri capite XIX, 4. Unde & versiculum istum priori loco supervacaneum esse agnoscit Card. Cajetanus, eundemque asterisco notant Lovanienses. Quin &, monente Junio, inepte illud comma in Exodi. 2. inculcatur, si ad argumentum *Mosis attenderis & continuationem historiae*. Gersom enim, prior Mosis filius, multis annis præcessit Eliezerum fratrem; quibus annis Israelita respexerunt ad Deum, & ad illos vicissim Deus: Eliezer vero sub finem illorum annorum natus est, & adhuc fuit ante circumcisum, incircumcisus, quum sese Moses ad reversionem in Egyptum accingeret, ut plane docet historia Exod. 4. Hanc observationem, ait, si qui non vident ad illustrationem gratia divina & consequutionem historiae pertinere, ac propterea sacturam istam de Eliezero Exod. 2. adhibent, iis profecto Mosis consilium non vident: sin negant, male merentur de Mose & Ecclesia DEI. Quibus Junianis licet ne verbulum quidem
repo-

fol. 475.
p. 54

32

HEBRAICI TEXTUS

reponere possit, vel Gretserus, vel Erbermannus, nihilominus, quod Hunnius, Junius, & Amesius scribunt, non pertinere locum istum ad cap. 11, sed ex capite xlii a lxx & vulgato Latino eò esse translatum, *agrorum somnia* appellare non dubitat uterque. Nempe hoc est **DRENDERE**, hoc **VINDICARE** **BELLARMINUM**!

*De punctis
Hebraeorum.*

xxiv. Et hactenus quidem de locis illis, quæ in Hebræo codice depravata esse Bellarminus arbitratur. Posset nunc porro in disquisitionem vocari, quod de punctis Hebræorum circa finem capituli affirmat Cardinalis, esse videlicet ea a Rabbiniis inventa, & textui sacro superaddita, indeque posse nos, absque mutatione textus, puncta, si velimus, detrahere, & aliter legere. Sed quia hanc de Punctis quæstionem, doctissimorum virorum scriptis adversariis quam maxime, nostro inprimis tempore, nobilitatam, ex professo heic non persequitur auctor, nec nostrum erit, in eadem enodanda hoc loco operosos esse. Solum monemus, refragari, quam Bellarminus heic tenet, opinioni ex ipsismet Pontificiis, Johannem Isaac, & Antonium Rudolphum Cevalerium, qui, quod puncta consonantibus in codice Biblico cœva sint, in suis Grammaticis docent: tum quoque ex eadem schola Marcum Marinum, Brixianum, qui in præfatione editi a se Thesauri linguæ sanctæ, sive, ut inscribit, Arcæ Noe, Judæos ab omni tempore puncta sua habuisse, multis argumentis probare conatur.

xxv. Antequam transeamus ad alia, unum adhuc monendum ducimus. Videlicet, ubi duas de Hebræo textu sententias hoc capite examinasset Bel-
larmin-

larminius, quarum prima (a nobis hucusque defensa) eorum, qui nullam omnino ejus admittunt corruptionem; altera quorundam Pontificiorum, v.g. Jacobi Christopolitani & Melchioris Cani, contendentium, *Judeos in odium Christiana fidei studiose depravasse & corrupisse multa loca Scripturarum*; suam tandem subjuncturus *ἡ δὲ τρίτη, His duabus sententiis refutatis*, ait, restat tertia, quam ego verissimam puto, quae est *Driedonis lib. 2. de Ecclesiast. dogmat. & Scripturis, cap. 1. & aliorum, qui docent, Scripturas Hebraicas non esse in universum depravatas opera vel malitia Judaeorum; nec tamen esse omnino integras & puras: sed habere suos quosdam errores*. Etenim cum Palæmonem heic se interponat Cardinalis, & neutram supra memoratarum amplecti velit sententiam, utrique contradicat necesse est. Et priori quidem recte contradicit, dum ait, Scripturas Hebraicas non esse omnino integras & puras; sed habere suos quosdam errores. Ceterum posteriori quomodo contradicat accurate, non satis apparet. Neque enim hæc assertio: *Scriptura Hebraica non sunt in universum depravata opera vel malitia Judaeorum*; contradicit isti, quæ Christopolitano & Cano supra tribuebatur: *Judæi in odium Christiana fidei studiose depravarunt & corruperunt multa loca Scripturarum*; uti palam est. Et certe, argumenta, quibus contra suos illos Pontificios pugnat Bellarminus, non probant dumtaxat, malitia Judaeorum non esse depravatas Scripturas *in universum*; sed potius, omnino nullam corruptionem sacro codici a Judaeorum malitia accidisse. Unde nequidem illud כִּנְיָ Psalmsi xxii, etsi pro genuino haud agnoscit, ex Judaica

depravatione natum esse admittit; sed scribarum potius errori censet imputandum, §. *Dicit aliquis.* Et speciatim argumentum tertium, quod ab incredibili religione Judæorum erga sacros libros petitur, diserte probat, Judæorum malitia NE VERBUM fuisse unquam in Lege Hebræorum (h. e. Veteris Testamenti Scriptura) immutatum.

CAPUT III.

DE

TRANSLATIONE CHALDAICA.

I.

*Targum
non extat
in univer-
sam Scriptu-
ram.*

AIt Bellarminus, totam Scripturam veterem translata esse paraphrastica ex Hebræo in Chaldaicum. Sed hæc assertio (quæ etiam Pauli Fagii est, præfati in Pentateuchum Chaldaicum a se conversum, & Petri Galatini, lib. 1 de Arcanis Catholicæ veritatis cap. III,) idoneis testibus vix probabitur: cum sane de paraphrasi Codicis universi a Jonathane & Onkeloso adornata, cujus Fagius & Galatinus meminerunt, alium sileat historia, nec ullum umquam Targum in Esdram & Daniele visum sit: quemadmodum neque in Paralipomena tale extitit typis vulgatum, donec anno dñi MDC LXXX & LXXXIII, ex mscr. una cum versione Latina & Notis, Augustæ Vindelicorum edidit Dn. Matth. Frid. Beckius. Quod num idem illud sit, cujus mscr. in Bibliotheca Cantabrigiensi habetur, dispiciant, quibus facultas ad id & occasio superpetit. Meminit hujus Brianus Waltonus, Proleg. in Biblia polyglotta Anglicana XII, 15. *Extat*, inquit, in

in Bibliotheca Cantabrig. inter Erpenii libros, quos Academia donavit Dux Buckinghamius, Biblia Hebraica, cum annotationibus marginalibus, in librum Psalmorum, Job, Proverbiorum, partem priorem 1. Chronic. usq. ad cap. 22. v. 6. scriptis, ut ad finem notatur, anno Christi 1347. quando autem primum confecta, vel a quo auctore, nondum mihi constat. Sero admodum harum notitiam habui, postquam Biblia nostra absolvimus, idcirco specialem illarum descriptionem alius relinquimus. Videatur etiam de Erpeniano hoc codice Christ. Ravius diss. II, part. I Alcorani Arabico-Latini, sect. XXXVI, & Edmuudus Castellus in præfatione Lexici heptaglotti.

II. Deinde Cardinalis interpretem Onkelos eundem credit esse qui Aquila. Quo ipso enormem committit anachronismum. Etenim Aquila Ponticus, auctor celebris illius versionis Græcæ, sub Hadriano vixit & Antonino Pio; Onkelosum vero, Paraphrasten Chaldaicum, vixisse ante natum Christum, minimum ejus & Apostolorum tempore, communis est sententia. Videantur, ex Hebræis quidem R. Abraham Zachus, in Juchasin fol. 54. R. Asarias in Meor Enajim fol. 48 & R. David Gantz in Tzemach David, fol. 40. Ex Christianis vero Christophorus Helvicus; tract. de Chaldaicis Bibliorum paraphrasibus capite II, Johannes Buxtorfius de Abbreviaturis Hebraicis, abbr. אלא & אלא, ac præfatione Grammatices Chaldaeo-Syriacæ, Wilhelmus Schikardus in Bechinath Happeruschim, disput. II, Jo. Henr. Hottingerus in Thesauro Philologico lib. I, cap. III, sect. I, pag. 258. & sect. III, pag. 377. Bartho-

*Onkelos
non est idem
qui Aquila*

Iomæus Mayerus in Philologia sacra, parté II, cap. II, theor. IV, pag. 183. Waltonus loco paulo ante citato, num. IX, & proleg. IX, 19. nec non in dissertatione de Linguis Orientalibus, num. XXVII, Petrus Dan. Huetius de Interpretatione lib. II, cap. III, 6. aliique plurimi.

*Errores
quos in pa-
raphrasi On-
kelos repe-
ri ait Bell.
expendun-
tur.*

III. Amplius ex paraphrasi Onkelos in Penta-teuchum loca nonnulla profert Bellarminus, in quibus errasse ipsum, textumque originale non satis fideliter expressisse arbitratur. Quantumvis autem nec nos affirmare ausimus, rem acu semper tetigisse, interpretem isthunc, an tamen omnia illa, in quibus impegisse ipsum Cardinalis credit, revera hujusmodi sint, ut justam effugere censuram nequiverint, non præter rem disquiretur forte.

*Locus Gen.
4. 23. confi-
deratur.*

IV. Scilicet ubi primo dicam hoc nomine ei scribit, quod, cum Gen. IV, 23. in Hebræo habetur, Lamechum dixisse, se occidisse virum; cui Græca eti- am & Latina versio consentiant; ipse in sua transla- tione addat negationem, & sic contrarium sensum, reddat; respondet Junius, Paraphrastæ verba accipi- enda esse ἰσαριθμητικῶς, puta ut \aleph intelligatur esse po- situm pro \aleph , atque hac ratione nullam inter Hebrai- cum & Chaldaicum textum esse pugnam.

*Gretseri
contra Iuni-
um exceptio.
vol. 461.*

V. Et quamquam Gretserus heic, Bellarminum suum propugnare satagens, Junius, inquit, hoc ἰσαριθμητικῶς commentum non affirmare, sed probare debebat, Certe interpretibus Chaldaica paraphraseos non incidit; ut patet ex Bibliis Regiis, & aliis. Et quare non in- cidit, nisi quia nec dum in cerebro Junii satum & inde in lucem prolatum fueras? laterem tamen lavat im- portunus Apologeta.

VI. Etenim quid probare debuit Iunius? num, quod \aleph interdum sumatur interrogative pro $\aleph\aleph$? Id vero certissimum est; producitque hujus acceptio-
nis exempla inter alios in Lexico suo Valentinus Schindlerus (vide etiam quæ observamus infra cap. XII, 33.) aut num demonstrandum ipsi fuit, \aleph \aleph heic necessario capiendum interrogative? Sed nec Gretserus demonstrare potuit, non debere ita accipi. Nam quod ait, auctoribus, qui exhibitam in opere Regio versionem Chaldaicæ paraphraseos Latinam adornarunt, id non incidisse, atque hinc conficere vult, repudiandam esse sententiam Junii, sane nimis frivolum est. Neque enim illa versio præjudicare quidquam poterat Junio, viro in talibus versatissimo. Et solet utique non raro uni succurrere, quod non statim in mentem veniebat alteri. Interim si cui forte non arriserit Junii opinio, dici nihilominus potest, etiamsi verba Lamecho in translatione Onkelos tributa intelligantur negative, non tamen ipsum introduci ut qui simpliciter & absolute, virum se occidisse, neget; sed certo respectu; neget inquam, ita occidisse, ut vel sibi vel suæ posteritati damno id futurum sit & exitio. Sic enim dicitur locutus apud Chaldaum: *Non occidi virum, ne propter eum ego portem peccatum; neque adolescentulum disperdidi, ut propter eum consumatur semen meum.* Quæ non tam versionem nudam esse debere, quam liberiolem paraphrasin, sententiam potius quam singula Hebræi textus verba exprimentem, satis manifestum est.

VII. Porro ait Bellarminus, Gen. XXII, 18. & *Expenditur*

locus Græc.
22. 18.

alias aliquoties, cum Hebræus textus habeat: *Benedicentur בורעך in semine tuo omnes gentes terræ*; & concordet Græcus atque Latinus; quin Apostolus Gal. III, 16. observari jubeat promissiones Abrahæ factas & *semini* ejus, non *seminibus*: Onkelon contra adhibuisse heic numerum multitudinis, dum reddiderit: *benedicentur בריל בנך propter filios tuos*.

Bellarminus
Chaldaicæ
lingua endu.

III. Sed videntur sane hæc innuere, Bellarminum Chaldaicæ linguæ non satis fuisse gnarum, & unice heic respexisse ad versionem Latinam Ariæ Montani. Ecce enim בנך apud Chaldaeos plurale potius sit quam singulare? an forma nominis id jubet, num ratio affixi? neutrum dixerit vel prima Chaldaæ Grammatices qui callet rudimenta. Quin constat potius, Plurali numero, ut a Singulari (cujus affixum citra controversiam ך) secerneretur, affixum ך olim addi solitum, ut, v. c. in לעבדך, רעצנך, רעצנך, לשנאך, לערך, Dan. II, 4. 29. IV, 16. quamquam sine Jod legenda ea tradiderint Masoretæ. Ut ita. Singularem inter ac Pluralem, illius affixi ratione nulla supersit differentia. Unde & ipse Arias, qui hoc loco בנך pluraliter reddit, alibi, nempe Gen. III, 15. idem vertit in singulari, *filium tuum*. Atque hoc est, quod ait Iunius: *Hanc formam (בנך) accipiunt Chaldaei promiscue utroque numero*. Quæ verba Gresserius, Chaldaicorum æque ac Bellarminus perito, meræ fuerunt tenebræ. Hinc ridicule scribit, Iunio talia affirmanti refragari Apostolum Gal. III. Quasi nimirum Apostolus ibi neger, בנך apud Chaldaeos formam esse utriusque numeri!

Similiter
Gresserius.

col. 461.

De loco

IX. Amplius urget Bellarminus, Exodi XII, 43. quando

quando in textu Hebræo legatur, כל בן נכר, *Omnis filius alienigena non comedet ex eo*, agno videlicet Paschali, & concordet Græcus iterum ac Latinus, Chaldæam paraphrasin in odium Neophytorum posuisse, כלבן ישראל ראשתמר *Omnis filius israel destruetur*; quo nomine passim Judæi appellant qui ad fidem Christianam, relicto Iudaismo, convertantur. Ubi Junius: *Onkelos filium alieni Dei, id est, idololatram, interpretatus est, vel qui ad idololatriam desciveris. Atque huic illius interpretationi suffragatur verborum sequentium antithesis, nec sine exemplo est.*

x. Quidquid vero hujus: quantum ad nomen ראשתמר, testis est R. Elias Levita in Thisbite, fuisse id jam tum Antiochi Illustris tempore in usu, & generaliter de quibuscumque religionem mutantibus accipi. Quin fatetur ipse Bellarmini *ἑτερομαχῶν* Grefserus, designare voce isthac Iudæos quemvis in genere apostatam, sive ad idololatrias ille desciverit, sive ad Christianos. Unde non erat, cur præcise in Neophytorum odium voce illa Onkelon usum esse scriberet Bellarminus; qui nimirum supponit, Onkelosum esse Aquilam, indeque diu post CHRISTUM vixisse: in quo falli ipsum, jam supra num. II monuimus.

xi. Ulterius ait Cardinalis, Levit. x. 6. & XXI. *ראשיכם לא תפרעו*, *capita vestra non radetis seu nudabitis*, concordentq; Græcus & Latinus, Chaldæam paraphrasin contrarium reddere, nempe sic: לא תרבו פרע, *non multiplicabis comam.*

xii. Ubi dum Junius ait: *Nomen (פרע) est ab Hebræa matricis lingua significatione ductum: quasi dicat,*

cat, non multiplicabitis nudationem vel deglabrationem concedit equidem Grefserus, uti פָּרַע significat *denu- dare; discooperire*, sic nomen inde formatum פָּרַע, a quo Chaldaicum פָּרַע notare *nudationem*: putat ta- men, id nihil juvare Iunium, cum Hebræum פָּרַע e- tiam significet *casariam* seu *comam*. Quasi nimi- rum Iunio non sufficeret, Hebraicum פָּרַע, & conse- quenter, quod huic respondet, Chaldaicum פָּרַע, non semper & necessario notare *comam*, sed *nudationem* etiam. Dummodo enim hoc admittatur, facile tol- letur pugna illa & contradictio, quam inter Hebræ- um textum & Targum heic intercedere affirmat Bel- larminus. Nam quod dicit Grefserus, si Iuniana ex- plicatio locum inveniatur, secuturum, non absolute Deum prohibuisse ipsam rasuram seu nudationem capitis, sed tantum repetitionem seu iterationem e- jus; id cujuscumque etiam momenti esse credatur, Bellarmino certe, quatenus is contradictionem, quam Hebræum inter & Chaldaicum esse contendit, hypo- thesi illi, quod פָּרַע heic notet *comam*, superstruit, nihil omnino facit. Sed nolumus istis immorari diutius.

CAPUT IV.

DE

VERSIONE SYRIACA.

I.

De Syriaca
pugna origi-
ne & Chal-

Quæ hoc capite de origine linguæ Syriacæ, & e- iusdem a Chaldaico sermone discrepantia, aliis- que similis commatis, nescio quo consilio, differit
Bel-

SYRIACA:

41

*daica dif-
crepancia*

Bellarminus, nolumus, quod proprie huc non spectant, in operosam disquisitionem vocare. Videat de iis, qui voluerit, Waltoni dissertationem de Linguis Orientalibus, num. xxxiii, & prolegom. xiii in opus Anglicanum, Hottingeri Smegma Orientale, Edoardi Brerevodi Scrutinium linguarum capite ix, Georg. Amyræ Grammat. Syr. præludium, Buxtorffii præfationem Grammatices Chaldaico-Syriacæ, Andreæ Mafii Epistolam præliminarem Grammatices Syrac, Guidonis Fabricii præfationem in N. T. Syriacum, Joh. Casp. Myricæ præfationem Grammatices Syro-Chaldaicæ, Bartholomæi Mayeri partem ii Philologiae sacrae, Ant. Possevini Biblioth. lib. ii, cap. xvi, Augusti Pfeifferi Criticæ sacrae cap. x digressionem §. 3. seqq. ejusque Introductionem in Orientem disert. ii, & quos ibi citat, Postellum, Bibliandrum, Thes. Ambrosium, Durerum, Roccham, Gesnerum, Bezoldum, Th. Hayne.

11. Quod Veteris Testamenti Syriaci nullam mentionem injiciat Cardinalis, non adeo mirandum. Quantumvis enim id ipsius tempore in quorundam privatorum bibliothecis Europæis extaret manu exaratum, typis tamen non nisi ante paucos annos edit Michael de Jay, in splendido illo opere heptaglotto Parisiensi, usus præcipue heic opera celeberrimi istius Maronitæ, Gabrielis Sionitæ, qui primus Syriacum illum textum punctis vestivit (antea enim mss. omnia punctis vocalibus vel prorsus destituta erant, vel, si in una dictione punctum aliquod notatum esset, in alia erat omissum) & Latinam interpretationem adjunxit. Posthac eandem Syria-

*Etiam V. T
Syriace ex-
tata*

cam V. T. translationem, sed, accuratiorum miss. adminiculo, longe emendatiorem, suo etiam Anglicano Operi inseruit Clarissimus Waltonus, additis, quæ in Parisiensi editione deerant, libro Esther, Judith, Tobie, Epistola Ieremiæ, Baruch, historia Susannæ, Belis & Draconis, Cantico trium puerorum, II ac III Maccabæorum.

III. Et hæc quidem versio Syriaca (quam simplicem & antiquam appellant Maronitæ, quaque sola in officiis divinis utuntur) ex Hebræo expressa est. Præter eam vero datur alia quædam recentior ex Græco translata: de qua loquitur Andreas Masius, præfatus in Josuam, & ad quam digitum intendit Arias Montanus in admonitione ad lectorem versioni N. T. Syriacæ præmissa, ubi ait: *De Veteris Testamenti libris Syriacis non adeo laborandum, eo quod ex iis fragmentis, qua mihi videre contigit, illam sacrorum librorum partem non ex Hebraica & primæva lingua, sed ex Græca ab Origene permixta versione ad Syros esse translata cognoverim. Quibus verbis, inquit supra memorato loco Waltonus, duplicem errorem erravi vir alias doctissimus; tum quod non aliam habuisse Syros versionem scribat, quam qua ex Græco facta est, tum quod, ut magis deprimeret hanc versionem, dicat factam esse ex Græca ab Origene permixta versione: quorum neutrum verum esse, satis probatum est. Nam versionem habent ex Hebræo antiquissimam, quam in his Bibliis exhibemus: & illa, quam postea hauserunt ex Græco, non erat ex mixta aliqua, sed ex ea, quam in Origenis Hexaplis puram esse & genuinam, omnes veteres, imo ipse Hieronymus, uno ore affirmarunt.* Hæc Waltonus: quem

quem, qui plura de hoc argumento desiderat, consulere potest, eique jungere Hottingerum, lib. 1 The-
sauri Philologici, cap. iii, sect. 11, itemque Analect.
Historico-Theolog. dissert. 11, quæ est de Heptaplis
Parisiensibus, num. viii, seqq. Richardum Simonem
Historiæ Criticæ V. T. lib. 11, cap. xv, & Disquisit.
Critic. cap. xxi.

iv. Bellarminus, etiamsi parum auctoritatis
Novo Testamento Syriaco tribuit, adeo ut Latinam
quoque editionem præferre eidem non dubitet; (quod
quam bene fiat, auctores te docere poterunt modo
laudati) *unum tamen*, ipso iudice, *est, præter alia*,
ejus editionis commodum insigne; quod videlicet, *cum*
in titulis ac sectionibus capitum mentio fiat jejuniorum,
venerationis Crucis, precum pro defunctis, vigiliarum,
memoria Sanctorum, aliarumque ejusmodi rerum, quas
Lutherani tanquam Romani Pontificis traditiones dete-
stantur, apertissimi mendacii hac ipsa editio Lutheranos
convincit.

*Quantum
titulu & se-
ctionibus
capp. editio-
ni N. T.
Syriaca tri-
buendum.*

v. Sed, ut nihil de eo nunc dicamus, an illa
capitum summaria & additamenta Pontificiorum su-
perstitionibus ita absolute, ut Bellarminus quidem
existimat, patrocinentur, Protestantibus vero per o-
mnia adversentur (de quibus alibi) non erat sane,
cur de istis titulis & sectionibus tantopere gloriaretur,
sibi & Romanæ Ecclesiæ gratularetur Cardinalis.
Etenim Petrus Paulus Vergerius, olim Episcopus Justi-
nopolitanus, & duorum Pontificum per Germaniam
Legatus, quin & Ferdinando Regi adeo charus, ut
pro hujus filia Catharina, una cum Georgio, Mar-
chione Brandenburgico, & Johanne, Archiepiscopo

*Vergerii te-
stimonium.*

po Lundenſi, in baptiſmo fidejuberet; is, inquam, Vergerius, mirabili tandem occaſione (quam Iohannes Sleidanus libro xxi de ſtatu Religionis deſcribit) ad Proteſtantium Eccleſiam adductus, Dialogo iii adverſus Hoſium memorat, ſe domi habuiſſe Moſen Meridinzum, hominem natione Syrum, (qui Widmanſtadio, dum is Novum Teſtamentum Syriacum primus in Europa typis imprimi curaret, Viennæ adfuit) & ab eodem audiviſſe, Widmanſtadium præter Evangelium Syriaca lingua ſcriptum, habuiſſe ſecurum aliquot folia, etiam Syriacæ: ſed quæ ipſe Moſes aperte videret fuiſſe non multorum annorum: Widmanſtadium tamen ea quoque curaffe excuſi una cum ipſo Evangelio, teſtatumque fuiſſe in ſuis præſationibus, ea non multo poſt tempora Apoſtolorum ſcripta fuiſſe. Exhibuiſſe autem folia iſta indicem, qualem ſolent Papiſta affigere editionibus Novi Teſtamenti, hoc eſt, quodnam fragmentum Evangelii debeat legi in die dedicationis Templorum, in die mortuorum, in feſto Virginis, & aliorum Sanctorum. Hæc Vergerius, qui ſe ipſe vocat hominem in dignoſcendis Paparum fraudibus & inſidiis a xxx annis exercitatum, epiſtola ad Regem Poloniæ. Idem paulo poſt ait, fuiſſe, qui Widmanſtadio, quod minus ſincere cum indice iſthoc egiſſet, publico ſe ſcripto opponere in animo haberet; ſed, quia ſtatim poſt procuratam illam editionem Widmanſtadius obierit, conſilium eum mutaviſſe.

*Teſtimonium
Junii.*

vi. Porro de illis titulis ac ſectionibus capitum etiam Junius: *In veſuſtiſſimis exemplaribus Syriacis ne apex quidem comparet iſtarum rerum, in reſenſioribus multis adſcriptæ ſunt editiones iſtæ ad finem libri.*

librorum, idque aliena manu. Ubi quidem Gretse-
rus, Scilicet, inquit, Junius vetustiora Syriaci Testa-
menti exemplaria vidit quam Widmanstadius, Ferdi-
nandi Imp. Cancellarius inclitus, qui primus Syriacum
Testamentum typis descriptum evulgavit; & quam do-
ctissimus ille Guido Fabricius, interpret Syriaci textus,
ut & alii de Bibliis Regiis evulgatis bene meriti; qui nul-
lo in Codice descere viderunt, qua Calvinianus iste tam
acute vides in vetustissimis exemplaribus deesse. Ubi-
nam delitescunt illa vetustissima exemplaria? Sed re-
spondeat ei ipse Junius, qui in suo Speculario, ceu
vocat, vel Apologia pro Immanuele Tremellio ad-
versus Gilbertum Genebrardum, Tremellium intro-
ducit ita colloquentem: Ego, mi Genebrarde, non im-
probo editionem Viennensem: nam ad recentiorum Syro-
rum captum usumque tota accommodata est. — Veruntam-
en illud amplius diserte professus sum, mihi antiquum
exemplum illo antiquius e Bibliotheca Illustrissimi Prin-
cipis & Palatini Electoris obtigisse, vetustiore stylo, scri-
ptura, & forma. Ex hujus fide non voces solum aliquas
ad antiquioris linguae Syrorum normam revocaui, sed
lacunas etiam aliquos explevi, qua in Viennensi deside-
rabantur. Hoc tu ipse, ut cæcus vespertilio esses, ocn-
lis poses percipere. Itaque Viennense exemplum non sum se-
quutus, Genebrarde, ne erres, sed illud cum vetustiore
comparatum colui: quo nomine si tibi dolent oculi, a-
pud bonos certe & a malitia tua abhorrentes aliquam
gratiam inivero. Tu novam Syriacam præfers, ego an-
tiquiorem. Hac si non sapit palato tuo, sine alieno
sapere. Hoc dubio procul illud est exemplar Hei-

Responsio.

delbergense, quod extare, ante annos 1300 manu scriptum, præfatus in suam Grammaticam Arabicam Rutgerus Spey testatur.

CAPUT V.

DE

VERSIONIBUS GRÆCIS.

I.

Versio Græca, quam ante Alex. M. existisse putat Bell. filia creditur Baronio.

Credit, Clementis Alexandrini inductus auctoritate, Card. Bellarminus, ante celebrem illam translationem *τῆς* LXX existisse jam olim editionem Græcam, quæ scilicet, priusquam rerum potiretur Alexander Magnus, incertum quo auctore, prodierit, & ex qua Plato ceterique Philosophi non pauca hauserint.

II. Verum hanc editionem merū commentū esse, nec umquam fuisse in rerum natura, affirmare non dubitat Bellarmini Collega Card. Baronius, ad ann. Christi ccxxxi, 10. seqq. Et primo quidem urget testimonium Philonis, nominatissimi illius scriptoris Judæi, qui libro 11 de vita Moysis plane significat, ante perfectam versionem LXXviralem, Scripturam divinam, sine translatione in ullam aliam linguam, delituisse in penetralibus Hebræorum, eodem caractere & idiomate, quo initio fuerat scripta. Verba Philonis sunt: *Lex antiquitus scripta fuit lingua Chaldaica*, (Hebraicam eum linguam intelligere, notaverat jam supra Baronius ad ann. CLXXX, 11, quod Abraham Chaldaus fuerit, & Chaldaica illorum temporum lingua eadem esset cum Hebraica. Vide

*Testimoni-
um Philoni.*

& Hie.

& Hieronymum in Dan. 1. 4.) mansitque longo tempore in ea, quamdiu legis ipsius pulchritudo non est intellecta ab externis hominibus. Postquam autem ex quotidiano ejus usu etiam ad alienos sensus quidam permanavit, simul gloriosa quoque fama ubique terrarum increbuit, (nam honestis rebus ad tempus obesse potest invidia, illa autem se proferunt tandem suapte felicitate ingenii) extiterunt, qui indigne ferrent, has leges parvi tantum humani generis innotuisse, Gracas gentes nullum earum gustum cepisse: dederuntque operam, ut verterentur per idoneos interpretes. Id opus quia magnum erat, & reipublica utilissimum, non privatis hominibus obvenit, non mediocribus istis Principibus & Regulis; sed Regi omnium celebratissimo. Ptolemæus fuit Philadelphus cognomine, tertius ab Alexandro Egypti Rex.

III. Porro ad auctoritatem Iosephi, itidem scriptoris inter Hebræos nominatissimi, provocat Baronius; cujus verba, lib. XII Antiquit. Jud. cap. 11: Cæpit Ptolemæus Rex conferre cum Demetrio, rogans, qui factum sit, ut tam admirandarum legum nec Historicus ullus, nec Poëta mentionem feceris. Tunc Demetrius respondit, meminem ausum eam attingere, quam constaret divinam esse, & omni veneratione dignissimam: & punitos esse quosdam a caelesti numine, qui illam temere attrectare non sint veriti. Theopompum enim, volentem inde quadam suis scriptis inferere, mente motum fuisse diebus triginta, & per intervalla insaniam Deum placasse, facile conjicientem, qua morbi causa fuerit, atque etiam in somnis admonitum, hac ideo pati, quod fuisset circa res divinas curiosior, eaque voluisset proferre

Iosephi testi-
monium.

proferre profanis hominibus: quare cum a capto destitisset, sanam mentem ei fuisse redditam. Theodecti etiam Poeta, cum in quadam tragœdia velles aliquid e sacris libris admiscere, oculos glaucomate suffusos caligasse: & cum erratum agnovisset, exorato Deo redditam sibi aciem. Hæc Josephus. Unde colligit Cardinalis, nullam antea translationem extitisse umquam, cum alioqui ea non caruisset Demetrius, quippe qui tam ingentem librorum molem collegerat, ut nullus pene eorum, quorum notitia haberetur, reliquus esset. Quod si alicubi Scripturarum versio extitisset, in Ægypto inprimis illam reperiri oportuisse; siquidem in Ægyptum peregrinatos Platonem aliosque Philosophos, ibique res Hebræorum cognovisse, Clemens Alexandrinus, Lactantius, Eusebius, alique scriptores affirmant; ingentem etiam Judæorum multitudinem in Ægypto agere consuevisse, Philo testis sit.

*Testimoni-
um Aristæ,*

iv. Tandem Aristæ etiam locum proferat Baronius, quo ostendit, ea de causa inicum esse consilium accersendi Ierosolymam Interpretes Ebræos, quod, licet libri Judæorum innotuissent, nondum tamen, qui eos transtulissent, fuissent inventi. Aristæ verba sic habent: *Demetrius Phaleræus, cum Regia bibliotheca prepositus esset, diligenti cura elaborabat, ut ex universo orbe, quoad fieri posset, volumina compararet, distributis per opportuna loca hominibus, qui libros & emerent & transcriberent; quo studio demum perfecit, ut, quantum in se erat, impleveret Regis propositum. Nam presentibus nobis, cum ab eo peteretur, quos librorum millia congregasset, inquit: Rex, supra ducenta millia jam in bibliothecam redacta sunt, brevique numerum*

merum adimplebo, ut ad quingentorum millium summam ascendam. Nunciatur quoque mihi, Judæorum leges transcriptione dignas esse, & qua in Bibliotheca tua habeantur. Quid igitur obstat, ais, quod te hoc facere prohibeas? nonne omnia tibi in hunc usum prompta subiectaque sunt? Cum respondisset Demetrius, interpretatione opus, intercipiens Rex, scripturum se inquit ad Judæorum Pontificem, ut omnia perficiantur.

v. Ad Philosophos quod attinet, qui ex vetustissima illa Alexandri M. ætate antegressa Scripturarum versione nonnulla Judæorum dogmata hausisse creduntur, de iis ita judicat Baronius: *Qua Philosophi ex Judæis accepisse noscuntur, traditione potius, cum quid rogarent Judæos, ab eis mutuatos esse putamus. Sicut, cum quidam ex illis apud Gymnosophistas versati, qua ab illis audissent, didicerunt, non quidem quod ab eis libros accepissent; atque in Græcum sermonem convertissent. Sic igitur ex viva illos potius voce accepisse putandum, Judæo homine aliquid illis dictante & interpretante, quam ex aliqua scriptura Græce scripta, atque omnibus pervulgata. Quemadmodum Aristoteli accidisse tradit discipulus ejus Clearchus (ut refert Josephus) dum ait, ipsum usum fuisse Hebræo homine ad Scripturæ interpretationem: qua si Græco sermone tradita antea fuisset, quorsum illi opus interprete? Hac igitur me quidem magis permovet, quam Clementis Alexandrini auctoritas, asserentis, ante tempora Alexandri & regnum Persarum, Pentateuchum in Græcum sermonem fuisse conversum, ea nimirum tantummodo ratione, quod Philosophi ex Hebræorum scripturis aliqua accepisse noscantur. Sed hac absque divina Scriptura ver-*

Quomodo Judæorum dogmata innotuerint Philosophis gentilibus.

lib. 1. contra Apion.

Strom. lib. 1.

sione aliter accidere potuisse, jam diximus. Pergit Cardinalis: Quin & affirmare possumus, Philosophos ex aliis scriptoribus, qui profecuti sunt res Hebraorum, ea de Judaeorum institutis mutatos esse, ut ex Hecathæo Abderita, viro insigni, qui vixit temporibus Alexandri, & de ipsis Judæis integrum librum scripsit, ut tradit Josephus contra Apionem. Idem quoque testatur, historias Egyptiorum, Chaldaeorum, Phenicum, atque Græcorum, meminisse rerum Judaicarum: id ipsum prætississe ait etiam complures Græcos auctores, quos nominatim recenset: ut non adeo mirum sit, si per paucā quadam Philosophi ex Judæis accepisse dicantur. Nam ea ipsa, vel ab illis tradentibus, vel ex Græcis ipsis de Judæis scribentibus, aut Egyptiorum, vel Chaldaeorum, vel Phenicum historiis, absque aliqua divina Scriptura versione vulgata, didicisse per facile contigit: cum praesertim idem Hecathæus Abderita, quem citant Demetrius in Aristæa, atque Josephus, testetur, nullum Græcorum ausum fuisse attingere Scripturam Judaeorum, quod sacrosancta esset, nec profano ore tractari deberet: adeo ut, qui ante eum usi essent divina Scriptura, alio quopiam edifferente Judæo, vel alio aliquo modo (ut dictum est) eam visi sint accepisse. Sed & Justinus Martyr nullam aliam, quam septuaginta interpretum, antea factam esse translationem affirmat. His igitur permoti rationibus, concludit tandem Baronius, Philonem, Josephum, Aristæum, aliosque secuti, primam omnium ac principem dicimus divina Scriptura interpretationem, quæ a septuaginta duobus interpretibus, rogante Ptolemao Philadelpho, fuit divino elaborata consilio.

vi. Hæc adversus Card. Bellarmini hujusque pro

lib. 12. ad-
119. c. 2.

adversus
Gentiles.

propugnatoris Grefseri opinionem Card. Baronius. cum quo heic porro confer Dominicum Bannes in Thomæ, quæst. 1, artic. 119, Joh. d' Espeires de LXX Interpretibus tract. 11, disp. 11, dubio 111, Ludovicum Capellum libro 14 Critices sacræ, cap. 1, Brianum Waltonum proleg. 19 in Biblia Anglicana, num. vi. Unde non erat cur scriberet Grefserus: *Quis non potius fidem adhibeat Clementi Alexandrino, auctori vetustissimo, quam Witackero*, (qui scilicet & ipse versionem illam, quæ longe ante Philadelphi tempora extiterit, pro commento habet) *Novatori recentissimo?* Quasi nimirum solus Whitakerus is esset, qui translationem isthanc repudiaret, & non idipsum faceret similiter Baronius. Cum quo idem heic sentire recentiores plerosque, testatur ex schola Romana vir magnæ celebritatis Petr. Dan. Huetius, Demonstr. Evang. propos. 14, cap. xii. ubi *ab eruditissimis in utramque partem multum disputatam controversiam* (sic enim loquitur) an Scriptura S. jam ante Persici imperii excidium Græca lingua fuerit donata? allatis utriusque argumentis, ita decidit tandem, ut mediam amplectatur sententiam: puta, *non totum Pentateuchum, sed partes tantum quasdam ante Alexandrum Græce reditas fuisse.* Quod quibus rationibus probare nitatur, apud ipsum auctorem legi potest.

CAPUT IV.

DE

INTERPRETATIONE LXX SENIORUM.

I.

A Gens de versione LXXII Interpretum (quos LXX *Nam, quæ*

G 2

RUMIC.

do. apud Ge-
teros Legem
veritatis de-
monstratur 70.
do tota id
Scriptura
capiendum.

numero rotundo solemus appellare) Bellarminus, quæstionem inter alia movet, solumne Pentateuchum illi, an omnes V. T. libros verterint? affirmansque posterius, ad argumentum in contrarium afferri solitum, puta quod Aristæus libro de LXXII Interpp. Josephus præfatione in libros Antiquitatum, & libro XII Antiqu. cap. 11, Philo libro 11 de vita Mosis, solius Legis faciant mentionem, responderet, Aristæum nomine Legis non intelligere solum Pentateuchum, sed omnes libros sacros: cum a Lege, quæ liber erat præcipuus, omnes libri fuerint denominati: cujus rei documenta in ipso etiam sacro Codice extent: v. g. Ioh. X, 34. xv, 25. 1 Cor. xiv, 21.

Gretseri
sententia.
col. 470.

II. Verum ingenue heic Gretserus, *Ue*, inquit, Philoni, Aristæa, & ipsi Josepho, lib. 12. Antiquit. cap. 2. & lib. 2. contra Apionem, quibus locis de septuaginta Interpretibus agit, hac responsio accommodari queat, non video tamen, quomodo per eam satisfiat illi, quod Josephus scribit in præmio seu capite primo libri Antiquitatum: ubi expressè dicit, non totam Scripturam, sed solam legem fuisse à 70. Interpretibus translatam. Ais enim, se imitari velle scribendis Antiquitatum libris, & quidem ex Hebraorum monumentis, Græcè ab se conversis, liberalitatem & munificentiam summi Pontificis Eleazari; qui Ptolomæo Philadelpho Græcè, aliis non inviderit, quo minus fruerentur utilitate, quæ ex Hebraorum libris percipitur; addisque: καμαντῶ δὴ πέπειν ἐνόμισα, τὸ μὲν δεξιέρως μιμοῖσθαι τὸ μεγαλόφυχον, τῷ δὲ βασιλεῖ πολλὰς ὁμοίας ὑπελαβεῖν καὶ νῦν εἶναι φιλομαθούς. ἔδὲ γὰρ πᾶσι ἐκείνῳ ἔφη λαβεῖν τὴν αἰαχαφὴν, ἀλλ' αὐτὰ μόνα τὰ ἑρῶμα παρέδοσαν οἱ πεμφθέντες τῷ ἐ-
ξήση-

ἐξηγῶν πρὸς τὸ ἀλεξάνδρειαν. Mihi quoque convenire duxi, ut & Pontificis imitarer magnanimitatem, & multos etiamnum Regi illi discendi cupiditate similes inveniri existimarem. Quanquam ille non totam Scripturam adeptus est, sed sola illa, qua ad legem pertinent, tradiderunt ei, qui missi fuerant Alexandriam, interpretationis facienda gratia. Quibus verbis aperte satis testatur Josephus, non totam Scripturam, sed solam Mosaicam legem à 70. Interpret. fuisse versam. Et ita intellexit Josephum S. Hieronymus in Quæst. Hebraicis, his verbis: Accidis ad hoc quoque, quod Josephus, qui septuaginta Interpretum ponit historiam, quinque tantum ab eis libros Moysi translatos refert. Nec dubito, quin S. Hieronymus hæc scribens ad prædictum Josephi locum respexerit: qui in caput quintum Ezech. eandem sententiam non modo Josepho, sed & Aristea, & universa Iudeorum schola tribuit: quod etiam facis in cap. 2. Michea, Hæc Gretserus. Vide & Waltonum, Prolegomeno Biblico ix, ii.

iii. Tametsi quæ de cellulis, quibus inclusi fuerint Interpretes, miraculosa memorat Justinus, quique ejus narrationi assentiuntur tum præci tum recentiores scriptores non pauci, imprimis Pontificii, & inter hos, quamquam paulo timidius, ipse Card. Baronius, pro confictis habet Bellarminus, in illo nihilominus miraculum statuit, quod tot homines, simul conferendo, tam brevi tempore potuerint convenire in singulis sententiis transferendis. Ubi enim est multitudo, ait, diversitas iudiciorum evitari non potest, & vel nunquam conveniunt, vel non nisi post longas discussiones.

An miraculum, quod 72. eisdem dierum Spatio suam confecerint versionem.

17. Verum non præter rem dubitari posse videtur, an miraculo imputandum necessario, quod a tot viris LXXII dierum spatio, V. T. libri ex Hebræo in Græcum traducti sint sermonem. Etenim *vix* probabile est, omnes simul in unaquaque sectione vel libro vertendo laborasse; sed videntur potius totum opus inter se fuisse partiti, aliis hanc partem assignando, aliis illam; cumque singuli pensum suum, vel ejus portionem aliquam, confecissent, statis horis vel diebus convenisse: ubi singulorum elucubrationes reliquorum judicio submissæ, & si dubium aliquod occurebat, communi consilio explicatum, cunctisque mature perpensis & discussis, quod ab uno vel pluribus primo confectum fuerat, communi omnium suffragio approbatum, atque sic pro totius conventus versione receptum & evulgatum. Arridet hæc conjectura Iacobo Bonfrerio, Jesuitæ celeberrimo, cui, in Præloquiis Commentario in Pentateuchum præmissis, cap. xvi, sect. xvi, non sit verisimile, Interpretes omnes simul eodē tempore & momento eandem Scripturæ sententias esse interpretatos. Sed &, quod non eodem tempore, quo versionem adornabant, instituerint collationem, affirmat Nicolaus Serarius, itidem magni nominis Jesuita, Prolegom. Bibl. cap. xvi, quæst. x, *In una quadam Basilica, scribens, suas versiones rectè dicuntur contulisse; sed non eo tempore quo fiebant, verum postea quam facta jam essent, ut significant Aristæus & Iosephus.* Hoc ergo si ponatur, quis non videt, potuisse viros illos LXXII intra totidem dierum spatium sine miraculo omnes V. T. libros transferre? Fac enim, singulos dimidium capitis

pitis singulis diebus vertisse, (quod utique nullo negotio fieri poterat) totum opus, quod CMLXXV capitibus circumscribitur, singulis diebus capita xxxvi, interpretando, intra xxxix dies absolvere potuissent; qui non multum superant partem tertiam dierum LXXII. Reliquum vero tempus impendi poterat lectioni & examini eorum, quæ a singulis erant confecta, coram omnibus & ab omnibus instituto: ut ita tandem, post disceptationem de iis quæ dubia visa, & deliberationem maturam, quod communi suffragio ratum erat, pro omnium LXX opere haberetur. Videtis, qui pluribus hæc persequitur, & simul dubiis, quæ contra moveri poterant, occurrit, celeberrimum Waltonum, loco paulo ante memoraro, num. x.

v. In quaestione de auctoritate versionis *tal* LXX *De auctori-*
occupatus Bellarminus, *Certissimum esse debet, ait, 79. tate versionu*
Interpres optime transfulisse, & peculiari modo Spiritum 79 Interpp.
S. assistentem habuisse, ne qua in re errarent, ut non tam
INTERPRETES quàm PROPHETÆ fuisse videantur. Quæ
quidem si ita intellecta vult, ut eos, MORE SCRIPTORUM
CANONICORUM, non tam egisse, quam actos esse credat a
Spiritu sancto, ceu contendit ejus hyperaspistes Gre- col. 48.
serus, nos opponimus hoc argumentum:

Qui auctores debuerunt multum laborare in sua versione edenda, illi non adornarunt eandem, more scriptorum canonicorum.

At vero LXX Interpretes debuerunt multum laborare in sua versione edenda.

Ergo non adornarunt eandem more scriptorum canonicorum.

Major est ipsius Bellarmini, ut qui, libro II de Concilio-

ciliorum auctoritate cap. xii, *Scriptores sacri*, inquit, *non debuerunt multum laborare in suis libris edendis: satis enim erat, si laborarent scribendo, vel dictando, si edebant vaticinia, vel ad summum, revocando ad memoriam qua viderant vel audierant, & cogitarent verba quibus ea scriberent, si scribebant historias, vel epistolas, vel aliquod simile.* Confer quæ hanc in rem a nobis allata tract. de Canone, cap. xv, 7. Minor itidem ex Bellarmino plana; ut qui fatetur, LXX, antequam convenire potuerint in transferendo, necessum habuisse inter se conferre & disputare de re quolibet: quod utique sine singulari labore ac industria fieri non potuit. Unde & Hieronymus, epist. ciii, sive præfatione in Pentateuchum, observat, quod Aristæas & Iosephus interpretes illos, *in una basilica congregatos, CONTULISSE scribant, non PROPHETASSE.* Adde, quod narrat Philo, Seniores illos, considerantes apud se, *quantum opus esset*, divinas leges interpretari, cum nihil liceret vel auferre, vel apponere, vel transponere, sed primam ideam formamque servare, observasse insulam quandam sibi oportunitatem, ibidemque mansisse, quod hunc locum judicarent omnium esse optimum.

*Resp. ad arg.
1 Bell. pro
auctoritate
Versionis
70 & Vulg.*

VI. Quæ pro sententia sua firmanda Cardinalis assert, parum habet roboris. Provocat nimirum primo ad testimonium Aristæi, Philonis, Iosephi, Iustini, Irenæi, Eusebii, Clementis Alexandrini, Epiphani, Chrysostomi, Cyrilli, Tertulliani, Augustini, Hilarii, ceterorum omnium, ipsiusque adeo Hieronymi.

VII. Verum utur prisca Doctores plerique, Spiritum

ritum sanctum peculiari quodam modo LXX Interpretibus adstitisse affirmant, more tamen scriptorum canonicorum ab eodem illos fuisse actos non ajunt. Quin potius Augustinus, qui alias præ reliquis Patribus extollere hanc translationem satagit, epistola XIX, ad Hieronymum, *Ego, ait, solis eîs Scripturarum libris, qui jam Canonici appellantur, didici hunc timorem honoremque deferre, ut nullum eorum auctorem scribendo aliquid errasse firmissime credam. — Alios autem ita lego, ut, quantalibet sanctitate doctrinaque prapollcant, non ideo verum putem quia ipsi ita senserunt, sed quia mihi vel per illos auctores canonicos, vel probabili (proba ac firma) ratione, quod a vero non abhorreat, persuadere potuerunt.* Quod si ita, si inquam, SOLOS librorum canonicorum AUCTORES & CONSCRIPTORES ab errandi periculo immunes credidit Augustinus, non potuit certe infallibilitatem tribuisse LXX Senioribus, ut qui non auctores fuere & conscriptores librorum canonicorum, sed eorumdem solummodo translatores. Ac notentur amplius, quæ eodem loco habet venerabilis Doctor: *Si aliquid in eis offendero literis (sacris canonicis) quod videtur contrarium veritati, nihil aliud, quam, vel mendosum esse codicem, vel INTERPRETEM NON ASSEQUUTUM ESSE QUOD DICTUM EST, vel me minime intellexisse, non ambigam.* Quinam, obsecro illi erant interpretes, de quibus suspicari potuit Augustinus, aliquando non fuisse assecutos quod dictum est, puta in fonte? annon utebatur etiam versione Græca τῶν LXX? Ergo & hos potuisse in transferendo aberrare credidit.

ux. Ad Hieronymum quod atinet, tantum *Hieronymi*

H

abest,

abest, ut ille ἀναμαρτυρίας in vertendo τις ἐξεδόμεικον-
τα tribuat, ut potius, humano eos more translatione-
nem suam adornasse, non semel conceptis quasi ver-
bis asseveret. Sane Epistola cui, ad Desiderium, si-
ve præfatione in Pentateuchum, totus in eo est ut
hoc ostendat. Responsurus videlicet ibi obrecta-
toribus, qui ipsum, de Hebræo in Latinam linguam
Scripturæ libros transfundentem, in LXX interpretum
sugillationem nova pro veteribus eudere cavillaban-
tur, primum urget, quod multa prætermiserint in
sua versione LXX, quæ extent in Hebræo: cuius, inquit,
causas ERRORIS non est meum exponere. Cum vero
opponi posse animadverteret, quod pro divina & in-
fallibili illorum translatorum auctoritate afferri solet
de cellulis miraculum; Nescio, ait, quis primus auctor
septuaginta cellulas Alexandria mendacio suo extruxe-
rit, quibus divisi, eadem scriptitarint: cum Aristeus,
Ptolomæi ἱερογlossιστῆς, & multo post tempore Josephus,
nihil tale reviderint, sed in una basilica congregatos
CONTVLISSE scribant, non PROPHETASSE. Aliud est
enim, inquit, VATEM, aliud est, esse INTERPRETEM. Ibi
Spiritus ventura prædicis; hic ERUDITIO & verborum
copia EA QUÆ INTELLIGIT, transfert. Nisi putandus est
Tullius Oeconomicon Xenophontis, & Platonis Protagoram,
& Demosthenis pro Cresiphonte, afflatus Rhetorico spiri-
tu transulisse; aut aliter de eisdem libris per septuagin-
ta Interpretes, aliter per Apostolos Spiritus sanctus te-
stifonia texuit, ut, quod illi tacuerunt, hi scriptum es-
se mensi sint. & mox, de iisdem rursus Senioribus
loquens, illi interpretati sunt, scribit, ante adventum
Christi, & QUOD NESCIEBANT, DUBIIS PROTHLERE
SEN-

SENTENTIIS: nos vero, post passionem & resurrectionem ejus, non tam prophetiam, quam historiam scribimus. Aliter enim audita, aliter visa narrantur. Quod MELIUS INTELLIGIMUS, MELIUS ET PROFERIMUS. Audi igitur, amule, concludit tandem Hieronymus, obsecrator auscultat. Non damno, non reprehendo Septuaginta, sed confidenter CUNCTIS HLLIS APOSTOLOS PRÆPERO. Per istorum os mihi CHRISTUS sonat: quos ante Prophetas inter spiritalia charismata positos lego, in quibus ultimum pene gradum interpretes tenent. Ubi vides, errorem LXX interpretibus tribuere Hieronymum, quod nimirum omiserint in sua versione nonnulla, quæ in Hebræo codice extent, & in N. T. citentur; vides, disturbare eundem LXX cellulas, (quod etiam facit præfatione CVII, in Paralipomena) quibus potissimum alioquin superstrui solet auctoritas illorum Seniorum; vides, affirmare ipsum, quod non prophetarint LXX, cum contulisse dicantur Aristæ & Josepho; quod eruditionis adminiculo translationem suam concinnarint; quod transtulerint quæ intellexerint; quod quædam nesciverint, illaque propterea, dubiis protulerint sententiis; quod nos in N. T. melius intelligamus mysteria fidei, indeque & melius proferamus, quam in V. T. intellexerint & protulerint LXX. Vides porro, secundum Hieronymum, ni Spiritus sanctus a seipso dissensisse credi debeat, dum scilicet locutus per Apostolos, in V. T. scripta esse dixerit, quæ, locutus per LXX, ibidem scripta negaverit, Hieronymus illam stricte acceptam LXX tribui non posse. Tandem vides, non alio loco esse LXX Hieronymo, quam quo sunt interpretes, de quibus Apostolus 1

1 Cor. 12.
28. h.

Cor. xii, 30. Quin observetur, quod eos compareret cum interpretibus profanis, qualis Cicero; translator Oeconomici Xenophontis. Et hucusque de isto Hieronymi loco: quo cum confer, quæ habet idem epistola c1, ad Pammachium, de optimo genere interpretandi. Notans nimirum ibi, verba Osæ xi, 1. aliter a LXX in Græcum sermonem fuisse traducta, quam leguntur in Hebræo, *Num omnino repudiandi sunt*, ait, *quia istum locum, qui ad CHRISTI maxime pertinet sacramentum, aliter transtulerunt? audanda potius venia ut hominibus, juxta Iacobi sententiam, dicentis: Multa peccamus omnes; &: Si quis in verbo non offendit, iste perfectus est vir, potens refræmare omne corpus.* Sic etiam alibi videmus eum libere errores & lapsus *ὧς ἰεδομήκοντα* obijcere. v. gr. commentans in Os. ix, 6. *Quod, inquit, in LXX dicitur: Sepeliet eos Machmas; in Hebræo non habetur; sed מַחֲמַד quod appellatur desiderabile. Ex quo perspicuum est, FALSOS EOS ESSE similitudine literarum י & מ, & pro Machmad, quod omnes desiderabile transtulerunt, putasse Machmas, Egypti civitatem. & mox, ubi iterum pro eo quod in fonte est, מַחֲמַד, LXX habent: & κακωθήσεται, errorem id vocat solitum. Similia legas passim alibi.*

Locus i quo Hieronymum peculiarem Sp. S. assensum 70 tribuere putat Bell. expenditur.

ix. Sed obijcit Bellarminus, Hieronymum tamen præfatione i in Paralip. scribere, *si versio LXX integra haberetur; ut ab eis edita fuit, frustra se laboraturum in Bibliis transferendis.*

x. Resp. Integer Hieronymi locus hic est: *Si Septuaginta interpretum pura, & ut ab eis in Græcum versa est, editio permaneret, superflue me, Chremati, Episco-*

Episcoporum sanctissime atque doctissime, impelleres, ut Hebræa volumina Latino sermone transferrem. Quod enim semel aures hominum occupaveras, & nascentis Ecclesiæ roboraveras fidem, justum erat etiam nostro silentio comprobari. Nunc vero, cum, pro varietate regionum, diversa ferantur exemplaria, & germana illa antiquaque translatio corrupta sit atque violata, nostri arbitrii putas, aut e pluribus iudicare, quid verum sit, aut novum opus in veteri opere cudere. Quid hinc elicies, obsecro, pro ἀναπαράμιος & auctoritate Prophetica Seniorum? Dicit Hieronymus, si translatio LXXviralis pura suo tempore extitisset, & pro ut a primis auctoribus fuerat profecta, noluisse se versionem Latinam ex Hebræo adornare. Addit causam: partim, quod illi Seniorum interpretationi jam assuevisset populus; partim, quod eam reverentiam meruisset editio, quæ primorum Christianorum roboraverat fidem; ut præ ceteris interpretationibus cunctis in Ecclesiâ obtineret. Quod ideo versionem aliam concionare noluisse, quia illa τῶν LXX interpretatio genulna viros Propheticos & falli nescios habuerit auctores, id nullo verbo innuit.

xi. Porro urget Cardinalis, quod idem Hieronymus Præfatione ii in Paralipomena dicat, Septuaginta interpretes, Spiritu sancto plenos, quæ vera sunt transtulisse.

Consideratur locus 2.

xii. Ceterum nec inde, Prophetico more eos scripserisse, colligendum. Nam & Gaudentius, v. g. Brixienſis Episcopus, tractatu de ordinatione sua, de Ambrosio, qui rum aderat, Loquetur, inquit, SPIRITU SANCTO, Quo PLENUS est, & flumina de ventre

ejus fluent aqua viva. Ac solent alias quoque Patres Ecclesiæ vetusti has similesque phrasēs: *a Spiritu sancto suggeri, dici, dictari, inspirari*, significatu interdum capere adeo laxo, ut de iis etiam, quos ex speciali *nonnovista* scripsisse non credunt, illas usurpent. Videlis quæ hanc in rem notavimus Tractatu de Canone, capite iix, 6.

*Perpenditur
locus 3.*

xiii. Tandem & illud Bellarminus opponit, quod Hieronymus in Apologia contra Ruffinum libron affirmet, *se nunquam LXX interpretibus detrudere voluisse.*

xiv. Sed an inde sequitur, eum divinam ipsorum translationi auctoritatem tribuisse? Certe in hac ipsa, ad quam Cardinalis provocat, Apologia cuncta verbotenus repetit probatque Hieronymus, quæ præfatione sua in Pentateuchum de versione Lxxviri affeveraverat, supra in considerationē vocata. quibustantum abest ut *ἀναμνηστικῶς* translationi huic adscribat, ut potius contrarium inde pateat manifesto. Protestatur in Apologia anti-Ruffiniana Hieronymus, se non (ut criminabantur ejus obtrectatores) *in Septuaginta condemnationem Scripturas sanctas interpretatum*, nec eosdem *mordere & sugillare*; addit tamen diserte, non tantam ipsorum esse auctoritatem, quanta Apostolorum; hosque & Evangelistas Hebræum, textum sequi, non Græcum, quoties ab illo iste discrepat; quin ipsum Dominum atque Salvatorem, ubicumque Veteris Scripturæ meminit, de Hebraicis voluminibus ponere exempla.

*Responsio ad
argumen-*

xv. Ex qua ipsa Hieronymi assertionē, quæ sub finem Apologiæ habetur, simul responsio patere potest

test ad argumentum Bellarmini secundum, quod pro
authenticæ translationis LXXvialis urget; inde videlicet
 petitum, *quod Apostoli hac versione frequenter utantur,*
ut ex eorum citationibus pascat. Si enim ideo dicta
 translatione in citationibus suis uterentur Apostoli,
 quod divinæ illam auctoritatis esse credant, cur non
 semper & ubique ea uterentur? Id vero nequaquam
 fieri, testis est Hieronymus, eo ipso, de quo jamjam
 agebamus, loco. Sed dabimus illum nunc integrum.

Apostolici viri, inquit, Scripturis utuntur Hebraicis :
ipso Apostolos & Evangelistas hos fecisse perspicuum
est. Dominus atq. Salvator, ubicunq. Veteris Scriptu-
ra meminit, de Hebraicis voluminibus ponit exempla;
ut est illud: Qui credit in me, sicut Scriptura dicit,

Job. 7. 12.

flumina de ventre ejus fluent aquæ vivæ. & in ipsa
cruce: אלי אלי למה עזבתני Eli, Eli, lamma azavtani
quod interpretatur : Deus meus, Deus meus, quare

Psal. 22; 2.

me dereliquisti? non, ut à Septuaginta positum est,
Deus meus, Deus meus, respice in me; quare me
dereliquisti? & multa his similia. Nec hoc dicimus,
quod Septuaginta interpretes fugilemus; sed quod Apo-
stolorum & Christi major sit auctoritas; & ubicunq.
Septuaginta ab Hebræo non discordant, ibi Apostolos de
interpretatione eorum exempla sumpsisse; ubi vero discre-
pant, id posuisse in Græco, quod apud Hebræos didicerant.

Confer epistolam c1, ad Pammachium, de optimo
 genere interpretandi, epist. c11, ad Algasiam, quæst.
 11, præfationem cvii, quæ est prior in Paralipomena,
 præfationem cix, in Esdram & Nehemiam, præfatio-
 nem in lib. xv & xvi Commentariorum Esaiæ, præ-
 mium Quæstionum Hebraicarum in Genesin, Com-
 ment,

ment. in Malach. III. 3. Non ergo propterea versione *πῶς* LXX in citatione V. T. usi sunt Apostoli, quod pro *Ἰεσους* illam habuerint, sed ut accommodarent se iis, quos instruendos susceperant. Cum enim Græce scriberent, facile usi sunt ea editione quæ tum sola Græcis erat cognita.

*Resp. ad Bell.
arg. 3.*

xvi. Tertium Bellarmini argumentum, si in iusta forma proponatur, hoc est:

Quam interpretationem Catholica Ecclesia multis seculis secuta fuit, illa authentica est & *Ἰεσους*.

Atqui interpretationem LXXviralem Catholica Ecclesia multis seculis secuta fuit.

Ergo interpretatio illa authentica est & *Ἰεσους*.

xvii. Resp. Majorem hujus argumenti non posse admitti, inde patet manifestissime, quod Catholica Ecclesia etiam secuta est interpretationem Theodotionis, saltem quantum ad Prophetam Danielem; uti passim inculcat Hieronymus. Vide inter alia ejus præfationem in Josue, Comment. ad Ezech. III, 14. Apolog. adversus Ruffinum lib. II, circa finem. Quam tamen Theodotionis versionem nemo propterea authenticam dixerit & *Ἰεσους*, utpote perfectam ab homine, qui primum Hæreticus fuit, ex impio nempe Marcionitarum grege, post ad Iudaismum accessit, & tum, Hebrææ linguæ notitiam nactus, Scripturis vertendis manum admovit. Unde simul patet, neque veram esse propositionem Minorem; Ecclesiam multis seculis secutam esse interpretationem LXXviralem, puta genuinam illam ac intemeratam. Nam, ut dixi, testatur Hieronymus, in Eccle-

Ecclesia Danielem fuisse lectum ex Theodotionis, non autem e Lxx Seniorum editione. Quibus accedit, quod Origenes, versionem τῶν Lxx cum Hebræo textu conferens, & non parvam discrepantiam animadvertens, Senioribus Theodotionem miscuerit, adhibitis asteriscis ac obelis, quibus & quæ minus fuerant indicabantur, & quæ superfluebant, jugulabantur; ut, ipsomet Bellarmino iudice, *novam editionem fecisse videatur*. Quæ quidem tanta cunctorum approbatione est suscepta, ut brevi omnes Ecclesiarum bibliothecas repleverit; ceu rursus Hieronymus testatur, epistola LXXXIX, ad Augustinum. Adde, quod idem ille celeberrimus Doctor, prout Ecclesias Græcas trisariam distribuit, ita singulis suas editiones assignat, præfatione CVII, in Paralipomena; *Alexandria*, scribens; & *Egyptus in Septuaginta suis Hesychium laudans auctorem: Constantinopolis usque Antiochiam Luciani Martyris exemplaria probat; media inter has provincia Palaestinos codices legunt, quos ab Origene elaboratos Eusebius & Pamphilus vulgaverunt: totiusque orbis hac inter se trisaria varietate compugnat*. Applica porro huc quæ monemus infra cap. x, §. 4. Atque tandem de versione τῶν Lxx.

CAPUT VII.

DE

TEXTU GRÆCO NOVI TESTAMENTI.

I.

DE auctoribus Græcæ N. T. editionis agens Bellarminus

laminis; Constat, inquit, Testamentum Novum Græcè scriptum esse ab iis Apostolis vel Evangelistis, quorum nomina in titulis singulorum librorum vel Epistolarum præfiguntur; exceptis duntaxat Evangelio Matthæi, & Marci, & Epistola ad Hebræos.

De Evange-
lio Matthæi
& Epistola
ad Hebræos
Hebraice
scriptis.

II. Et sane Evangelium Matthæi ac Epistolam ad Hebræos sermone Hebraico primitus fuisse conscripta, veterum plerique affirmant. Neque tamen desunt, etiam ex ipsismet Pontificiis, quos in contrariam heic ire sententiam videas. Ita Martinus Martinecz, Theologus Hispanus, libro i Hypotyposeon Theologicarum, capite vi, Irenæus, ait, & innumeri alii autumant, Matthæi Evangelium Ebraicè fuisse scriptum: Epistolam quoq; ad Ebræos Ebraico idiomate in lucem produsse, multi viri ingenio præstantes affirmant. Ab utrorumque iudicio libenter discedere non verebor. Similiter Stapletoni dicta vox est, in Relectione Principiorum, contr. v, art. iv; Apostoli omnes non nisi Græcè scripserunt. & post: Apostoli & Evangelista solum Græcè scripserunt. Adde, qui eisdem Hebraica lingua Evangelium Matthæi primitus editum, negat, Card. Cajetanum. Ut de Erasmo nihil dicam, qui & ipse ad Matth. ix, non sibi fieri verisimile ait, Matthæum Hebraicè scripsisse.

III. Et ne temere ac sine ratione de Hebræo textu dubitare videantur hi auctores, Cajetanus urget, quod voces Hebrææ apud Matthæum occurrentes, ut *Immanuel*, cap. i, 23. & i, cap. xxvii, 46. explicantur idiomate Græco; Non poterat, inquiens, Hebraica editio interpretari; nec debuit ullus interpres, ut patet exemplo aliarum versionum. uti Erasmus id movet, quod nemo refertur,

se vidisse nullum illius Hebraici voluminis vestigium: siquidem illud quod Nazæorum vocans, nec Hebraicè scriptum testetur Hieronymus, sed Chaldaicè, formulis duntaxat Hebraicis, inter apocrypha censetur.

IV. Et certe quæ pro *αὐθις* primo intuitu facere heic videntur testimonia, si attentius consideres, rem nullo modo conficiunt. Nempe Eusebius Histor. Eccl. lib. v, cap. x, ὁ Πανταίου, inquit, καὶ εἰς Ἰνδοὺς ἐλθὲν λόγῳ ἐν τῷ λόγῳ ἐπαῖν αὐτὸν περὶ τῆς αὐτοῦ περὶ τὸν Ματθαίου εὐαγγέλιον ὡς ποτὶ αὐτῷ ἔχει ἐπισημασμένον οἷς Βαρθολομαῖον, τῷ Ἀποστόλῳ ἐπὶ κηρύξαι αὐτοῖς τὴν ἐβραϊκὴν γράμματα, ἢ τὸν Ματθαίου καταλείψαι γραφὴν ἢ καὶ σώζειν εἰς τὸ δηλωμένον χρόνον. Quæ ita transtulit Henricus Valesius: *Pantænus ad Indos usque penetrasse dicitur, ibique Evangelium Matthæi, quod aduentum ipsius iam prævenerat, apud quosdam CHRISTI notitia imbutos reperisse: quibus, scilicet Bartholomæum, unum ex duodecim Apostolis, olim, ut fama est, prædicaverat, & Evangelium Matthæi Hebraicis conscriptum licetis reliquerat: quod quidem ad prædicta usque tempora servatum esse memoratur.* Ruffinus postrema Eusebii verba perperam sic accepit, quasi Pantænus, ex India reversus, illud Matthæi Evangelium Hebraicum Alexandriam secum detulisset. Quod ipsum etiam in suo scriptorum Eccles. catalogo affirmat, ubi de Pantæno agit, Hieronymus. Ac longe rectius Eusebii mentem assecutus est Nicephorus, Hebraicum istud apud Indos reperiunt Evangelium ἐκ μακρόν ποτε ἐλθὲν τὸ χρόνον ἔκ πρώτης γράμματος ἀκριβοῦς Ἀποστόλων τῶν κατὰ κράτος appellans, lib. iv Historiæ Eccl. cap. xxxii.

v. Enimvero Alexandriam ex India translatum esse Hebræum Matthæi Evangelium ut testetur Eusebius tantum abest, ut ne quidem in India repertum illud fuisse, certo affirmet. Nimirum Dicitur, ait, Pantænus Evangelium Matthæi apud Indos reperisse, FAMA EST, Bartholomæum Hebræicis conscriptum literis Evangelium hoc ibi reliquisse. Ejusmodi vero *ipse* nihil indubitati præ se ferunt & quod explorata veritatis sit. Imo ne quidem, quod ad Indos umquam pervenerit Pantænus, ex Eusebii testimonio certum est. Et si pervenit, si Hebræum ibi Evangelium reperit, unde ipsi constare potuit de auctore Matthæo? Indi id dixerunt, inquires. At vero etiam Syri constanter affirmant, Marcum esse auctorem Novi Testamenti Syriaci. quod tamen profalissimo habet Bellarminus. Et si exemplar illud Hebræicum indubitanter fuit Matthæi auctoris, cur, saltem postquam a Pantæno repertum, & (quod Rufinus ac Hieronymus addunt) Alexandriam translatum est, nemo plane Catholicorum eo usus fuit pro authentico, ne ipse quidem Hieronymus?

vi. Nec minus mirum, si in Bibliotheca, quæ Pamphili martyris cura apparata est, Cæsariensi *γρ-
αριον* extitit Hebræicum Matthæi Evangelium, ut memorat catalogus scriptorum, de Matthæo agens, Hieronymianus, quod ne verbo quidem de eo mentionem fecisset Eusebius, Cæsariensis Episcopus, idemque Pamphili intimus; qui tamen sæpius editionis Hebrææ meminuit, & ne illud quidem annotare prætermisit, utut fama tantummodo acceptum, quod in India Pantænus eam reperegit, cæu paulo ante dicebamus?

bamus? Quæras item merito: num exemplar istud Cæsariense ejusdem fuerit notæ cum eo quod habebant Nazaræi, an minus? Certe si fuit, Matthæo tribui non potest. Nazaræorum quippe editionem a textu Græco, quem pro *Ἰουδαίου* & authentico Ecclesia semper habuit, in multis diffidere, ipse passim atinotat Hieronymus: ut commentario in Matth. xii, 5, 13, xxvii, 16. Ephes. v, 4. catalogo item Scriptorum ecclesiasticorum, in Ignatio. Unde ab ipsismet etiam Pontificiis in apocryphorum classem refertur, v. g. a Baronio, ad ann. xli, 19. qui & absolute Nazarenorum Evangelium vocat, ad ann. xxxii, 4. Si non fuit, an ergo commatæ probatoris? Utique vero simile non est, Hieronymum in Nazaræorum editione ex Hebræo vertenda maluisse operam ponere (quod fecisse se testatur ad Matth. xii, 13. & libro de Scripturis, locis proxime citatis) quam in Cæsariensi, si majoris hæc auctoritatis fuisset ac fidei.

vii. Patrum antiquorum testimonia non temere rejicienda fateor. Sed tamen & hoc considerandum, primum testem, qui pro Hebræo Matthæi Evangelio laudatur, esse Papiam, auctorem sutilissimum, & qui, cum omnes traditionum fabellas mirifice amplecteretur, scriptisque mandaret, multis aliis Ecclesiæ Doctores, vetustate viri capitis, errandi occasionem dedit; uti refert Eusebius libro iii Historiæ Eccl. cap. ultimo. Et quis nescit, in talibus gravissimos etiam ex ultima antiquitate Patres, & ipsos hallucinari nonnunquam, & aliis item magnis viris, ut a vero aberrant, auctores fieri? Exemplo sit Justinus Martyr, scriptor ille, ut Tatiano

audie

audir, *ἡτοιμασμένη*. Refert is in Parænesi ad Gen-
 res, ubi de LXX illis divini Codicis Translatoribus
 agit, singulos interpretes singulis inclusos fuisse cel-
 lulis, & a singulis seorsum totam Veteris Testamen-
 ti Scripturam iisdem verbis esse redditam: seque
 oculis suis cellularum istarum vestigia prope Alex-
 andriam vidisse. Iustinum heic secutos esse mul-
 tos, posteriorum temporum Doctores ecclesiasticos,
 Irenæum puta, Cyrillum Jerosolymitanum, Clemen-
 tem Alexandrinum, Augustinum, agnoscit Bellarmi-
 nus supra capite vi. ubi vero tantum abest, ut pro-
 pterea recte se habeat isthæc traditio, ut potius a-
 perte illam rideat, præfatus in Pentateuchum, Hie-
 ronymus, *Nescio*, scribens, *quis primus auctor septua-*
ginta cellulas Alexandria mendacio suo extruxeris; i-
 pleque Bellarminus, quod pro fabula a Judæis confi-
 cta eam habeat, his aperte verbis profiteatur, l. c.
Quod Iustino, Judæi fabulam à se confictam persuasérunt,
& quasdam ruinas ostendentes, cellulas esse dixerunt septu-
aginta interpretum, facile fieri posuit: nec minus facile,
ut Iustino viro sancto, fidem tribuerint aliqui posteri-
ores. Sed de Matthæi Evangelio satis.

De Evange-
lio Marci La-
tino,

ad ann. 367.
p. 848.

II. Quod porro ad Marci Evangelium Latine
 originaliter scriptum attinet, de eo profundum est
 in universa antiquitate silentium. Quod enim ad
 Damasi Pontificale Bellarminus provocat, ipsemet
 sibi respondeat ex opusculo de Scriptoribus Ecclesi-
 asticis; ubi disertè, *Liber ille*, inquit, *est Anastassi Bibli-*
othecarii, non Damasi, ut notum est. Anastasio autem
 huic, scriptori noni seculi, opponimus duo illa anti-
 quitatis lumina, Hieronymum & Augustinum: quo-
 rum

rum ille, præfatione cxxiii, in quatuor Evangelia, ad Damafum, *De Novo*, ait, *nunc loquor Testamento, quod Græcum esse non dubium est, excepto Apostolo Matthæo: iste libro i de Consensu Evangelistarum cap. ii: Horum sane quatuor solus Matthæus Hebræo scripsisse perhibetur eloquio, ceteri Græco.* Imo hanc constantissimam apud omnes veteres opinionem esse, agnoscit Jesuita celeberrimus, Iohannes Maldonatus, Commentar. in Matthæum prolegom. cap. v. Unde Cardd. Bellarmini & Baronii de Latino Marci Evangelio sententiam rejicit ex ipsis Pontificiis Ludovicus de Tena, libro iii Isagog. diffic. vi; & Martinez, loco paulo antè citato, errorem notat in Ioanne Cantacuzeno, (illo, qui, factus ex Imperatore Græco Monachus, iv pro fide Christiana Apologias ad Sampsatem Isphachanen Persam edidit) quod in Apologia iv Evangelium Marci Latine fuisse scriptum affirmet. Porro Sixtus etiam Senensis, libro i Bibliothecæ, de Marco testatur, quod, *rogatus Roma a fratribus, juxta id quod Petrum referentem audieras, breve GRÆCO SERMONE scripseris Evangelium.* Idem statuunt Laur. Valla, & Card. Cajetanus, nec non Stapletonus, dum omnes Apostolos Græce scripsisse ait, loco paulo ante laudato; ac Jac. Ledesma, quando tractat. de Scriptura in linguas vulgares non transferenda, *Constat*, inquit, *Apostolos Græce tantum aut Hebraice Evangelium conscripsisse.* Sed & Menochius, præfatione An. notat. in Biblia, cap. ix, fatetur, non esse certissimum, quod Latine Evangelium suum Romæ Marcus ediderit, cum Romani Græcæ linguæ studiosi fuerint, ut nunc plerique Latini. Adde Benedictum

Justi.

Justinianum, qui commentans in 1 Cor. x, 25. ostendit, quod *penitus* nullo argumento nitantur ii, qui idcirco putant, Marcum Latine Evangelium scripsisse, quia voces Latina in eo leguntur; (ut videlicet Baronius, ad annum XLV, 41.) cum *ipso* modo Latine scripserint *Matthæus, Marcus, Johannes, Paulus*. Nec videtur ipse Bellarminus alibi huic opinioni multum tribuere. Nam infra cap. xv, §. Probatur secundo, ita loquitur: *Apostoli scripserunt tantum Hebraice, aut Græce, & ut QUIDAM VOLUNT, Latine. SUNT ENIM QUI EXISTIMENT, Marci Evangelium Latine scriptum Roma ab ipso Marco.* Ubi certe nihil affirmare audet; sed tantummodo, quid aliis nonnullis videatur, recenset. Quanto autem modestior in hac quæstione & timidior Bellarminus, tanto impudentior est ac audacior ejus Apologeta Gretserus. Ubi enim uerferat Hunnius, si unquam, extitisset Evangelium Marci Latine ab ipso auctore scriptum, non permissuram fuisse Ecclesiam primitivam, ut interiret, sed, tamquam textum authenticum, majori cura id asservaturam quam editionem Græcam: ubi, inquam, ita noster ille, *Unde compertum Hunnio*, ait Gretserus, *primigenium Latinum exemplar penitus interuisse? Certe non desunt qui affirmant, asservari Venetiis inter S. Marci cimelia, ut notat Genebrardus & Baronius.* Non erubescit, ecce, ad exemplar Latinum primigenium, quod Venetiis asservari credat qui cerebrum gerit in calcaneo, provocare audacissimus Bellarmini hyperaspistes, cum ipsiusmet Bellarmini aperta sit & rotunda confessio, loco jamjam citato: *Nullum exstat vestigium ullius scripti Apostolici, nisi Græce,*

ix. Quan-

IX. Quantumvis autem, ut ante memoravimus, Evangelium Matthæi & Marci, Epistolam item ad Hebræos, Græca lingua originaliter scripta esse heic neget Bellarminus, (et si de Epistola ad Hebræos dubitanter mox loquitur, *Ab ipso Paulo GRÆCÆ SCRIPTAM esse ajens, vel certe ab Apostolico aliquo viro ex Hebraico sermone in Græcum esse translatam*) concedit tamen asseveratque diserte, quod Græca editio Testamenti Novi UNIVERSA Apostolos & Evangelistas auctores habeat, indeque summa sit auctoritas. Atque ita Collega suo Baronio consideratio est; qui de Evangelio Matthæi loquens, ad annum xxxiv, 172. Dico, inquit, quod, Græcus textus cujus fidei sit, nisi collato cum Hebræo originali, affirmare non possumus. Quam absurdam ejus assertionem erudite, ut solet, examinat Isaacus Casaubonus, exercit. xvi, 115. cujus & præcedens exercitatio xv, 12, (ubi comma 18 capitis xvi. Matthæi expendit) in hanc rem videri potest.

X. Utur autem, ceu modo dicebamus, Græcam Novi Testamenti editionem summæ auctoritatis esse scribat Bellarminus, addit tamen e vestigio quandam veluti *ἰκνύσθων*, nisi forte constet, inquit, eam esse corruptam. & pergit: De qua re ita sentiendum censeo, ut supra de Hebraicis diximus; videlicet, non esse Græcos codices corruptos generaliter, nec tamen esse fontes purissimos, ut necessariò, quicquid ab eis dissentit, corrigendum sit, ut falsò existimant Calvinus, Major, Kemnitius, ceterique hujus temporis hæretici. itemque paulo post docet, quod Codices Græci non sine ubique incorrupti, sed aliqui interdum errores irrepara-

*Bell. Græcum
N. T. tex-
tum corru-
ptum esse
concedit.*

serint, saltem negligentia librorum, & non sit tutum, semper Latina ad Græca corrigere. — Quoiplo in faciem contradicit illi sacrorum fontium vindici dexterimo, S. Hieronymo, ut qui epistola cii, ad Marcellam, Novi Fœderis textum Græcum diserte vocat *fontem purissimum*, ad quem Latini codices, tanquam ad originem, revocandi; & præfatione cxxiii, in quatuor Evangelia, ad Damasum, *De Nova*, inquit, *nunc loquor Testamento.* — *Hoc certe cum in nostro sermone discordas, & in diversos rivulorum tramites ducis, uno DE FONTE querendum:* contradicit porro magno illi Doctore S. Augustino: qui libro ii de Doctrina Christiana, cap. xv, *Libros*, ait, *Novi Testamenti, si quid in latinis varietatibus situbat, Græcis cedere oportere non dubium est.* Confer eundem epistola lxx, ad Paulinum, epist. clix; ad Seleucianam, tractatu lxxi in Johannem; contradicit excellenti illi Dei dispensatori (ut libro i contra Julianum Pelagianum, cap. ii, eum vocat Augustinus) S. Ambrosio: qui libro ii de Spiritu sancto cap. vi, *Si quis*, inquit, *de Latinorum Codicum varietate contendit, quorum aliquos perfidi falsaverunt, Græcos inspicias codices.* Confer librum de Incarnationis sacramento cap. lxx, contradicit denique ipsismet Doctoribus Pontificiis nominatissimis: Ludovico Vivi; cujus verba, comment. ad Augustini librum xiv de Civ. Dei cap. lxx: *Otiolum nimis esset, ut puto, multis verbis persuadere velle, cum de sensu aut integritate verborum Evangelii Latini dubitatur, ad fontem ipsum recurrendum, ad Græca exemplaria, qua lingua Apostoli scripsere.* Hoc Hieronymus clamat, hoc Augustinus hic admonet & præcipis exemplo suo

suo; Thomæ Moro, qui in epistola ad Dorpium: *Ecclesia credit translationi Latine, sed magis archetypo. Credit Evangelium in Latinis esse verum, quatenus cum Græcis consentit.* Addeſis quæ jam tum notavimus supra capite II, 3.

xi. Sed age, videamus exempla, quibus plenum fieri putat Bellarminus, quod non sit tutum, semper Latina ad Græca corrigere. Primus locus, quem producit, habetur I Cor. xv, 47. ubi legendum esse ait cum vulgato Latino: *Primus homo de terra terrenus; secundus homo de cælo celestis*; cum tamen Græci constanter legant: *ὁ δὲ ἄνθρωπος ὁ πρῶτος ἐξ ἧρας*. Quam depravationem mansisse vitio scriptorum ex corruptionibus Marcionis, patere dicit ex Tertulliani libro v in Marcionem.

Locus I. Cor.
15. 47. ex-
ponitur.

xii. Et sane negare non ausim, Tertullianum citato loco, capite x, Marcioni objicere, quod comma illud Paulinum depravarit. Postquam enim dixerat, stultissimum hæreticum (sic appellat Marcionem) ei, quod Apostolus habet comm. 45. *novissimus Adam*, (ἐξαρτ. 'Αδάμ) substituisse: *Dominus novissimus*; hancque corruptionem redarguerat; e vestigio subjungit: *Eodem modo & in nomine HOMINIS revincetur. Primus, inquit, homo de humo terrenus, secundus, Dominus de cælo. Quare secundus, si non homo, quod & primus? aut numquid & primus Dominus, si & secundus?* (ita legitur in omnibus, quas mihi quidem videre contigit, editionibus; ut mirari subeat Erbermanni oscitantiam simul ac imprudentiam, Amesium, postrema illa verba: *numquid & primus Dominus, si & secundus?* citantem, insimulantis, quod

Tertulliani
Verba ex-
plicatur.

Erbermanni
id est, in
P. 17.

Tertullianum interpolare non dubitaverit) ubi nihil eum velle aliud res ipsa loquitur, quam, oppositionem Apostolicam id evincere, ut, siquidem in priori commatis membro mentio facta *primi* (non *Dominici*, sed) *hominis*, mentio item in membro posteriori debeat fieri *secundi* (non *Domini*, sed) *hominis*. Unde palam est, quando verba Apostoli ad eum modum Tertullianus, ceu paulo ante ex eodem recitavimus, allegat, non ex propria mente id ipsum facere, (uti quidem heic volunt nonnulli) sed ex mente Marcionis. Et constat insuper ex aliis ipsius scriptis, quod, eundem locum ex sua mente cum producit, vocem *Dominus* prætermittat. Sic libro de Carne Christi, cap. iix, *Legimus plane*, ait, *Primus homo de terra limo, secundus homo de cælo*; libro de resurrectione carnis, cap. xlix: *Primus, inquit Apostolus, homo de terra choicus, id est, limaceus, id est Adam; secundus homo de cælo, id est, sermo DEI, id est Christus.*

xiii. Utut autem hæc ita se habeant, utut, inquam, Tertullianus censeat, vocem *Dominus* ex Marcionis depravatione in textum Paulinum irrepsisse, num propterea certum id esse statim credemus? imo vero ne probabile quidem aut verosimile apparet, Marcionis tempore, ubi jam longe lateq; sparsa erant scripta Apostolica, tantam potuisse codicum corruptionem induci, ut nec unicum tandem exemplar Græcum ab ea intraminatum manserit. Etenim, quod Bellarminus fatetur ipsemet, *codices Græci CONSTANTER legunt, ὁ δὲ θεὸς ἀνθρώπος, κύριος ἰησοῦς χριστός.* Quomodo etiam Erasmus ad hunc locum, *Græci, ait, lectionem habent a nostra Latina diversam, idque CONSTANTER.*

Simi-

Similiter Beza. Er sane, si lectio, quam Græci codices tam constanter exhibent, genuina non esset; sed Marcionis depravationi originem deberet, quis crederet, illam secuturos fuisse Chrysostomum, Theophylactum, Damascenum de Orthodoxa fide libro III, cap. XII, imo ex ipso seculo III, S. Methodium martyrem, in Catena Oecumenio tribui vulgo solita? Ut taceam, quæ itidem textum, ut in nostris hodie Codicibus is habetur, exprimunt, translationem Syriacam. (de qua Franciscus Lucas Brugensis, scriptor apud Pontificios celeberrimus, præf. super N. T. comment. num VI, *Hoc teneo*, inquit, *indubitanter, Syriacum N. T. textum vetustissimæ exemplaris Græci, & quidem exprimis, loco habendum ac venerandum esse*,) & Arabicam. Adde, quod Epiphanius, dum loca Scripturæ a Marcione corrupta recenset, hæresi XLII, nullam omnino hujus mentionem facit de quo in præsentī agimus. Videtur proinde codex, quo usus est Tertullianus, pro *Dominus*, exhibuisse *homo*, indeque nata ipsi fuisse suspicio, quasi Marcion, qui aliter heic legebat, textum depravasset. Quamquam non adeo insolens in tractandis Scripturæ S. locis Tertulliani oscitantia. Vide, speciminis ergo, lib. II ad Nat. cap. IX, ubi historiam Josephi, ac lib. adversus Iudæos cap. V, ubi historiam Abelis & Caini narrat indiligentius.

*Tertulliani
in tractandis
Scripturis
oscitantia,*

xiv. Excipit Gretserus cum Erasmo, quod ita legans, ut habet vulgata Latina, *Hieronymus & Ambrosius; & magis respondeat illa lectio ad id quod præcessit: de terra terrenus.*

*Gretseri exceptio.
col. 497.*

xv. Sed quantum ad prius exceptionis hujus

membrum attinet, nihil inde concludi potest aliud, nisi quod exemplaria, quibus usi Hieronymus & Ambrosius, ita legerint ut habet vulgata Latina, quodque adeo varia olim lectio hujus loci fuerit. Quantum ad posterius, observari merentur quæ heic annotat Beza, *Multo, inquit, vehemens est antithesis Terreni & Domini, quam Terreni & Cælestis: quum multi sint res cælestes creatæ, Dominus autem dicatur qui summum in omnia imperium obtinet. Et si Paulus statim opposuisset Terrenum Cælesti, non emineret illa tanta qualitatum diversitas, sed unius tantum loci situs videretur significari. Hoc vero semel explicato, tum demum licuit Cælestem Terreno plane ac perspicue opponere, ut factum est duobus sequentibus versiculis. Notetur præterea, quod Alphonsus Salmeron, Jesuita celeberrimus, illam vulgatæ Latinæ lectionem, quam Bellarminus propugnat, hæreticis Marcionitis horumque similibus favere, quin originem iis suam debere, aperte fateatur: idque in Commentariis, quos ipsummet Bellarminus recognovisse & censuisse, jam supra cap. i. 4. monuimus. Adde insuper Jesuitam Alphonsum de Castro, libro iv adversus hæreses, tit. *Christus*.*

*1. Cor. I. Cor.
7. 33. seq.
consideratur*

xvi. Secundus locus, quem in fonte depravatum esse putat Bellarminus, extat 1. Cor. vii. 33. seq. ubi, cum vulgata Latina habeat: *Qui cum uxore est, sollicitus est quæ sunt mundi, quomodo placeat, uxori, & divisus est: mulier innupta & virgo cogitat quæ Domini sunt*; in Græco est: *ὁ γαμήσις μεμυῖσται τῷ κόσμῳ, πῶς δεῖσθαι τῇ γυναίκι. μεμύσται ἡ γυνὴ καὶ ἡ παρθένος*. Quam lectionem improbat Cardinalis, quod Hieronymus

nymus libro 1 contra Jovinianum affirmet, non esse eam Apostolicæ veritatis.

xvii. Sed neq; hæc ponderis habent quidquam. Etenim lectionem, quam Græcus noster textus exhibet, in omnibus vetustis suis codicibus, duobus tantum exceptis, se invenisse testatur Beza: nec aliam invenerunt in suis, e quibus variantes lectiones notarunt, Anglicani operis editores: eandem firmant Græca scholia, Chrysostomus, Basilii, Theophylactus, Tertullianus, Cyprianus, Ambrosius, Augustinus, Sedulius; uti Salmeron disp. xvi, Justinianus, Estius, Corn. a Lapide, ad h. l. observant & agnoscunt. Quin Hieronymus ipsemet ita legit ut Græci habent codices, epist. xxii, quæ est de Virginitate servanda, ad Eustochium, cap. ix, & libro adversus Helvidium cap. x. Quæ proinde loca duo opponimus uni illi quem Bellarminus urget ex libro 1 contra Jovinianum, ubi pro Virginitate Hieronymus disputat: in cuius favorem multa ei excidisse coacta & violenta, ex ipsismet Pontificiis fatetur Claudius Espenæus, libro 1 de Continentia cap. ix.

xix. Tertio Bellarminus urget, quod Rom. xii, *De loco Rom.*
11. dum Latina vulgata legit: *Domino servientes*; Græci *12, 11'*
non habeant *κυρίῳ*, sed *καὶ ἀλλήλοις*. Esse autem priorem lectionem certissimam, patere ait, tum ex Hieronymo, in epistola ad Marcellam, ubi dicat, in emendatis Græcis codicibus haberi, non *καὶ* sed *κυρίῳ*, tum ex Origene, Chrysostomo, Theophylacto, & aliis Græcis Patribus, qui sic legerint & explicaverint in suis commentariis.

xix. Huic objectioni ut occurratur, repetenda *Quo sensu*
sunt,

*integritatem
textum
Græci asse-
rant Pro-
fanes.*

sunt, & heic applicanda, quæ supra capite II. 15. in
quæstione de ἀφθαρσία textus Hebraice V. T. circa
controversiæ statum fuerunt monita. Ut enim ibi
diximus, non controversi de uno alterove codice
ita neque hic est quæstio, vel de lectionis varietate, vel
de quorundam Codicum depravatione; sed de universa
li quadam corruptione, quæ authenticam Græci textus
autoritatem labefactet, scribente Gerhardo nostro,
libro II Confess. Catholicæ, art. 1, cap. II, th. III. cui
consentiens ex Reformatis Rivetus, Isagog. cap. II, 38.
Non dicimus, ait, quod affingit Bellarminus Cal-
vino, Majori, & Chemnitio, necessario, quidquid in
Latinis à codicibus Græcis dissentis, corrigendum esse;
id nempe intelligentes de unoquoque exemplari Græco: sed
in eo tantum, ubi Græca omnia exemplaria, quæ in Ec-
clesia hæcenus servata sunt, aut plura & melioris no-
ta, inter se consentiunt. Nempe cum Driedone,
libro II de Translationibus Scriptur. fidem habemus
nostra ætatis Græcorum codicibus his, quos comperimus
à vetustissimis suis exemplaribus non discordare: quem-
admodum & ipsis olim fidem habuit Hieronymus, taxans
Helvidium, stultissime sibi persuadentem, quibusdam in
locis Græcorum libros fuisse falsatos. Censemus cum
Sixto Senensi, libro VII Bibliothecæ sanctæ, non lice-
re ex particulari aliquorum Codicum depravatione in-
ferre universalem ac generalem codicum omnium corru-
ptionem. Nam secundum eundem, Evangelicæ lectionis
veritas, quæ in singulis & particularibus Ecclesiæ co-
dicibus, pro temporum ac scribentium diversitate, vari-
ata fuerat, in omnibus simul collectis exemplaribus in-
tegra semper & incorrupta permansit: ita volente Deo,
ut vo-

ut vera lectionis integritas, quam hominum vel malitia vel negligentia corruerat in partibus, in tota saltem Ecclesiasticorum codicum universitate servaretur; ne Ecclesia Christi per aliquod tempus divinarum Scripturarum integritate careret, utq; haberent semper pii & eruditi viri, unde corrigere & emendare possent, quod aut imperitorum inscitia, aut iniquorum perfidia vitiasset, facta collatione multorum inter se exemplarium.

xx. Quibus observatis, nullo negotio ad supra propositam Bellarmini objectionem responderi potest. Nimirum monet ille, Hieronymi tempore emendatos codices habuisse *κτείνω*, observat, legisse quoque ita codices, quibus usi Origenes, Chrysostomus, Theophylactus, aliique Patres Græci. Et restatur sane etiam Beza, in probatissimis quibusque codicibus vetustis hunc in modum legi. Quod item liquere potest ex variantibus lectionibus, quas operi suo *πλὴν γὰρ* inseruerunt Angli: qui insuper ad ipsam N. T. textum Græcum annotant, in celebri illo suo mscr. Alexandrino ita se scriptum reperisse. Exprimuntq; præterea lectionem istam versio Syriaca, Arabica, & Æthiopica. Si ergo probatissimi quique codices Græci habent *κτείνω*, aliis interim editionibus nonnullis exhibentibus *καίρω*, lectionis quidem heic diversitas est, absolutam autem textus originalis depravationem colligere inde non licet. Sufficienter enim, ad ἀφθαρσίαν, qualem nos tuemur, salvandam, ut in probatis codicibus authenticis textus habeatur intemeratus, ex supra dictis liquet.

xxi. Atque ex eodem hoc fundamento ad cetera etiam, quæ præterea heic habet Bellarminus, *De omīssis & supersensu*

Græci continet

facile nunc potest responderi : quando nempe ait, in plurimis Græcis codicibus deesse multas veræ Scripturæ partes ; ut historiam adulteræ , Joh. iix, ultimum caput Marci, testimonium pulcherrimum Trinitatis, 1 Joh. v, & alia, de quibus supra disseruerit : quædam etiam in omnibus Græcis codicibus inveniri, quæ non sint partes divinæ Scripturæ ; ut quod Marth. vi orationi Dominicæ addatur : *Quia tuum est regnum, & potentia, & gloria, in secula.*

De adultera
Ioh. 8. 3. seq.

xxii. Ex eo videlicet, quod in plurimis Græcis codicibus aliquæ Scripturæ partes desunt, nondum universalis textus depravatio, sed codicum tantummodo patet varietas. Unde ad probatiora heic exemplaria recurendum. Et speciatim quidem ad adulteræ historiam quod attinet, eam in antiquissimis & probatissimis exemplaribus Græcis extare, restis est Robertus Stephanus. Annotat quoque Beza, ex vetustis suis codicibus xvii unum dumtaxat illam non habuisse ; in reliquis scriptam fuisse ; (secus ac Gretserus heic refert, notasse eum, ex septendecim Græcis codicibus unum dumtaxat historiam illam adulteræ habuisse : cum tamen ipsemet supra, lib. 1, cap. xvi, contrarium ex Beza testetur) imo & Angli, cum ex quadraginta amplius vetustis codicibus varietates textus in opere illo suo *πλὺ λώτῃ* exhibeant, non nisi unum, qui ea careret, nominarunt. Porro Franciscus quoque Gomarus, in antiquo manuscripto codice Evangeliorum Græco-Latino, a Georgio Douza Constantinopoli allato, sibi que monstrato, eandem historiam quæsitam se invenisse memorat. Quin Hieronymus etiam, libro ii adversus Pelagianos,

col. 501.

col. 291.

In Evangelio, ait, secundum Iohannem in multis & Graecis & Latinis codicibus invenitur de adultera muliere, quae accusata est apud Dominum. Sed & Maldonatus in commentario, Sixtusque Senensis libro vii Biblioth. hær. v, ad veterum codicum auctoritatem, & Ammonii Alexandrini, Athanasii, Chrysostomi, Patrum Græcorum, testimonia heic provocant. sicut eosdem quoque Doctores hanc in rem citat Bellarminus ipsemet, libro i de Verbo Dei, cap. xvi. Quibus Jodocus Coccius, Tomo i Thesauri, art. xxi, jungit Clementem Romanum, Tatianum, & Gennadium (quem Gregorium alii vocant) Scholarium. Addi omnino debet Cyrillus Alexandrinus, qui pericopen hanc, ut revera Iohannis, sine ulla dubitationis significatione, distincte proponit, multisque explanat. Ex quibus liquet, ab ultima etiam antiquitate in codices optimos ut genuinam in Oriente historiolum illam fuisse receptam. Etenim Tatianus intra lxx ab ipsius Iohannis morte annum floruit, atque in Harmonia Evangeliorum periochen hanc e codicibus, quibus usus est, ut Iohannis reliqua, expresse memorat, quem admodum item Ammonius, qui vixit sub annum ccxx, aut circiter. Dein vero Evangeliorum secundum Harmonias istas usum in Oriente inolevisse, argumento est certissimo, quod Eusebius Cæsariensis (qui sub annum ccxx floruit) canones illos decem ex dictis Harmoniis construxerit, unde facile discerni possent, quæ in singulis Evangelistarum, quæ in tribus tantum, quæ solum in duobus, & demum quæ in unico aliquo haberentur. Atq; in decimi quidẽ canonis (in quo ea quæ unus habet) numeris ad Iohan-

nem spectantibus, LXXXVITUS pericopen historiæ, de qua agimus, indicat. Et procul dubio in codice Eusebiano ipso, cui canones illos is primus aptavit, lecta est ut satis ex sententia ipsius recepta, quoniam palam in Harmoniis, secundum quas (ut ipse in epistola ad Carpianum diserte monet) sunt constructi ab eo illi canones, adeo est expresse agnita. Nec dubitare licet; quin Tatiani, Ammonii, Eusebii, editiones hujusmodi, quippe eo instituto ab ipsis susceptæ, ut, quid revera Evangelicum esset, certius constaret, adornatæ fuerint secundum codices optimos, & quos primis illis seculis nancisci licuerit, selectissimos; indeque exemplaribus aliis, citra ejusmodi curam editis, longe sint præferendæ.

XXIII. Porro notetur, quod minus sincere Belarminus soli textui Græco hujus historiæ defectum tribuat; cum ex eo, quod in *MULTIS & GRÆCIS & LATINIS codicibus* illam *inveniri* scribit Hieronymus, liquido constet, desideratam fuisse etiam in Latinis quibusdam exemplaribus. id quod fatetur quoque heic diserte Maldonatus. Observetur & hoc, etiamsi Beza notet, non extare illam periochen apud Syrum interpretem; idque verum sit de editionibus quas ipse videre potuit; in quibus etiam secunda Epistola Petri, secunda & tertia Johannis, Epistola Judæ, & Apocalypsis, desiderantur: postmodum tamen, uti hæc, quæ recensuimus, partim ab Evvardo Pocoke, Anglo, partim a Lud. de Dieu edita: ita etiam adulteræ historiæ Syriacæ fuisse repertam. Vide, quem citabamus, de Dieu in h. l. qui eam ex Jacobi Usserii, Archiepiscopi Armachani, luculenta & orientali-
bus

bus libris instructissima bibliotheca se accepisse ait ; unde etiam depromptam in opere suo *πλυλότης* exhibent Angli. Legitur quoque pericope isthæc apud Arabem, Æthiopem, ac Persam.

xxiv. Quantum porro ad ultimum caput Marci spectat, in omnibus id vetustis codicibus, quos sibi videre contigerit, invenisse se testatur Beza; neque ex tot antiquis exemplaribus, unde variantes lectiones conquisivere, ullum nominarunt Angli, quod eo careret. Sed &, annotante Salmerone, Tomo xi, tract. xii, *Victor Antiochenus, antiquissimus Pater, in commentariis in Marcum scribis, se reperisse in emendatissimis exemplaribus pluribus, legi, omnia in Evangelio Marci Palastino. quemadmodum & Maldonatus in h. l. ait, non esse quenquam antiquum & Catholicum scriptorem, qui huius capituli tanquam vera legisimæque Scriptura testimoniis uti recusaveris*; ac nominatim adducit Irenæum, Doctorem Græcum vetustissimum. Præter quem Coccius, loco jamjam laudato, allegat heic Clementem Romanum, Prochorum, Tatianum, Ammonium, & Dionysium Alexandrinos, Eusebium, Athanasium Cyrillum Ierololymitanum, Gregorium Nyssenum, Procopium Gazæum, Anastasium Sinaitam, Damascenum, Theophylactum, Simeonem Metaphrasten, alios: qui si illud Marci caput agnoscunt, in Græcis utique codicibus ipsorum id tempore extitisse oportet.

De capite ultimo Marci.

xxv. Sed & locum i Ioh. v, 7. in antiquissimis codicibus Græcis repertum fuisse, fidem faciunt quæ in prologo Epistolarum canonicarum ad Eustachium (legitur in editionibus Bibliorum vetustis, Po-

De loco i Ioh. 5. 7.

illam Lirani & glossam ordinariam una cum interlineari conjunctam exhibentibus) habet Hieronymus: *Ha Epistola, si, ut ab eū (Græcis auctoribus) digesta sunt, ita quoque ab Interpretibus fideliter verterentur in Latinum eloquium, nec ambiguitatem legentibus facerent, nec sermonum sese varietas impugnet; illo præcipue loco, ubi de unitate Trinitatis in prima Johannis Epistola possum legimus; in quo etiam ab infidelibus translatoribus multum erratum esse a fidei veritate compertimus, trium tantummodo vocabula, hoc est, aqua, sanguinis, & spiritus, in ipsa sua editione ponentibus, & Patris, Verbiq; ac Spiritus testimonium omittentibus, in quo maxime & fides Catholica roboratur, & Patris, & Filii, & Spiritus sancti una Divinitatis essentia comprobatur.* Ex quibus eruditissimi scriptoris verbis non solum apparet, ejus tempore locum istum in Græcis codicibus extitisse: cum alias Latinos interpretes non potuerit infidelitatis postulare, quod eum omisissent sed & extitisse communiter in omnibus codicibus: cum alioquin obvertere potuissent interpretes, non fuisse eum repertum in exemplaribus quibus ipsi sint usi. His porro addimus, legi pericopen, de qua agimus, in editione Complutensi; (de qua Card. Ximénus, præfatus ad Leonem x, *Id, inquit, aperte testari possumus, maximam laborum partem in eo præcipue juisse versatam, ut castigatissima omni ex parte vestustissimæque exemplaria pro archetypis haberemus: quarum quidem, tam Hebræorum, quam Græcorum ac Latinorum, multiplicem copiam variis ex locis non sine summo labore acquisivimus. Atque ex ipsis quidem Græca Sanctitati Tuae debemus, qui ex Apostolica Bibliotheca anti-*

antiquissimos tum Vet. tum Nov. Testamenti Codices perquam humane ad nos misisti, qui nobis in hoc negotio maximo fuerunt adjumento) lectam fuisse insuper in novem antiquis codicibus Roberti Stephani, in codicibus aliquot vetustissimis unde variantes lectiones annotarunt editores operis Anglicani *πολυλάτρη*, in codicibus, quibus usus Hervagius, qui Græca Biblia Veteris ac Novi Test. anno superioris seculi xlv Basileæ edidit; in codicibus quos Ben. Arias Montanus in edito anno lxxi opere Regio secutus; in codicibus Laurentii Vallæ; ut qui, in suis ad hunc locum annotationibus, nullius inter Græcos codices meminit discrepantiæ, moniturus haud dubie, more suo, si quid heic dissidere comperisset. Confer Sixtum Senensem libro vii Bibliothecæ sanctæ, hæresi ix. qui plus heic dat, quam nos etiam postulamus. Observa etiam porro, non in solis Græcis exemplaribus quibusdam comma, de quo agimus, Johanneum desiderari, (quod quidem Bellarminus lectori audet persuadere) sed etiam in aliquibus codicibus vetustissimis mss. editionis vulgatæ Latinæ. Vide quæ notamus Tract. de Canone cap. xvi, 2.

xxvi. Quæ præterea in Græcis deesse codicibus Bellarminus ait, supra a se expensa, haud dubie illa sunt, de quibus libro i de V. D. capite xvi agit, dum nempe ex Hilario, lib. x de Trinitate, & Hieronymo, libro ii contra Pelagianos, quosdam in dubium vocasse refert historiam de sudore Christi sanguineo, & Angelica apparitione atque consolatione, Luc. xxii, ne videlicet Christo infirmitatem & animi dolorem tribuere viderentur. Qua etiam de causa Catho-

licos

*De sudore
Christi sangui-
ne, &
Angelica
corroborati-
one, Luc.
22, 43. seq.
Item
Salvatoris,
ibid., c. 19, 41.*

tholicos nonnullos præpostero zelo e suis codicibus, ex illis verbis, Luc. xix, *videns civitatem flevis super illam*, abrasisse verbum, *flevit*, testetur Epiphanius in Ancorato,

xxvii. Verum quæ Cardinalis incogitantia est, obsecro, ac imprudentia, ut in Græcis magis quam in Latinis Codicibus ista defuisse affirmet? Annon. Hieronymi, ad quem provocat, diserta sunt verba: *In quibusdam exemplaribus, tam Græcis quam Latinis, invenitur, scribente Luca: Apparuit illi angelus de caelo, confortans eum?* Si hinc recte colligitur, quod in quibusdam exemplaribus Græcis Hieronymi tempore ista defuerint, quidni æque recte inde elicias, defuisse in quibusdam etiam Latinis? Porro a quibusdam codicibus minus recte se habentibus ad universalem textus corruptionem, de qua heic sermo, perperam concluditur.

*De Verbo
Matth. 6, 13.*

xxiix. Tandem quod ad clausulam orationis Dominicæ, Matth. vi, 13. attinet, cur addita potius ea Græcis codicibus censeridebeat, quam detracta Latinis? quod posterius Laurentio Vallæ visum. Reperit sane eandem in codice, qui, unico tantum excepto. Inter omnes ipsius codices antiquissimus erat, Rob. Stephanus: nec fuere inter tot vetustissima exempla, unde variantes lectiones notarunt Angli, nisi tria duntaxat, in quibus abesset. Unde & Hier. Emserus in glossis ad N. T. Germanicum absolute de Græco textu affirmat, quod epilogum isthunc agnoscat. Habent quoque Syrus, Æthiops, ac Persa. Quod Tertullianus, Cyprianus, Ambrosius, Hieronymus, Augustinus, dum Orationem Dominicam exponunt, nullam horum

horum verborum mentionem faciunt, inde nihil aliud licet concludere, quam, vel secutoseos heic esse textum Latinum: vel, si Græcum, aliquot exemplaria clausulam istam olim non habuisse, & sic variasse codices. Nam quod in aliis lecta fuerit, patet tum ex jam dictis, tum præterea ex Chrysostomo, Theophylacto, & Euthymio, qui interpretantur.

XXIX. At, dicit Bellarminus, Græci in sua Liturgia recitant quidem hæc verba: sed non continuant cum oratione Dominica. Inde vero, inquā ego, non magis sequitur, Dominicæ orationis partem illa haud esse, quam ex eo, quod v. g. Ministro Ecclesiæ dicenti: *Invoca me in die tribulationis*; Chorus respondet: *Eruam te, & honorificabis me*; colligere licet, posteriora illa verba, quippe haud continuata a Ministro cum præcedentibus: non esse partem Psalmi quinquagesimi. Adde, ne quidem verum esse, quod Græci Dominicæ orationis epilogum a præcedentibus semper divellant. Etenim in Basilii Anaphora, (quam ex vetustissimo codice Syriaco Latine edidit Andreas Mafius, quæque extat in Bibliotheca Patrum, Tom. VI. editionis Parisiensis, ann. cl. l. cliv) sic legitur *Ὁ Θεός* ejus orationis finis: *Domine Deus & Servator noster, ne inducas nos in tentationes difficiles, aut necessitates amaras: nec inducas nos in laqueos adversarii hostiumq. animarum nostrarum: neque destituas nos, ut incidamus in manu aspectabilium grassatorum, & qui visam nostram lacerare cupiant: sed libera nos ab omnibus tentationibus, occultis & manifestis, cunctis diebus visa nostra: atque exime nos ab omnibus malis, quæ propter iniquitatem nostram incurrunt in nos. Quia tuum est*

M

regnum,

regnum, & unigeniti filii tui, ac sanctissimi tui Spiritus, boni, adorandi, vitam largientis, & tibi in substantia æqualis, nunc, & semper, & in secula seculorum.

Gretseri
conjectura,
col. 507.

xxx. Gretserus cum Maldonato & Erasmo conjectat, irrepsisse verba, de quibus agimus, in textum sacrum ex more Græcorum; quibus, cum preces terminare soleant aliqua laudatione DEI, (quomodo Psalmis addiderint illud: *Gloria Patri*; salutationi Angelicæ istud: *ὁ πὺν ἐπικεῖ τ' οὐρανὸν ἡμῶν, quia tu peperisti Salvatorem nostrum*; & sermones suos ad populum plerumque finiant illis verbis doxologicis: *ὁ πὺν ἐπικεῖ τ' οὐρανὸν ἡμῶν, καὶ δοξα, & βασιλεία*) simili doxologia orationem Dominicam claudere visum sit, quæ postea, incuria hominum, ipsum textum occupavit. Unde perinde facere ait hæreticos, cum hæc verba partem sacrae Scripturae esse contendant, ac si contenderent, illam doxologiam: *Gloria Patri & Filio*, esse partem Psalmorum, quia terminet Psalmos.

Refutatur.

xxxi. Sed si conjecturis agere heic licet, quidni vero sit similis, contextam orationis Dominicæ ansam præbuisse isti Græcorum consuetudini, quam morem hunc dedisse originem illi contextui? Certe absurdi nihil habebit, si dixeris, Græcos, quod a CHRISTO ipso viderint orationem tam solennem doxologia conclusam, putasse, non inutiliter & reliquas omnes similiter claudi. At irrepsisse in textum Scripturae istam coronidem ex dicta consuetudine, quam parum probabile sit, agnoscet, opinor, qui consideraverit, etiamsi in publicis privatisque pietatis exercitiis Psalmos & Angelicam salutationem doxologiis finiant Græci, hæc tamen textui Biblico nusquam inveniri

veniri apud eos additas : Id enim cur aliter factum
esset in Oratione Dominica? Atque hinc simul patet,
quam frivolum sit, quod ait Gretserus, perinde fa-
cere hæreticos (sic pro modestia Jesuitica loquitur)
cum verba, de quibus agitur, partem Scripturæ esse
contendunt, ac si contenderent, illam doxologiam:
Gloria Patri & Filio, esse partem Psalmorum, quos
terminat. Qui enim par eorum sit ratio; cum
controversa ista verba in ipso Scripturæ textu origina-
li inveniantur, altera vero illa doxologica nequaquam?

CAPUT. IIX.

DE

LATINIS TRANSLATIONIBUS
GENERATIM.

I.

DE Latinis Scripturæ editionibus generatim agens Bellarminus, ubi recitasset illa Augustini, ex libro II de Doctrina Christiana cap. XI: *Qui Scripturas ex Hebræa lingua in Græcam verterunt linguam, numerari possunt, Latini autem interpretes nullo modo. Ut enim cuique primis fidei temporibus in manus venit codex Græcus, & aliquantulum facultas sibi utrumque lingua habere videbatur, ausus est interpretari; subjungit paulo post: Hoc nostro seculo iterum ad illam aetatem rediisse videmur, in qua omnes, qui aliquid poterant, continuo sacros libros transferebant: siquidem recentiorum, ac præsertim hæreticorum, Latine interpretationes numerari vix possunt.* Quibus verbis et Cardinalis recentiorum, eorum præsertim qui eum

*Bel. sagittas
recentiorum
Scripturas
in linguam
Lat. trans-
ferendi stu-
dium.*

Romana ecclesia non faciunt, impensam translationi Biblicæ industriam sugillat: ita propugnator ejus Gretserus peculiari tractatu, defensionis libri Bellarminiani de variis Scripturæ editionibus subjuncto, novorum Interpretum versiones haudquaquam tolerandas esse, sed omnino contemnendas & rejiciendas, lectoribus suis persuadere nititur.

*Ubi dicitur
sacrum Scri-
ptura Ver-
bum.*

U. 12. 17.

cap. 7. 9.

11. Verum longe aliter de variis sui temporis translationibus Latinis olim judicavit Augustinus. Cum enim scripsisset, quæ Bellarminus ex eo citat, statim subjungit: *Quæ quidem res plus adjuvit intelligentiam, quam impedivit, si modo legentes non sint negligentes. Nam nonnullas obscuriores sententias plurimum codicum sæpe manifestavis inspectio. Sicut illud Esaia Propheta unus interpret ait: Et carnem tuam ne despexeris; alius: Et domesticos seminis tui, ne despexeris. Uterque sibi invicem attestatur. Namque alter ex altero exponitur. Quia & caro posset accipi proprie, ut, corpus suum quisq; ne despiceret, se putaret admonitum; & domestici seminis translatæ Christiani possent intelligi, ex eodem verbi semine nobiscum spiritaliter nati. Nunc autem, collato Interpretum sensu probabilior occurrit sententia, proprie de consanguineis non despiciendis esse præceptum, quoniam, domesticos seminis quum ad carnem retuleris, consanguinei potissimum occurrunt. Item aliud ejusdem Esaia Propheta: Nisi credideritis, non intelligetis; alius interpretatus est: Nisi credideritis, non permanebitis. Quis horum vera sequutus sit, nisi exemplaria lingue præcedentis legantur, incertum est. Sed tamen ex utroq; magnum aliquid insinuat scilicet legentibus. Difficile est,*

LATINÆ TRANSLATIONES.

est enim, ita diversos a se interpretes fieri, ut non se aliqua vicinitate contingant. Ita de utilitate diversarum translationum Augustinus. Quæ de recentioribus non minus quam prisca versionibus valere, in propatulo est.

III. Interim nequaquam eorum probamus temeritatem, qui vel illotis manibus rem tantam aggre-
diuntur, & idoneis necessariisque adminiculis non satis instructi, Scripturas e fontibus in alias linguas traducendi provinciam sibi imponunt; vel eam sibi in vertendo sumunt licentiam, ut *pro arbitrio suo vel addant vel subtrahant quod videtur*: de cujusmodi perversoribus verius quam converforibus Hieronymus queritur, præfat. in Josue.

CAPUT IX.

DE

AUCTORE VERSIONIS VULGATÆ

L A T I N Æ.

I.

Non parvam esse quæstionem, ait Bellarminus, de vulgata Latina editione, siue illa antiqua, quæ erat ante Hieronymum, an vero ipsius Hieronymi, an mixta ex utraque. Non esse Hieronymi, arbitrari, vel certe suspicari, Sancten Pagninum & Paulum Foro-Semproniensem Episcopum: contra, esse Hieronymi, contendere Augustinum Eugubinum, & Joannem Picum Mirandulanum, in libris hac de re editis, aliosque nonnullos: at mixtam esse ex vetere & nova, docere Joannem Driedonem & Sixtum Senensem.

An inter Pontifices sint, qui Vulgaram totam tribuant Hieronymo.

p. 35

p. 61. 62.

11. Quæ quidem si observasset Ebermannus, non ita inconsiderate scripsisset: *Quis Catholicorum Vulgatam totam tribuit S. Hieronymo? nec Amelium splendidissimi postulasset mendacii, quod hujusmodi quid de Pontificiis affirmer. Habebit enim, opinor, Erbermannus Eugubinum & Picum pro Catholicis, id est, Papistis. Et quid? annon ipse mox Erbermannus ex Sfortia Card. Pallavicino, pro auctoritate Latinæ vulgatæ, in sua Tridentini Concilii historia, Petro Soave Polano, siue Paulo Sarpio Veneto, opposita, disputante, laudat hæc verba: Quis arroget sibi maiorem notissimam linguarum Hebrææ & Græcæ, majusque iudicium, & correctiora exemplaria, quam habueris S. Hieronymus: qui vel author, vel, ut aliqui malunt, emendator extitis nostra Vulgata? Quibus utique manifesto indicat Cardinalis, secundum aliquos Pontificios Hieronymum esse auctorem translationis vulgatæ, & quidem totius. Neque enim de parte aliqua Vulgatæ ibi agit, sed de versione tota, ut in aprico,*

Bell. sententia de auctore Versionis Vulgatæ.

III. Suam ipsius sententiam Bellarminus quatuor propositionibus complectitur. Prima est: *Testamentum Novum Latinum editionis vulgata ex antiqua versione habemus, quam tamen B. Hieronymus emendavit. Secunda: Psalterium vulgata editionis Latine non est illud, quod D. Hieronymus transtulit ex Hebræo, neque illud, quod transtulit ex versione Græca LXX Interpretum; sed illud, quod ipse emendavit, translatum ab antiquo Interprete ex editione S. Luciani Martyris. Tertia: Probabile nobis est, librum Sapientia, & Ecclesiastici, & Machabeorum, nos non habere ex versione Hieronymi, sed ex antiqua translatione, cuius auctor igno-*

ratur

ratur. Quarta: *Reliqua omnia ex Hieronymi versione ex Hebraeo habemus in editione vulgata.*

IV. Verum quod ad vulgatam Testamenti Novi translationem attinet, non videtur hæc eadem illa esse per omnia, quam Hieronymus emendavit; cum passim in ipsa legantur quæ in commentariis suis corrigitaliterq; vertenda monet laudatus Pater. Nec sufficit dicere cum Bellarmino, fateri ipsummet Hieronymum, præfatione Evangeliorum ad Damasum, se non omnia correxisse quæ corrigenda esse putabat, ne nimis multa immutasse videretur. Diserte enim ibi ait sanctus Doctor, se correxisse ea, *quæ sensum videbantur mutare.* Jam vero, annon in ipso illo exemplo, quod Cardinalis affert, mutatur sensus, quando scilicet pro eo, quod Vulgata hodierna habet, 1 Cor. XIII, 3. *Si tradidero corpus meum, ita ut ardeam*; legi vult Hieronymus: *ita ut glorietur*? Mitto similia plurima. Unde ipse mox Bellarminus aliter isti difficultati occurrendum censet; posse fieri, inquit, ut, dum sua in Epistolam ad Galatas, Ephesios, Titum, commentaria (in quibus passim reprehendit & corrigit vulgatam Latinam) Hieronymus scriberet, existimaret illa esse mutanda, quæ tamen postea, cum Testamentum Novum susciperet emendandum, re melius considerata, judicaverit non esse mutanda. Nam quod prius scripserit ista commentaria, quam Testamentum Novum emendaverit, colligi ex libro de viris illustribus. Sed neque hæc aliquid habent roboris; cum hypothesis, qua nituntur, scripserit videlicet Hieronymum prius sua illa commentaria, quam Novum Testamentum emendaverit, nullo modo certa

*Examen.
De Novo Testamento.*

certa sit. Quod enim ex libro de Viris illustribus hoc colligi dicit Cardinalis, id quo pacto ostendet? Num inde forsan, quod, dum opera sua & lucubrationes ibi enumerat doctissimus Pater, Testamenti Novi emendationem postponit commentariis in memoratas Pauli Epistolas? Atqui hac ratione dicendum foret, etiam commentarios illos in Prophetas, quos sub manibus se habuisse ait Hieronymus, & necdum fuisse expletos quando suum de Scriptoribus catalogum concinnavit, prius fuisse ab eodem editos quam v. c. libros adversus Jovianum, (jamtum illo tempore emissos) quia nempe & hos istis dicto loco postponit. Quod autem Bellarminus urget, multa loca, quæ Hieronymus reprehendit in antiqua Testamenti Novi versione, in Vulgata hodierna inveniri ita correctæ, ut ipse affirmet esse corrigenda; inde non evincitur, Vulgatam istam esse puram Hieronymianam; sed, non esse forsan omnino aliam ab Hieronymiana, verum *mixtam quandam editionem, partim ex veteri vulgata editione, partim ex nova quadam Hieronymica castigatione in Novum Testamentum, collecta*: quæ est sententia Sixti Senensis, libri vii Bibliothecæ sanctæ, hæresi. Confer infra num. iix.

De Psalterio.

v. De Psalterio editionis vulgatæ Latinæ Bellarminus affirmat, ut vidimus, non esse illud quod Hieronymus transtulit ex Hebræo, neque illud quod transtulit ex versione Græca Lxx Interpretum; sed illud quod ipse emendavit, translatum ab antiquo Interprete ex editione S. Luciani Martyris, sive Græca illa communi & vulgata.

vi. Verum si hæc ita se habeant, quid igitur
Cardi-

Cardinalis capite mox sequenti XIII, tum quoque in commentariis suis in Psalmos, (vide inter alia quæ notat ad Ps. II, 6.) toties ponit tamquam omnino certum, haberi Psalterium vulgatæ Latinæ ex versione τῶν LXX, quando videlicet loca in Psalmis a Vulgato male reddita eo excusat, quod interpres iste securus sit LXX, qui sine dubio habuerint codices Hebræos accuratissimos, in quibus aliter interdum videatur fuisse lectum, quam in nostris hodie legitur; quique aliis omnibus interpretibus antepponendi sint, præsertim cum eorum versionem Catholica Ecclesia tam longo usu approbaverit? Certe editionem κοινῇ, ad quam vulgatam Latinam in Psalmis expressam esse Bellarminus censet, maximopere discrepasse a genuina LXXvirali, in confesso est, & ipse exemplis aliquot hoc loco ostendit. Cur ergo id alibi, ut Vulgatæ suæ auctoritati velificetur, dissimulat, & de τῇ κοινῇ ita loquitur, ac si intemerata esset ipsorummet LXX translatio, nec quidquam inter hanc & illam daretur discriminis? Equidem certum est, mixtam fuisse τῇ κοινῇ ex versione LXX & Theodotionis. Sed unde hodie, vel Bellarmino, vel alii cuicumque, constabit, utrum ea, in quibus Psalmi vulgatæ Latinæ ab Hebræo textu discrepant, ex translatione LXXvirali, num vero ex Theodotionis versione, sint expressa? Cum enim asterisci, quibus, quæ Theodotionis erant, ab his quæ transtulerant LXX, in Græca communi olim discernebantur, jam ante tot secula exciderint, *ind* *necessario orta est confusio, ut iam nemo judicare possit, quid sit LXX, quid vero Theodotionis*; scribente ipso Bellarmino supra in fine capituli VI.

Hieronymo constat, lecta fuisse quædam in editione illa communi, quæ nec *Septuaginta* habuerint, nec *Aquila*, nec *Symmachus*, NEC *THEODOTIO*; sed sola *xviij* editio. Vide epistolam cxxxv, ad Suniam & Fretelam.

*De ceteris
v. T. libris*

vii. Quantum ad libros V. T. canonicos, qui præter Psalterium in vulgata Latina habentur, eos omnes e versione Hieronymi ex Hebræo superesse dicit Bellarminus. Verum argumenta, quibus suæ isti assertioni fidem facere laborat, rursus nihil aliud probant, quam quod & horum translatio non sit omnino alia ab ista, quam diximus, Hieronymi versione. Et notari potest, quod in argumento suo tertio falsissime scribat Cardinalis, in epistola xxix, ad Augustinum, Quæstionibus Hebraicis in Genesin, ac alibi, ea loca, quæ Hieronymus aliter se vertisse monet quam LXX verterint, in vulgata editione omnia inveniri, ut ipse se vertisse dicit. Etenim quod non omnia ibi ita inveniantur, αὐτοῦ ipsa ostendit. Sic, v. g. in Quæstionibus Hebraicis corrigit Hieronymus illa: *Et Spiritus DEI ferebatur super aquas*, Genes. 1, 2. *Pro eo*, inquit, *quod in nostris codicibus scriptum est, ferebatur; in Hebræo habet, merahefesh, מרחפת, quod nos appellare possumus, incubabat, sive, consovebat, in similitudinem volucris ova calore animantis.* At vulgata Latina habet: *Spiritus DEI ferebatur super aquas.* Similiter Gen. 11, 15. Vulgata: *Tulit ergo Dominus Deus hominem.* Hieronymus citato loco: *Et sumpsit Dominus Deus hominem.* Gen. 11, 3. Vulgata: *Et cum audissent vocem Domini Dei deambulantis in Paradiso ad auram post meridiem.* Hieronymus

ronymus, ubi supra: *Et audierunt vocem Domini Dei ambulantis in Paradiso ad vesperam*; addens: *In plerisque codicibus Latinorum, pro eo, quod hic posuimus, ad vesperam, post meridiem, habetur.* Ibidem commate 14. Vulgata: *Et terram comedes.* Hieronymus: *Pro terra; aphar אפר scriptum est, quod favillam posuimus dicere & pulverem.* commate 15. Vulgata: *Ipsa conteret caput tuum, & tu insidiaberis calcaneo ejus.* Hieronymus: *ipse conteret caput tuum, & tu conteres ejus calcaneum.* Plura adducere supervacaneum. Et annon Bellarminus ipse paulo post, eodem hoc capite, non omnia ita inveniri in vulgata, ut Hieronymus vertenda censuit, aperte satis fatetur, quando ad objectionem: *Multa inveniuntur in editione vulgata, quæ B. Hieronymus in questionibus Hebraicis, in libro de optimo genere interpretandi, in commentariis in Prophetas, & in Ecclesiasten, docet aliter fuisse vertenda; igitur fieri non potest, ut editio vulgata sit illa translatio, quam Hieronymus fecerat ex Hebræo;* quando, inquam, ad objectionem hanc responsurus, nequaquam negat, verum esse, quod multa inveniuntur in Vulgata, quæ Hieronymus dictis locis aliter vertenda doceat; sed id tantummodo agit, ut rei huius reddat causas. Nec etiam Gretserus diffiteri potest, quædam aliter haberi in Vulgata, quam reddenda docuit Hieronymus. Unde excusaturus suum Bellarminum, ridicule satis, *Non vult, inquit, omnia, quæ sanctus Hieronymus aliter vertenda censuit, apud nos inveniri; sed ex omnibus ejusmodi locis, quæ inveniuntur non pauca, colligi, nos Hieronymi editionem habere.* Quali vero non essent omniluce clariora Car-

col. 52. 59.

dinalis verba : Præter Psalterium, librum Sapientię, Ecclesiastici, & Machabæorum, reliqua V. T. omnia ex Hieronymi versione ex Hebræo haberi in editione vulgata, probatur ex iis locis, quæ B. Hieronymus monet se aliter versisse quam 70. verterint, quæ in nostra editione OMNIA invenimus ut ipse se versisse dicit.

*Hier. Versio
ex Hebræo
accurata,
non item
Vulgata Lat.*

lix. Ceterum etsi, ut diximus, Bellarmini argumenta id facile evincunt, quod vulgata translatio non sit omnino alia ab Hieronymiana; quod tamen nec simpliciter eadem cum illa sit, nullo negotio ostenditur. Nempe Hieronymus Vetus Testamentum transtulit e textu Hebræo accurate; & suam isthanc versionem ubique ad fontem diligentissime contulit & accommodavit. Testatur id ipse met in suis operibus passim. Certe, inquit epistola cxxxiii, ad Sophronium, *confidenter dicam, & multos huius operis testes citabo, me nihil duntaxat sententia de Hebraica veritate mutasse. Sicubi ergo editio mea a veteribus discreparis, interroga quemlibet Hebræorum, & liquido pervidebis, me ab amulis frustra lacerari, qui malunt contemnere videri præclara, quam discere. Similia leguntur præfatione in Pentateuchum, Esdram & Neemiam, librum Hester, in Prologo Galeato, & alibi. Sed & Augustinus, libro xix de Civit. Dei. cap. xliii, ita hanc in rem scribit: Non defuit temporibus nostris Presbyter Hieronymus, homo doctissimus, & omnium trium linguarum peritus, qui non ex Græco, sed ex Hebræo in Latinum eloquium Scripturas converteret. Ejus tam literatum laborem Judæi fatentur esse veracem.* Confer quæ præterea ex Gregorio, Isidoro

doro, aliisque affert Bellarminus ipse cap. x. Fuit ergo Hieronymi versio exacte conformis textui Hebræo. Jam vero Latina translatio librorum, de quibus agimus, *in multis locis ab Hebraica veritate dissentit*; uti Paulus Foro-Sempronienfis Sanctesque Pagninus, scriptores Pontificii, heic apud Bellarminum agnoscunt, & res ipsa abunde loquitur. Relinquitur proin, vulgatam Latinam nequaquam esse puram ac meram Hieronymi versionem ex Hebræo.

ix. Respondere quidem conatur ad hoc argumentum Bellarminus, duplici de causa accidisse dicens, ut vulgata Latina ab Hebraico textu aliquando dissentire videatur: unam esse, incuriam librariorum; alteram, quod sæpe Hieronymus non tam verba, quam sensum, exprimere studuerit; ut faciendum esse ipse doceat in libro de optimo genere interpretandi. Verum neutra ratio aliquid habet roboris.

*Responsio
Bell. ad ar-
gumentum
precedens
examinatur.*

x. Quantum enim ad prius, etsi mendis librariorum scatere Vulgatam haud imus inficias, præter hæc tamen leguntur in eadem discrepantia ab Hebræo loca plurima, in omnibus codicibus, antiquis & recentioribus, eodem modo extantia, quæ librariorum incuriæ nemo sanus imputaverit. Quantum ad posterius, studuisse Hieronymum, non tam verba, quam sensum exprimere, dum Scripturam transtulit, tantum abest ut ex laudato de optimo genere interpretandi libro, sive epistola ci, ad Pammachium, possit probari, ut inde contrarium potius manifesto liceat ostendere. Ita quippe affirmat ibi eruditissimus Pater, se in interpretando non verbum e verbo, sed

sensum exprimere de sensu, ut discrete id faciat cum exceptione sacrarum literarum, in quibus convertendis istam sibi licentiam minime se sumere innuit; *Ego*, inquit, *non solum fateor, sed libera voce profiteor, me in interpretatione Græcorum, ABSQUE SCRIPTURIS SANCTIS, HBI ET VERBORUM ORDO ET MYSTERIUM EST, non verbum e verbo, sed sensum exprimere de sensu.* Verterat, Eusebii Cremonensis rogatu, Epiphanii epistolam quamdam e Græco in Latinum, *raptim celeriterque*: non ut publici juris ista fieret translatio; sed *ut domi haberet* Eusebius, *nec facile in vulgus proderet.* Quæ tamen cum nihilominus emanaret, inque malevolorum manus incideret, fiebat, ut male apud nonnullos audiret versionis auctor, & tamquam falsarius traduceretur; quia nempe verbum non expresserit de verbo; sed pro *honorabili* dixerit *charissimum*; & ista: *αἰδέσθων οὐδὲ ἀνέχων*, noluerit transferre. Ad hæc in dicta illa epistola respondet Hieronymus, causasque exponit, cur in ejusmodi translationibus non verborum præcise rationem habeat, sed sensus. De suis Scripturæ sacræ versionibus ibi non agit, sed, uti diximus, eas ab hac disputatione expresse segregat.

*Vulgatæ sepe
aliter habet,
quam trans-
ferendum
docuit Hier.*

xi. Porro Bellarminus sibi objicit, multa inveniri in editione vulgata, quæ Hieronymus in Quæstionibus Hebraicis, in libro de optimo genere interpretandi, in Commentariis in Prophetas, ac alibi, doceat aliter fuisse vertenda; indeque fieri non posse, ut editio vulgata sit illa translatio, quam Hieronymus fecerat ex Hebræo. Respondet autem; quatuor de causis accidisse; ut quædam in textu Vulgatæ

*Bell. Respon-
sio.*

et al

sup

sint quæ Hieronymus reprehendit. Primam causam esse errorem & negligentiam librariorum; secundam, variam significationem vocabulorum Hebræorum: aliquando enim hanc, interdum aliam significationem Hieronymum esse secutum; tertiam, quod ipsemet postea mutavit sententiam, & loca sua correxerit; quartam denique causam esse, quod, etsi Hieronymus interdum senserit, quadam mutanda in sua versione, & ea notaverit in suis Commentariis, tamen Ecclesia postea magis judicaverit veram primam versionem, illamque retinere maluerit in editione vulgata.

xii. Sed neque hæc alicujus sunt ponderis. De librariorum enim mendis applica huc quæ paulo ante, num. x, monebantur. Quod Hieronymus vocis ambiguae jam hunc, jam alium elegerit significatum, id uti semel iterumque factum esse haud inciamur, sic ad alias, quæ magno numero supersunt, discrepantias nihil facit. Sententiæ mutatio in locis adeo multis tanto auctori non sine temeritate tribuitur. Tandem, quod Ecclesia suum judicium interposuerit, verioremq; censuerit versionem quam Hieronymus rejecit, & additis etiam fundamentis improbavit; id quomodo intellectum vult Cardinalis? an, quod publica Ecclesiæ auctoritate edita fuerit, post Hieronymi tempora, translatio Latina, quæ maximam quidem partem ex hujus genuina versione ex Hebræo esset concinnata, non tamen illa ipsa pura & mera, sed certo consilio interpolata? Ita sane videntur innuere quæ mox subjungit. Ubi namque dixerat, non videri casu factum, quod aliqua
in

*Bell. fate-
tur, Vulga-
tam Lat. V.
T. non esse
puram Hier.
Versionem
ex Hebræo,*

p. m. 110.

in vulgata Latina hodie legantur quæ Hieronymus reproboverit, sed iudicio posteritatis, vel potius ipsius Ecclesiæ; Editio enim vulgata, addit, quamvis maxima ex parte Hieronymi sit, tamen non est illa pura, quam ipse ex Hebræo convertit, sed est aliquo modo mixta, additis non paucis ex versione 70. quæ in Hebræo non inveniuntur. atque id potissimum perspicitur in lib. 1 Reg. & Proverb. Quibus gemina habet libro de Scriptoris Ecclesiasticis, ad ann. cccxc. Disputans nempe ibi de Commentariis Hieronymi in Psalmos, Ego existimo, ait, commentaria, de quibus agimus, vere esse sancti Hieronymi; sed non pura. Videtur enim aliquis longe posterior scriptor adjunxisse multa de suo. Quod idem accidit versioni Scripturarum ex Hebræo quam habemus in editione vulgata. Est enim versio ipsa sancti Hieronymi, exceptis Psalmis, in editione vulgata, sed multis additis. Quidquid autem sit; illud certe ex modo citatis apparet, ipsum tandem Bellarminum deferere thesin, quam demonstrandam susceperat & ab impugnationibus τῶν ἀντιλογούντων vindicandam. Proposuerat nempe sibi, ostendere, præter Psalterium, & libros quosdam nobis Protestantibus apocryphos, reliqua OMNIA ex Hieronymi versione ex Hebræo haberi in editione vulgata: at, quando jam conclusurus est disputationem, fatetur ultro, haberi in iis non pauca, quæ in Hebræo nequaquam inveniuntur, sed addita sint ex versione LXX. Ut ita desinat fere ipsius sententia in illam Sixti Senensis, qua credibile esse ait, libro iix Bibliothecæ, hæc. xiii, Vulgatam editionem ex duabus Hieronymi editionibus constare: videlicet ex ea, quam Hieronymus secundum Hebræicam ve-

veritatem edidit, & ex ea, quam ipse ex Græca editione septuaginta Interpretum transtulit. Dixerat paulo ante: Sicut Vulgata Latina non videtur esse Hieronymi, ob causas ab adversariis inductas: ita ob easdem causas non omnino alia videtur ab interpretatione Hieronymi. Nam sicut illi ex multis locis, qui in editione nostra aliter habentur, quam Hieronymus emendavit, arguunt, editionem hanc non esse eam, quam Hieronymus de Hebraica veritate transtulit: ita & nos eodem argumento ostendere possumus, eam non esse prorsus ab illa D. Hieronymi interpretatione diversam, quia in illa multa loca habentur sicut Hieronymus se emendasse testatur est.

Mirari autem subit, tribui a Bellarmino, sub initium hujus capituli, Sixto Senensi, quod statuat, vulgatam Latinam esse mixtam ex versione Hieronymi & antiqua illa Itala quæ ante Hieronymum vulgo obtinuit. Contrarium quippe docent, quæ dedimus, ipsius Sixti verba. Quamvis alias certum sit, esse auctores magni nominis qui illam sententiam defendant. Quos inter ipse Card. Baronius; cujus verba, ad ann. cccxxi, 47.

Accidit post Gregorii tempora, (quoto vero potissimum anno, quoque auctore, incertum remanet) ut, quoniam duæ simul vulgatae editiones, vetus & nova, dissensionum ac contentionum interdum ministrarent occasionem, in diversa studia fideles ea in re distraherentur ab invicem; dum alii veterem, novam alii sequerentur, & quisque pro sua (ut assoles) contentiose differeret, turbas ciceret, alteramque defendens, in alteram minus digne inveheretur; essetque ea diversitas veluti seminarium jurgiorum, ac turpem redderet Ecclesia faciem; dum in divi-

Baronii sententia de Vulgata Latina.

vinis laudibus, ceterisq; sacris officiis, alii aliam psallendo, legendo, concionando, tractando, confectarentur: ut hac ex parte pene diuisa schismate Ecclesia videretur.

Sed diuino affante numine provisum est, optimeque consultum, ut ad Ecclesiasticum communem usum una ex duabus, quæ usui omnibus esset Ecclesiæ, constaretur, quæ communis omnibus atque Vulgata uno nomine a cunctis diceretur, explosa illa Veteris & Nova nomenclatura. Resque evenit ex sententia, ut, eam unam occidentali Ecclesiæ usu recipiente, omni mox ea de re cessaverit controversia, omnesque, sicut una fide compaginati, ita uno spiritu unoque ore Christum Dominum una cum Patre & Spiritu sancto laudibus assidue celebrarent. Hæc, inquam, Baronius, more suo, ita confidenter & secure, ac si e probatissimis antiquitatis scriptoribus hausisset: cum tamen apud eos profundum de hac publica auctoritate facta mixtionē sit silentium, & res tota meris conjecturis nitatur, uti palam est.

*De J. hypothesi Concilii-um Triden-
tini errorum con-
vinctum,*

XIII. Sed mittamus tandem hanc de auctore versionis vulgatæ disquisitionem. Quamquam enim superfluit in Bellarmini textu, quæ censuram mereri adhuc possint, quia tamen ad ipsum controversiæ caput parum illa faciunt, nolumus in iis examinandis nos detinere. Unum interim, priusquam ad alia progrediamur, monendum ducimus. Videlicet Bellarmini asseritio est, ut supra vidimus, *editionem vulgatam, quamvis maxima ex parte Hieronymi sit, tamen non esse illam puram, quam ipse ex Hebræo convertit, sed esse aliquo modo mixtam, additis non paucis ex versione 70. quæ in Hebræo non inveniuntur.* Con-
feran-

ferantur hæc paululum, obsecro, cum aliis nostri Cardinalis hypothefibus. Statuit ille, ut ex cap. vi hujus libri patet, genuinam *ῥῶ* LXX interpretationem accurate respondisse textui Hebræo, nec quidquam habuisse quod in eo non reperiretur. Scio quidem, ait, Epiphanium, Hieronymum, & Augustinum, scriptum reliquisse, *sepsuaginta Seniores industria quadam omisisse, QUÆDAM ADDIDISSE, & quadam aliter verisè, quia sic eis dictabat Spiritus sanctus. Sed isti Patres pie querebant rationes excusandi & defendendæ translationem, qua tunc Ecclesia utebatur. Cæterum si ita esset, quomodo Philo diceret, summam fuisse consonantiæ rerum & verborum? quomodo etiam assereret Aristæus, omnes, qui eam initio viderunt, acclamasse, singula esse bene & fideliter versa? quomodo non admirari fuissent, tam multa contrario sensu reddita? Hæc ergo si ita sunt, si, inquam, nihil in editione *ῥῶ* LXX extitit quod non fuerit translaturum ex Hebræo, irrefragabiliter sequitur, illa, quæ in vulgata Latina ex LXX addita scribit Bellarminus, cum in Hebræo textu haud inveniantur, non esse adjecta ex genuina ista ac intemerata LXX virali: ni dicere forte velis cum Pontificiis quibusdam, fontes Hebræos iis locis, ubi versio vulgata plus habet aut minus quam ipsi, non esse sinceros, sed id, quod in vulgata extat, in Hebræo autem non, excidisse perfidia Judæorum: quod tamen commentum operose noster refellit Cardinalis capite 11. Si autem ista vulgata Latina additamenta neque ex prima *ῥῶ* LXX translatione, neque ex fonte Hebræo sunt deprompta, quod canonica esse non possint, & authentica, oppido quam est manife-*

vol. 396.

Rum. idque fatetur ipse Bellarmini hyperaspistes Grefserus; cujus hæc sunt aperte verba: *Cum ea, qua in versione 70 Interpretum verè diversa erant ab Hebræo textu, non manaverint à 70. Interpretibus; quandoquidem illorum interpretatio exactissima cum Hebræo textu congruebat, ut supponis hæc (Bellarmini) opinio; Hebræus isidem textus non sit mutilatus aut depravatus; necessario sequitur, talia, quæ ex 70. Interpretibus desumpta, & in vulgatam Latinam editionem translata dicuntur, non esse Canonica; cum fuerint 70. Interpretibus olim superaddita, quando puritas illius versionis ab Origene & aliis additione & detractioe contaminari cepit. Quis autem dicat, canonica & authentica esse, quæ nec sint in Hebræo textu, nec in prima 70. Interpretum versione exstabant?*

xiv. Inde ergo nunc argumentor:

Quæ Synodus Canonicum & authenticum pronunciauit, orbique Christiano sub anathemate pro tali agnoscendum obtrusit, quod in se canonicum & authenticum non est, ea gravissime erravit.

Atqui Tridentina Synodus id fecit. E.

Major evidens est, nec poterit ejus veritas a quoquam in dubium vocari, nisi forte ab his, qui tantam Ecclesiæ tribuunt auctoritatem, ut possit de non-canónico facere canonicum, de non-authentico authenticum; quam tamen sententiam rejicit Bellarminus libro de Verbo Dei cap. x, adeo quidem, ut (licet præter omne meritum, velut suo loco ostendimus) impudentissimæ calumniæ Chemnitium nostrum postulet, quod Pontificiis eam tribuat: quemadmodum & Gref-

vol. 397. &
341.

serus

serus fatetur diserte, Concilium non posse aliter authenticum quid facere, nisi declarando ac promulgando, non constituendo. Nam si antea authenticum in se non sit, nequaquam Concilium vim authenticam ei indere posse, quippe quam acquirere debeat a DEO. Minor itidem manifesta. Sic nimirum, habet decretum Concilii sess. IV: *Si quis libros Scripturæ cum omnibus suis partibus, prout in Ecclesia Catholica legi consueverunt, & in Veteri Vulgata Latina Editione habentur, pro sacris & canonicis non susceperit, anathema sit.* Quibus mox subicitur decretum, quo statuit eadem Synodus, *ut hac ipsa vetus & vulgata editio in publicis lectionibus, disputationibus, predicationibus, & expositionibus pro authentica habeatur; & ut nemo illam rejicere quovis prætenu audeat vel presumat.* Jam vero Bellarminus fatetur, haberi in Vulgata ista non pauca, quæ in Hebræo haud inveniantur, indeque nec in prima *scilicet* LXX translatione extiterint, quæque idcirco, largiente & affirmante ipsomet ejus propugnatore Gretsero, minime canonica sint & authentica. Evidens proinde est, quod, per ipsius Card. Bellarmini hypothesen, sapius dicta Synodus canonicum & authenticum pronunciaverit, orbique Christiano sub anathemate pro tali habendum & agnoscendum obtruserit, quod reapse non est canonicum & authenticum. Junge his, quæ afferimus capite x, 19. xi, 4.

CAPUT X.

DE

AUCTORITATE VULGATÆ LATINÆ.

I.

*Bell. ineptus
discursus de
vers. au-
thent.*

Disputationem de auctoritate versionis Latinæ vulgatæ incipiens Bellarminus, *Hæretici*, ait, *no-
stri temporis* quanquam inter se non parum dissentiant in authentica editione Latina eligenda, tamen ad-
versus Ecclesiam mirifice omnes consentiunt. Siquidem Lu-
therani volunt, solam Lutheri versionem habendam esse
authenticam; ut patet ex decreto quodam Lipsiensi, cui
Melancthon, Pomeranus, Major, aliique permulti sub-
scripserunt. De quo decreto vide Staphylum in tertio
topico predicamento *Lutherana Theologia*. At Zwingliani, quibus Anabaptista & Calvinista consentiunt,
nullam esse volunt authenticam versionem; ut ex præfa-
tione Tigurina editionis patet: ubi docent, non debere
Ecclesiam alligari ad unam aliquam versionem. Nihilo-
minus tamen tam Lutherani quam Zwingliani in eo
conveniunt, ut editio Latina vulgata non sit habenda
pro authentica, cum innumerabiles errores in ea depre-
hendantur.

II. Quæ quidem paucissimæ lineæ, si dicen-
dum quod res est, non paucis scatent vitiis: *lascivæ*
puta, falsitatibus, ineptiis. Ait, hæreticos, id est,
qui Papam negant esse *Dominum Deum nostrum*, non
parum dissentire in authentica editione Latina eli-
genda; idque probat inde, quod Lutherani velint,
solam Lutheri versionem habendam esse authenticam,
Zwingli;

Zvvingliani vero, Anabaptistæ, & Calvinistæ, nullā esse velint authenticā versionem. Ubi primo nequaquā apparet, qui Lutherani dici possint non parum dissentire, in authentica editione *Latina* eligenda, a Zvvinglianis, Anabaptistis, Calvinistis, propterea quod velint, Lutheri versionem habendam esse authenticam.

An enim Lutheri versio est versio *Latina*? Deinde, quid hoc sibi vult, quod distinctionem facit Cardinalis inter Zvvinglianos & Calvinistas, quasi diversæ essent sectæ? Ait quippe, Calvinistas consentire Zvvinglianis in controversia de versione authentica. Quomodo sane nemo loquitur de illis qui eandem plane profitentur fidem. Ecquis enim diceret, v. c. Pontificios consentire Romano-Catholicis in quaestione de Purgatorio? Nescio proinde, quid in mentem venerit Bellarmino, ut ita Calvinianos a Zvvinglianis, & quidem interjectis Anabaptistis, quasi minus ab his distantibus, sejungeret. Vulgus quidem diversas heic sibi sectas fingere solet. Quam in rem Becanus, præfat. opusculi de titulis Calvinistarum, *Omnes norint*, inquit, *unam eandemque sectam diversis sæpe nominibus ac titulis significari. In quo non pauci a Vulgo detipiuntur. Putant, alios esse Calvinistas, alios Puritanos, alios Picarditas, alios Hugonotos* (par Zvvinglianorum ratio. conf. tit. v.) *ERRANT. Nomina diversa sunt, secta eadem.* At quis vulgi hunc errorem errasse credat Bellarminum, tantum Controversistam? Nempe interdum viri etiam docti, quando cœlesti se veritati opponunt, intelligendo faciunt ut nihil intelligant. Denique, annon crassissimum commentum est, impudensque calumnia, quod Lutherani velint, solam Lutheri versionem ha-

bendam

*Distinctio
Bell. inter
Zvvinglian-
nos & Cal-
vinistas.*

bendam esse authenticam? Si ullo alio, hoc certe testimonio mendacii convinci potest aperti Bellarmini (apud Fuligattum, in vita ipsius, lib. vi, cap. i,) jactantia, *toto vite spatio se mendacium nullum dixisse.* Producat pro facienda fide assertioni isti testis vel unicus, sed ἀξιόμωτος, non Staphylus; cujus fatuitatem cavillandique pruritum vel sola prodit libri inscriptio quem Cardinalis laudat. Sane Lutherus ipsemet de versione sua, toties quoque recognita & emendata, longe aliter judicavit, quam ut pro authentica cuiquam censuerit obtrudendam. Ait enim, si quando in transferendo hallucinatus forte fuerit, gratias se habiturum ei qui errores monstraverit. Neque enim mirum, si ipse non semper acurè tetigerit, cum & Hieronymus toties heic sit lapsus. Ob man müste mich angreifen und tadeln / inquit, der ich zuweilen in der Dolmetschung gefeilet hätte / das wil ich mit danck annehmen. Denn wie oft hat Hieronymus gefeilet? libro de Schemhamphorash, anno XLII, & sic triennio ante summi viri obitum, edito, Tom. ix Jen. f. 135.

*Argum. Bell.
i. pro au-
thentia Vul-
gata.*

III. Sed age, ipsum controversiæ caput aggrediamur, & argumenta Bellarmini, quibus ἀντιτίνας vulgatæ Latinæ firmare nititur, expendamus. *Primum*, inquit, *est argumentum ipsius Concilii.* Ait enim Synodus Tridentina, eam à se probari sacrorum librorum Latinam editionem, qua longo tot seculorum usu in ipsa Ecclesia probata est. Nec enim temere per annos fere mille, hoc est, a tempore B. Gregorii, omnis Ecclesia Latina hac una editione usa est, omnes Concionatores hanc explanaverunt & populis proposuerunt, omnia

omnia Concilia ex hac editione testimonia protulerunt ad-
confirmanda dogmata fidei. Porro Ecclesiam totis o-
stingentis vel nongentis annis germana Scriptura inter-
pretatione caruisse, atque in iis, qua ad fidem & religio-
nem pertinent, errores Interpretis nescio cuius pro ver-
bo DEI coluisse, mirum est si cui mirum & absurdum
non esse videatur; praesertim si ex Apostolo didiceris,
1. Tim. 3. eam esse columnam & firmamentum veritatis.
Quod quidem argumentum si scopum ferire debeat,
(quaeritur enim heic, non, an reverentia aliqua ob
antiquitatem & diuturnum usum debeatur Vulgatæ:
imone hoc quidem, an plus ea vel minus aberret quam
translationes alia; sed, an sit authentica) ad syllogi-
sticam formam revocatum habebit ita:

Quæ Scripturæ versio longo multorum seculorum
usu in Ecclesia viguit, illa est authentica.

Atqui versio vulgata Latina longo multorum secu-
lorum usu in Ecclesia viguit.

Ergo eadem est authentica.

Quo pacto concludere heic velle Cardinalem, a-
gnoscat ejus Apologeta Greferus. Cum enim dixis-
set Hunnius: Ratio a tot seculorum usu petita hoc tan-
tum evincit, Ecclesiam diu utiliter ea editione usum,
cum non extaret melior translatio: subjicit ille: Plus
evincit hac ratio, o Pradicans: nimirum, hanc editio-
nem vere esse authenticam. col 3. 6;

IV. Ceterum quis non videt in argumento i-
sto infirmitatem propositionis majoris? Si enim lon-
gus Ecclesiæ usus *adversari* conciliare valet translatio-
nibus, qui factum, quod authentica non fuerit, quæ
ante Gregorii tempora tot seculis obtinuit, editio

Latina communis & vulgata? An forte major heic vis Ecclesiæ posterioris, quam prisce illius ac primitivæ?

v. Quæ pro argumenti sui confirmatione affert Robertus, parum sane habent roboris. Ait nempe, mirum videri & absurdum, *Ecclesiam totis ostingentis vel nongentis annis germana Scriptura interpretatione caruisse, atque in eis, quæ ad fidem & religionem pertinent, errores Interpretis nescio cuius pro verbo DEI coluisse.* Verum primo, si vel maxime concederetur, versionem vulgatam esse interpretationem germanam, hoc est, tanta fide ac industria expressam, quantam requirit genuina & accurata translatio, nondum tamen inde sequeretur, quod sit *authentica*, & talis, a qua *nullo prætextu* liceat recedere. Quantaunque enim cura versio aliqua sit adornata, si non nisi ab humano profecta studio, numquam tantæ perfectionis est, ut extra omne erroris periculum sit posita. Deinde non erat, cur grande adeo videretur Cardinali nostro paradoxum, Ecclesiam, in qua aliqui conservatur veritas fidei & morum, carere interpretatione germana, sumpta hac voce ita ut jamjam exponebamus. Annon enim id contigit primis illis ac purioribus seculis, dum in usu erat translatio quam Hieronymus improbabat, imo quam ipsa tandem ac paulatim improbavit Ecclesia? & annon ipse Bellarminus supra capite VI agnoscit, versionem LXXviralem, quam *Catholica Ecclesia multis seculis secuta*, jam ante Justinii Martyris tempora a *Judeis multis in locis fuisse corruptam*, ad hoc primis trecentis post CHRISTUM natum annis tot macu-

las contraxisse, ut necessum fuerit, eam *sape sapius commendari ab Origene, Luciano, Hesychio, Hieronymo?* Si ergo absurdum non est, affirmare de primæva illa ac intemerata Ecclesia, quod editionem secuta fuerit tot modis depravatam & viciatam; an erit absurdum, dicere de Ecclesia posteriorum temporum, quod versione fuerit usa, quæ non fideliter ubique & curate fontes exprimeret, sed multos haberet errores interpretis, multas maculas?

VI. Et mirari subit, adeo indubitatum esse Bellarmino, quod vulgata Latina sit germana versio, cum ipsemet capite præcedenti ix diserte scribat, habere illam *non pauca, quæ in Hebræo non inveniuntur*; quemadmodum & alii ex Pontificiis ingenue fatentur, quod in ea reperiuntur *multa incommodè admodum versa, nonnulla superaddita, aliqua omissa & immutata, quadam minus bene ac vere transfusa, multoque aliter quam veritas Hebraica habet, quadam a genuino sensu deturbata, & a scriptoris sensu aliene, translata*; (vide infra num. xix) qualia certe de germana & fideli Scripturarum interpretatione nemo prudens affirmaverit.

VII. Porro falsum est, quod, ut Bellarminus ait, *a tempore B. Gregorii omnis Ecclesia Latina HAC UNA editione vulgata usa sit, OMNES Concionatores hanc explanaverint, & populis proposuerint.* Etenim Interpretes & Tractatores non semper solitos, ne quidem post Gregorium, sic verba Scripturæ recitare, quemadmodum in Vulgata leguntur, ipse Gretserus inficiari nequit. Etiam si nihil aliud id arguere scribat, quam *varias vulgate editionis lectiones. natas ex ma-*

Gretseri Gama effugia.
col. 553.

manuscriptorum exemplarium diversitate. Quod tamen
 vanum esse effugium nullo negotio patebit, si Vul-
 gata kodiernæ textum cum translationibus quibus
 veterum nonnulli utuntur contuleris. Ita, cum
 Vulgata habet, v. c. Gen. 1, 2. *Terra erat inanis &
 vacua;* Albinus Alcuinus, qui Caroli M. tempore
 vixit, *Quæstionibus in Genesin*, legit: *Terra erat in-
 visibilis & incomposita.* quando ibidem cap. 11, 2. ha-
 bet Vulgata: *Requievis Deus die septimo ab omni opere
 quod patrarat. & comm. 17. In quocunque die comede-
 ris ex eo, morte morieris.* comm. 24. *Quamobrem
 relinques homo patrem suum & matrem.* Alcuinus le-
 git: *Requievis die septimo ab omnibus operibus suis. —
 Si manducaveritis ex eo, morte moriemini. — Propter
 hoc relinques homo patrem & matrem.* Sic porro cap.
 111, 16. Vulgata: *Sub viri potestate eris.* Alcuinus: *Sub
 te eris appetitus tuus.* cap. 14, 15. Vulgata: *Septuplum
 punietur.* Alcuinus: *Septuplum vindicabitur.* cap. x,
 11. Vulgata: *Ædificavis Ninivem, & plateas civitatis.*
 Alcuinus: *Ædificavis Niniven, & Robores civitatem.*
 cap. xvi, 12. Vulgata: *Manus ejus contra omnes, &
 manus omnium contra eum; & e regione universorum
 fratrum suorum figet tabernacula.* Alcuinus: *Manus
 ejus super omnes, & manus omnium super eum; & con-
 tra faciem omnium fratrum suorum habitabis.* cap. xvii,
 4. Vulgata: *Pactum meum tecum, erisque pater multa-
 rum gentium. Nec ultra vocabitur nomen tuum Abram;
 sed appellaberis Abraham, quia patrem multarum gen-
 tium constitui te.* Alcuinus: *Ecce, testamentum meum
 tecum, & eris pater multitudinis gentium; & non vo-
 cabitur nomen tuum Abram, quia patrem gentium*

*posui te. cap. xx, 6. Vulgata : Custodivi te , ne peccares in me. Alcuinus : Peperi tibi , ut non peccares in me. Ubi lectionis tantummodo varietatem esse , non translationes diversas , nemo dixerit qui quidem mentis sat est compos. Sed & evanescit hinc exceptio ejusdem Gresseri altera , dum videlicet ait , Tra- 4. 1. ctatores sententias Scriptura frequenter allegasse prout occurrebant memoria , certos de sensu , de verbis minime sollicitos. Annon enim sensu discrepant ista , v. g. *Ædificavit Niniven , & plateas civitatis ; ac : Ædificavit Niniven , & Robos civitatem ?* Sed nolumus his immorari diutius. Tantum igitur de argumento Bellarmini primo. Nam de verbis Apostoli ex 1 Tim. 11, 15. agere non est hujus loci.*

ix. Argumentum Bellarmini secundum ita, *Arg. Bell. 2.*
habet : *Vel hac nostra versio est Hieronymi vel , certe illa antiqua communis , quam Augustinus vocat Italam. Si est illa antiqua , magnum testimonium habet ab Aug. l. 2. de doct. Christ. c. 15. ubi dicit , eam omnibus esse preferendam : si autem est Hieronymi , ut nos supra probavimus , habes testimonia omnium veterum , qui eam videre potuerunt. Ubi nominatim adducit testimonium Augustini , dicentis , Judæos fateri , translationem Hieronymi ex Hebræo esse veracem , ejusdemque emendationem Novi Testamenti omnibus probari ; & Gregorii , perhibentis , versionem isthanc cuncta verius transfudisse ; Isidori item , (cui subscribere notat Rabanum) de eadem affirmantis , quod merito ceteris anseponatur ; provocatque , porro ad Anselmum , Bernhardum , Rupertum , Haymonem , Hugonem , Richardum , & alios omnes , quos satis*

ostendere ait, *se hanc editionem præ ceteris probasse, cum eam solum explanandam susceperint* : ac tandem addit, quod non solum Latini *versionem hanc probarint*, sed etiam Græci, qui *quædam divina volumina, a Hieronymo in Latinum ex Hebræo conversa, ex Latino in Græcum transfuderint*. Ex quibus omnibus talis nascitur sylloge :

Quæ versio, priscis Ecclesiæ Patribus præ ceteris probatur, cunctisque translationibus aliis præfertur, est authentica.

Sed versio vulgata Latina priscis Ecclesiæ Patribus præ ceteris probatur, cunctisque translationibus aliis præfertur.

Ergo est authentica.

ix. Ubi primo, quod ad Majorem attinet propositionem, facile patet, non posse illam admitti. Qua enim vel specie veri ostenderetur, esse versionem statim authenticam, quam probarunt veteres Ecclesiæ Doctores, ceterisque translationibus prætulere? cum possit sane versio Scripturarum una palmam præripere aliis, quod minus quam illæ a fonte recedat, sermone magis proprio & perspicuo res sacras exprimat, similibusque præ ipsis polleat virtutibus; quæ tamen idcirco non est authentica necessario, tantæque auctoritatis, ut nullo ab ea prætextu liceat abire. Nam, uti jam supra diximus, quantacunque etiam
 1. cura translatio aliqua sit adornata, si non nisi ab humano profecta studio, numquam tantæ perfectionis est, ut extra omne erroris periculum sit posita.

x. Porro nec Minor supra propositi argumenti certæ veritatis est. Supponit enim, Vulgatam hodie-

diernam esse vel antiquam illam Italam, vel Hieronymianam versionem. quorum utrumque falsum esse, capite præcedenti ix, etiam ex ipsomet Bellarmino, patuit. Deinde in produendis veterum testimoniis admodum imprudens est Cardinalis. Nempe ubi ex Augustino probasset, antiquam Italam omnibus aliis versionibus esse præferendam, mox probat ex Isidoro, quod Hieronymiana merito ceteris anteponeatur. Quæ simul consistere nequeunt. Nam si Itala omnibus translationibus præferenda, ergo & Hieronymianæ; ac similiter, si Hieronymiana ceteris anteponeunda, ergo & Italæ. Erit proinde eadem eidem & præferenda & postponenda: quod absurdum. Et fac, Vulgatam hodiernam esse antiquam Italam, (liberam enim heic electionem facit Bellarminus, ut pronuncietur in utramvis partem, vel Italam esse, vel Hieronymianam) annon auctoritati ejus detrahent, quæ Cardinalis citat, Gregorii, Isidori, Rabani, ceterorumque pro Hieronymiana facientium testimonia? fac e contrario, esse eandem Hieronymi, nonne ipsius auctoritati aliquid decedet per judicium Augustini, Italam cunctis versionibus, & sic etiam Hieronymianæ, præferentis? Utra ergo sententia eligatur, semper arma suppeditat Bellarminus quibus impugnetur. Ita si dicas, ut heic dicit Bellarminus, Vulgatam hodiernam esse Hieronymi, in proclivi est argumentari:

Quæ translatio cedit antiquæ Italæ, ea minus recte a Concilio Tridentino declarata est authentica.
Atqui translatio Hieronymi cedit antiquæ Italæ.
Ergo minus recte a Concilio Tridentino declarata est authentica.

Major

col. 349

Major patet. Ut enim versio aliqua pronuncietur authentica, *omnium optimam & fidelissimam divini Spiritus interpretem esse oportet*, tantæque perfectionis, ut cudi non possit *qua Spiritus sancti mentem verius ac melius explicet*; ceu Gretserus indicium facit. quemadmodum & Bellarminus ad auctoritatem editionis alicujus authenticam requirit, ut anteponatut ceteris; velut ex supra dictis liquet. Minor e testimonio Augustini, quod, ex libro ejus II de Doctr. Chr. cap. xv, heic laudat Bellarminus, evidens est. Si enim *omnibus versionibus*, (intellige Latinis) præferenda est Itala, ergo & Hieronymiana. Amplius notetur, quod speciatim ad Augustini attinet ex libro XIII de Civ. Dei cap. XLIII citatum testimonium, tantum abesse, ut pro dignitate translationis Hieronymi authentica id faciat, ut potius eandem diserte impugnet. Ita nimirum habet locus integer: *Non defuit temporibus nostris Presbyter Hieronymus, homo doctissimus, & omnium scripturarum linguarum peritus; qui non ex Græco, sed ex Hebræo, in Latinum eloquium Scripturas converteret. Eius tam laborum quamvis Judæi faterentur esse veracem, LXX vero Interpretes in multis errasse contendunt, tamen Ecclesie Christi tot hominum auctoritati, ab Eleazarò tunc Pontifice ad hoc tantum opus electorum, NEMINEM JUDICANT PRÆFERENDUM. Quia, etsi non in eis unus apparuisset spiritus sine dubitatione divinus, sed inter se verba interpretationis sua LXX docti more hominum consulisent, ut, quod placuisset omnibus, hoc maneret, NULLUS EI UNUS INTERPRES DEBUIT ANTEPONI.* Ubi vides, postponi Hieronymianam versionem etiam translationi LXXviri, quam tamen illo tempore multis modis deprava-

depravatam fuisse, toties inculcat Hieronymus, agnoscatque noster supra capite vi. Tandem & hoc observetur, ne ipsos quidem Tridentinos ad illa Patrum testimonia, quæ Bellarminus citat, attendisse. Si enim cum Gregorio iudicassent, Hieronymi *translationem ex Hebræo CUNCTA verius transfudisse*, eandemque cum Iliodoro absolute *ceteris anteposuisse*, quod esset *veracior in sententiis, & clarior in verbis*; non prætulissent utique in determinatione versionis authenticæ Psalterii interpretationem antiqui interpretis ex Luciano. Si censuissent cum Augustino, antiquam Italiam simpliciter *omnibus esse præferendam*, non prætulissent in reliquis, præter Psalterium, libris V. T. *ἡμῶν* *λογισμῶν* translationem Hieronymianam. Quod tamen eos fecisse asseverat supra cap. ix Bellarminus. Et hæcenus etiam de argumento secundo.

xi. Tertium, (quo, teste in Historia sua P. Sarpio. lib. ii, in ipso etiam Tridentino Concilio quidam usi sunt) illud est: *Habuerunt Hebræi sua lingua authenticam Scripturam, Græci quoque habuerunt Græcè authenticam Scripturam, id est, Testamentum Vetus ex versione 70. & Testamenti Novi ipsos primos fontes; igitur æquum fuit, ut Latina Ecclesia, in qua sedes Petri est, & in qua perpetuò fides Christiana mansura erat, haberet sua lingua authenticam Scripturam. Non autem habuit aliam fere à mille annis, quàm istam; igitur ista authentica censenda est.*

xii. Cujus argumenti primum negatur consequentia; negatur, inquam, si Hebræi sua lingua Scripturam habuerint authenticam, sua Græci, huic consequens esse, quod oporteat etiam Latinos authenticam

Q

habere

Arg. Bell. 1.

Responsio.

habere Scripturam lingua sua. Neque enim necesse est, ut ratione istiusmodi singularium beneficiorum omnes Ecclesiæ particulares ejusdem sint conditionis; sed fieri potest, ut uni præ altera heic aliqua prærogativa contingat. Sic v. g. Ecclesia Hebræorum intuita est coram docentemque audivit CHRISTUM in carne manifestatum; quod aliis non æque contigit: nonnullæ Ecclesiæ ab ipsis primum Apostolis fundatæ sunt, eisdemque vivos habuerunt magistros; id quod de aliis dici non potest, quarum tamen cetera haud fuit inferior dignitas. Et si ejusmodi accidentiarum prærogativarum ratione Ecclesia Latina deberet per omnia par esse Hebrææ, etiam sua lingua Scripturas habere ipsam oporteret immediate *Ἱερωσύνη*, uti sua lingua Ecclesia habet Hebræa: cum tamen, ipsoniet Bellarmino largiente, nulla extet Scriptura Latina, quæ, ut talis, ex *Ἱερωσύνη* sit profecta.

xiii. Deinde, si recte rem expendas, causa quamobrem Hebræi habuerunt Scripturam sua lingua authenticam, sua lingua Græci, (puta ex parte, & ratione Testamenti Novi. nam quod ait Cardinalis, habuisse Græcos sua lingua authenticum quoque Testamentum Vetus ex versione τῶν LXX, id falsum esse supra capite vi evicimus) proprie non est, quod hinc dignitas aliqua peculiaris eorum deberet Ecclesiis accedere: sed placuit Spiritui sancto, ut Scriptura V. T. traderet Hebræis sua lingua, quod tunc temporis non erat alius in toto orbe populus, cui DEUS se revelasset, quodque præter vernaculam Hebræam nullam aliam linguam illi intelligebant: Testamentum autem Novum Græce ab auctoribus suis *Ἱερωσύνης* scriptum est, (non certe solis

re solis Græcis, ut de singulari privilegio illi heic gloria-
ri possint, sed etiam Latinis; cum Græce suam ad
Romanos Epistolam scripserit Paulus,) quia scopus
Apostolorum erat, Evangelium per universum or-
bem disseminare: id quod commodius fieri non
potuit quam lingua Græca, quæ tunc erat commu-
nissima, & ceu Tullius habet pro Archia, *in omnibus fe-
re gentibus legebatur*; cum Latina, dicente eodem, *su-
is finibus exiguis contineretur*. Atque hoc agnoscit Bel-
larminus ipsemet infra capite xv, §. *Sed accedat*; ubi
diserte ait, Apostolos Græce scripsisse, *quia tunc lingua
Græca erat omnium communissima*. Confer Tract. de
Lectione Scripturæ in linguis vulgo cognitis, num. xx,
xxxii, xxxiv, xxxv. Quamquam vero postea usus La-
tini sermonis latissime patere inciperet, atque hinc u-
niversa Scriptura in eundem a multis certatim trans-
funderetur, numquam tamen scriptor extitit Ἰωάννης
Ἰωάννης, qui Latinam versionem adornarit; sed humana
e ncinnatæ sunt industria quotquot ea lingua umquam
prodire translationes, indeque auctoritatem authen-
ticam, ut quæ ἀπαραμύχια in auctore necessario suppo-
nit, obtinere illarum nulla potest.

xiv. Quartum Bellarmini argumentum sic ha-
bet: *In Conciliis generalibus Ecclesie, aut paucissimi, aut
interdum nulli inveniuntur lingua Hebraica periti: male
igitur provisum esset Ecclesie, si in rebus gravibus non pos-
set fidere Latina editioni, sed deberet recurrere ad Hebraicos
codices, & mendicare à Rabbiniis, hostibus suis, veritatem.*
Idem dicere possumus de Græca lingua. Nam etsi nunc
ut cunque multi inveniuntur qui Græce noverint, tamen
non semper ita fuit. Nam si Ruffino credimus, lib. Histor.

Arg. Bell. 4.

10. cap. 21. ex sexcentis Episcopis, qui ad Concilium Ariminense convenerunt, nemo fuit, qui sciret, quid sibi vellet ὁμοῖον. Et propterea, cum callidi quidam hæretici Ariani proponerent Synodo, an velles Christum colere, an ὁμοῖον, omnes clamaverunt, se nolle ὁμοῖον, sed Christum.

Responsio.

xv. Resp. Aut intelligit heic Cardinalis per Concilia generalia, recentiora solum ista, quæ talia Pontificiis esse putantur; & sic negamus, ea vere esse generalia: aut respicit simul antiqua illa Ecclesiæ primitivæ, (quod posterius persuadet allatum ab ipso exemplum synodi Ariminensis, quarto seculo habitæ) atq; ita absurdus est, si affirmat, non potuisse vetera illa Concilia sine magno incommodo carere versione authentica Latina, quod in iis paucissimi aut nulli inventi sint Hebraicæ & Græcæ linguarum petiti. Quid enim? an omnes in priscis illis Synodis congregati Episcopi periti fuerunt linguæ Latinæ? Imo vero in Ephesinæ actis, parte II, act. II, legimus, literas a Celestino, Episcopo Romano, ad Concilium scriptas, oportuisse in Græcum transferri, quod non pauci congregatorum ibi Episcoporum Latine nescirent. Sic in œcumenico primo Niceno, in cccxix illis, ex universo Oriente & Occidente, ipsa etiam Persia & Scythia, extra imperium Romanum, congregatis Patribus, vix octo fuisse legimus Latinos. Ut proinde invertere liceat Bellarmini argumentum, & ita concludere: In Conciliis generalibus priorum seculorum paucissimi inventi fuerunt linguæ Latinæ periti; male igitur provisum fuisset priscæ illiæ puriori Ecclesiæ, si editio Scripturæ Latina esset authentica. Et de quamam heic versione Latina loquitur

conf. Tr. de
Lect. Script.
in lingg.
Vulg. n. 75.

Vid. Euseb.
l. 3. de Vita
Constant.
c. 7.

tur Bellarminus? an de Vulgata, de cujus auctoritate, in præfenti controversitur? Atqui nimis ineptus est, si hanc authenticam fuisse vult tempore veterum Conciliorum, Niceni, Constantinopolitani, & (quod ipsemet in exemplum adducit) Ariminensis, ante celebratorum, quam Vulgata ista (posito nempe, quod ea sit Hieronymi, ut censet Bellarminus) lucem adspexisset. Si vero de alia quadam editione loquitur Cardinalis, Vulgata hodierna vetustiore, extra oleas ipsum ferri, nemo non videt. Unice enim nunc quæritur de editione Latina, quam authenticam pronunciarunt Patres Tridentini.

xvi. Quod ait Bellarminus, *male provisum esse Ecclesiæ, si in rebus gravibus non posset fidere Latina editio- ni, sed deberes recurrere ad Hebræicos codices, & mendicare à Rabbini, hostibus suis, veritatem*; id nauci est. Esse enim e re Ecclesiæ, ut ortis dubiis & controversiis, ad Hebræicos codices recurratur, identidem inculcant magna illa Christiani orbis lumina, Hieronymus & Augustinus; docent Hilarius, Cassiodorus; quin ex ipsismet Pontificiis Cardd. celeberrimi, Ximenius & Cajetanus, Josephus item Acosta, Iesuita, Arias Montanus, Ioh. Driedo, Marcus Marinus, verbis ac locis supra cap. 17, 3. laudatis. Neque hoc est, a Rabbini, Ecclesiæ hostibus, mendicare veritatem. Numquid enim auctores Hebræicorum Scripturæ codicum sunt Rabbini, ut ab his veritatem mendicare sit censendus quisquis textum sacri codicis Hebræum consulit? Aut num forte id vocat Cardinalis mendicare a Rabbini veritatem, si linguam ab iis discas & idioma Hebræum? Hoc vero si quid absurdi habet & incommodi, quod-
Q3
que

que minus deceat Christianos, cur Hieronymus, tantus & tam sanctus Ecclesiæ Doctor, Rabbini usus est Præceptoribus, & ab iis Hebræi sermonis peritiam, (non mendicavit quidem, sed) mercede ingenti didicit? cur Bellarminus ipsemet a Rabbini veritatem emendicare non dubitat? ut infra capite XIII, §. undecimus: cur ibidem diserte ejus hyperaspistes Gretserus, *A quo, inquit, usus Hebraicarum vocum petenda (petendus) est? à Prædicantibus, an à Rabbini?* Quamquam, si tempus spectes quo Latina vulgata authenticam apud Pontificios auctoritatem nacta est, omnino falsum sit, oportuisse tunc, qui Hebræum consulturus esset textum, ejus a Rabbini sensum mendicare Grammaticum: quod non defuerint illo ævo (sicut nec hodie defunt) etiam inter Christianos viri linguæ sanctæ peritissimi, a quibus addiscere talia liceret.

Arg. Bell. 5.

XVII. Ultimum Bellarmini argumentum est hoc: *Videmus, novos hæreticos, qui, contempta antiqua editione, novis interpretationibus student, adeo diversas & inter se dissidentes editiones eudere, ut nihil ferè certi ex eorum editionibus haberi possit. Quare Martinus Lutherus, in libro contra Zwinglium de veritate corporis Christi in Encharistia, Si diutius, inquit, steterit mundus, iterum erit necessarium, ut propter diversas Scripturæ interpretationes, quæ nunc sunt, ad conservandam fidei unitatem, Conciliorum decreta recipiamus, atque ad ea consueciamus.*

Responsio.

XIIX. Resp. Qualis vero hæc argumentatio: Novæ Scripturarum translationes sunt diversæ inter se & dissidentes: ergo Vulgata vetus est authentica? Imo sic debebat concludi: Omnes omnino versiones, tum recentes,

tentes, tum antiquæ, varix sunt & diversæ inter se, igitur *Latine lingua homines duabus aliis ad Scripturarum divinarum cognitionem habent opus, Hebræa scilicet & Græca, ut ad exemplaria præcedentia recurratur, si quam dubitationem attuleris Latinorum Interpretum infinita varietas*; sicut probe monet Augustinus lib. II de Doctr. Christ. cap. XI. cui suffragatur heic Hieronymus, aliique præterea supra cap. II, 3. & VII, 10. citati magni nominis auctores. Extabant Augustini tempore Scripturarum tot Latinæ versiones, ut numerari nullo modo possent, ceu testatur ipse loco paulo ante memorato: & præferendam quidem inter illas censebat doctissimus Antistes translationem Italam, quod esset *verborum tenacior, cum perspicuitate sententia*, ibidem cap. XV; interim pro authentica ne hanc quidem habebat, sed juxta cum aliis ad fontes judicabat exigendam. Etenim *quæ sit ipsa sententia, quam plures interpretes pro sua quisque facultate conentur eloqui, non apparere ait, nisi in ea lingua inspicatur quam interpretantur*, cap. XIII.

XIX. Gresserus cum Sacrobosco suo putat, esse Bellarmini argumentum satis efficax & validum, modo ejus verba fideliter referantur. Nam, inquit, *si hæretici, qui, contempta antiqua editione, aliter, quam illa, reddere student, malè omnino vertunt, experientia teste, ex Lutheri ingenua confessione manifestum indicium est, recessum ab antiqua editione ad corruptionem tendere, & è converso, accessum ad eam tendere ad perfectionem; quodque consequens est, oportere ut illa vera sit, fidelis, ac sincera*.

XX. At esto hæc argumenti Bellarminiani sententia

*Gresseri in
anc. effugi-
um, col. 556.*

Dan. 9, 26.
obiter expli-
catur.

tentia (quamvis ego id non credam) num efficax ita id erit validumque? Neutiquam profecto. Primo enim consequentia nihili est: Si, qui ab antiqua vulgata recedunt, & aliter, quam illa, reddere student, male vertunt, sequitur, recessum a Vulgata ad corruptionem tendere, & accessum ad eam, ad perfectionem. Potest enim aliquis & a Vulgata recedere, & male vertere, ut tamen causa malæ versionis non sit ille a Vulgata recessus. Ita, v. g. Dan. ix, 26. in Vulgata legimus: *Post hebdomades sexaginta duas occidesur CHRISTUS; & non erit eius populus qui eum negaturus est.* Pro quibus habet Sebastianus Munsterus: *& nihil supererit de eo.* Ubi male vertit Munsterus; non sane ideo, quod a Vulgata recedit, quæ heic mire hallucinatur ipsa; sed quod recedit a fonte Hebræo, in quo est *וְיָמֵי*, quæ voculæ commodissime redduntur: *& non sibi*, (quomodo etiam heic Vulgatam emendat Osiander) *non sua causa*; ut sententia emergat elegantissima, CHRISTUM videlicet passurum ac moriturum esse, non sua causa, sed nostra; adeoque locus hic geminus sit illi Isaiano: *Languores nostros ipse tulit, & dolores nostros portavit*; item: *Propter pravaricationem populi mei plaga ei*; cap. LIII, 4. 8. Porro potest aliquis ad Vulgatam accedere, & tamen male vertere; quippe cum Vulgata sæpe vertat pessime: id quod ipsimet cordatores Pontificii, etiam illi qui post Tridentinam Synodum scribere, inficiari nequeunt. Ita Sixtus Senensis, sub finem Bibliothecæ sanctæ, *Ingenue fate-mur*, ait, *in hac nostra nova editione* (de Vulgata hodierna loquitur) *nonnullas inveniri mendas, solacismos, barbarismos, hyperbata, & multa parum accommo-dare*

*date versa, & minus Latine expressa, obscure & ambigue interpretata, itemque nonnulla superaddita, aliqua omis-
sa, quadam transposita, immutata, ac vitio scriptorum depravata.* Ad eundem modum Guilielmus Linda-
nus, Episcopus Ruræmundensis, tractatu de opti-
mo Scripturæ interpretandi genere, agnoscit, in trans-
latione ista *non pauca incommodè admodum versa*, libro
I, cap. XI; *quadam minus plene, adeoque minus bene ac
vere transfusa*, lib. III, cap. I: agnoscit, eandem *Inter-
pretis, si non ignorantia, certe oscitantia, a plano sensu
ac genuino desurbatam esse*, ibid. cap. II: & loca habe-
re *a scriptoris sensu aliene translata*, cap. III. Sed &
Petrus Galatinus, libro III de Arcanis Catholicæ veri-
tatis, cap. VI, scribit: *Autor nostra editionis aquivo-
catione vocabulorum deceptus, multa longe aliter trans-
tulit, quam veritas Hebraica habeat.* Adde, qui vul-
gatam Latinam ex Hebræo Veteris & Græco Novi Te-
stamenti textu corrigunt, observatos Gerhardo, lib.
II Confess. Cathol. part. I, art. I, cap. II, thes. VI, pag.
147. seqq. & Chamiero, Tom. I Panstræux, lib. XIV,
cap. IX, 17. seqq.

XXI. Ad Lutheri locum quod attinet, ex tracta-
tu, cujus inscriptio: *Daß diese Worte Christi (daß
ist mein Leib / etc.) noch fest stehen* / Tom. III Jen. G.
f. 338. petiit, adeo is assertur inepte, ut suspicer,
Bellarminum non evolvisse opus ipsum, ex quo de-
promptum illud testimonium, sed ab aliis citatum,
huc transtulisse. Nam quod Gretserus causatur, lau-
dasse Cardinalem verba ut in versione Latina inven-
rit; nullatenus ipsum heic excusat: quandoquidem
ita clarum est e contextu, non loqui Lutherum de in-

*Do loco Lu-
theri, quem
Bell. citat.*

*Gretseri ex-
ceptio.
col. 552.*

interpretatione verborum, sed rerum; nec culpae varias Scripturæ versiones, sed dissidentes ejusdem expositiones, ut nemo sanæ mentis de hoc possit dubitare, siue Germanico idiomate librum legat, siue Latino. Ubi enim dixerat, cum olim in sensus adeo varios raperentur Scripturæ textus, ut quivis illos hæreticus, sectarius quivis, pro se laudaret Patres, obicem tantæ discordiæ posituros, Scripturis adjecisse Conciliorum decreta & statuta; subjungit, quandoquidem & nunc eo sit deventum, ut pro suo quisque arbitrio & commodo sacras literas pervertat actorqueat, fore, ut tandem ad humana similiter consilia & decreta redeatur. Verba sunt: *Wo die Welt solt lenger stehen / wird man wiederumb / wie die alten gethan haben / umb solch Zwittracht willen / auch Menschliche anschlesse suchen / und abermal Gesetze und Gebor stellen / die Leute in Eintracht des Glaubens zuerhalten. Das wird den auch gelingen / wie es zuvor gelungen ist.* Si mundus diutius steteris, iterum, ut fecere veteres, propter istas discordias, humana etiam consilia querentur, & denuo leges ac decreta condentur, quibus in fidei unitate serventur homines. Quod quidem negotium aequo cedit ut antea feligiser. Ubi nulla versionum live translationum mentio. Et quid? annon ipse Bellarminus alibi, nempe libro iii de Verbo DEI, cap. i, §. *Accedat*, diserte locum hunc de interpretatione rerum accipit?

Nota excipio Grotse-ri. eo h. 553.

xxii. Grotserus quidem heic, *Sed unde potissimum*, inquit, *varia istæ expositiones Scripturæ, nisi ex diversis translationibus? Nunquam enim magis dissona explanationes exstiterunt, nisi postquam adeo diversa versiones in lucem prodierunt.*

xxiii.

XXIII. Verum quis non videt, quam frivola sit hæc exceptio? Quæstio est, num Lutherus memorato loco in diversas Scripturæ translationes fuerit investus.

Negaverat Hunnius, & dixerat, *non loqui ipsum de versionibus integris integrorum Bibliorum, sed de varia interpretatione locorum Scripturæ, sive glossis, quibus heretici Scripturas ad suum insitutum detorquere soleant.* Putat Gretserus, nihilominus Luthero recte adhuc tribuere, quod reprehenderit citatis verbis diversas Bibliorum translationes, siquidem culpaverit varias eorundem expositiones, quæ diversis istis versionibus originem, in primis debeant. Quid ineptius? Primo falsum, varias Scripturarum translationes potissimam esse causam dissidentium expositionum.

Aliud docet Augustinus, libro II de Doctr. Christ. cap. XI, XII. Ubi enim dixerat, tot fuisse sub tempore versiones Latinas, ut numerari non potuerint; subjungit: *Quæ quidem res plus adjuvis intelligentiam, quam impedivit, si modo legentes non sint negligentes.* Confer supra cap. IX. Deinde esto, quod versiones variantes discordantium causa sint explanationum, an propterea idem sunt variæ versiones & discrepantes expositiones, ut, qui de his loquitur, recte dicatur loqui de illis?

XXIV. Atque sic expendimus argumenta, quibus *in Vulgata* vulgatæ versionis stabilire satagit Bellarminus: restat, ut *aperta illa mendacia*, quæ Martinum Kemnitium & Joannem Calvinum suis contra Vulgatam argumentis admiscuisse idem hoc capite scribit, paucis nunc etiam consideremus.

XXV. *Primum ergo* Calvini mendacium esse. *Doct. menda.*

ait Bellarminus, quod dicat, *nec iudicio, nec recto delectu factum esse, ut ex interpretationibus diversis una obtinuerit inter indoctos.* Etenim, ait Cardinalis, cum, omnibus interpretationibus abolitis, hac nostra supra mille annos in usu totius Latine Ecclesie fuerit, aut nulli fuerunt totis mille annis in Ecclesia docti, aut impudenter mentitur Calvinus. Deinde (ita pergit) Sophronium, Augustinum, Gregorium, Isidorum, Bedam, Anselmum, Rupertum, Bernardum, aliosq. tam multos insignes viros non existimo inter indoctos numerandos esse: & tamē isti omnes editionem nostrā aut inter ceteras, aut etiam prater ceteras laudavimus.

xxvi. Resp. Mirum vero, quod Bellarminus, dum Calvinum mendacii reum agit, ipse sibi a mendacio non temperet. Ait nempe, omnibus interpretationibus abolitis, Vulgatam supra mille annos in usu totius Latine Ecclesie fuisse. Id quod longe falsissimum esse, supra num. iii evidenter ostensum. Deinde Calvinus, quando unam Vulgatam tandem obtinuisse dicit inter indoctos, non intelligit indoctos simpliciter, sed imperitos linguarum. Ita nimirum ejus habent verba, in Antidoto Concilii Tridentini, ad sess. iv: *Factum est, nescio quibus modis, certe nec iudicio, nec recto delectu, ut ex interpretationibus diversis una obtinuerit inter indoctos, saltem qui, nulla linguarum notitia instructi, qualescunque ignorantia sua subsidium querebant.* An vero negare sustinebit Bellarminus, homines illorum temporum, quando ex interpretationibus diversis una obrinuit Vulgata, linguarum fuisse rudes? De Hebraea certe & Græca lingua nullum potest esse dubium, puta quarum ignorantiam paulo antea, Vulgatæ *superius* demonstraturus, prætexebat Cardinalis ipsemet.

met. Sed de Latina quoque res in aprico. Utut enim hanc non penitus ignoraverint, stylo tamen utuntur deformi adeo & corrupto, ut quemvis alium potius quam nativum sermonem Latinum audire te existimes, eorum scripta si legas. Sophronium, Augustinum, Gregorium, huc non pertinere, ex se liquet: cum de iis tantum loquatur Calvinus, inter quos una obtinuit Vulgata, in horum autem numerum non veniant, ipsomet fatente Bellarmino, jamjam memorati Patres. Sed & Isidorus, Beda, Anselmus, Rupertus, Bernardus, aliique multi insignes viri, qui editionem vulgatam, aut inter ceteras, aut etiam præter ceteras laudarunt, cur opponuntur Calvino? An forte idem sunt, versionem aliquam a Doctoribus laudari, &, eam unam, sive solam inter illos obtinere?

xxviii. Secundum Calvini mendacium, censente Bellarmino, illud est, quod scribit, decrevisse Tridentinos Patres, minime esse audiendos eos, qui ex fonte ipso purum liquorem proferunt, & ex certa veritate falsum coarguunt. Hoc ideo mendacium voco, ait Cardinalis, quod nihil ejusmodi in decreto Concilii legatur. Nec enim Patres fontium ullam mentionem fecerunt; sed solum ex tot Latinis versionibus, qua nunc circumferuntur, unam delegerunt, quam ceteris anteponebant, & (quod Ecclesia gravitatem & constantiam decebat) antiquam novis, probatam longo usu recentibus adhuc, ac, ut sic loquar, crudis, denique, unam multis inter se dissidentibus & pugnantibus prætulimus. Quibus Bellarminianis gemina plane habent Alph. Salmeron lib. 1, proleg. iii in Evangelia, Simeon de Muis, præfat. in Psalmos, Philippus Gamachæus ad Thomæ, quæst. 1.

*De mendacio
Calvinia,*

XXIX. Responderet autem Iunnius noster: *Quamvis Patres Tridentini Concilii fontium non facians mentionem explicitam, tamen, dum versionem Latinam faciunt authenticam, & omni ex parte sacrosanctam haberi iubent, sponte iam sequitur id, quod Calvinus eis tribuit. Nam si maximè versio Latina vulgata ab Hebrais fontibus dissentiat, (sicut facit frequentissima) tamen, si Latina iubetur omni ex parte haberi authentica, jam consequens est, audiendos eos non esse, qui ex fonte ipso purum liquorem proferunt. & cetera veritate (Hebraica) translationis Latina falsitatem coarguunt.*

Græferi ex-
ceptio,
col. 553.

cinquantum
et octo

XXIX. Ad quæ Græferus, Negamus, ait, hoc sequi. Nam, si quid purum adferatur ex fontibus, id nunquam dissentiet à latina editione vulgata; si putaret dissentiat, jam hoc ipso purum non erit. Impudenter igitur mentitur Calvinus, Patres Tridentina Synodi statuisse, minimè audiendos esse alios, etiam si ex fonte ipso purum liquorem adferant. Si purus sit, obvius ulnis acceptabitur, quia non diverget ab ea editione, quam Tridentini Patres authenticam esse declararunt. Si autem diverget, jam liquor purus non erit. Quæ eo unice tendunt sane, ut translatio norma constitutur textus originarii, quod ipsi rerum indoli totique antiquitati adversatur: quæ cum Hieronymo, epist. xxix, ad Lucinium, statuit, ut veterum librorum fides de Hebrais voluminibus examinanda: ita novorum Græci sermonis normam desiderare; & cum Augustino, libr. xv de Civ. Dei cap. xiii, ut, quum diversum aliquid in utriusque codicibus invenitur, ei lingue potius credatur, unde est in aliam per interpretes facta translatio. Vide supra cap. 11, 2.

xxx. Notetur porro, quod ait heic Grefserus, si purus sit Scripturarum fons, obviis ulnis acceptatum iri, id ex animi sententia ipsum haud loqui, ut cujus disertia verba sunt, supra cap. ii; *Licet fons ille nunquam lutescens, sed semper & ubique limpidus flueret, adhuc tamen, omnia ad Hebraicum textum jam post tot secula corrigenda & exigenda esse, non persuaderet.* Quibus si jungas illa Ludovici de Tena, ex Professore Complutensi Episcopi Dertulienfis, Isagog. ad Scriptur. lib. i, diff. vi, sect. iii: *Licet essent nunc incorrupti codices Graeci & Ebraei, tamen, cum eorum voces habeant tam varias significationes, nec Ecclesia hactenus destituerit, qua earum sint retinenda, bene tamen in Vulgata; hinc est, istam esse priori loco venerandam, ad eamque, ut Lydium lapidem, seu, ut clarius loquar, tanquam ad authenticam regulam fidei, semper esse recurrendum, etiam in levibus: haec, inquam, & similia, si ipsius Grefseri ingenuæ, quam supra dabamus, confessioni jungas, liquido patet, vanum esse illud de fontium puritate ac impuritate effugium, & Pontificios, decreto Tridentino innixos, simpliciter Vulgatam suam textui præferre originali; indeque frustra Bellarminum mendacii postulare Calvinum, quod tale quid Tridentinis tribuatur frustra quoque eundem dicere, Patres illos solum ex tot Latinis versionibus unam delegerisse, quam ceteris antepongerent. Quasi nempe Vulgatam nude tantum anteposuisent versionibus Latinis ceteris, (quod etiam sine collato auctoritas axiomate fieri potuisset) & non ipsis quoque eam prætulissent fontibus, tamquam priori loco venerandam, atque ut authenticam regulam fidei, etiam in levibus; ceu loquitur de Tena.*

xxxii. Et si mendacii reus est, qui dicit, Concilium Tridentinum vulgatam Latinam prætulisse fontibus, mendax quoque erit ille, ipsomet Pontifice Clemente iuxta iudicem, *Doctor Doctorum*, Gregorius de Valentia, ut qui in epistola ad Nicol. Serarium, xvi Octobr. anni xvi data, disertè scribit, *authoritate & definitione Concilii Tridentini vulgatam editionem Latinam, OMNIBUS EDITIONIBUS, CUIUSCUNQUE SINT IDIOMATIS* (ergo sane editionibus etiam Hebraicis & Græcis, atque sic ipsis fontibus) *fuisse prælatam*. Quibus addere quæ habet Michael le Jay, præfatus in opus Biblicum Parisiense, de quo infra: *Pro certo & indubitato apud nos (Pontificios) esse debet, Vulgatam editionem, quæ communis Catholica ecclesiæ lingua circumferretur, verum esse ac genuinum S. Scripturæ fontem: hanc consulendam ubique; inde fidei dogmata repetenda.*

De 3. Calvini mendacis.

xxxiii. Tertium Calvinum imputatum mendacium est, quod scripserit, *adeo nullam esse in vulgata editione integram paginam, ut vix tres sint continui versus non insigni aliquo errore fædati*. Ad quod Bellarminus, *Si ita est*, inquit, *cur ibidem Calvinus, cum suscepisset notandos locos in Psalmis perperam versus, nihil omnino in primi Psalmi translatione notavit? Non habes fortasse primus Psalmus tres continuos versus?*

xxxiiii. Verum non loqui heic Calvinum exquire, sed *παραβολικῶς*, per se patet. Et nulla est consequentia: In primo Psalmo vulgatæ editionis nihil omnino notavit Calvinus; igitur apertum est mendacium, quod idem ait, in editione vulgata *vix esse tres continuos versus non insigni aliquo errore fædatos*. Hoc enim si procederet, aperte etiam mendax fuerit Juvenalis, scribens Sat. xiii, l. 6.

Ra-

*Rari quippe boni; numero vix sunt totidem, quos
Thebarum porta, vel divitis ostia Nilii.*

Atque tantum de mendaciis, quæ Calvinio impropere
Bellarminus.

xxxiv. Quod ad illa nunc porro attinet, quæ
Chemnitio nostro idem objicit, eorum primum esse
ait, quod dicat, *Concilium Tridentinum decrevisse, ut
pro iis, quæ Spiritus sanctus in fontibus Hebraicis & Gra-
cis scripsit, ea recipiamus, quæ à librariis mutata, muti-
lata, vel addita sunt. Hoc esse mendacium manifestum,*
inquit, *nemo non intelligit.* Quis enim, non dico
Catholicus, sed sana mentis homo, unquam diceret, libra-
riorum vitia suscipienda pro Spiritus sancti verbis? De-
inde, nonne Concilium eodem loco jubet, *ut sacra Biblia,*
quam emendatissime fieri poterit, imprimantur?

*De l. menda-
cio Chemni-
ti obijcto.*

xxxv. Resp. Ita est: decrevit hoc Tridentina
Synodus. Utque decreto illi fieret satis, Sixtus v,
Romanus Pontifex, Vulgatam hanc non tantum per
viros aliquot eruditos castigari ac emendari iussit, sed
&, (ut in bulla editioni suæ præfixa testatur) quo res
magis incorrupte perficeretur, sua ipse manu corre-
xit si qua prælo vitia obrepserant: indeque omnes Bi-
bliorum codices secundum illud suum exemplar in-
posterum imprimendos esse sanxit, ne minima quidem
particula mutata, addita, vel detracta. Verum e-
lapso vix biennio post Sixti mortem Clemens ix no-
vam editionem adornavit, usque adeo a Sixtina di-
versam, ut Thomas Jamesius in peculiari libro de
hoc argumento sub titulo *Belli Papalis* emissio, duo
millia circiter notarit loca, quibus posterior hæc a
priori discrepat. Tametsi autem, plurima, quæ in

*De emenda-
tione Vulga-
te Sixtina &
Clementina.*

Sixtina editione fuerant, errata, in Clementina sub-
lata fuisse, recteque emendata, negare non licet; in-
terim neque hanc talem esse, quæ dici possit omnibus
numeris absoluta, & quædam in ea, quæ mutanda
videbantur, consulto relicta esse immutata, præfatio
fateretur eidem præmissa. Cujus auctor quod sit Bellarmi-
nus, ex Correctoribus Clementinis unus, annotat in
ipsius vita Jac. Fuligattus, lib. II, cap. IX. Vide eti-
am epistolam ad Jacobum Blasæum, quam alteri suo
de variis Latinæ vulgatæ lectionibus libello præmisit
Fr. Lucas Brugenſis. Quin hoc ipso, quem nunc
examinamus, libro II de Verbo Dei, supra cap. II,
ait noster, *Ecclesiam pati* in editione vulgata *nonnullos
errores Typographorum*, quod longo tempore ibi fue-
rint, ideoque sine turbatione & scandalo populi non
possint auferri. Quibus plane gemina habet,
sub finem libri IX Bibliothecæ sanctæ, Sixtus Senen-
ſis, & Commentar. in IV Regg. XIV, 18. Gaspar San-
ctius. Unde manifesto patet, quidquid etiam decre-
verit Synodus Tridentina, in hunc usque diem, ipsis-
met fatentibus Pontificiis, versionem vulgatam haud
fuisse ita emendate editam, ut non relicta in ea sint,
etiam de industria, quædam typographorum menda.
Sed & hoc inde liquet, non mentiri, quisquis Pon-
tificiæ tribuit Ecclesiæ, quod pro iis, quæ Spiritus
sanctus in fontibus Hebraicis & Græcis scripsit, illa
proponat recipienda quæ a librariis mutata sunt.

xxxvi. Ecce enim argumentum evidens:

Quæ Ecclesia sine ulla exceptione ut authenticam
recipi jubet editionem Bibliorum, in qua data o-
pera patitur errores typographorum, ea pro his,
quæ

quæ Spiritus sanctus in fontibus Hebraicis & Græcis scripsit, illa proponit recipienda, quæ a librariis & typographis mutata sunt.

Jam vero Ecclesia Pontificia sine ulla exceptione ut authenticam recipi jubet editionem Bibliorum, in qua data opera patitur errores typographorum, E.

Major plana. Etenim qui sine ulla exceptione ut authenticam recipere jubet Bibliorum editionem, in qua habentur, & quidem consulto, tamquam genuina Scripturæ sacræ pars, errores typographorum, is ipsos illos typographorum errores jubet recipere: & qui istos jubet recipere errores typographorum, is utique recipere jubet pro iis, siue loco eorum, quæ Spiritus sanctus in fontibus Hebraicis & Græcis scripsit. Quid manifestius? Porro & Minor certissimæ est veritatis. Jubet nimirum Tridentina Synodus ita Vulgatam habere pro authentica, *ut nemo illam rejicere quovis prætextu audeat vel præsumat.* Et ne quis causaretur, laborare eam mendis librariorum, sancitur mox eodem loco, *ut quam emendatissime imprimatur.* Cui decreto cum satisfactum esse editione Clementina testetur, quæ eidem præmissa, Bellarmini præfatio, hanc editionem talem esse oportet, quam, si suum debeat contrare robur Concilio Tridentino, nemo rejicere possit ullo prætextu, adeoque nec illo, quasi librariorum typographorumque habeat errores. Quod tamen hujusmodi erroribus laboret, eosdemque consulto & data opera Ecclesia Romana toleret, rursum ex ipsiusmet Bellarmini confessione constat. Diserta namque ejus sunt verba; in præfatione quidem editionis Clementi-

na: In pervulgata lectione, sicut nonnulla consulo mutata, ita etiam alia, quæ mutanda videbantur, consulo immutata relicta sunt; in epistola autem quam citat Lucas Burg. præfatione ad Blasæum: Scias velim, Biblia vulgata non esse a nobis, qui, jussu Clementis IX, correctioni præsumimus, accuratissime castigata: multa enim de industria, justis de causis, pertransivimus, quæ correctione indigere videbantur. Atque hæc capienda esse, non de versione in se, sed de mendis librariorum depravatorumque erroribus, docent, quæ mox, num. xxxvi, sumus producturi. Confer quæ habet huc facientia ex Jesuitarum societate Joannes Mariana, libro pro editione vulgata cap. xxii, & Johannes Morinus, Congregat. Oratorii Paris. Presbyter, in epistola ad Card. Barberinum, quæ inter Dissertationes Epistolicas de Ecclesiæ Or. antiquitatibus est LXXXIII.

De mendacio Chemnitii tributo.

xxxvii. Secundum, quod Chemnitio Bellarminus imputat, mendacium est: *In Indice librorum prohibitorum à Paulo IV. edito, damnari omnes editiones Bibliorum, etiam veteris interpretis, in quibus vel manifestissima, quædam in vulgata editionis errata correctæ sunt. Hoc etiam crassissimum mendacium est, ait Cardinalis. Non enim damnantur in eo Indice nisi editiones quadam ab hæreticis vel suspectis impressoribus factæ, & omnes alia permittuntur.*

xxxix. Resp. Dupliciter dici potest editio vulgata corrigi, (1) ut menda tantum, quæ ex librariorum & typographorum incuria in textum irrepsere, tollantur, ipsa versione antiqua in sese relicta per omnia immutata; (2) ut ipsa translatio, sicubi a textu originali e-

normi-

normiter deflectat, emendetur, ac, ubi & quousq; im-
 pegerit vetus interpres, indicetur. De posteriore cor-
 rigendi ratione haud dubie loquitur Chemnitius. Et
 ita certissimum est, non a Paulo IV tantum, sed omni-
 bus etiam aliis Pontificibus, eorumque affectis, damna-
 ri editiones quotquot hoc pacto vulgatæ Latinæ tex-
 tum corrigunt. Neque enim huiusmodi emendati-
 onem, sed illam tantum, qua librorum errores si-
 milesque maculæ auferuntur, Tridentina Synodus per-
 mittit. Unde supra memorata editionis Clementinæ
 præfatio protestatur, *sacra Congregationi Amplissimo-
 rum Cardinalium, aliisque eruditissimis viris ad hoc Vul-
 gatam castigandi opus à sede Apostolica delectis, propo-
 situm non fuisse, antiquum Interpretem ulla ex parte cor-
 rigere vel emendare; sed ipsam veterem ac vulgatam e-
 ditionem Latinam, à mendis veterum librorum, nec non
 pravæ emendationum erroribus, repurgatam, suæ pri-
 stinæ integritati ac puritati, quoad fieri potuerit, resti-
 tuere, eaque restituta, ut quam emendatissime imprime-
 retur, juxta Concilii œumenici decretum, pro viribus
 operam dare.*

xxxix. Tertium Chemnitii mendacium esse
 ait Bellarminus, Concilium Tridentinum sess. 21. c. 2.
 ut probet, Ecclesiam habere auctoritatem dispensandi in
 Sacramentorum substantialibus contra institutionem
 Christi, abusi equivocatione veteris versionis, ubi 1. Co-
 rinth. 4. ministri Christi vocantur dispensatores mini-
 steriorum Christi. Atque heic exclamat Cardinalis:
 Bone Deus! quanta est hominis hæresici impudentia, ut
 crassissima mendacia pro veritate obscurare non vereca-
 tur. Nam (ita pergit) Concilium ibidem diserte te-

*De 1. quæ
 Chemnitio
 obijciuntur
 mendacio.*

statutur, Ecclesiam non posse mutare substantialia Sacramentorum, sed tantum statuere modum & ordinem, quo Sacramenta administrari debeant. Deinde Concilium non abutitur voce dispensatoris, ut Kemnitius somniat: non enim dicit, Ecclesiam posse dispensare in Sacramentis, quomodo dispensat in votis, & legibus; sed posse dispensare Sacramenta, id est, administrare, porrigere, tradere fidelibus, & instar fidelis ac prudentis æconomi, in dispensandis bonis domini sui, & familia alenda, certam rationem & modum posse prescribere, modo nihil fiat contra leges & mandata Principis.

XL. Resp. Duo heic Chemnitio objicit Bellarminus. Unum est, quasi Patribus Tridentinæ Synodi tribuat, quod statuerint, Ecclesiam posse mutare ea, quæ, ex ipsorum mente, Sacramentis sint substantialia: alterum, quod eosdem abuti dicat voce *dispensationis*, quæ habetur 1 Cor. iv, 1. Verum quod ad prius, quando Concilium Tridentinum id agere scribit Chemnitius, ut probet, Ecclesiam habere potestatem dispensandi in Sacramentorum substantialibus, nihil aliud intendit, quam, Tridentinos probare vellet, Ecclesiam potestatem habere dispensandi in iis, quæ (licet non ex ipsorum opinione, tamen) secundum rei veritatem ad Sacramentorum substantiam pertinent; v. g. quod possit sancire communionem sub una specie, cum tamen Christus instituerit duas. Quantum ad posterius, non profecto id agunt citato loco Patres, ut decernant, & ex Apostolo probent, Ecclesiam posse Sacramenta dispensare, hoc est, administrare, porrigere, tradere. Quorsum enim & contra quos tale condidissent decretum? quidque heic probatione

batione opuserat? Sed declarant, Ecclesiam posse in sacramentorum dispensatione, id est, administratione (heic enim tali significato dispensationis vocabulo illos uti, largimur) ea statuere, vel mutare, quæ suscipientium utilitati, seu ipsorum sacramentorum venerationi, pro rerum, temporum, & locorum varietate, magis expedire iudicet. Utque hoc probent, ad Pauli testimonium provocant, dicentes: Id Apostolus non obscure visus est innuisse, cum ait: Sic nos existimet homo, ut ministros Christi, & dispensatores mysteriorum Dei. Ubi si dispensatorem esse mysteriorum Dei, seu dispensare mysteria Dei, ex mente & sententia Tridentinorum idem est quod illa administrare, probatio ipsorum erit hæc: Ecclesiæ est, docente Apostolo, Sacramenta administrare & porrigere; ergo eadem in administratione hac pro ratione circumstantiarum aliquid mutare potest. Nugæ! Quidquid ergo dicat Bellarminus, certum est, Synodum ludere homonymia vocabuli dispensationis.

XLI. Postremum Chemnitii mendacium esse ait Bellarminus, Concilium Tridentinum ideo voluisse vulgatam editionem esse authenticam, quia tota transformata est ad dogmata Pontificia. Quod mendacium, inquit, non solum est hominis impudentis, sed etiam imprudentis; siquidem contra suum auctorem maxime pugnat. Si enim Pontificia dogmata habentur in editione vulgata, sequitur, Pontificia dogmata esse antiquissima, & ipsorum dogmata contraria plane esse recentia: nam editionem vulgatam etiam ipsi fatentur esse verustissimam. Præterea, si editio vulgata facta esset post Lutheri tempora, esset aliquaratio suspicandi, eam esse accommodatam de industria ad Pontificia dogmata. At facta est ante
mille

De 4. mendacio Chemnitio affirm.

mille annos; & omnia, quæ illi reprehendunt in vulgata editione, nos ostendemus sic esse citata ab antiquissimis Patribus, & semper sic fuisse in vulgata editione.

XLII. Resp. Viderit vero rursus Bellarminus, ne mendacii reus fiat ipsemet, dum id alteri impingere satagit. Ubi enim dicit Chemnitius, *TOTAM* versionem vulgatam transformatam esse ad dogmata Pontificia? Verba ejus sunt: *Nonnulla est causa, quare tam acriter & pertinaciter Papistæ pro erratis vulgata editionis dimicent. In MULTIS enim LOCIS transformatæ est ad dogmata Pontificia.* Nec est, ut excipiat Gretserus, licet Kemnitius non dixerit, *totam simpliciter Scripturam vulgatæ versionis ad dogmata Pontificia esse concinnatam; quandoquidem non habueris omnia dogmata, quæ in vulgata editione traduntur, pro Pontificiis: non esse tamen dubium, quin totam censuerit conformatam ad illa dogmata confirmanda, quæ nos inter & illos (inter Protestantæ ac Pontificios) controversa sunt.* Falsissimum namque est, quod Chemnitius censuerit, totam editionem vulgatam esse conformatam ad illa dogmata confirmanda quæ Protestantæ inter & Pontificios controversa sunt; cum ipsemet, in præcipuis etiam quæ cum Papistis nobis intercedunt controversiis, Scripturæ loca, quibus nostram sententiam contra eosdem firmat, plerumque ita recitet ut in vulgata Latina habentur; quod vel ex ipso Tridentini Concilii Examine pater. Sed neque illud ejusdem Gretseri procedit effugium, Bellarmini locutionem *συνεδοχικῶς* accipiendam; cum nihil usitatius, quam dicere: *totus es niger*, si parte aliqua niger sis. Licet enim talis loquendi ratio inusitata non sit, inusitatissimum tamen

Gretseri exceptiones refelluntur, vol. 559.

meen. si sinceri pectoris scriptoribus, verba auctorum ita citare, ut propria illorum locutiones transformentur in improprias.

XLIII. Sed videamus cetera Bellarmini. Ait, assertionem Chemnitii contra suum auctorem maxime pugnare. *Si enim, inquit, Pontificia dogmata habentur in editione vulgata, sequitur, Pontificia dogmata esse antiquissima, & ipsorum (Protestantium) dogmata contraria plane esse recentia: nam editionem vulgatam etiam ipsi fatentur, esse vetustissimam.*

XLIV. Ubi initio non est contra Chemnitium, vel nos, quod quædam Pontificiorum dogmata sint antiquissima; ut qui haud inviti largimur, conspirare Papistas in erroribus non paucis cum vetustissimis etiam hæreticis. Vide inter alios id demonstrantem, Andr. Riverum in Catholici sui Orthodoxi præmio, quæstione 1. Deinde haud sequitur, si Pontificiorum dogmata nonnulla sunt antiquissima, quæ iis opposita, dogmata Protestantium, plane esse recentia. Nam & v. g. pseudapostolorum illud dogma, quod circumcisio & Leviticarum caeremoniarum observatio converfis gentibus ad salutem necessaria, Act. xv, 1, 6. antiquissimum est, neque tamen idcirco Apostolorum dogma contrarium est valde recens.

XLV. Si obvertas Bellarminum id velle, quod dogmata Pontificia, cum in Vulgata editione habeantur, sint antiquissima Ecclesiæ dogmata; respondemus, non statim id habendum esse pro dogmate Ecclesiæ, quod insinuare videtur prava aliqua Scripturæ translatio. Nam &, v. c. in Græca τῶν Lxx versione, Prov. ix, 22. Sapientia hunc in modum loqui in-

introducitur: *κὼς ἐκ τῆς οὐσίας τοῦ πατρὸς ὁμοῦν αὐτῷ ἐκ τῆς αὐτῆς οὐσίας*. in quibus verbis potissimum suæ causæ roborem collocabant Ariani, filium Dei creaturam esse docentes. Nec poterat sane pro ipsorum sententia plausibilis quid dici. Absit autem, ut ideo antiquissimum Ecclesiæ dogma censi debeat, filium Dei (sensu Ariano) esse creaturam. Quin potius id egerunt veteres Ecclesiæ Doctores, Hebraicæ linguæ (cujus alioquin subsidio facile nodum hunc solvere potuissent) non satis gnari, ut ostenderent, non posse hujus loci eam esse sententiam, quæ filio Dei æternitatem, quam tot ipsi clarissima Scripturæ testimonia alias tribuunt, negatum eat, sed aliam ejus interpretationem constanti sacri codicis doctrinæ analogam esse quærendam: quemadmodum in primis ex Athanasii scriptis notum.

XLVI. Ulterius ita noster Cardinalis: *Si editio vulgata esset facta post Lutheri tempora, esset aliqua ratio suspicandi, eam esse accommodatam de industria ad Pontificia dogmata. At facta est ante mille annos; & omnia, quæ illi (Protestantes) reprehendunt in Vulgata editione, nos ostendemus sic esse citata ab antiquissimis Patribus, & semper sic fuisse in vulgata editione.*

XLVII. Ubi Chemnitio tribuitur, ac si statueret, esse vulgaram editionem de industria accommodatam ad Pontificia dogmata: quod tamen ille non dicit; ut qui, ceu e contextu patet, hoc tantummodo vult, ita multis in locis transformatum sive translatum esse textum sacrum a Latinæ veteris conditore, ut speciose satis dogmata sua nonnulla inde stabilire possint Pontificii: nequaquam addens, quod hujusmodi errorum fulturam

ram intenderit primus versionis auctor. Et tantū, etiam de mendaciis Chemnitio affectis.

XLII. Tandem, conclusurus præfens caput Bel-
larminus, *Adversarii*, inquit, quod ipsi faciunt, idem
etiam ab aliis fieri credunt. & quia Martinus Lutherus
Biblia pessima fide convertit, ut patet ex Johanne Cochleao,
in vita & actis Lutheri, anni 1522. ubi legimus, in nova
translatione Testamenti Novi per Lutherum facta, fuisse no-
tata ad mille loca immutata, id est, addita, vel detracta,
vel depravata: idcirco putant, etiam Catholicos hoc facere.
Sed, certè falluntur. Fides enim Catholica non eget præsidio
mendaciorum, ut illorum figmenta.

*Calumnia
Eck. de Ver-
sione Lutho-
ri Germ.*

XLIX. Ubi, quod de Lutheri versione assert Card-
inalis, quoniam nudo mendacissimi Cochleai testimo-
nio id firmat, nullam responsionem meretur. Sane,
nec ipse Emserus, qui Lutheranae se translationi ex pro-
fesso objecit, eo impudentiæ est progressus, ut mille
ejusmodi loca se notasse ausus sit profiteri, sed vel di-
midium sufficere heic posse ad denigrandum Lutherum
censuit; (ni forte jactatis illis depravationibus annu-
merare velis loca, ubi, ceu quidem Emseriana versionis
editori visum, verbis minus verecundis in transferen-
do usus Lutherus; ut quando, c. g. Matth. 1, 23. Græca:
ἡ παρθένος ἐν γαστρὶ ἔξει, reddit: Eine Jungfraw wird
schwanger seyn. pro quo in Emseriana editione est: eine
Jungfraw wird im Leib haben; pudica scil. emendatione.)
Septem enim dumtaxat & sexcenta numerat; quæ ta-
men ipsa non Lutheri malitiam, sed Emseri manifesto
testantur, aut imperitiam, aut cavillandi pruritum. Si-
mulac nempe omittitur aliquid in illa versione quod
extat in vulgata Latina, aut aliquid ibi habetur quod

*conf. c. 16.
n. 18.*

heic prætermittitur, vel alias translatio Latino ex æsse non respondet, malæ fidei postulatur Lutherus, (vide infra cap. xiv, 16. seqq.) quasi videlicet Latinum potius textum, quam ipsum fontem Græcum, versione sua exprimere is voluisset! Sed de his alibi agitur.

*Pontificiis
quomodo a-
liorum scri-
pta adultero-
rent.*

L. Quod porro Bellarminus ait, fidem Catholicam, id est, Papisticam, non egere præsidis mendaciorum, indeque suspicionem, ac si scripta dogmatibus ipsorum non satis conformia, immutent ac depravent, a Pontificiis suis amoliri satagit, nimis frivolum est. Ecquis enim ignorat, quanta sit eorum, qui Romano Pontifici adhærent, in castrandis corrumpendisque veterum monumentis impudentia, quanta temeritas? Audi, quid hac de re narret, in præfatione quam Indici expurgatorio præfixit, Fr. Junius. *Rem meis oculis visam, ait, ad exemplum afferam. Antè annos viginti septem, quum Lugduni agerem, (egi autem M. D. LIX. & sequente,) correctore quodam typographico usus sum familiariter, cui Ludovico Saurio fuit nomen. Habebat ille non procul à Mercuriali vico, in ædibus conjunctis trium columbarum signo. Cum ad salutandum hominem venissem, casu, vel potius singulæ Dei providentiæ, accidit, ut versantem eum offenderem in recognoscendis D. Ambrosii operibus, qua tum Frelonius excudebat. Variis autem sermonibus ultro citroque habitis, quum me avocamento esse ab opere nolle ostenderem, ille redorsus lectionem unius pagine, videsne, inquit, hanc formam Ambrosiana editionis nostræ, quam sit elegans, accurata, & in speciem omnibus anteponenda, aliis quæ adhuc in lucem prodierunt? Postea contuenti opus, & probanti elegantiam ejus, dixit: ego vero, si quid*

exem-

exemplum Ambrosiani operis mihi emendum esset, quodvis exemplum aliud potius, quam hoc, quod vides, compararem. Sciscitatus sum huius dicti causam: tum ille defolius sub mensa sua latentibus aliquot paginas promens, (erant autem paginae, ut loquuntur Graeci, *καταρτισμα*, sive cancellatae, aliae ex parte, & alia universa) haec est, inquit, prima forma paginarum, quas his paucis diebus ad exemplum veteris & certi exemplaris optima fide expressimus; Franciscani autem duo pro auctoritate has omnes paginas dispunderunt, ut vides, & illas substituti in locum priorum contraverunt, prater omnem nostrorum librorum fidem.

LI. Geminae sunt, quae in dedicatione partis Theologiae suae Zachariae habet Dorscheus noster; dum videlicet Serenissimum Wurtembergensium Ducem Eberhardum sic inter alia affatur: *Placuit Tuae Serenitati spectare Bibliothecam Argentoratensem. Ego Bibliothecarius, quae visu digna & oculis Principibus observanda dijudicavi, humiliter Tuae Serenitati obtuli. Inter cetera è Bibliotheca Patrum codices aliquos lustrandos dedi, qui ex audacissimis Jesuitarum manibus non sine litura & sectione evaserant. Tertullianus cum primis & Hieronymus, ambo Parisina editionis, notis incredibilis temeritatis Tuae Serenitatis oculis obtulerunt. Vidisti, Celsissime Princeps, vocabula, lineas integras, periodos integras, columnas rotas, aut excisas, aut ita inductas litura, ut nullius oculi acrimonia penetrare possit, aut etiam planè aliena charta oppicatas & agglutinatas. Et quidem egregii facinoris consilium Hieronymo his verbis inscriptum est: a Patre Johanne Cremerio approbatus Ann. 1580. Liber Societatis Jesu. Treviris.*

LII. Expende porro quæ in sua, quam ipsimet Bellarmino opposuit, defensione, anno hujus seculi VI, Venetiis, apud Robertum Mejetum, cum licentia superiorum edita, p. 331. habet Johannes Marsilius Venetus, homo Pontificius. Notum est omnibus, scribit ille, et Conciliorum, Canonum, aliorumve Doctorum libris, ex ipsis etiam Breviariis & Missalibus, ablata esse & adhuc auferri ea quæ Principibus Laicis favent; ut periculum fiat, num sensim & progressu temporis stabiliri possit opinio de illimitata potestate Pontificis in temporalibus, adeo ut, qui libros anno 1530. & 1550. editos cum hodiernis conferet, sive Concilia, sive alia describant, vindemiam manifeste deprehendat. Unde mirum non est, nos post vindemiam paucos aliquot racemos in Serenissimi nostri Principis defensionem invenisse. Hac est ratio, quæ successu temporis fides scripturis omnibus derogabitur, & Ecclesia Dei eversetur. Quod per occasionem mihi a Domino Cardinali motam dictum sit, & charitatis gratia: sum quod inprimis optem, ne amplius hoc modo scriptura depravetur. Quod isidem cum omni humilitate & reverentia dictum sit.

LIII. Jungantur his Widdringtoni isthæc, Apolog. pro jure Principium §. 450. Tam ipse Pontifex, quam locorum Ordinarii, atque heretica prævinitatis Inquisitores, satis sunt solliciti, ne libri aliqui, qui potestati Pontificia nullo modo derogare videntur, in publicum prodeant, & si prodierint, vel omnino supprimantur, vel a nemine absque facultate speciali, eaque in scriptis habita, perlegantur, donec expurgati fuerint. Atque ita difficillimum est, hisce præsertim temporibus, aut in libris Catholicorum clausulam ullam reperire, quæ temporalem Pontificis po-

testa-

veritatem in controversiam vocandi vel tantillam speciem habeas, aut certo cognoscere, quid librorum auctores circa eiusmodi potestatem senserint: sed potius, quam opinionem librorum censores secuti fuerint; cum illi non semper propriis, sed istorum verbis loqui, suamque sententiam proferre, quamvis invisi, sapissime compellantur.

LIV. Hæc, & similia (quæ apud Jacobum Kimedontium lib. II de Script. auctor. cap. VI, Henr. Boxhornium, Theologum Lovaniensem, Harmon. Eucharist. lib. III, aliosque legi possunt) consideranti judicare in proclivi est, qua fronte jactet Bellarminus, fidem suam Catholicam, seu Romanam hodiernam, non egere præsidii mendaciorum, neque Pontificios aliorum scripta immutare, id est, iis addere aliquid vel detrahere.

CAPUT XI.

DE

ROBORE INVICTO ARGUMENTORUM,
QUIBUS VULGATÆ LATINÆ AUCTORITATEM
AUTHENTICAM IMPUGNANT
PROTESTANTES,

I.

Refutaturus argumenta Bellarminus, quibus vulgatæ Latinæ auctoritas impugnatur, ad tria illa revocat. Primum esse ait, quod Hieronymus multa, aliter vertat quam Vulgata habeat, & in ea multa reprehendat. Cui cum jam supra a se responsum putet capite IX, nos quoque ad illa, quæ ibi hanc in rem a nobis dicta sunt, lectorem remittimus.

*Bell. respon-
sio ad arg.
nostrum 1.*

II. Ar.

*Ejundem ro.
Sponſio ad
arg. noſtrū 2.*

II. Argumentum ſecundum ita proponit: *Magis credendum eſt eſſe verbum DEI quod habetur in ſonſibus Hebraicorum & Græcorum codicum, quam quod habetur in rivulis verſionum: nam Hebrai & Græci codices Prophetarum & Apoſtolorum ſunt, qui errare non poterant. Nam aliud eſſe Interpretem, aliud Prophetam, docet Hieronymus præſatione in Pentateuchum. Et idem Hieronymus paſſim reprehendit veterem Interpretem in ſuis commentariis, & lib. 5. contra Jovinianum. B. Auguſtinus autem non ſolum in genere dicit, Interpretes poſſe errare, lib. 2. de Doctr. Chriſt. cap. 12. & epiſt. 19. & 59. ſed etiam epiſt. 8. ad Hieronymum aſſerit, Hieronymum in ſua interpretatione errare potuiſſe.*

III. Reſpondet vero: negari non poſſe, quin ſint fontes Scripturarum antependi rivulis verſionum, quando conſtat, fontes non eſſe turbatos: nunc autem, fontes multis in locis turbidos fluere, jam ante, inquit, oſtendimus. Et certè (ita pergit) vix dubitari poteſt, quin, ſicut Latina Eccleſia conſtantior fuit in fide retinenda, quam Græca, ita etiam vigilantior fuerit in ſuis codicibus à corruptione defendendus. Quod enim olim Hieronymus ſcripſit ad Damaskum in epiſt. de nomine hypoſtaſis, nunc maxime habet locum, videlicet, proſtigato à Græcis patrimonio, apud Latinos tantum incorruptam Patrum hæreditatem ſervari. Ad illud autem, ait amplius, quod objiciebatur, Interpretes interdum labi potuiſſe, non deſunt qui reſpondeant, veterem interpretem Novi Teſtamenti, & etiam B. Hieronymum, interpretem Teſtamenti veteris, peculiari Spiritus ſancti lumine illuſtratos, errare non potuiſſe. Sed non eſt opus eò confugere. Admittimus enim, Interpretem non eſſe Pro-
phe-

phetam, & errare potuisse; tamen dicimus, eum non errasse in illa versione, quam Ecclesia approbavit. Nam *Vulgata editio non est unius auctoris; sed quadam habet ex Hieronymo, quadam ex Luciano, quadam ex Theodotione, quadam ex alio quodam interprete innominato: stultum autem videtur, dicere, Theodotionem hæreticum non petuisse errare, & etiam Hieronymum nusquam errasse, cum ipse in c. 19. Isaia dicat se errasse, & Ecclesia correctionem ejus reciperit. Non igitur auctores illos canonizavit Ecclesia, sed tantum hanc versionem, approbavit: nec ita tamen approbavit, ut asseruerit, nullos in ea librariorum errores reperiri; sed certos nos reddere voluit, in iis præsertim quæ ad fidem & mores pertinent, nulla esse in hac versione interpretum errata. Ita, inquam, Bellarminus.*

IV. Ubi quod ait, fontes non posse anteponi rivulis versionum, cum multis in locis fluant turbidi, inane est effugium. Etenim primo, falsum esse, quod fontes fluant turbidi, supra capp. II & VII patuit. Deinde Bellarminus ipse supra, capite II, disputans de corruptione textus Hebræi, non nisi leves quosdam errores agnoscit, & qui, illius judicio, non tanti momenti sunt, ut in iis, quæ ad fidem & bonos mores pertinent, Scripturæ sacræ integritas desideretur. Plerumque enim, ait, tota discrepantia variarum lectionum in dictionibus quibusdam posita est, quæ sensum aut partem, aut nihil mutans. Quomodo etiam de N. T. textu Græco sentit capite VII. Inde jam argumentor: Si fons Hebræus Veteris & Græcus Novi Testamenti ita est purus, ut ratione eorum, quæ ad fidem & mores pertinent, non sit turbatus, nec cetera errores habeat sensum.

Exam.

Bell. ex sci-
pse rati-
tur.

mutantes & veritati officientes, summo jure anteponitur rivulo vulgatæ Latinæ. Atqui prius verum est, ipso met agnoscente Bellarmino; ergo quoque posterius. Consequentia probatur. Etenim si textus Hebræus & Græcus intemeratus est ratione eorum quæ ad fidem spectant ac mores, hætenus, ex Bellarmini hypothesi, æqualis est auctoritatis cum vulgata Latina, quam & ipsam scilicet in iis, quæ ad fidem moresque pertinent, non impingere censet. Quod si vero progrediamur amplius, & comparationem instituamus ratione eorum quæ ad fidem & mores proprie non pertinent, ipsimet scriptores Pontificii ingenue fatentur, in vulgata Latina, præter librariorum errata, (quorum non pauca hodieque, post tot licet tentatas correctiones, etiam in ipsa editione Clementina superesse, observavit Fr. Lucas Brugenſis, nec diffitetur Bellarminus, qui & data opera talia retineri ait; ceu jam supra monuimus, cap. x, 35.) inveniri pulta, incommode admodum, obscure, ambigue, a scriptoris sensu aliene, adeoque minus vere translata, nonnulla superaddita, aliqua omiſſa, quædam transposita & immutata: uti ex Sixti Senenſis, Lindani, Galatini, supra cap. x, 20. productis verbis liquet: de textu autem originali nec ipse Bellarminus concedit, quod habeat, quæ a Spiritus sancti, principis illius Scripturarum auctoris, mente aliena, atque sic minus vere sint dicta: quin potius affirmat, si qua irreperſerint menda, ea *sensum aut parum aut nihil mutare, & nihil omnino veritati officere.* Unde evidenter liquet, si vel maxime admitterentur in textu Hebræo & Græco navi, quales comminiscitur Bellarminus, non tamen propterea illum posse postponi vulgatæ

gata Latinæ, ut quæ, ex ipsorummet Pontificiorum confessione, longe tetrrioribus vitiis est inquinata. Adde, Pontificios ideo fontes postponere versioni suæ vulgatæ, quod sint impuri ac turbidi, vanum esse prætextum, uti ex Grefsero & Lud. de Tena ostendimus capite præcedenti x, 30.

v. Sed quorsum tendit, quod scribit Bellarminus: *vix dubitari posse, quin, sicut Latina Ecclesia constantior fuit in fide retinenda quam Græca, ita etiam vigilantior fueris in suis codicibus à corruptione defendendis?* Num inde vult probare, textum V. T. Hebræum potius corruptum esse censendum quam vulgatam Latinam?

vi. Certe si a diligentiori codicum custoditione concludendum, recognoscat Cardinalis quæ de Iudæorum incredibili religione erga Hebræum librorum Biblicorum textum observat ipsemet supra capite II, (cum quibus conferri potest noster de Canone Scripturæ tractatus cap. XII, 20.) & apparebit, hac potius ratione argumentandum esse: Synagoga Hebræa vigilantior fuit in suis Codicibus a corruptione defendendis quam Ecclesia Latina; ergo Latina potius translatio depravata censenda quam fons Hebræus. Antecedens manifestum. Nemo enim dicet, tanta cura pro Vulgatæ suæ integritate vigilasse Latinos, ut a primo ipsius ortu per tot seculorum decursum ne verbum quidem mutari in ea sint passi; quemadmodum de Iudæorum pro Hebræi Codicis ἀσφαλείᾳ sollicitudine hujusmodi quid memorato loco scribit Bellarminus. Quin potius supinam illorum negligentiam heic miratur ipse Isidorus Clarius, Brixianus, Abbas primum, post Epi-

scopus Pontificius, qua factum, ut errores in Vulgatam irreperint pene innumeri, quorum octo millia se annotasse ait ac emendasse. Et ne forte excipiant Pontificii, minus fidelem correctorem egisselidorum hunc (cujus nempe textum pro genuino vulgatæ editionis textu habere verat Index librorum prohibitorum Clementis ix auspiciis editus, qui & ipse prologum ac prolegomena ejus Bibliis præcidere jubet) quot veteris translationis menda notarunt Theologi Lovanienses? quot Fr. Lucas Brugenſis? Mereturque omnino observari, cum Sixtus v, Pontifex Romanus, Tridentinam sanctionem, qua vetus & vulgata editio quam emendatissime imprimi jubetur, in rem translaturus, tanto conatu correctionis negotium urgeret, ut, non contentus labore doctissimorum virorum quibus ea cura demandata, manum operi admoveret ipsemet; nihilominus iis, qui Clementis ix jussu Vulgatam isthanc denuo sibi sumpsere castigandam, amplum adeo relictum fuisse spicilegium, ut duo millia circiter loca notarit Jamesius, quibus Clementina hæc editio a Sixtina dissidet. Tametsi ne sic quidem textum Latinum prorsus emaculatum esse, ultro fateatur Bellarminus. Vide supra cap. x, 35. Ex quibus omnibus apparet, frustra esse Cardinalem, dum Latinæ Ecclesiæ in suis codicibus a corruptione defendendis diligentiam tantopere extollit. Qui sane expendere heic etiam debuisset, quam immenso labore Judæorum Masoretæ, singulos Hebræi Codicis versus, voces, & literas numerando, omnemque ipsorum varietatem annotando, id effecerint, ut ne jota quidem e textu originali excidere, vel minimum in eo punctum possit mutari

tari: qualem pro vulgatæ translationis incolumitate vigilantiam si quis vel antiquis vel recentioribus Latinis tribuere vellet, omnium ludibrioſe eſſet expoſiturus.

vii. Porro, dum agnoſcit Bellarminus, quod *vulgata editio non ſit unius auctoris, ſed quadam habeat ex Hieronymo, quadam ex Luciano, quadam ex Theodoſione, quadam ex alio quodam interprete innominato*, quodque adeo (ut ſupra cap. ix dicebat idem) *addita habeat non pauca qua in Hebraeo non inveniuntur*; agnoſcat quoque neceſſarium eſſe, peccaſſe Tridentinos, dum ita ſimpliciter & ſine ulla exceptione canonicam authenticamque declararunt translationem vulgatam. Etenim quis dicat, *canonica & authentica eſſe, qua nec ſint in Hebraeo textu, nec in prima 70. Interpretum verſione*? ſcribit Greſſerus. Vide plura hanc in rem ſupra capite
col. 506.

ix. 13. 14.

ix. Tandem obſervetur, quod Bellarminus, utut alias frigide ſatis ac timide de Latinæ translationis authentica auctoritate loquatur, non auſit tamen illi quorundam opinioni (quæ Greſſeri etiam & Erbermannieſt, ac in ipſo Synodo Tridentina, teſte P. Svavi ſ. Sarpio lib. ii, fuit Andreæ Vegæ) ſimpliciter intrepideque ſubſcribere, quod Tridentinum Concilium non declaraverit verſionē iſthanc *aruaq; qñ* ratione omnium omnino periodorum & dictionum, ſed tantum quoad dogmata fidei & morum. Ait quippe, Eccleſiam non ita approbaſſe Vulgatam, *ut aſſeruerit, nullos in ea LIBRARIORUM ERRORES reperiri*, (ecce hos ſolos excipit) *ſed certos nos reddere voluiſſe, in iis PRÆSERTIM, qua ad fidem & mores pertinent, nulla eſſe in hac verſione interpretum errata.*

V 3

ix. Nem.

*Qui ſenſus
decreti Trid.
de auctoritate
Vulgata*

*Gr. col. 560.
& alibi apud
Erb. p. 63. ſqq.*

ix. Nempe animadvertit, verba Concilii nimis clara esse, jubentia scilicet, ut Vulgata *in publicis lectionibus, disputationibus, predicationibus, & expositionibus*, (in quibus sane non de his tantum quæ ad fidem & mores spectant, sed & de aliis agendi imponitur necessitas) *pro authentica habeatur; & ut nemo illam rejiceret, quovis prætextu* (adeoque nec eo, quod hoc vel illud non spectet ad fidem aut mores) *audeas vel præsumas*. Et notari meretur insuper, quod Synodus, eadem hac sessione, verbis immediate post sequentibus, prohibitura, ne quis Scripturam sacram ad suos sensus contorqueat; id faciat cum diserta restrictione ad res fidei & morum, (decernens videlicet, *ut nemo, sua prudentia innixus, in rebus fidei et morum, ad adificationem doctrinae Christianae pertinentium, sacram Scripturam ad suos sensus contorquens, eandem interpretari audeat*,) non omittenda utique limitationem hanc in decreto de *authenticâ* Vulgatæ, ni absolute id & sine ulla tali restrictione voluisset acceptum. Atque hinc Ludovicus de Tena, Bellarmino audacior, nec ulla circuitione usus, de Vulgata affirmat, *quod non solum nullum contra fidem errorem contineat; sed etiam infallibilem veritatem & Spiritus sancti mentem in omnibus suis partibus, quantumvis minimis*; adeo ut nec *periodus, clausula, dictio, syllaba, aut jota, repugnans vulgatæ editioni, debeat admitti*, Ifagog. ad Scriptur. lib. 1, diff. vi, sect. 1. Verum non est instituti nostri, recensere nunc & examinare dissidentes Pontificiorum de sensu Tridentini decreti sententias, tanta inter ipsos contentione agitata, ut a probris & contumeliis ad tribunalia tandem ventum sit, & coacti nonnulli e vinculis causam dicere

dicere, teste Jo. Mariana, Jesuita Hispano, tract. de Versione vulgata cap. 1. Videri possunt de mutuis istis Papistarum pugnis Calovius noster in Critico sacro, sive Tom. 1 in Aug. Confess. pag. 502. seqq. Rivetus Isagog. ad Scripturam cap. xi, Sixtinus Amama Antibarb. Bibl. lib. 1, cap. vi, aliique.

x. Amplius subjungit hucusq; discussis ex Protestantium mente Bellarminus, *quod Patres passim doceant, ad fontes Hebraeos & Græcos esse recurrendum*. Respondet autem, *quatuor temporibus licere recurrere ad fontes Hebraeos & Græcos, ut Patres moneant: primo, quando in Latinis codicibus videtur esse error librariorum: secundò, quando Latini codices variant, ut non possit certò statui, qua sit vera vulgata lectio: tertio, quando verba aut sententia in Latino anceps: quartò, ad energiam & proprietatem vocabulorum intelligendam.*

*Responsio
idè ad
arg. 3.*

xi. Ubi primò observa, subdole & statum questionis a Bellarmino perverti, & Patrum mentem, quando, ostensurus, quousque verum sit quod de consulendis fontibus præfati illi Ecclesiæ Doctores inculcant, *quatuor temporibus ait LICERE recurrere ad fontes Hebraeos & Græcos, ut Patres monent*. Neque enim tam in controversia est nos inter ac Pontificios, an liceat ad fontes recurrere, quam, an debeat illuc recurri: neque Patres docent modo, quod licitum sit fontes consulere, sed eos consulere jubent. Quin Hieronymus comment. in Zach. iix, 19. (quem locum ipse Bellarminus heic citat) *COGIMUR*, inquit, *ad Hebraeos recurrere, & scientia veritatem de fonte magis quam de rivulis querere*. Cetera testimonia produximus supra cap. 11, 3.

Examen;

XII. Deinde, unde probabit Cardinalis, esse Patrum dicta de consulendis fontibus ad quatuor illos casus, quos ipse enumerat, restringenda, nec extendenda amplius? Sane Augustinus, lib. xv. de Civ. Dei, cap. xiii, disputans de discrepantia, quæ ratione dinumerationis annorum Patriarchalium, Gen. v, inter Hebræum & Græcum textum occurrit, cum agnoscat, non posse eam imputari librariorum mendis, siquidem, videatur habere quandam error ipse constantiam, nec casum redolet, sed industriam; scribit nihilominus: Recte fieri nullo modo dubitaverim, ut, cum diversum, aliquid in utrisque codicibus invenitur, quandoquidem ad fidem rerum gestarum utrumque esse non potest verum, ei lingua potius credatur unde est in aliam per interpretes facta translatio. & capite mox sequenti xiv: Illa numerorum varietas, quæ inter codices Hebræos invenitur & nostros, neque de antiquorum longævitate dissentit, & si quid habes ita diversum, ut verum esse utrumque non possit, rerum gestarum fides ab ea lingua repetenda est ex qua interpretatum est quod habemus. Sed quid opus in re per se manifesta harere diutius? Ad tertium argumentum pergamus, petatum ex variis locis quibus Vulgata impingit.

CAPUT XII.

DE

LOCIS, QUÆ CHEMNITIUS DEPRAVATA ESSE DICIT IN VULGATA LATINA.

De loco Gen.
8. 15.

Primus itaque locus, ex enumeratione Bellarmini, quem

quem in Vulgata corruptum ait Chéminitius, est Gen. 11, 15. ubi legitur: *Ipsa conteres caput tuum*; cum esse deberet, *ipsum*, nempe semen, CHRISTUS. Respondet autem Cardinalis, editionem vulgatam varie habere. Quosdam enim codices habere, *ipse*, quosdam, *ipsa*: & propterea non esse contra vulgatam editionem, si convincatur debere legi *ipse*, vel *ipsum*. Dicit porro, non esse improbabile, debere legi *ipsa*: neque esse hanc depravationem Papistarum. Nam, inquit, etiam si multi codices Hebraici habeant כח hu, tamen legi unum, in quo erat scriptum כח hi, id est, ipsa; ac praterea, remotis punctis, illam vocem Hebraicam כח hu, posse interpretari ipsa, nimis rudis est qui nescis. Passim enim occurrit in sacris Bibliis כח hu, pro כח hi. Sic Genes. 3, vers. 12. Exod. 3, vers. 5. Quibus addit, quod veterum nonnulli, quos recenset, legerint, *ipsa*.

II. Verum primo, si agnoscit Bellarminus, editionem vulgatam varie heic habere, cur non observavit quæ paulo ante monuerat ipsemet, capite xi: *Quando Latini codices variant, ut non possis CERTO statui, qua sit vera vulgata lectio, possumus* (addendum, ex mente Patrum, quam heic exprimere vult Cardinalis: & debemus. vide supra cap. xi, 8.) *ad fontes recurrere, & inde juvari ad veram lectionem invenientiam*; cur, inquam, non observavit hæc, quando una cum aliis vulgatam Latinam Clementis ix jussu recognovit & castigavit? Enimvero id si fecisset, non legeremus hodie in Clementina illa editione, *ipsa*, sed *ipse*. Posteriorem namque hanc veram esse lectionem, fons Hebræus ignorare non sinit, ut qui constanter habet כח.

III. Equidem opponit Cardinalis unum Codicem.

cem, in quo **אין** se invenisse affirmat. Quem suspicor fuisse ex officina Christoph. Plantini, unde anno superioris seculi LXXII opus prodit Regium *πλύλατον*, exhibens in textu Hebræo, curante Guidone Fabricio Boderiano, **אין** (voluntariæ depravationi sphalma accessit typographicum: nam ex intentione editoris debebat esse **אין**) & quidem apposita nota **כתב כר**, quasi varia heic reperiretur in Hebraicis codicibus lectio, ipsisque Hebræis agnoscantibus aliter legi deberet quam scriptum est. Quod tamen *verum non esse*, ingenue faretur, in hunc locum, Leonardus Marius, Professor Colonienfis. Et fuit sane corruptio hæc manifesta adeo & crassa, ut ipsosmet Pontificios ejus puerit; qui in repetita anno LXXXIV operis illius editione veram lectionem **אין** restituerunt. Quidquid autem sit, siue eam, quam dixi, editionem Antvverpiensem innuat, siue aliam, optimæ notæ fideique intemeratæ codicem haud fuisse, in quo suum illud **אין** legit Bellarminus, vel inde conjectes, quod plane dissimulat, utrum vetustus fuerit, an recentior; num typis descriptus, an vero manu exaratus; ubi, & cujus cura prodierit, unde & ex qua bibliotheca eum habuerit; & quæ sunt aliæ hujusmodi circumstantiæ, ex quibus de fide & auctoritate codicum solet judicari: quod item *εσμαχ* ejus Gretserus, qui facile per literas rem omnem ab ipso rescire heic potuit, non ausus tamen est editionem istam nominare, utut toties id petissent nostri.

IV. Firmum proinde manet, textum Hebræicum constanter habere **אין**. De veteri autem Latina sic dissentiunt Pontificii, ut, si ipsos heic audiamus, non pos-

possit certo statui, quæ sit vera vulgata lectio. Etenim Gulielmus Lindanus, Episcopus Ruræmundensis, lib. III de opt. genere interpretandi Scripturas, cap. III, & Fr. Ribera Jesuita, in Hab. I, ac lib. II de Templo c. II, codices Latinos veteres castigatores & correctiores Masculinum, *ipse*, habere ajunt. Similia legas apud Diego Payvam Dandrada, Defens. Trident. fidei lib. IV, & Jo. Hartum in Colloquio cum Rainoldo habito, cap. VI, sect. II. Adde præterea August. Steuchum Eugubinum in Recognit. Genes. ad veritatem Hebraicam; sed & Melch. Canum, Episcopum Canariensem, lib. II Loc. Theol. cap. XV; cujus verba: *Cum apud Ebraeos pronomen relativum Neutro genere ad semen referatur, interpres, rem significatam perpendens, in Masculino genere transiit, ipse. quod imperiti non intelligentes, vitiumque scriptoris existimantes, substituerunt, ipsa*. Bellarminus vero, etiam si legendum arbitretur, *ipsa*, certo tamen affirmare non audet, hanc lectionem esse genuinam; sed tantum dicit, *non esse improbabile*, debere ita legi. Quia proinde, quod Patres passim docent, ad fontes esse recurrendum, de tali casu interpretatur & admittit Cardinalis, *quando Latini codices variant, ut non possit CERTO statui, quæ sit vera vulgata lectio*, utique, ceu jam ante dixi, suam istanc Patrumque doctrinam observare debuisset ipsemet, debuissent ejus *overpzi*, quando Vulgatæ recognoscendæ Clementis Papæ jussu vacabant: & sic non legeremus in Clementina, ista editione, *ipsa*, sed *ipse*. Quoniam vero illa nunc exhibet, *ipsa*, frustra est Bellarminus, dum ait, *non esse contra vulgatam editionem, si convincatur debere legi, ipse, vel ipsum*. Etenim quid tandem censendum e-

rit contra vulgatam editionem esse, si non hoc, quod est contra editionem, quæ, ut Tridentinæ Synodi decreto satisfaceret, publica ipsius Pontificis auctoritate & auspiciis prodiiit, quamque adeo *cæteris omnibus, quæ ad hanc usque diem prodierunt, emendatiorem puriorem, quæ esse*, in præfatione eidem præmissa ipse Bellarminus affirmat? Annon rotunda Gretseri confessio est, col. 1059: *Eam editionem, tanquam omnibus præstantiorem, & ad mentem Tridentini Concilii conformatam, amplectimur, quam nobis, volente & iubente Sixto Quinto, dedit & exhibuit Clemens Octavus. QUIDQUID CUM HAC CONGRUIT, RATUM GRATUMQUE ACCIDET; QUIDQUID DISCONVENIT, IRRITUM INGRATUMQUE EVENIET: sive sit ex Hentenii, sive ex Lovanienſium, sive ex cuiuscunque alterius officina depromptum?*

v. Sed videamus, quid adduxerit Bellarminum, ut statueret, non esse improbabile, debere legi, *ipsa*. Prima ejus ratio est, quod unum conspexerit Codicem, in quo fuerit scriptum *ſic* hi, id est, *ipsa*.

vi. Resp. Inde argumentum nascitur tanto disputatore prorsus indignum, nempe hoc: Unus Codex Hebræus habet *ſic*, *ipsa*, ceteri autem omnes habent *ſic* ipse; ergo non est improbabile, debere legi *ipsa*, non vero ipse. Risum teneatis, amici! Esto, habuerit Bellarminus Codicem, qui legerit *ſic* (quod tamen, nisi intelligat quæ ab ipsis Pontificis reprobatum supra diximus, sine dubio falsum est) utrum erit probabilius, obsecro? an, quod unus ille Codex perperam legat, & reliqui omnes recte; num vero, quod unicus ille Codex legat recte, & omnes ceteri perperam?

vii. Ratio secunda nihilo melior. *Remotus, inquit,*

quit, punctū, illam vocem Hebraicam כִּי hu, posse interpretari, ipsa, nimis rudis est qui nescit. Passim enim occurrit in sacris Bibliis כִּי hu, pro כִּי hi. Sic Genes. 3. vers. 12. Exod. 3. vers. 8.

IX. Resp. Collectio hæc est: Hebraicum כִּי remotis punctis POTEST reddi, ipsa, & occurrit aliquando in Scripturis כִּי pro כִּי; igitur non est improbabile, Gen. III. DEBERE legi, ipsa. Cujus argumenti infortuitatem quis non animadvertit? Etenim si verum sit vel maxime, quod heic supponit Bellarminus, puncta sacri textus non esse literis coæva, sed a Rabbinis superaddita, quam tamen opinionem ne ipsis quidem Pontificiis omnibus probari, jam supra cap. II. 24. monuimus) nondum et consequens est, ubicumque legitur in Scriptura כִּי, posse illud accipi tamquam Femininum, & verbi, ipsa; multo minus, probabile esse, quod Gen. III. 15. debeat legi, ipsa. Possunt namque etiam, femoris punctis, alia adhuc superesse manifesta indicia, unde colligas, cur כִּי Masculinum sit, non Femininum.

IX. Et quidem, quod speciatim ad nostrum attinet locum, non posse in eo vocem istanc Feminino genere capi, docet primo verbum Masculinum כִּי, quod urget ipse Lindanus loco num. IV. citato (cum quo confer, ubi idem habet; Panopliam ejus lib. IV. cap. II.) Si quis contendit, inquit, pro esse, is sane ex verbo Futuri Mascul. ita refutabitur, ut nullum ei sit conversationis refugium. docet præterea in altero membro affixum Masculinum וְכִי, serpenticæ capitis contritorum citra controversiam respicientis.

X. Argue hinc videmus, &c. Chist. Mart. T. 2. p. 165.

sten, & LXX Interpretēs (quorum translationem etiam Philonis Judæi tempore habuisse *avns*, ex hujus de Allegoriis Legis libro II constat) & Hieronymum, legisse *מלך* Masculino genere, etiamsi, ex Bellarmini hypothēsi, punctis vocalibus ipsorum a vo textus Biblicus non fuerit vestitus. Sed nec Hebræorum Critici Masorotæ aliter heic legendum censuerunt: qui sane alibi, ubi *מלך* Masculinum esse non posse, vel præcedentia vel subsequētia nomina aut verba Feminina indicant (ut, exempli gr. Gen. III, 12. Exod. III, 8. ad quæ loca Cardinalis noster provocat) in margine notarunt, pro *מלך* legendam *מלכה*, quemadmodum & in ipso textu punctato sub *ל* ibi visitur Chirek, adeoque *מלך* legitur, non, ut Bellarminus ait, *מלכה*.

XI. Excipit Cardinalis contra illud, quod diximus, *נ* *מלך* hoc loco non posse esse Femininum, cum verbum immediate subsequens *ישראל* sit Masculinum; *non esse novum in Scriptura, ut cum Nominibus Femininis conjungantur Pronomina aut Verba generis Masculini*: laudatque eam in rem Ruth, 1. 8. Esth. 1, 20. Eccl. XII, 5.

XII. Verum etiamsi certissimum sit, occurrere hujusmodi interdum in Scriptura Enallagas, certum tamen & hoc est, non esse lectori integrum, easdem pro lubitu comminisci, sacroque textui interre. Ut enim rectissime de Personarum mutatione scribit Bellarminus, lib. I de Christo cap. v: *Si licet sine causa fingere mutationes Personarum, nihil unquam certi ex divinis literis colligi poterit*; sic non minus recte de mutatione Generum dixeris: si licet sine causa fingere mutationes Generum, nihil unquam certi ex divinis lite-

ris colligi poterit. In exemplis ab auctore allatis Enallagen esse, per se est evidens; quippe cum, etiam demptis punctis, ex literarum positu pateat, vocem unam, Genere differre ab altera. At in nostro loco longe se aliter res habet. Ipse enim Bellarminus contendit, *אִנּוּן*, si puncta demas, posse tum ut Masculinum tum ut Femininum accipi. Quandoquidem igitur heic quæcunque adjiciuntur sunt Masculina, & præterea res ipsa clamat, agnoscuntque etiam, punctis haud adjuti (ut quidem Bellarminus supponit) Chaldaei, Græci, Masoretæ, Hieronymus, non de muliere, sed semine ejus, sermonem esse, ut adeo nullus Feminino locus sit; annon aperta pertinacia, Enallagen in re adeo manifesta excogitare?

xiii. Tandem urget Cardinalis, quod Femininum, *ipsa*, heic legerint, C. Marius Victor, Alcimus Avidus, Chrysostomus, Augustinus, Ambrosius, Gregorius, Eucherius, Rupertus, Beda, Rabanus, Strabus, Lyranus, Bernardus; indeque mendacium esse ait, quod Kemnitius dicit, omnes veteres legere *ipsum*.

xiv. Sed de Chrysostomo falsum, quod legerit *ipsa*. Quidquid enim de interprete ejus Latino, Græcus sane textus, prout ab ipsismet Pontificiis editus, ita habet: *αὐτός οὖν τῆς κεφαλῆς, καὶ οὐ τῆς ἡμέρας αὐτοῦ πῆραν, καὶ γὰρ πᾶσιν ἐκείνῳ παρέξω τὸ ἴδιον, ὡς διηλεκτῶς ἐπιτεῖσθαι τῇ σῇ κεφαλῇ, σὲ δὲ πῶς ἐκείνῳ ποῖν ὑποκείσθαι*. Ubi toties, ecce, legis Masculinum. Quod ad ceteros attinet qui memorantur auctores, an ideo probabile erit, in loco nostro debere legi, *ipsa*, quia illi sic legerunt? Imo vero contraria potius ratione ita concludendum: Omnes codices Hebraei, Paraphrastes Chal-

daei,

drus, LXX Seniores, sed & vetustissimi Ecclesiæ Doctores, Irenæus, lib. III, cap. xxxix, lib. IV, cap. lxxix, lib. V, cap. xxi, ac Cyprianus, lib. II adversus Judæos cap. ix, nec non Chrysostomus (ut jamjam visum) Hieronymus, Quæstion. Hebr. in Genesin, Leo Papa, serm. II de Nativitate Domini, quin, xestibus celeberrimis quibusdam Pontificiis, (vide supra num. IV) ipsi Codices Latini vestutiores & correctiores legunt, *ipse*; ergo absurdum est, statuere, quod legi debeat *ipsa*: nihil quidquam obstantibus illis a Bellarmino citatis scriptoribus, ut quos, Hebraice nescientes, Latina, quibus usi, exemplaria in errorem induxere.

*Chemnitius
Sindicatur,*

xv. Chemnitius noster præter rem insimulatur mendacii. Assertio ejus est, quod *totæ antiquitæ textum* Gen. III, 15, *legat & interpretetur de ipso semine*. Hoc si propterea mendacium, quod unus atque alter ex antiquis, v. g. Ambrosius, Augustinus, non ita legunt; mendacium quoque fuerit, e. c. illud Rom. XI, 26, *Totus Israël servabitur*. Nec enim quisquam ea verba sic accipit, quasi iis prædiceretur, fore aliquando, ut omnes & singuli Israelitæ, nemine prorsus excepto, serventur; sed, interprete Jesuita Pererio libro XV in Daniele, Apostolus innuit, *tantum credentium ejus populi tunc futuram multitudinem, ut præ eorum, qui in impietate mansuri sunt, paucitate, rectè & verè dici possit omnis Israël crediturus*. Similes loquendi modi passim obvii, tum in sacris, tum in sermone vulgari. Et annon ipse mox Bellarminus, eodem hoc capite, paucisque tantummodo lineis interjectis, illa Scripturæ verba: *Cuncta cogitatio cordis inventa est ad malum; & Omnis caro corruperat vi-*

am suam; Gen. vi, 5. 12. ita explicat, ut verum nihilominus esse credat, quasdam cordis cogitationes non esse ad malum intentas, & quandam carnem non corrupisse suam viam? Sane lib. v de Gratia & lib. arb. cap. iii, disertè scribit: *Dicitur malum OMNE figmentum cordis humani, quamvis non desit aliquod figmentum, id est, aliqua cogitatio non mala.* Et Gretserus quoque fatetur, universales locutiones non semper universim, sed restrictè accipi debere: quia, inquit, vox omnis, seu cuncta, significat frequenter totum in modo, hoc est, universum non univèrse sumptum. Verum ad alia pergamus.

col. 591.

xvi. Progreditur videlicet Cardinalis, postquam locum Gen. iii, 15. expendit, ad illum, cujus jamjam fiebat mentio, quique extat Genes. vi, 5. ubi Vulgata habet: *Cuncta cogitatio cordis intenta est ad malum;* cum in fonte sit: *Figmentum cordis eius tantum malum omni die.* Ait autem, sensum esse eundem. Nam, inquit, illud, *figmentum cordis,* significat cogitationem cordis, quia a corde fingitur & formatur, ut etiam Hebraei in eum locum docent. Idem autem est, *cuncta cogitatio cordis intenta est ad malum,* & *figmentum,* id est, *cogitatio cordis,* non est nisi malum. Non autem sequitur hinc (ita pergit) ut Lutherani putant, omnia opera hominum esse mala. Nam illa est hyperbole Scriptura, qua saepe utitur ad rem aliquam extollendam: sicut in eodem capite dicitur: *Omnis caro corruerat viam suam.* Et tamen ibidem dicitur: *Noë vir justus atque perfectus fuit in generationibus suis.*

xvii. Verum enim vero, quod Hebræum יצר מחשבת plus heic innuat quam Latinum *cogitatio*, id ipse Bel-

larmini hyperaspistes Gretserus diffiteri non potest, dum, ne dissensum inter Interpretem vulgatum & textum originale admittere cogatur, vocem, *cogitatio*, qua ille utitur, ita explicari posse affirmat, ut notet
col. 385. inclinationem & propensionem voluntatis ad malum in a-
& 390. etu primo, & quasi in habitu. Porro longe aliud est, esse malum, & esse intentum ad malum: præsertim si ad Pontificiorum attendas hypothesin, qua, intentum seu propensum esse ad malum, in se formaliter malum esse negant.

col. 386. xlii. Ubi nihil efficit Gretserus, quando ait, etiam si inclinatio ad malum *in se formaliter* non sit malum quoddam, recte tamen adhuc malum dici *ratione termini ad quem propendet*; quemadmodum id pateat
col. 385. de concupiscentia, quæ malum nuncupetur, non quod in se formaliter, non accedente voluntatis consensu, mala sit, sed quia ad malum inclinetur. Quæ enim hæc ratio probandi, obsecro: Inclinatio & propensio ad malum, etiam si non sit malum in se, recte tamen adhuc malum dicitur, quia tendit ad malum: nam & concupiscentia, utut in se malum non sit, recte dicitur malum, quia ad malum inclinat? Pari certe Logica inferrem: Jesuita Gretserus ineptus est disputator: nam *defensio* Bellarmini Ingolstadiensis est ineptus disputator. An non enim *concupiscentia & propensio ad malum* idem sunt? Bellarmino, libro v de Amittione gratiæ, cap. v, *concupiscentia* tium? Committitur ergo hoc in principio. Quod si maxime concupiscentia ad malum ut distincta sit, non troversum, &

justmodi, qualem Pontificii propugnant, denominationem malum dicatur & peccatum, ac in quaestione est, num propensio ad malum hoc pacto appellari malum possit.

xix. Ceterum quia controversia: utrum conscientia in se & formaliter malum atque peccatum sit? huc non spectat, sed alterius loci est, missa ea ad propositum revertimur, & in hoc præterea Vulgatum impingere dicimus, quod omittit exclusivam, quæ in Hebræo est, *Pl, tantummodo*. Nam quod Bellarminus ait, idem esse hæc: *Cuncta cogitatio cordis intenta est ad malum*; &: *Cogitatio cordis non est nisi malum*; id quivis videt quam sit frivolum. Ut enim nunc non repetam, quod jamjam fuit monitum, aliud esse, intentum esse ad malum, aliud, esse malum; certe nec sic quidem formata propositio: *Cuncta cogitatio cordis est malum*; æquipollet isti: *Cogitatio cordis non est nisi malum*. Posterior namque hæc, exponens est (ut in scholis loquimur) illius exclusivæ: *Cogitatio cordis est tantum malum*; quod de priori nemo dixerit.

xx. Quæ porro de hyperbole hujus loci, & de opinione Lutheranorum, quod omnia opera hominum sint mala, *ὅς ἐστιν πᾶσι κακόν* Bellarminus tangit, utpote nec ipsa proprie huc pertinentia, ad genuinam suam sedem merito rejicimus. Cui placuerit, legat quæ in Apologia pro Valeriano Confessore anti-Capucciniana, num. xxxv. h. *Quam a nobis disputata.*

Gen. ix, 6. u.

De loco Gen.

9. 6.

effude-

anguis

ihimi.

larmini hyperaspistes Gretserus diffiteri non potest, dum, ne dissensum inter Interpretem vulgatum & textum originale admittere cogatur, vocem, *cogitatio*, qua ille utitur, ita explicari posse affirmat, ut notet
col. 585. inclinationem & propensionem voluntatis ad malum in a-
& 590. ctu primo, & quasi in habitu. Porro longe aliud est, esse malum, &, esse intentum ad malum; præsertim si ad Pontificiorum attendas hypothesin, qua, intentum seu propensum esse ad malum, in se formaliter malum esse negant.

col. 586. XIX. Ubi nihil efficit Gretserus, quando ait, etiam si inclinatio ad malum *in se formaliter* non sit malum quoddam, recte tamen adhuc malum dici *ratione termini ad quem propendet*; quemadmodum id pateat de concupiscentia, quæ malum nuncupetur, *non quod in se formaliter, non accedente voluntatis consensu, mala sit, sed quia ad malum inclinet.* Quæ enim hæc ratio probandi, obsecro: Inclinatio & propensio ad malum, etiam si non sit malum in se, recte tamen adhuc malum dicitur, quia tendit ad malum: nam & concupiscentia, ut in se malum non sit, recte dicitur malum, quia ad malum inclinat? Pari certe Logica inferrem: Jesuita Gretserus ineptus est disputator: nam defensor Bellarmini Ingolstadiensis est ineptus disputator. Annon enim *concupiscentia & propensio ad malum* idem sunt ipsi Bellarmino, libro v de Amissione gratiæ, cap. v, sub initium? Committitur ergo heic decumana petitio ejus quod in principio. Quamquam ea non sit cessatura, si maxime concupiscentiam & propensionem ad malum ut distincta sumas; cum adhuc æque maneat controversum, an concupiscentia per extrinsecam hu-
 jus-

justmodi, qualem Pontificii propugnant, denominationem malum dicatur & peccatum, ac in quæstione est, num propensio ad malum hoc pacto appellari malum possit.

xix. Ceterum quia controversia: utrum conscientia in se & formaliter malum atque peccatum sit? huc non spectat, sed alterius loci est, missa ea ad propositum revertimur, & in hoc præterea Vulgatum impingere dicimus, quod omittit exclusivam, quæ in Hebræo est, *וְלֹא כִּי*, *santummodo*. Nam quod Bellarminus ait, idem esse hæc: *Cuncta cogitatio cordis intenta est ad malum*; &: *Cogitatio cordis non est nisi malum*; id quivis videt quam sit trivolum. Utenim nunc non repetam, quod jamjam fuit monitum, aliud esse, intentum esse ad malum, aliud, esse malum; certe nec sic quidem formata propositio: *Cuncta cogitatio cordis est malum*; æquipollet isti: *Cogitatio cordis non est nisi malum*. Posterior namque hæc, exponens est (ut in scholis loquimur) illius exclusivæ: *Cogitatio cordis est tantum malum*; quod de priori nemo dixerit.

xx. Quæ porro de hyperbole hujus loci, & de opinione Lutheranorum, quod omnia opera hominum sint mala, *ὅτι ἐν πνεύματι* Bellarminus tangit, utpote nec ipsa proprie huc pertinentia, ad genuinam suam sedem merito rejicimus. Cui placuerit, legat quæ in Apologia pro Valeriano Confessore anti-Capucciniana, num. xxxv, seqq. hanc in rem a nobis disputata.

xxi. Pergit Bellarminus ad locum Gen. ix, 6. u. *De loco Gen. 9. 6.*
bi Vulgata habet: *Qui effuderis sanguinem hominis, fundetur sanguis illius*; cum in Hebræo sit: *Qui effuderis sanguinem hominis, per hominem fundetur sanguis illius*.

illius. Respondet autem, illam omissionem non reddere sensum falsum, neque imperfectum, proinde non esse magni momenti. Sensus enim est, ait, tam in Hebræo quam in Latino: *Qui occideris hominem, occidesur etiam ipse.*

xxii. Exceperat Whitackerus: non idem esse, si quis dicat: *Qui occideris hominem, occidesur & ipse; & si addideris: per hominem.* Nam illud prius sic intelligi posse, ac si a DEO occidendus esses; hoc autem posterius, illum ab homine neci tradendum esse, arguere. Ad quæ
 col. 192. Gretserus, Vana est hac cavillatio, reponit. Quis enim tam hebes est ac plumbeus, qui, cum audit, homicidam occidi debere, non statim intelligat, hoc faciendum esse opo-
 & ministerio hominis, hoc est, magistratus & legitima potestatis; neque enim aliter jam ordinariè puniuntur homicida, cum Deus immediatè per se non soleat in hoc rerum statu pœnas ab homicidis repetere.

xxiii. Verum, si omnes, qui Scripturæ auctoritatem agnoscunt, agnoscerent æque, pœnam heic divinitus constitui ordinariam qua in homicidas debeat animadvertere magistratus, videri forte possent non adeo inepte ista dici. Jam autem quis nescit, negari hæc ab Anabaptistis & Socinianis, qui supplicia capitalia, præsertim inter Christianos, abominantur, nec homicidæ vel alterius cujusvis scelerati sanguinem a magistratu effundi posse existimant, indeque locum hunc ita depravant, ac si prædictionem solum contineat, & generalem comminationem, qua Deus ab homicidio deterrere mortales voluerit? Quibus sane feliciter obviam iri potest ex illa determinatione: *per hominem;* quam Vulgatus prætermisit. Nam si generaliter tan-

tum heic minatur Deus, se sanguinem humanum vindicaturum, (ut volunt Sociniani) quid attinebat ad-jicere, illum vindicatum iri per homines? cum utiq; per bestias etiam aliove modo divina de homicidis sumi possit & soleat ultio.

xxiv. Amplius vindicandum sibi duxit Bellarminus locum Gen. xiv, 18. ubi Vulgatam legere dicit Chemnitius: *Melchisedech obtulit panem & vinum: erat enim Sacerdos*; cum textus Hebræus nec verbum *oblationis*, nec conjunctionem rationalem ibi habeat. Respondet autem Cardinalis, *falso Chemnitium dicere, haberi in vulgata editione verbum offerendi. Nec enim*, inquit, *legimus, obtulit, sed, protulit panem & vinum. Conjunctionem autem rationalem* (ita pergit) *habet vulgata editio; sed habet etiam Hebraus textus, etsi eam Chemnitius, vel propter imperitiam non viderit, vel propter malitiam videre noluerit. Nam licet in Hebrao sis ve, non ם chi, tamen illud ve, sapissime accipitur pro ם chi.* Addit, Melchisedechum protulisse panem & vinum, ut illud Deo in sacrificium offerret, quia fuerit Sacerdos Dei altissimi: & hoc facto gessisse eum figuram sacrificii, quo sub specie panis & vini corpus & sanguis Christi offertur Deo, ab omnibus veteribus Græcis & Latinis affirmari.

xxv. Ubi primo præter rem falsitatis arguitur Chemnitius, quod ait, Vulgatam habere vocem *obtulis*. Quamvis enim ita non legerint forte quæ Bellarmino ad manum fuerunt editiones, legerunt tamen aliæ, uti non negat Dandrada libro iv Defens. Tridentinæ fidei: quin nec ipse inficiari audet Gretserus. *col. 593*

non videt heic in Hebræo textu conjunctionem rationalem, imperiti quoque fuerint oportet aut malitiosi Pagninus & Arias Montanus, Card. item Cajetanus & Hieronymus ab Oleastro, magni nominis scriptores Pontificii; qui nullam heic viderunt in Hebræo particulam rationalem: uti ex illorum versione interlineari patet, horumque commentariis. Cajetanus diserte, *Quod, inquit, in vulgata editione subditur ut causa oblationis: erat enim Sacerdos; in Hebræo non habetur ut causa, sed ut separata clausula: Et ipse Sacerdos Deo excelsio. Adjungit siquidem Regia dignitati & liberalitati dignitatem Sacerdotalem.* Hier. ab Oleastro: *Adverte, quod, licet LXX & vulgata vertant: erat enim;* (Græcæ translationis probatiores editiones exhibent aduersativam δὲ, quam etiam heic habet Chrysostomus homil. xxxv in Genesin; sed & Cyprianus, epist. lxxiii, edit. Pamel. legit: *fuit autem;* ac Hieronymus, epist. cxxvi, ad Evagrium: *erat autem*) *quasi sequens sententia prioris causam reddiderit, in Hebræo tamen est ut vertimus, scilicet, ET ipse erat Sacerdos.* Eodem modo Hieronymus in Quæstionibus Hebraicis habet: *Et ipse Sacerdos Dei excelsi;* ac Epiphanius hæresi lv: *ὁ ἱερεὺς.* Nec erat cur Chemnitio Hebraismi imperitiam objiceret Cardinalis, cujus nec tenuissimam cognitionem habuit ipsemet. Vide infra cap. xii, 10. Quod vero ait, *וְאֵל* sapissime accipi pro *וְ*, id ad præsens nihil omnino facit; ubi non quæritur, an aliquando in textu sacro sumatur causaliter; quod nemo negat: sed, an in nostro loco ita sumatur; quod, ut vidimus, negant ex ipsismet Pontificiis viri doctissimi.

xxvi. Ceterum, an Melchisedek protulerit panem ac vinum, ut illud Deo in sacrificium offerret, atque hoc facto figuram gesserit sacrificii Missatici; & an omnes veteres, Græci ac Latini, id affirmant, ut noster ait Cardinalis, quæstio est quæ huc plane non spectat, indeque ab ipso met Bellarmino alibi, libro nempe 1 de Missa, cap. vi, longe fufius & ex instituto pertractatur. Nolumus proinde in ea ventilanda nos heic detinere. Tantum verbo monemus, incuriose admodum a Bellarmino loca Patrum citari, quibus suæ sententiæ fidem facere satagit. Etenim Eusebii testimonium, quod laudare vult, non habetur libro vi Demonstr. Evang. sed libro v. Epiphanius hæresi LXXIX Melchisedecum Sacerdotem quidem appellat, loci autem, de quo nunc agimus, ibi non meminit, sed hæresi LV. Chrysostomi testimonium non extat homilia XLV in Genesin, sed homilia xxxv. Ambrosii non esse libros de Sacramentis, qui vulgo ipsi tribuuntur, dudum demonstrarunt viri docti. Sed redeamus ad rem.

xxvii. Progreditur Cardinalis ad Num. xxxvi, 7. ubi Vulgata habet: *Omnes viri ducent uxores de tribu & cognatione sua: & cuncta femina de eadem tribu maritos accipient*: cum textus Hebræus loquatur, non de omni femina, sed tantum de ea, quæ נְרִישָׁה נחלה sive heres bonorum paternorum; ac tot Scripturæ exempla doceant, licitum fuisse Israëlitarum mulieribus nubere extra tribum suam. Ubi operosus est auctor, ut ostendat, sensum legis Mosaicæ esse, si mulier careat fratribus, & proinde hæres sit, non debere eam nubere alicui quinon sit de tribu sua.

De loco Num.

36, 7, 8,

xxiix. Hoc vero uti verissimum est, cum diserte id dicat codex Hebræus: ita ad præsens nihil facit; quippe ubi non quæritur, quis sensus legis illius, sed, an hunc sensum recte ac sufficienter exprefferit Vulgatus? quod negamus: cum ille sic verterit textum originale, quasi in universum de omnibus feminis loqueretur; qui tamen, ceu diximus, de iis dumtaxat loquitur quæ in Atheniensium legibus *Ἀθηναίων* dicebantur, & *Πατριάρχαις* opponebantur, sive his, quæ non hereditatem totam, sed certum quid e bonis paternis, in dotem afferebant. Vide Casaubonum Exercit. Anti-Baron. I, 13.

*Gregori ef-
fugium pra-
ciudicatur.
col. 604.*

xxix. Regerit Grotius: etiam si Latinus textus loquatur absolute, satis tamen in eo intelligi dictam limitationem. *Nam*, inquit, *initio capitis questio fuit mora à populo propter quasdam mulieres heredes, de quarum nuptiis aliena tribui metus fuit exortus, ne ex similibus nuptiis oriretur possessionum confusio & permixtio, perturbans divisionem à Deo initio factam: & ad hoc incommodum tollendum lex fuit à Deo lata. Quare satis eo ipso intelligitur, esse sermonem de feminis hereditibus; quod exprimere prætermittit Hieronymus, ut posterior sententia priori concinnius responderet.*

xxx. Verum primo, si vel maxime e contextu sufficienter pateret isthæc restrictio, num propterea in translatione omittenda erat interpreti eo loco, ubi expressis verbis habetur in fonte? Sane si visum fuisset Spiritui sancto, e solo contextu sententiam illius legis debere hauriri, potuisset & ipse determinacionem, quam disertis verbis in Hebræo addidit, omittere. Quoniam autem ipsi placuit apertis eam vocibus

In Scriptura
S. nec mini-
mi apices ha-
bendi infa-
per.

pag. 132.

bus exprimere, & vero, secundum Basilium, ad Amphilochium, in Scriptura nihil est, quod non sit momenti magni, utcumque nobis parum aut nihil videatur; secundum Hieronymum, in Epistolam ad Ephesios cap. iii, singuli sermones, syllaba, apices, puncta, in divinis Scripturis plena sunt sensibus; secundum Nicol. le Maire, Theologum Parisiensem, præf. tractatus de Bibliis vernaculis, nihil non utile, non divinum, nihil otiosum, aut superfluum occurrit in sacro codice, nihil quod non prodierit ex ore DEI; secundum Fr. Costerum, in Apologia Enchiridii contra Gomarum, pag. 36. Scripturam sacram Spiritus sanctus dictavit, singula verba composuit, & suis locis constituit, ut nec jota, nec apex unus superflua; secundum Fr. Riberam, apud Ph. Alegambe in Bibliotheca scriptorum Soc. Jesu, nullum habent apicem sacra pagina, qui non divinis sit plenus mysteriis; secundum Erasmus, in Enchiridio Militis Christiani, sacra Scriptura nihil habet otiosum, imo ne apicem quidem non dignum vestigatione, non dignum hac voce, quid est hoc? secundum ipsummet Bellarminum, libro ii de Conciliis, cap. xii, nullum est verbum in Scriptura, frustra positum: indeque, monente Chrysostomo, homil. xv in Genesin, nec dictio parva, nec syllaba, in Divinis literis contenta, est praterenda: non debuerat in sua translatione illa verba neglexisse Vulgatus. Qui certe, si, quod Gretserus affirmat, ideo ea pratermisit, ut posterior sententia priori concinnius responderet, non temerarius tantum fuit, sed & impius; quippe insimulans hoc ipso Spiritum sanctum, ac si minus concinne legem, de qua agimus, expressisset. Et merito heic audiendi auctores Gallici illius Journal des

Scavans. Quantumvis enim & ipsi Pontificiæ sine doctrinæ addicti, tamen, ubi de Tanaquillo Fabro tradidissent, ad d. iiii Maji, ann. LXVI, quod, *non contentus correxisse Historicos & Poëtas, Criticam etiam suam ad Scripturam usque sacram extendat, & plurima sangas loca, in quibus immutaris vocabula, transposuerit periodos, & interdum vel integras expunxerit lineas; neque ullam conatus sui rationem proferas, nisi quod sensus ipsi reddatur melior & intelligibilior; recte subjungunt: Tales conjectura, qua tolerari in profanis autoribus poterunt, periculosam in Scriptura sacra consecutionem alunt. Si enim unicuique mutare ea, qua sibi minus ibidem placent, concederetur, nihil omnino foret certum; sed unusquisque peculiarem sibi Scripturam pro lubitu suo fingeret. Confer quæ habentur ad d. xii Julii; & observa insuper, jam olim in Tatiano hæretico fuisse damnatum, quod ausus sit dicta Pauli Apostoli elegantioribus verbis exprimere; usque qui compositionem verborum illius corrigere studeret; teste Eusebio Histor. Eccles. lib. iv, cap. xxix.*

xxxix. Deinde falsum etiam est, quod e contextu ita sit manifestum, debere legem illam de solis feminis heredibus capi, ut sine ullo incommodo possit determinatio, quæ in Hebræo est, omitti. Licet enim quæstio, quæ legi isti ansam dedit, de mulieribus non quibusvis, sed *ἄνθρωποις*, fuerit mota, ac potuerit quod metuebatur incommodum sufficienter tolli, si his solis, ne extra tribum suam nuberent, interdiceretur, tamen nondum certo poterat constare, an ad solas illas legem suam Deus voluerit restrictam; cum potuisset isti de possessionum translatione incommodo etiam sic occurrere, ut simpliciter omnes feminæ extra suam

suam tribum nubere prohiberentur: neque insolens sit, casum specialem ansam dare & occasionem legi generali. Quo igitur de mente ac intentione Dei liqueret exacte, nec ullū remaneret dubium, visum ipsi fuit disertis verbis restrictionem *אֶתְּ תַּיִן דְּתַיִן אֲלֵהֶן* addicere.

xxxii. Atque hinc non desunt inter ipsosmet Pontificios viri longe celeberrimi, qui lapsum heic Vulgatæ & ab Hebræo textu dissidentiam agnoscunt. Ita Paulus de S. Maria, Episcopus Burgenſis, Castellæque & Legionis Archicancellarius, in Additionibus ad Postillas Lyrani de loco nostro agens, *In hoc præcepto*, ait, *multum deviat translatio nostra a veritate Ebraica.* Nam secundum Ebraicam veritatem non prohibetur fœminis, quin nubant quibuscunque voluerint de genere Israhelico, nisi tantum fœminis quæ hereditatem habent, sicut illa quæ non habent fratres. Et istis tantum præcipitur, quod alicui de cognatione patris sui nubant. Et hoc est quod dicitur: Omnis filia quæ habet hereditatem, uni de cognatione patris sui erit uxor. Similiter non prohibetur, quin viri ducant uxores de alia tribu. Hoc enim quod dicitur in translatione nostra: Omnes enim viri ducunt uxores de tribu & cognatione sua; non est in Ebræo; sed ibi dicitur sic: Non revertatur hereditas filiorum Israhel de tribu in tribum; sed unusquisque in hereditatem tribus patrum suorum adhareat. Similia leges apud Card. Cajetanum in hunc locum. Adde etiam Cornel. a Lapide comment, in eundem, nec non Masium in Jos. xvii.

xxxiii. Pergens ad I Esdræ ix, 8. Cardinalis, ubi pro *paxillus* haberi in Vulgata *paxillus*, & paulo post ad Proverb. xvi, ii. ubi pro *succuli lege seculi* Chemnitius monuerat; responder, esse heic errorem librariorum.

*De locis 1.
Esdr. 9, 8.
& Prov. 16, 11*

xxxiv. Uti autem verum illud est sine dubio, sic male Chemnitio opponitur, quippe qui idem hoc conceptis verbis affirmat; *quam multa*, inquit, *indocti librarii depravarunt* in vulgata editione, *quæ nunc in templis Pontificiorum pro authenticis sine intellectu leguntur!* idque demonstraturus, inter alia loca etiam hæc duo in exempla adducit.

col. 607.

xxxv. Nec est ut aquilas Lutheranas muscas capere, more suo cavilletur maledicentissimus Gretserus, hæc & similia librorum menda quando in vulgata editione reprehendunt. Utut enim librorum errata non sint imputanda ipsi versionis vulgatæ in se spectatæ, & prout a primo suo conditore illæ sunt profectæ; culpam tamen merito, si, ubi talia esse in confesso sit, non tollantur, sed data opera in textu retineantur. Quod sane de duobus illis a Chemnitio notatis vitiis in apico est; quæ, etsi lapsu scribarum in textum irrepsisse, & res ipsa clamat, & ultro Pontificii agnoscunt, inde tamen excludere noluerunt correctores Lovanienses. Quos ridicule hoc nomine excusat Gretserus, quod voluerint, prius scilicet quam tollerent ista errata, iudicium Ecclesiæ expectare. Quasi nempe non possint manifesta istiusmodi & decumana librorum vitia satis tuto auferri, ni ab Ecclesia, hoc est, Romano Pontifice, num tolli debeant, antequam edocti. Et si adeo fuere timidi Lovanienses, ut ne quidem in re tam aperta mutare aliquid in textu vulgato ausi sint suo iudicio, cur emendandi provinciam susceperunt? Nam quid ille emendabit tandem, qui errores emendare metuit tam apertos? Ad editionem Vaticanam & Clementinam Biblia frustra provocat

Gret-

Gretſerus, ubi diſputatur adverſus Chemnitii Examen Concilii Tridentini; quippe quod ante Romanas iſtas curas prodiſſe conſtat.

xxxvi. Porro indigne fert Bellarminus, reprehendi etiam Chemnitio Vulgatam eo nomine, quod Job. v. 1. habeat: *Voca, ſiquis eſt qui tibi reſpondeat, & ad aliquem ſanctorum converſere*; ebrium forte ipſum, fuiſſe dicens, cum hoc ſcripſit: nam apertiffime in Hebræo eſſe: *Voca nunc, ſi eſt reſpondens tibi, & ad aliquem de ſanctis reſpice.* De loco
Job. 5. 1.

xxxvii. Verum ſi ebrius fuit Chemnitius, dum heic in vulgata verſione aliquid deſideravit, ebrios etiam fuiſſe oportet celebratiſſimum illum Hebræum, Ben. Ariam Montanum, huiusque *συμπεφυκτος* Pontificios alios, quando eadem illa verba, quæ in Vulgata leguntur: *ad aliquem ſanctorum*, tamquam Hebræo non ſatis reſpondentia, e Pagnini translatione expunxerunt, & *ὦ* interrogative reddiderunt, hoc modo: *ad quem de ſanctis obſueberis?* ebriam quinimo oportet fuiſſe totam Academiam Lovaniſem; dum (quod teſtatur præſatio) iſtanc Ariæ correctionem publicæ auctoritate probavit. Quia autem religioni ſibi ducent Pontificii, tot Eccleſiæ ſuæ Doctõribus primariis ebriam tribuere emendationem, ebriumque iudicium, agnoſcant ſui Bellarmini præcipitantiam, qui Chemnitio noſtro, in Vulgata heic aliquid deſideranti, ebrietatem objicit. Quam proſecto potiori jure de ipſius propugnatore Gretſero ſuſpicari liceret, quando tam audacter iſ ſcripſit, Montanum particulam *ὦ* non expreſſiſſe interrogative, ſed indefinite. Nemo quippe ſobrius negabit, in hac Montani verſione, *ad quem*

de sanctis obtueberis? nō id expressum esse interrogative. Ceterum quod (ut gloriatur Bellarminus,) hic locus contineat expressissimum verbum de invocatione Sanctorum, tantum abest ut sit verum, ut nec ipse Emanuel Sâ, Estius, Pineda, argumentum pro isto dogmate heic agnoscant. Sed de his alibi.

*De loco
Eccia 9. l.*

XXXIII. Sequitur locus Ecclesiastæ ix, i. ubi Vulgata: *Nescit homo, utrum odio vel amore dignus sit; sed omnia in futurum servantur incerta*; cum in Hebræo longe aliter habeatur, nempe, ipsomet vertente Bellarmino, ita: *Et amorem & odium non est sciens homo, sed omnia ante faciem ipsorum*. Dicit autem Cardinalis, veterem interpretem optime vertisse, non quidem numerando verba Hebraica, sed ea expendendo, & sensum eorum exprimendo.

*Alium est
translator,
alium com-
mentator,
conf. infra
s 13. n. 2. & 38.*

XXXIX. Verum aliud est, translatores agere, aliud commentatores: alia verborum, alia rerum interpretatio. Commentatoris est, si quando locus in-textu occurrit oblcurus ac difficilis, ex scopo dicentis, antecedentibus & consequentibus, analogia fidei, aliisque momentis, veram sententiam rimari, eandemque verbis magis perspicuis & sermone prolixiori ac liberiori exponere, aut saltem, si certi quid statui non possit, quis sensus præ ceteris commodior sibi videatur, indicare. *Commentarii quid operis habens? Alterius dicta edisserunt; qua obscure scripta sunt, plano sermone manifestant; multorum sententias replicant; & dicunt: hunc locum quidam sic edisserunt, alii sic interpretantur; illi sensum suum & intelligentiam his testimoniis & hac nituntur ratione firmare: ut prudens lector, cum diversas explanationes legerit, & multorum vel pro-*
banda

*banda vel improbanda didiceris, iudices quid verius sit, & quasi bonus trapezita, adulterina moneta pecuniam reprobet; scribit Hieronymus Apologia 1 contra Rufinum. At translator integrum minime est, in versionem infarcire aliquid quod in originali non habetur, ut sententiam exprimat, non quam verba textus primigenii immediate præ se ferunt, sed quam ipsemet, conjecturis quibusdam & probabilibus argumentis nixus, vel præconceptis etiam opinionibus inductus, sibi imaginatur. Esto exemplum. Bellarminus, libro 1 de Purgatorio cap. vi, difficillimi illius totque diversissimis interpretatibus nobilitati loci, 1 Cor. xv. 29. τί ποιήσουσιν οἱ βαπτισόμενοι ὑπὲρ τῶν νεκρῶν, ἐὰν ὅλως νεκροὶ οὐκ ἐγείρονται; veram & germanam expositionem dicit esse hanc, quod Apostolus loquatur de baptismo lacrymarum & poenitentiae, qui suscipiatur orando, jejunando, eleemosynas faciendo; ut sensus sit: *Quid facient, qui orant, jejunant, gemunt, affligunt se pro mortuis, si mortui non resurgunt?* Cujus quidem explicati-
onis aliquot ibidem affert rationes, v. g. quod maxime quadraret cum sequentibus, sensumque pariat eundem plane cum loco 11 Maccab. xii, 44. Ubi non inquiremus nunc in ipsam hanc interpretationem, ejusque fundamenta: id enim alio spectat; sed tantum dicimus, si quis, Græci textus versionem adornaturus, illa Apostoli verba: τί ποιήσουσιν οἱ βαπτισόμενοι ὑπὲρ τῶν νεκρῶν; ita reddere vellet: *Quid facient qui baptizantur baptismo lacrymarum & poenitentiae pro mortuis?* annon, ut temerarius & fraudulentus translator, indignationem omnium esset provocaturus, etiam illorum ipsorum, qui alias de baptismo lacrymarum lo-
cum*

cum hunc cum Bellarmino exponunt? Sanè Card. Cajetanus ad duos illos transtatores suos, quorum opera in Psalterio ex Hebræo in Latinum traducendo utebatur, *Non est vestri officii, aiebat, exponere, sed interpretari. Interpretamini sicut jaces, & relinquesis expositoribus curam intelligendi; ut in translati illius Psalterii præfationem scribit.*

XL. Hæc ad præsens nunc applicentur. Quæstio est, an locum Ecclesiæ recte ac fideliter e fonte expresserit Vulgatus? Nos negamus. Neque enim in Hebræo habetur illud; *dignus* odio vel amore; cum aliud sit, odium & amor, aliud, *dignum* odio & amore: non etiam extat in Hebræo adversativa, *sed*; nec istud: *servantur incerta*; ut mittam alia. Quod vero Bellarminus ait, veterem interpretem non verba numerasse, sed sensum expressisse; id eum non magis heic excusat, quam excusaturum esset illum, qui eodem modo, ut ante dixi, vertere vellet locum de baptismo *ἡμεῖς τὸν βαπτίζομεν*. Sicut enim, quanto difficillior iste Pauli locus, quantoque pluribus dissidentium Interpretum expositionibus obnoxius, tanto audacior merito censendus esset, qui verbis *ἐξωμολογῶν* in textum illatis ad sensum sibi probatum accommodare eum vellet: ita de loco etiam Ecclesiasticæ judicandum; qui & ipse dubius est, ac talis, de cujus sensu non convenit inter omnes; uti ingenue fatetur Alphonsus de Castro, libro VII adversus Hæreses, verbo, *Gratia*.

XLI. Ceterum quæ commodissima ejus sit sententia, operose heic disquirere nihil attinet. Pertinet id potius ad controversiam de certitudine gratiæ, ubi testimonium hoc in prima acie solet a Pontificiis locari

cari. Tantum notetur, quod Bellarminus ait, verisimam hujus loci intelligentiam esse, non posse hominem, etiam qui nullius peccati sibi conscius, certo statuere, dum heic vivit, justusne sit, an non; id usque adeo non esse vero consentaneum, ut inter ipsosmet etiam Pontificios viri celeberrimi contrarium sentiant. Sic Alphonsus Salmeron, expendens textum illum, in commentario ad II Corinth. XII, disp. XIV, *Hic locus*, ait, *nequaquam probat, quod aliqui inde accipiunt, hominem nescire amorem DEI erga se: & Alphonsus de Castro*, cum in prioribus operis sui editionibus dictum hoc tanquam apertissimum pro gratiæ incertitudine testimonium adduxisset, postea illud rejicit, longeque alium ejus esse sensum, palam professus est, loco jamjam citato. Adde quæ habent Cajetanus & Joh. Ferus in hunc locum, Thuanus, Arias Montanus, & Marianus, in suis Paraphrasibus, Pineda in Job. XXI, 26. & P. Suavis sive Sarpius libro II Historiæ Concilii Tridentini, ubi narrat, cum in Synodo illa de certitudine fidei disputaretur, & contra eandem hunc Salomonis locum urgerent Serapidandus, Vega, & Soto; Catharinum, Marinarum, quique cum his faciebant, respondisse, non facere eum ad hanc rem; cum alias concludendum hinc foret, sceleratissimum quemque peccatorum, in peccatis perseverantem, nescire, an Deo sit invisus.

XLII. Objicit amplius sibi Bellarminus ex Cheminitio locum Ecclesiastici V, 5, ubi Vulgata habet: *De propitiato peccato noli esse sine metu*; cum in Græco sit: *οὐκ ἐξ ἡλασµῶ µὴ ἀφοβῶ γίνῃ ἐν πλειονασµῶ.* Respondet autem, varias heic esse lectiones, ut Cor-

nelius Jansenius in hunc locum ostendat. Quosdam enim codices habere: *de propitiato peccato*; & quosdam: *de propitiatione*, sive, *de propitiatu peccati*. quæ posterior videatur melior, cum sit conformior Græco textui. Sed tamen etiam hinc convinci esse fallam hæreticorum sententiam, quæ jubeant hominem certo credere, se esse justum, vel fore justum, si ita credat.

XLIII. Ubi sicut non nego, variare hæc lectiones Vulgatæ (etenim in editione Norimbergensi, quæ anno clb cccc LXXV ex Antonii Cobergeri officina prodiiit, habetur: *De propitiatu peccatorum*. atque sic in nonnullis exemplaribus legi, annotatur etiam ad hunc locum in editione Lugdunensi anni clb lb xx; uti & translatio vetus Germanica, anno clb cccc LXXXVII Augustæ excusa, habet: *Nit wöllest sein on Focht vñs die vergebung der Sünden*) ita mirari subit, cum Belarminus lectionem: *de propitiatione vel propitiatu peccati*, præferat alteri illi: *de propitiato peccato*; quid moverit ipsum, ceterosque ad eum laborem deputatos Patres Romanos, ut in editione Clementina, quæ reliquarum omnium debebat norma esse, retinerent lectionem minus probatam, nec Græco satis respondentem. Quidquid autem hujus: quod ad Chemnitium attinet, securus is est lectionem communiores, (alteram enim illam non ita passum occurrere, vel inde constare, quod Fr. Lucas Brug. cum, post edita jam Clementina Biblia, ex vetustis mss. non paucas collegerit lectionum varietates, hujus nullam omnino mentionem fecerit) & quam hodieq; exhibent codices, quorum auctoritate standum Pontificiis.

num. 2. & in
fra c. 13. v. 22.

XLIV. Quod vero recepta isthæc & a Chemnizio notata versio textui Græco haud conformis sit, adeo est evidens, ut ipse id Bellarminus diffiteri nequeat: sicut idem agnoscunt etiam in suis commentariis Jansenius ac Tirinus, nec non Bellarmini hyperaspistes Christophorus a Sacrobosco, parte III Defens. cap. vi. Porro an hoc Siracidæ testimonium doctrinæ de certitudine remissionis peccatorum recte a Pontificiis opponatur, alterius loci est disquirere. Heic tantum observentur, quæ Cornelius habet Jansenius, Episcopus Gandavensis, cujus manibus Sacerdos olim inauguratus est Bellarminus. Ubi videlicet reprehenderat ille versionem: *de propitiatio peccato*, tamquam Græco non respondentem, mox subjungit: *Quam lectionem contra haresin nostris temporis, qua docetur, hominem certo credere, sibi remissa esse peccata, plerique citans, ex eo contrarium ostendere conantes; sed argumento non satis firmo: tum quod ea non sit lectio verior, tum quod dici posses, Sapientem securitatem prohibere propter recidivi periculum; cui magis convenis quod sequitur: neque adjicias peccatum super peccatum.* Ad hunc modum eximius ille & candidus sacra Scriptura interpres (sic enim Gretsero nostro audit) Jansenius; cui calculum adjicit, Bellarminum suum heic deserens, citatus ante Sacrobosco.

Sid. Fulgus.
Sic. Bell.
l. 2. c. 7.

col. 630.
676.

XLV. Sequitur locus Ecclesiastici xvi, 15. ubi Vulgatus: *Misericordia facies locum unicuique secundum meritum operum suorum*; cum in Græco sit: *πᾶσι ἐλεημοσύνη κατὰ τὸν ἔργον ἑκάστου κατὰ τὰ ἔργα αὐτῶν ἐνυπόκειται*, id est, ut reddit Arias Montanus: *Omni eleemosyna fac locum: unumquique enim secundum opera sua invenies.*

De loco
Sir. 16, 15.

Quod toto cœlo differt a vulgata versione, ut quæ primo heic edubus periodi membris facit unum; deinde pro Dativo substituit Nominativum, & si Ariæ lectioni standum, (nonnulla enim exemplaria habent, *μηδὲ*) pro secunda persona Præsentis Imperativi, tertiam Futuri Indicativi; tandem infarcit vocem, *merisum*, quæ in Græco non est. Bellarminus, ceteris dissimulatis, postremum ita excusat; quod, licet in Græco non sit ipsum nomen *merisi*, (neque enim vocem Latinam posse ingredi sermonem Græcum) habeatur tamen ibi aliquid quod idem significet, & rectissime per *merisi* vocabulum exprimitur, nempe *κατὰ ἔργα*. Nam *nemo*, ait, *qui Græcæ linguæ vel tenuissime sit peritus, negare potest, quin κατὰ ἔργα significet Latine, pro meritis operum.*

*Bell. Græcæ
lingua rudi.*

XLVI. Ubi facile id largimur Bellarmino, quod tenuiter admodum oporteat Græcæ linguæ peritum esse, qui dixerit, *κατὰ ἔργα* significare Latine, *pro meritis operum*. Nam quis tandem illius linguæ tirunculus ignorare queat, *κατὰ ἔργα* non notare, *pro meritis operum*, sed, *secundum opera*? Et posset sane hæc tam temeraria Cardinalis assertio alicui persuadere, non omnino præter rem Exercit. anti-Baroniana xvi, 150. doctissimum scripsisse Casaubonum: *Est ridicula plane res, hominem Græcarum literarum prorsus æμύντορ, (quod omnia Bellarmini scripta ostendunt) judicare velle de Græco scriptore.* Verum de Gretsero quid dicemus, qui ejus linguæ magisterium diversis editis libris est professus? Nam & is Bellarmini sui effatum, quod *κατὰ ἔργα* Latine significet, *pro meritis operum*, heic tuetur. Eat ergo uterque, & y. g. in illo, *κατὰ ἔργα αὐτῶν μὲν*

κατὰ ἔργα

Matth. xxiii, 3. vel in eo : καὶ πάλιν ἡ ἐργασία, αἱ ἐμνήσθη μοι, ὅπως ἀλλοὶ πεποιθὲν καὶ οὐ, 1 Sam. iix, 8. in his, inquam, similibusque locis, καὶ ἡ ἐργασία, Latine reddat: *pro meritis*, sive, *secundum merita operum*; & omnium ludibrio haud dubie se exponet.

XLVII. Neque est ut dicant, e contextu & circumstantiis loci posse dijudicari, quando καὶ ἐργασία, &, *pro meritis operum*, unum idemque sint. De hoc enim nunc non quaeritur: sed ait Bellarminus, quemvis, qui Græcæ linguæ vel tenuissime peritus, scire, quod καὶ ἐργασία significet Latine, *pro meritis operum*; indeque non e contextu, sed ipsa vi vocabulorum, æquipollentiam hanc arcessit. Nam quando, ut vera alicujus phrasæ significatio innotescat, opus est consideratione contextus, magnæ imprudentiæ fuerit, dicere, neminem, qui linguæ, cujus est illa phrasis, vel tenuissime sit peritus, ignorare posse, quid ea significet, cum sæpe etiam puer peritiam habeat alicujus linguæ non contemnendam, qui tamen eo nondum pollet judicio, ut ex antecedentibus, consequentibus, aliisque circumstantiis eruat, quæ ex verbis per se non satis sunt manifesta.

XLIX. Ceterum quod ad præsentem Siracidæ locum attinet, eum de nullis operum meritis agere, ipse Gregorius M. testis est. Explanans namque Psalmum vii poenitentialem, qui in numero Psalmorum Davidicorum est cxliii, ad hujus comma iix: *Audiam fac mihi mane misericordiam tuam*; ita scribit: *Quod si illa sanctorum felicitas misericordia est, & non meritis acquiritur, ubi eris, quod scriptum est: Et*

tu reddes unicuique secundum opera sua? Si secundum opera redditur, quomodo misericordia aslimabitur? Sed aliud est, SECUNDUM opera reddere, & aliud, PROPTER ipsa opera (quid autem hoc aliud, quam, pro meritis operum?) reddere. In eo nim, quod, secundum opera, dicitur, ipsa operum qualitas intelligitur: ut, cujus appaeruerint bona opera, ejus sit & retributio gloriosa. Illi namque beata vita, in qua cum Deo & de Deo vivitur, nullus potest aquari labor, nulla opera comparari.

De loco loef,
2, 13.

XLIX. Pergimus ad locum Joël. 11, 13. ubi Vulgata habet: *Præstabilis super malitia*; cum in Hebræo sit, ipsomet Bellarmino vertente: *Panisens super malitia*, vel, ut Pagninus & Arias Montanus reddunt: *pānisens super malo*.

L. Chemnitius noster locum hunc inter ea refert, quæ ab indoctis librariis depravata. Nec certe præter rem suspicari quis possit, irrepsisse illud *præstabilis* in textum pro *placabilis*, qua voce utitur Vulgata Exod. xxxii. 12. ubi eadem illa Hebræa, quæ heic apud Joëlem leguntur, videlicet, *וְהָיָה עָלֵינוּ מִלִּיכָה* trans fert: *Et esto placabilis super nequitia*. Certe Sacroboscus ait, forte *præstabilis* Vulgato idem esse quod *placabilis*. Verum ratione literarum ac syllabarum convenientia quædam inter hæc duo & affinitas, ratione significationis omnino nulla.

LI. Bellarminus, genuinum vocis significatum retinens, *præstabilis super malitia*, idem vult esse quod, *excellens in miserando & in pæna condonanda*. At primo, quis umquam mortalium ad hujusmodi quid significandum tali loquendi formula est usus? deinde,

qualis

qualis interpres, qui, cum posset verbis propriis ac u-
 sitatis, perspicuoque sermone, quod in originali satis a-
 perte dicitur, exprimere, mavult per ambages illud
 & ænigmata, non tam significare, quam divinandum
 proponere? Atque hæc me movent, ut pene arbi-
 trer, nec apud Hieronymum, ad cuius heic auctori-
 tatem Bellarminus provocat, scripturam esse satis sin-
 ceram; cum certe nusquam alibi Hieronymus Hebræ-
 um דבר, quod tamen eodem sensu frequenter occur-
 tit, v.g. Exodi xxxii, 14. Num. xiii, 19. Jerem. xix, 8.
 10. Jonæ iv, 2. illum in modum vertat. Et insolitas
 non esse in Hieronymi scriptis istiusmodi ab imperi-
 tis audaculisq; librariis in vestras corruptelas, hinc inter
 alia manifesto constat, quod præfationibus in Tobij
 am & Judith legitur vox *hagiographa*, cum tamen,
 doctissimorum etiam Pontificiorum iudicio, *apocry-
 pha* sic legendum. *Qui error*, inquit auctor præfa-
 tionis Bibliorum, cum Postilla, ut vocant, Lirani a-
 liisque glossis Basileæ anno superioris seculi vi edito-
 rum, *in omnibus, quos viderim, codicibus invenitur, &
 inolevis (ut puto) ex pietate & devotione exscribentium,*
qui devotissimas historias horrebant annumerare inter a-
pocrypha. Vide Tractatum nostrum de Canone Scri-
 pturæ capite x, 23.

LII. Tandem quod ad dictum Mich. v, 2. atti-
 net, etiam si Osiandri expositionem suo loco relinquo,
 non possum tamen, quin mentem ipsius paulo clarius
 explicem. Vult igitur ille, quique cum eo heic fa-
 ciunt; sicut alias ab Hebræis Nomina adjectiva sæpe
 pro Adverbiis ponuntur, quando cum Verbis con-
 struuntur, iidemque, quia Neutro genere carent,
 pro

*De locis
 Mich, 5, 24*

pro vocibus neutralibus Nominibus utuntur Femininis, quandoque etiam Masculinis: ita & hoc loco id fieri; indeque sic vertenda esse Michæ verba: *Es tu Bethlehem Ephrata PARUM EST UT SIS inter chiliadas Juda*, quomodo Es. xlix, 6. legatur: קָלִי מַחְזֶה לִּי עָבִיךְ *Leve est ut sis mihi servus*, hoc est: nullo modo mihi eris servus, ubi Lxx: μέγα σοὶ ἐστὶν κληθῆναι σε πρὸ δάμν. Matthæum ergo liberius, sine adstrictione verborum, eodem tamen sensu, reddidisse mentem Prophetæ. Idem namque esse: *Parum est ut sis inter Chiliadas Juda; & nequaquam minima es inter Principes Juda*: cum qui dicit, simpliciter aliquem esse in numero vel conditione horum aut illorum, non notet ὑπεροχὴν, sed ἰσότητά, qui vero ait, parum esse, aliquem numerari vel censi in hoc vel illo ordine, videtur ἐπισημαίνων & cum singulari emphasi ὑπεροχὴν designare, sive, obtinere cum ibi locum principem, vel aliquem ex præcipuis, indeque non esse minimum, Sic usitatum etiam esse Græcis scriptoribus, ita per μειῶσιν loqui, & per locutionem negativam indicare ἐπίμασιν contrarii; ut cum, v. c. Dionysius Halicarnasæus Romanam historiam vocet οὐκ ἐλαχίστην τὴν ὑπόθεσιν, significans, quod sit una e præcipuis. Denique eidem interpretationi favere & ipsa Prophetæ verba, textusque συνέχουσιν. Verba: quia Prophetæ utatur Masculino עָבִיךְ loco Feminini. Præterquam enim quod urbium nomina Feminina sint, כְּתִלְחָם subjectum antecedens esse Femininum; cui deberet subiungi עָבִיךְ non עָבִיךְ, quod cum non fiat, videri כְּ עָבִיךְ adverbialiter sumi. συνέχουσιν, quia alias non cohæreant inter se: *Parvula es ut sis &c. ex te egredietur,*

ut *fit dominator*. Quum enim posterius membrum sit ratio prioris, nullum hoc modo datum iri nexum. Ita habet Osiandrina de Michæ loco sententia. Quæ etiamsi forte tam solida non sit, ut ei tuto acquiescere liceat, ingeniosa tamen est, ac talis omnino, ut ipsis etiam Interpretibus Pontificiis quibusdam haud displicuerit.

LIII. Ceterum quod Bellarminus ait, verba Prophetæ, ut a Vulgato translata, optime cohærere, si legantur interrogative, ut legerit Matthæus, qui propterea verterit negative: *Nequaquam minima es*; Matth. II, 6. sciendum, hoc jam olim placuisse Isidoro, idemque probari Ludovico Vivi, ad Augustini de Civ. Dei lib. xix, cap. xxx, mentem Prophetæ sic exprimenti: *Quid, tu Bethleem exiguus es? Non es certe: quippe ex quo prodibit Princeps recturus populum meum Israëlens*. Eandem interpretationem & Fr. Ribera aliis præfert expositionibus, pluribusque propugnat in suo Commentario, citans in hanc rem Codices Gothicos Isidori, & Biblia Gothica antiquissima, quæ in Ecclesia Toletana habentur, in quibus legatur: *Es tu Bethleem Ephrata, numquid parvula es?* quam translationem Gothicam heic etiam laudat Gaspar Sanctius. Sed & Cornelius Jansenius, Iohannes Drusius, atque ex nostris felicissimus ille sacrarum literarum interpres Joh. Tarnovius, huic interpretationi subscribunt; vocatque eandem *expeditissimam* H. Grotius, *acutam* Lud. de Dieu, *ingeniosam & commodam* Frid. Spanhemius, Dub. Evangel. xliv, 9. ut mittamus alios, qui idem heic sentiunt.

LIV. Bellarminus interim sententiæ huic, quam

pridem fuerat amplexus, nuncium misit postea; idque, ut ex Recognitione patet, quia neque in Codice Hebraico neque in Chaldaeo, neque in interpretatione Septuaginta, Interpretum, neque in versione S. Hieronymi, ullum invenitur signum interrogationis apud Michæam; commodissime Matthæum cum Propheta conciliari ratus, si dicamus, sanctum Evangelistam non verba Michæa referre, sed sententiam adducere atque exponere voluisse. Quamvis autem, inquit, Michæas dixerit, Bethlehem parvulam fuisse in millibus Judæ, id est, tam exiguam quoad numerum domorum, ut vix digna esset quæ in millibus oppidorum tribus Judæ numeraretur; tamen ipse idem satis indicavit, eandem Bethlehem privilegio nativitatis Christi fuisse maximam, & dignam numerari inter principales urbes Judæ, cum addidit: ex te mihi egredietur qui regat populum meum Israel. Ad hoc igitur privilegium respexit S. Matthæus, & non ad numerum domorum, vel frequentiam incolarum. & ideo ait: non minima es in Principibus Judæ; & adiungit particulam, enim, dicens: ex te enim mihi exies Dux, qui regat populum meum Israel; ut reddat rationem, cur dixerit non esse minimam.

LV. Ubi monemus, neque sic absoni quid vel novi etiam a Bellarmino afferri, sed quod aliis quoque interpretibus probari videas, tum vetustioribus, Chrysostomo in primis & Theophylacto; tum quoque recentioribus non paucis, affirmantibus (cum Hieronymo in cap v Amos) Apostolos & Apostolicos viros in ponendis testimoniis de Veteri Testamento non verba considerare, sed sensum; nec eadem sermonum calcare vestigia, dummodo a sententiis non recedant; indeque sæpe LXX verbum sequi, sæpe illa tantum verba exprimere quæ ad institu-

tum illorum faciebant. Et, si nobis licet auctorum sententias aliquando citare nostris verbis, utique nec scriptoribus Θεοπνεύστis vitio debere verti, siquidem non stricte verbis Propheticis semper adhærescant; præsertim cum illi fuerint αὐτόπιστα & αὐνπιύθυνοι, adeoque ipsis licuerit heic singulari etiam libertate uti. Neque excipiendum, quod Matthæus dicat, *scriptum esse per Prophetam*. Interdum enim aliquid scriptum intelligi αὐτολεξεί, interdum καὶ ἰσθυναμίας, interdum χῆλιν, interdum χῆ πεᾶγμα, quomodo, v. c. Gal. iv, 21. Apostolus dicat, *scriptum esse, Abrahamum duos filios habuisse*: quod tamen αὐτολεξεί nullibi extet. Atque posteriori hoc modo, quod Matthæus refert, apud Prophetam omnino scriptum reperiri.

LVI. Et observetur, e Judæis ipsum R. David Kimchi in locum Michææ, de quo agimus, ita commentari: *Licet in millibus Juda sis parvus (tamen) egredietur ex te Judex, qui imperium in Israellem habeat, nempe Rex Messias. Verbum מִן־יְהוּדָה explicandum est: Cum inter urbes Juda referri nequens, illarum respectu parva es. Quibus gemina habet R. Abarbenel, Est, ajens, oppidum hoc ambitu suo sit exiguum, & incolæ ipsius præ reliquarum urbium civibus nihil habeant peculiare; nihilominus ex te mihi egredietur qui Israeli dominetur: atq; ille est Rex Messias.* Ubi vides, ipsos Judæorum Magistros, subintellecta particula adversativa, *samen*, affirmare, verborum Prophetarum hanc esse sententiam, angustum murorum ambitum civiumque paucitatem nullatenus fore obstaculo, quo minus ex Bethlehemo oriatur Messias, Dux nempe omnes alios Reges longo post se intervallo relicturus. Quidni igitur

tur Evangelistæ, ὁ ὄψωνός, verba Michææ recensenti, &, quod alias inde colligi oportet, dilerte expimenti, negare licuerit, esse oppidum illud minimum, intuitu tanti Ducis inibi nascituri?

LXII. Verum quia controversia ista huc proprie non pertinet, sed incidenter solum a Bellarmino tangitur, nos unumquemque suo heic sensu abundare sinimus. Id interim dissimulare non possumus, haud videri nobis tanti quæ priori sententiæ opponit Cardinalis, ut ad eam prorsus deferendam merito ipsum compulerint. Nam quod ait, in Codice Hebræo non inveniri ullum interrogationis signum apud Michæam, responderi potest, dari & alia Scripturæ loca, ubi æque deficit ἡ interrogationis, ac verba nihilominus capiuntur ἐρωτηματικῶς. Ita, v. g. Job. XL. 20. Vulgatus cum Interpretibus aliis habet: *An extrahere poteris Leviathan hamo?* nulla occurrente in Hebræo interrogationis nota: observarique præterea solent a viris doctis, ubi itidem ἐρωτηματικῶς absit indicium, loca Gen. XXVII. Num. XXIII. Deuter. XX. II Sam. XIX. I Regg. I. II Regg. V & XIX. Nehem. VI. Ier. XXIX. XXXVI. XXXVII. Jer. XXV. Ezech. XXXIII. Jon. IV. & similia. Porro, quod Chaldaus, LXX. & Hieronymus, non subintellerunt in textu Michææ ἡ interrogationis, huic nondum consequense est, neque ab aliis debere subaudiri. Sed hæc operosius persequi nostri nunc non est instituti. Consulat, qui plura eam in rem desideraverit, Spanhemii Dubia Evangelica, dub. XLI, seqq. atque amici nostri veteris, Dn. Johannis Frischmuthi, Harmoniam Michææ v & Mathæi II, anno LXII Jenæ editam.

CAPUT XIII.

DE

LOCIS, QUÆ IN PSALMIS MALE RED-
DITA ESSE A LATINO INTERPRETE,
CALVINUS DISPUTAT.

PROgreditur porro Bellarminus ad vindicanda loca, ^{De locis} ^{Pf. 2, 124} quæ in Psalmis editionis vulgatæ male reddita in-
Antidoto Concilii Tridentini notavit Calvinus. Ubi
primo occurrit locus Psalm. 11, 12. *Apprehendite di-*
sciplinam. quem vitio Latini interpretis depravatum,
ait Calvinus, cum in Hebræo sit *ברך פיו*, *Osculamini*
filium. Respondet autem Bellarminus, quamvis ad
verbum in Hebræo sit: *osculamini*, sive, *adorate filium*;
tamen sensum ejus loci rectissime versum per, *appre-*
hendite disciplinam. Nempe sensum illius: *osculami-*
ni filium, esse dicit: agnoscite, filium Dei esse verum
Regem & Messiam vestrum, osculando illi manum,
honoris gratia: porro, agnoscere, filium esse Regem
& Messiam, non aliter posse nos, quam fidem & do-
ctrinam ejus recipiendo; nihil autem aliud esse: *ap-*
prehendite disciplinam, nisi, eruditionem & doctrinam
filii Dei recipere. Ita Bellarminus.

II. Verum enim vero, si illa Psalmi hæc verba, *ברך פיו*,
ברך, recte vertuntur: *apprehendite disciplinam*, ob ratio-
nes a Cardinali adductas; quidni etiam hæc, v. c. Deu-
ter. vi, 13. *את דתה אל תדא*, vel ista Matth. iv, 10.
κύριον τὸ θεῖον σε προσκυνήσεις; cum heic eadem ratio-
nes militent? imo cur non illa Salvatoris: *Σιμὼν Ἰωάν,*

*Aliud est,
textum ver-
tere, aliud,
e textu argu-
mentari.
conf. infra
n. 32.*

πιστευει τὸ πνεῦμα μου, Joh. xxi, recte vētērentur: Pontifex Romane, esto judex infallibilis omnium controversiarum fidei? cum, docente Bellarmino lib. iv de Rom. Pontif. cap. iii, iis Christi verbis Pontifex sit institutus Doctor totius Ecclesiæ infallibilis. Nimirum aliud est, textum vertere, siue ex una lingua in aliam transferre, aliud, e textu argumentari, vel per consequentias aliquid deducere. Fido translatori non licet a verbis tam longe discedere, & audaciam suam nescio cujus sensus obtentu excusare.

III. Quomodo vertendus sit locus, de quo agimus, si sententiam velis exprimere, tradit Hieronymus Apologia i contra Ruffinum; *ἰπῶν nascu*, inquires, ut verbum de verbo interpreter, *καταφίλησται*, id est, deosculamini, dicitur. quod ego volens transferre putide, sensum magis secutus sum, ut dicerem, adorate. Quia enim qui adorans solent deosculari manum, & capita submittere, — & Hebræi, juxta lingue sue proprietatem, deosculacionem pro veneratione ponunt id transuli, quod ipsi intelligunt, quorum verbum est. En, expositurus sensum, pro, osculamini filium, transfert: adorate filium. Quæ versio quantum distat ab illa vulgata: *apprehendite disciplinam*! Confer heic quæ præcedenti capite xii, 38. monuimus.

IV. Porro, non esse heic Hebræi ac Latini textus eandem plane sententiam, inde manifestum constat, quod non possumus ex utroque eodem modo & æquali robore adversus Judæos ac hæreticos divinitatem, Christi negantes argumentari. Nam Bellarminus ipsemet supra capite ii, Certe, inquit, in 2. Psal. Latini & Græci habent: *Apprehendite disciplinam, ne irasca-*

*sur, id est, reverentiam exhibete filio Dei, ne ipse irascatur, &c. qui locus est invictissimus contra Judæos. Idem etiam, divinitatem filii ex hoc loco demonstraturus libro I de Christo cap. v, Hebraum fontem urget. Sed & Galatinus, lib. III de Arcanis Catholicae veritatis cap. VI, diserte agnoscit, non posse ex Latina translatione contra Judæos quidquam heic probari. Cum enim, demonstraturus adversus ipsos, Messiam esse filium Dei, urisisset verba Hebræa: בן ישראל, & vero Hogostratus exciperet quod Vulgata heic habeat: *Apprehendite disciplinam*; reponit: *Author nostra editionis, equivocatione vocabulorum deceptus, multa longe aliter transtulit quam veritas Hebraica habeat. Ut ita, vel ipsius Bellarmini & Galatini judicio, frustra oporteat esse Gretsærum, dum adeo audacter, more suo, pronunciat, posse ex vulgata Latina formari argumentum, quod iisdem penitus lacertis adversus Judæos & Arianos pugnet, quibus illud ex altera translatione (osculamini filium) deductum: item, quidquid contra Judæos efficit hæc versio: osculamini filium; hoc etiam efficere istam: apprehendite disciplinam.**

v. Dicit Bellarminus: quemadmodum Vulgatus hunc locum transtulit, sic eundemvertere Chaldaum, sic Græcum, sic omnes veteres Græcos & Latinos hætenus legisse. Eaqueratio tantopere illum movit, ut, absurda absurdis cumulans, ipsum Hebræum textum mutationis aliquid heic passum esse, aut etiam בן disciplinam significare, contra omnium & codicum fidem, & Hebraice doctorum consensum, suspicari malit, quam in vulgata Latina errorem agnoscere. Ita namque in sua Psalmorum explanatione scribit:

scribit: Cum Septuaginta Interpretes doctissimi fuerint, & textus optimos habuerint, & in translatione huius loci nulla sit apud Græcos varietas; & (quod magis est mirum) Chaldaus etiam Paraphraſtes reddiderit: accipite doctrinam, ſuſpicio omnino, vel in Hebræo aliquid mutatum vitio temporum, aut certe vocem Bar non ſolum, filium, & puritatem, ſed etiam diſciplinam ſignificare, præſertim cum aliqua litera ſuperaddita. Quemadmodum enim apud Græcos a voce παῖς, id eſt, puer, fit nomen παιδα, id eſt, diſciplina, quod eſt in hoc loco Pſalmi: ita fieri poteſt, ut a voce Bar, id eſt, filius, fiat ali-quod nomen, quod ſignificet diſciplinam, quæ maxime filiis a parentibus debetur.

vi. Verum enim vero, quod ad Chaldaicam attinet paraphraſin, notum eſt, quàm illa frequenter a verborum proprietate diſcedat. De Græca translatione quid habendum, ſuo loco, nempe ſupra capite vi, diximus. Illa verò quia communiter olim erat recepta, non mirum, priſcos Doctores, Hebræi textus ignaros, ut alibi, ſic etiam heic, ejus fidem fuiſſe ſecutos. Quod autem omnes veteres ſic legiſſe ait Cardinalis, ut habet Vulgata, id, niſi per hyperbolen excuſetur, verum non eſt. Et mirari ſubit, cum paulo poſt, agens de verbis Pſalmi iv, ita omnes Græcos ac Latinos verſionem ἑ LXX ſequi ſcribat, ut diſerte excipiat Hieronymum, cur non heic quoque id faciat: cum utique idem Hieronymus etiam locum Pſalmi ii, de quo agimus, bis aliter verterit, quàm eſt in Græco & vulgata; ſemel in ſua Pſalmodum translatione ex Hebræo, ubi habet: *Adorate pure*; deinde in commentariolis, quos Apologia ꝛ adverſus Ruſſinum citat;

tat, ubi se reddidisse ait: *Adorate filium*. Porro veteribus haud dubie annumerandus est, quisquis etiam ille qui commentaria in Psalmos edidit, Hieronymo, sed perperam (ut ipsimet Pontificii, Sixtus Senensis lib. iv Bibl. sanctæ, Melchior Canus lib. ii Loc. Th. cap. xiv, aliique agnoscunt) vulgo tribui solita. Jam vero & ipse commentario in Psalmum ii legit: *Adorate filium*. Et si maxime cum Bellarmino statuas, non esse hæc commentaria plane diversa ab illis Hieronymi commentariolis, quorum in Apologia contra Rufinum ipse meminit, manet tamen, auctorem, qui; ut censet Bellarminus, seculo quinto ex Hieronymi aliorumque Patrum scriptis ea compilavit, calculo suo approbasse, imo suam omnino fecisse, isthanc versionem: *Adorate filium*.

lib. de Script.
Eccl.

vii. Porro vindicaturus locum Psalmi iv, 3. *De loco Ps. 4. 3*
Bellarminus, ubi Vulgata habet: *Filii hominum usq; quo gravi corde? cum in Hebræo sit: usquequo gloriam meam in ignominiam? valde verisimile esse ait, corruptum esse textum Hebraum visio librariorum. Nam, inquit, simuletur כ in כ, & puncta mutantur, sit, graves corde, ut quid? nimirum sic: כבד ללב לטח Chebode leb lammah, & sine dubio sic legerunt Septuaginta, quorum versionem omnes Patres Græci & Latini sequuti sunt, præter Hieronymum, qui, quoniam aliter legit, vertit: *inclysi mei*.*

ix. Ubi observa, quam belle in disputationibus suis noster sibi constet Bellarminus. Etenim hoc capite, non tantum in præsentiloco Psalmi iv, sed & paulo post Ps. xxxii, 4. Lxviii, 12. Hebræum textum corruptum esse disputat. At vero supra capite ii, quan-

Bellarmini
inconstancia

quando demonstraturus erat, Hebræos codices nec ante nec post Augustini & Hieronymi tempora fuisse depravatos, ad posterius evincendum tali argumento utebatur: *Si post illorum Patrum tempora depravatio illa contigisset, qua causa reddi posset, cur Psalmorum interpretatio Hieronymiana ita cum textu Hebræico, qui nunc extat, in omnibus conveniret? & tamen de Psalmorum depravatione præcipua querimonia est.* Unde sic licet concludere:

Qui textus Psalmorum in omnibus convenit cum interpretatione Hieronymiana, is non potest esse corruptus in citatis illis locis Psalm. iv, xxxii, lxxviii. Atqui textus Psalmorum Hebræus, qui nunc extat, in omnibus convenit cum interpretatione Hieronymiana.

E. idem non potest esse corruptus in citatis illis locis. Minor clare continetur verbis Bellarmini jamjam productis. Sed & Major manifesta. Hieronymus quippe in interpretatione sua secutus est textum Hebræum minime corruptum, eundemque accuratissime expressit: quæ omnia memorato loco fatetur, partim quoque demonstrat, Bellarminus.

ix. Nec est ut excipias, eorum quidem opinionem ibi impugnare Bellarminum, qui volunt, Judæos in odium Christianæ fidei multa codicis Hebræi loca studiose depravasse; interim non negare, sed etiam exemplis in medium allatis adstruere conari, quod incuria librariorum similive casu leves hinc inde errores in originalem textum irrepperint. Quidquid enim hujus, agnoscit sane Cardinalis, vanum esse illam, quam præcipuam esse ait, de Psalmorum corruptione
queri-

querimoniam. At quinam isti, qui de Psalmorum corruptione tantopere queruntur? nonne ii, qui, cum de versione Latina cum fonte concilianda, præcipue in Psalterio, desperent, nec tamen in editione, quam authenticam esse iussit Synodus Tridentina, lapsus Interpretis admittere velint, ad Hebræi textus depravationem, tamquam ad tutissimum asylum, confugiunt? Idem vero hoc capite facere Bellarminum, in apico est. Ut enim Vulgaræ suæ suppetias ferat, loca Psalterii Hebræa, quæ nec Chaldaus, nec Syrus, nec Masoretæ, aliter legerunt, quam in hodiernis exhibentur codicibus, nescio cujus & quam multiplicis corruptionis postulat.

x. Sed ut speciatiim agamus de præsentis loco Psalmi iv, quid sibi, quæso, vult illud כְּבוֹרִי, quod pro כְּבוֹרִי Bellarminus heic substituit? Ait, esse posse vel Participium passivum verbi כָּבַד, vel Nomen verbale. Quæ quidem miror scribi ab eo, qui Hebræam linguam alios Grammaticis Institutionibus editis docere est ausus. Primo enim, cum Verbum כָּבַד in Kal ex eorum sit classe, quæ עֲמֻדִים *stantia* Hebræis dicuntur, sive Intransitiva & Neutra, non posse illud admittere Participium Paul seu Passivum, vel pueri norunt. Deinde, si maxime Participium tale a כָּבַד fingere velles, an ejus Plurale constructum foret כְּבוֹדִי *chebode*, uti bis heic exprimit noster Grammaticus? Utique secunda, radicalis in Paul non cholem habet, sed schureck, idque perpetuo, nisi quod evphonie causa aliquando est kybbutz, לְבַשׁ מִדָּבָר, Prov. xxxi, 21. Nullum ergo Participium כְּבוֹרִי agnoscit lingua Hebræa. Sed neque Nomen verbale istud כְּבוֹרִי esse potest. Plurale

Bell. Grammaticam Hebræam, quam alios docere voluit, ignoravit ipsemet.

enim ⁷³ 733 (aliud autem verbale, quod *grave* notet, non datur) in statu regiminis est 733, Ezech. iii, 5. 6. Quæ cum manifesta sint, certe non erat, cur Chemnitio nostro, Theologo Hebraice doctissimo, linguæ hujus sanctæ imperitiam objiceret Bellarminus, (vide cap. xii, §. *Respondeo, falso*) cujus ne prima quidem rudimenta callebat ipsemet. Confer quæ notata jam supra cap. ii, 5. Sed videamus, quid porro afferat noster ille Hebraeus.

x. Urget nimirum amplius, sufficere ad veritatem interpretationis, ut sensus sit idem: jam vero, siue legamus ut habent hodierni codices Hebræi, siue ut habet vulgata Latina, sensum semper esse eundem. *Deus enim, ait, eo loco conqueritur de hominibus, quod, neglectis æternis, diligens temporalia: & quidem secundum versionem Græcam & Latinam vocat eos graves corde, quia tales sunt visio suo; secundum Hebræum textum, ut modo se habet, vocat eos gloriam suam, seu inchoytos suos, quia tales sunt beneficio divino, si in eis imaginem celestem, non vitium proprium, consideremus.*

xii. Ubi primo falsum, quod heic Deus conqueratur de hominibus. Non enim Dei verba esse, quæ nunc expendimus, sed Davidis, de adversariorum suorum audacia & nequitia conquerentis, textus ostendit *ovvâ Qeæ*. Nempe qui heic loquitur, sub initium sermonis Deum invocat, suamque ab eo orationem gratiose exaudiri petit, comm. 2. hinc de inimicorum suorum calumniis ac mendaciis queritur, comm. 3. eosque ad agnitionem consilii & mirificæ protectionis Dei revocat, comm. 4. porro, ut super se lumen vultus sui attollat, a Deo petit, comm. 7. unde

de ex animo gaudeat, comm. 8. & secure habitet, comm. 9. Quæ omnia non Deo, sed Davidi conveniunt. Deinde, licet respectu diverso iidem homines dici possint, & graves corde, & gloria Dei, hinc tamen nullatenus sequitur, ista duo, esse gravem corde, & esse gloriam Dei, ita æquipollere, ut unum possit substitui pro altero in versione textus iblici. Certe idem Deus in sacro Codice audit, & *ignis consumens*, Deusque *Zeloses*, Deut. iv, 24. & *Deus misericors*, ibid. comm. 31. si quis vero dicere vellet, sensum esse eundem, sive comma illud 24. interpreteris: *Ihova est ignis consumens & zeloses*; sive: *Ihova est misericors* propterea quod idem ille Deus, qui zelotes est ignisque consumens respectu transgressorum legis, sit misericors intuitu eorum qui vocem ipsius audiunt; an non perversio hæc potius foret sacri textus quam versio?

xiii. Ad locum Ps. xxxii. 4. ubi Vulgata habet: *Delusus sum in arumna mea, dum configitur spina*; Ps. 32. 4. Hebræus autem textus, vertente Aria Montano: *Versus est humor meus in siccitates æstatis*; respondet Bellarminus, in hoc loco Vulgatum non posse reprehendi, cum non verterit ex Hebræo, sed de Græco translulerit in Latinum, Græcus vero textus Latino optime heic respondeat. Videri autem Lxx Interpretes paulo aliter legisse textum Hebræum, quam modo se habet, ac proinde esse errorem scribarum in Hebræo.

xiv. Verum, si vel maxime concedatur, Vulgatam heic ex æsse respondere translationi Græcæ (de quo tamen adhuc dubitari possit: nam illud, *ἐν τῷ ἰμπεριῶναι μοι ἀκαρεῖα*, significat: *dum insigitur mihi spina*;

Cc 3

non,

non, ut Vulgata habet: *dum configitur spina*; quorum verborum nullus plane est sensus,) quid hoc ad præsens? ubi non quæritur, an Vulgata recte expressa sit e Græco, sed, an sit conformis fonti, id est, textui Hebræo; quem solum agnoscimus in V. T. normam versionum omnium, sive Latinæ illæ sint, sive Græcæ, sive aliæ. Et sane, dum Bellarminus præpostera ratione Hebræum textum heic emendat ex translatione LXX virali, prorsus immemor eorum est quæ, supra, capite viscripsit, nempe, illam *talē* LXX versionem *non esse incorruptam, sed valde viciatam in pluribus locis, ut jam tutum non sit Hebraicos vel Latinos textus ex Græcis codicibus emendare*; & quidem fuisse eam multis in locis corruptam jamtum ante tempora Justinī Martyris, quem floruisse constat circa medium seculi II; quin laborare erroribus, ab illis ipsis, *qui primi descripserint libros ex Bibliotheca Regis Ptolomai*, atque ita longe ante vulgatæ Latinæ natalem, in vestis: sed nec ejus recordatur, quod capite IX affirmavit, vulgatam Latinam non esse ex pura interpretatione LXX Seniorum, sed ex editione communi, quam multis modis ab ista differre ibidem agnoscit. Horum, inquam, omnium obliviscitur hoc capite Bellarminus, dum toties tamq; confidenter ad LXX Interpretum auctoritatem provocat, ac si extra omnem controversiam esset positum, quod germanam intemeratamque ipsorum translationem fuerit secutus qui Latinam Psalterii versionem condidit. Vide supra cap. IX, §. Nimirum scenæ inservire novit Cardinalis noster egregie. Quando enim Vulgata discrepat a textu Græco, & magis convenit cum Hebræo; quod fieri ait in omnibus V.

T. libris extra Psalterium; depravationis arguit Græcum, & Hebræum intemeratum pronunciat, *ne scilicet fateri cogatur, vulgatam editionem Latinam, quam Tridentinum Concilium authenticam esse iudicavit, totam quoque esse corruptam*; uti habent ejus verba capite vi. cum quibus confer caput ii, ubi omnia illa loca, quæ aliter nunc in Hebræo haberi nonnulli affirmant quam olim ibi fuerint lecta, genuina esse & inviolata hinc ostendit, quod eodem modo, quo in hodiernis codicibus Hebræis extant, extent etiam in vulgata, Latina. Quando autem Vulgata discordat ab Hebræo, ac magis respondet Græco, corruptionis insinuat textum Hebræum, eique præfert Græcum, tamquam magis genuinum; (uti hoc capite, & commentario in Psalmos) ne videlicet & heic Vulgatæ suæ cogatur errores fateri. Confer infra num. xxiv.

xv. Sed, inquit Cardinalis, *si, cum videmus, in Latino textu facile potuisse aliquid mutari à librariis propter literarum similitudinem, & non potuisse in Hebræo, dicimus, errorem librariorum esse in Latino; cur hoc loco, ubi facile potuit fieri error in Hebræo, & non in Græco, vel Latino, non etiam dicemus, in Hebræo errore librariorum textum esse immutatum?*

xvi. Resp. Longe alia heic ratio est textus Hebræi, quam Latini. Hebræi textus sinceritatem quanta sollicitudine jam inde ab antiquo custodiverint Judæi, docet Bellarminus ipsemet supra capite ii, Scribit Philo, inquit, *in libro de egressu filiorum Israel ab Ægypto, & citatur etiam ab Eusebio libro 8. cap. 2. preparat. Evangel. usq; ad sua tempora, per spatium amplius quam duorum millium annorum, ne verbum quidem fuisse unquam*
in

in lege Hebræorum immutatum; & quemlibet Judeum centies potius moriturum, quam ut pateretur, legem in aliquo mutari. Et quid aliud sibi voluit stupendus ille Masoretarum labor, dum singulos Hebræi codicis versus, voces, & literas numerarunt, omnemque ipsorum varietatem annotarunt, quam ut sacri textus genuina lectio ab omni depravatione æternum servaretur incolumnis, & ne jota quidem excidere inde posset, minimumve in eo punctum mutari? De Latino autem Vulgatæ textu tantum abesse ut similia dici queant, ut potius contrario modo heic se habeant omnia, jam tum supra cap. x, 35. xi, 6. a nobis ostensum. Nil igitur mirum, si hinc inde depravationem passa editio Latina, qualem non æque experta originalis Hebræa. nam & Chaldaicas paraphrases, quod Masora munix non essent, corruptelas passim sensisse, Elias Levita, præfat. iii libri Masoreth hammasoreth, agnoscit.

*De locis
Ps. 38. 2.*

xvii. Porro ad locum Ps. xxxiix, quem Vulgatus transtulit: *Lumbi mei impleti sunt illusionibus;* cum in Hebræo sit, vertente Aria: *Ilia mea plena fuerunt fado;* respondet Bellarminus, verbum Hebræum מְדַמְּנִי & ignominiam & ardorem significare: quocirca Davidem loqui de eo pruritu ac ardore libidinis, qui, dum in corpore existit, illusiones in mente gignit. Nam Græcum interpretem, quem Latinus, & (quod magis mirum) Chaldaus sequutus, effectum pro causa posuisse, quod neg, novum nos, mirum cuiquam videri debeat.

xlix. At huic Bellarminianæ interpretationi tota Psalmi οὐνέχεια reclamation. Loquitur namque David de malis poenæ ob perpetrata peccata divinitus sibi

Sibi infligitis, eaque tam gravia esse conqueritur, ut non in cute tantum, sed intus etiam in ipsis intestinis, vilis ille status, qui appareat in vultu & incessu, ortum habeat, utque viscera sua nimio dolore sint pene torrefacta, quemadmodum in illis, quibus ardet jecur, inflammantur pulmones, & omnes corporis partes fiunt emarcidæ. Pruritus & ardorem libidinis in statu adeo misero totque afflictionum concursu tribuere sancto illi viro, id vero nimis est absurdum. Et quam durus quamque insolitus loquendi modus, quo illusiones ponuntur pro ardore libidinis! Utut enim neque novum neque mirum sit, effectum poni pro causa in sermone improprio, notum tamen & hoc vel in trivio, tropos non debere esse nimis longe petitos, nimisque obscuros. Ceterum quod ait Cardinalis, versionem hujus loci Græcam non Latino tantum interpreti, sed & Chaldaeo arrisisse, inanis est jactantia, Nam Græca translatio habet: *αἱ ψόαι μου ἐμπλήθησαν ἰμπεριμάτων*, cui quidem respondet Latina vulgata, vertens: *Lumbi mei impleti sunt illusionibus*. At Chaldeus reddit: *כסלי אהמלק קדחתא* *Ilia mea plena sunt inflammatione*, vel, *adustione*. Quæ cum Hebræo magis convenire quam cum Græco, manifestissimum est; cum in Hebræo sit: *כסלי מלאו נקלה* quod Pagninus reddit: *Ilia mea plena fuerunt ardore*: quemadmodum ipse etiam Bellarminus, *נקלה & ignominiam* & *ardorem* significare monet.

xix. Ad locum Ps. LXIX, 7. quem Vulgata reddit: *Qui habitare facit unius moris in domo*; cum in Hebræo sit, vertente Aria: *Faciens habitare unicos in domo*; respondet Bellarminus, *verba Hebræa optime re-*

De loco

Psal. 68. 7.

cipere plures sensus, & omnes veros; interque illos etiam hunc, quem LXX & Latinus expresserint: Qui in domo sua, quæ est Ecclesia, habitare facit homines unius moris, id est, unius fidei, unius spei, unius voluntatis. Neque hic sensus, ait, ab Hebræa voce discedit; nam יחידים jechidim, venit à verbo יחד jachad, id est, unire; inde fit יחדים jadich, (יחד dicere voluit) unitus, sive, unus e multis compositus.

xx. Ubi an verum sit, quod supponit Cardinalis, posse unius Scripturæ dicti plures esse sensus literales, alterius loci est disquirere. Quantum vero ad præsentem attinet, quam tentat, Latinæ versionis cum textu Hebræo conciliationem, nititur ea hypothese aperte falsa, nempe, quod יחדים notet *unius*. Nullibi enim hæc vox isto sensu capitur; sed semper designat *unicum, solitarium, desertum*. Vide Gen. xxii, 2. Jud. xi, 34. Ps. xxii, 21. Jer. vi, 26. Cui non obstat significatio *adunandi*, quam habet radix יחד, cum nemo ignoret, non eundem exacte significatum in Hebræo semper esse radicis, & eorum quæ inde descendunt. Porro si maxime יחדים heic denotaret *unitos*, eo tamen nondum esset probatum, quod notet homines *unius moris*. Neque enim statim, qui sunt uniti, sunt etiam unius moris, & unitos homines habitare in domo, idem plane est quod, unius moris homines habitare in domo: uti inepte scribit Gretserus. Nam quoties contingit, eos qui uniti in eadem republica, vel alias unius societatis aut collegii membra sunt, non esse unius moris? imo quoties accidit, ut ne quidem illi, qui in eadem domo habitant ætissimo illo matrimonio yinculo uniti, moris sint unius? Annon Esau &

Jacob

Jacob fratres fuerunt; & quia simul habitabant, fuit eia causa discordia? dicente Hieronymo in Ps. cxxxii, 1. Tandem interpretatio ista Bellarminiana, qua de Ecclesia, cujus membra unius fidei, spei, ac voluntatis, locum hunc explicat, ab ipsa textus *ovvxeia* refellitur. Ubi enim Propheta DEUM appellasset Patrem pupillorum, & defensorem viduarum, pergens in laudibus ejus commemorandis, subjungit, quod *דודים*, id est, orbos ac solitarios, nulla cognatione, nulla amicitia, nullis facultatibus pollentes, sic augeat, locupletet, ornet, ut habeant, in quibus & liberi sint & servi, familias. Unde simul patet, quam a Davidis mente aliena sit illorum expositio, qui, non improbante Bellarmino, de eremitis ipsum heic loqui opinantur, hoc sensu: *Facit Deus, ut quidam, pra amore celestis contemplationis, relicta frequentia ad loca deserta se recipiant, & soli habitent.* Sed pergamus.

xxi. Eodem Psalmo, commate eodem, Vulgata legit: *qui habitant in sepulchris*; quod, monente Calvino, secundum fontem reddi debuerat: *in siticulis solo loco.*

xxii. Respondet Bellarminus, negari quidem non posse, quod vox Hebraea *מקבר* locum arenem, & siccum designet; sed neque credibile esse, id ignorasse Græcum interpretem (quem scilicet heic secutus est Vulgatus) cum vocabulum sit satis notum. Voluisse igitur ipsum exprimere horrorem deserti illius, unde Deus populum suum eduxit, quod quidem instar sepulchri fuerit visum. Ita, inquam, Bellarminus. Cui nihil heic reponimus, nisi quod transigere eum jubemus cum socio suo & hyperaspiste Gretsero; qui

col. 456.

supra capite 11 hanc tradit regulam hermenevticam: *boni Interpretis officium postulare, ut, quando verbum, æque aptè per aliud verbum ejusdem prorsus significatio- nis exprimi potest, non exprimaturs per aliud prorsus me- taphoricum.*

ibid. comm.
12.

XXIII. Rursus eodem Psalmo, commate 12. in Vulgata sic legimus: *Dominus dabit verbum evangeli- zantibus virtute multa. Rex virtutum dilecti dilecti: & speciei domus dividere spolia. Si dormiatis inter me- dios cleros, penna columba deargentata, & posteriora dorsi ejus in pallore auri. Quæ ænigmata esse, unde se nullus Oedipus expediat, merito scribit Calvinus. Et ipse sane Jesuita Tirinus, præfatione sui in Scriptu- ram universam commentarii, hunc locum inter ea numerat, de quibus quæritos etiam insignes Theolo- gos Pontificios, non semel magno suo rubore cespi- tantes hæsitantesque viderit, nec quidquam ad rem- respondentes.*

XXIV. Cardinalis tamen noster, ut ne heic quidem editionem authenticam deserat, respondet primo: *non posse accusari Latinum interpretem, qui verterit fidelissime quod in Græco repererit. Sed illi ef- fugio jam occurrimus supra num. xiv, quando dixi- mus, non quæri nunc, an vulgata Latina fideliter con- versa sit ex Græco; sed, an respondeat Hebræo, tan- quam omnium translationum fonti. Porro ait: posse facile Hebraum textum ad Vulgatæ lectionem accom- modari, (scilicet textus originalis accommodandus est ad translaticum!) si nempe, quod ipse facit, li- teras, puncta, voces, sententias, mutes. Verum ne- que hanc conciliandi rationem ullo modo procede-*

re, citato loco jam tum evicimus. Tandem expositionem affert Latini textus, ipsa translatione ferme obscuriorem magisque vitiosam. Quæ cum suamet absurditate concidat, neque etiam de expositione locorum propriè nunc agatur, sed versione, nolumus ei examinandæ heic immorari.

xxv. Amplius hoc ipso Psalmo commate 17. Vulgata legit: *Quid suspicamini montes coagulatos?* quæ neque cum Hebræo conveniunt, neque ullam commodam admittunt sententiam. Respondet Bellarminus: *Cum verbum illud, צלל, ralsad, non nisi hoc loco inveniat, & tot sint fere expositiones hujus verbi quot sunt interpretes, interim necessario Interpretum judicio heic acquiescendum sit, quis non videt, LXX Interpretes omnibus aliis anteponeudos esse, præsertim cum eorum versio Catholica Ecclesia tam longo usu approbaverit?* *ibid. comm. 17.*

xxvi. Verum quæ de interpretatione LXX virali adeo magnifice heic prædicat Cardinalis, ea quam sint vana, jam supra, num. xiv, fuit ostensum. Nunc solum dicimus, quandoquidem, velut ex ibi memoratis patet, Bellarminus fatetur, 7 LXX editionem jam ante multa secula, imo vero ab his, qui *primi* ex bibliotheca Ptolomæi exempla sua descriperint, fuisse viciatam, & ita, ipso met judice, certum nullatenus est, utrum, quæ vel hodie in ea leguntur, vel Latini interpretis tempore fuere lecta, a LXX illis Senioribus profecta sint; annon heic, ubi de genuino significato vocis צלל quaritur, tutius longe, eos audire, de quorum singulari in Hebraicis doctrina certo constat? Jam autem horum nemo talem isti vocabulo significationem tribuit, qualem ipsi affricat versio, quæ sub augusto 77 LXX nomi-

ne vulgo circumfertur. Targum heic habet *יְהוָה עֲזָרְתִּי* *filitis*, atque sic alii Hebræi; quomodo etiam Pagninus reddit: *faltatis*. Nonnulli aliter interpretantur; nemo tamen sic ut Græcus.

Ibidem
comm. 19.

xxvii. Iterum eopse Psalmo comitate 19. Vulgata habet: *Etenim non credentes inhabitare Dominum, Deum*; cum in Hebræo sit: *אֲנִי וְרֵעִי* *etiam rebelles*. Nec potuit eorum verborum sententiam exponere Genebrardus, ni pro Vulgatæ suæ, *etenim*, substitueret Hebraicum, *etiam*. Nequit autem heic solita sua exceptione uti Bellarminus: *non posse accusari Latinum interpretem, qui verterit fidelissime quod in Græco repererit*; siquidem voces, *Dominum Deum*, in Græco reperire non potuit, ut quæ non extant ibi. Nimirum ita habet Græca translatio editionis Sixtinæ: *καὶ ὃ ἀπειθῶντες τὸ κατεσκευάσθη*.

xxiix. Ubi, Latinam cum Græca versione conciliaturus, primo, *ἀπειθῶντες* mendum esse typographicum, suspicatur Gretserus, quod irreperit pro *ἀπειθῶντες*. Verum quod non ex errore typographi, sed ipsorummet editorum cura, in Romana illa editione sic legatur, in suis ad eam notis satis innuit Flaminius Nobilius: exhibetq; eandem etiam lectionem textus lxxviralis Bibliorum *πλουλῶτων* Anglicanorum ex ista Romana edititione depromptus: quem licet cum Aldina, sive Veneta & Complutensi, vetustissimo item mscr. Alexandrino, contulerint qui operi illi præfuere, & ut editor Waltonus scribit, *discrepantias omnes annotarint*, ratione tamen vocis *ἀπειθῶντες*, de qua agimus, nullam has inter Sixtinamq; editionem diversitatem observarunt,

xxix. Porro idem Gresserus ait, etiamsi illud: *col. 669;*

Dominum Deum, quod in Vulgata est, in Græco non expresse ponatur, subintelligitamen; *quia*, inquit, *sermo est de Deo, qui etiam non credentes seu rebelles sibi fumsit, ut in eis, tanquam in suo domicilio, habitaret.* Sed quam inane hoc effugium! Si quid heic subintelligendum, an ex Græco textu potuit constare Vulgato, quod præcise subaudienda verba: *Dominum Deum*? Cur non subintellexit *domum Dei*; ut sententia esset: cepilli etiam rebelles, ut inhabitarent domum tuam, id est, Ecclesiam? Et sane translatori integrum haud esse, pro lubitu in versionem infarcire quæ in originali non habentur, ac aliud esse, Scripturas ex una lingua in aliam transfundere, aliud, commentario easdem illustrare, jam tum supra capite xii, 39. fuit monitum.

xxx. Amplius, ubi Psalmi illius commate 23. Vulgata habet: *Convertam in profundis maris*; Hebræus vero textus, ex Pagnini ac Montani versione: *faciam redire de profundis maris*; Bellarminus primo respondet: posse recte ex Hebræo verti: *in profundum*; idque testari R. David, qui \int pro \int interdum usurpari scribat, ut Deuter. xxxiii, 2. *ibid. comm. 23,*

xxxi. Verum si maxime \int aliquando idem quod \int notat, an inde sequetur, etiam hoc loco ita id posse accipi, ubi longe aliud contextus postulat? Et tantum abest, ut illud affirmer, ad cuius testimonium provocat noster, R. David Kimchi, ut ne quidem in Deuteronomii loco eam particulam \int significationem ipse agnoscat, sed solum, quid alii heic sentiant, exponat; non diffidente Gressero.

xxxii. Deinde ait Cardinalis; esse varias lectiones;

nes tam in Græcis quam in Latinis codicibus; cum alii, *in profundum*, alii, *in profundis*, legant. *Qua lectio posterior*, inquit, & *verior esse videtur*, & cum Hebraica voce satis coheret. *Nam quid aliud est: Convertam in profundis maris; quam, eos etiam, qui sunt in profundis maris, extraham, & convertam?*

Vid. supra

cap. 12, n. 2.

et 43.

xxxiii. At si verior ista lectio: *in profundis*; cur in editione Clementina prætulerunt alteram? Annon in editione, quæ ceterarum omnium debebat esse norma, lectionem exprimi par erat veriore? Sed nimirum pensî nihil habet Bellarminus, demoliri quæ extruxerat ipsemet, omnesque partes sustinere, ut Vulgatæ suæ auctoritati quaque ratione consulat. Confer supra num. xiv.

*Ibidem
comm. 23.*

xxxiv. Adhuc eodem Psalmo, commate 28. in editione vulgata legitur: *Ibi Benjamin adolescentulus, in mentis excessu*, cum Hebræus textus, Pagnino ac Aria vertentibus, pro, *in mentis excessu*, habeat, *dominans eis*.

xxxv. Ait Bellarminus: verbum דורם posse significare, *dominator eorum*, a verbo דרר, & etiam, *alte dormiens*, a verbo דרם, atq; posteriorem hanc lectionem secutos esse Græcum Latinumque interpretem. At falsum, quod דרם notare possit, *alte dormiens*; cum non in Kal, sed Niphal, דרם huiusmodi significatum obtineat, & proinde דרם requireretur, si locum deberet invenire istud Cardinalis responsum.

*De loco Ps.
132, 15.*

xxxvi. Tandem Psal. cxxxii, 15. Vulgata habet: *Viduiam eius benedicens benedicam*; cum in Hebræo clarissime sit: *Vidui benedicam*. Respondet Bellarminus, *si ullus error hic est, esse in Græco*. *Nam*, inquit,

cum

cum $\chi\eta\epsilon\alpha\upsilon$ & $\eta\eta\epsilon\alpha\upsilon$ tantum una litera differant, facile potuit fieri, ut aliqui pro $\eta\eta\epsilon\alpha\upsilon$ scripserint $\chi\eta\epsilon\alpha\upsilon$: nam etiam nunc aliqui Græci habent $\eta\eta\epsilon\alpha\upsilon$. Subjungit: Quia tamen sensus fere est idem, & semper in Ecclesiâ Græca & Latina lectum & cantatum est, viduam, non putarem hunc locum debere mutari. Nam Hieronymus in epistola ad Suniam & Fretellam sapienter monet, ea, quæ in Psalmis Latinis videntur dissentire ab Hebræo, esse quidem notanda & observanda a doctis, tamen non esse propterea mutandum textum, qui tot sæculis in Ecclesiastico usu fuit, & tantam obtinuit auctoritatem.

xxxvii. Ubi, quando dicit Cardinalis, si ullus heic error, esse cum in Græco, hæc ipsius verba nihil præ se aliud videntur ferre, quam quod absolute neget, esse ullum in Latino errorem, etiam si forte aliquis sit in Græco. Sine dubio tamen hoc non intendit, cum in propatulo sit, Latinam versionem Græcæ ex asse heic respondere, ut proinde, si quid peccatum, utrobique peccatum esse oporteat. Sed quia Calvinus conjectat, imperitum aliquem ita corrupisse textum Vulgatæ Latinum, ut ex *viētum* fecerit *viduam*; reponit Bellarminus, si quis librariorum culpa irrepserit error, non Latinum textum violatum esse, sed Græcum, quippe ubi facile potuerit fieri, ut pro $\eta\eta\epsilon\alpha\upsilon$ scriberetur $\chi\eta\epsilon\alpha\upsilon$. Quod sane non negamus. Nam similitudine Psalmo lxxiii, 8. ex $\kappa\alpha\tau\alpha\kappa\alpha\upsilon\omega\mu\epsilon\mu$ ortum $\kappa\alpha\tau\alpha\mu\omega\mu\epsilon\mu$, observante, epist. cxxxv, ad Suniam & Fretellam, Hieronymo. Quamvis ergo neget Cardinalis, esse in Latino errorem librariorum, sive corruptelam ex scriptorum inscitia vel incuria natam, non audet tamen inficiari errorem ipsius versionis Latinæ ex deprava-

vato textu Græco expressæ. Interim quia sensus fere sit idem, siue *viçtum* legas, siue *viduam*, & semper in Ecclesia lectum & cantatum sit, *viduam*, non putat heic aliquid debere mutari; cum in tali casu aliud Hieronymus suadeat.

xxxix. Verumenimvero, annon sensus omnino mutetur, si pro *viçtum* in memorato Psalmo legas *viduam*, iudicet quivis veritatis amans. Patrocinium quidem Bellarminianæ assertionis suscipit Gretserus, & quod idem heic sensus maneat, ita nititur demonstrare: *Si promissit Deus, se viçtui Sionis largiturum benedictionem, utique etiam viduæ Sionis benedictionem promissit: quandoquidem benedictionem non aliter pollicitus est, quam ut ad salutem hominum redundat.* Sed aliud esse, ex textu argumentari, siue per consequentias aliquid erudere, aliud, textum e lingua in linguam transferre, jam supra num. 11 monuimus. Sequi ex verbis Psalmi Hebraici illud quod vult Gretserus, haud imus inficias: sed in ipsa propterea versione id recte exprimi pernegamus. Notum illud Nazianzeni: *Quadam sunt in Scriptura, nec tamen ibi dicuntur.*

Orat. de
Spir. S.

xxxix. Quod autem porro ad Hieronymi auctoritatem heic provocat Cardinalis noster, in eo frustra est. Hieronymus quippe nullam versionem habuit pro authentica; sed in illa ipsa ad Suniam & Ereclam epistola diserte scribit: *Sicut in Novo Testamento, quando apud Latinos quaestio exoritur, & est inter exemplaria varietas, recurrimus ad fontem Græci sermonis, quo Novum scriptum est Instrumentum: ita in Veteri Testamento, si quando inter Græcos Latinosque diversitas est, ad Hebraicam recurrimus veritatem, ut, quicquid de fonte*

fonteprofiscitur, hoc quaramus in rivulis. Cum proinde, ceu dixi, Hieronymo nulla versio authentica fuerit, non duxit consultum, ut, si qua translatio longo usu in Ecclesia invaluisset, eique in publicis sacris populus assuevisset, in illa temere aliquid mutaretur. Vix namque fieri istiusmodi poterat mutatio sine vulgi offensione, uti inter alia docet illa de cucurbita Jonæ historia, quam ad Hieronymum perscribit Augustinus epistola x. Unde etiam Augustinus ipsemet, libro ii de Doctrina Christiana, cap. xiii, *Illud*, ait, *quod jam auferre non possumus de ore cantantium populorum: Super ipsum floriæ sanctificatio mea; nihil profecto sententiæ detrahitis.* Auditor tamen peritior mallet hoc corrigi, ut non floriæ, sed florebit, diceretur. Nec quicquam impediens correctionem, nisi consuetudo cantantium. Sed quid hæc & similia ad vulgatam Latinam, postquam ea a Tridentino Concilio talis est declarata, quæ in publicis lectionibus, disputationibus, prædicationibus, & expositionibus, pro authentica haberi debeat, quamque nemo debeat rejicere quovis prætextu? An in ejusmodi editione fas erit tolerare data opera, quæ recedunt a textu, quem ex immediato Spiritus sancti afflatu profectum agnoscimus utrinque? Si non plus Vulgatæ suæ tribuerent Pontificii, quam quod præ ceteris versionibus in sacris officiis (ut vocant) illam adhibendam censerent, errata ejus Hieronymi auctoritate possent quodammodo excusare: dum vero etiam in publicis disputationibus & Scripturæ expositionibus ut infallibilem normam eam sequendam statuunt, nihil quidquam pro ipsis facit doctissimus ille Pater; quippe qui expresse ista duo a se invicem, laudato loco, distin-

guit, *Sic psallendum*, scribens, ut nos, ex récepto textu Græco, licet ab originali interdum deflectente, interpretati sumus; & tamen sciendum, quid Hebraica veritas habeat. Hoc enim quod LXX Interpretes transulerunt, propter vetustatem in Ecclesia decantandum est; & illud ab eruditis sciendum propter notitiam Scripturarum. Ubi vides, permittere quidem ipsum, ut in communibus Ecclesiæ exercitiis translatio adhibeatur, cui usus diuturnitas prærogativam conciliavit, etiam si cetera non possit in omnibus probari; interim tamen eruditos, & qui accurate Scripturas velint interpretari, ad ipsum fontem remittere. Nihil ergo pro colorandis vulgatæ Latinæ, Pontificiis authenticæ, vitiis & erroribus facit locus Hieronymi a Bellarmino citatus. Quin potius observare debuisset ex illa epistola Cardinalis admonitionem viri sancti, quod nequaquam *STULTA* debeamus contentione defendere, si quid scriptorum, *ERRORE* in textu sacro *mutatum*. Cujusmodi sane mutationes in primis Psalterium antiquæ editionis deturpasse, ipsimet Pontificiæ Ecclesiæ scriptores primarii ultro fatentur. Sic Guilielmus Lindanus, Episcopus Ruræmundensis, præfatione in Psalterium vetus æmendis sexcentis a se repurgatum, Cum, inquit, hoc postremo seculo plerique Clericorum, alienis plane à sua quique professione studiis intricati, ac divinatorum prope modum incurii, divinos Psalmos, mendis plurimis, iisque fædissimis, contaminatos, cum illa Canterum colluvie (qua magis verborum numeros appendere, ne præcipitare dicam & devorare, quam sensum tenere studeat) negligenter maluerint recitare, quàm repurgare, repurgatosque intelligere, ac prudenter sive intelligenter psallere: hinc factum

conf. lib. 3.
de opt. gen.
ini, c. 6.

factum tandem, ut tot nunc scateat Psalmorum liber vitiiis, mendis, lectionibus variis, manifestisque adeo corruptelis, ut vix spes foret studiosis, posse sua pristina redi integritati germanaque lectioni. Qui periculum fecerit Psalmos castigandi, verissimum comperiet quod nos attingimus. Ita, inquam, Lindanus, ille (ut Possevino audit) haresum expugnator: cujus verbis hoc caput claudimus; sicut Conradi Pellicani testimonio idipsum concludere visum est Bellarmino.

Appar. p. 705

CAPUT XIV.

DE

LOCIS VULGATÆ CORRUPTIS IN
NOVO TESTAMENTO.

I.

Vindicaturus loca Bellarminus, quæ in textu Latino N. T. depravationis arguuntur, orditur a dicto Matth. ix, 13. ubi Vulgata habet: *Non veni vocare justos, sed peccatores*; cum in fonte addatur: *eis pariter*. Cardinalis responderi primo, in quibusdam Latinis inveniri illam particulam. Deinde dicit, verisimilius esse, illam particulam in Græco esse superfluum, & in emendatis codicibus Græcis non fuisse. Nam, inquit, B. Hieronymus in commentario eam non legit, & tamen Hieronymus diligenter contulit Græcum cum Latino, & ex Græco Latinum correxit. Addit denique, non esse necessariam isthanc particulam. Nam, ait, *vocare peccatores, non justos, aperte significat, hortari ad penitentiam eos qui egent, non qui non egent*; quod Dominus paulo antè exemplo Medici illustraverat.

De loco
Matth. 9, 13.

Ecce 3

II. Verum-

ii. Verumenimvero quod ad primum attinet, inveniri nempe in quibusdam Latinis codicibus particulam de qua agimus, agnoscit sane id ipsum in suis Correctionibus Romanis, ut vocat, Franciscus etiam Lucas; sed ita, ut nequaquam illas editiones probet. Sic enim scribit: *Quod in nonnullis codicibus sequitur: ad penitentiam; non est huius loci, sed Luc. 5. v. 32.* Nec ipsummet Bellarminum eam lectionem agnovisse pro genuina, in aprico est: partim, quod verba ista non habentur in Bibliis Clementinis, quorum editioni ipse inter alios præfuit; partim quod statim heic subicit, verisimilius esse, illam particulam in Græco esse superfluum, & in emendatis codicibus Græcis non fuisse, quam esse eam Latino textui detractam. Tamen si hanc verisimilitudinem nos videre non possumus. Quod enim dicit Cardinalis, Hieronymum, qui diligenter contulerit Græcum cum Latino, eam non legere: reponimus, legere tamen Chrysostomum, Theophylactum, Euthymium.

fol. 70r.

iii. Atqui, ait Gretserus, *hæc nec nescit nec negat Bellarminus: tantum quaritur, quæ exemplaria sint emendatiora?* Sed unde probabit adversarius, emendatiora heic esse exemplaria Hieronymi quam Chrysostomi? aut emendatiores codices habuisse illum, quos secutus sit, quam hunc? Addit amplius; Beza scribere, quod in duobus vetustis exemplaribus hæc verba defuerint. At vero si defuerunt in duobus, lecta tamen sunt in reliquis septendecim. Cum novendecim enim vetustissimis codicibus Græcum N. T. textum, se comparasse, in præfatione testatur Beza. Imo cum editores operis Anglicani *πλὴν λῶγη* annotarint vari-

variantes lectiones; quas non tantum ex sedecim antiquis exemplaribus Rob. Stephanus, ex totidem Marchio Velsius Petrus Fraxardus Hisp. ex aliis, in Bibliis Græcis Wechelianis, Fr. Junius, summo studio collegerant, sed præterea ex octo aliorum vetustissimorum codicum collatione erant observatæ; non tamen nisi in tribus particulam, *εις μεμνηστας*, defuisse animadverterunt; nempe in duobus Stephani, (hæc vero illi ipsi sunt, quorum in prima suarum Annotationum editione meminit Beza) & uno, quem Academia Cantabrigiensi anno seculi superioris LXXXI idem Beza donavit, satis quidem antiquo illo, sed quem optimi commatis haud fuisse, & inter quem ceterosque codices, quantumvis veteres, magnam omnino discrepantiam a se esse repertam, in epistola ad Cantabrigienses Beza fatetur ipsemet. Adde, nec Fr. Lucas Brugensem in suis variantibus N. T. Græci lectionibus alia nominare potuisse exemplaria, quæ sæpius memoratam particulam non haberent, præter illa duo Stephani, de quibus modo dictum. Jam utrum verisimilius? illam lectionem esse genuinam, quæ fide nititur codicum vetustorum amplius quadraginta; an eam, quæ trium dumtaxat?

IV. Ceterum quod postremo scribit Bellarminus, particulam, de qua agimus, non esse necessariam, quia scilicet ex contextu facile intelligatur; id dupliciter potest accipi: vel, quod non sit necessaria in ipso textu Græco, nihilque referat, num legatur ibi, an veronon; vel quod necessaria non sit in versione, sed possit ibi sine crimine omitti, si vel maxime in originali eam haberi sit in confesso. Priori sensu impium est,

est, dicere, quod non sit necessaria in textu, sed omitti possit pro lubitu, particula, quàm ab ipsomet scriptore *ἡτοιμασεν* profectam esse tot vetustissimorum codicum consensus evincit. Posteriori ratione utut forte non sit absolute necessarium, verba illa exprimi, cum etiam sine iis sententia e contextu videatur esse manifestata, si nempe componatur comma hoc 13. cum proxime præcedenti; id tamen non omnino excusat Interpretem: cujus erat, in translatione dicti illius *verē* aurei ne syllabam quidem prætermittere. Confer supra cap. XII, 29.

*De loco
Ioh. 14, 26.*

v. Porro ad locum Joh. XIV, 26. ubi Vulgata habet: *Spiritus sanctus suggeret vobis omnia, quacumq; dixerō vobis*; cum in Græco sit, *ἐγὼ, dixi*, respondet Bellarminus, S. Augustinum aliosque veteres sic legere ut legit Vulgata, & sensum esse eundem.

vi. Verum quod ad Augustini aliorumq; nonnullorum Latinorum Patrum auctoritatem attinet, si quid illa heic probat, nihil certe probat aliud, quam quod lectionem, quæ reperitur in Vulgata hodierna, jam olim exhibuerit Latina illa antiqua, quam præ ceteris commendat idem Augustinus lib. 11 de Doctr. Christi. cap. xv. Hoc autem quid ad præsens? ubi non agitur de convenientia Vulgatæ cum veteri Latina, sed cum fonte. Quod deinde ad sensum spectat, acceptamus quidem, quod agnoscit Cardinalis, in voce, *dixero*, minus recte poni fundamentum auctoritatis Conciliorum, (quamquam alii Pontificii, ut, v. c. Anglo-Rhemeneses, secus heic sentiant, imo, argumentum Topicum & verisimile inde peti posse, si Gretlero nostro fides, nemo Catholicorum abnuat) interim, quamcumque

cumque expositionem comminiscaris, verissimum manet, quod ingenue scribit Maldonatus, *obscure & ambigue dictum: quacunque dixerō vobis. Poterat, inquit, futurum videri, cum prateritum sit, εἰμν, dixi vobis*

vii. Sequitur locus Rom. 1, 4. ubi Vulgata habet: *Qui predestinatus est Filius Dei; cum in Græco sit: ὁ ἐκ δεξιῶν, quod notat, declarati, vel, manifestati.* Respondet Bellarminus, veterem Interpretem optime reddidisse. *Nam, inquit, etsi verbum illud Græcum ὁ ἐκ δεξιῶν, significet, finire, & apud profanos auctores accipiat* *sæpe pro declarare, tamen in Scriptura aliter accipitur.* *Ut enim docet B. Dionysius libro divin. nom. c. 8. hoc verbum est proprium Theologia, id est, habes in Scriptura peculiarem significationem: nam ubique significat, statuere, discernere, definire, nunquam autem, declarare.*

*De locis
Rom. 1, 4.*

ix. Ubi, (ut nihil dicamus de Dionysio, quem scriptorem supposititium esse, toties invictis argumentis demonstrarunt viri docti, præsertim peculiari tractatu Jo. Dallæus; quique loco a Bellarmino citato non de τὸ ἐκ δεξιῶν, sed μετὰ ἐκ δεξιῶν & μετὰ ἐκ δεξιῶν loquitur) quis videt, nisi hanc Cardinalis responsionem hypothesi ista, quasi non possit vocabulum aliquod in uno Scripturæ loco obtinere significatum, qui deflectat a significatione quam habet in locis aliis. Id vero falsum est, vel ipsomet teste Bellarmini propugnatore. Gretsero; ut qui supra capite ix, disquirens de τὸ ἐκ δεξιῶν, an significare possit ex, de, vel à, cum separandi notione. *Licet, inquit, hæc significatio nusquam occurreret nisi in illo dicto Ecclesiast. cap. 2. (comm. 3.)*

*conf. Tr. de
Canone, cap.
13. m. 4. segg.*

an ideo falsa & rejicienda foret? Multa Hebraica vocabula (eadem vero aliarum linguarum ratio) uno dumtaxat loco exstant, & saepe uno tantum loco aliquam significationem habent, quam si alibi querere insistas, operam perdas.

*Quæ si hoc loco memoria auctori suggerisset, non certe Whitakero, assertionem Bellarminianam, quod *ὁ λόγος* numquam in Scripturis significet declarare, inde falsitatis postulanti, quod Rom. 1, 4. illam significationem habeat, tantopere insultasset, Quis non rideat Witackerum, scribens, quam-
 101. 707. do, adversus Bellarminum disputans, eum ipsum locum pro probatione sua & refutatione Bellarmini adducit, de quo tota est controversia? Quasi vero aliter procederet citato loco Gretserus ipsemet, dum, adversus Junium disputans, nō aliquando in Scripturis sejunctionem notare, eum ipsum locum pro probatione sua Junii-que refutatione adduci posse ait, de qua tota erat controversia, nempe locum Ecclæ 11, 3. Nimirum contextus ratio aliæque circumstantiæ interdum evincunt, esse vocabulum aliquod aliter capiendum uno loco, quam capitur locis aliis. id quod exemplis quibusdam demonstravimus Tract. de Canone Scripturæ capite x, 17. Atque ita in loco nostro præsentis circumstantiis textus manifestum, *ὁ λόγος* accipi, ut alias, fatente ipsomet Bellarmino, apud profanos auctores accipitur saepe, pro *declarare*. Propositum quippe est Apostolo, ostendere, quo testimonio Christus, non obstante *ἐρουφάκωτος* exinanitione, manifestatus & approbatus sit verus ac naturalis Dei filius: ubi nullus locus prædestinationis vel destinationis significatui. Quod agnoscens Chrysostomus, Theodorus, Theophylactus,
 Scho-*

Scholiasies Græcus, τὸ ἐκλεκτός, quod Apostolus habet, explicant per *ἐκλεκτός*, *ἐκλεκτός*, *ἐκλεκτός*, & similia. Nec aliter Syrus & Æthiops vocabulum illud heic accipiunt. Quin Emserus etiam & Diätenbergerus in sua translatione Germanica vertunt; *juvor erweist*; addentes glossam; *Versiehe / in den Schrifften der Propheten und in dem Gesetze.* Nam, ait Emserus, *quod in Latino hic legitur, predestinatus, doctorum sententia intelligitur pro declaratus, ostensus, seu indicatus.* Similiter Jacobus Tirinus, Iesuita, in locum hunc commentans, approbat interpretationem Chrysostomi aliorumque Patrum Græcorum: *declaratus* est. *Hoc enim, inquit, proprie significat ἐκλεκτός, etiam apud profanos: & sic optime coherens sequentia. Nempe declaratus est esse filius Dei tribus argumentis: primo, in seu ex virtute, id est, potentia miraculorum editorum ad id comprobandum; secundo, quia dedit Spiritum sanctum & sanctificantem; tertio ex resurrectione.*

ix. Atqui, dicit Bellarminus, aliter legunt, nempe sic uti versio habet vulgata, omnes Latini, etiam antiquissimi, ut Irenæus, Hilarius, Ambrosius, Sedulius, Augustinus, Tertullianus, nec non Concilium Toletanum xi.

x. Resp. Quantum auctoritas Latinorum Patrum heic probet, jam supra num. vi monuimus. Mirari autem subit, Bellarminum hoc loco Latinis tam confidenter annumerare Irenæum, quem non Latine scripsisse, sed Græce, certissimum est, & vel solæ illæ rationes evincunt, quas in libro suo de Scriptoribus Ecclesiasticis Cardinalis affert ipsemet. Vide etiam

ad aug. 110

Rivetum in Critico sacro, lib. II, cap. VI. Sed & illud notandum, quod auctor Ambrosium hoc uno capite sexies adducit ut genuinum auctorem Commentariorum in Epistolas Paulinas, quos tamen alibi toties indicat non esse Ambrosii; puta libro de Scriptoris Ecclesiasticis, libro I de Christo, cap. VI, §. *Ultimo accedat*, lib. I de Clericis, cap. XV, §. *Sed hic locus*, lib. II de Eucharistia, cap. XIV, §. *Respondeo, neque*, lib. IV de Amiff. gratiæ, cap. V, §. *Duodecimus*, lib. II de Gratia & lib. arb. cap. XIV, §. *Respondeo, commentarios*, lib. IV de Justificatione, cap. XIX, §. 3. *Ambrosius*: imo nec alterius cujusquam esse ex celebratis Patribus, agnoscit libro I de Matrimonio cap. XVII, §. *Si samen*; ut mittam alios scriptores Pontificios, qui itidem pro supposititiis habent illos commentarios, Franciscum, nempe Lucam, Maldonatum, Lovanienses, Possevinum, Salmeronem, Baronium, Pererium, Lorinum, (quorum testimonia annotant Rob. Cocus in Censura, & Andr. Rivetus in Critico sacro, lib. III, cap. XIX) Bellarminique hyperaspisten Gretserum, Nempe hic Bellarmini mos est perpetuus; si quid reperiatur in scriptis hujusmodi supposititiis quod causæ suæ videatur patrocinari, ea laudare tamquam genuinos Patrum illorum partus quorum nomina præferunt; sin vero aliquid inde sibi objiatur Papistica doctrinæ adversum, repudiare ut spuria. De Tertulliano monemus, legere quidem ipsum, libro contra Praxeam, *definitus*, ut Bellarminus citat; sed non patrocinari hoc Vulgatæ. Nam definitione, quæ ὁρίζεται Græcis, solent obscura explicari: & non dissimili ratione modum ὁρίζουσι vocant Grammatici, id est, finiendi seu indicandi,

candi, quod certum aliquid indicet & explicet; ut recte observat Erasmus. Ad Toletanum denique quod attinet Concilium, in eo quidem aliquid habetur de Christo secundum humanam naturam prædestinato; sed nostrum hunc locum ibi vel legi vel exponi, falsissimum est.

Verba sunt: *Per hoc, quod de Deo Patre sine initio prodiit, natus tantum, (nam neque factus neq. prædestinatus accipitur) per hoc tamen, quod de virgine Maria natus est, & natus, & factus, & prædestinatus esse credendus est.* Ubi ridicule Gretserus, Annon, inquit, Concilium diserte asserit, Christum secundum carnem, & ut ex Deipara Virgine natus est, vocari natum, factum, & prædestinatum? Unde hoc accepit Concilium Toletanum, nisi ex capite primo epistola ad Romanos? Quasi nempe quæcumque in Conciliis affirmantur, ἀντιλεξὶς oporteat extare in Scriptura; & non sufficiat, secundum Pontificios, si per ratiocinationem deducantur ex verbo sive scripto sive tradito. Vide Bellarminum libro 11 de Conciliis cap. xii.

xi. Pergimus ad locum Rom. 1, 32. ubi Vulgata habet: *Qui cum iustitiam Dei cognovisset, non intellexerunt, quoniam qui talia agunt, digni sunt morte: & non solum qui ea faciunt, sed etiam qui consentiunt facientibus;* Græcus autem textus ita: ὁπῶς τὸ δικαίωμα τοῦ Θεοῦ ὑπὸ τῆς ἀπειρίας, (ὅτι οἱ θεοὶ αὐτὰ πράσσοντες ἄξιοι κρίσεως εἰσιν) ἔμολον αὐτὴ ποιῆσαι, ἀλλὰ καὶ συνευδοκῆσαι τοῖς πράσσουσιν.

xii. Ut & heic Vulgatæ suæ consular, varia querit effugia Bellarminus. Primum ait, ex Græco nihil certi posse colligi, cum ibi lectio variet. Deinde

de urget, quod ita legant, ut Vulgata, nonnulli Doctores Latini. Tandem dicit, quod in Græco habetur, videri falsum, & lectionem Latinam omnino esse meliorem. Singula excutemus.

xiii. Quantum ergo ad lectionis attinet varietatem, quam in Græco heic deprehendi ait Cardinalis, observandum, quod editores operis Anglicani, cum exhibeant variantes Novi Testamenti Græci lectiones, ex tot vetustis codicibus, ab aliis partim, partim a seip[s]is collectas, (quarum & ante num. iii fiebat mentio) non nisi unum annotaverint, in quo legatur, *οὐκ ἐστίν*, ceteris omnibus has voces repudiantibus, quas neque agnoscunt Syrus, Arabs, Æthiops. Iam quid unus codex præjudicabit auctoritati ac fidei tot aliorum? Sed & Titelmannus testatur (ait Bellarminus) se legisse in vetusto codice Græco msc. *ἡ συνῆκα*. Esto: nondum duo evertent quæ tanto consensu adstruunt reliqui omnes. Deinde se mutuo produnt Titelmanianus hic codex, & ille Claromontanus, quem Anglici citant. Alter enim legit, *ἡ συνῆκα*, alter, *οὐκ ἐστίν*. Unde suspicio nascitur non levis, e Latino textu particulam hanc in Græca ista exemplaria irrepsisse, ab aliis aliter Græce ex Latino redditam. Porro nec Origenem ita legisse, ut nos legendum censemus, urget Cardinalis. Unde vero de hoc ipsi constat? Nam Græcum Origenis textum hodie non habemus: interpres vero Latinus annon substituere heic aliquid potuit? Simile quid certe in aliorum Patrum translatione factum videmus; ut quando v. c. interpretatio Latina Chrysostomi in illustri loco Gen. 111, 15. habet Femininum, *ipsa*, cum in textu originali Græco

Græco sit Masculinum, *ἀνὴρ*. Vide supra cap. XII, 14. Et in Origenis quidem versione hujusmodi quid accidisse, eo est verisimilius, quo certius, Rufinum (quem versionis ejus auctorem esse, invictis argumentis demonstrat Erasmus in Censura, & Dallæus lib. II de Dionysii Areopagitæ & Ignatii supposititiis, cap. XL) tanta licentia Origenis scripta transtulisse, ut addendo, demendo, mutando, plane alia fecerit. Cui accedit, quod ipsos etiam Græcos Adamantii in hanc ad Romanos Epistolam commentarios jam suo tempore interpolatos fuisse, testatur in versionis suæ præfatione (quæ perperam Hieronymo tribui solet) Rufinus. Atque hinc ex ipsis Doctoribus Pontificiis Estius, lectionem Latinam aliunde in Origenis libros heic irrepsisse statuit. Tandem & Oecumenium annotasse Bellarminus scribit, quod aliqui olim sic legerint, ut hodie Vulgata. Verum non dicit Oecumenius, vel quisquis tandem illius Catenæ auctor (vide Possevinum in Apparatu sacro) se vidisse codices qui sic legerint; sed dumtaxat, quosdam hunc locum ita interpretari, (& id quidem perperam) ut sensus sit idem cum eo quem hodierna Latina exprimit. Ecce verba, *Τινες*, inquit, *μὴ νοήσαντες τὸ εἰρημένον, ἀλλὰ μεταφράσαντες, ὡς ὁ ἀπὸ τῶν δόξολογικῶν λέξεων νομίσαντες, ὥτως αὐτοὺς ἡγήνευσαν.* *Quidam, non percipientes id quod dicitur, sed hæsitantēs, & falsata Apostoli verba suspicantes, hoc modo ea sunt interpretati.*

XIV. Porro quod ad Doctores attinet Latinos, Cyprianum, Ambrosium, Sedulium, Haymonem, Anselmum, Hesychium, Symmachum Papam; quos Græcis, nostram lectionem exhibenibus, opponere,

sc

se posse jactat Bellarminus; nemo non videt, quantum ad rem præsentem, diversissimam horum illorumque rationem esse. Græci enim, qui in citandis & tractandis N. T. dictis ipsum fontem sunt secuti, testimonio suo, quod jam olim in Græco textu ita fuerit lectum ut hodierni habent codices, docere nos possunt: at Latinorum lectio nihil aliud evincit, quam, ipsorum jam tempore versionem, qua usi sunt, quamque exposuerunt, Latinam, sic habuisse ut hodierna habet Vulgata: quod nihil ad nostram hanc controversiam facere, jam supra num. vi monuimus. Accedit, quod de Ambrosio falsissimum sit, eum sic legere ut legit Vulgata. Commentarium enim in Epistolas Paulinas nec illius esse, nec alterius cujusdam ex celebratis Patribus, Bellarminus ipsemet aperte agnoscit locis num. x citatis. Sed & Cyprianum Græcam potius lectionem confirmare quam Latinam, inde manifestum, quod in annotationibus suis ad epistolam a Cardinale laudatam (est ea iv libri, secundum editionem Manuii, secundum vero Pamelianam LXIIII) testatur Pamelius, in omnibus sex msc. codicibus, quibus in sua editione paranda fuerit usus, ita se legisse: *Qui cum iustitiam Dei cognovissent, non tantum faciunt mala, sed & consentiunt eis qui hac agunt, quoniam qui talia (inquit) agunt, digni sunt morte.*

xv. Denique falsum videri quod habetur in Græco, & Latinam Vulgatæ lectionem omnino esse meliorem, hunc in modum ostendit Bellarminus: *Secundum Græcam sensus est, peius esse, consentire male agenti, quam malum agere: secundum Latinam sensus est contrarius, peius esse malè agere, quam consentire malè agentibus*

sibus. At certe absolute pejus est, male agere, quam consentire male agenti. Quis enim neges, pejus esse, occidere hominem, quam tantum consentire ut occidatur, id est, permittere, cum possis impedire? non enim hic loquitur Apostolus de imperio, vel incitatione ad malum, sed de simplici consensu.

xvi. Verum, quando Græcum textum, tamquam falsi quid & absurdi præ se ferentem, heic accusat Bellarminus, non solum contradicit suæ sectæ Doctoribus, Cajetano, Catharino, Dom. a Soto, Justiniano, Estio, (ut de Valla, Erasmo, Fabro, quos ipse Cardinalis citat, nihil dicam) qui lectionem Græcam optimum sensum parere agnoscunt; sed & alia ratione non semel impingit. Etenim primo ait, *συνευδοκεῖν* in loco nostro non notare nisi simplicem consensum. Quod omnino falsum. Sane Chrysostomus in voce ea declaranda utitur τῷ συμπράττειν καὶ ἐπαυεῖν, plane ad mentem Syri & Arabis; Græca scholia explicant per εἰς τὸ κακὸν συνεργεῖν, perinde ut versio Æthiopica; Theophylactus exponit per συνεργεῖν, *patrocinari*; qua ipsa etiam voce utitur in sua paraphrasi Benedictus Justinianus, scriptor Pontificius. Et quis diceret, τὸ συνευδοκεῖν, v. c. in illo Luc. xi, 48. *συνευδοκεῖτε τοῖς ἔργοις πατέρων ὑμῶν*, & isto Act. ix, 1, *Σαῦλ ὁ ὧν συνευδοκᾷ τῇ αἰσχροῦ αἰσῇ*, simplicem consensum significare? Videantur & heic Syrus, Arabs, Æthiops, Persa.

xvii. Amplius supponit Bellarminus, in textu nostro Græco comparari inter se, quoad gravitatem peccati, simplicem consensum & ipsum facinus; ut sententia sit, esse crimen atrocius, si quis flagitium perpetranti consentiat, quam si id perpetret ipsemet. Ve-

rum neque hoc ex Apostoli verbis, prout in fonte habentur, evinci potest, quippe quæ nihil aliud præferunt, quam, esse grande capital, & longe transcendere simplicem culpæ commissionem, si non ipse tantum peccata perpetres, sed insuper perpetrantibus aliis delecteris. Jam autem hæc duo multum differunt: esse pejus, si non ipse tantum peccata committas, sed in aliorum quoque flagitia consentias, iisdemque delecteris, quam si simpliciter pecces ipsemet; & esse pejus, si ipsemet male non agens, nude consentias male agenti, quam si malum quidem perpetres ipse, perpetrantibus vero aliis non consentias.

104 411.

XIIX. At, inquit Gretserus, *annon communi loquentium consuetudine, si quis ita loquatur, ut heic loquitur Paulus, posterius membrum pro graviore habes quàm prius? Si dicam: non solum forantur, sed & machantur: non solum furantur, sed latrocinantur; annon significo, gravius scelus esse adulterium & latrocinium, quàm forstationem & furtum.*

XIX. Ego vero, Gretsere, non existimem, hujusmodi *ῥήματα* ex se & necessario eam esse vim, ut, qui iis utitur, posterius membrum habeat pro graviori. Ecce enim, accusatur v. g. Titius parricidii: producitur testis: quærit Judex, an Titius parricidii reus? testis, exaggeraturus facinorosam hujus vitam, Titius, inquit, non solum parricida est, sed & fur. Num, quæ ita loquitur, furtum, quod in sermone suo loco ponit posteriori, censendus est pro graviori habere crimine, quam sit parricidium? Nemo id dixerit. Similia exempla passim obvia. Unde intelligitur, per accidens fieri, quod interdum in ejusmodi loquendi modis posterius

sterius priori plus momenti habeat, & aliunde de eo quam ex nudo illo ordine esse judicandum. Certe nec in iis exemplis, ubi plures virtutes dicta ratione junguntur, quæ posteriori loco a proferente ponitur, semper ex mente ipsius dignior est & excellentior. Ita laudet quis, v. c. Iohannem a singulari eruditione Theologica: accedat alius, & exaggeraturus ejus doctrinam, dicat: imo vero non solum eximius Theologus est Iohannes, sed & egregius Medicus. an, qui hæc ait, credendus est Medicinam, quam posteriori loco in sermone suo ponit, præferre Theologiæ?

xx. Utut autem hæc ita se habeant, utut, inquam, ex verbis Pauli, de quibus agimus, non eliciatur necessario, flagitiosis *πνευδοκῆν*, crimen esse gravius, quam si ipse flagitium committas; quod tamen ad rem ipsam attinet, omnino probamus illud Chrysostomi: *τὸ πλῆμμελὺν ὁ τὴν ἀμαρτίαν ἵπαιων χαλεπώτερον ἐν λόγῳ*. *Eo qui peccat longe deterior est qui laudas.* Sane peccare ex se impium est, pœnaque sempiterna dignum: at vero peccatis delectari, animo suo judicioque iis applaudere, illis patrocinari, ad ea concitare & impellere (quæ est vis *ἑὸ πνευδοκῆν*, ut num. xvi ostensum) summus pene est in peccato gradus: quandoquidem qui id faciunt, efficiuntur tanquam docentes, quod hæc *ἡνὶ δικαία*; ut scribit Cajetanus.

xxi. Porro, quando ait Chemnitiſ, Rom. iv. 2. ubi Paulus dicit, Abrahamum non ex operibus iustificatum; in Vulgata Latina vocem *legis* esse additam; ut de ceremonialibus philosophari possent; respondet Belarminus, meram calumniam esse. Nam, inquit, *codices Latini vel omnes, vel fere omnes, non habent illud;*

*De loco
Rom. 4. 2.*

legis. Neque nos intelligimus locum illum de operibus legis veteris, sed de operibus factis viribus propriis. Adde, quod Ambrosius & in textu habet, legis, & in comm. exponit de lege veteri. Non igitur Papista locum istum, ut Kemnitius mentitur, corruerunt.

xiii. Sed non erat, quamobrem calumnia heic Chemnitium postularet Cardinalis. Quod enim codices Latini vel omnes, vel fere omnes, habuerint illud, legis, adeo certum est, ut ne ipse quidem Gretserus id inficiari sit ausus. Exhibuerunt sane isthanc vocem manuscripta, quibus usi Lovanienfes; habent eandem editio Veneta ann. cl. cccclxxix, & cl. l. xix, ac Lugdunensis ejusdem seculi anni 'xx, (de qua sub codicis finem legitur:

*Fontibus e Græcis, Hebreorum quoq; libellis
emendata satis & decorata simul*

*Biblia sum præfens: superos ego testor & astra,
est impressa nec in orbe mihi similis)*

ann. item LV & LVI: legerunt ita in suis exemplaribus Aquinas, Liranus, Carthusianus, alii: sed & Lovanensium editio Gallica sic omnino reddidit: *par les annes de la ley*; reddiderunt ita Emserus & Dietsenbergerus: *aus den wercken des Geses*; ac diu ante translatio Germanica anno cl. cccc lxxxvii Augustæ edita: *aus den wercken der Ge. uti antiquissima Saxonica: ush den wercken der olden Ge.* sic enim *lex* tum dicebatur Germanis. Neque opus habuisset in suo Romanarum correctionum libello Fr. Lucas Brugenfis illa admonitione: *Nomini, operibus, non addas, legis*; ni vulgo ita lectum fuisset antea. Quæ cum ita sint, annon vere scripsit Chemnitius, *ne legis in Vulgata textui sacro esse additum?*

xiiii. Equi-

xxiii. Equidem Gretserus heic excipit, quod ^{col. 742}

non ita hanc voculam additam dixerit Chemnitius, quasi in nonnullis dumtaxat exemplaribus addita fuerit, aut olim etiam; sed quasi omnia omnino exemplaria occupasset; nec olim, sed nuper, vel Patrum nostrorum memoria. At nusquā hæc dicit Chemnitius. Ejus verba sunt: *Roma. quarto, ubi Paulus dicit: Abrahamum non ex operibus justificatum; additum est, operibus legis: ut scilicet de ceremonialibus philosophari possent.* Quibz de textu loquitur Vulgatæ, prout tunc, quando hæc scribebat, anno videlicet superioris seculi Lxv, communiter haud dubie is fuit lectus: cum & paucis ante annis Venetis & Lugduni codices prodiisse qui sic haberent, jam jam dixerimus. Quod autem postea voculam *legis* in suis editionibus omissuri erant Lovanienses (qui tamen in margine eandem exhibent) & Clementinorum Bibliorum editores, id sane Chemnitius prævidere non poterat. Porro an nuper, & Patrum nostrorum memoria, num vero jam olim vox illa controversa, textui Paulino fuerit addita, ne verboso quidem tangit Chemnitius. At videtur prius illud ideo ipsi tribuere Gretserus, quod ait, additam esse, *ut de ceremonialibus philosophari possent.* Quasi vero hanc de lege ceremoniali opinionem non fovisset jam olim Petrus Lombardus! Sed ad Bellarminum revertamur.

xxiv. Negat ille, Pontificios intelligere locum hunc Paulinum de operibus legis veteris sive ceremonialis; *Neque nos, scribens, intelligimus locum illum de operibus legis veteris; sed de operibus factis viribus propriis.* Verum ut hæc sit sententia Bellarmini, Toleti, Salmeronis, Justiniani, Pererii, Estii, Dominici a So-

to, Corn. a Lapide; num propterea Pontificiorum omnino omnium? Aliud sane testatur Bellarminus ipsemet libro 1 de Justif. cap. xix, *Nonnulli ex Catholicis, inquiens, docent, per opera, qua a Justificatione Apostolus excludit, intelligi observantiam legalium ceremoniarum.* Itā Lombardum haud dubie pro suo habebunt Pontificii. Hic vero in Epistolæ ad Romanos cupit III diserte affirmat, Apostolum per opera legis intelligere ceremonialia. Idem statuunt Ioh. e Daventria, in Exegesi errorum Lutheranae Confessionis, ad artic. iv, Alphonsus Virvesius Philippica v & vi, Alphonsus de Castro adversus hæreses, tit. Fides, hæ. 11, nec non Hieronymus Emserus, glossa ad Rom. iii, 28. Germanici sui N. T. cujus verba: *on die werck des Gesetz / das ist / on die eusserlichen Beschneidung und / ander Jüdische Ceremonien / darauff die Juden allzhr datum gesetzt hetten.* Conf. Dieckenbergeri præfat. in Iohannis a se in Germanicum translata Epistolas.

xxv. Tandem quod scribit Bellarminus, Ambrosium & in textu habere voculam, *legis*, & in commentario exponere de lege veteri; scribit reclamante conscientia: cum, uti jam supra num. x notavimus, ipsemet alibi aperte fateatur, istos in Paulinas Epistolas commentarios nec Ambrosii esse, nec alterius cujusquam ex celebratis Patribus. Quisquis autem fuerit tandem ille auctor, & ipsum, & quotquot præterea vocem *legis* heic agnoscunt, mendosis codicibus usos affirmat Commentator inter Pontificios celebratissimus Guilielmus Estius.

De loco
Rom. 11, 6.

xxvi. Progredimur ad locum Rom. xi, 6. ubi in
Vul-

Vulgata hæc verba, quæ in Græco sunt, desiderantur: *Sin ex operibus, iam non est gratia; alioquin opus iam non est opus.* Largitur heic Bellarminus, esse in Græcis codicibus illam sententiam, & à Theophylacto explicari; sed addit, à nullis aliis agnosci. Nam, inquit, nec Origenes, nec Chrysostomus, nec Ambrosius, nec ulli alii explanatores hujus loci, ejus meminerunt; sed nec Augustinus, qui frequentissime hunc locum tractat, & præcipue li. 2. de bono persever. c. 18.

XXVII. Ubi fallitur Cardinalis, dum scribit, non agnoscit ea verba nisi a solo Theophylacto. Agnoscit sane præter hunc Interpretem Syrus, agnoscit Arabs, agnoscit auctor Græcorum scholiorum, qui vulgo Oecumenius creditur, agnoscit Theodoritus; quid? agnoscit, quem in contrarium adversarius adducere non dubitat, ipse Chrysostomus, ut *diosph* docet. Nec est ut excipiat Gretserus, recitari quidem illa ut Paulina apud Chrysostomum & Theodoritum, sed non explicari. Annon enim dicit ipsemet, verba hæc, *quantum ad sensum, in priori sententia significata esse*, adeo quidem ut *superflua videantur*? quid ergo opus erat peculiari explanatione? De Origene & Ambrosio repetantur, quæ supra num. XIII & X notavimus. Certe nimis impudens est Gretserus, dum, ad Theophylacti & Oecumenii testimonium responsurus, *quantuli*, ait, *col. 715. 83* *isti ad Origenem, Augustinum, Ambrosium*? Quasi nempe intemeratos haberemus Origenis libros: & quasi non ipse Gretserus eadem hac pagina significet, nescire se, *col. 716* *cujus sint qui Ambrosii nomine circumferuntur in Epistolas Paulinas commentarii! Augustini similiumque Latinorum auctoritas quantum heic probet, jam supra num. XIV & alias dictum.*

xxix. Obiter heic nota, quam iniqui cavillatores sint Emserus & Diätenbergerus, dum Lutherum nostrum insimulare non erubescunt, quod ex suo cerebro textui Apostolico assuerit: *Yst aber aus verdienst / so ist die genade nichts / sunst were Verdienst nit verdienst*: quæ sane, ut diximus, apud Syrum, Arabem, Chrysostomum, Theodoricum, Theophylactum, Scholiasten veterem, æque habentur ac apud Lutherum. Sed nimirum his opus erat præfidiis, si constare sibi deberet numerus septem illorum & sexcentorum locorum, quibus N. T. textui vel addidisse quædam in sua translatione, vel detraxisse, vel impiis eum annotationibus depravasse Lutherum, idem Emserus Christiano orbi persuadere conatus est.

*De loco
ephef. 5. 32.*

xxix. Subsequitur locus Ephes. v, 32. ubi, cum in Græco sit vox *μυστήριον*, vulgata Latina habet, *sacramentum*. Quam translationem ait Bellarminus, carpi a Chemnitio ut profectam a Pontificiis, quo probare inde possent, Matrimonium esse sacramentum.

xxx. Verum nihil aliud dicit Chemnitius, quam quod Vulgata in multis locis, inter quæ etiam hic de quo nunc agimus, transformata sit ad dogmata Pontificia, id est, (ut e contextu patet) quod a conditore illius versionis textus sacer multis in locis ita sit traductus, ut speciosius sua quædam inde dogmata stabilire possint Pontificii quam ex fonte. Confer supra cap. x, 47. Atque id verum esse speciatim de nostro hoc loco, negare non possunt ipsi Papistæ, ut qui, dicente Gabriele Vazquez, in partem iii Thomæ, disp. cxxiix, cap. 1, inde contendunt deducere nomen *Sacramenti*, ut significet non solum signum rei occulta in universum, sed
eti.

etiam speciatim res illas septem, quas Sacramenta Ecclesie vocant.

xxxI. Cui sententiae obviam iturus Cajetanus; distinguit sane inter sacramentum & μυστήριον, Non habet, inquit, ex hoc loco prudens lector à Paulo, conjugium esse Sacramentum. Non enim dicit, Sacramentum, sed, mysterium hoc magnum est. Quo ipso patrocínatur versioni Lutheri: das Geheimniß ist groß / adversus Emseri censuram, qui reddendum contendit, redditque ipsemet (ut & Dietenbergerus ac Moguntini) das ist ein groß Sacrament. Vide translationem ejus N. T. Germanicam, & Annotationes ad versionem Lutheri annot. cxvi, a.

xxxII. Ulterius Ephes, vi, 13. Græcus textus habet: ἵνα ὁ ὅλην τὴν ἀνάστα καὶ ἡγεμονίαν ἔχων. ut possitis *De Ioseph. 6, 13.*
omnibus confectis stare; at Vulgatus: ut possitis in omnibus perfecti stare. Respondet Bellarminus, sensum esse eundem: sed oportere non perfecti conjungi, non cum verbo, stare, sed cum voce, omnibus; ut, in omnibus perfecti, idem sit quod, ab omni parte muniti & armati.

xxxIII. Ubi mirari subit, non succurrisse Cardinali, quod sint diversæ hujus loci lectiones in editione Latina; cum, ut Lucas Brugenſis observat, nonnulli libri habeant: omnibus perfectis; quod etiam Beza testatur. Certe si supra capite xii in loco Sir. v, 5. non dubitabat e variantibus lectionibus: de propitiato peccato, & de propitiatione peccati, priori, quam communiter exhibent codices, præferre posteriorem, quod hæc Græco esset conformior; cur non eandem ob causam heic probat lectionem: omnibus perfectis, quæ Græco respondet ex asse? Interim Chemnitius recte carpit

istam lectionem: *in omnibus perfecti*, ut quæ codices plerosque, ipsam quinimo editionem Clementinam, occupavit, quamque mutandam esse negat, etsi timide, Fr. Lucas, *NON FACILE scribas*, aïens, *sublata præpositione*, in, *Ablativos absolute positos*, omnibus perfectis, ut nonnulli libri. Licet vero Bellarminus sensum aliquem receptæ illius lectionis comminiscatur, quo admissio, videri ea possit fonti non adeo refragari; cum & Syrus verbum *καταργησάντων* de ipsius armaturæ apparatu acceperit; Staphylus tamen, qui, ut hujus loci mentionem injiceret, ansam Chemnitio dedit, longe aliter verba ista Latina intellexit, dum nempe perfectionem bonorum operum inde probare satagit; quemadmodum & Emserus; qui non tantum ipse transfert: *auffdas vñr lunde in allen dingen besten als die vollkommene*; (quomodo item Dietenbergerus ac Moguntini) sed & Lutheranz versionis gravem dicam scribit, quod habeat: *in allen dingen gerüst sein*/annot. cxv, b. Non penetravit etiam, quæ Bellarminus hec vidit, auctor versionis antiquæ Germanicæ, cujus supra num. xxii fiebat mentio, ut qui transfert: *daß vñr müge vollkommen sein in allen dingen*; quemadmodum prius Saxo: *up dat gy mögen vultamen staen in allen dingen*.

De locis
Heb. 9, 28.

xxxiv. Porro ait Bellarminus, Chemnitium conqueri, Heb. ix, 28. male haberi in Vulgata: *ad multorum exhausti peccata*; cum *ἀναργύς* (ubi vero in fonte *ἀναργύς*, vocabulum Græcis inauditum?) non sit *exhaustire*, sed *auferre*. Respondet autem, sensum esse eundem; & præterea, inquit, videtur interpretes propriissime vertisse. Nam *ἀναργύς* est propriè
sur-

rursum ferre, efferre, educere. Sicut ergo, cum aqua vel sordes educuntur ex aliqua sentina, dicuntur sordes exhausti, ita etiam peccata, qua Christus extulit & educis ex profundo pectoris nostri, recte dicuntur ab illo esse exhausta.

xxxv. Ubi sciendum, ut memoratum locum heic adduceret Chemnitius, occasionem ipsi dedisse Andradium suum; qui; probaturus, in baptisatis nec vestigia nec reliquias ulla manere peccati, eundem citaverat; *Quod exhaustum est*, inquit, *ibi nihil reliqui est*. Ex quo ac similibus exemplis Chemnitius collegit, non esse causam omnino nullam, quare tam acriter & pertinaciter pro Vulgata sua dimicent Pontificii, cum hinc inde in ea occurrant, quae speciose pro erroneis suis dogmatibus urgere illi possint. Quod sane ipse Gretserus confirmat, dum gloriatur, *versionem loci, de quo agimus, Latinam nimis manifeste sententiam Papisticam de perfecta & omnimoda peccati abolitione oculis subijcere.*

col. 725

xxxvi. Ceterum quod Bellarminus ait, interpretem Latinum propriissime heic vertisse; id certe ratio, quam affert, nullatenus evincit. Qualis enim, obsecro, consequentia: interdum, quæ ἀναφύεσθαι, exhauriuntur, ergo ἀνεργεῖν propriissime vertitur per exhaurire? annon ejusdem census cum ista: interdum qui disputat, οὐ φέρεται, ergo οὐ φέρεται propriissime vertitur per disputare? Nec juvat Gretseri effugium: non omne quidem sustollere esse exhaurire, sed illud quod fiat per respectum & habitudinem ad fontem, sentinam, cloacam, aut aliud quid simile. Nam supponitur ita, ex interpretatione Bellarmini, hoc loco Christum dici peccata

col. 726

sursum tulisse, quatenus illa eduxit ex profundo petra-
ris nostri, quæ hypothēsis falsa. Est enim, ut recte ob-
servat Beza, manifesta & perelegans paranomasia inter
περοςΦερεν & ἀναΦερεν hoc in loco, & per allusionem ad
holocausti ritum dicitur Christus sese obtulisse, & peccata
sibi imposita in crucis altare sustulisse, sui videlicet obla-
tione expianda. Confer 1 Petr. 11, 24. Unde factum, ut
Syrus reddiderit: in seipso ܡܬܬܠܝܬܝܡ immolavit; quemad-
modum nec Arabs Græcum ἀναΦερεν aliter heic acce-
pit, nec vetus Scholiastes, qui habet: ἀνήνεγκε τὰς ἀ-
μαρτίας τῶν ἀνθρώπων τὸ πᾶσι, ἵνα αὐτὸς συγχωρήσῃ καὶ
ἰσχυρίσῃ αὐτάς. Sed & 1 Petri 11, 5. vocabulum istud
notat offerre, facta allusione ad sacrificandi ritum, quo
victima in aram attollebatur. Porro, etiam si verum
esset, quod vox ἀναΦερεν respectum hoc loco involve-
ret ad fontem, sentinam, aut simile quid, plus tamen
id non probaret, quam posse eam verti per haurire.
In præsens autem de τῷ exhaurire quaeritur, quod cum
haurire idem nequaquam est; siquidem non statim,
qui, v. g. ex fonte haurit, eundem exhaurit.

col. 721. 59

xxxvii. Reponit Gretserus, significationes voca-
bularum ex circumstantiis subjectis vel ampliandas vel
restringendas esse: itaque, ait, licet sursum ferre, seu su-
stollere, non sit simpliciter idem, quod, omnia sursum ferre
& extollere, sicut haurire non est absolute idem quod ex-
haurire; hoc tamen loco, de cuius versione disceptamus,
necessario per ἀνασχεῖν, sustollere, intelligere debemus,
omnia perfecte & funditus esse sursum lata, hoc est, ex-
hausta; quia Christus peccata non ἀνήνεκεν imperfecte,
sed perfectissime; & consequenter, ἀνασχεῖν seu sursum
ferre, idem erit quod exhaurire: neque enim ita sursum
tulit

tulit aut sustulit peccata, ut aliqua peccata vel aliquid peccati in illa sentina relinqueret, sed totam evacuaris, & per consequens, exhaust.

XXXIIX. Adeum modum Gretserus, committens sane heic grandem crassamque peritionem ejus quod in principio. Hoc ipsum enim in quæstione est, an ita tollatur in hac vita peccatum, ut nihil ejus remaneat? quod proinde non potest, tamquam certum ac indubitatum, supponi. Quin manifestus est circulus, si ex eo, quod simpliciter omne peccatum in renatis per Christum tollitur, colligas, recte heic poni vocabulum *exhaustire*, ut facit Gretserus; & vicissim inde, quod heic ponitur vocabulum *exhaustire*, colligas, simpliciter omne peccatum in renatis per Christum tolli: ut facit Andradius. Sed nimirum hæc non curat Gretserus, in cujus Philosophia ejusmodi Circuli minime vitiosi sunt, uti constat ex ejus tractatu de quæstione: Unde scis, Scripturam esse canonicam? cap. iv. Verum quid de isthoc paradoxo habendum, ex professo ostendimus alibi.

Vide u. 35.

col. 1335.

XXXIX. Pergimus ad locum Hebr. xiii, 16. ubi Vulgata habet: *Talibus hostiis promeretur Deus*; at in Græco est: *Τοιαύταις θυσιαῖς ἐπαγεσεται ὁ Θεός*. Agnoscitque heic Bellarminus, verba Græca significare proprie: *delectatur Deus*, sive, *placetur Deo*; addit autem, Latine recte dici bene mereri de aliquo eum, qui facit rem illi gratam. Sic ergo dixit noster Interpres, ait, *his hostiis promeretur Deus, id est, his hostiis res grata fit Deo, & bene meretur de Deo qui illas offert.*

*De loco
Hebr. 13, 16.*

XL. Resp. Primo nota, etiam hunc locum eo nomine a Chemnitio adduci, ut ostendat, Pontificios

pro sua Vulgata tam acriter & pertinacitèr dimicare; quod multa in illa sic observent reddita, ut dogmata nonnulla, quorum ex ipso fonte probationem desperant, inde videantur haud inepte posse stabiliri. Et solere sane præsens testimonium, ob vocem *promereri*, quæ in Latino extat, pro meritis operum urgeri ab adversariis, palam est. Etiam si enim de eo Greeserus, *est. 722* *Non hic fundus est, inquit, & fundamentum meriti; alia longe meliora & efficaciora loca suppetunt; secus tamen visum Salmeroni in hæc verba commentanti, sive quicumque alias adjecit quæ in margine habentur. Tanti quippe is fecit locum isthunc, ut vel ex eo solo de Protestantibus, merita & satisfactiones Papisticas negantibus, indubitatum sibi triumphum promiserit; Impie Lutherane, inquit, contra Satisfactiones quid etiam oblatras? nunc tandem tace & obmutesc!* In ipso commentarii textu dicitur: *Vide, hæretice, merita & satisfactiones ad abluenda peccata!* Sic Bellarminus ipsemet, libro v de Justificatione, cap. ii, ex hoc loco probat, in Scripturis opera iustorum vocari *merita*. Confer item Lindanum, lib. iii Panopliæ, cap. xx.

XLI. Videamus autem nunc amplius, quo pacto Vulgatam cum fonte heic conciliare nitatur Cardinalis noster. Scribit, verba Græca significare proprie, Deum delectari hostiis beneficentiæ, sive, placere eas Deo. Et hoc quidem ita se habere fatemur. Subjungit vero, *Latine recte dici bene mereri de aliquo cum, qui facit rem illi gratam, nemo est qui nesciat. Quomodo etiam libro v de Justificatione cap. ii ait: Certe propriissime dicimus Latine, unum apud alterum mereri, & eum sibi obstringere, qui facit aliquid quod ei placeat, cumque*

enimque delectet. Atque hinc concludit, recte vertisse vulgatum Latinum: *Talibus hostiis promeretur Deus;* cum sensus non sit alius, quam quod bene mereatur de Deo quisquis hostias illas offerat. Plane ad mentem Emseri, qui transtulit: *Wie solch ein opffern verdienet man sich wolum Gode.* Quæ sane nullo modo admitti possunt. Etenim bene mereri de aliquo Latinis significat, facere aliquid, quo alter juvetur, & propter quod vicissim aliquid officii aut beneficii præstari debeat, vel saltem gratiæ haberi. Jam vero non statim qui facit quod alteri placet, eumque delectat, dicto modo illum sibi obstringit, cum fieri possit, ut ad id faciendum sit obligatus. Exemplo esse possunt filii. Honorant illi parentes; idque parentibus placet gratumque est: non autem bene de parentibus eo merentur, nec ipsos sibi obstringunt. Quamvis enim parentes alant liberos & curent, non tamen id faciunt, quod a filiis honorantur, sed quod lex naturæ, atque adeo ipse Deus, ita jubet. Cum proinde homines, si quid faciunt quod Deo placeat, nihil tamen faciant ad quod faciendum non sint obligati, Luc. xvii, 10. non posse eos dici bene de Deo mereri, manifestum est. Atque hinc apparet, quam absurdus sit Gretserus, scribere non dubitans: *Si rem gratam facere alicui, est bene de illo & apud illum mereri, usque, de quo, & apud quem bene meremur, nobis obligari & devinciri dicitur, sequitur, etiam illum, qui rem gratam Deo facit, apud Deum mereri, talique Deum devinciri & obligari. idem vult.*

XLII. Amplius monet Chemnitius, Pontificios De loco Jam ex voce, *alleviabit*, quæ Jacobi v, 15. in vulgata Latina habetur, probare efficaciam extremæ suæ unctionis;

cum

cum tamen in Græco sit *ἰγᾱῖ*. *Unctionis extrema efficacia*, inquit, probatur inde, quod Jacob. s. vetus editio habet verbum (*alleviare*) quod de spectris incurſioneque Satana interpretatur, cum Jacobus habeat verbum *ἰγᾱῖ*.

XLIII. Respondet Bellarminus, nescire Kemnitium quid loquatur: nam verbum Græcum melius ostendere effectus extremæ unctionis, quos Catholici in eo Sacramento agnoscant, quàm verbum Latinum. Ad quæ ita Fr. Junius: *Chemnitius reprehendis, sum, quia alleviare vulgo legitur pro allevandi verbo, quo fuerat vetus interpret usus, sum quia ejusdem verbi argumento narrationem a Monachis consistam narrat de terribulamentis diaboli & mortis in extremo vite actu. Ad horum neutrum Bellarminus respondet, qui Chemnitium criminatur: sed agit de verbi Græci significatione, de qua nullum verbum Chemnitius fecerat, ut diligentissime pugnare videatur. De Monachorum fabulis ne 200 quidem: has enim Bellarminus non audierat audiens. Sirophe.* Quod ubi legisset Bellarmini propugnator Grefserus, *Mentitur Junius, scribit, cum ait, Kemnitium reprehendere verbum alleviandi loco verbi allevandi positum. Nihil enim de hoc Kemnitius, sed tantum hoc carpit, quod Græcum ἰγᾱῖ per Latinum alleviandi Interpret reddiderit. Nec de Monachis ulla est hic apud Kemnitium mentio: quos tamen Junius dicit à Kemnitio reprehensos, quasi ex verbo alleviandi collegerint, effectum extrema unctionis hunc esse, ut spectra fuges, & incurſionem Dæmonis repellat. Sed non est bene istis singulis, nisi fingant.*

XLIV. Uterque autem, si dicendum quod res est, an-

col. 724.
Grefseri &
Junii pugna
ridicula.

andatarum more pugnans. Etenim Junius existimavit, Bellarminum refellere heic voluisse, quæ habet Chemnitius in examine decreti Tridentini de extrema Unctione, ubi ita scribit: *Conati sunt Pontificii, quod Iacobus affirmet, Christum instituisse extremæ Unctionis sacramentum, ostendere inde, quod verbum alleviare, quo vetus Interpres usus fuerat, à Monachis mutatum fuit in alleviare: quod postea exposuerunt de serri culamentis diaboli & mortis in extremo actu vita.* ad hunc, inquam, Chemnitii locum Junius respexisse putavit in sua refutatione Bellarminum; qui tamen non hæc, sed ea quæ leguntur in examine decreti de versione Scripturæ, indeque supra a nobis recitata sunt, impugnat. Contra Gretserus arbitratus est, Junium vindicare voluisse locum Chemnitii, qui est, ut dixi, in capite de versione Scripturæ, nec animadvertit, respexisse eum ad locum illum alterum, ubi de ipsa Unctione extrema ex instituto agitur. Atque hinc factum, ut falsus sit uterque: Junius, dum Bellarminum data opera dissimulasse credidit quæ de voce *alleviare* hujusque a *Monachis* allata expositione Chemnitius monet; Gretserus, dum tribui eidem Chemnitio a Junio arbitratus est quæ ille non scripserit.

XLV. Ad rem ipsam quod attinet, reprehendit Chemnitius, quod Pontificii ex voce *alleviare*, quæ in Vulgata legitur, probare audent, efficaciam Unctionis extremæ adversus spectra & incursionem Satanz; cum tamen in *isagogen*, quod in fonte extat, nihil hujusmodi insinuet. Ubi frustra est Bellarminus, quando contrêdit, verbum hoc Græcum melius ostendere proprium extremæ unctionis effectum, (quem esse ait, ut homi-

nem in articulo mortis molestia & doloribus oppressum ac torpentem erigat & exhilaret) quam Latinum. Nam primo fallum, quod *ὁρμαίνω* heic significet, animum doloribus oppressum exhilarare: notat enim, corpus ex morbo decumbens, sanitate restituta, erigere, respondetque priori membro: ἡ ἄλχη οὐκ ἔστι καμνόντα. Deinde, si maxime id significaret, quod vult Cardinalis, num ideo nescire dicendus quid loquatur Chemnitius, dum Papistas efficaciam extremæ unctionis adversus spectra Satanæque incursionem ex Latino *alleviare* probare ait, cum Jacobus habeat verbum *ἰχρῆν*, nihil ejusmodi innuens? Esto: non agnoscat hunc effectum Bellarminus, nec admittat istiusmodi ex vocabulo *alleviare* probationem, num idcirco somnia statim erunt quæ de aliis Pontificiis Chemnitius annotat? Certe Aureolus, ut ipse etiam Chemnitius observat, sex recenset unctionis extremæ fructus, quorum quartus est, *robur contra demonis insidias*, quintus, *arctatio diabolice potestatis, quæ non ita potens sumpto isto sacramento*. Verum de his alibi fusius.

¶ *oloco*
1 Joh. 5, 12.

XLVI. Tandem ubi 1 Joh. v. 13. Vulgata legit: *Hac scripsi vobis, ut sciatis, quoniam vitam habetis æternam; qui creditis in nomine filii Dei;* in Græco autem est: *ταῦτα ἔγραψα ὑμῖν ὅτι πιστεύοντες εἰς τὸ ὄνομα τοῦ υἱοῦ τοῦ Θεοῦ, ἵνα εἰδῆτε, ὅτι ζῶντες ἔχετε αἰώνιον, καὶ ἵνα πιστεύητε εἰς τὸ ὄνομα τοῦ υἱοῦ τοῦ Θεοῦ.* Bellarmino iudice Græcæ textus redundat. Nam, ait, cū dictum sit: *Hac scribo vobis, qui creditis in nomine filii Dei;* quorsum adjicitur: *ut credatis in nomine filii Dei?* quidenim opus erat monere, ut facerent quod jam fecerant? Addit, etiam Bedam legere ut Vulgata habet.

XLVII. Verumenivvero utut in sensu seu sententia magnam heic discrepantiam non esse largiamur, Græcæ tamen lectioni merito inhæremus, quippe quam consensus veterum optimorumque codicum confirmat. Unde etiam Beza, licet in Latino planiorem sententiam agnoscat, nostram nihilominus lectionem in sua editione exhibet, cum non nisi unum reperire potuerit exemplar mscr. quod pro altera illa faceret. Neque ratio, quam contra Græcum textum affert Belarminus, ullius momenti est. Quid enim usitatius vel in vulgari sermone, quam monere alios, ut faciant quod jam faciunt? Sic dicit Poëta:

Quod facis, ut facias, teque imitere, rōgō.

Solentque in hæc verba desinere frequenter epistolæ: *Vale, & me, quod facis, ama*, id est, constanter me amare perge. Refer etiam omnino huc illud Apostoli, 1 Thess. v, 11. *Adhortamini alii alios, & edificate singulos, sicut & facitis.* Ita ergo credentes quoque hortatur Apostolus, ut credant, hoc est, credere pergant, ac fide crescant. Confer insuper loca Exod. xxxiii, 13. Apocal xxii, 11. ubi redundare aliquid, non dicent, opinor, Pontificii. Bedæ, auctori Latino, ad quem Cardinalis provocat, opponere nos possumus Scholiasten veterem, qui synopsis ex Græcis scriptoribus condidit, adeoque longe majoris heic auctoritatis est.

CAPUT XV.

DE

VERSIONIBUS LATINIS ALIIS.

I.

Hucusque, pressis Bellarmini vestigiis, eumque & Hipsius hyperaspistas & *ἡ δὲ* seqvuti, de Hebraico, Chaldaico, Syriaco, Græco, Latinoque vulgata versionis Scripturarum Sacrarum textu egimus. Placet nunc, tum de translationibus Latinis recentiorum, tum de versionibus Orientalibus, quas Bellarminus, utpote sibi ignotas, & quod aliqua earum ipsius ætate in abdito adhuc laterent, non attigit, tum denique de traductionibus Bibliorum vulgaribus, in studiose juventutis commodum nonnulla subjungere.

*Pagnini Ver-
sio Biblica,
deque ea ju-
dicium
Serarii.*

Sexti Sen-

II. Ad Latinas ergo quod attinet editiones, primo heic sistit se versio Xantis, sive Santis, aut Sanctis Pagnini. De qua Jesuita Serarius, Prolegom. Bibl. cap. xlix, quæst. iii: *Præ aliis pene omnibus Latinis versionibus commendari solet ea quæ Pagnini est; & quæ Leonis Jude, per Hispanos Theologos recognita.* Sixtusque Senensis, Bibliothecæ sanctæ libro iv: *Sanctes Pagninus, Lucensis, Prædicatorii ordinis concionator Apostolicus, vir in divinis Scripturis apprime eruditus, & trium linguarum, sed Hebrææ potissimum, peritissimus, cum animadvertisset, celebrem illam Hieronymi versionem, temporum injuria & hominum incuria, vel magna ex parte intercidisse, vel magna ex parte fuisse corruptam, tentavit & ipse novam aggredi totius Scripturæ translationem, Leone X. Pontifice Maximo hortante, & sumptus operi necessarios præbente. Collatis igitur inter*

Se

se multis, iisdemque probatissimis Hebraorum exemplaribus, quanta maxime valuit diligentia ac fide, omne Vetus Testamentum ex Hebraica veritate Latinitati donavit, & Hebraicorum nominum multitudinem, quam priores interpretes in Latinas voces inflexerant, Hebraica lingua prolationi restituit. Usque lector haberet re-
 Etam rationem pronunciandi Hebraice, accentus Hebraicis dictionibus superposuit, additis quibusdam in margine totius voluminis numeris, qui indicarent, quos in singulis Hebraica scriptura capitulis versiculi, quos Pesuchim appellant Judaei, continerentur. Qua omnia tam solerti cura executus est, ut ejus editionem peritissimi Hebraorum Rabbini omnibus, qua nunc extant, translationibus praeferant, multis eam laudibus astollentes. Fecit quoque non minori laude Novum omne Testamentum juxta Graecam fidem: in quo, sicut & in Veteri Testamento, Vulgatae editionis auctoritatem, manente Graeci contextus sententia, sequi conatus est. Opusque suum Clementi VII. Pont. Max. dedicavit. De eodem auctore Petrus Dan. Huetius, lib. II de Interpretatione cap. III, 15. judicat, quod felicissimo successu perfecta propemodum & absoluta sanctorum voluminum interpretationis exemplum dederit: quodque Rabbiorum peritissimis summo opere ejus versio probetur, ac reliquis anteponatur. & Buxtorfius, praefatus in Lexicon suum Hebraicum, Santen post Hieronymum primum Biblia Hebraea integra in Latinum fidelissime convertisse ait. & Similiter M. Polus, in praefatione Synopses Crit. Versionem hanc, inquit, maxime literalem, cum commode fieri potuerit, fidam, singulari judicio atque peritia concinnatam, docti fere omnes consentiunt. Laurentii porro Beyerlink, in Bibl. variarum interpretationum versionem

Huetii,

Buxtorfii,

Poli,

Beyerlink,

præfati, verba sunt: *Omnes translationes (Vulgatam excipio) præcellit, cum sermoni puritate, tum proprietate verborum, ab ipsis fontibus cum delectu perita, ea quam Sanctes Pagninus, Lucensis, indefesso studio & stupenda, iudicii maturitate, & pererudito suavissimi sui pectoris arcano, magno Ecclesie commodo, deprompsit.* Ubi mirum non est, Vulgatæ Latinæ Pagninianam postponi ab homine Pontificio, quem Tridentini Concilii auctoritas judicare aliter non sinit. Secus vero heic vi-

Franci. sum nostro Dn. D. Franzio, cujus verba, sub initium Tractatus de Interpretatione S. Scripturarum, pag. m. 31. *Quod attinet ad Latinam versionem a Pagnino adornatam, illa viris solide doctis & piis præ vetere millies carior habetur, certiorque & purior deprehenditur.* Tametsi statim addit, ne hanc quidem translationem ita esse comparatam, ut in omnibus & singulis possit probari. Uti de eadem pariter & Munsteri versione (de

Lutheri. qua paulo post dicemus) ita Lutherus judicat, sub finem libri de Schemhamphoraseh, Tom. iix Sen. G. fol. 135, a. *Ich sehe / wie die zween seine Männer / Sanctes und Münster / haben studio incredibili & diligentia inimitabili die Biblia verdolmetscht / viel gutes damit gethan. Aber die Rabinen sind ihr etwo zu mächtig / daß sie auch der Analogia des Glaubens gefeilet / der Rabinen glosse zuviel nachgehängt haben.*

Arias Montanus, Xanticus corrector.

III. Et certe cum anno clj lxxi in Biblia Regia transferenda esset Veteris Testamenti versio Pagniniana, ab Aria Montano, Raphelengio, Guidone Fabricio, aliis, castigari illam prius & ab erroribus liberari oportuit. Qua de re ita in præfatione Arias; *Cum nihil simul & inventum & perfectum sit, neque una eademque*

et *as* omnia in lucem proferat, neque etiam unius mente omnia perspicere ac peragi possint, non potuit vir ille, licet ob eximiam doctrinam prope singularis, in re tam ampla, & in ea lingua in qua infinita prope mysteria continentur, ita omnia accurate diligenterque vidisse, quin aliquid etiam exercitatus ingenii dispiciendum examinandumque reliquerit. Plerique igitur eximii illius viri laboribus & doctrina adjuti, nonnulla observarunt, quæ minus diligenter (pace tanti viri dixerim) ab ipso animadversa sunt. Atque ita mox narrare pergit, quomodo insigni linguarum cognitione præditi Theologi, qui ad omne opus Regium recognoscendum electi erant, collatis inter se tribus ipsius Pagnini diversis temporibus in lucem emissis exemplaribus, adhibito etiam ejus Dictionario Hebraico, aliisque lucubrationibus & vigiliis, pleraque loca adnotarint, quæ ipse auctor aliter, quam in prima editione habebantur, legenda & tenenda esse agnoverit, idque Montano hujusque *overgois* negotii dederint, ut tum ex interpretatione Pagniniana, tum etiam ex Hebraicæ locutionis ac proprietatis diligenti observatione, novo labore novum opus contexerent, in quo omnes dictiones quam aptissime, quoad effici posset, de verbo expressæ essent. Ergo, inquit, *communicatis in singulos dies sententiis, ac verbis omnibus, eorumque modis, ceterisque orationis partibus, quam maxime fieri potuit, ad Latina lingua proprietatem examinatis, non pristinam quidem illam Pagnini editionem, sed Hebraicam locutionem simplicissime redditam in omnibus Veteris Testamenti libris, tandem absolvimus.*

iv. Quamquam vero illustra plane ab ipsismet *Sinistra de*
Pontificiis nonnullis elogia tulerit Pagniniana Biblio- *Pagnini*
ruth

translatione
judicia Ge-
nebrardi,
et

Mariana

rum versio, haud defuerunt tamen ex eadem schola alii, quibus nequaquam ad palatum illa fuit: siquidem Gilberto Genebrardo, praefat. in Opera Origenis, *minus diligens audit, nimis ambiciosa, nimis curiosa, nimis Grammatica, nimium Rabbinicarum minutiarum amala, quaeque recentium praeceptionum subtilitate noxam sinceritati & sententiarum & rerum sapientiae affert*; imo e Jeluitis Johannes Mariana, libro pro Vulgata cap. xxv, quod ipsa fidei Christianae mysteria evertat, insimulare eam non veretur: parum fortasse memor, Theologos Lovanienses, subscribentibus Parisiensibus in opere Regio, hanc ipsam Pagnini translationem, ut quae ex illustribus summorum Pontificum privilegiis probationibusque multum auctoritatis habeat (nempe Hadriani VI & Clementis VII; quorum epistolae in fronte editionis anni LXXV comparent: uti jam antea auctoris de paranda ex fontibus nova translatione consilium probaverat Leo X) inter eas, quae recens edita sunt, commo-
dißimam tutissimamque judicasse. Quid enim? an virum decebat sincere Romano-Catholicum, suspectam reddere tamquam Christianae fidei mysteria evertentem sacri textus versionem, quam tot Pontifices sua auctoritate communiverunt, quamque TUTISSIMAM pronunciarunt illustres adeo Romanarum partium Theologi?

v. Et qui docet, obsecro, Mariana, quod habeat Pagniniana translatio quibus ipsa fidei mysteria evertantur? Dicit, Jobi xix, 26, ubi Vulgata legit: *rursum circumdabor pelle mea*; unde Hieronymus corporum resurrectionem probet, Pagninum reddidisse: *postquam pellem meam contriverunt*; quin obscurius eti-

am in prima editione: & post pellem meam contritam, vermes contriverunt hanc carnem. Quasi vero fidei mysteria evertere is statim dicendus, qui Scripturæ locum aliquem, etiam de fidei capite agentem, non satis accurate e fontibus transfert: & quasi eversum protinus esset Christianum de corporis resurrectione dogma, nec Scripturæ auctoritate sufficienter posset stabiliri, si vel maxime de eo hic Jobi locus non ageret. Aliud est, evertere fidei mysteria, aliud, pervertere testimonium quoddam, cui fidei mysterium aliquod sic innuitur, ut tamen id solum & unicum ejus fundamentum non sit. Quamvis enim & hoc improbari omnino debeat, prætergit si temere fiat, vel data opera, prius tamen illud longe atrocius esse crimen, vidisset ipse Mariana facile, ni Vulgatæ suæ amor nimius Conciliique Tridentini splendor ipsum excœcasset.

VI. Atque is ipse etiam glaucoma sine dubio ob oculos objecit Jesuitis, quo minus de Ariæ Montani labore, quem Pagninianæ versionis emendandæ impendit, æquum ferre potuerint judicium; licet invidia forsan & æmulationi primas deferre heic oporteat: de qua Arias queritur, Tract. de varia Ebraicorum librorum scriptione, Nos, inquit, Pagnini diligentiam imitati, atque pressius etiam secuti, eam quam in prima hujus operis præfatione exposuimus operam præstabamus, quamque a nemine hætenus doctorum & candidorum virorum improbari audivimus, præter unum Erostratum, qui Theologorum suæ ætatis & superiorum fere omnium laboribus obrectare, atque Pagnino inprimis bellum indicere, summa sibi, ut existimo, laudi fore speravit. Is quoniam Pagninum vivum habere non potuit, nostrum præ aliis

Ariam Montanum suggestit Jesuita.

nomen præscindendum suscepit, nactus fortassis oportunitatem in quorundam animis & consiliis, qui cum soli sapere, & soli bene vivere, Jesumq; propius insequi & commitari sibi videantur, atque id palam professi jactitent (descriptionem notes & encomia Societatis) me, qui minimum atque adeo inutilem Jesu discipulum ago, edio habuerunt gratia. Atque hi, quod neminem, qui alias bene audiat, palam improbare audens, aliorum, quos ad eam rem occulte inducere possunt, ingeniis & nominibus abutuntur. Horum autem nos neque artes fallunt, nec gregem prodere, aut cognomen indicare juvat. Utuntur illi quidem magno & inaccessibili ad suas res agendas mysterio, sed quod facile iis, qui simplicius aperiuntque agere volunt, pelluceat, quodque non post multos annos tandem aperiendum est, virtute illius qui illuminabit abscondita cordis & occulta tenebrarum: tunc enim laus unicuique secundum opera sua. Tametsi non semper occulte hec egerit gens Jesuitica, sed palam tandem in lucem contra Ariam prodierit: uti inter alia ex Jacobi Bonfrerii Præloqu. cap. xix, sect. I, constare potest.

*dimoviti esse
cum de Aria
indicium.*

VII. Et quid dixisset bonus ille Montanus, si elogia legisset, quibus hodie Latina ejus Biblia ornat, in sua Historia Critica V. T. lib. II, cap. xx, famulus ille Gallus, Richardus Simon? Vere, inquit, & acute de ipsius correctionibus dictum: QUOT CORRECTIONES, TOT CORREPTIONES. Nædum enim vitia castigavis; quæ innumera erant, prorsum auxis, & paulo post: Nequaquam jure fideissimus Interpres dicitur (uti scilicet Huetio audit) Imo merito INEPTISSIMUS vocandus. Tunc enim fideissimum interpretem dixeris, qui ubique sensum textus pervertit? Quæ tametsi severior est censura, negari in-

terim.

terim nequit, notare quædam de Aria transferendi ratione Simonium non susq; deq; habenda: cujusmodi præ ceteris illud, quod ad diversas proque contextus & circumstantiarum conditione immane quantum sæpe variantes vocum significationes minus attenderit. Cum voces Hebraica æquivoca sunt, ait, ascendenda sunt earum significatio juxta locorum circumstantias proprias: & absurdum est, absque discrimine quamlibet significationem afferre, siue convenias, siue non. Tota Aria versionis corpore fusum hoc visii genus: qua in re non multa valere se judicio demonstravit. moxque exempli loco affert, inter cetera, quod particulam *וְ* ubique reddat *super*, quam nemo nesciat aliquando *super* significare, aliquando *juxta*, aliquando *cum*; quod Ex. ix, 30. Hebraicum *וְ* absurde vertat *antequam*, expuncta, qua re ætissime heic usus fuerat Pagninus, voce *nondum*: & similia, repetita quoque in Disquisitionibus Criticis de Variis Bibliorum editionibus anno LXXXIV Londini a Roberto Denison publicatis, quas & ipsas Simonium parentem agnoscere, & Denisonis præfatio & res per se satis loquitur. Vide præterea eandem in rem Jacobum Bonfrerium Præloqu. in Pentateuchum cap. xlii, sect. i. & C. Frassenium, Doctorem Sorbonicum, Disquisit. Bibl. lib. ii, cap. vii, pag. 404. cujus verba: *Probetur sane hac aliæ versio; mihi vero probari non potest tanta in vertendis divinis oraculis verborum religio & videnda barbaries.* Sed & e Reformatis Matth. Polus, præfatione in Synopsin Crit. de Montano, *illum*, inquit, *nec immerito, viri docti hac censura perstringunt, quod Pagnini versionem temere loco movit, & pro bonis Pagnini, sua præterea, inepta, ac barbara vocabula reputavit.*

Waltoni. fuit. Quæ mutuatus est ex Waltoni Proleg. v, §. sed qui mox addit: Hoc tamen pro Aria dici potest, quod hæc modo tyronibus in lingua Hebræa consuluit, nec Pagnini verba prorsus sustulit, sed tantum in marginem transtulit. Atque hæc de Pagnino - Ariana Bibliorum versione.

*Münsteri
translatio.*

LIX. Ea vetustiorē nonnulli faciunt translationem Sebastiani Münsteri, eo moti haud dubie, quod anno clb lxxv hæc versio prodit, cum Pagniniana anno demum xxxix publicata credatur. Verum alii Pagninianam jam tum anno xxix lucem adspexisse annotant, & illam anni xxxix pro iterata editione habent: quemadmodum & Münsteriana in meliori facie prodit anno xxxiv, xxxix, xlvi. ad quas forte editiones respiciunt qui eam Pagniniana recentiorē statuunt. Lutheri de hac translatione iudicium supra num. ii dedimus. Huertius de eadem ita, lib. ii de Interpretatione: *Sebastianus Münsterus, Bibliorum interpres sane doctus, in Ebraica semper stylum collineans, ad eaque nunquam non se componens; nec ideo tamen Latini coloris negligens; in ejus quamvis lingua elegantia parum se torserit. Quod si quando obscuris explanandis unam alteramve dictionem e proprio penu adiecit, ceteris illam notis homo religiosus insignivit, quod adulterinis lector germana seponeret.*

*Simonii,
c. 17. d. 7.*

Quod iudicium calculo suo sic approbat Simonius, Historiæ Criticæ lib. ii, cap. xlii, ut ipse addat: *Nova hæc Münsteri versio Pagnini & Montani, quippe qui sensum negligere solent ut Grammatica religiose hæreant, versionibus longe melior videtur. Münsterus enim conatur pro viribus, ne a sensu unquam discedat, etsi Grammaticam haud spernas. Nec proprio quæ-*

*Funque vocum in se significationem solum ascendit, sed
 & rerum & locorum circumstantias expendit. Utus pa-
 riter stylus ejus haud ex ætate pius sit, nil habet tamen
 quod barbarum adeo videri queat. — Pure scribere po-
 tuisset; sed veritus nimium a sensu Grammatico recedere,
 nec satis vim vocum Hebraearum exprimere ac reddere.
 Uno verbo, scopum quem sibi proposuerat, ferit & affec-
 tus est. — Imo omnium Interpretum Protestantium ex-
 actissimus ac fidelissimus merito habendus. Quæ postre-
 mas hic exprimit Disquis. Crit. cap. xxiii: Nemo recentio-
 rum Interpretum, imprimis Protestantium, contextus He-
 brai verba & sensum melius viderit expressisse, quam Se-
 bastianus Münsterus. Cumque recitasset verba Sixti
 Senensis, ex Biblioth. S. libro iix: Münsterus ubique hor- *Sicut sen.*
 ridus, senticosus, & asper, usque adeo Hebraici sermonis
 horrorem secutus est, ut, cum multa Latinis auribus mol-
 liter accommodare potuisset, omnes tamen Hebraici sermo-
 nis proprietates ac phrasas adeo servare studuit, ut nec
 ipsos Hebraicorum nominum stridores prætermittere vo-
 luerit; hæc ubi recitasset, inquam, Miror Sixtum, sub-
 jicit, qui Cajetanum, Pagninum, Olearium, & alios lau-
 det, qui in suis sacri contextus versionibus longe majorem
 barbariem in Latino sermone quam Münsterus affectave-
 rint. Potuisset ipsam adjicere Vulgatam: quæ
 quam mollior Latinis auribus multa accommodet,
 specimen docere potest quod sub finem hujus com-
 mentarii damus. Sed nimirum e Sixti sententia duo
 cum faciunt idem, non est idem, nihilque vetat, ea-
 dem illa culpari in Hæreticis, quæ laudantur, saltim
 non improbanturæque, in Catholicis.*

*Tigurina Bi-
blia, a Leone
Tado, Bibli-
andro, Choli-
no, adornata*

IX. Tigurina Biblia, a loco ubi adornata sunt sic vocata, non unum agnoscunt auctorem. Primus enim translationi huic manum admovit Leo Juda. Quem natione Judæum fuisse, perperam tradunt (for- san nomine ipsius proprium, pote Judaici quid sonante, in errorem adducti). Genebrardus, Serarius, Bonfrierius, Gretserus; cum parentibus Pontificiis natus sit, post- eaque ad Zvinglii transierit partes, quem olim studio- rum socium habuerat, Minister tandem factus Tiguri- nus; uti in vita ejus annotat Melchior Adamus. ubi etiam de Tigurina versione hæc habentur: *Cum præter alias linguas Hebraica esses peritissimus Leo, ac supra an- nos octodecim, quibus Vetus Testamentum apud Tigurinos ex veritate Hebraica a viris doctissimis fuerat explica- tum, multa observasset, ac veluti sylvulam futuro operi col- legisset; instantibus fratribus, libros Veteris Testamenti sincere ad veritatem Hebraicam transferre est aggressus. In transferendo autem usus est & adjutus plurimum ope- ra & industria virorum tam linguarum quam rerum pe- ritissimorum; cum vero & Hebraico exemplari emendatis- simo, quod religiosissime, ceu cynosuram & aterna verita- tis regulam, observavit; consultis quoque aliis exemplari- bus Hebraicis in locorum difficultum interpretatione, Græcæ item Latiniq; editionibus aliis non neglectis. Cete- rum ubi, morbo interceptus, totam absolvere trans- lationem nequireret auctor, quæ restabant, Theodoro Bibliandro, Professore apud Tigurinos Theologo, per- ficienda paulo ante obitum commendavit. Cujus e- tiam opera traducta sunt quæcumq; ex Hebræo adhuc vertenda supererant. Apocryphorum autem ex Græ- co translationem adjecit Petrus Cholinus, Tugienfis.*

Ne-

Narrat hæc, præter jamjam citatum Adamum, illustris quoque Thuanus, lib. xxxvi, ann. lxiiv; & postquam addidisset, translationem istam tum Parisiis a Stephano, tum diu post ab Hispanis Theologis recognita Lugduni fuisse excusam; id eo commemorandum duxi, subjecit, ut versionis tanti apud nos & Hispanos ipsos facta origo cognosceretur, & insigne documentum extaret, quid utilitatis ex adversariorum libris & industria, si, semotis odiis, caritatem & aequitatem induamus, ad Dei gloriam capi possit.

*De iudicio
am Thuanus,*

x. Quæ Thuanæa longe aliter tinniunt quam Genebrardi ista. Chronogr. lib. iv, an. clxlv xxxvi, & præf. in Origenem, quod versio hæc non probeatur iis qui leviter linguis tincti sint, quippe adeo impura & indocta, ut, dum ipse eam legat, & cum Hebræo conferat, in alio mundo versari, nec sacras literas, sed fabulas ex sacris literis adductas legere sibi videatur. De quo iudicio sic judicat Simonius Hist. Crit. V. T. lib. ii, cap. xxi: *Acerbe nimis in Leonem, uti & in Munsterum, invehitur Genebrardus. Modestius sane vitia carere poterat. Verum sartam Parisiensium Theologorum auctoritatem præstare volebat, a quibus damnatus fuerat. & in Disquisitionibus Criticis cap. xxiii: Léonis Judæ versionem severe castigavit Genebrardus: qua inter Theologos Parisiensibus, ipse eiuſdem Facultatis Theologus, placere visus fuit. Sed longe minus a Theologis Hispania exceptus Robertus Stephanus: qui editionem Bibliorum a Theologis Parisiensibus improbatam, de auctore versionis Latina ex Hebræo minime solliciti, simul cum Noris, paucissimis in ea immutatis, Salmantica publicarunt, eamque dignam iudicarunt quæ a viris Scriptura sacra studior*

Genebrardus,

Simonius,

diſſis legeretur. Quibus mox ſuammet ſubjungens ſententiam, Minus quidem proprie, inquit, voces Hebraicas reddidit Leo Juda quam ſeſtiani Münſterus: ſed editionem ſuam Latinis auribus accommodavit; quod a Münſtero praſtitum non eſt. Si qua in re reprehendi meretur Leo Juda, in hoc maxime, quod, ne ob brevitatem obſcurus fieret, Paraphraſten interdum potius quam Interpreterem ſe oſtendit. Quomodo etiam in Hiſtoria Critica, citato loco, de eodem ſcribit: Perperam nimisque interdum ſtyli magnitudinem & ſublimitatem affectat, & ſuis periphrasibus nimium a ſenſu proprio recedit, ſcilicet ut intelligibilem magis ſe faceret. & paulo poſt: Haud negandum videtur, liberioſorem paulo Leonem fuiſſe, ſingulaſque ſenſus in verſione ſua ſequi, ac vel nimis textum ſimiſaſſe, vel nimis ampliſſe. Supra de translatione hac dixerat: Sane primo inſpectu grata videtur, ac medium tenere locum inter aliarum barbariem & ad litera acribeiam exactam austeritatem, ac aliarum affectaſi ſtyli & elegantiæ nimia ſtudio. Sunt tamen aliqua loca, ubi auctor, nimiam dictionis ſimplicitatem refugiens, haud ſatis proprie autographi verba interpretatur. Longe etiam aliter quam Genebrardus de Tigurina ſentit Jeſuita Serarius, cujus verba num. 11 dedi. Huertius de Interpretatione lib. 11, 17. iudicium ſuum heic ſuſpenderit, Quid de Leonis Juda editione pronunciem, ajens, incertum me faciunt varia de eorum hominum iudicia. Videtur tamen in Caſauboni hac tandem, quam recitat, acquieſcere epicriſi: Conſtans ea fere eſt doctorum hominum ſententia, recentioribus illam, cum fide & doctrina, ſum perſpicuitate antecellere: cui ſane, ſi Sauſanianam ſepoſueris, refragari religio eſt. Ele-

*Serarii,
Huertii.*

Caſauboni,

gantia tamen studium de indole nonnulla, & verborum fide, ipsorumque situ, qui, ut ex ipso Hieronymo sanximus, mysterium est, detraxisse fatentur: ut non conversionem, ac paraphrasim, Salmanticenses appellandam illam censuerint. Quin ex ipsis Hispanis Theologis, notante Bibliotheca Theolog. lib. i, cap. iv, p. 167. Hottingero, luculenter versionem hanc commendavit Ferdinandus de Escalartes. Quod ægre ferens maledicus ille Jesuita Gretserus, Admonitionem ad externos de Bibliis Tigurinis edidit: quam suis pro Translatione Tigurinorum Latina Vindiciis profligavit Joh. Jacobus Huldricus. Quem & responsum ad oppositam sibi Defensionem Gretserianam parasse (tametsi id lucem non adspexit) testatur Bibliotheca Hottingeri Tigurinæ ex autographo adjecta ejusdem *Agitationis*. Videatur etiam dicti Gretseri tractatus de Novis Translationibus Biblicis cap. i sub finem, ubi indignatur, quod translationem, quæ est pestilentium Zwinglianorum, in Catholicis locis recuderint.

Ferd. de Escalartes.

xi. Qua de causa versio hæc Francisco Vatablo, Romanis sacris addicto Professori Parisiensi, tributa olim fuerit, dicimus infra cap. xxxii, ii. Quod autem Hottingerus, loco supra laudato, scribit: *Quæ Vatabli nomine vulgata est translatio, Tigurina per omnia non respondet. quod observatum hæcenus non satis esse, miror. Vatabli certe editio mixta, pro Tigurina pura habenda non est; id nescio de qua varietate sit accipiendum. Equidem Theologi Hispani Tigurinæ versioni medicas ubi manus adhibuissent, anno clō lō lxxxiv Salmanticæ per Gasparem de Portonariis Codicem publicarunt sub hoc titulo: Biblia sacra, cum duplici translatione, &*

Tigurina & Vatabli. quæ quoque sub Vatabli nomine exstat Bibliorum editio, quid differant.

*Poli de Tigu-
rina iudicio
am.*

*scholiis Francisci Vasabli, nunc denuo a plurimis, quibus
seatebant, erroribus vindicata & repurgata, doctissimo-
rum Theologorum, tam alma Universitatis Salmanticen-
sis, quam Complutensis, iudicio, ac Sancta Generalis In-
quisitionis jussu. Ceterum in Hispanica hac editione,
pauca adeo, in ipso quidem translationis textu, sunt
variata, ut mixta propterea editionis nomen non pos-
sit tueri. Nempe quatuor dumtaxat in locis, idque le-
viter, aliquid fuisse mutatum, annotavit, præfatione
in Synoplin Critic. Matthæus Polus. En ipsa viri verba.
Versio hac, inquit, de Tigurina loquens, summa erudi-
tione & magno iudicio confecta. Hebraici textus licet
verba non semper exprimat, at sensum in plerisque ac ma-
xime in difficillimis locis ingeniose simul & fideliter red-
dit. Porro proprietate & puritate sermonis, perspicui-
tate atq. elegantia styli, reliquisque bone translationis
virtutibus, vel cum primis contendere potest. Quo fa-
cis, quod ipsi Romanenses, qui alias versiones (nomina-
tim Münsteri, Castellionis, Junii) damnant, earum-
que usum prohibent, in Indice expurgatorio, hanc tamen
quodammodo probare videntur; eamque Hispanienses The-
ologi Salmantica recusam dederunt, QUATHOR TAN-
TUM IN LOCIS, ET QUIDEM LEVITER, IMMUTATAM; ut
ex viro doctissimo, qui utramque inter se consulit, didi-
ci. Ubi cum Expurgatorii indicis mentionem faciat
Polus, observa, eodem illo anno, quo Salmanticensis,
quæ diximus, excusa sunt Biblia, prodisse etiam Ma-
driti, apud Alphonsum Gomezium, Regium Typo-
graphum, Indicem librorum Expurgatorium, Gaspa-
ris Quiroga, Cardinalis & Archiepiscopi Toletani,
Hispan. Generalis Inquisitoris, jussu editum: in quo
cum*

cum notentur omniaquæ in Bibliis Rob. Stephani mutari debeant, textus tamen ipse relinquitur integer, duobus solum locis exceptis, puta III Regg. IX, 47. & Pl. XVI, 10. Quæ cum ita sint, tantillam Hispanorum emendationem supra expressis verbis tangere voluisse Hottingerum, vix sit verosimile. Quæ ergo sit illa, quam *Tigurina pura* opponit, *Varabli editio mixta*, dispiciant quibus ad id otium, editionumque varietas in promptu.

XII. Tandem & Sebastianus Castalio, sive Castellio, circa ipsum seculi superioris medium, Biblia nobis Latina dedit, quæ Ciceroniana non immerito forsân dixeris, quod majorem, quam par erat, Latinitatis rationem in versione hac sua auctor habuerit. De ea sic Thuanus, lib. XXXVI, ann. LXIII: *Castalio cum puriorem linguarum cognitionem ad Theologicam scientiam adjunxisse se putaret, impuras manus, multorum iudicio, ad sacra tractanda attulit, cum, a rebus ad tantum opus necessariis homo imparatissimus, novam Bibliorum interpretationem insolenti temeritate molitus est. Quæ ubi recitasset Rivetus, Isagog. ad Script. S. cap. XII, 14. R. G. vii.* subjungit mox: *Id cuius legenti patebit. Nam etsi versio ejus, si quis ea cum iudicio utatur, in nonnullis adjumento esse possit, nec plane in omnibus contemnenda; sunt tamen plura, in quibus sibi nimium indulsit, ut præstet, præsertim minus exercitatis, ab ejus lectione prorsus abstinere; cum inter eas non injuria referri possit, de quibus Antonius Reuchlinus, præfat. ad Concord. Ebraicæ Rob. Nathan, dicebat: multas translationes Bibliorum in lucem prodire, quas melius fuisset non natas, aut statim interuisse.* Paulo ante probaverat Alberici

*Castalionis
interpretatio
deque
ea iudicium
Thuanus.*

Alb. Gentili. Gentilis iudicium, *audaciam* *profanam* Castalioni tribuentis, versionemque ejus *puerilem* appellantis *interpretationem*. Cumque Jesuita Guil. Bailius in suo Catechismo Controversiarum, tract. 1, qu. v, scripisset: *Castalio in sua versione, relicta sincera interpretandi ratione, liberius excurrans, sequutus est spiritus sui ventum. Unde etiam censuram eorum, qui iudicio pollent, subis, nec ei parcus sui: inter quos Beza eum mordet & lacerat* quavis occasione data: occupatus in examine hujus libri Rivetus, in Catholico suo Orthodoxo, *Castellionis temeritatem non praestamus*, ait, qui turbulento suo ingenio, se non solum in eo, sed & in aliis, indignum bonorum omnium defensione reddidit. Nec ignorant Jesuita, fuisse inter nostros, qui locutionum ejus vanitatem, & versionum Latinarum & Gallicarum errores & ineptias, redarguerint. Ubi haud dubie Theologos Genevenses innuit, in Biblia Genevensi edit. ann. clc l^o lxx praefatos, & praeter ceteris ab ipsomet Bailio jam nominatum Bezam: qui non solum in suis in N. T. Annotationibus Castellionem passim perstringit, sed & in Responsione ad hujus defensiones & reprehensiones, praeter alia multa, *intolerandam ei audaciam* objicit, dum *ab illa nuda quidem & simplici, sed vere tamen divina & plena mascula majestatis eloquutione discedens, Prophetici & Apostolici sermonis puritatem quasi fuco quodam orationis inficiat: imo translationem ejus talem esse pronunciat, quae non potius litura quam correctionibus indigeat.*

xiij. Et certe non omnino praeter rem scripserit arbitramur Sixtum Senensem, Bibliothecae sanctae lib. iix, quod in versione sua, *Gentilem se verum ac propba-*

num, quam Latinum ostendat Castalio, nec vere se Latine loqui putes, nisi quam effeminatissime loquatur, & cistra omnem divina Scriptura maiestatem, ac divini interpretis gravitatem, singulas quasque sententias meretricularum more suco pingat, & calamistris inurat, lasciva quadam mollium verborum affluentia luxurians. quemadmodum nec plane falsa judicamus Genebrardi hæc, *Genebrardi,* præfatione in Origenem: Castalionis versio est affectata, plus habens pompa & phalarum, quam rei & firmitatis; plus ostentationis quam substantia, plus fuci quam succi, plus hominis quam spiritus, plus fumi quam flamma; plus humanarum cogitationum quam divino-
rum sensuum; plus foliorum quam fructuum. atque Huetii, *Huetii,* ista, de Interpretatione lib. II, 18. Quid de intemperantissima S. C. conversione statuendum est? qua re purissimas fastidiosa venustate oblimavis, & omnem divini Verbi vim nimia curatura elisit, & verba a Patribus & toto Christianorum casu recepta & usurpata ineptissime repudiavit. Etenim cui Christiano pectori probabunt se illi Genii, illa pollubra, ac similia ex Orco (qua etiam voce delectatur) resuscitata Ethnificismi vocabula; quæ pridem sepulta oportuit, nedum ut in ipsum Scripturæ textū inferri debuerint? quis in sacrosancti Cantici interpretatione diminuta illa molli-terque tinnula vocabula, *sororculam, amiculam, columbulam, corculum, vulsiculum, cerviculam, capitulum, occellulos, mammulas*, hujusque farinæ plura, elegia Tibulliana quam divina ode digniora, æquo ferat animo? quis pro *Baptista*, similibusque Theologicis rebus consecratis vocibus, Johannem *Losorem*, & id genus alias profanas novitates in codice Biblico, & quidem sine ulla necessitate, sibi patiat obtrudi?

xiv. Ut igitur libenter Riveti subscribimus sententia; Castalionis versionem, si quis ea cum iudicio utatur, in nonnullis adjumento esse posse, nec plane in omnibus esse contemnendam; & geminae huic

Poli. Matthæi Poli, præfat. Synopseos Crit. eam *seorsum* Scripturæ plurimis in locis perspicue, pure, eleganter, & fideliter exprimere: ita plus iusto eidem tribui censem

Gesner. Bibl. mus in Epitome Bibliothecæ Gesneri Simlerianæ; cujus verba: Castalio vertit tota Biblia, ita diligenter ac summa fide ad Hebræicæ & Græcæ exemplaria collatis Veteris ac Novi Testamenti libris omnibus, ac inde in Latinam linguam, observata ubique & perspicuitatis, & elegantia, proprietatis ipsius ratione, ut OMNES OMNIUM VERSIONES HACTENUS EDITAS LONGO POST SE INTERVALLO RELIQUISSSE VIDEATUR. Similiterque in hoc Frederici

Furii Ceriolani. Furii Ceriolani elogio:

*Nescio quis Veterum voluit, sermone Latino
Biblia cum priscis ut loquerentur avis.*

*Tentavit, fecitque suis pro viribus omnem
conatum: at fantur Biblia barbarice.*

Eusebius tentavit idem, tentavit Erasmus.

Frustra est; fantur Biblia barbarice.

Pagninus tentavit idem cognomine Santes.

Frustra opera est; fantur Biblia barbarice.

Tentarunt hoc idem alii; sed non bene cessit.

Frustra opera est; fantur Biblia barbarice.

*En tibi CASTALIO tentat, Cælo auspice: id ipsum
Succesit: ponunt Biblia barbariem.*

*O opus egregium! Latio sermone loquuntur
Biblia nunc tandem Castalionis ope.*

Episcopi. xv. Sane in excusando Castalione operosus est
Simon

Simon Episcopus, Institut. Theol. lib. iv, sect. 1, cap. xxi. Neque tamen rem acu tetigisse ipsum putamus, & iis satisfacisse quæ editioni huic objici supra notavimus. *In verbis*, inquit, *istis profanis error non est: nec Latinitatis pura studium convitio mactari meretur. nemo ideo errasse dicendus est, quisquis erravit, ut recte censuit Laurentius Humfredus Anglicus, quod Latine & eleganter studuerit sacros libros traducere. Errorum alia sunt causa: eloquentiam nemo jure accusandam censet.* Verum esto, non erraverit adeo in rebus ipsis Castalio (quamquam aliis aliter heic visum) error tamen est, res divinas convenienti stylo non exprimere, quique deceat cœlestium oraculorum majestatem: error est, quod *Baptismi, Angelorum, Mediatoris*, similiaque solemnia & omnibus perspicua vocabula, ex punxit, & profana quædam, ac in iis etiam nonnulla plerisque ignota, substituit. Purioris latinitatis studium etsi minime improbari oporteat, tantum tamen id esse non debet, ut in ejus gratiam voces longissimo usu tritas omnibusque cognitas Theologia, quid? ex ipso Scripturæ contextu, eliminare ausimus, novasque, nec a cunctis intellectas, & sæpe vel ambiguas, vel diversas, pro iis obtrudere. Si aliarum artium Magistris licet, quæ longo usu optimaque fide possederunt, tamquam sua retinere, utut apud Tullium similesque purioris Latinitatis custodes non legantur; quidni idem liceat, & multo quidem magis, sanctissimæ disciplinarum Theologiæ Doctoribus: quibus præ ceteris cavendum solícite, ne vocabulis amissis tandem etiam ipsarum rerū possessione depellantur? *Esse enim Christiana religio sita non est in literis & syllabis, tamen*
nemo

nemo non videt, quantopere ad rerum cognitionem interfit, quid quibus verbis dicatur: adeo quidem, ut multis gravissimis de rebus controversia saepe unius vocabuli explanatione dirimantur; rectissime heic scribit Beza: Porro annon error est, in exprimendis rebus divinis, quas sermo decet majesticus, tali verborum uti lenocinio: *Alea columbula, ostende mihi tuum vulticulum: fac ut audiam tuam voculam.* Nam & *voculam habes venustulam, & vulticulam habes lepidulum* Cant. 11, 14. Cujusmodi mollium dictionum amatoriarumque blanditiarum effluentia, qua ubique in illius libri translatione luxuriat auctor, magis ludentem de Lesbii passerculo Catullum refert, quam sacrarum literarum interpretem; ceu recte in Disquisitionibus suis Criticis cap. xxiii iudicat Simonius. *Quem tamen, in Castalionem id fecit propensio, quod, ut ipse quidem censet Hist. Crit. lib. 11, cap. xxi nil dubitans, Codices Hebraeos eandem cum caeteris aliis libris fortu- nam expertos fuisse, non raro textum Hebraeorum iuxta Critica leges, quam alicubi exacte observet, reformare nullus dubitet; indeque libere loca mutila noset, quibus pro virili medeatur.* Quæ si vera, vel solo hoc nomine meretur improbari Castaliana translatio. Videatur de ea etiam Isaac Levita, ex Iudæo Christianus Hebraice doctissimus, Medit. in librum Ruth, & Jac. Gafarellus Qu. Pacif. pag. 105. 106.

*Versio Tremellii-
Juniani, eju-
sque scopus.*

xvi. Post Castalionem aliam rursus ex Hebræo Bibliorum translationem moliti sunt, Immanuel Tremellius, Ferrariæ patre Hebræo natus, posteaq; Professor Hebraicorum Heidelbergensis, & Franciscus Junius, celeberrimi nominis uterque inter Reforma-

tos Theologus, ille socer, hic gener. Qui quo potissimum consilio novum istum laborem susceperint, ipsimet in præfatione his verbis docent: *Regula est δεσφαινωτικῆς, singularem vocum naturam, constructionem earum, & interpunctionem observandam esse. At multa antehac fuerunt præter vocum naturam formamque reddita, voces desorta, res constructa alia ab aliis distracta, earum interpunctiones, quasi quadam sensentiarum sepes, avulsa, denique multa advecta incommoda: quæ si nostra opera saltem aliqua ex parte amoveri possint, omne punctum (quod ille ait) tulisse nobis videbimur. Ut autem nihil amplius de alieno labore cogamur dicere, ad formam nostram descendemus. Ad rectam intelligentiam rerum obtinendam, naturam singularum vocum expendimus, constructionem ex similium locorum comparatione, quam maxime fieri potuit, observavimus, interpunctiones Hebræas, non ut otiosas (quod vulgus opinatur) sed plurimum ad rem facientes, retinimus quanta commoditate potuimus, denique sermonis & argumentorum seriem accurate exploravimus, ut evidentior esset illorum coherencia. In quibus omnibus aptè & accommodatè reddendis, etiam Hebræici sermonis ordinem, ut per Latinam linguam licuit, servavimus, nisi aliud evidentia, loci postulet. Hebræismos singulares, & ἰμπαρωτέρας quàm ut mutari possent, Patrum exemplo religiose retinimus, alios Latine, quam optime per nos fieri potuit, expressimus in contextu, Hebræarum vocum interpretatione de verbo ad verbum margini apponentes; Barbarismos fugimus: denique enixi sumus, ut Mosche Latinus Christianum orbem persones, idque eodem argumento, quo civium suorum & gentilium aures, dum vixit, personabat.*

Transfulerunt autem solum Verus Testamentum. Cui jungi solet in codicibus N. T. translatio Latina gemina; altera Tremellii ex Syro, altera Bezae ex Graeco textu.

*Notata sunt
sim post Tremellii
obitum
a Junio, de
quo mutati-
one hac sui-
strum Lati-
judicium,*

xvii. Vulgata primum est hæc versio anno cl^o l^o lxxiv, sed post defuncto Tremellio heic illic mutata, a Junio, & Notarum adjectione aucta, aliquoties prodiiit. De quibus sic judicat, in suo Historiæ universalis compendio, period. German. cap. xxxv, sect. ii, art. ii, Johannes Lætus: *Fr. Junius post Tremellii fere septuagenarii obitum eandem editionem, in opere alieno plus justo ingeniosus, recensuit, & additis multis auctiorem potius quam meliorem reddidit. Verum non video, cur ita absolute opus alienum dici debeat, in quo Junius æque ac Tremellius operam consumpsit. Atque hinc ille, ad lectorem præfatus, Ego, ait, de MEo labore usque ad musæum cum bona venia, ac non de Tremelliano (si ita placueris) hoc, inquam, ego ab omnibus posulo. moxque, nec Tremellio inscio, invito, aut inconsulto, mutationem istam fuisse factam, his verbis testatur: Hoc voluit Tremellius ipse, quicum ego de locis aliquot amanter consuli, antequam aliter ab altero coacti essemus discedere: hoc me facere jubet mea conscientia.*

*De Bibliis
Tremellio-
Junianis Ca-
riorum se-
tempus,*

xix. Quod additionibus suis auctiorem potius quam meliorem editionem istam reddiderit Junius, nescio an aliis, suæ præsertim sectæ, persuasurus sit Lætus. Tametsi inter hos non defuisse constat, quorum severiorem censuram totum illud Tremellio-Junianum opus fuit expertum; sic ut non solum ex Reformatis Doctoribus Gomarus, Rivetus, Fullerus, in Johanne Drusio inprimis & Hugone Brouchtono x-
qui-

quitatem heic desiderent ; sed & ex nostris Dn. D. Calovius, Bibl. Illustr. praloqv. gener. num. xiv, asperum Drusii de Junio judicium, quod nempe Hebraicas literas, ut infelicissime didicerat, ita infelicissime docuerit, omnino improbet ; Aliud, inquit, erudita ejus scripta merebantur & benignius judicium. Sed Grammaticastris, ut barbara voce id genus hominum noscimus (purus enim purus Grammaticus erat Drusius) licentia omnia. Ipse interim Calovius Ebraizantis nimium sermonis, vocumque plurium supplendi sensus causa nimis audacter textui insertarum, editionem hanc postulat. quemadmodum & Rivetus, Isagog. cap. xii, 917. cumque sequutus haud dubie Huetius de Interpretatione lib. ii, 19. licentiam sive libertatem nimiam in ea carpunt : perinde ut Episcopus Instit. Theol. lib. iv, cap. xxi, ac Simonius Histor. Critic. lib. ii, cap. xxi, & Disquis. Crit. cap. xxiii. qui in exemplum adducit, quod Nehem. ii, 9. habeatur : *Exponendo sensum dabant intelligentiam PER SCRIPTURAM IPSAM* : quæ potestrema in fonte non extant. Addi potest locus Jer. i, 12. ubi verba : *Ut cito amygdalus flores*, itidem in Hebræo non leguntur. Cujusmodi certe vix apparet quopacto excusare liceat. Nam esto, sit hæc genuina, locorum istorum sententia ; aliud tamen est, transcriptorem agere, aliud commentatorem, ut ipsimet supra monuimus cap. xii, 38. Affectati præterea styli, quique inusitatam Latinitatem sapiat, & vitiis scateat, interpretationem Tremellio-Junianam arguunt jam memorati Episcopus ac Simonius. Eandem nec Anglis Theologis usquequaque probatam fuisse, ex censura ipsorum ; quæ ann. clc lxxiii impressa Lon-

dinenſi editioni præfixa, apparet. Cumque locis innumeris ab illa diſceſſerint in ſua verſione Batavi, quod nec iſtis per omnia placuerit, maniſeſtum eſt. Et quamvis Matth. Polus, præfatus in Synopſin Critic. miris elogiis hanc translationem ornet, omnibuſque aliis eam præferat, agnoſcit nihilominus, quod nonnulla verſiones propius in quibuſdam locis ab Hebrais abſint, nonnulla etiam ſenſum & dilucidius & elegantius redant. Conſtantini I. Empereur in Epicriſi ad novam Davidiſtyram hæc eſt ſententia: *in vertendis Hebraicis a Junio & Tremellio non raro abire debui. Hoc enim in iſta Bibliorum verſione ſape obſervavi, conceptam analyſin veluti normam ſtatui, ad quam in vertendo reſpiceretur; cum hoc modo ſape a vero ſenſu recedatur.* Ex Socinianorum ſchola Eraſmum Johannis, Paſtorem in Tranſylvania Claudiopolitanum, verſionem Bibliorum Junii & Tremellii, quoad Prophetas, correxiſſe, in Bibliotheca Anti-Trinitariorum Sandiana pag. 88. notatur.

*Iſidori Clarii
emendatio
Vulgatae
Latinae degne
ea iudicium*

Canis.

xix. Et hucusque de illis auctoribus, qui verſionibus Latinis plane novis textum ſacrum exprimere conati ſunt. Præter quos aliis, non tam novam condere translationem, quam Vulgatam antiquam corrigere & emendare viſum fuit. Talis e Pontificiorum ſchola Iſidorus Clarius, Brixianus, Abbas primum Benediſtinus, poſt Fulginas Episcopuſ. De quo Melchior Canuſ, Loc. Theol. lib. II, cap. XIII: *Iſidoruſ Clarius ferendus non eſt; cujuſ emendatio nihil eſt aliud quam Interpretuſ veteris reprehenſio. Pollicetur enim in operuſ fronte veterem editionem correctam; poſtea vero quàm pollicitatione hæc depellit invidiam novitatuſ,*

mul-

multa inferit, adjicit quedam, nonnulla mutat: ut lector non aliud possit in locus mutatus intelligere, quam aut veteris interpretis errorem, aut veterum codicum depravationem. Quam bellum erat potius, novam editionem consiteri, quam veterem emendatam; ne lectores simplices verbis ambignis deciperentur! Quæ censura ut displicet Huetio, de Interpretatione lib. II, 16. sic probatur per omnia Frassenio Disquis. Biblic. lib. II, cap. VII, ac Simonio Histor. Critic. lib. II, cap. XX, & Disquis. Crit. cap. XXII. qui præterea Isidoro objicit, quod in plerisque locis, quæ castigas in Latino interprete, ineptum se ac lingue Hebraicæ imperitum ostendat; quodque Münsteri, tantum suppresso hominis nomine, notas exscripseris. Cujus posterioris ipsum insinuat etiam Polus, idque tanta vehementia, ut ignavum illum manifestumque plagiarium appellet, qui ex Münstero plerumque non modo sententias, sed & verba fere singula, descripserit; quique, si in republ. vixisset, ubi, ingeniosis furibus impunitate concessa, imperitis tantum & segnibus pœna capitis statuebatur, ad furcam procul dubio damnatus fuisset. Conveniens autem est Isidori versio, de qua agimus, sententiæ, quam, teste P. Sarpio lib. II, in Concilio Tridentino is dixit; puta: nullam translationem cum sacro contextu lingua originali aquiparandam: quamobrem in hac se esse opinionem, editionem vulgatam aliis omnibus anteponendam approbandamque, modo ad textum originarium corrigatur, ea vero emendata, ut & alia omnes extinguantur, & ne quis aliam in posterum edat, severo edicto prohibendum.

xx. Eodem pertinet Augustini Steuchi Eugubini Veteris Testamenti ad Hebraicam veritatem Recognitio, quam

Huetii.

Frassenii,
Simonii.

Poli.

Eugubini V.
T. Recognitio.

quam in Apparatu suo sacro Possevinus memorat. Cuius tamen non nisi pars aliqua prodiisse videtur, Annotationes videlicet in Pentateuchum, quibus iste titulus præfigitur, & in quo opere Latinam vulgatam, passim emendat.

*Osiandri
correctio
Vulgaris*

xxi. Ex nostris Lucas Osiander Vulgatam Latinam & ipse emendavit; sed ita, ut versionis Lutheri quam ipsius textus Hebræi potjorem interdum habuerit rationem. Dn. D. Waltherus, Officin. Bibl. Repof. 1, thec. IV, arc. v, 434. id sibi aliisque in auctore hoc displicere ait, *quod cum quibusdam seculi sui antesignanis non raro textum originalem Hebraum hic & isthic suspicetur amanuensium cura falsatum esse & corruptior.* Loca varia, emendationem poscere visa, neque tamen ab Osiandro correctæ, in Lexico suo Pentaglotto Valentinus Schindlerus annotavit. Superiori seculo & Eberi, simili ratione Paulus Eberus, Theologus Wittebergensis, Vulgatam sic reformavit, ut versio plane alia, quam nov-antiquam dicere possis, enata inde fuerit.

*Pellicani
idem,*

xxii. Sed & ex Reformatorum schola Conradus Pellicanus, commentarios suos Biblicos editurus, medicas Vulgatæ adhibuit manus. Quo de ipsemet ita in præfatione: *Translationem vulgatam D. Hieronymi titulo adhibuissæ, si meo licuisset arbitrio agere. Sed rogatus a fratribus & Calcographo, cum jam liber commentariorum prælo subjiciendus esset, ut veterem textum alicubi emendarem, — amicorum piorum sum consilio sum precibus obsecutus, translationem, quæ sub Hieronymi nomine in ecclesiis recepta est, interpolatam reddidi.*

XLIII. Præterea maxima V. T. partis nova versio Thomæ Malvendæ, Dominicani, Lugduni anno clō 15 L edita est; sed adeo barbara, adeo inconstans, ut, nisi auctor statim notas explanationis gratia, & in textus explicationem observationes adiecisset, nullius plane utilitatis foret; judice Simonio Histor. Crit. lib. II, cap. XX, & Disquis. Crit. cap. XXII. qui tamen aliquam ejus utilitatem ipse mox agnoscit, si quis, scribens, pure versiones Grammaticas textus sacri habere velit, legat Malvendam, qui ipsi & Grammatica & Dictionarii instar unus erit. Simile fere judicium Matthæi Poli, in Synopsin Bibliorum Criticorum præfati.

*Malvenda
aliquot V. T.
librorum
translatio.*

XLIV. Psalterium speciatim ex Hebræo reddit, vel potius, Hebraicorū ipsemet ignarus, opera studioq; duorum Judæorum, quorū alter baptizatus, alter non, reddendum curavit, Card. Cajetanus: quo consilio, omnium rectissime disci potest ex libri illius præfatione; ubi Cajetanus, Testor ego, ait, quod inter hos labores dicebatur mihi ab Interpretibus: Dictio Hebraica sonat hoc; sed non apparet sensus, nisi muretur in hoc alterum. Respondebam ego, audis omnibus significationibus: Non sit vobis cura, si sensus non apparet; quia non est vestri officii exponere, sed interpretari. Interpretamini sicut jacet, & relinquetis Expositoribus curam intelligendi. Ubi Melchior Canus, Loc. Theolog. lib. II, cap. XIII, Quid Hieronymus? inquit, Psalmosne ad verbum translatos pateretur? qui in libro de ratione interpretandi, præceptum illud:

*Psalterii
nova versio
Cajetani.*

*De ea judi-
cium Cani.*

Nec verbum verbo curabit reddere fidus
Interpres,
etiam in sacris literis interpretandis magnopere commen-
das.

quam in Apparatu suo sacro Possevinus memorat. Cujus tamen non nisi pars aliqua prodiisse videtur, Annotationes videlicet in Pentateuchum, quibus iste titulus præfigitur, & in quo opere Latinam vulgatam, passim emendat.

Osiandri
corredio
Vulgaris

xxi. Ex nostris Lucas Osiander Vulgatam Latinam & ipse emendavit; sed ita, ut versionis Lutheri quam ipsius textus Hebræi potjorem interdum habuerit rationem. Dn. D. Waltherus, Officin. Bibl. Repos. 1, thec. IV, arc. v, 434. id sibi aliisque in auctore hoc displicere ait, *quod cum quibusdam seculi sui antesignanis non raro textum originalem Hebraum hic & isthic suspicetur amanuensium cura falsatum esse & corruptum.* Loca varia, emendationem poscere visa, neque tamen ab Osiandro correctæ, in Lexico suo Pentaglotto Valentinus Schindlerus annotavit. Superiori seculo & Eberi, simili ratione Paulus Eberus, Theologus Wittebergensis, Vulgatam sic reformavit, ut versio plane alia, quam nov-antiquam dicere possis, enata inde fuerit.

Pellicani
item,

xxii. Sed & ex Reformatorum schola Conradus Pellicanus, commentarios suos Biblicos editurus, medicas Vulgaræ adhibuit manus. Quo de ipsemet ita in præfatione: *Translationem vulgatam D. Hieronymi titulo adhibuissæ, si meo licuisset arbitrio agere.* Sed rogatus a fratribus & Calcographo, cum jam liber commentariorum prælo subjiciendus esset, ut veterem textum alicubi emendarem, — amicorum piorum tum consilio tum precibus obsecutus, translationem, quæ sub Hieronymi nomine in ecclesiis recepta est, interpolatam reddidi.

xxiii. Præterea maximæ V. T. partis nova versio Thomæ Malvendæ, Dominicani, Lugduni anno clb lsl edita est; sed adeo barbara, adeo inconstans, ut, nisi auctor statim notas explanationis gratia, & in textus explicationem observationes adjecisset, nullius plane utilitatis foret; judicæ Simonio Histor. Crit. lib. ii, cap. xx, & Disquis. Crit. cap. xxii. qui tamen aliquam ejus utilitatem ipse mox agnoscit, si quis, scribens, pure versiones Grammaticas textus sacri habere velit, legat Malvendam, qui ipsi & Grammatica & Dictionarii instar unus erit. Simile fere judicium Matthæi Poli, in Synopsin Bibliorum Criticorum præfati.

*Malvenda
aliquot V. T.
librorum
translatio.*

xxiv. Psalterium speciatim ex Hebræo reddit, vel potius, Hebraicorū ipsemet ignarus, opera studioq; duorum Judæorum, quorū alter baptizatus, alter non, reddendum curavit, Card. Cajetanus: quo consilio, omnium rectissime disci potest ex libri illius præfatione; ubi Cajetanus, Testor ego, ait, quod inter hos labores dicebatur mihi ab Interpretibus: Dictio Hebraica sonat hoc; sed non apparet sensus, nisi mutetur in hoc alterum. Respondebam ego, audis omnibus significationibus: Non sit vobis cura, si sensus non apparet; quia non est vestri officii exponere, sed interpretari. Interpretamini sicut jacet, & relinquetis Expositoribus curam intelligendi. Ubi Melchior Canus, Loc. Theolog. lib. ii, cap. xiii, Quid Hieronymus? inquit, Psalmosne ad verbum translatos pateretur? qui in libro de ratione interpretandi, Horatianum præceptum illud:

*Psalterii
nova versio
Cajetani.*

*De ea judi-
cium Cani.*

Nec verbum verbo curabis reddere fidus
Interpres,
etiam in sacris literis interpretandis magnopere commen-
das.

*dat. — Fallitur ergo præ ceteris Cajetanus, qui, hujus præcepti immemor, Psalmorum versionem, dum fidem voluit reddere, reddit ad Ecclesie quidem usum profusus inutilem, & Gretserus, Tract. de Novis Translationibus cap. 11: Quis ad psallendum adigi posset, si psallendi pensum ex Cajetani translatione persolvendum esset, quia nihil insuavius & insipidius? Verum neque id intendebat Cajetanus, quod versionis hujusmodi per se talis deberet in Ecclesia esse usus: sed existimabat ille, si stri-cte adeo & verbotenus Latine exprimeretur, qui solus *יוֹנָתָן*, textus Psalterii Hebræi, fore ut rectius mentem Spiritus sancti inde liceret assequi sacrarum, literarum expositoribus. In quo tamen fugit illum ratio. Turbabit enim potius commentatorem quam juvabit istiusmodi translatio, ni idiotismi Hebraici probe gnarus sit ipsemet. Cano & Gretsero longe adhuc impudentior Gabriel Prateolus, ob dictam illam interpretandi rationem hæreseos notam Cajetano inurere non dubitavit, teste Simonio Histor. Crit. lib. 11, cap. xx. qui tamen e vestigio, *At sciunt omnes*, subjicit, *hunc vesanum hominem pro libitu hæreses confinxisse*. ut solent nimirum prompti in eo esse & faciles Romanæ curiæ mancipia.*

*Translatio
Psalterii Fel.
Pratensis,
variorumq;
aliorum.*

xxv. Traduxit quoque Psalterium, præter librum Jobi, ex Hebraica veritate Felix Pratensis, nati o-
ne Hebræus, interque suos magni nominis Rabbi,
postea Augustinianus, anno dñi 1519 prope centena-
rius Romæ mortuus. Quam versionem præ ceteris
sæpe citant Matthæus Aurogallus libro de Hebraicis
nominibus, Franciscus Titelmannus in sua Psalmorum
expositione, & Wolfgangus Musculus in suis commen-

taris:

tariis: quibus & ipse, perinde ut aliis commentariis nonnullis, novam translationem præmisit. Ediderunt insuper versiones Psalterii ex Hebræo Rudolphus Agricola, Johannes Bugenhagenus, Martinus Bucerus, (sub Aretii Felini nomine) Georgius Major, Henricus Mollerus, Jodochus Willichius, Joh. Calvinus, Huld. Zvinglius. Qui præterea Isaiam & Jeremiam ex fonte reddidit; uti similiter libros V. T. aliquot Joh. Oecolampadius, nostraque ætate Joh. Coccejus, & Dn. D. Sebast. Schmidt. Denique Psalterium, Jobum, libb. Salomonis, & Prophetas omnes, ex Hebraica veritate vertit Franciscus Forerius, qui Tridentino interfuit Concilio, Indicemque librorum prohibitorum conficere iussus est. Siraciden comptiori stylo Latino expressit Iustus Jonas.

xxvi. Qui speciatim in Novo Testamento ex Græca in Latinam linguam traducendo patrum memoria laborarunt, eorum primus est magnus ille Desiderius Erasmus, Roterodamus. Atque & judice Huetio de Interpretatione lib. II, 22. ea felicitate hanc ornavit partem, ut & verba verbi, & sensus sensus, & saporem sapore, exaguerit; & perspicuitatem, tamen cum dictionis castitate & nativo illo colore obtinuerit: qua ad integram Interpretis laudem unice requirebamus. Quin etiam ubi propter Latinæ linguæ indolem, quod uno Græci, idem pluribus exponere verbis necesse habuit, ascitis verba vario & insigni charactere depingi curavit, quo fidei suæ integritas palam exsaret. Inde adeo Leonis X Pontificis Maximi diplomate commendari meritus est hic ipsius labor. Es tamen, quæ rerum humanarum varietas est, eodem nomine sugillatus est a

*Noti T. 1.
Versio Erasmi, de qua ea
judicium
Huetii.*

Opposuerunt multis: inter quos familiam duxit Petrus Sutor: pius
se illi Sutor, quidem homo, & doctus; sed neque doctrina, neque acuminis, neque urbanitatis, neque elegantia meritis cum Erasmo componendus.

Seuica,

XXVII. Præter Sutorem hunc Erasmi Novo Testamento se objecit Jacobus Lopis Seuica. Qui quid in summi viri labore isto desideraverit, quemque sibi scopum habuerit in illo impugnando præfixum, docere nos potest quam operi suo præmisit præfatio; ubi scribit: *Pervenit ad manus meas Erasmus ille Codex, numero proæmiorum ambitu veluti satellitio præmunitus, perpulchris literarum figuris Græce & Latine decoratus, ac titulum in fronte gestans, qui & auctoris nomen & operis argumentum magnificis quidem verbis & admiranda quadam ac pene & dōdō pollicentibus præferre videbatur.* Ut autem librum capi volve, translationemque illam novam & annotationes a vertice, ut ajunt, ad calcem diligentissime transcurri, audaciam hominis, qua ille pro sapientia eo in opere usus est, vehementer sum admiratus. Cum enim in Gentilium auctorum lectione fueris semper versatus, secularemque eloquentiam ex parte inde didiceris, elegantia illa dicendi qualicumque confusus, omnia sibi licuisse existimaveris. Quoniam vero non ex Charitatis affectu, ut res ipsa plane indicat, neque ut S. Scripturarum studiosis quoquomodo prodesset, ad id operis Erasmus videtur accessisse, sed laudis potius cupiditate ductus, atque eo inprimis animo, ut veterem Ecclesie translationem, ejusdemque auctorem, capta a occasione libere posset reprehendere; necessarium mihi visum fuit, ut ego Ecclesiastici Interpretis partes tuendas susceperem. Quod eo libentius feci, quod videbam non solum

lum immerito ab Erasmo illum reprehendi, verum etiam consumeliosissime passim compelliari, atque ex eruditorum virorum corona penitus explodi: atque id nullo quidem iure, quantum ego arbitror, utpote quem constet & Latine & eleganter sacros N. T. Codices ex Græco in Latinum traduxisse. Quod si aliquibus in locis a Græcis exemplaribus, quæ passim circumferuntur, veterem translationem discrepare Erasmus senserat; si, quæ per librariorum aut incuriam aut insciam errata progressu temporis Codices nostros subintrarunt, reformanda videbantur; extrarium id operis futurum erat: seorsum illa erant annotanda; non totum S. Scripturæ corpus denuo transferendum; non immutanda vetera; non quæ tam diu usitata fuerant tam licenter invertenda; non denique, ut unica oratione complectar omnia, tam aperse Ecclesiastica traductio damnanda. Annon damnas qui Interpretem illius damnas? qui dormitantem appellas? qui absurditatis affectatorem? qui Latinitati vim afferentem? quique iisdem titulis ac cognominibus non veretur illum insignire quibus ineruditi illiteratique homines ludibrii causa a doctioribus notari solent? Hæc Stunica. Cui cum Apologiam Erasmus opponeret, liti huic immiscere se cœpit, præsertim quod ad annotationes Erasmiannas attinet, Sanctius Caranzaa, Theologus Complutensis, editis pro Stunica Vindiciis; quibus respondit Erasmus.

XXIIX. Insurrexit porro in Erasmus heic Edoardus Leus. Leus, De cuius in se animo hostili Lutherus etiam non semel queritur: ut in epistola quadam ad Nicolaum Hausmannum, Tom. II, pag. 170. ubi, *Fama est, inquit, apud nos, Angliæ Regis Oratorem Leum Norenbergæ* (in habito ibi anno clō 15 xxii Principum con-

ventu) *mibi facturum esse negotium*; & Tom. II Jen. G. fol. 146. ubi Leum hunc, Erasmi antagonistam, auctorem fuisse suspicatur libri sub Regis Henrici IX nomine contra se editi. quem ab aliis ipsimet Erasmo fuisse tributum, ex hujus epistola liquet ad Georgium Saxonie Ducem, quæ legitur operis Epistolici libro XIX, pag. 686. ubi tamen Erasmus, *Ego nunquam dubitavi*, scribit, *quin ille libellus Serenissimi Regis Angliæ, — ipsius, cujus habes titulum, ingenio Martæque, quod adiunxisti elaboratus*. Sed Bellarminus, de Scriptor. Eccles. Joannem Fischerum, Episcopum Rossensem, libri istius parentem credi testatur. Verum hæc obiter. Scripta reciproca inter Erasmus & Leum, ceterosque illius antagonistas, de hoc argumento edita, Hottingerus memorat Bibliothecæ Theolog. lib. I, cap. IV, II. Videatur insuper hanc in rem Erasmi Apologia quam Novo suo Instrumento præmisit, epistolâ item ejus ad Martinum Dorpium (qui ab operis istius editione illum deterrebat) ubi inter cetera discrimines inter suos, Laur. Vallæ, & Jac. Fabri, N. T. impensos labores indicans, *Laurentius*, ait, *tantum annotavit locos aliquos, idque, ut apparet, intranscursu, levique, quod dici solet, brachio*. Faber in Paulinas dumtaxat Epistolas edidit commentarios, easque suo more versit; sum, si quid discrepabat, obiter annotavit. Nos univrsum Testamentum Novum ad Græcorum exemplaria versimus, additis e regione Græci, quo cuius promptum sit conferre: adjecimus separatim Annotationes, in quibus partim argumentis, partim veterum auctoritate Theologorum docemus, non temere mutatum quod emendavimus: ne vel fide careat nostra correctio, vel depravari possit quod emendatum est.

xxix. Post Erasum Theodorus Beza idem
 saxum volvere cœpit. De cuius labore ita Daniel
 Chamier, Panstrat. Cathol. Tom. 1, lib. xii, cap. 1: *The-*
odoro Beza palmam omnes tradunt in hoc negotio, Novi,
inquam, Testamenti versione. Nec mirum: viro & hu-
manioris literatura peritissimo, & jam tot annos in The-
ologia versato, acerrimisque pugnis exercito; quique
maximam sui temporis partem huc contuleris; sciscita-
tus etiam doctorum virorum iudicia, quibus, quæ est mo-
destia, multum semper decessit. Itaque sacrum sapiens
lambendo ita perfecit, ut vix quicquam addi posse videat-
tur. & Balduinus Walæus, præf. in N. T. Jam a divi-
dio seculo, & quod excurrat, omnium cordatorum calculo
in hisce palmam ceteris praripuit THEODORUS BEZA.
Quo nemo plenius hoc opus pertexuit, accuratiori cum
iudicio, quo pollebat insigniter, ea quæ VALLA & ERAS-
mus sentaverant, pensitavit, omnia, quæ ad geminum
sacri contextus sensum eruendum potuerunt tum tempo-
ris adhiberi, adduxit, & se suæque, iterata libri editio-
ne, emendavit & auxit. Josephus item Scaliger, in
 epicedio quo Beza parentavit:

— — Factus supra caput extulit omnes
 ille, tuorum operum summa caputque, liber,
 quo penetrabile Novi referatur Fœderis, & quo
 discussa lucem nocte videre datur.

Non desunt tamen, notante Waltono Proleg. Bibl. An-
 gl. *ἡ ἀποκάλυψις*, sub finem, qui Bezam nimis audacem
 fuisse iudicans; dum a recepta lectione sapius sine neces-
 sitate rececit, & unius, interdum nullius, Codicis au-
 thoritate fretus, Prætoriam exercet potestatem, ex con-
 jecturis mutando & interpolando sextum sacrum proli-
 bito.

Beza tradit
 latio N. T.
 de quo ea
 iudicium
 Chamieri,

Vallæ,

Scaligeri.

Waltoni,

biso. Quam in rem exempla producit Luc. ix, 48. ss. iii, 36. 1 Cor. xv, 55. Ubi tamen in ipso textu, quem in suo exhibet codice, nihil mutavit aut interpolavit auctor, sed in Annotationibus dumtaxat, quomodo legendum sibi videatur, admonuit. Huetius, loco sæpius citato, *laudi facundia & Latinitatis studio* nimirum in translatione sua *velificatum* esse Bezam observat. & Richardus Mountacutius Orig. Eccles. parte 1, pag. 5. Errare potuisse Bezam quis negaveris? ait. In multis, etiam per illas (in N.T.) annotationes, & postremas illarum editiones, graviter & pueriliter errasse agnosco.

Mountacutius.

In Beza N.T. Annotationes versioni ipsi nonnunquam ad-
versantur.

xxx. Ubi dum postremarum editionum Mountacutius meminit, non possum quin verbo moneam, per illam editionum varietatem factum esse, ut annotationes interdum versioni parum respondeant, imo aperte sibi adversentur. Sic in editione ann. clx lo xciix, cum Gal. 1, 12. Apostoli illud: δι' ἀποκαλύψεως ἰησοῦ χριστοῦ, in ipso versionis Bezianæ textu redditum sit: *per revelationem Jesu Christi*; idque etiam initio repetatur in Annotationibus, paucis tamen interjectis lineis his diserte verbis translatio ea rejicitur: *Vulg. & Erasmus ad verbum: Per revelationem Jesu Christi, ambigue: quamvis. Græcis ad verbum respondeat. Potest enim istud accipi passive de revelato Christo, ut in his libris sæpe: quum hic Christus significetur ipsemet Evangelium, id est, semetipsum ἀποκάλυψας patefecisse.* Nimirum verterat alias Beza: *Illud retegente mihi Jesu Christo*; eoque aptaverat quæ jam recitavimus, minime illis editionibus convenientia, ubi, mutata mente, vulgatam & Erasmanam translationem retinendam.

auctor censuit. Similiter Philipp III, 20. verba Paulina: *ἡμῶν τὸ πλείονμα ἐν ἔργοις ὑπάρχει*, in dictæ translationis contextu vertuntur: *Nostri civitas in cælis est*; at in subjectis annotationibus: *Nos ut calorum civis nos gerimus*. Additque paulo post Beza, vocem *ὑπάρχει* per *existit* quam *est* vertere se maluisse; cum tamen in memorata editione habeatur contrarium. Conf. II Tim. I, 7.

XXXI. Cum vero, præterquam quod facundia & latinitatis studio nimium velificatus est, ut paulo ante Huetium observasse diximus, non solum in Annotationibus Theologiæ suæ placita magno Zelo passim propugnaverit Beza; sed & ipsum versionis textum ad ea hinc inde manifesto accommodaverit, malis istis medelam allaturus Academia Witteberg. Professor celeberrimus, Erasmus Schmidius, novam adornavit, eamque accuratissimam, Testamenti Novi versionem, additis Animadversionibus, quibus, præter alia monita necessaria, partim mutata alicubi Bezaianæ translationis ratio redditur, partim Notis ipsius, sicubi a vero aberrant illæ & *ἡ ἡμετέρα δολιχότης*, erudite occurritur. Vide, e.g. quæ observat ad Act. III, 21.

Schmidii nota
ad N. T. ver-
sio.

XXXII. Huc porro spectat Ben. Ar. Montani labor: qui, ut in Veteri Testamento Pagnini versionem, sic in Novo translationem vulgatam ita Græco textui inter lineas inseruit, ut multis locis ab originali discedentem correxerit distincto caractere, altera lectio-
ne in marginem relegata.

Ar. Montani
versio N. T.
inter lineas
in-

XXXIII. Similem fere in modum Codice N. T. Tubingensi, qui D. Matthiæ Hafenrefferi cura prodiiit, Erasmi Latina translatio fuit inserta. Quo de sic in

Tubingensis
Hafenrefferi
N. T. edi-
tio.

præ-

præfatione editor: *Erasmiana versio non ubique ad verbum servata est: sed, sicubi vel vox, vel sententia, ab originis textu aut mente quoquo modo recedere visa est, ea non temere quacunque sua significatione est red- dita, sed ponderatis cujusque loci circumstantiis & genuino sensu, ea demum adhibita est, qua in illa ipsa convenientissima significatione apud probatos auctores reperta est. Et ut constaret, quamam vox aut sententia, non Erasmi, sed mea esset versionis, illam diverso characterum genere exprimendam curavi, Erasmianis (confusionis vitanda causa) prætermisissis.*

*Interpret.
Lat. Vers.
Bibl. Gr. & C.
Sam. Syr. Ar.
Pers. & Sib.*

xxxiv. Denique referri huc possunt interpretationes Latine translationum Biblicarum, Græcæ, Chaldaicæ, Samaritanæ, Syriacæ, Arabicæ, Persicæ, Ethiopicæ: quas opera polyglottæ exhibent, præsertim Anglicana Waltoni.

CAPUT XVI

DE

PENTATEVCHO SAMARITANO.

I.

Pentateuchum Samaritanum diu fuit desideratum, præsertim a J. Scaligero,

Samaritani cum ex Scripturis Biblicis solum Pentateuchum recipiant, mirum non est, præter hunc unum nihil sacrarum paginarum extare, aut aliquando extitisse, ab ipsis quod sit profectum. Jacuit autem Pentateuchus iste per multa secula in tenebris sepultus, & ab Hieronymi fere ætate ad nostra usque tempora Christianis vix visus fuit. Quod quidem graviter inprimis molestæque tulit magnus ille Jos. Scaliger; cu patet ex ejus libro vii de Emendatione Temporum,

porum, ubi scribit: *Qui in Palestina peregrinantur, possent & alia, & Pentateuchum a Samaritanis adipisci. Nam sane Christiana pietatis homines paulo hac in re negligentiores hactenus fuerunt: ex cujus rei cognitione uberrimi fructus in sacram historiam redundarent. Spero, non defuturos, qui voto nostro satisfaciant.* Et studuit certe satisfacere Nicolaus Claudius Fabricius de Peirese, Senator Aquisextiensis, quando inter plures alios libros hunc etiam Pentateuchum in Ægypto coemmi afferrique ad se mandavit. Qui tamen cum ad Peireskii manus non pervenerit, navi, qua vehabatur, a piratis direpta, spe nihilominus frustratus est Scaliger exoptatissimi codicis; quemadmodum hæc in Peireskii vita, ad ann. Chr. cl. lxxix, Petrus annotavit Gassendus. Qui & ibidem, ad ann. xxix, de eodem refert Peireskio, quod in Orientem miserit, ut Biblia Samaritana acquireret, Theophilum Minutium: per quem etiam obtinuerit. Nempe faciebat id, ut rursum scribit, ad ann. xxxix, Gassendus, in gratiam Johannis Morini, Congregationis Oratorii Presbyteri, in editione operis Parisiensis Pentateuchum Samaritanum tunc curantis. cui etiam quod tres codices transmissit, ipse Morinus Opuscul. Hebræo-Samarit. pag. 95. testatur: quamvis ille Pentateuchum jam tum edidisset ex alio codice, quem Damasciemi curaverat, & Bibliothecæ Oratorianæ Parisiensi donaverat, Achilles Harlaeus, Episcopus Macloviensis, antea Congregationis Oratorii & ipse Presbyter. Sic ergo qui tantopere antea desiderabatur, satis obvius in Europa tandem factus est Samaritanus ille Pentateuchus: cum hodie publicis typis impressus extet, & in He-

*Tandem tam-
men satis
obvius in Eu-
ropa effu-
git.*

similium, ipsum non raro sensum in Samaritano Pentateucho pervertens: qui & variis modis aliis a prototypo Hebræo abit; dum scilicet nunc literas transponit, nunc ipsas voces phrasisque immutat, & duas dictiones in unam corripit, nunc integras omittit sententias aut infarcit, nunc commata & magnā capitum partem transjicit, nunc repetit & bis ponit quæ in Hebræo non nisi semel leguntur: quemadmodum non modo docent, qui adversus Morinum calamum strinxerunt, sed ob oculos etiam ponit collatio textus Hebræi & Samaritani, quæ instituitur ultimo tomo Bibliorum Aeglicanorum *αλυστάριον*. Præ ceteris autem vitiis omnibus observatu dignum, quod cum Deuter. xxvii, 4. Codex Hebræus, eumque secuti Interpretes reliqui omnes, habeant: *Ubi trajeceritis Jordannem, erigite lapides istos, de quibus ego præcipio vobis hodie* *בְּיַרְדֵּן עֲבֹדָה* *monse Ebal*; Samaritani, illi montis Garizim cultores superstitiosi, (vide Josephum l. xi Antiq. Iud. c. ix, Ioh. iv, 20. quæque ex Chronico Samaritano mscr. Hottingerus avertit in Exerc. Anti-Mor. num. xltx, seqq.) sacrilega fraude substituerint *הַר גִּרְזִים* *montem Garisim*; ac ne quidem hoc contenti, ipsa insuper recitata illa verba Exod. xx, 17. loco decimi præcepti & scribere & recitare consueverint. Quæ quidem si perspecta habuisset Scaliger, forte non ita impatienter tulisset desiderium Samaritani illius codicis, uti quidem fecisse eum supra notavimus. Sed nimirum persuasus ex aliorum fuit relatione, ut significat memorati operis libro vi, *totidem*, quot Iudæi, *liseris, ne una quidem minus aut amplius, Pentateuchum legere Samaritanos, & tantum abesse ut ali-*

quid assuerint Pentateucho, ut eisdem literis, quot Judæi, scriptum habeant. Credo, si voti sui compos esset factus Scaliger, idem dicturum fuisse, quod de Lexico Hebraico R. Pomarii ad celeberrimum scripsit Buxtorffium, lib. III, epist. cēXLIV: *Quum tandem Lexicon Davidis de Pomis, quod reperire plurimi faciebam, adeptus sim, volebam tibi significare, tanti non esse, ut tantopere a me exspectetur. — Nostrorum hominum libri faciunt, ut equo animo carere illo Lexico possimus. — Quod si fefellit me spes mea, est tamen quod gaudeam, quod, quanquam oleum, vel potius nummos, perdiderim, est aliqua voluptas, potirio quod optaveris.* Ita de Iudaico isthoc Lexico Scaliger, cui tamen gloriosum לְמִנְחָה titulum indere auctorem non puduit, Sed hæc obiter. Ad Pentateuchum nostrum redeamus.

*Pentateuchi
Hebræi Sa-
maritano
charactere
scripti
translatio
Samaritana
Chaldaea
& Arabica.*

III. Ejus, lingua pure Hebraica scripti, sed charactere Samaritico, duplex hodie extat translatio: Samaritano-Chaldaea, & Arabica. De priori utut affirmet Morinus, quod textum Pentateuchi Samaritano-Hebraeum מִן הַמִּדְּבָר sequatur, verbumque de verbo exprimat; quod tamen sæpissime ab eodem abeat, variisque laboret navis, ostendit Hottingerus Analect. Historico-Theolog. dissert. II, II. & inprimis Dissert. Theologico-Philolog. III, 31. seq. Confer quoque Waltonum Proleg. Bibl. XI, 20. ubi etiam, sicut & in dissertatione de linguis Orientalibus, num. XXV, de in dōle linguæ seu dialecti, qua translatio hæc conscripta, agit. quamquam fufius, quæ illi spectant, persequantur Morinus in Lexico Samaritano, & Castellus in Annotationibus Samariticis, ultimo tomo Biblio-
rum

rum Anglicanorum infertis. Videatur etiam de hoc argumento Pfeifferi Critica sacra digress. subj. cap. x, §. 4. De versione Arabica (quæ tamen Samaritanis characteribus exarata) judicat Hottingerus, supra laudata dissertatione Theologico. Philolog. III, 41. quod a Chaldaeo-Samaritana raro quidem, sed tamen interdum abeat, & velemphasin pressius urgeat, vel textui Hebræo propius accedat, vel Saadianam sequatur interpretationem (de qua paulo post) vel Chaldaeo-Samaritanam obscurius loquentem explicet, vel etiam plane nova sit translatio. Adde Waltonum Prolegom. XI, 21. & ante memoratas Annotationes Samariticas, quæ ad calcem operis Anglicani habentur. Præter istas versiones, Chaldaicam & Arabicam, Græcam insuper Pentateuchi hujus translationem aliquando extitisse nonnulli affirmant; quod tamen in dubium vocant alii. Lege de eo, si placet, Hottingerum loco proxime citato, & libro I Theauri Philologici, cap. III, sect. III, quæst. 1, Waltonum Proleg. XI, 21. Conferantur insuper heic dissertationes Epistolicæ de Ecclesiæ Or. antiquitatibus, epist. IV, seq. & ep. XIII, seqq. ubi imprimis de Pentateucho Samaritano, quem celeberrimus ille Patritius Romanus, Petrus a Valle, ex Oriente secum advexit, multa notatu digna leguntur, item epist. XXXVI, seqq. XLIII, seq. 1, seqq. ubi de aliis ejusdem Samaritani Pentateuchi Mss. agitur. Addi potest denique vita Morini, quæ dictis illis dissertationibus præmissa, cujus auctor itidem varia narrat de Samaritano codice, suumque de eo judicium, a Moriniano plane diversum, interponit. Tandem addantur quæ habet Richardus Simon Histor.

Crit. V. T. lib. I, cap. x, seqq. lib. II, cap. ix, & Disquis.
Critic. cap. xi.

CAPUT XVII.

DE

VERSIONE ARABICA ET TURCICA.

I.

*Translatio
V. T. Arabi-
ca Saadia,*

IN Arabicum idioma totam Veteris Testamenti Scri-
pturam traduxit, seculo ix, R. Saadiaz, dictus *ḥas-
ḏi ḥayy* *ḥayy* sive *Excellent* (quo titulo ornabantur o-
lim Rectores Scholarum Babyloniarum) in usum Iudæo-
rum, qui longe lateque per imperia Saracenorum vi-
vebant dispersi. De qua versione consuli possunt
Th. Erpenius præfat. in Pentateuchum Arabicum,
Gv. Fabricius Boderianus præf. in N. T. Syr. Edvv.
Pocokius Specim. Arab. p. 365. & præfatione varia-
rum lectionum Arab. quæ ultimo tomo operis Angli-
cani habentur, Höttingerns Thesaur. Philolog. lib. I,
cap. III, Sect. II, & Dissert. Theologico-Philol. III,
27. Waltonus Proleg. Bibl. xiv, 15. Nobis de ea
heic monuisse sufficit, quod sæpe paraphrasis magis sit
quàm nuda translatio, & a versis phrasibusque Hebrai-
cis longius interdum recedat, ac in Pentateucho mo-
do Onkelosum sequatur, modo *lxx*, modo suum in-
genium, id est, Judaicum. Unde ab ipsomet Aben-
Ezra reprehenditur, tum alibi, tum præsertim Gen. II.

*Alia Versio
Arab.*

II. Præter Saadianam isthanc interpretationem
extat alia itidem Scripturæ universæ, inter Ara-
bes Christianos nata: de qua quod *elegans sit & antiqua*,
testatur, locò ante memorato, Erpenius. Eandem
proxime quidem accedere ad alteram illam Saadiaz,

&

& in omnibus fere locis difficilioribus ipsā exprimere, interim tamen non plane eandem cum illa esse, ostendit prolixè Hottingerus Analect. Historico-Theol. dissert. II, 3. 4. Acujus judicio dissentit in dissertatione de Linguis orientalibus num. XLVII Waltonus, *Certum est, inquit, ut e collatione patet, versionem Pentateuchi Arabicam* (loquitur de posteriori hac) *non esse aliam quam illam R. Saadia, licet in paucis mutata*; contra Hottingerum & Erpenium, qui aliter sentire videntur. At in editis postea Prolegomenis Bibliorum πολυλόγων, Proleg. XIV, 17. idem vir doctissimus interpretationem Saadianam *vel eandem esse* scribit *cum Parisiensi* (est vero translatio Arabica, quam Parisiensis Biblia exhibent, illa ipsa de qua nunc agimus) *ut existimes D. Pocokius, vel ad eam proxime accedere, eamque in locis difficilioribus exprimere; ut sentias D. Hottingerum; & mox subjicit, vel esse unam eandemque versionem Saadianam & Parisiensem, vel, si ab autoribus profecta sint diversis, alterum alterius vitulo arasse. Cum vero, concludit, de hoc dissentire video viros Arabice peritissimos, non est meum, sententiam ferre, sed unicuique iudicium esto liberum.*

III. Imo duplicem V. T. translationem Arabicam apud Christianos Orientales obtinere, constat ex Augustino Justiniano, Episcopo Nebienſi, qui utraque se usum significat in Psalm. XIV ac LXXXIV; & a regionibus, ubi in usu erant, alteram Syriacam vocat, alteram Ægyptiacam. Cornelius a Lapide, proœmio in Prophetas minores, a sedibus Syriæ & Ægypti Patriarchalibus illam appellat Antiochenam, hanc Alexandrinam; & utriusque exemplum in Bibliotheca

Va-

Vaticana ac Medicea extare scribit. Idem confirmat, in indice Auctorum Commentario suo Biblico subjuncto, lit. A, Iacobus Tirinus. Et Ægyptiacam quidem sive Alexandrinam eandem prorsus esse cum illa, de qua numero præcedenti dictum, quæque in Bibliis Parisiensibus & Anglicanis habetur, demonstrat Waltonus Proleg. xiv, 18. Syriacam autem seu Antiochenam in suo Psalterio Arabico exhiberi, affirmat Nebiensis loco memorato. Er quidem ex Alexandrina illa seu Ægyptiaca editione ipsum etiam Testamentum Novum Arabicum Parisiani operis esse, liquet e præfatione in Psalterium Syriacum Gabr. Sionitæ, ubi totam Scripturam Arabice versam, quæ postmodum facta est pars Heptaplorum Parisiensium, dicit se habuisse ex antiquo codice in Ægypto descripto annis abhinc trecentis. Adde tandem quod habet Simonius Disquis. Critic. cap. xxvi, sub finem: *Placet nonnullis, Biblia Arabice versa ab Hispalensi Episcopo, cum Hispani Maurorum dominationi parebant.*

Translationes Arab. certorum librorum Bibl.

IV. Atque hætenus de translationibus Arabicis Scripturæ universæ. Præter has extant & aliæ quædam certorum librorum: cujusmodi est Pentateuchus Iudæorum Maurorum ab Erpenio editus, & alius Ibn-Sinæ; de quibus vide prolixius agentem Hottingerum Thesaur. Philol. lib. i, cap. iii, sect. ii. quales item sunt versiones Psalmorum ac Evangeliorum non unius generis, sed & Prophetarum omnium interpretatio præstantissima mscr. de quibus consule Waltonum loco laudato.

Versionum Arabic. auctoritas.

V. Quod ad auctoritatem Arabicarum translationum attinet, non multum iis moneri tribuendum.

Ri.

Richardus Simon, Histor. Critic. V. T. lib. ii, cap. xvi, & Disquis. Crit. cap. xxi, quod parum antiquæ sint & negligenter admodum adornatæ: quodq; ab Hebræo textu, imo a LXX etiam & aliis interpretationibus vetustioribus, innumeris in locis diffideant, variisque insuper aliis erroribus ac vitiis laborent. De quibus ipsum auctorem erudite differenter & exemplis etiam manifestis fidem assertionibus suis facientem, consule. Varias nihilominus earundem versionum utilitates enumerant C. Frassenius, Doctor Sorbonicus, Disquis. Biblic. lib. ii, cap. v, 12. quique ibi citantur auctores alii.

VI. Referenda etiam huc, quæ celeberrimi Ungnadii cura & sumptibus prodiit, versio Scripturæ Turcica. De qua sic illustri Thuanus, lib. xxxiix, ann. lxy: *Johannes Ungnadius Sonneckius, vir & natalium splendore & industria propria clarus, — cum incredibili propaganda religionis desiderio arderet, immensis quoque sumptibus Biblia sacra, & Theologorum aliquos scripsit, in linguam Turcicam & Croaticam converti, & ad gentes illarum linguarum peritas transferri curavit, laudabili sane, & digno quod ad posteritatem transmissatur, pietatis exemplo, quodque Principes, & qui majoribus opibus subnixi sunt, deinceps imitentur.* Novum Testamentum Turcicum Oxoniæ anno hujus seculi lxyi vulgatum est. Judæi quoque Taurici Turcica lingua Pentateuchum legere dicuntur.

Versio Scripturæ Turcica.

CAPUT. XIIII.

DE

VERSIONE ÆTHIOPICA.

*Tota Scriptura
S. Æthio-
pica versa
habetur.*

Dubitandum non est, ait Hottingerus Dissert. The-
ologico-Philol. III, 63. *versionem Æthiopes habere
in universa Biblia antiquam.* & Waltonus Proleg. ope-
ris Anglicani πολυγλωττου XV, 101. *Constat, apud Æthiopes
totam Scripturam lingua ipsorum, quam Chaldaam &
Gheez sive liberam vocant, esse descriptam. ac mox: To-
tam eos habere Scripturam tam Vet. quam Novi Testamenti,
satis exploratum & certum est: totamque sperabam me
in hisce Bibliis in lucem editurum, si promissis stetissent
qui exemplaria perfecta Æthiopica mihi promiserant. Ha-
buit doctissimus Gaulminus in Gallia universum Vet. Testa-
mentum Æthiopicum, quod ope D. Bigo, viri undique
doctissimi, consecutus essem, nisi quod exemplar ipsum, Se-
renissima Regina Snecorum commodatum, & in ipsius Bibli-
theca repositum, fortuito an fraude alicujus nescio, amis-
sum, haberi non poterat. Sed & de iisdem Æthiopibus
Franciscus Alvarez, qui ante seculum circiter Legato
Regis Lusitaniz Emanuelis in Æthiopiam eunti comes
aditus, ipsum sexennium apud eos commoratus est,
Historiz suae capite CLIX testatur, quod lingua Tegiana,
quæ Abassinorum dialectus, sacras Scripturas legant.
Adde inprimis, quæ Ἀἰθίοπες titulosq; librorum Bibli-
corum in codice Æthiopico accurate ob oculos ponit,
epistolam Jobi Ludolfi, apud Hottingerum in Biblio-
theca Orientali cap. VI, quæque de libris sacris Habessin-
orum idem Ludolfus tradit Historiz Æthiopice lib.*

III, cap. IV. ubi etiam, *De autore, inquit, & tempore versionis nihil certi compertum habeo. Probabile tamen est, eam tempore conversionis Habesinorum, vel paulo post, non vero tempore Apostolorum, ut quidam tradiderunt, concinnatam fuisse, & quidem a diversis interpretibus: quin vocabula variorum & difficiliora, ut sunt gemmarum nomina, non uno modo in diversis libris exponuntur. Quidquid hujus; sane jam Theodoriti & Chrysostomi tempore in lingua Æthiopica Scripturam fuisse lectam, docent quæ ex iisdem producimus tractatu de Lectione Scripturæ in linguis vulgo cognitis num. xc, seqq. edit. rec.*

II. Ceterum non extant typis edita Æthiopice nisi Psalterium, Canticum Canticorum, Novumque Testamentum. Et Psalterium quidem, antequam ab Anglis excuderetur, operisque *ᾠδὴ λατρίᾳ* pars fieret, bis prodijt, primo Romæ, anno seculi superioris xiii, iterumque Colonix anno xix. Quæ editiones quid distent inter se, & in quibus abeant ab exemplo Usserii mscr. patet ex variantium lectionum catalogo, qui, contextus ab Edm. Castello, habetur tomo vi Bibliorum Anglicanorum. Hottingerus, Dissert. Theologico-Philolog. iii, 64. observat, Æthiopicam hanc Psalmorum translationem fere semper exprimere versionem Græcam τῶν LXX, (quam etiam fuisse causam ait Waltonus Proleg. xv, 10. quod noluerint peculiarem ipsi dare interpretationem Latinam in opere suo Biblico Angli, sed sufficere putaverint eam quæ LXX-virali addita) interdum quoq; Syram; nec raro convenire cum Arabica: aliquando autem a reliquis versionibus omnibus recedere, non minus quam a textu

Quam Æthiopica typis edita extant.

Hebræo. Quæ ipsa etiam monet de Cantico. De Novo Testamento Æthiopico ita Waltonus, dicto loco: *Quod ad Nov. Test. attinet, mihi videtur ex Græco codice expressum esse, non ex Syro, quod autumant quidam. Nam qui Syrum cum Æthiopico conferet, plane percipiet magnum ubique inter eos discrimen, & sapissime a Syro Æthiopicum recedere tum verbis tum sensu. Hoc tamen notandum, in multis cum Syro convenire. & paulo post: Observandum, Versionem hanc textum satis fideliter plerumque reddere, verumque ejus sensum exprimere, obscura quoque loca illustrare; ita ut ex hujus cum antiquis collatione multum lucis textui oriri possit. Unde temeraria & injusta videtur Jos. Scaligeri de hac versione, quam vix satis intellexit, censura, cum scribis, pessima fide illorum libros traductos esse, & malâ fidem in Epistolis Pauli reperiri, in quibus vix tria commata continuare reperias, in quibus aut verba aut sensus Apostoli reddita. Quod, qui Epistolas diligenter contulerit cum versione nostra Latina, aliter se habere deprehendet. Interim certum, aliquando nimis longe a contextu originali Græco translationem isthanc abire. Id quod in suis variis lectionibus observat quoque Edmund. Castellus. Confer & Hottingerum supra citato loco. Ludolfus in ante laudata Historia, Novum Testamentum, ait, ex textu Græco authentico versum quidem habent Habeshini; sed nondum purum & integrum in Europam est invehitum. Romana etiam editio ex lacero & mutilo exemplari facta est, cujus lacunas Tesfa-Txeionus ex Græcis & Latinis exemplaribus explere coactus fuit. Hoc observaverunt viri quidam eruditi, sed causam ignorantes, putaverunt versionem Æthiopicam ex vulgata Latina factam fuisse Ludovi-*

dovicum de Azèvedo, Jesuitam Lusitanum, qui circa seculi hujus initium in Æthiopia egit, in Amaranum sermonem, qui Curialis ibi est, Novum Testamentum transtulisse, testatur in Bibliotheca Scriptorum Soc. Jesu Philippus Alegambe.

CAPUT XIX.

DE

VERSIONE PERSICA.

I.

PERsas jam olim habuisse Scripturas sacras in suam linguam conversas, docent Theodoriti & Chrysostomi testimonia, quæ damus ac vindicamus tractatu de Lectione Scripturæ in linguis vulgo cognitis num. xc, seqq. Vide etiam quæ hanc in rem habet C. Frassenius, Doctor Sorbonicus, Disquis. Bibl. lib. II, cap. v, §. IV. Ceterum quæ hodie nobis notæ translationes Persicæ, recentiores sunt. Videlicet Pentateuchum in idioma hoc ex Hebræo traduxit Jacobus Tavnosus, vel, ut alii vocant, Tavnusius, aut Tusius, (ab urbe Tus, ubi Academia celebris, sic nominatus) Iudæus: quem anno superioris seculi LI typis ediderunt Constantinopoli, sed charactere Hebræo, ipsius gentiles, Persicis autem literis exhibet Bibliorum Anglicanorum *πεντατεύχων* tomus IV. De translatione illa Waltonus Prolegom. xvi, 7. *Ex hujus paraphrasis cum aliis versionibus collatione multum utilis atque exurgere, facile perspiciet lector Christianus: cum textum Hebraicum plerumque feliciter exprimat, veramque lectionem locique sensum consensu suo corroborat.* Vaticinium Jacob

*Pentateuchus
Persicus*

de venturo Christo, cum sceptrum de Juda auferretur, de Messia plane explicat, non, ad mentem Rabbiorum quorundam, in alienos sensus detorquet: unde insolubile argumentum contra Judæos, ad probandum Messiam jam venisse, depromitur.

*Evangeliorum
Persica
translatio
gemina.*

11. Amplius extat Persico sermone Evangeliorum versio gemina; altera ex ipso originali Græco expressa, altera ex textu Syriaco. Prior edita est, auspiciis Abrah. Whelocki, Lingg. Arabica & Saxonica in Academia Cantabrigiensi Professoris, anno seculi hujus LVII. posterior, quod optima & antiquissima judicaretur, puta annis abhinc trecentis, ut in fine indicavit translator, confecta, inserta habetur tomo v operis Anglicani. De hac notat Hottingerus, Dissert. Theologico-Philol. III, 57. quod, etiamsi omnino ex Syriacis fluxerit rivulis, interdum tamen ab his non minus quam ab ipsis fontibus Græcis recedat: item, quod alicubi magnam observet vocum & phrasum, emphasin; nonnunquam liberior sit, & de suo multa addat, quæ nec in Græco, nec in Syriaco extent contextu; delectetur verborum æquipollentia pleonastica; mutet nomina appellativa in propria, ac vice versa; phrasisque Muhammedicas referat ad Christianismum. Quæ & similia prolixè ibi persequitur, variisque in medium allatis demonstrat exemplis, modo laudatus Hottingerus. Videantur etiam observationes & annotationes in textum Persicum Thomæ Gravii, tomo ultimo Bibliorum Angl. πολυγλωττων. Historiam porro CHRISTI Persico idiomate dedit Hieronymus Xaverius Jesuita, Francisci cognatus: quam Latine vertit, Animadversionibus additis, Ludovicus de

*Historia
Christi Persi-
ca Xaverii.*

de Dieu. Pura autem hæc Evangelii historia non est, sed petitis ex Eusebio, Nicephoro, libris Sibyllinis, & Legendis, quæ vocant, narrationibus, ipsiusque auctoris commentis, passim interpolata, ut ipsa operis inspectio plus satis docet.

III. Præter Pentateuchum & Evangelia, de quibus hætenus, extant etiam duæ distinctæ versiones Persicæ Psalterii; quarum una auctorem agnoscit Fratrem quendam Carmelitam in civitate Spahanensi, altera a Jesuitis nonnullis, ut libri indicat titulus, est profecta. De quibus hoc fert iudicium Waltonus, loco citato: *Pluribus erroribus & solacismis utraq; sciet: nec ex Hebræo fonte traducta, sed ex vulgata Latina, cujus vestigia exacte premunt.* Et sane eidem adhæserunt adeo religiose illi interpretes, ut, ridicule admodum, nos Latinum Psal. cxxxix, 15. acceperint, non pro *esse*, sed pro *ore*. Quem errorem tam crassum non commississent, si saltim Græcum consulissent codicem, vel consulere potuissent. *Talia siquidem lingue præcedentis (unde facta translatio) inspectione dijudicantur: nam in Græco non σῶμα, sed ὄσιον positum est;* scribit, de hoc ipso loco agens, Augustinus libro III de Doctrina Christiana cap. III. Confer Tract. nostrum de Lectione Scripturæ in linguis vulgo cognitis num. LXXII, & inprimis de Origine Christianismi ex Gentili-um sententia cap. XI, 20. edit. recent.

*Psalterii
Versio Persi-
ca eisdem
gemina.*

CAPUT XX.

DE

VERSIONE ARMENICA.

I.

*Armenica
Scriptura
Versio anon.
bullis Chry-
sostomo tri-
guisur,*

ETiam Armenos jam Theodoriti ætate Scripturas in sua lingua legisse, ex hujus constat testimonio, quod producimus in tract. de Lectione Scripturæ in linguis vulgo cognitis num. xcii; idemq; confirmatur ex Gregorio Syro, qui mentionem in Scholiis suis injicit non semel textus Armenici; uti observat, productisque exemplis monstrat Hottingerus Dissert. Theologico-Philol. III. 54. Nec desunt, qui ipsi Chrysostomo vetustam illam translationem Armenicam tribuant. Ita Sixtus Senensis, libro vi Bibliothecæ sanctæ, annot. CLII, *E priscis*, inquit, *Ecclesia Patribus*, ut plerique Ecclesiastici scriptores testantur, Chrysostomus Novum Testamentum & Davidicos Psalmos in linguam Armenicam transtulit. Similiter libro vi scribit: *Extat translatio utriusq; Testamenti in linguam Armenicam, qua nunc Armeni utuntur, Chrysostomi, ut ipsi credunt, industria & sollicitudine edita. Meminit hujus translationis Gregorius, Patriarcha Alexandrinus, in vita Chrysostomi, referens, eum, cum in Cucusum, Armenia oppidum, exiret, incolas ejus regionis ad CHRISTUM perduxisse, ac subinde curasse, ut Psalmi Davidis, una cum sanctis Evangelii atque alius Veteris Instrumenti historiis, Armenice verterentur, quo facilius divina Scriptura cognitionem gentes provincia illius obtinerent.* Vide etiam quæ de hac Chrysostomi versione habent Petrus Galefinius Commentar. de Græcis LXXII Bibliis, Ioh. Azor par-

tē i Institut. Moral. lib. iix, cap. xxvi, Angelus Rocha in sua Bibliotheca Vaticana pag. 157. Andr. Schottus, in catalogo Interpretum Scripturæ, & Anglo-Rhemenses, præfati in suas ad Nov. Testamentum annotationes.

II. Ipsi interim Armeni, ceu liquet ex Historia Armen. Eccles. annis abhinc aliquot Armenice & Latine edita, cap. II, ut gentis suæ conversionem, ita etiam Scripturæ, qua utuntur, traductionem, ad Georgium, primum suum Patriarcham, referunt. At Rich. Simon, Histor. Crit. lib. II, cap. xvi, & Disquis. Crit. cap. xxi, a quodam Armeniæ Episcopo Uscam accepisse sememorat, quod Moſis, Grammatici dicti, & Davidis Philosophi, virorum apud Armenos Græcæ linguæ peritissimorum, eorumq; Chrysostomo *εὐχέλων*, industria, secundum LXX Armenica versio concinnata sit. Qui ipse etiam Uscam, Jacobi, Armenorum Patriarchæ, jussu, Amstelodami, anno clc lbc LXIV, Armenica Biblia typis exscribi curavit.

ab aliis Georgio, primo Armen. Patriarcha, aut Moſi & Davidis scribitur;

III. Quod ad Msc. attinet, meminit Bibliorum Armenicorum Bibliothecæ Vaticanæ Athan. Kircherus, Prodrumi Copti cap. v. & Waltonus Dissert. de Linguis Orientalibus num. LXXXV, *Quatuor, inquit, Evangelia ipse habeo ex Oriente allata; & in aliis Bibliothecis privatis quorundam virorum doctorum eadem versio tota habetur. — In Bibliotheca Oxoniensi asservantur Psalterii Armenorum exemplaria tria antiqua, tribus voluminibus descripta. Confer eundem Proleg. Bibl. 7, 6.*

Msc. Bibl. Arm.

CAPUT XXI.

DE

VERSIONE ÆGYPTIACA S. COPTA.

I.

*Ægyptii jam
inde ab anti-
quo in sua
lingua Scri-
pturam ha-
buerunt.*

SED & Ægyptios antiquissimis jam temporibus Scri-
pturas idioma te legisse vernaculo, iterum ignora-
re nos non sinunt aliquoties jam memorata Theodo-
riti & Chrysostomi loca, quæ damus tract. de Lectio-
ne Scripturæ in linguis vulgo cognitis num. xcii, seqq.
Testaturque Athan. Kircherus Prodomi sui Copti ca-
pite ix, habere Ægyptios hodie etiamnum sua lingua
exaratos omnes cum Veteris tum Novi Testamenti
Codices, quos traductos existimat annis abhinc cccc.
Verba ejus: *Quantum de Martyrologio Coptico, quod A-
rabice scriptum in Maronitarum collegio conservatur, col-
ligere licuit, ea translatio facta est abhinc mille circiter
& trecentis annis, quo tempore, teste Nicephoro, studium
sacrarum literarum in Thebaide, & per totam passim Æ-
gyptum, maxime florebat: quod & dictum Martyrologi-
um in prima prolusione mensis Thoth apertè dicit, praci-
pua Monachorum ejus temporis occupationem fuisse,
sacra Biblia de Græca, Chaldaica, & Hebraica, in linguam
ipsis propriam, Coptam nimirum, transferre: quæ proso-
typa deinde succedentibus seculis alii & alii identidem de-
scribentes, numerum librorum pro multis udine canobio-
rum monachorumque in immensum auxerunt.*

*Quinam li-
bri Bibliæ
Copt. hodie
exsunt.*

II. Idem Kircherus ibidem paulo post catalo-
gum exhibet librorum Coptorum seu Ægyptiorum,
qui hoc tempore in Bibliotheca Vaticana conservan-
tur; unde patet, reperiri ibi dicto idiomate Pentateu-
chum

chum Mosis, Psalterium Davidis, iv Evangelia, Acta Apostolorum, Epistolas xiv Paulinas cum tribus Canonis, Apocalypsin Johannis. Similiter Hottingerus refert, Biblioth. Oriental. cap. v, habere se Codicem msc. Arabico-Copticum, quo vel uno abunde probari possit, Coptos Scripturam in linguam suam transtulisse. Eum nempe exhibere, inter alia varia, Analysin Psalterii, Cantic. Mosis, iv Evangeliorum, Actorum, Epistolarum Apostolicarum omnium, excepta illa quæ ad Ephesios scripta, denique etiam Apocalypseos. Joh. Morinus, epistola quæ inter Dissertationes Epistolicas de Ecclesiæ Or. antiquitatibus est xiii, *Sunt, ait, in Bibliotheca nostra (Parisiensi) quatuor Evangelia lingua Coptica eleganter atque ab antiquo descripta: quæ R. Pater de Sancy Constantinopoli Lusetiæ attulit.* Etiam nostras Theodorus Petrus, inter alia Æthiopica Psalterium Copticum ex Oriente in Europam invexit. Sed & Augustinus Nebiensis ad Psal. lxxxiv & xiv, versionis meminit Psalmorum Ægyptiacæ. imo occurrit quoque crebrius ejus mentio in scholiis Gregorii Syri. Confer præterea Thomæ Marechal. li Observationes in versionem Evangeliorum Gothicam §. l.

CAPUT XXII

DE

VERSIONE ITALICA.

I.

Utriusque Instrumenti divina volumina primus omnium in Italicam linguam summa fide ac diligentia, transfudit, Sixto Senensi teste Bibliotheca sanctæ li-

*Translatio
italica Jac.
de' Aragi-
no a Sixto
Sen. com-
mendata.*

ringento li-
vris Posses-
sione

bro IV, Jacobus de Varagine, Archiepiscopus Genuensis, ord. Prædicatorum, vir, ut idem Sixtus scribit, *multæ variaque lectionis, propria lingua mire facundus, & in sacris declamationibus omnium opinione celebris; historiarum quoque non consemnendus scriptor, & Augustini voluminum ita studiosus, ut ea pene omnia memoria teneret.* Quod iudicium fugillans, in Apparatu suo sacro, verb. *Biblia*, p. m. 225. Anton. Possevinus, Nec vero, inquit, uni Sixto Senensi ita fides habenda, ut credamus, Jacobi de Varagine versionem nulla egere animadversione, quippe cui nec lingua politoris Italica, neque historiarum, quas idem affert de viris sanctis, notissia defuerit (sic enim haud dubie legi debet quod perperam sensuque nullo typis heic expressum) quin in Martyrologiis, & Annalibus Ecclesiasticis, sive huiusmodi aliis perlegendis, qua deinceps Ecclesia Catholica iussu ac pietate prodierunt ad omnium usum, rectius ponendum sit tempus. Nempe ingenium sapit viri Romano more Catholici, quæ Ecclesiæ, recentioris etiam, auctoritate ac iussu prodierunt, ridiculis non raro absurdisque fabulis permixta, iis præferre, quæ ipsius Dei mandato & ex afflatu ejus infallibili in literas relata, omnibusq; legenda divinitus proposita & commendata, Deut. vi. 6. xi. 19. Ps. l. 2. Joh. v. 39. II Tim. iii. 15.

laudata in
rem Abb. de
Marolles,

II. Quanto rectius cetera Possentino quidem & ille Abbas Gallicus, Michaël de Marolles, præfatus in suam N. T. metaphrasin vernaculam, quod omnino liceat & expedit in linguis etiam vulgo cognitis Scripturam sacram legere, inter cetera, quibus ad id ostendendum utitur, argumenta, hujus quoque ipsius ita-

Italicæ translationis exemplo probat : quam Venetiis prodiisse dicit anno clb cccc lxxvii, sub Sixto iv, & Andrea Vendramino, Venetorum Duce. conformiter scilicet iis, quæ Rivetus notat, Itag. cap. xiii, 4. Habeo, inquit, exemplar Bibliorum Italicorum, editum Venetiis anno 1477. apud Gabrielem de Peiro Trevisanum, regnante (us ait) Sixto iv Pont. Max. & Andrea Vendramino, incliso Duce Veneto. Quæ fortasse versio est, quam Jacobus de Varagine, Genuensis Archiepiscopus, ante annos trecentos adornavit.

iii. Antiquissimam hanc versionem Italicam excepit, anno superioris seculi xxx, Antonii Brucciolii translatio, secundum originale textum adornata quidem, sed ita, ut, cum Hebrææ linguæ non satis gnarus forte esset ipsemet, Pagnini vestigia religiosius presserit quam par erat, ne ab erroribus quidem ejus & lapsibus sibi cavens. Notatu vero dignum, cum diversæ hujus versionis editiones extent, ei quæ anno xl publicata, epistolam præmitti ad Renatam Ferrariæ Principem, qua pro Bibliorum in linguas vulgares translationibus, earumque usu, non minus ac supra memoratus Abbas de Môrelles, operose auctor disputat.

*Versio Italicæ
Brucciolii,*

iv. Sequuta est anno clb lb xli Nicolai Malermii, Abbatis monasterii S. Michaelis de Lerno, Italica Scripturæ traductio, sed ex Vulgata Latina expressa.

Malermii,

v. Palmam vero ceteris Italicis præripit Johannis Diodati Genevæ publicata translatio : quam ipse Richardus Simon, licet Genevensibus parum æquus, in multis feliciter & egregie vertisse, & præ omnibus alijs Interpretibus perspicue sensum reddere agnoscit, Hist.

Diodati.

Critic. lib. II, cap. XXIV; ubi tamen etiam, quid in illa desideret, nullo modo dissimulat.

CAPUT XXIII.

DE

VERSIONE GALLICA.

I.

Versio Scriptura Gallica Waldensium.

Vetustissima Bibliorum ex Latino translatio Gallica videtur esse, qua Waldenses usi, postquam dispersa a Romanis sacra sequi coeperunt. Nec de eo dubitandum, si ipsum Waldum versio illa auctorem habet, quod in Catalogo Testium veritatis cap. xv Matthias Flacius tradit, Ipse, inquit, non suas aliquas regulas, sedque capitulis: somnia dictare, sed sacras literas cum explicando declarare, tum in vulgarem Gallicam linguam transferre. Fuit enim homo doctus, ut ex vetustis membranis cognosco, & non curavit sibi ab aliis verti, ut quidam veritatis inimici mentiuntur. Cuiusmodi videlicet est Angelus Roccha a Camarino, qui in Bibliotheca sua Vaticana, de picta generalis Concilii Lateranensis imagine, deque damnato in eodem cum ascleis Waldo, seu, ut ipse appellat, Waldone, agens, Quosdam, inquit, libros vulgari maternaque lingua, cum idiota esset, sanctorum dictis ac testimoniiis extortis, sibi conscribi curavit. Quidquid huius, sane primos statim Waldenses vernaculo suo, id est, Gallico idiomate sacra Biblia legisse, ex Innocentii III ad Merenses epistola constat, & ex Reineri Sachoni Placentini, seculi xiv scriptoris, libri contra Waldenses capite iv; ubi inter ceteras, quas recenset hæreseos illius, ut ipse vocat, causas, tertio loco hanc

po-

ponit, quod *Novum & Vetus Testamentum vulgariter transtulerint*. Imo fuisse penes se translationis hujus Biblicæ exemplum, testatur in sua Vallium Alpinarum Historia Joannes Leger: quemadmodum & in Provincia hodieque reperiri MSS. Bibliorum vernacula, quæ Waldensibus originem debere videantur, Simonius annotat. *Histor. Critic. lib. II, cap. XXIII, & Disquis. Crit. cap. XXIV.*

II. Posthac apud Gallos concinnavit vernaculo *G. Molinæ* sermone Scripturarum versionem, itidem secundum Latinam vulgatam, Guiars des Moulins, s. Guiartus Molinæus, Presbyter & Canonicus in diocesi Tornacensi, anno dñi ccc xciv. Quam *Caroli octavi jussu primum, & aliorum subinde cura, praelo commissam fuisse* scribit Huetius de Interpretatione libro II, 12. At contra nunquam publice editam esse hanc translationem; exemplar autem illius in Genevensi bibliotheca asservari, & alterum Parisiis in museo Henrici Justelli, Simonius testis est *Historiæ Critic. lib. II, cap. XXII, XXIV, libri III appendice pag. 142. & Disquis. Crit. cap. XXIV.*

III. Porro seculo sequenti, Nicolaus Oresmus, *Oresmi*, sive, ut alii nomen ejus exprimunt, Oremus, Decanus primum Rhotomagiensis, Lexoviensis deinde Episcopus, aliam edidit, similiter ex Latino textu, Scripturæ sacræ translationem Gallicam: quam in quibusdam Franciæ Bibliothecis extare, & cujus aliquot manu exarata fragmenta penes se habuisse Carolum Molinæum, Simonius tradit *Disquis. Critic. loco paulo ante laudato. quemadmodum & Rivetus ait Isagog. cap. XIII; Huius translationis exemplaria multa manuscripta in*

Gal-

Gallia reperiuntur; quorum duo memini me vidisse elegantissimam, auro, minio, & lasurio, sive cœruleo colore, curiosissime illustrata, in bibliotheca Talliburgi, & insula Buchardi, ditionis Illustriss. Ducis Tremolliani. ac Chamier Panstrat. Cathol. Tom. I, lib. XI, cap. V, II. Hanc editionem memini videre eleganter descriptam in membranis. deniq; & Mornayus in Mysterio Iniquitatis, sub annum clb ccc LXIII: Huius exemplaria in illustrium regni Galliarum familiarum bibliothecis adhuc reperiuntur. In Regia ipsa unum inprimis, in quo Caroli ipsius manu testaturum, hac Biblia suo iussu translata. Nimirum Caroli V, sive Sapientis, Galliarum Regis, auctoritate opus illud adornatum est, indeque Biblia Caroli Quinti id vulgo dictum, ipsumque hunc Principem ejus auctorem habitum fuisse, Huetius loco supra citato memorat. Qui etiam de hac aliisque Oresmi translationibus tale ibi fert iudicium: *Plurima veterum scripta Gallice Oresmus vertit: sed fontibus, quorum aditum, propter linguarum imperitiam, sibi praeclusum sentiebat, relictis, e Latinis interpretationes suas lacunis ita derivavit, ut quae forte fœdatis essent errioribus, non modo eas non purgaret, sed novis etiam, ut fere fit, accessionibus passim inquinaret. Quod si atatem tamen, qua vixit, respexerimus, tantum in his tenebris eum vidisse, tantamque in interpretando temperantiam adhibuisse mirabimur, nedum severe hunc & consumeliose habeamus. Et vidit sane acute adeo in spissis istis tenebris Oretaus, ut etiam Pontificem Romanum Antichristum esse perspexerit. Quo de consulantur qui illorum temporum historiam consignarunt. Videatur amplius de his Oretmianis Bibliis C. Fraassenius, Doctor Sor-*

Sorbonicus, Disquis. Biblic. lib. II, cap. IIX, §. II, pag. 416. ubi præterea, *Habemus etiam*, ait, *in Bibliotheca nostra historicos, sacros libros una cum Psalterio, Gallice elaboratos ad usum filia S. Ludovici Regis.*

IV. Superiori seculo Biblia prodierunt Gallica, Caroli V Cæsaris privilegio munita, primum quidem Lugduni, post Antverpiæ. De quorum γνησιότητι licet dubitari posse scribat Richardus Simon, Histor. Critic. lib. II, cap. XXII, & Disquis. Crit. cap. XXIV, quod annus editionis cum his, quæ in privilegio habentur, nequaquam concordet: dici quippe ibi, annum quo prodiiit versio ista, excusa Antverpiæ, typis Martini. L' Empereur, anno clb lxxx, primum esse imperii Caroli V; qui tamen anno XIX ad dignitatem illam sit effectus; quodq; in eodem privilegio fidei Inquisitorum fiat mentio; cujusmodi illo tempore in Flandria nulli fuerint: subjungit tamen mox, tanti hæc non esse, ut merito translationem isthanc suspectam faciant: forte enim errorem aliquem in privilegii verba irrisisse; idque probari posse ex publicata anno XLI ejusdem versionis editione, cui aliter conceptum Caroli privilegium præfigatur. Ita, inquam, Simonius. Cujus dubia hinc enata, quod existimavit, nec ante annum XXX, nec alibi quam Antverpiæ, typis excusa esse Gallicana isthæc Biblia; quorum tamen jam anno XXI, idque Lugduni, publicata editio Andreæ Riveto innouit; uti in ejus Ilagoge ad Scripturam S. cap. XIII, 4. videre est.

*Lugdunensis
cum Caroli
privilegio,*

V. Omnium vero celeberrima, earum quidem, quæ ex vulgatæ Latinæ textu traductæ, interpretatio Gallica est Theologorum Lovaniensium: quæ a variis

Lovaniensis;

*Conf. Trad.
nr. de lectio-
ne Script. in
lingg. Guig-
num. 6.*

sæpius emendata multoties prodiit; & de cujus origine sic scribit Richardus Simon, Dilquis. Critic. cap. xxiv: *Id operis non ob alias rationes aggressi sunt Theologi illi, quam ut homines plebejos & inrudis a Bibli-*

orum Genevensium, quæ tunc pluris fiebant, lectione averserent. Similibus quoque adductos se fuisse restantur

*Genevensis
Olevitani,*

vi. Ubi quod ad Biblia attinet Genevensia, sunt illa prima, quæ ex ipsis fontibus, Hebræo videlicet & Græco textu, idiomate Gallico expressa, idque a Roberto Olevitano, anno clb lb xxxv. Cujus versionem postea revidit, in multis castigavit, Gallicamque magis & intellectu faciliorem reddidit, ejus propinquus, Iohannes Calvinus. Quamquam nec in liujus judicio & industria penitus acquiescentes Genevenses, Corneli Bertrami, Hebraicorum ibi Professoris doctissimi, a Beza, Fajo, Rotano, Jaquemartio, & Goulartio, adjuti, opera, anno clb lb lxxxix de novo recognita publicaverunt Gallicana Olevitani Biblia. In quibus nihil immutatum posthac, nisi quod in subsequutis eorum editionibus novis, obsoleta vocabula cum usitatioribus subinde permutata.

*recognita a
Calvino.
&
Bertramo.*

Maresii,

vii. Et quamquam novum videri possit opus Biblicum, quod typis Elzeviriorum nitidissimis in splendida papyro apud Batavos Samuelis Maresii cura prodiit, revera tamen nec illud a Genevensi diversum est, quantum ad textum attinet: cui suas ac Iohannis Diodati (qui & ipse Scripturas in Gallicum transfudit sermonem) Notas auctor addidit.

Diodati,

ix. Similiter non alia est a Genevensi translatio, quam anno clb lb LVII Lugduni Iohannes de ^{Lugdunensis} Tour- ^{Jo. de Tour-} neres, ^{ner,} publicavit. Quæ enim in illa mutantur, per pauca sunt, eoque solum tendunt, ne esse videatur, qualis tamen reapse est, Genevensis scholæ partus hæc interpretatio. Quo fine etiam ut in Vulgata Latina, libri sacri in editione ista distribuuntur, nec alias ibi quam Hieronymianas præfationes legimus.

ix. Eadem dissimulatione usus est Parisiensis ^{Renati Be-} ille Doctor Rhenatus Benedictus, quamquam alio con- ^{medi,} silio. Nempe cum vidisset is homo (verba damus Richardi di Simonis, Histor Critic. lib. II, cap. xxv) novam Logica Aristotelica versionem valde probatam fuisse, etsi prorsus lingua Græca ejus author imperitus esset; pariter Gallicam versionem juxta Hebraum & Græcum, etsi neutrius lingua peritum se libens ipse confiteatur, procurrere aggreditur. Quo rem facilius perficeret, Genevensem accipit versionem, quibusdam vocibus immutatis, & synonymis suffectis. Infeliciter vero accidit, ut, cum folia jam impressa cum suis ipsius emendationibus Typographis traderes, non exacte admodum ista emendationes excusa fuerint. Quocirca Theologi Parisienses, inventa in iis Coenæ voce, & quibusdam aliis similibus Genevæ prognatis, palam hanc versionem condemnarunt, ut ut nomine unius e Collegis ipsorum insignitam. At ultro crimen illud author confessus est. Hæc Simonius. Quo paulo verecundior Anton. Possevinus, auctoris nomini parcens, ejusque excusaturus plagium, rem eandem ita narrat in Apparatu sacro, verbo, Biblia, pag. 225. Calviniani cum a Calvino, Magistro suo, Bibliam Gallicam linguam potius transversa quam

*conversa acceperant, occasionem praeuere curiosis ingen-
is, ac praecipue plerisque Nobilibus, ut ea perlegerent.
At cum haeticam versionem Catholici desiderarent, fu-
it qui alteri versioni manum admoit. Quamcum in-
choatam neque vero absolutam prae Typographi subjecis-
sent, dum opera folia urgebant, factum est, ut ex Calvi-
niana versione plura extemporarie multis in locis desum-
pta fuerint, & ita euulgata. Quare non ita multo post
agnita mendis atque erroribus grauissimis reſerta, a Sor-
bonica Schola unanimi sunt condemnata.*

Castalionis.

x. Superest Sebastiani Castalionis Gallica Bi-
bliorum versio. De qua Huetius, sub finem operis
de Interpretatione : *Omniū non ludibrio solum &
cachinnis, sed contentioni etiam, sese propinauit Seba-
stianus Castalio, quum grave & serium conuertenda Scri-
ptura molitus opus, sermonis intemperiem, quam in La-
tina interpretatione comparanda ineptissime exeraerat,
in Gallica etiam insolentius explicauit. & Simonius
Historiae Crit. lib. II, cap. XXV : Sebastianus Castellio
sive Castalio, de quo nos supra, Gallicam quoque Biblio-
rum editionem confecit, Henrico II Francorum Regi di-
catam. Cum sua Latina versionis Gallica hac interpre-
tatio mera sit, crambem non recoquemus. Iisdem vitis,
quibus Latina, scatur. Affectata elegantia ubique se re-
um facit. Nova & insolentia vocabula usurpat, et-
iam fingit. Vide supracap. XV, 12.*

CAPUT XXIV.

DE

VERSIONE HISPANICA.

I.

Antiquissima, quam editam legimus, 'translatio *Hispanica*
Bibliorum Hispanica est, quæ tempore Vincen- *Scriptura*
tii Ferrerii, Dominicani, id est, circa initium seculi *versio f. 19.*
xv, in folio charta Regali prodiit; ceu testatur, præfa-
tus in suam versionem Hispanicam, Cyprianus de Va-
lere, *La Biblia*, inquit, *en lengua Valenciana con li-*
cencia de los Inquisidores à cuya translacion asisto S. Vin-
cente Ferrer.

II. Posthac, anno clb lb LIII, Judæorum ex Hæ- *Versio Juda-*
bræo traducta interpretatio Hispanica, Ferrariæ pro- *orum,*
diit, scabra admodum & inepte supersticiosa. Præter
quam Judæos Hispanos in Oriente profugos aliam
partis Bibliorum versionem habere, Simonius tradit in
Catalogo qui libro III Historiæ ejus Criticæ subjunctus.

III. Ferrariensem, quam diximus, sed inprimis *de Reyna;*
Pagnini, sequutus translationem, ut in præfatione
monet, Cassiodorus de Reyna, aliam adornavit, duo-
decim annorum spatio, Bibliorum versionem, quæ Ba-
sileæ vulgata anno clb lb Lxix.

IV. Hanc excepit Cypriani de Valere editio: *de Valeri;*
quæ tamen non tam nova translatio est, quam Rey-
nianæ, alicubi, ex Genevensi præsertim Gallica, muta-
ta & emendata, repetitio.

V. Extat præterea Novi Testamenti anno clb lb
XLII per Franciscum de Enzinas, & alia anno clb lb LVI
per Johannem Perez excusa interpretatio Hispanica. *N. T. Hisp.*

CAPUT XXV.
DE
VERSIONE GERMANICA.

I.

*Versio Scri-
ptura Ger-
man. sac. 9.*

Germanicam Bibliorum translationem a Caroli M. tempore repetendam censet Hottingerus in Bibliothecario suo, Biblioth. Theol. lib. 1, cap. 111, De Carolo ipso, inquit, authores fide digni referunt, eius sive cura sive opera N. T. in linguam Germanicam fuisse translatum. Et certe, sive spectemus ejusdem per Paulum Diaconum collectos textus ἐκκλησιας, circulari anni cursu absolvendos, sive Capitulare eius Saxonicum, & in eo de Verbo Dei audiendo singulis diebus Solis strictum mandatum, a vero non abhorres, jam tunc tempore Germanos sua lingua, vel totam Scripturam, vel certa ejus memata legisse. praesertim cum constet, quod asservata fuerint in Bibliothecis Psalteriorum Davidis exemplaria, quibus vel sola styli ratio antiquitatem tribuit. Ita Hottingerus, qui mox de translato circa annum 1000 Psalterio, quod in cœnobio D. Galli extet, Gesneri testimonium laudat, inque Bibliotheca etiam Tigurina ex Psalterio depromptum vetustæ Germanorum linguæ specimen haberi ait; sed & de Beato Rhenano refert, quod Valdoni Episcopo Frisingensi circa annum Christi 1000 translationem Evangeliorum vendicer.

*Caroli M.
circa Scri-
ptura iuxta
& expositio-
nem curat;*

II. Ubi vellem nominasset vir doctissimus auctores illos, a quibus, quod Caroli M. sive cura sive opera Novum Testamentum in linguam Germanicam trans-

translatum, referri dicit. Equidem de Caroli circa Vulgatam Latinam recognoscendam sollicitudine ita, ex Capitularibus & mscr. codice, Baronius, ad ann. 15 cc LXXIX, 22. *Carolo Magno debemus ingens opus illud ab Alcuino sive Albino elaboratum, quo totius divina Scriptura, tam Veteris quam Novi Testamenti, Vulgata editio emendata est. Acciderat enim, ut ipsa multiplicium librariorum exscribentium vitio mendis obsita iam vilesceret: quod periniquo animo ferens Carolus, ut quam emendatissima ederetur, in pristinamque vendicaretur integritatem atque splendorem, studio propensiori curavit. Similiter, quod quas uor Evangelistas idem cum Græcis & Syris optime correxeris, apud Andr. du Chesne Tom. II Theganus testis est. Sed de curata ipsius auspiciis versione Bibliorum Germanica nihil ibi habetur.*

III. Textus porro Biblicos ἱεροκλήεις, sive certas illas singulis Dominicis ex Evangelistarum & Apostolorum scriptis adsignatas lectiones, Caroli jussu per Paulum Diaconum delectas fuisse, vulgaris quidem opinio est. At si Sigebertum audimus Gemblacensem, non tam ipsi Scripturæ sacræ textus, quam, quibus illi exponerentur, Doctorum veterum homiliae, Caroli auctoritate sunt selectæ. Ita enim, quem dixi, Sigebertus ad ann. 15 cc VII: *Carolus imperator per manum Pauli (Warnefridi) Diaconi sui, decerpens optima quaque de scriptis Catholicorum Patrum, lectiones unicuique festivitati convenientes per circulum anni in Ecclesia legendas compilari fecit. Gemina habet Sixtus Senensis, Bibliothecæ suæ libro IV, nisi quod in Alcuinum confert operam, quam Sigebertus Paulo tribuit,*

Homilia Patrum in textum Scripturæ ἱεροκλήεις Caroli jussu ordinata.

Albinus Flaccus, inquit, cognomento Alcuinus, Monachus, Diaconus, & Abbas monasterii S. Martini Turonensis, natione Anglicus, Bedæ Presbyteri auditor, vir in omni scientiarum genere suo tempore celebratissimus, & Caroli Magni Augusti Præceptor, — collegis & in ordinem rededit, jussu Caroli Magni, præstantissimorum ecclesiæ Doctorem homilias in Evangelia, quæ per anni ambitum publice in templis leguntur: videlicet, ut mox sequitur, aliquot Augustini, Hieronymi, Ambrosii, Hilarii, Fulgentii, Origenis, Maximi, Chrysostomi, Severiani, Leonis, Gregorii, Bedæ, Isidori; omnes numero CCIX.

Caroli aucto prælecta fuerunt lingua Germanica in conventibus Ecclesiasticis homilia sacra.

IV. Constat interim ex his ipsis modo productis testimoniis, jam tum Caroli ævo certas pericopas Biblicas, quibus videlicet dictæ istæ Patrum homiliæ aptatæ, statim temporibus publice in conventibus Ecclesiasticis fuisse prælectas. Idque lingua factum esse cuius genti vernacula, res ipsa loquitur. & de Germanico speciatim idiomate testari potest celebratum Caroli jussu, anno MCCXIII, Concilium Turonense in cuius can. XVII hæc leguntur: *Visum est unanimisati nostræ, ut quilibet Episcopus habeat homilias, continentes necessarias admonitiones, quibus subiecti erudiantur. — & ut easdem homilias quisque aperte transferre studeat in rusticam Romanam linguam (Gallicam) aut Theotiscam (Germanicam) quo facilius possint cuncti intelligere quæ dicuntur.*

Tota Scriptura Germanico redacta sub Ludovico Pio.

V. De universo utriusque Instrumenti codice in Germanicum sermonem Ludovici Pii cura traducto testimonium hoc extat illustre præfationis ejusdem in librum antiquum Saxonica lingua scriptum, apud

apud Andr. du Chesne, Tom. II, 326. Cum divinorum librorum solummodo literati atque eruditi prius notitiam haberent, eius (Ludovici) studio, atque imperii tempore, sed Dei omnipotentia atque inchoantia, mirabiliter actum est nuper, ut cunctus populus sua ditioni subditus, Theudisca loquens lingua, eiusdem divina lectionis nihilominus notionem acceperis. Præcepit namque cuidam, uni de gente Saxonum, qui apud suos non ignobilis Vates habebatur, ut Vetus ac Novum Testamentum in Germanicam linguam Poëtice transferre studeret: quatenus non solum literatis, verum etiam illiteratis, sacra divinorum præceptorum lectio panderetur. Nimirum, ut alias Rhythmico dicendi genere majores nostros delectatos fuisse constat; sic in translatione etiam Biblica eodem fuerunt usi. Exhibetque rhythmicarum ejusmodi versionum specimina quædam satis curiosa loco supra laudato Hottingerus. Porro huc refer, quod Johannes Hussus, in edita clō ccccxi contra Joannem Stokes pro Wiclefo Replica, apud Angliæ Reginam Teutonica lingua Evangelium eo tempore extitisse, indicium faciat.

*Versio Ger-
man. 1441.*

vi. Ad Hottingerum vero ut revertamur, is amplius dicto loco, *Antiquissimam*, inquit, *typis excusam editionem, & qua non multo post inventum subsidium chalcographicum prodijt, vidi anno huius seculi 57. in Bibliotheca Augusta publica. Adscriptam, ni fallor, Epocham habet 1448. qua in aliis raro observatur exemplaribus.* Ubi fateor statim dubitasse me, quando hæc legi, an recte rem observaverit Hottingerus, præsertim cum nec ipsemet suæ satis heic fidat memoriæ. Tamen enim errat Erasmus Schmidius, quando in-

*De Bibliis
Germ. qua
1448 & 1491
excusa di-
cuntur, quid
habendum,*

Notis ad Matth. 1, 1. anno demum clōcccc lxxv primum
 librum typis excusum fuisse refert, Officia scilicet &
 Paradoxa Ciceronis, (extat quippe in ipsa Kiloniensi
 nostra Bibliotheca Academica opus Grammaticum in
 fol. sub titulo : *Summa, quæ vocatur Catholicon*, edita
 a fratre Johanne de Janua, Ordinis fratr. Prædicatorum;
 in cujus fine ista leguntur: *Altissimi præsidio, cuius
 nutu infantium lingua fiunt diserta. Quique sæpe
 parvulis revelat quod sapientibus celat. Hic liber egre-
 gius, Catholicon, Dominica incarnationis annis clōcccc
 lx alma in urbe Maguntina nationis inclita Germanica,
 Quam Deiclementia tam alto ingenii lumine donoque
 gratuito ceteris terrarum nationibus præferre illustrareq.
 dignatus est, non calami, stili, aut penne suffragio, sed
 mira patronarum formarumque concordia præporcione
 & modulo impressus atque confectus est. quod tamen
 jam anno clōcccc xliix libri excudi cœperint Germa-
 nici, difficile creditu mihi videbatur: cum Angelus
 Roccha, in sua Bibliotheca Vaticana, primum typis
 impressum librum, Donati scilicet Grammatici opus,
 ex officina Johannis Faustj, civis Moguntini, artis Ty-
 pographicæ inventoris, anno demum clōcccc l prod-
 iisse, notabili admodum Mariangeli Accursij testi-
 monio confirmet. Nec mea me fefellit suspicio, me-
 moria lapsum heic esse Hottingerum: siquidem ex a-
 mico, qui sæpe in manibus habuisse se Augustanum:
 illum Codicem affirmat, anno demum clōcccc lxxx,
 idque Augustæ, eundem impressum esse rescivi. Et
 quis credat, obsecro, quod in Analectis suis Historico-
 Theologicis, dissert. II, 16. idem Hottingerus ex Mi-
 chaele de Marolles refert, ante natum Lutherum ver-*

tionem Bibliorum Germanicam ann. Chr. 1433. per Antonium Kobergerum publici juris factam esse? Sane si de typis publicata editione intelligi id debet, (uti vix dubito, qui Ant. Kobergerum Typographum fuisse scio Norimbergensem, e cujus officina anno clb cccc lxxv Biblia prodierunt mihi visa editionis vulgatæ) perspicue falsum est. Artis enim Typographicæ primam inventionem, aut certe detectionem, in annum clb cccc xl communi consensu auctores referunt. Errorem igitur subesse heic puto chalcographicum.

vii. Porro Hottingerus, supra citato Bibliothecarii loco, *Est & versio Germanica*, scribit, *cujus partem inde ab Esaia ad finem usque N.T. nuper amicus mecum communicavit, manu Sacellani cuiusdam, Nicolai Brakmii, ann. Chr. 1472. exarata.* Pergit: *Habeo quidem ad manum Codicem ἀντιγραφήν, quem nonnemo ann. Chr. 1457. impressum conjectat.* Ita sua ad Cod. observavit manu Joh. Jac. Huldricus, Theologus Tigurinus. Memorat præterea editiones Bibliorum German. Norimbergenses ann. clb cccc lxxvii & lxxxiii, nec non aliam anno clb lb xliix vulgatam: Augustanam videlicet illam haud dubie, cujus & alii auctores mentionem faciunt, Præter quas ego vidi & legi translationem Germanicam clb cccc lxxxvii Augustæ excusam, unde supra cap. xii, 42. xiv, 22. 33. quædam sunt recitata: uti ex ceteris ante laudatis versionibus specimina producunt Hottingerus loco proxime expresso, Calovius Bibliorum Illustratorum Præloq. num. xiv. Pfeifferus Critic. sacr. cap. xiii, sect. ii, quæst. 1.

ix. Provocat præterea ad translationem Psalterii Germanicam vetustam Michael Beringerus, Hebrææ

*Biblia Germ.
ann. 1472.*

1457.

*ann. 1477.
1483. 1512.*

1487.

*Biblia Germ.
antiqua Be-
ringero visa.*

brae linguæ olim apud Tubingenses Professor, in Defensione versionis Bibliorum Lutherana anno clc lxxiii Erfurti edita; indeque specimen affert, comma videlicet primum Psalmi i, hoc modo redditum: *Es ist der Mann / der nicht den weg ist gegangen der Unmilden; und den weg der Sünder nicht ist gestanden / und in dem Meister sessel der Schelmen nicht ist gesessen.*

*isemalia
Mathesio,*

ix. Johannes tandem Mathesius Bibliorum quoque Germanicorum ante Lutheranam reformationem editorum meminit, conc. xii de vita Lutheri. Verba ejus: *Ich habe in meiner Jugend eine unteutsche Deutsche Bibel gesehen / ohne zweiffel aus dem Latein vertrettschelt. Sie war dunckel und finster. Denn zu der zeit achteten sich die Gelahrten der Bibel nicht fast. Mein Vater hatte eine Deutsche Postill / darin neben den Sonntags Evangelien auch etliche stück aus dem Alten Testamente postilliret und außgeleget waren: darauß hab ich ihm offte mit lust gelesen. Wie gern / sagte mein Vater / möcht ich eine ganze Deutsche Bibel sehen!*

*Verfio Lutheri
Germani-
ca.*

x. Idem Mathesius eodem loco de traductis ex ipso textu originali a Luthero Bibliis Germanicis, eorumque ortu, progressu, & reperitis subinde editionibus, prolixè agit: indicans videlicet, quomodo initium versionis hujus factum sit a Novo Testamento, indeque ad Verus perrectum; quomodo item, postquam per partes primum libri Biblici Germanice prodissent, singulari deinde studio & diligentia Lutherus ejusque *sucessores* omnia recognoverint, integrumque sic tandem Scripturæ corpus & systema vernaculo nostro idiomate fuerit publicatum.

*isemalia
Mathesio,*

xi. Nempe cœpit manum arduo huic operi ad-
mo-

movere Lutherus anno clj lxxii. Ita enim patet ex data tunc epistola ejus ad Hartm. de Cronberg, sub cuius finem scribit, Tom. ii Jen. G. fol. 93. a. Ich hab mir fürgenommen die Biblia zu verdeutschen. Das ist mir noth gewesen. Ich hätte sonst woll sollen in dem irthum gestorben seyn / daß ich were gelehrt gewesen. Es solten solch werck thun die sich lassen dünckē gelehrt seyn. & ex publicato eodem anno ipsius libro adversus Henricum ix Angliæ Regem, sub cuius inidem finem objecta sibi a Rege omnia & singula examinare se posse negat, quod in Bibliis Germanice traducendis occupetur, loc. cit. fol. 161, a. a quo etsi proposito per Saxoniam Duces, Fridericū Electorem ac Johannem, repellere eum conatus est Rex Henricus, uti ex epistola ejus patet, quæ ibidem fol. 211, b. legitur, frustra tamen fuit, successitque prospere adeo sacrum illud negotium, ut eo ipso adhuc anno Novi Testamenti prima Wittebergæ prodierit editio, repetita paulo post, alia atque alia forma, tum ibi, tum Basileæ, Augustæ, Argentorati.

xii. Sequutum mox Testamentum Vetus; Et Pentateuchus quidem anno xxiii publicatus est, librū Historici ac Poetici anno xxiv. Isaiās anno xxix prodit: Prophetæ cuncti anno xxxii. De qua editione ita Dn. D. Calovius, Bibliorum Illustrat. præloq. nūm. xiv, pag. 5. Anno 1532, omnes Prophetas Germanice hoc loco (Wittebergæ) divulgavit typis Joh. Lufft. cuius translationis & editionis aliquas pagellas manu B. Lutheri scriptas habeo, easque cum editione illa conferendo observo, iisdem charis usum esse Typographum: inprimis autem non sine admiratione & veneratione summi studii Megalandri deprehendo, quanta accurratione elabora-

rit, ut textum Ebraum & emphaticè & pure Germanice redderes; siquidem subinde verba & phrasas correxit, donec inveniret quibus acquiesceret.

*Systematis
Biblici Lu-
therani edi-
tio prior.*

*Psalterium
Lutheri
Germ. au-
gmen.*

xiii. Tandem anno clb lxxxv omnes & singuli junctim inq; unum corpus coacti libri Biblici idiomate Germanico Wittebergæ vulgati sunt; sed ita, ut reviderentur ante, ac, ubi opus esset, emendarentur, Psalterii autem in locum prioris, utpote Hebraïsmum plus justo passim sapientis, plane nova substitueretur translatio. Qua de re ita Lutherus, præfatione breviori in Psalteriū: Ob jemand klügeln wolt / und fürgeben / wir hätten den Psalter zu fern von den Worten gezogen / der sey bey sich selbst klug / und lasse diesen Psalter ungetadelt. Denn wir habens wissentlich gethan / und freylich alle Wort auff der Goldwage gehalten / und mit allem fleiß und trewen verdeutschet / und sind auch gelahrter Leute gnug darbey gewesen. Doch lassen wir unsern vorigen Deutschen Psalter auch bleiben / umb deren willen / so da begehren zu sehen unser exempel und Fußstapffen / wie man mit Dolmetschen näher und näher kommet. Denn der vorige Deutsche Psalter ist an vielen öhrtern dem Ebreischen näher / und dem Deutschen ferner: dieser ist dem Deutschen näher / und dem Ebreischen ferner.

*Germanico-
rum Lutheri
Biblicorum e-
ditio posteri-
or quanta
cura & soli-
citudine ad-
ornata,*

xiv. Primam istam totius systematis Biblici editionem excepit altera, annorum xli & xlii. Quæ quanta cura fuerit & sollicitudine adornata, nemo rectius nos docuerit quam laudatus jam supra Mathæius, testis horum omnium a^uth^oris. Cujus proinde ea de re verba repeti heic omnino merentur. Sic vero illa habent, loco citato: Als erstlich die ganze Deutsche Bibel außgangen war / und ein

ein tag lehret immer neben der ansehung den andern /
nimmet D. Luther die Biblien von anfang wider für sich /
mit größem ernst / fleiß und gebete / und übersiehet sie durch-
aus. und weil sich der Sohn Gottes versprochen hatte /
er wolle darbey seyn / wo ihr etliche in seinem Namen zu-
sammen kommen / und umb seinen Geist bitten / verordnet
D. Martin Luther gleich ein eigen Sanhedrim / von den
besten Leuten so deßmals vorhanden / welche wöchentlich
etliche stunden vor dem abendessen / in Doctors Kloster
zusammen kamen; nemlich / D. Johan Bugenhagen / D.
Justum Jonam / D. Creutziger / M. Philippum / Wrat-
thatum Aurogallum: dabey M. Georg Röer der Cor-
rector auch war. Öftmals kamen frembde Doctorn und
Gelehrte zu diesem hohen Werck / als D. Bernhard Ziege-
ler / D. Forsemius. Wenn nun Doctor zuvor die auß-
gangen Bibel übersehen / und darneben bey Jüden und
frembden Sprachen kündigen sich erkernet / und sich bey al-
ten Deutschen von guten Worten erfraget hatte / wie er
ihm etliche Schöps abstecken ließ / damit ihn ein Deutscher
Fleischer berichtet / wie man ein jedes am Schaff nennete /
kam D. Martin Luther in das Consistorium / mit seiner al-
ten Lateinischen und neuen Deutschen Biblien / darbey er
auch stettigs den Hebräischen Text hatte / D. Creutziger ne-
ben dem Hebräischen die Chaldeischen Bibel / die Professores
hatten bey sich ihre Rabinen / Doctor Pommer hatte
auch ein Lateinischen Text für sich / darin er sehr wol bekant
war. Zuvor hat sich ein jeder auff den Text gerüß / davon
man rathschlagen sollte / Griechische und Lateinische / neben
den Jüdischen Auflegern / übersehen. Darauff proponirt
dieser Präsident ein Text / und ließ die Stimm herum ge-
hen / und hören / was ein jeder daz zu reden hätte / nach
eigenem

eigenschafft der Sprachen / oder nach der alten Doctoren
auslegung. Wunderschöne und lehrhafte reden sollen
bey dieser arbeit gefallen seyn/welcher M. Georg (Körer)
etliche auffgezeichnet / und die hernach als kleine Glöcklein
und Auflegung auff den Rand zum Text gedruckt seyn.

*Ipse Lutherus
de fide &
industria in
translatione
sua adhibere
testimonium.*

xv. Ipse etiam Lutherus, qua fide quantoque studio sua fuerit curata Bibliorum versio, docet in epistola von Dolmetschen / Tom. v Jen. G. Sic nimirum ibi scribit fol. 140. ad amicum quendam: Ihr mügt sagen / daß ich das Neue Testament verdeutsche habe auff mein bestes vermögen / und auff mein Gewissen. — Hab ich darinnen etwa gefeilet (das mir doch nicht bewußt / und freilich ungern einen Buchstaben mußwillig wolt unrecht verdolmetschen) darüber wil ich die Papisten nicht zu Richter leiden. fol. 141 Ich hab mich des gestissenen im Dolmetschen / daß ich rein und klar Deutsch geben möchte. Und ist uns wol oft begegnet/daß wir in 14. tage / drey / vier wochen / haben ein einiges wort gesucht und gefragt/ habens dennoch zuweilen nicht funden. Im Noth arbeiteten wir also/M. Philips/Aurogallus/und ich/ daß wir in vier tagen zuweilen kaum drey zeilen fundten fertig. Lieber/nu es verdeuscht und bereit ist/kans ein jeder lesen und meistern / laufft einer jetzt mit den augen durch drey oder vier blätter/ und stößt nicht einmahl an / wird aber nicht gewar/welche wacken und löse da gelegen sind/ da er jetzt überhin gehet/ wie über ein gehöffelt brede/ da wir haben muß schwitzen und uns engsten/che denn wir solche wacken und löse aus dem wege räumten / auffdaß man kündte so fein daher gehen. Es ist gut pflügen/wenn der acker gereinigt ist. Aber den wald und die stöcke aufrotten/und den acker zu richten/da will niemand an. pag. 143.

Das

Das kan ich mit gutem Gewissen zeugen / daß ich meine höchste Treue und Fleiß drinnen erzeiget / und nie kein falsche Gedanken gehabt habe. Denn ich habe keinen Heller dafür genommen / noch gesucht / noch damit gewonnen. So hab ich meine Ehre drinnen nicht gemeinet / das weiß Gott mein HERR. Confer supra num. xii. Sed ad Mathe-
sij narrationem revertamur.

xvi. Refert is amplius, ubi jam prodiisset altera integrorum Bibliorum Germanicorum editio, de qua num. xiv, quædam nihilominus loca aliter postmodum a Luthero fuisse reddita, ut Gen. iv, 1. 11 Sam. vii, 19. & similia, quæ post ejus obitum a M. Georgio Rörer / ordinario operis hujus Biblici Correctore, præscitu tamen & consilio Doctorum Wittebergen-
sium, textui Biblico fuerint inserta. Quæ de re ipsius quoque Röreri verba legi possunt in Consiliis Theologicis Witteberg. parte 1, pag. 11. seqq. & apud Waltherum, Offic. Bibl. Repos. 1, thec. iv, arc. vi, 453. Quo etiam loco multa alia observatu digna de Germanica hac translatione habentur; quemadmodum & apud Gerhardum Exeges. Loc. 1, 521. seqq. atque Calovium Bibl. Illustr. præloqv. num. xiv. ubi & alii argumentum hoc persequentes auctores citantur.

xvii. Illa igitur vernacula Lutheri Biblia postquàm in lucem prodiissent, cunctosque Germaniæ angulos occupassent, dici non potest, quanto applausu excepta fuerint ab omnis ordinis hominibus, quantaque aviditate lecta, ab iis etiam, qui in Romanæ Ecclesiæ agebant communione. Quo permotus insensissimus ille Lutheri hostis, Georgius Saxonæ Dux, publico mandato conversi ab eodem Novi Testamenti lectione

Mutatio locorum quorundam in Bibliâ Luthero Germanicâ post ann. 1542.

Lutherana Bibliorum Versio occasione deditur aliam translationibus Germanicis.

*Emseri N. T.
German.*

*Appar. S. P.
744*

& emptione civibus suis interdixit, quod Tom. II Jen. Germ. fol. 177. legere licet. Cum vero violenta hac ratione hominum manibus codex ille non posset excuti, alia rem via aggressus, novam per Hieronymum Emserum, notissimum illum Lutheri antagonistam, N. T. translationem ex Latina vulgata procuravit, eamque prolixa præfatione ornatam, suis legendæ commendavit, quæ tum operi ipsi præfixa est, tum etiam Tom. IV Jen. Germ. Lutheri, fol. 342. seqq. habetur. sed in qua errorem commissum esse oportet. Cum enim scripta esse perhibeatur præfatio hæc anno clb l^o xxix (qui annus sub finem integris literis exprimitur, ut sphalma typographicum subesse nequeat) mentio nihilominus in ea Emseri fit ut adhuc supersit. Quem tamē in vivis non amplius fuisse tunc (quidquid etiam Possevinus scribat, floruisse cum dicens anno adhuc clb l^o xxx) indicium facit ejus epitaphium, quod in iterata translationis hujus editione sub initium legitur: *Hieronymo Emsero, in tota artium Cyclopadia præclarissimo Presbitero, sacrosanctæ Romanæ ecclesiæ fideique Catholice (grassante Lutheri pestilentiissima hæresi) fidei, infracti, Hæctoreoq, propugnatori, Hieronymus Vualterus, totus gembundus, monumentum hoc consecravit.* Porro extremum diem anno atatis suæ Quinquagesimo in Christo Jesu clausit, Carolo quinto imperante, Pontifice Clemente septimo, Roma capto, denique longe omnium Christianissimo Duce Georgio Saxoniam, Misnam, Thuringiam (quantum ad suum imperium attinet) Christianissime gubernante, Octavo Novembris, Anno a Christo nato M. D. xxvii.

Quæ palestre

xlx.

Hoc ipso xxvii anno Dresdæ primum in folio

folio prodit N. T. Germanicum Emserianum. E-
jusque editionis raptim distractis exemplaribus, no-
va mox adornari cœpit, in forma, ut vocant, octava,
verum, nescio a quo, vel quibus, mutata passim & in-
terpolata. Cujus instituti rationem reddens epilogus,
Ehristlicher leser/inquit, nu hastu das werck/das der Em-
ser selig/in der heytt/als er von arbeyt/alter und schwacheyt/
an treffen seynes leybes merlich abgenossen / also das er
auch (dassu vngeweyffelt die vberlastigt sorge und mühe
gefordert) nicht lange darnach sein leben seliglich geendet/
mit getrewem fleys zusammen gebracht/welches mann nhu
widderumb vernewt / corrigirt/gereniget/und mit ekhs-
chen nütlich und nöetigen zuthuungen gemehrt hat. Das
wollest also in Ehristlicher liebe / und guthwilligkeit (in
der es dir auch gerenicht wirth) vorsehen und annehmen/
Es auch dafür nicht halten / ob mann zu heytt ein wörts-
lin darinnen geandert (wo es anderst nicht an den ör-
then/da es von den drückern vorsehen) das es darumb ge-
schehen wehr / das man dye meynung dardurch zu ande-
rem verstande hab ziehen und veranderen/Sonder umb der
Jungfrauen und unschuldigen herren willen / die frechen
und ergerlichen wörter (der sich Luther inn seynem Testa-
ment viel gebrauchet / und der Emser zu heitenn / villencht
aus überhaufft der arbeit oder befestigz seyners schwach-
heit / vorsehen/und also stehen lassen hat) inn kächtigere
wörter verandert / und zu heiten umschrieben / und auch
darumb nicht / das man eynigen irthumb / den Emser seli-
ger solte zu gelassen / darmit het wollen anzeigen. Scili-
cet pudori muliebri mirum in modum accommoda-
ta, castitatemque Virginalem æque ac linguæ Germa-
cinæ puritatem sapiens est illa jam supra cap. x. 49. no-

tata emendatio, cum Matth. 1, 23. pro Lutheri illo: *Siehe/eine Jungfrau wird schwanger seyn*; Emseriana, hæc versio substituit: *Siehe / ein Juncdfrau wird im Leyb haben/und gebären ein Son.* Sane lippis & tonforibus notum, eos Germanice dici *es im Leibe haben/* qui cholica passione, dysenteria, similive ventris morbo, aut imbecillitate intestinorum laborant.

Emseri pla-
gram,

xix. Sed placet subjicere ipsius Lutheri de nova Emseri translatione judicium ex Tomo v Jen. Germ. fol. 140. Wir haben ja gesehen / scribit ille, den Sudler zu Dresden/ der mein New Testament gemelstet hat. (Ich wil seinen Nahmen in meinen Büchern nicht mehr nennen. So hat er nun auch seinen Richter / und ist sonst wol bekandt) Der bekennet / daß mein Deutsch süsse und gut sey/und sahe wol/daß ers nicht besser machen kund / und wolt es doch zu schanden machen/ fuhr zu/ und nam für sich mein New Testament/ fast von wort zu wort / wie ichs gemacht habe/und thete meine Vorrede/ Glose / und Nam davon/ schreib seinen Namen/ Vorrede/ und Glose/ dazu verkaufft also mein New Testament unter seinem namen. Wanne/ lieben Kinder/ wie geschah mir daso wehe/ da sein Landsfürst mit einer gewlichen vorrede verdamt und verbot des Luthers New Testament zu lesen/ doch danchen gebot des Sudlers New Testament zu lesen / welches doch eben dasselbige ist/ das der Luther gemacht hat. Und das nicht jemand hie dencke/ ich liege/ so nim beide Testament für dich/ des Luthers und des Sudlers/ halt sie gegenander/ so wirstu sehen / wer in allen beyden der Dolmetscher sey. Dñ was er in wenig ortern geflickt und gerndert hat (wie wol mirs nicht alles gefellet) so kan ichs doch wol leiden/ und schadet mir sonderlich nichts/ so viel es den Text betrifft.

Dar

Datum ich auch nie dawider wollt schreiben/sondern habe der grossen Weisheit müßte lachē/das man mein New Testament so greulich gelestert/verdampft/ verboten hat / weil es unter meinem namen ist außgangen/aber doch müssen lesen/ weil es unter einē andern namen ist außgangē. Wievol/was das für eine Tugent sey / einem andern sein Buch leßern und schenden/darnach dasselbige stelen / und unter eigenen namen dennoch auslassen gehen / und also durch frembde verlesterte Arbeit eigen lob und namen suchen / das las ich seinen Richter finden. Wir ist in des gnug / und bin fro / das meine arbeit (wie S. Paulus auch rühmet) mus auch durch meine Feinde gefördert/ und des Luthers buch on Luthers namen unter seiner Feinde namen gelesen werden. Wie känd ich mich das rechen? At satis de N. T. Germanico Emseri.

xx. Post hunc aliam Scripturæ interpretationem Germanicam concinnavit ex eadem schola, itidem ad Vulgatæ Latine normam, Johannes Eckius, Theologus Ingolstadiensis, famosus & ipse Lutheri ac Protestantium adversarius, quique de se gloriatus est, scripta anno dñi 1529 ad Conradum a Thungen, Herbipolensem Episcopum, epistola: *Ego omnium minimus cum his bestiis dentatis jam sape & e minus & cominus pugnavi. Cominus quidem Lipsia cum ipso Draconis capite Luthero, & Carolstadio, viginti diebus disputando, spectando nonnunquam D. Georgio Saxonia Duce, & in Baden cum Capharnaita Oecolampadio & affectis, assidentibus duodecim Cantonum Helvetiorum & quatuor Episcoporum Legatis, pluribus diebus conflixi: e minus vero, editis aliquot in Germania & Italia libellis cum hereticis manum conserui. Et quidem, si Sixto Senensi cre-*

Eckii translatione Germ.

Possio. Appar. p. 871

dimus, Bibliotheca S. libro IV, auctor hic *transulit utrumque Testamentum in Germanicam linguam anno Domini 1540.* Sed Gretserus, Tract. de novis translationibus Biblicis cap. I, solum Vetus Testamentum ab eodem fuisse traductum ait; quemadmodum & Simonius Histor. Critic. V. T. libr. III Append. pag. 142.

*Biblia Germ.
Dietenberger-
gih.*

XXI. Johannes vero Dietenbergerus, siue (ut in subscriptione epistolæ nuncupatoriæ se vocat) Dietenbergius, integrum Scripturæ corpus e Latino Germanice reddidit, vir Hebrææ linguæ adeo rudis, ut ne legere quidem illam valuerit; cui ipsemet in dicta illa ad Albertum Electorē Moguntinum epistola dedicatoria indicat. Qui tanti nihilominus suam hanc translationem facit, ut RESTITUTIONEM Bibliorum vocare eam non dubitet in epilogo: ubi videlicet *gratias Deo agit, daß er das trefliche werck der widdereretzung der heiligen Bibel durch seine hülffe und beystand zum ende seliglichen bracht habe.* Idem sua Biblia sic introducit lectorem alloquentia, proxime ante dictum epilogum:

Kompt her ihr Teutſchen all gemeyn /
Kompt her ihr Christen groß und klein /
Kompt her ohn Furcht / lest mich allein.
Bey mir habet ihr Gottes Wort ganz rein /
Das euch viel Zeit ist abgestohln
Durch falsche Bibel unverhohln.
Hie findet ihr / wie ihr seyd verführt.
Ganz / trew / rein / wahr / werd ich gespürt.

Novi Testamenti interpretatio Dietenbergiana ab Emseriana vix quidquam differt: sic ut ne quidem pro pudica hujus *göt* Teutonica, cujus paulo ante num. XIX siebat mentio, honestiorem & commodiorem,

illa

illa substituerit, vel potius ex Lutherana restituerit.

xxii. Nostro hoc seculo, Electoris & Archiepiscopi Colonienſis Ferdinandi auspiciis, Biblia Germanice vertit Calpar Ulenbergius, Professor & Pastor Colonienſis. Quem ceteris ſuarum partium Interpretibus præferendum cenſent Pontificii, quod ipſo preſſius nemo & religioſius Latinæ vulgatæ in transferendo inhaerit.

xxiii. Tameſi autem hoc nomine illum commendant etiam Theologi Moguntini, quorum opera anno clb lxx, auctoritate Archiepiſcopi & Electoris Moguntini Johannis Philippi, nova Bibliorum prodit interpretatio Germanica; id tamen in eo deſiderant, quod idiotismi ſuperioris Germaniæ (Weſtphalus nimirum erat) non ſatis gnarus fuerit: eoque ipſo ſe permotos ajunt, ut commodiorem magisque Teutonicam Scripturæ traductionem molirentur, licet Ulenbergianam, quoad fieri potuerit, in opere illo ſuo retinuerint. Pollicentur proinde interpretationem, quæ nativo minimeque coacto idiomate Germanico vulgatæ Latinæ textum fideliter exprimat, Weil/ in-
 quientes, ein zeitlang her ſehr viel/ auch hohen Stands und Verſtands perſonen/ ein eiferiges verlangen getragen nach einer ſolchen Teutſchen Bibel/ in welcher die Hochteutſche natürliche und ungezwungene Sprach mit der Lateiniſchen Vulgata treulich vermählet were/ ſo iſt man hierdurch veranlaſſet worden/ ſich dieſes gegenwertigen neuen wercks zu underfangen/ und alſo ein auffrichtige/ unverfälſchte/ zeitiger Teutſcher Sprach gemäſſe Catholiſche Bibel/ die Ehr Gottes und der Seelen Heyl zu befördern/ an das Licht zu geben. Quibus vero promiſſis ſtetit ipſos, tunc
 de.

Moguntinorum,

demum agnoscemus, si, de quo gloriantur, Latini Germanique textus Biblici connubium, in eo situm fuerit, quod Hebræo-Latino-Germanico stylo in scribendo quis utitur.

Tigurinorū,

xxiv. Reformati quamvis Germanica Lutheri Biblia cum aliis præfationibus, summariis, marginalibus, & notis, non semel ediderint, ut superiori seculo Neustadiensis ac Herbornenses, nostroque hoc Paulus Tossanus; peculiarem tamen Helvetica dialecto versionem adornarunt Tigurini: quæ inde ab anno c1515 xxv multoties variis formis prodiit, ut diligentissime Hottingerus in Bibliothecario suo annotavit, Bibliothecæ Theolog. lib. i, cap. iii, pag. 153. seq.

Piscatorū,

xxv. Hæc autem Tigurina transductio cum non nisi in paucis a Lutherana versione discederet, ex eadem Reformatorum schola Johannes Piscator, Theologus Herbornensis, circa seculi hujus initium aliam dedit Germanicam translationem, qua Latina Tremellio-Juniana interpretatio sic fere per omnia exprimitur, ut stylus ipsius Germanicis auribus ingrator accidat. Videri possunt de his & aliis, quæ in editione illa desiderantur, Paulus Röderus, & Petrus Piscator, Theologus Jenensis, in scriptis peculiariter de hoc argumento editis, Menzerus Tom. iii Gieß. disp. xv, 6. 7. Himmelius Harmon. Calvino-Papist. parte 1, pag. 18. Et tantum etiam de Bibliis Germanicis Reformatorum. Ubi tamen adhuc notari potest, quod præterea ex illorum coetu Novum Testamentum in Germanicam linguam traduxerit Amandus Polanus a Polansdorf.

xxvi. Porro & a Socinianis Germanice editum est Novum Testamentum Racoviæ anno clb l c xxx. Cujus translationis auctores, Iohannes Crellius, Francus, Rector primum Gymnasii Racoviensis, ac postea ibidem Pastor, & Ioachimus Stegmannus, Marchicus, iidem initio Racoviæ Rector, deinde Pastor Claudopolitanus; uti patet ex Bibliotheca Anti-Trinitariorum Sandiana pag. 116. 133. e cuius etiam pag. 94. constat, præfationem huic versioni præmissam Georgii Enjedini esse, Socinianorum cœtuum in Transylvania Superintendentis, Gymnasiique Claudopolitani Moderatoris. Qui novæ istius interpretationis scopum primum fuisse ibi indicat, ut textus haberetur Germanicus originalem Græcum accurate & ita exprimens, ne præconceptionibus quorundam opinionibus pravis sit accommodatus. Ipsa ejus verba dabimus. Gleichwie/inquit, diejenige/welche anderer sñnemen mñner dolmetschung schon vor sich gehabt/gesehen haben/das man zum Griechischen text des Neuen Testaments/als zu dem original und bruniquell/aus welchem alle dolmetschungen herfließen/und welche auch nur so fern an zu nehmen seyn/so fern sie mit demselben übereinstimmen/nach gewisser kommen könne/als von andern zuvor geschehen: also ist sich nicht zu verwundern/das auch nach dieser lektüre arbeit noch andere leute sich finden/welche merken/das man noch näher zu der Grundsprache des Neuen Testaments kommen könne/und das noch mehr könne und solle gebessert werden: sintemal/anderer dinge zu geschweigen/auch diese lektüre Dolmetscher von dem Griechischen texte an nicht wenig orte abgewichen/und die worte des Geistes Gottes auff einen fremdden verstand gezogen/oder

zum wenigsten / da dieselben noch einen andern verstand / als sie vermeinet / gelietten / sie also vertiren, das dem Leser / welcher der Grundsprache unerfahren / dadurch ursach und gelegenheit abgeschnitten worden / von einem andern verstande auffer dem / welchen die Dolmetschung mit sich bringet / zu gedencken. Darüber aber darff sich niemand verwundern / das auch von sehr gelehrten männern noch etwas hie in geirret worden. Denn ihre / entweder von den vorfahren gleichsam auffgeerbete / oder sonst vorgeschaffte meinungen / haben ihnen zuzeiten gleichsam eintn nebel für die augen gemacht / das sie auch dasjenige / welches sonst für sich deutlich und klar ist / nicht gesehen / und ihnz ursach gegeben / die worte des Geistes Gottes also zu vertiren, das sie mit ihren meinunge / welche sie der Göttliche warheit gemäß geschäket / nicht stricthen / und dieselbe nicht umbstieffen / so der auch sich ansehen lieffen / als wenn sie dieselbigen bekräftigen. Nempe, v. c. Servatoris illud, Ioh. 11x, 38. *πρὸς Ἀβραάμ παρὶς, ἐγὼ εἰμι*, non reddere debuisse Lutherus, & alii: Ehe denn Abraham ward / bin ich; sed cum Socinianis: Ehe denn Abraham wird / ich bin: ne videlicet iste locus doctrinæ de præexistentia CHRISTI ante matrem Mariam tam manifesto patrocinaretur, glossa omni, quam comminisci heic solent anti-Trinitarii, & depravatione, penitus exclusa.

*Alia traditio
latio Felbingeri.*

xxvii. Quam vero accurata etiam visa suis auribus fuerit jamjam memorata interpretatio, acquiescere tamen in illa nequivit, ejusdem Socinianæ sectæ affecta Jeremias Felbingerus, Silesius, scholæ Cossinensis Rector, sed novam eudit N. T. conversionem: forte quod nondum satis accommoda suæ Theologiæ in omnibus ipsi videretur prior ista Crellio-

Steg-

Stegmanniana traductio. Et sane cum non auscultarent hi auctores illustrem locum Rom. ix, 5. ita pervertere, ut interjecto puncto divellerent, quæ in omnibus constanter codicibus conjunguntur, atque sic ab omnibus etiam Ecclesiæ Patribus citantur, reddentes scilicet illud comma: *Welcher sind die Väter/ und aus welchen ist Christus/ was das Fleisch belanget/ welcher ist über alle ein Gott gelobet in Ewigkeit/ Amen!* cum, inquam, hunc in modum Paulina verba Crellius & Stegmannus expresserint, Felbingerus contra in suo textu Germanico sic ea vertit, imo pervertit: *Welcher sind die Väter/ und aus welchen der Christus ist/ nach dem Fleische. Gott der über alle ist sei gesegnet in die Ewigkeit. Amen.* Obiterque heic observetur, quam circumspicte egerit in sua editione auctor. Nempe variantes lectiones in fine singularum paginarum annotans, ad locum præsentem, *Etliche/* inquit, *setzen einen unterpunct nach dem wort Fleische.* Quasi non ipsemet in suo textu illud punctum expressisset, verum recepta ibi lectione fuisset usus. Equidem & Curcellæus, e cujus N. T. Græco suas & concordantias & varias lectiones Felbingerus deprompsit, habet heic: *Quidam addunt punctum post vocem παρκα.* At ille textui ipsi punctum non immiscuit, sed comma, quod exemplaria sine exceptione omnia exhibent, post *παρκα* retinuit, nullam quoque (sic firmiter sum persuasus) sive manu sive typo exscriptam editionem nominare potuit, quæ aliter legeret; sed quod punctum post vocem *παρκα* a quibusdam addi ait, id de Socinianis Doctoribus (quibus in neganda Patris Filii que *ἰσομορφία* plane *ἰσομορφος* est) acceptum vult, quos, cum

invictum hoc pro suprema CHRISTI Deitate testimonium eludere alia ratione non possint, ad illam in suo cerebro enatam interpunctionem confugere constat.

*Prophetarum
Versio Germ.
Heitzeri.*

xxiix. Amplius huc refer Ludovici Heitzen, vel Heitzeri, Bavari, opera Johannis Denken adjuti, Prophetarum majorum & minorum ex Hebræo factam translationem Germanicam. Quem auctorem Anti-Trinitariis annumerat, ac merito quidem, Bibliotheca Sandiana pag. 16. eumque fuisse ait e societate Anabaptistarum Moravorum. Quod ipsum etiam, tradit scriptor homini *συγχρονος* Sebastianus Franck, Chronic. part. iiii, lib. iiii, fol. 415. sed ita, ut non in omnibus, nec constanter, Anabaptistis adhæsisse illum, variasque peculiare opiniones fovisse, memorat. In doctrina etiam de Trinitate non satis sibi constitisse videtur. Quem enim adversus CHRISTI deitatem scripserat librum, morti vicinus improbavit, gaudere se dicens, quod typis non fuerit publicatus; uti refert, qui de obitu viri opusculum edidit, Thomas Plaurerus.

*Heizerm
Scriptura
contemptor.*

xxix. Mirari autem subit, Prophetas non solum ex originali convertisse auctorem hunc, sed tanti quoque laborem istum fecisse, ut, narrante, quem diximus, Plaurero, multum de eo sermonem jam decessurus habuerit, cunctisque illum lucubrationibus suis aliis præferre non dubitaverit. Tradit namque de ipso, loco ante citato, ita Franckius: *Er ist hefftig wieder die Schrifftgelehrten gewesen / so zu unsern zeiten Gottes Gnade und Wort an den buchstaben der Schrifft binden. Ihren glauben hat er eyn Buchstabischen glauben genennt / und wenig gehalten von irer Predigt. & paulo*

Io post ex ejus præfatione in Prophetam Baruch hæc recitat: Wer die Schrift liest/ daß er Gott daraus wolle lernen verstehen oder erkennen / der betruget sich selber/ und andere mit jm. Dann er kan von nichts gelernt oder erkant werden/ weder allein von Gott/ etc. Und ist wahr/ wer Gott nit bey/ in/ und mit Gott suchet/ der wird allweg suchen/ und doch nicht finden. Wer das nit thut/ der us herkumpt ja cyn wissen/ aber cyn unnütz/ das nichts bessert. Wie dann allen denen widerfart/ die den Glauben von lesen oder hören sagen überkommen/ etc. und des kein andere ursach/ ankunfft/ und rechen schafft wissen zu geben/ dann/ ich hab es an dem und diesem Capitel der Schrift gelesen. Quæ si recte se habent, ut quid, obsecro, suam tantopere operam extulit, quam reddendis Germanice Prophetis impenderat? Nempe & hinc apparet, quam incedant titubanter homines fanatici, nec invenire possint ubi tuto pedem figant. Sed hæc *ὡς ἐν παρόδῳ*, ad propositum redeamus.

xxx. Præter Christianos Judæi quoque Hebræas V. T. Scripturas in linguam traduxerunt Germanicam. Et olim quidem Pentateuchus ipsorum cura sic prodit. Quo de Mathesius, conc. de Luthero xiii, pag. 156. Es haben/ inquit, die Jüden die fünff bücher Moses/ schlecht wie die wort im Hebräischen stehen/ geleutscht/ und mit ihrer Current-Deutsch drucken lassen. Similiter Prophetas eos und Opera, vel certe non line illa. Germanice fuisse editos, Lutherus testis est, epistola von Dolmetschen/ Tom. v len. G. fol. 143, b. Verba ejus: Ach/ es ist Dolmetschen ja nicht eines jeglichen Kunst/ wie die tollten Heiligen meinen; es gehört dazu ein recht fromm/ treu/ vleißig/ furchtsam/ Christlich/ geleitet/ er-
 flu 3 faren/

*Judeorum
translationes
V. T.
Germanica
antiquæ,*

faren / geübet Herr. Darumb halt ich / daß kein falscher
Christ noch Kottengeist trewlich Dolmetschen könne: wie
das wol scheint in den Propheten zu Wormbs verdeutschet /
darin doch warlich großer vleis geschehen / und meinem
Deutschen fast nachgangen ist. Aber es sind Jüden dabey
gewest / die Christo nicht große Hulde erzeigt haben: sonst
were kunst und vleis gnug da. Sixtus porro Senensis,
Bibliothecæ S. lib. iv scribit: *Michael Adam, Judæus
conversus, Biblia vertit in linguam Germanicam, & in
usum Judeorum characteribus Hebraicis expressit.*

*Recentior
Jes. Atia.*

xxxI. Nostro tempore geminam, quantum mihi
quidem constat, integri V. T. Germanicam versionem
Iudæi publicarunt: utraq; scabro, inepto, barbaro-
que stylo; utramque ad Iudaicam perfidiam passim ac-
commodatam. Prior, auctorem agnoscens *הור
והור*, Amsterdami in fol. anno clc lxc lxx prodiit,
munita diplomate Ordinum Hollandiæ; quorum in-
signia etiam majori ductu præfixa operi imago præfert.
Ejus aliquot & verborum & rerum specimina si desi-
deras, Gen. 1, 20, habet: Die Wasser sollen wärmen
würmlich lebendige sehlen. cap. 11, 4. Dieß seinen die ge-
büßte von dem Himmel und der Erden. cap. vi, 3. Mein
gemüthe soll nit (mit mir) kriegen zu ewigkeit von wegen
dem Menschen, cap. xlix, 10. Die Gewalt soll nit werden
abgenommen von (*החיות*) und ein Schreiber von zwif-
schen seinen Füßen / ewig / wen (*העוה*) wird kommen /
und zu ihm werden sich die Völcker einsamen. Ps. 11, 7.
Du bist mein Söhn / ich habe dich (zu einem *יד* gema-
chet / das is gleich es man ich dich) heute gewonnen. Is. vii,
14. Nun die jungf Frau (dein Weib) wird tragen werden /
und sie wird einen Söhn gewinnen / und sie wird seinen

namen ruffen Immanuel. cap. LIII, 4. seqq. Fürwahr (אֱמָנֶה) hat unser Krankheit getragen / und unser Weh- tag hat Er gelitten. Und wir haben ihn nit geacht. Er war geplagt und geschlagen von Gott / und gepeinigt (dieweil er ihn feind hat) Aber er (אֱמָנֶה) war verwundet von wegen unser missethat / (er war) verstoßen von wegen unser sünde. Die straf war auf ihm (auff אֱמָנֶה) des wer- ten / daß wir solten friedn haben / und umb viele seine beulen seinen mir geheilet worden. (Den) mir sein alzumahl es wie ein Schaf (sonder Hirten) verirret gewes- sen / ein jeglicher man hat sich gekehret zu seinen weg / und Gottes von senetwegen / (von אֱמָנֶה) worden bewilliget auf alle unsere sünde!

xxxii. Altera Bibliorum conversio Iudaica. *Preisb.*
 אֱמָנֶה, seu, ut in præfatione scribitur, אֱמָנֶה iti-
 dē Amsterdami in fol. literis Hebraicis (Juden-Teutsch
 vulgo appellant) edita est anno clc lxxix, cum
 diplomate Iohannis III, Poloniæ Regis. Cujus auctor
 licet styli elegantiam in præfatione jactet, ejusdem ta-
 men commatis ipsius interpretatio est cum priori, sive
 res spectes ipsas, sive idioma. Sane Teutonicis auribus
 perquam ingrata voces sunt, Obend / Morgen / pro A-
 bend / Morgen / Gen. 1, & alias passim heic obvia;
 item, Adam bekant / pro erkandt / Gen. iv, 1. Meisch-
 ter pro Meister / ibid. comm. 22. nec pro Germanis
 haberi possunt ista, v. g. II. LIII, 9. Er hat sich be-
 geben durch die Bösewicht seines grab / und durch die Ketten
 in vielerley tod / umb willen daß er keine Falschigkeit ge-
 than hat. & cap. LXIII, 15. Wo ist dein Reidung / und
 dein Stärfet / das gebum deiner Gedärm? ut alia mit-
 ram hujus generis infinita. Neque contentus, prava
 &

& insulsa verborum translatione textum Biblicum cor-
rupisse, operosas præterea adversus Christianos dispu-
tationes in suo hoc opere auctor instituit. Ita cum lo-
cum illustrem Is. vii, 14. sic reddidisset: Nu jecho diese
junge Frau sie tragt / daß sie wird ein Sün gewinnen / daß
sie (die Mutter) sein nahm Immanuel werd heissen; fini-
to capite, nostram de testimonio hoc Prophetico sen-
tentiam magno molimine impugnat, exorsus Thra-
sonice: Diweil etliche sich einbilden / daß sie eine grosse
Schanz und Bollwerck legen unser Jüdischen Glauben
gebauet haben aus dem Ps. 4 15. dieses Capitels / zu schies-
sen gegen unser meinung mit großen Baugewercken / und
grosse umbstendigkeit der überlegung; die übersiegung
aber is alles fruchelos: nit daß allein alles es vorhält / wird
werden mit beweiß / auch ihre Vestung und Schanzbolls-
wercken thun auffstiegen / gleich eine Vestung die auffflie-
get durch 100000. tonnen Pulver. Nun will vorstellen
ihre Vestung und Bollwercken / daß ein jedlicher mit au-
gen seines Verstandes kan das werck ihrer Vestung ver-
stehen. Quibus præmissis, Christianorum, imo ἡ
ἑρπύς Evangelistæ Matthæi, expositionem tanta im-
pudentia aggreditur, ne ipsi quidem sanctissimo Re-
demptori nostro parcens, blasphemus impostor, ut
graviter dolendum, talia non solum impune proponi,
ubi Christiani rerum potiuntur, sed ipsorummet cri-
am Christianorum sumptibus in lucem mitti. Nam
Biblia, de quibus agimus, Guilielmi Blæu, Ex - Sca-
bini Amstelodamensis, & Laurentii Baakii, J. U. L.
impensis edita sunt.

*Biblia Saxo-
nica anti-
qua Lubec.*

xxxiii. Tandem Saxonix etiam inferioris idioti-
mo sacra Biblia non semel prodierunt. Estque præ-
ce-

ceteris celebrata quæ cum Lyrani aliorumque glossis anno cdo cccc xciv Lubecæ sub hoc titulo vulgata, translatio: *De Bible mit vlitighe achtlinge recht na der me Latine in Dütsch averghesetlet/mis vorstlichinge unde Gloße des Hochghelerden Possillatoers Nicolai de Vosra/ unde anderer velen hillighen Doctoren.* E quibus

glossis celebris præ cæteris illa, qua verba Gen. iij, 16. *Under der macht des Wannea wirstu wesende/ uñ he schall aver dy herschoppen;* hoc modo exponuntur: *dy vakene to pyneghende uñ to staende.* Quæ interpretatio licet tamquam inepta, ridicula, planeq; absurda, doctorum pariter & indoctorum prætraduci vulgo soleat, ut per quam tyrannis marito in uxorem concedatur; forte tamen auctor nihil aliud sua illa glossa innuere voluit, quam quod in peccati pœnam mulieri heic denunciata viri dominatio, non quamcunque ejus auctoritatem & potestatem denotet (*neque enim & ante peccatum aliter factam fuisse decet credere mulierem, nisi ut vir ei dominaretur*: siquidem est *ORDO NATURALIS* in hominibus, ut serviant femina viris; dicente Augustino de Genesi ad lit. lib. xi, cap. xxxvii, & Quæstion. super Genesin quæst. clm, quo etiam Paulina spectat ab ipsa mulieris formatione petita disputatio 1 Cor. xi, 8. 9.) sed duram, onerosam, & molestam. Nempe cum antelapsum nequaquam gravis uxori esset mariti auctoritas, quod & hic semper moderate tunc se gereret, & illa placide ac libens suo fungeretur officio, turbata post perditam Dei imaginem *εὐταξία* ista & harmonia, mulier ob innatam animi vanitatem ac superbiam inique sæpius fert mariti imperium, minusque se obsequiosam præstat, imo aperte interdum refractariam:

*Glossa Biblica
rum Saxon.
Luber. ridicu-
la Vulgo
credita.*

uti maritus non raro nimia asperitate & iracundia potestatem suam reddit invisam: atque hinc rixæ nasci solent & contentiones, quæ in plagas & verbera frequenter desinunt. Quibus etiam si Deus minime delectetur, prædixit interim, talem fore in posterum vitæ matrimonialis conditionem, voluitque gravius etiam maritalæ jugum, quippe quod ipsa prævaricando cervici suæ imposuit, æquo animo a muliebri sexu ferri. Sed hæc *ὡς ἐν παρόδῳ*.

Colom,

xxxiv. Præter Lubecensem hanc extat & alia Latina vulgata translatio Saxonica, unde supra cap. xiv, 22. 33. quædam produximus. Quam Colonix editam esse præfatio indicat. Tempus autem impressionis ibi non designatur, nec aliunde etiam, quod titulus carent quæ nobis quidem innotuerunt *tria editionis* hujus exemplaria, certo haberi potest. Exhibet verò is ipse etiam codex textum Biblicum hinc inde glossatum, & ita quidem, ut glossæ, ex Nicolao de Lyra petita, non, ut fieri solet, seorsum Scripturæ verbis vel in margine vel circa finem adjectæ, sed continua serie illis permixtæ sint, uncisque dumtaxat & asteriscis ab iisdem distinctæ. Auctor nomen suum reticet. Quisquis autem ille, virum sane probum & pium fuisse, tum ex aliis indiciis, tum inde licet colligere, quod ad sedulâ Scripturarum lectionem doctos pariter & indoctos, clericos & laicos, tam serio fideliterque hortatur: multum scilicet diversus ab Hieronymo Emsero; qui cum & ipse N. T. Germanice convertisset, de quo supra num. xvii, seqq. in epilogæ suæ illius interpretationis a studio Scripturæ, quam solis eruditæ demandatam ait, laicos discrete avocat. *So brönnern sich mu/ inquit,*

ens, ein iglicher Ley (der meinem rade volgen will) mehr
 lumb eyn gut Gottselig leben / dann umb die Schrift / (die
 alleyn den Gelarten besolhen ist) sacrique sui laboris ra-
 zionem & scopum ita proponit : Een Eyffthebber aller
 Mynschen salpcheit / de nicht anghesien en hevet off der
 Mynschen tütelcheit gut / effte erdeschen loen / ever allene
 beweget is dorch Cristelycke lyeffde ende guedertierens-
 heyt / unde van suetinghen ynnigghen ghueden herten daerto
 beweget unde geheden : dese hevet de oversettinghe der Bi-
 belen uth deme Latine to Duytschen / de welcke vor man-
 nyghen jaren geschiet unde ghemaket is / unde in velen ge-
 schreven hoken by vele devoten mynchen oec in Cloestren
 unde in Conventen gheweset is / undelanghe voer deser tiit
 un in overlant un in sümmygen steden beneden ghedru-
 cket / unde ghevoert in mannyghen landen / unde verkofft is /
 met sonder grootten vlit / kost / unde arbeit / myt hülpe unde
 raede veler hogheleerden doen verbeteren unde verclaren /
 unde vort mit sware kost gedruket in der lavelycker stat
 Coelne. Ex quibus & hoc apparet, non tam novam
 versionem exhibere Colonienſia hæc Biblia, quam
 versionis cujusdam Germanicæ jam antea publicatæ
 textum recognitum & emendatum. Quam quidem
 vetustissimam fuisse oportet. Codicem enim,
 de quo nunc agimus, Colonienſem Lubecenſi antiqui-
 orem esse, hinc conjicio, quod glossarum Lyrani, qui-
 bus lucem obscurioribus locis asserre conatus est, ita
 in præfatione meminit editor, ut facile appareat, pri-
 mum fuisse ipsum, qui Germanice quidem hæc modo
 textum Biblicum illustrare sategerit: quod verum non
 esset, si jam ante Biblia extitissent Lubecenſia, ut quæ
 & hæc & aliorum glossas Saxonice exhibent. Ac videoq

sane a viris doctis Bibliorum Saxoniorum mentionem fieri, quæ seculo XIV e Latino conversa sine

*Alia ex Lu-
theri Versio-
ne expressa.*

xxv. Porro Germanica etiam Lutheri versio idiomate Saxonico expressa est, sic ut initio quidem solum N. T. post integrum corpus Biblicum hac ratione prodierit. In qua translatione cum non parum desideraret David Wolderus, Petrinae Ecclesiae apud Hamburgenses Antistes, recognitam illam passimque commendatam anno clb lo xvi publicavit. De quo suo consilio & labore sic auctor in præfatione scribit: *Do wyle ick dyse negenteyn Jahr (de ick dorch Gades gnade allhyr tho Hamborg/in mynem vaderlande/ mynen leven Landesluden dat hyllige Godelike wort in erer unde myner Wedersprake / na mynem geringen vermögen / hebbe gesprediget /) an unser Saffischen Bibel / nicht anesüchtende unde smerten/gemercket hebbe/wo desülve an seer velen ordem / thom dele mit D. Luthers Bibel nicht avereinstemmet / thom dele ock / gegen der rechten Saffischen sprake syne natur unde art / thomalen nödelick unde selham in aller vornünftigen Saffen ohren klinget : Unde aver si / na sorch foldiger beweginge unde averlegginge / befunden / wor siick süßkein mangel meist hebbe her vororsaket: Ock geseht / wo desülve söde affgeschaffet / unde de Bibel wedderhine tho rechte gebrocht werden: Effst ick wol van dem einen Jahre thom anderen hebbe gewünschet unde gehapet / ydt müchste noch säß yemande manck den Saffen süßkein nödich arbeidt up siick nehmen: Jodoch / dewyle siick noch süßelan ge her des nemande hefft recht understahn willen / anangesehen / dat veshle daraver so wol also ick geklaget / Hebbe ick gedacht / dat ick nicht allene gegen myne bestellinge nicht dede / sünder veshle meer / wat mynes amptes is / vorrichtede /*

so ick my umme de Saffische Bibel worde annehmen / unde
 de my darhen bearbeydē / dat se van eren mangelen unde fey-
 len mächte gesübert / unde wedderümme tho rechte gebrocht
 werden. — Wat ick nu daranne dörch Gades gnedige
 hülpe mit grottem arbeide mach præsteret unde uthgerich-
 tet hebben / dat wil ick mynen leben Sassen in einem süns
 derliken hofeschen hyrby tho erkennende geven. In der
 förte overst darvan tho redende / so hebbe ick in alle mynem
 arbeide / dat ick differ Bibel halven gehadt / darhenne ges-
 sehen / dat se Doctor Luthers Bibel nicht allene heten /
 sünder ock syn unde blyven mochte: unde / dat wy de rechte
 purreyne Saffische sprake / mit der Wisnischen / edder
 Sidsfrenckischen unde Uterwendischen sprake unvor-
 menget / darinne mächten hebben unde lesen.

CAPUT XXVI.

DE

VERSIONE BELGICA.

I.

TRanslationes Bibliorum Belgicæ prodierunt diver-
 sæ. Et vulgaris quidem Lutheri interpretatio.
 ne ab auctoribus Reformatis expressa est: sed quam
 Philippus Marnixius & Sixtinus Amama perstrinxerunt.
 Præter eam habetur alia, quam Lutheri doctrinæ
 addicti Amstelodamenses adornarunt, rursusque
 alia Nicolai Bieskens, qua & Anabaptistæ utuntur.
 Novum insuper Testamentum Belgice extat Uttenho-
 fii & Fauckelii. Psalterium eodem reddidit idioma-
 te Marnixius.

*Versiones
Belgicae
varia.*

II. His vero minime acquiescentes congregati
 anno dñi 1699 in Synodo Nationali Dordracena Re-

*Translatio
ex decreto
Synodæ Dor-
dracena.*

formati Theologi, sessione VI & septem proxime sequentibus de nova eaq; accuratiori Translatione Bibliorum ex linguis originalibus in Belgicam instituenda deliberarunt, ac Interpretes pariter & Recognitores elegerunt, quorum cura ac labore opus illud adornari deberet, nominatenus expressos sessione XIII. Prodiitque illa, a viris linguarum peritia apprime valentibus collatis per multos annos operis elaborata, plurimisque hinc aliis jure præferenda versio, cum doctissimis Notationibus, anno tandem clb lbc XXXVII. De cujus origine, progressu, & successu, legi possunt, præter dicta jam Acta Synodalia, Sixt. Amama, libro *Wibliche Conferensien* inscripto, Leusdenius in *Philologo Ebr. mixto*, vita item Walxi & Widmarii, quæque ipsi operi præfigitur Ordinum Belg. præfatio. ubi etiam de auctoritate translationis hujus sequentia habentur: *So is't, dat wy, na rype deliberatio, ende hierop gehadt hebbende 's advijs van den Rade van State deser Vereenighde Nederlandē, de meergemelte Overfettinge hebben geapprobeert ende geauthoriseert; gelyck wy de selve authoriseeren ende approbeeren miits desen: ten eynde, dat deselve in de Kercken ende publijcke Scholen der Vereenighde Nederlanden, ende andere Rijken ende Landschappen onder onse gehoorsaemheyt resorteerende, moge worden aengenomen ende gebruyckt, ende dat dienvolgens alle Kerckelicke Vergaderingen, Kerkendienaren, Professoren ende Doctoren in de Heylige Theologie, Regenten van Collegien, ende voorts allen ende een yegelicken, die dit eenighsins aengaen mach, in't exerceren van der selver diensten ende bedieningen haer daerna mogen reguleren, omme alsoo de eenigheyt, vvelstant, ende dienst der*

der gemelste Nederlandsche Gereformeerde Kercken ende Scholen meer ende meer se vorderen.

CAPUT XXVII.

DE

VERSIONE BRITANNICA ET

ANGLO-SAXONICA.

I.

Scripturam sacram jam venerabilis Bedæ temporibus in linguis Britannicarum insularum vernaculis extitisse, ejus testimonio probari solet, quod sub initiū Historiæ Ecclesiasticæ habetur: ubi videlicet, de statu Britannix agens qualis tunc erat, *Hæc, ait, in præsentijuxta numerum librorum quibus Lex divina scripta est, quinque gentium linguis unam eandemque summa veritatis & vera sublimitatis scientiam scrutatur & confitetur; Anglorum videlicet, Britonum, Scotorum, Pictorum, & Latinorum; qua meditatione Scripturarum ceteris omnibus est facta communis.* Vide quæ ad locum hunc monemus Tract. de lectione Scripturæ in linguis vulgo cognitis num. LXXXI. Imo quod Bedæ ipsemet Evangelium S. Johannis in Anglicum idioma transfuderit, testatur, in epistola de ipsius obitu, discipulus ejus Cuthbertus, apud Bedæ Biographum (de quo vide Historiam Bedæ Ecclesiasticam edit. Whelochianæ) Guilielmus item Somerset Malmesburiensis de gestis rerum Angliæ lib. I, cap. III, & Joannes Trevisanus de Memorabilibus suorum temporum lib. V, cap. XXIV.

II. Idem quoque Trevisanus libro VI, cap. I, auspiciis Alfredi (qui & Aluredus, ac Ælfredus) Anglo-

Sa-

*Scriptura
jam Bedæ a-
tato Britan-
nica lingua
antiquis cre-
ditur.*

*Bedæ ipse
angelicum lo-
banus An-
glico vertit;*

*Psalterium
Angl. Alfrea-
di & aliorum.*

Saxonum Regis, Psalterium in linguam vernaculam traductum esse scribit. Quod ipsum tradit etiam Polydorus Virgilius Anglic. Histor. lib. v; *Aluredus*, in-
 quiens, *Psalmos David ex Latino in patrium sermonem vertit, quo a cunctis facile intelligerentur.* Imo plu-
 res habuisse Interpretes Saxonicos Psalmorum librum, vel ex variantibus quatuor codicum lectionibus, quas editi a Jo. Spelmanno Psalterii interlineari margo ex-
 hibet, constare potest. Quibus accedit & alius co-
 dex Ms. Junii Latino-Saxonicus, a ceteris omnibus in multis dissentiens, teste Thoma Mareschallo, Anglo, Observationibus in versionem Evangeliorum Anglo-Saxonicam, sub initium, §. 2. ubi etiam Aldhelmum, five Adelmum, Episcopum Shirburnensem, circa an-
 num 1000 Psalmos Saxonice transtulisse memorat.

*Pentateu-
 chus, Ios. Ju-
 dic. Iudith.
 Macc. An-
 glo-Sax. ab
 Ælfrico Ver-
 si.*

*Plures item
 libri Biblici
 Anglice
 translati ab
 Egberto.
 Totæ Scri-
 pturæ Angl.
 Alnredi.*

*Cædmon Pa-
 trophraſtes
 Scripturæ
 Angl.*

III. Porro Ælfricum Abbatem Pentateuchum, libb. Josuæ, Judicum, & alios, quin & Apocryphos Ju-
 dithæ ac Maccabæorum, in suæ ætatis idioma Anglo-Saxonicum transfudisse, ex ejusdem de Veteri & Novo Testamento tractatibus Saxoniciis obvium est. Ab
 Egberto item, Episcopo Lindisfarnensi, plures libros Biblicos Anglice conversos esse ante annum 1000, Mareschallus loco ante citato testatur. Imo Alure-
 dum, acerrimi ingenii Principem, totum Novum & Vetus Testamentum in eulogiam Anglicæ gentis transmutavisse, ex historia Eliensi præfatio in Asseri histori-
 am de Ælfredi rebus gestis memorat. Quibus adde, quod sub nobilissima illa cœnobii Streneshalchani Ab-
 batissa Hilda, quæ anno 1000 obiit, monachus qui-
 dam, Cædmon dictus, quem afflatu divino Poëtam fa-
 ctum credebant, quidquid ex divinis literis per Inter-
 pre-

præter disceret, lingua vernacula Anglica paulo post Poëtice expresserit. Nempe *canebat de creatione mundi, & origine humani generis, & tota Genesis historia; de egressu Israël ex Ægypto, & ingressu in terram repromissionis: de aliis plurimis sacra Scriptura historis; de incarnatione Dominica, ac passione, & resurrectione, & ascensione in calum; de adventu Spiritus sancti, & Apostolorum doctrina — multa carmina faciebat; ut de ipso Beda scribit Eccles. Histor. lib. iv, cap. xxiv.*

*Evangelia
Anglo-Saxonica.*

IV. Extat præterea quatuor Evangeliorum interpretatio Anglo-Saxonica, anno clō lxxi Londini typis primo publicata, & quidem opera Matthæi Parkeri, Archiepiscopi Cantuariensis, atque Johannis Foxi, notissimi illius Martyrologi Anglicani (uti ex hujus epistola dedicatoria ad Reg. Elisabetham, illius autem præfatione in Historiam Asleri Shyreburnensis patet) postmodum vero ex codicibus Mss. collatis emendatius, additisque observationibus, opera Thomæ Mareſchalli, Angli, una cum Gothica translatione, de qua infra cap. xxix, 6. seqq. Dordrecht anno clō lxc lxxv in lucem emissa. Qui sub initium observationum §. 4. De auctore hujus versionis, ait, *itemque de codice, ad cuius fidem instituerunt editionem suam primi editores, nihil quicquam invenio. Porro desinet lector curiosus mirari, à me nihil hic desiniri de Translationis antiquitate, ubi resciverit, me ex styli variationibus adductum esse ut credam, illud opus non unius fuisse manu elaboratum; quin etiam vel unum S. Matthæi Evangelium duos videri habuisse Interpretes. Illi autem, quibus cæcutire contingit in designandis priscorum monumentorum auctoribus, vacillare quoque solent in deter-*

minanda eorum præcisa antiquitate. Satis interim vetustam quod esse oporteat translationem hanc, ex iis quæ mox editor subijcit, abunde liquet.

Biblia Anglicæ, sæculi 14.

part. 1. oper. f. 108.

Translationes Variæ Angl. sæculi superioris.

Verſus Angl. Genevenſis.

v. Ad recentiora tempora ut descendamus, qui jam supra aliquoties laudatus a nobis est, Johannem Trevisanum, sub Richardo II Rege, id est, sæculo XIV, vernaculam Bibliorum versionem adornasse, testis est, prætatus in suum N. T. Gallicum, Michael de Marolles. Quodque circa idem tempus Johannes etiam Wicleff *tota Biblia tranſtulerit de Latino in Anglicum*, Johannes Huſſus memorat in Replica contra Jo. Stokes, & Thomas Waldensis libro II, cap. VII.

vi. Superiori sæculo diversæ prodierunt, tum Pontificiorum, tum Reformatorum, Anglicanæ Scripturarum interpretationes: illæ quidem ex Latino Vulgatæ; istæ ex originali Hebræo Græcoque textu expressæ. Antiquissima est, at Pentateuchi dumtaxat & N. T. quæ sub Rege Henrico IX Episcopi Coverdal. & Tyndali opera adornata. A qua non multum discerepat quam edidit Thomas Mathæus. Posthac novam emiserunt translationem Tunſtal & Heat Episcopi. Vide Joannis Durelli librum quo Anglicam liturgiam adversus Presbyterianos defendit, & Rich. Simonii Histor. Crit. V. T. lib. III Append. pag. 142. seq.

vii. Celebris porro est Genevenſis, ab Anglis Reformatis sub persecutione Mariana exulibus per M. Converdalem, W. Wittinohamum, & A. Gilbium, curata, (dicta *Genevenſis*, tum quod Genævæ agerent ejus auctores, tum quod ex interpretatione Gallica Genevenſi sit expressa) quæque hanc excepit, Episcopalis, ut vocari solet, (*the Bishops Bible*) Reginæ Elisabethæ

thæ auspiciis a Roberto Parkero, Archiepiscopo Cantuariensi, aliorum doctorum virorum ope adjuto, publicata traductio.

IIx. Cum tamen neutra doctissimo magna *Regia Latini*
 Britannæ Regi Jacobo per omnia satisfaceret, accuratorem is conversionem per Londinenses & utriusque Academia Anglicanæ Theologos anno clb lbc xi fieri curavit; ea tamen lege, *ut simpliciter nova versio non adornaretur, sed vetus & ab Ecclesia diu recepta* (Episcopalis nempe) *ab omnibus navis & vitii purgaretur; idque hunc in finem, ne recederetur ab antiqua translatione, nisi originalis textus veritas vel emphasis postularet.* Vide Acta Synodi Dordracenæ sess. vii. ubi etiam, quo consilio quaque ratione versionis hujus negotium a Rege Jacobo institutum, qui modus in distribuendo opere observatus, quæque leges præterea aliæ Interpretibus præscriptæ fuerint, a Theologis qui e Britannia Nationali illi Concilio interfuere, explicatum legi potest. Regiam hanc versionem inter omnes Europeas translationes eminere ait Waltonus Appar. Bibl. prolegom. v. sub finem; inque ea *plurima occurrere magna eruditionis, peritiæque in linguis originariis, acuminis & judicii plus quam vulgaris, specimina.* Polus scribit præfatus in Synopsin Bibliorum Criticorum. Simonii de illa judicium & notata habes in hujus Historia Critica V. T. lib. ii. cap. xxiii. Utuntur hodie translatione ista in cultu publico Angli Episcopales, præter Psalterium, quod ex veteri sub Eduardo vi condita, versione legunt.

IX. Pontificii contra Anglici translatione utuntur *Rhemensis*
 Anglo-Rhemensi, sic dicta, quod ab Anglis, qui

Rhemos in Galliam transfugerant, publicata est. Cuius auctores, Gulielmus Alanus, Anglus, postea Cardinalis, Gregorius Martinus, & Richardus Bristous, teste Posslevino in Apparatu sacro, tit. *Biblia*, pag. 225. ubi etiam versioni huic subscripsisse annotat Petrum Remigium, Archidiaconum majorem, Metropolitanæ Rhemenſis Eccleſiæ Generalem Vicarium, Hubertum Morum, ejusdem Eccleſiæ Decanum & Eccleſiaſten, Academia item Rhemenſis Theologum & Cancellarium, atque Gulielmum Balbum, Theologiæ Profeſſorem, Collegii Rhemenſis Archimagiſtrum.

Worthing-
tonis.

x. Thomas præterea Worthingtonus, Lancastrenſis, & Societate Ieſuitica, qui & ipſe Rhemi Theologiam aliquamdiu docuit, Duacenſis inſuper Collegii Præſes, Protonotarius Apoſtolicus, & Archipreſbyteri Angliæ Aſſiſtens, Vetus Teſtamentum Anglice reddidit, adjectis Annotationibus. Videatur Philippi Alegambe Bibliotheca ſcriptorum Soc. Jeſu, pag. 439. & 483.

Biblia Wal-
lica.

xi. Hiſtandem Bibliâ accedunt Wallica, ſeu Cambro-Britannica, Londini anno clb lxxxix & clb lxc xx impreſſa (quas editiones in Bibliotheca Lambethana extare, Guil. Crovvaus, auctor Anglicus, in ſuo Elencho ſcriptorum in S. Scripturam pag. 23. teſtatur). item Hybernica translatio Teſtamenti Veteris Wilhelmi Bedvvel, Anglokilmoræ in Hybernia Epilcopi, & Novi, quam Wilhelmus Liſſerius, Dublicenſis Eques auratus, per virum quendam doctum procuravit.

Hybernica.

CAPUT XXIX.
DE
VERSIONE DANICA.

DAnica lingua omnium primo editum est Lipsiæ (libro in sante Wißen) anno dñi 1524, Novum Testamentum, auctore Iohane Michaëlis, Malmogiensi, ex vulgata Latina, incompto, quique barbarus Danis habetur. Idem cultius aliquot post annis prodit Antverpiæ, jussu Christiani II, jam regno pulsi, auctore vero, ut quidem Thomas Bangius tradit Cœli Orientis pag. 207. Christierno Petri, Canonico Lundinensi, Regis exulis comite. Quam translationem alia excepit adhuc accuratior, Wittebergæ anno dñi 1534 impressa.

*N. T. Danicæ
Michaëlis.*

*Alia ejus-
dem versio
nes.*

I. Porro ex V. T. libris Psalterium Davidicum idiomate Danico auctore jam antea laudato Christierno s. Christiano Petri Antverpiæ editum est anno dñi 1534, quo ipso etiam tempore alia eorundem Psalmorum interpretatio Francisci Wormordi, Carmelita, Rostochii in monasterio Michaelitano est excusa.

*Psalterium
Danicum Pe-
tri.*

Wormordi.

II. Tandem Pentateuchum quoque, seu quinque libros Moïsis, in Danicum traduxit sermonem Iohannes Tausanus, primus in Dania doctrinæ a Luthe-ro repurgatæ Præco. Quod opus impressum Magdæburgi anno dñi 1537. Et hucusque de partibus Scripturæ.

*Pentateuchus
Dan. Tausa-
ni.*

III. Biblia universa Danice primus edi curavit, hortatu Iohannis Bugenhagii Pomerani, (ex cujus consilio res per regnum suum Ecclesiasticas secundum Lu-

*Biblia Dani-
Christi.*

theri doctrinam constituebat) Christianus III; idque ad ductum Germanicæ Lutheri translationis.

Frider. 2.

v. Sequuta sunt quæ Biblia Friderici II. vocantur, quippe illo imperante publicata, ex Lutheri versione & ipsa expressa quidem, sed, archaïsmis prioris editionis evitatis, stylo sui temporis adornata.

Refenii,

vi. Porro sub hujus seculi initium alia denuo Biblia vulgavit Johann. Paul. Refenius, Selandiæ Episcopus: quæ ut proxime ad fontes accedunt, ita cultum & nitorem dictionis parum curant, atque Hebraïsmorum retinendorum studio valde reddita sunt obscura, sic ut sermo quo utuntur, maxime in libris dogmaticis, Danicis auribus fere peregrinus sit.

Christ. 4.

vii. Huic proinde malo ut medela afferretur, anno elo lccxxxiii, jussu Christiani IV, stylo Danico omnium purissimo, & quantum translationis ratio permittit, elegantissimo, Biblia prodierunt, cetera pene eadem quæ Friderici II; nisi quod commatibus seu versiculis distincta sunt, & loca, ubi Friderici Biblia a fontibus digrediuntur longius, aliter heic reddita.

Svaningii,

ix. Cum autem nec illa editio Johanni Svaningio satisfaceret, Theologo Hafniensi, Daniæque tandem Archiepiscopo, aliud is opus Biblicum adornavit, quod ad textum attinet, Refeniano per omnia fere respondens, nonnullis dumtaxat locis aliquantum mutatis, nitoremque pariter & elegantiam sermonis Danici respuens, æque item, propter Hebraïsmorum studium, obscuritate laborans. In hoc autem discrimen est, quod Svaningiana editio loca in margine parallela, Notasque additas habet doctissimas, & quæ uno sæpe verbo magnas difficultates tollunt. Vitiis interim

textus

textus ipse passim laborat. Nunc enim aliquid desideratur ibi, ut Levit. xxvii comma 6. & 7. Ps. xlix verba nonnulla comm. 2. Ps. lxxv aliqua ex comm. 5. Ps. cxix comma 48. Prov. xxx nonnulla comm. 4. Eccles. iix quædam comm. 2. Dan. vi nonnulla comm. 8. nunc e contrario aliquid redundat, ut Job, ii, 3. Ps. cxix, 47. nunc ordo verborum sine causa est inversus, ut Ps. cxi, 7. 8. Mittimus alia.

ix. Hi vero similesve navi haud dubie sublatis fuissent, si continuatus esset labor, quem jussu & auctoritate Friderici iii, glor. mem. studio scrutinioque Biblico addictissimi Regis, condendis novæ Bibliorum translationi pariter & commentariis impendere jam coeperant Theologi Hafnienses. Verum ubi vix una plagula Veteris Testamenti, & itidem una Testamenti Novi, esset impressa, mors optimi Regis interveniens sanctum illud & laudabile propositum turbavit.

*Frid. 3. de
nova Bibl.
editione
consilium,*

CAPUT XXIX.

DE

VERSIONE SVECICA, FINNICA, LAP-
PICA, ISLANDICA, GOTHICA.

I.

DE Svecicæ Bibliorum translationis auctore variant scriptores. Nonnulli enim Laurentio illam, alii Olao Petri tribuunt. De quibus Lutheri in Academia Witteberg. discipulis David Chytræus, Saxonix libro xii, Ecclesiæ, inquit, regni Sveciæ, doctrina puritate, disciplina sanctitate, rituum suavitate, populi in ornando Ministerio frequentia & reverentia florentes, amplius triginta annis, usque ad Regis Erici tempora, duo

*Svecicam Bi-
bliorum Ver-
sionem Olao
Petri minime
recte tribuit
Chytræum.*

hi

hi fratres, Orebroa in Nericia nati, conjunctis animis & consiliis, feliciter gubernarunt: moxque de Olao refert, (quem Holmiæ Episcopum vocat, cum Pastor ejus loci fuerit) quod inter ceteros pietatis praeclara labores, Biblia sacra primus in Suecicum sermonem transferri, & typis stanneis Holmia exprimi, ac in omnia regni templa distribui curavit. Chytræi narrationem recentiores aliqui heic sequuntur; ut Jo. Lætus Histor. univ. cap. xxxi, sect. ii, art. ii, J. H. Hottingerus Bibliothecæ Theol. lib. i, cap. iii, quibus tamen contradicit Johannes Micrælius Syntagm. Histor. Eccles. lib. iii, sect. ii, 48. Laurentio Suecicam versionem adscribens.

*Primum Sve-
tica transla-
tioni manum
admo-
vit
Laurentius
Andrea.*

ii. At quomodo ista se habeant, nemo rectius nos docuerit quam Joannes Baazius, gente Suecus, scriptorque rerum patriæ Ecclesiasticarum accuratissimus, Is vero in suo Inventario Ecclesiæ Sweo-Gothorum, ut vocat, opere speciali S. R. M. Svec. jussu edito, libro ii, cap. iii, de facta per Gustavum Erici Ecclesiastica reformatione agens, *Biblia sacra*, scribit inter cetera, *in Sue-
ticum idioma translata voluit Rex pius inter patrias
esse distribuenda. Translationem horum, exemplo & imi-
tatione Lutheri, incepit Mag. Laurentius Andrea, tunc
Presbyter Stregnensis, facto initio a Novo Testamento,
Quem Laurentium, post Archidiaconum Upsalien-
sem, quanti æstimaverit Gustavus, hinc licet collige-
re, quod eodem loco scribit Baazius: Voluit pius Rex, ut
vir doctus & pius M. Laurentius Andrea suus fieret Can-
cellarius.* Porro idem auctor, ejusdem libri capite
xxiii, agens de Laurentio Petri Nericio, Archiepiscopo
Upsalienfi, hujusque in munere administrando dexte-
ritate & solertia, *Translationem Bibliorum*, ait, *in ma-*

*Laurentii
Gero Petri
cura absolu-
tum est hoc
peccatum.*

sernam linguam procurauit perficiendam, aliaque scripta usilia Suetico idiomate in usum simpliciorum Predicatorum edidit. & postea: Huic Archiepiscopo, fratri suo, contulit in hoc genere fidelem operam M. Olaus Petri, Pastor Holmensis. Quæ facile persuadeant, Archiep. Laurentium, uti in aliis, sic quoque in sacris Bibliis traducendis *συνεργόν* habuisse fratrem Olaum, quem doctrina non vulgari conspicuum fuisse, & editi ab ipso libri varii, & disputatio testis est, quam cum D. Petro Galle, Theologo Upsaliæ Pontificio, anno clc lxxix instituit. Vide Baazium lib. II, cap. IV.

III. Idem porro Baazius, quæ gloriosissimi Regis Gustavi Adolphi circa Svecicum Scripturæ Codicem fuerit cura, his verbis narrat libro VI, cap. XIII: *Celsissimum specimen pietatis declarauit electus Rex Svecia Gustavus Adolphus, procurando impressionem Bibliorum Svecicorum, ultra 70 annos in patria omissam. Quæ enim exemplaria tunc erant publicata, partim male asservata, sineis ac vetustate perierant, partim alicubi seruatæ, aliis non sufficerent. Quare denuo recudenda esse Biblia Suerica ordinauit, dato quibusdam doctis Theologis stipendio, qui summaria capitum, & notas orthodoxas adderent. Voluerunt autem hi ipsi retinere antiquam versionem Bibliorum, ex B. Lutheri versione Germanica plerumque desumptam, addito huic exemplari copiosissimo indice. In hujus operis publicatione quantas fecit Rex Gustavus Adolphus impensas sumtusque necessarios, res ipsa loquitur. Nam præter numeratum stipendium dictis Theologis, dedit etiam pecuniam non exiguam sculptoribus laminarum ænearum, ad ornatum operis & historiarum Biblicarum artificiose dispositarum, delineationem.*

Gustavi Adolphi R. cura circa Biblia Svecicæ

terra promissa inter Israelitas distributa, item Tabernaculi, & Sanctuarii, cum figura vasorum sacrorum, à Moïse & Salomone factorum: sicut & templi Salomonis egregiam formam juxta exemplar. Ben. Ar. Montani procuravit Rex imprimendam, datis toti huic operi sumptibus liberalibus, ad perfectionem illius necessariis. Huic labori ea benedictio divina adfuit, ut totum Vetus Testamentum videret Rex publicatum ante suam coronationem, anno 1617. Postea prodit ex eadem Typographia Holmienti No-
vum Testamentum Bibliorum, summariis capitum & notis marginalibus, sicut prius, excusum. Exemplaria Bibliorum bene multa primo videbantur excusa, tamen intra paucos annos ita erant distracta, ne unum extaret venale. Quare Typographus Lubecensis, suis rebus prospiciens, hac Biblia propriis sumptibus in 4to impressit. Deinde Typographus Lugdunensis Batavus quatuor privilegium imprimendi Biblia Svetica in forma minori, omnis summariis & notis. Quo dato privilegio ab El. Regina Svec. post mortem luctuosam pientissimi Regis Gustavi Adolphi, ita usus est Typographus Lugdunensis, ut bis emitteret in forma minori nostra Biblia. Hodie in Svecia elegantissime recudi vernacula Biblia, ab amicis accepi.

*Versio Fin-
nica.*

iv. In Finnicam seu Finnonicam linguam primus Novum Testamentum traduxit Michael Agricola, Theologus Aboënsis. Aliam vero postea totius Scripturæ versionem idiomate hoc adornavit Eschillus Petrus, Aboënsis & ipse Theologus atque Episcopus, quæ Holmia Svecorum prodit anno clc lxxii, quatuor Professorum Academia Aboënsis præfatione munita. Exhibetque editio hæc præter textum summa-
ria

ria etiam & glossas quorumvis capitum, Indicem item totius Scripturæ locupletissimum.

v. Sed & Lappico extant idiomate Psalterium, *Lappica.* Proverbia, Ecclesiastes, Siracides, Evangelia ac Epistolæ Dominicales. Quæ omnia, una cum libro precum & hymnorum, nec non Passionis Dominicæ & Excidii Jerosolymitani historia, sub titulo Manualis Laponici Holmiæ anno clb lbc XLIIIX Interpres Johannes J. Tornæus, Bothniensis, publicavit.

vi. Islandico præterea sermone scriptores Biblicos loqui fecit Gudbrandus Thorlacius, *Islandica Thorlacii,* Holensis sive Holumenensis in Islandia Boreali Episcopus: qui primus typographum invehendum, plurimosque libros Theologicos vernaculo idiomate excudendos eo loco curavit; & hos inter ipsum etiam secundum Lutheri versionem adornatum Codicem Biblicum, anno clb l3 LXXXIV vulgatum. Sub cujus finem Interpres, in admonitione ad lectorem, veniam dari sibi petit, si quid minus recte transtulerit, Deum testatur, ejusmodi quid si reperiat, ex nullo suo consilio, sed mera ex ignorantia esse profectum.

vii. Præter primam istam editionem alia anno clb lbc XLIV prodiit, cura Thorlaci Sculonii, *Sculonii,* (qui & ipse Holensis fuisse videtur Episcopus, quod res tanti negotii per solos Episcopos in Islandia gerantur) a priori non in eo solum diversa, quod versibus distinguitur, quibus caret antiqua editio, sed & qua interpretationem ipsam in aliquibus ab eadem discrepans. Videri potest de Islandicis his Bibliis (quæ olim in Bibliotheca Academica Hafniensi evolvi, chartæ speciosæ typis sat elegantibus, quantum recorder, impressæ.)

Thomæ Bangii Cœlum Orientis pag. 150. Arngriml Jonæ descriptio Islandiæ pag. 155. & Theodori Thorlacii dissertatio de Islandia sect. II, th. VI, I. qui duo posteriores, linguam Islandicam esse veterem Gothicam, dictis locis asseverant.

Gothica Ul-
philas.

III. Cujus Gothicæ linguæ dum fit mentio, non possumus intactam heic relinquere antiquissimam illam translationem Biblicam, quam idiomatico isto adornavit Ulphilas, (etiam Ulphillas, Urphilas, Wulfilas, Galphilas, Gilfulas, aliis dictus) Gothorum seculo quarto Episcopus; uti testes sunt Luculentii, Socrates Histor. Eccl. lib. IV, cap. XXXIII, & Sôzomenus lib. VI, cap. XXXVII, præterque hos Nicephorus Histor. Eccl. lib. XI, cap. XLIX, Isidorus Hispalensis in Chronico Gothorum, Philostorgius Historiæ Eccl. lib. II, cap. V. qui postremus ab Urphila (sic enim constanter illum vocat) Scripturam Gothicæ traductam ait, præter libros Regum, quos veterere noluerit, quod Gothos, studio præliandi flagrantes, freno potius ad cohibendum heic opus habere crederet, quam stimulo ad incitandum. Verba ejus: καὶ τότε ἀλλ' αὐτῶν (τῶν Γότθων) ἐπιμελήθη (ὁ Ὀυρφίλας) καὶ γραμμάτων αὐτοῖς οἰκείων εὐρείης κατισχύει, μετέφρασεν εἰς τὴν Φωνὴν πρὸς γραφαῖς ἀπίστας, πλήντος δὲ τῶν βασιλείων, ἅπτε τῶν μεμπλέμων ἱστορικῶν, τὰς δὲ ἔθνεος ὅλης φιλοπολίμης, καὶ διορθῶν μάλλον χαλιῶν τῆς ἐπὶ τῆς μάχης ὁρμῆς, ἀλλ' ὃ ἔπειθε τὰ ὅλα πρὸς εὐνοίαν. *Ue in ceteris curam illorum (Gothorum) habuit Urphilas, in propriarum quoque literarum inventor exiit. Et in linguam eorum Scripturas versit, exceptis libris Regum; eo quod hi bellorum historiam contineant, gens vero illa belli*

belli amans esset, frenoque magis eorum ad pugnas impetus indigeret quam incentivo. Adde martyrii Nice-
tæ scriptorem, apud Sim. Metaphrasten d. xv Sept.
Sixtumque Senensem Biblioth. S. lib. iv. qui e Græco
Ulpilianam translationē promanasse memorant. idq;
de Novo Testamento verum esse, vel hinc patet, quod
Oratio Dominica Gothica, Matth. vi, 13. doxologia illa
concluditur, quam non agnoscit editio vulgata Lati-
na. Confer paulo post num. 11. & supra cap. vii, 28.
Tandem refer huc, quæ habet seculi noni scriptor,
Walefridus Strabo, de rebus Eccles. cap. vii; ubi de
Gothis agens, *Studiosi illius gentis*, ait, *divinos libros*
in sue locutionis proprietatem transtulerunt: quorum ad-
huc monumenta apud nonnullos habentur.

ix. Imo ad ipsa nostra tempora isthæc monu-
menta pervenerunt. Gothi videlicet, qui, relicta Scan-
dinavia, in Germaniam primum effusi, postea loca circa
Maotidem paludem & ostia Istri occuparunt, & adhuc
Ovidio exule Tomos & loca sinistra ripa vicina obtine-
bant; ii temporibus Valentis Aug. Wulfila Episcopo au-
rore, Christiani quidem facti sunt, sed Arriani: atque
adeo etiamnum in iisdem regionibus degunt sub Praco-
pensi Tartarorum Dynasta, & utrumq; Testamentum, iis-
dem literis, quas excogitavit Wulfila, conscriptum, &
eadem lingua, quæ tempore Ovidii utebantur, interpre-
tatum legunt. Sermo enim eorum hodiernus majore ex
parte Teutonice est; ut Josaphat Barbarus, civis Vene-
tus, scripserit, puerum Teutonem, quem secum habebat,
ab ipsis, & ipsos ab eo vicissim intellectos fuisse, ac verba
inter se, haud aliter ac si eadem lingua fuisset, ultro ci-
troque habuisse; ait Josephus Scaliger, Canonum Isagog.
libro iii, pag. 147.

*Gothica
Scriptura
translatio
hodieque en-
tat.*

Codex Gothicus N. T. universi.

x. Testis porro est, apud Sibrandum Lubbertum lib. III de Principio Christianorum dogmatum cap. vu, Philippus Marnixius, Dominus Sancti Aldegundius, Codicem Gothicum universi Novi Testamenti, aureis argenteisque characteribus in papero exaratum, in bibliotheca Hermanni Comitris Neovenarii extitisse. Cujusmodi Testamentum ad suas etiam manus pervenisse Matalius Metellus Sequanus memorat apud Suffridum Petrum præfat. in decades xvi de Scriptoribus & illustribus viris Frisiz.

Codex Evangeliorum argenteus.

xi. Præ ceteris vero celebris est quatuor Evangeliorum Codex Gothicus, qui Argenteus recepto titulo appellatur. Illum *ante mille plus minus annos in pergameno aureis & argenteis literis perscriptum esse*, Arnoldus Mercator apud Ianum Gruterum Inscriptio-num antiquarum pag. cxlvi testatur; estque eodem usus auctor anonymus commentarioli in literas Gothicas a Bonaventura Vulcanio publicatus, quem Iacobus Usserius, epistola ad Fr. Junium, (in hujus Gothicum Glossarium p. 14. relata) suspicatur esse Antonium Perrenotum, Card. Grandvellani Bibliothecarium, qui orationem Dominicam & alias quasdam particulas ex jamjam dicto Gothico codice descripsit, a Io. Goropio Becano Originum Antverp. libro vii, pag. 739. seqq. insertas. Cumq; ad Werdeni sive Werdenensis in regione Bergenli quatuor fere a Colonia miliaribus distantis monasterii bibliothecam olim argenteus hic codex pertineret, postea, auctore Illustrissimo Comite, Dn. Magno Gabr. de la Gardie, meo & omnium quibus bonarum literarum studia curæ sunt Patrono incomparabili, in Succiam inde trans-

translatus, interque potissima Regiæ Bibliothecæ decora fuit repositus. Cujus etiam maximi Herois factum est auspiciis, ut opera Francisci Junii typis publice excusa sit Dordrecht anno 1703 c. lxxv Gothica hæc Evangeliorum versio, una cum observationibus Thomæ Marefchalli, Angli, qui de eadem ibi, fere sub initium, §. 4. *Mihi certe, inquit, stupenda Argentei codicis vetustas argumentum est non contemnendum, hanc versionem non aliam esse, quam Episcopi Gothorum illam antiquissimam. ut nihil dicam de quibusdam remotioris antiquitatis in ipso opere vestigiis, quæ nunc sigillatim persequi nec vacat nec expedit. moxque ad supra jam laudatam Ulserii epistolam provocat, ubi vir doctissimus, Notandum, ait, Orationem Dominicam Gothicam doxologia illa concludi, quæ in vetere Latina Bibliorum editione desideratur. ut ex Græco fonte Gothicam istam Novi Testamenti versionem derivatam esse appareat, & ex ipsius Wulfila primæva traductione descriptam. Rediit post in Sveciam, quingentis Imperialibus redemptus ab Illustr. de la Gardie, Codex Argenteus, donatusque ab eodem est Academiæ Upsaliensi, ubi hodie etiamnum custoditur. Præter Junianam alia Holmiæ Codicis Argentei, cura Dn. Sternhælmii, viri in Gothicis antiquitatibus versatissimi, editio prodit.*

CAPUT XXX.

DE

VERSIONE POLONICA, LITUANICA,
LIVONICA, RUSSICA.

I.

IN linguam Polonicam sacrum Codicem prima trans-
ferre

*Biblia Polonica
Hædæ & G.
gi Reg.*

ferre curavit Regina Hedvvis, Ludovici filia, uxor Jagellonis, Ducis Lithuaniae, qui Christianismum amplexus præcipitante seculo XIV, Poloniaeque positus imperio, Vladislaus IV dictus est. Testis e MS. Iohannes Lasicius de gestis Franciae libro I. qui sedulo vernaculam hanc Scripturam ab Hedvvice lectam fuisse ait, uti quoque ab altera post huius obitum Jagellonis uxore Sophia. *Cujus exemplar, inquit, eleganter manu scriptum, vidi.*

*Hieroni. Leo-
politani,*

II. Posthac, seculo superiori, *Hieronymus Leopoltanus, ex provincia Ruthenia, ordi. Minorum regularis observantia, Ecclesiastes & Lector metropolitana Ecclesia in urbe Cracovia, Polonici regni regia, — omnes Bibliorum lib. in Polonicam linguam convertit. Clavuit sub Carolo V. August. anno Domini 1536. Verba sunt Sixti Senensis, Bibliothecae S. libro IV.*

VVici,

III. Eodem seculo finiente aliam Bibliorum interpretationem edidit Jacobus Viacus, s. Wieceus, e Soc. Jesuitica. De qua hæc Possevinus in Apparatu S. pag. 225. *Biblia in linguam Polonicam sunt versa, mandato Gregorii XIII. Pont. Max. atque in lucem edita concessu Clementis XIII. Pont. Max. & hac quidem recognita à nostris ejusdem gentis valde peritis atque Theologis. Qua versio perutilis & necessaria fuit ad extirpandos errores, qui ex falsa novorum Ariano- rum & aliorum hæreticorum versione passim serpebant: cum in eam Catholicam versionem diligentissime insudasset Jacobus Viacus, Vangroviensis Polonus, Theologus Societatis nostrae. Quæ repetit infra pag. 794. ubi de Vieco hoc agit, uti eadem fere habentur etiam in Bibliotheca scriptorum Soc. Iesu Ribadenci ro-Alegambiana pag. 215.*

iv. Nempè prodierant jam anno clō lō LXIII Bi-
 blia Radzeviliana, norante Chytræo Saxonix lib. xv,
 pag. 193. cujus verba de Nicolao Radzevil, Duce Oli-
 censi ac Niesvicensi, Palatino Vilnensi, loquentis: *Hic*
primus Vilna, negantibus ad congressus publicos templo-
rum usum Sacrificulis, in aula sua, fano S. Iohannis op-
posita, conventus sacros fieri permisit; Biblia ex Ebraicis
& Græcis fontibus in linguam Polonicam versa, primus
Sarmatis dedit, in Interpretes ac Typographos circiter
decem millibus aureorum impensis. Quod religiosum &
pium illius studium conjux etiam Elisabetha Sidloviécia
fideliter adjuvis. Quæ repetit infra lib. xxi, pag. 558.
 habetque eadem fere Thuanus Historix suæ libro
 xxxiix, ad ann. clō lō LXV. Ceterum qui fuerint In-
 terpretes, quorum opera in translatione hac Radzevi-
 lus est usus, neuter eorum exprimit.

v. Andreas vero Wiflovvatus, auctor So-
 cinianus, in Narratione compendiosa, quomodo
 in Polonia a Trinitariis Reformatis separati sint
 Unitarii, Reformatorum quorundam opera in op-
 pido Pinczovv, cum & Sociniani nonnulli ibi age-
 rent, concinnatam illam esse tradit. Verba ejus
 sunt: *Qui à recepta de Trinitate opinione in Polonia di-*
sidebant, nominabantur tum Pinczovvii, ab oppido Pinc-
zovv: in quo sub Nicolao Olesnicio, illustri Patrono ac Pro-
rectore, & Franciscus Stancarus Mantuanus (mosa de
Christo secundum humanam tantum naturam Mediator-
re controversia celebris) & Lūmaninus, & Petrus Stato-
rim Gallus, & Georgius Blandrata Italus Medicus, post-
quam Geneva secessit, & Joannes a Lasco Polonus, ex An-
glia redux, cum aliis quibusdam morabantur. Ibidem à

Radzevil.
 interpreta-
 tionū Bibl.
 auctores.

*nonnullis Reformatis Bibliorum versio Polonica est concin-
nata, postea cura & sumptu Nicolai Radivilii, Ducis in
Olika & Neswez, Palatini Vilmensis, in urbe Lithuania
Breslia, cujus is Praefectum agebat, typis expressa. Imo
Andreas Wengierscius, Slavoniae Reformatæ lib. 1, cap.
xvi, Petrum Statorium, Simonem Zacium, Gregori-
um Orsacium, Andream Tricesium, Jacobum Lube-
lium seu Lublinum, Socinianos, versioni illi operam
impendisse scribit. Videatur etiam Bibliotheca Anti-
Trinitariorum Sandiana pag. 47. 48.*

*Biblia Pol.
Budnai.*

vi. Porro Simon Budnæus, antri-Trinitarius,
adornavit *Biblia Veteris & Novi Testamenti Polonicae
ad fontes Hebraeos & Græcos examinata, excusa typis Za-
slawii in Lithunia, in typographia Matthiae Kwieżini,
Praefecti Niesvisensis, ejusdemque ac fratris ipsius summa
publicata a. 1572. ut legitur in citata Anti-Trin. Biblio-
theca pag. 55. inque peculiari de Typographiis Unita-
riorum in Polonia & Lithuania relatione. Speciatim
vero Novum Testamentum Polonice verterunt ex eo-
dem cœtu Martinus Czechovicus, & Valentinus Smal-
cius. quorum illud anno clb lxxvii, idud anno clb
lxc xx, Racovia excusum. Videatur iterum dicta Bi-
bliotheca pag. 51. 104.*

*N. T. Polon.
Czechovicii
& Smalcii.*

*Biblia Polon.
Rabi,*

vii. Reddidit tandem Polonice etiam Biblia Ju-
stus Rabus, Jesuita Cracoviensis; in cujus laudes *παρ-
εσι* fertur Philippus Alegambe, Bibliothec. scripto-
rum Soc. Jesu pag. 293. Num vero superiori, an no-
stro hoc seculo opus illud primum prodierit, certo di-
cere non possumus. In utroque enim vixit auctor,
ut qui, xliii annis in Societate expletis, anno clb lxc
xii obiit prope septuagenarius.

*Lithuanica
Biblia Chy-
linski.*

IIx. In Lithuanicam linguam sacrum Codicem traductum esse a Samuele Boguslao Chylinski, Lithuano, qui anno clb lbc Lxiix in Anglia obierit, Gvil. Crovvæus, Anglus, Elencho scriptorum in S. Scripturam, pag. 22. refert; addens vero, nescire se, an versio hæc fuerit edita. Joh. Micælius, Syntagm. Hist. Eccles. lib. III, sect. II, quæst. XLIX, de Joh. Ungnadio agens, etiam Nicol. Radzevilum Biblia in Lithuanicam linguam transferri curasse scribit. Sed Lithuanicam translationem vocari ab eo heic existimamus Polonicâ in Lithuania excusam, de qua supra numiv, v.

*Livonica Bi-
blia.*

IX. Livoni vernaculo Scripturarum textu hucusque caruerunt: nisi quod Livonicæ translationis fragmentum quoddam Ps. cxvii editum esse, Hottingerus in Bibliothecario, Bibliothecæ Theolog. lib. I, cap. III, pag. 144. annotat. Hodie autem Rigæ omni studio enixeque id agit Regius Livoniæ Superintendens, Dn. Johannes Fischerus, vir Zelo domus Dei plenus, deque Ecclesia, præsertim illorum locorum, præclare meritis, amicus noster plurimum honorandus, ut vernacula ex ipsis fontibus fideliter traducta Biblia Livonis tradantur. Quibus sanctis laboribus largiter benedicat, & ad finem eos felicem perducatur, benignissimum Numen! Nos interim merito Livonos verbis nunc compellamus, quibus olim Suniam & Fretelam S. Hieronymus, epist. cxxxv: *Vere in vobis Apostolicus & Propheticus sermo completus est: In omnem terram exiit sonus eorum, & in fines orbis terra verba eorum. Quis hoc crederet, ut barbara Getarum lingua Hebraicam quæreretur veritatem; & dormitantibus, imo contendentibus, Græcis, ipsa Germania Spiritus sancti*

*Ps. 19. 5.
Rom. 10. 18.*

48.10.34.35 eloquia scrutaretur? In veritate cognovi, quoniam non est personarum acceptor Deus; sed in omni gente, qui times Deum, & operatur iustitiam, acceptus est illi. Dudum callosa tenendo capulum manus, & digiti tractandis sagittis aptiores, ad stylum calamusque mollescunt, & bellicosae pectora vertuntur in mansuetudinem Christianam.

Biblia Romanica,

Georgiani Colub.

x. Habent ad hoc Russi seu Moscovitæ Biblia vernacula, quæ & superiori seculo & nostro non adeo pridem tempore prodierunt. Vide Olearii Itinerarium Moscovitico-Perficum lib. III, cap. XXI, Marschalli Observationes in Evangelia Gorhica §. 1. Simonii Historiam Criticam lib. II, cap. XVI, ejusdemque Disquisitiones Criticas cap. XXI. ubi ait: *Moscovitæ, Iberi, seu Georgiani, populi quoque qui Colchidis regiones incolunt, suas etiam habent contextus sacri versiones: & non ita pridem Biblia sermone & characteribus Moscoviticis edita sunt. Has autem omnes ex Græco derivatas fuisse, dubitari nequit; cum gentes illæ fidem Christianam ritusq. Ecclesiarum suarum a Græcis hauserint.*

CAPUT XXXI.

DE

VERSIONE BOHEMICA, HUNGARICA, SLAVONICA.

I.

Biblia Bohemica.

IN Bohemicam linguam Scriptura S. translata est Anno clb l^o LXXIX. Interpretibus, Alberto Nicolai, Luca Helicæo, Iohanne Ænea, Georgio Vettero, Esaiæ Cæpolla, Iohanne Ephraimo, Paulo Iessenio, Iohanne Capitone; sumptus liberaliter suppeditante Barone Iohanne Zerotinio. Vide Ioh. Lascium de

gestis Francorum lib. vii, & Guil. Crovvaum Elench. scriptorum in S. Scripturam pag. 21. 22. Imo jam suo tempore Novum Testamentum idiomate Bohemico extitisse, indicium facit Iohannes Hussus in Republica contra Ioh. Stokes, Tom. 1 operum fol. 108.

ii. Hungaricam sacri Codicis versionem ex ipsis fontibus primum adornavit Caspar Carolus; quam recognovit postea Albertus Molnar, Szenziensis Hungarus. Ex vulgata vero Latina textum Biblicum Hungarice reddidit Iesuita Georgius Kaldus, Tyrnaviensis Hungarus. Prior versio recognita Hanovix prodiit anno clb lbc iix, posterior Viennæ anno clb lbc xxvi.

iii. Tandem lingua etiam Slavonica totum corpus Biblicum extat, impressum caractere Latino Wittebergæ anno clb lbc lxxxiv, Habeturque illa editio in Biblliotheca Anglorum Lambethana, hunc præferens titulum: *Biblia, ruzense, Smetu-Pismu, Stariga inu Noviga Testamenta, Slavanski, tolmažhena skusi Iurja Dalmatina*. Latine: *Biblia, hoc est, Sacra Scriptura V. & N. T. Slavonice, translata per Georgium Dalmatinum*.

Vide Guil. Crovvi Elenchum scriptorum in S. Scripturam, Londini editum, pag. 23. In Heinisiana quoque Bibliotheca, quæ per auctionem publicam annis abhinc aliquot distrahebatur, Biblia fuisse Slavonica MS. in pergameno, ex catalogo ejus constat Lugd. Batav. anno clb lbc lxxxii vulgato, pag. 1. Dicuntur etiam Slavi versionem habere Biblicam in lingua vernacula, a Cyrillo, qui circa seculi noni medium vixit, conditam. Et sane illo ipso seculo apud Moravos, si non totum corpus Biblicum, certe aliquam ejus partem, idiomate Slavonico extitisse, epi-

stola docet Iohannis iux Pontif. ad Scentum Moraviæ Principem, quam exhibet Baronius, ad ann. DCCCLXXX, 16.

CAPUT XXXII.

DE

CELEBRIORIBUS OPERIBUS BIBLICIS.

I.

*Origenianum
opus Biblicū.*

Mirata est olim antiquitas opus Biblicum Origenis, cuius & hodie etiamnum fama per orbem celeberrima. Nempe Origenes hic, quem propter ingentes, quos exantlavit, labores, *Adamantium*, & ob multiplicem doctrinam *secundum post Apostolos Ecclesiarum Magistrum* dixere veteres, cum in editionem Græcam, quæ tunc *Vulgata* audiebat & *Communis*, errata quædam irreplisse advertisset, ex Alexandrina Bibliotheca, ubi genuinum exemplar asservabatur, versionem τῶν Lxx descripsit, eademque, adhibitis simul plurimis optimæ notæ codicibus, ab omni corruptela & mixtura, quantum fieri potuit, vindicatam, pristinae integritati restituit. Utque ex aliarum translationum collatione plus utilitatis ad Ecclesiam redundaret, cum isthac sincera & genuina Lxx virali primæ tres reliquas, Aquilæ puta, Symmachi, & Theodotionis, versiones Græcas, singulis paginis ita per columnas disposuit, ut uno intuitu lector omnes conspiciere posset & inter se conferre. Quæ volumina, quod quatuor translationes totidem columnis sive areolis exhiberent, *Tetrapla* appellavit. Postea, ubi, ardore scrutandi accuratius Scripturas, linguam etiam sanctam, *contra atatis gentisque suæ naturam* (ut Hieronymus ait)

Tetrapla.

*lib. de Script.
Eccl., c. 94.*

ait) addidicisset, textum insuper Hæbræum, & quidem tum characteribus hujus linguæ genuinis, tum Græcis, adjecit: unde nata sunt *Heptapla*. Tandem, post repertas versiones Græcas Quintam Sextamque (ita enim dicebantur, quod de auctoribus non constaret) & ipsas cum reliquis disposuit, atque sic Ecclesiæ dedit *Octapla*. De hoc opere Biblico Hieronymus, in caput in Epistolæ ad Titum, ita scribit: *Nobis cura fuit, omnes Veteris Legis libros, quos vir doctus Adamantius in Hexapla digesserat, de Casariensi Bibliotheca descriptos ex ipsis authenticis emendare. In quibus & ipsa Hebræa propriis sunt characteribus verba descripta, & Græcis literis tramite expressa vicino, Aquila etiam & Symmachus, LXX quoque & Theodotio, suum ordinem tenent. Nonnulli vero libri, & maxime hi qui apud Hebræos versu compositi sunt, tres alias editiones additas habent; quas Quintam, & Sextam, & Septimam translationem vocant, auctoritatem sine nominibus Interpretum consecutas. Hæc immortale illud ingenium suo nobis labore donavit. Vide etiam Eusebium lib. vi Historiæ Eccles. cap. xvii, Epiphanium hæresi Lxiii, & libro de Ponderibus ac Mensuris cap. xix, ipsum Origenem epistola ad Africanum, & tom. xv in Matthæum; atque ex recentioribus Huetium Origenianorum lib. iiii, cap. ii, sect. iv, Simonium Histor. Crit. lib. ii, cap. iiii, x, & Disquis. Crit. cap. xii.*

*Heptapla;**Octapla;**edit, Huet;**Quid occasi-
onem dede-
rit interitus
operis Orige-
niani;*

II. Ceterum etiamsi hunc ὁ χαλκεύειν laborem, qui tantæ olim fuit admirationi, nobis invidit temporum injuria (cui rei fortasse ansam auctor dedit ipsemet. Cum enim omnium non esset, magna hæc volumina comparare, aliam editionem adornavit, so-
lum

lum τὸ LXX textum exhibentem, sed ita, ut, quæ in fonte Hebræo legebantur, in LXX virali autem versione deficiebant, ex Theodotionis editione suppleret, appposito asterisco, ne additamentum cum ipsis τὸ LXX textu confunderetur; quæ vero in Græco habebantur, & non in Hebræo, obelo notaret. Quæ editio, ut facile parabilis, teste Hieronymo epist. xxcix, omnes Ecclesiarum bibliothecas replevit, indeque haud dubie priori fraudi fuit) gloriari tamen potest hæc nostra ætas de Bibliorum editionibus, quæ, si linguarum versionumque varietatem spectes, palmam Origeniano operi multis modis præripiunt.

*Opera Bibli-
ca nostra a-
tati palmā
Origeniana
præripiunt.*

III. Scilicet ubi visum esset omnipotenti Numini, ut, pulsa superstitionum humanarumque traditionum caligine, pristinus nitor Ecclesiæ redderetur, pelli quoque oportebat barbariei tenebras, quibus aliquot seculis involutus fuerat Christianus orbis, & restitui literas ac linguas, per quarum ignorance[m] res etiam ipsæ ignorabantur. Quod proinde ut successu fieret meliori, in partem curarum venire volebat Deus ipsos illos, quibus hæc lux maxime inimica erat futura, Pontifices, inquam, Cardinales, & Episcopos Romanæ Ecclesiæ. Nam uti Nicolaus v, qui reformationem Ecclesiasticam proxime anteceffit, teste Platina, *litteratos premiis, nunc ad lectignes publicas, nunc ad componendum de integro aliquid, nunc ad vertendos auctores in Latinum, ita pepulit, ut literæ Græcæ & Latinæ, quæ sexcentis jam annis in situ & senebris jacuerant, tum demum splendorem aliquem adepti sint; misitque litteratos per omnem Europam, quorum industria libri conquirerentur, qui majorum negligentia & barbarorum ra-*

pinis perierant: (cujus Nicolai Pontificis exemplum in eadem Italia postmodum secutus est Laurentius Medices, Princeps Florentinus, pater Leonis x) ita circa illud ipsum tempus, quo Romanæ curiæ bellum indicere cœpit Lutherus, ejusdem Cardinalis, idemque Archiepiscopus Tolertanus, Franciscus Ximenius, primus inter Christianos tentavit opus Biblicum *πλὴν γλωττον*, editis Compluti suis sumptibus, collatis autem *Opera Complutense.* studiis ejus Academiæ Theologorum (quibus tamen vetustissima exemplaria, Græci imprimis textus, ex Bibliotheca Vaticana ac aliunde magnis laboribus & impensis conquesta, ipse Ximenius, ut in operis præfatione testatur, suppeditavit) sex voluminibus, complectentibus textum Veteris Testamenti Hebræū & Vulgatam Latinam; versionem Græcam τῶν LXX cum translatione Latina; Paraphrasin Pentateuchi Chaldaicam Onkelos, itidem cum interpretatione Latina; Novum Testamentum Græco-Latinum; denique Apparatum, in quo Grammatica, Lexica, Indices. Vide Richardi Simonis Appendicem libri iii Historiæ Criticæ, & Disquis. Critic. cap. xxvii.

iv. Simile quid circa eadem tempora tentavit Augustinus, Genua ex Justinianorum familia ortus, Nebiensis in Corsica insula Episcopus, conatu etiam majori. Is nimirum, ut Bibliothecæ suæ libro iv Sixtus scribit Senensis, *novo & ingenti ausu primus omnium utrumque sacra Legis Instrumentum quinq; præcipuis linguis, Hebræa, Chaldaea, Græca, Latina, & Arabica, in unum corpus, OCTAPLA inscriptum, redegit, sano artificio, ut in singulis paginis octo columnas disponderet, in quibus omnes prædicta lingue, propriis characteribus expresse,*

*Augustini
Justiniani
Nebiensis.*

*totidem lineis totidemque verbis sibi correspondentes, unum eodemque aspectu cernerentur; eo videlicet ordine, quæ mox recenset Sixtus, & in epistola ad Card. Bendinellum ipse Augustinus: nempe ut prima columnella textum exhiberet Hebræum, secunda versionem Latinam, Hebræo verbotenus respondentem, tertia Latinam vulgatam, quarta Græcam, quinta Arabicam, sexta paraphrasin Chaldaicam, septima translationem Latinam Chaldaæ respondentem, octava denique brevia scholia, vel brevissimas annotationes. Ceterum quæ ingenti non minus labore quam ausu ita paraverat Nebienfis, lucem publicam non viderunt, præter Psalterium, Leoni x dicatum, quo postea in addiscendis Arabicæ linguæ elementis usus fuit celeberrimus ille Nicolaus Clenardus. Ex Novo Testamento in universa quatuor Evangelia Octaplum, ipsa auctoris manu atramento minioque descriptum, vidisse se ait Senensis. De translatione Nebienfis ita Huetius, de Interpretatione lib. 11, 13. *Primus postremis hisce temporibus nomen suum duplici sacrorum librorum interpretatione, altera ex Ebrais, e Chaldaïs altera, celebravit Augustinus Iustinianus. Verba verbis totidem, iisque selectis, nec impuris, in utraque retulit, fidemque suam ac diligentiam doctis omnibus approbavit. Id adeo ex Psalterio eius $\mu\lambda\omega\gamma\lambda\acute{\omega}\tau\eta\varsigma$, quod unum ex immenso hoc opere, typographico labore excusum est, statuere licet. Id si indocta illa ætas majori favore excepisset, & nobiles eruditi hominis labores adjumento aliquo & opibus promovisset, universam Scripturam simili ornatu decoratam & pari interpretationum numero ab eo editam haberemus.**

Regia, sic dicta, quod auspiciis & sumptibus Regis Hispaniarum Philippi II edita. Prodierunt charta Regali typisque Plantinianis Antverpiæ, sub directione celeberrimi illius Ben. Ariæ Montani. Hoc opus Complutensia Biblia longe superat, non chartæ modo typorumque elegantia, sed &, quod multa habet quæ in Complutensi editione desiderantur. Exhibet nimirum in sex Tomis, textum Hebræum Veteris & Græcum, Nôvi Testamenti cum versione interlineari Xantis Pagnini; Chaldaicam paraphrasin integram, cum versione Latina; Syriacos N. T. libros, tam propriis quam, Hebraicis literis descriptos, opera Guidonis Fabricii Boderiani; Apparatum denique magnum, duobus voluminibus comprehensum, in quibus tractatus varii ad Scripturæ intelligentiam facientes, Lexica, Grammaticæ, variae lectiones, Tabulæ, Indices. Judicium de hoc opere Simonii vide in ejus Appendice libri III Historiæ Criticæ, & Disquis. Critic. cap. xxvii. In eodem quid desideret Andreas de Leon Zamorensis, Clericorum Regularium Minor, ex ejus anno clc lxx scripta epistola discitur, quæ inter editas junctim de Ecclesiæ Or. antiquitatibus dissertationes Epistolicas III est; ubi & vulgatam Latinam, prout in opere hoc exhibetur, plurimis scaterere mendis admonet, & de inserta eidem Chaldaica paraphrasi ait, quod sit *viata & corrupta nimis, degenerans ab illo primo nitore & candore; plena Thalmudicis fabulis, impietatibus sacrilegis facta*. Patet ex eadem epistola, omnem movisse lapidē Monachum istum, ut persuaderet Michaeli le Jay, ne in cœpto jam tunc excudi opere Biblico Parisiensi pergeretur (*triumphabunt enim*, inquebat, *Judæi*, &

patebit eis aditus ad suam infidelitatem: nemini docto- rum erit acceptum, Ecclesia scandalosum) sed id agere- tur potius, ut quam ipse Zamorensis meditabatur no- va Scripturæ editio, sub titulo quidem *Biblicorum Pon- tificiorum*, publicaretur. *Mihi facultas concessa fuit, scribit inter alia, ut typis mandaretur opus a me elabo- ratum: Pontifexque obtulit expensas, meoque nomine (permisit ut) prodiret in lucem; dummodo non appellare- tur Biblia Regia, sed Pontificia, & paulo post: Ego Do- minationi vestra spondeo intra breve tempus tradere o- nia opera mea, hac conditione & lege, ut & nomine meo divulgentur, & ordinetur opus sicut designatum re- perietur.*

Parisiense,

vi. Parum tamen promovit hac ratione bonus il- le Monachus: sed prodierunt nihilominus Parisiis, anno hujus seculi xlv, memorati illius le Jay impen- sis, studio autem & opera Gabrielis Sionitæ, Maronitæ, Iohannis Morini, & Abrahami Ecchellenfis, Biblia he- ptaglotta, chartæ Imperiali, quam vocant, elegantis- simis, impressa characteribus. Complectunturque ea Tomis x, præter textus & versiones quæ in Regiis jam ante habebantur, Pentateuchum Hebræo-Samarita- num, una cum versione Chaldæo-Samaritana, hu- jusque interpretatione Latina; Syriacam translatio- nem Testamenti Veteris, & tam Veteris quam Novi versionem Arabicam. De his Heptaplis Parisiensibus (ita enim appellat) peculiaris extat dissertatio Ioh. Henr. Hottingeri, quæ in ipsius *Analectis Historico- Theologicis* est ordine ii, & epistola Valerii Flavignii, Professoris Parisiensis. Videri possunt huc facientia in *Dissertationibus Epistolicis de Eccles. Or. antiquita- tibus*

tibus epist. LXX, seqq. & in vita Morini; quæ dissertationibus illis præfixa, item quæ apud Simonium habentur locis proxime citatis.

VII. Cum vero nesci quidem satisfactum esset Anglis, qui præ ceteris Europæis linguas orientales hodie amant & æstimant, ut *ἡ ὑπερήμαλα* complerent, magnis sumptibus ex remotissimis Orientis angulis antiquissima MSS. sedulo conquissiverunt, ingentique eorum numero acquisito, de nova eaque perfectiori editione *πλουγλώτῳ*, etiam turbatissimis temporibus, cogitare cœperunt. Prævit solertissimus Brianus Waltonus (unde & Waltoniani operis nomenclatura) qui, adscitis viris per universam Angliam celeberrimis, paucis, quod mirum, annis tantum laborem felicissime exantlavit. Nempe prodiit sex tomis opus incomparabile Londini anno clb lbc LVII. In quo quid supra Parisianam editionem sit præstitum, paucis accipe. Primo videlicet Parisiensibus Bibliis Anglicana in eo præferenda merito, quod textus & versiones, quæ ibi in diversis habentur voluminibus, heic simul per varias columnas in singulis paginis lectori objiciuntur, sic ut omnes uno intuitu aspicere, collationemq; instituere possit, sine aliorum tomorū evolutione. Deinde oppido multa Londinensis editio exhibet in Pariensi haud obvia. Sunt autem præcipue ista: I. Versio interlinearis Hebræi textus Pagnini & Ariæ Montani, II. Versio LXX editionis Romanæ secundum exemplar Vaticanum, III. Vetus vurgata Latina *πῶν* LXX, ex Patribus Latinis compilata per Flamin. Nobilium, IV. Mf. Alexandrinum translationis LXXviralis, e Bibliotheca Regia petitum, non longe post Concilium Nicenum de-

scriptum, v. Versionis Samaritanæ, ubi a textu Hebræo-Samaritano difert, translatio Latina, vi. Pentateuchus Persicus Iacobi Tufii, charactere Persico scriptus, cum interpretatione Latina, vii. Paraphrasis Chaldaica Ionathanis in Legem, cum versione Latina, viii. Targum Ierosolymitanum cum versione Latina, ix. Psalmi, Canticum, & Novum Testamentum Æthiopice, cum translatione Latina. x. Evangelia quatuor Persico-Latina, xi. Liber Esther canonicus cum appendice, aliisque Apocryphis, ut Judith, Tobia, Epistola Jeremiæ, Baruchi altera, Historia Susannæ, Cantici trium puerorum pars aliqua, Maccabæorum liber ii & iii, Syriacæ, xii. Liber Tobie Hebraicus, tam secundum editionem Pauli Fagii, quam Seb. Munsteri, cum utriusque versione Latina. Quibus omnibus accedit Apparatus, exhibens quæ spectant ad Chronologiam, Chorographiam, descriptionem Templi Ierosolymitani, cognitionem nummorum, ponderum, mensurarum, idiotismorum & proprietatum Scripturæ peculiariarum; Prolegomena item de Linguarum natura, origine, numero, mutatione, usu: de characteribus, eorumque inventionem, usu, diversitate in linguis præcipuis: de Masora, Kri & Ktib: deque variis Scripturæ translationibus & editionibus. Adjiciuntur item sub operis finem variantes lectiones textus Hebraici, Chaldaici, Syriaci, Arabici, Samaritani, Æthiopici, Græci, Latini, cum diversis doctissimorum virorum in illos, ipsamque etiam translationem Persicam, observationibus, animadversionibus, collationibus; sed & expositio Hebræorum, Chaldæorum, Græcorum & Latinorum nominum Virorum, Mul-

lierum, Populorum, Idolorum, Urbium, Fluviorum, Montium, ceterorumque locorum. Denique & hoc ad operis Anglicani inprimis facit commendationem; quod Chaldaicam exhibet paraphrasin editionis Basileensis, ab infinitis, quibus ceteri scatebant codices, punctationis erroribus liberatam, & analogiam Danielis ac Esdræ immensis Buxtorfii laboribus restitutam; quodque versiones etiam alias ex melioribus dedit exemplaribus & mss. quam unde suas expresserunt Parisienses. Ut proinde non præter rem scribat Hortingerus, Bibliothecæ Theologicæ libro 1, cap. 11: *Ego certe, ut editioni Parisiensi laudem suam publice asserui, (puta Analect. Historico-Theol. diss. 11) isa. Waltonianam multis semper nominibus, si usum spectes, non chartam, rem ipsam, non characteres, præstulerim. Hac enim una Bibliotheca propemodum integra vicem subire potest.*

11x. Invenit nihilominus in hoc etiam illustri adeo opere notissimus ille Criticus Simonius quæ virgula notaret censoria. Nempe Disquis. Critic. cap. xxvii, *Laude digni sunt, ait, Angli, qui paratiora, & ad usum quoslibet accommodatiora, quam Parisienses, Polyglotta ediderint; laude adhuc digniores, si nationum Orientalium versiones, inprimis Arabicas, quæ in eorum Bibliothecis delitescunt, meliorisque sunt nota quam quæ in Parisiensibus sunt editæ, publici juris fecissent. Longe siquidem satius fuisset, exemplaria Pentateuchi Arabici cum o-belis, asteriscis, aliisque Origenianis notationibus, quæ servantur in Bibliotheca Oxoniensi, evulgare, quam interpolatam illam R. Saadia paraphrasim, qualis jam in Polyglottis Parisiensibus exstabat, iterum recudere. Quodque*
vide.

*Simonii in
Biblia An-
glic. anim-
adverso.*

videtur mirabilius, constat, errores innumeros, quibus abundat Parisiensis editio, maxime in versionibus Syriacis & Arabicis, necnon in Latinis illarum interpretationibus, adhuc in Anglica eosdem conspici; neque etiam castigatos fuisse in animadversionibus Criticis, quæ in ultimum totum rejecta sunt. Alia prætereo, & quidem non pauca, quæ in Anglica Bibliorum editione notari possent. quippe nihil est ex omni parte beatum. In ea autem præcipue eminet Apparatus Biblicus, qui frontem libri occupat: etsi suos quoque habet naves. Videtur enim a diversis scriptoribus concinnatus, qui diversa de eodem argumento sentientes in contraria abeunt: indeque ortum videtur, ut Vualtonus, cujus nomine opus istud prodiit in lucem, parum consentaneæ interdum loquatur.

Hutteriana Biblia.

ix. Præter celebriora illa, quæ hucusque recensuimus, Biblia polyglotta, opus etiam habetur Eliz Hutteri. Id initio, anno videlicet seculi superioris xcvii, πρεῶ γλωττῶν prodiit, Hebraica nempe, Græca, Latina, & Germanica linguis; postea vero idiomate auctū est Italico, Gallico, Slavonico, Saxonico. Imo N. T. ipsius cura sub hujus seculi initium Norimbergæ excusum est Syriace, Hebraice, Græce, Latine, Germanice, Bohemice, Italice, Hispanice, Gallice, Anglice, Danice, Polonice. Extant de his Bibliis judicia eruditorum peculiari epistolarum libro comprehensa. Hottingerus, loco paulo ante citato, Ego putem, inquit, rarius illud opus in Bibliothecis reperiri, quod nec eruditorum satis aptum esset studiis, nec plebejorum vel sumptibus vel usibus. Pulchrum erat, in publica Bibliotheca eā haberi exemplaria Bibliorum, quæ probarent, nullam esse linguam Europæam, quæ Verbum Dei non legeretur. In

tot vero versiones (novas plerasque, & quæ non eundem, quem eruditurum, quas vocant, linguarum translationes Orientalium antiqua, ad illustrationem rei Theologica conferunt usum, eoque nec ab eruditis addisci facile solent,) tantos impendere sumptus, non ferebant cujuslibet respicienda. Quod si vero hoc opus cum Anglicano aut Parisiensi coniungatur, insigne non modo Bibliotheca ornamentum, sed & luculentum est documentum, surpiter eos hallucinari, & in meridie cæcutire, qui negare audent, Bibliorum in linguas vernaculas translationem toto orbe esse receptam.

Biblia Bombergii.

x. Sed & aliæ supersunt Scripturæ editiones hoc loco nobis silentio non prætereundæ. Videlicet eodem illo anno, quo insuperstitiosas Pontificiorum traditiones pugnare, studiumque sacrarum literarum nimio opere adhuc neglectum resuscitare cœpit Lutherus, lucem viderunt Venetijs, opera Danielis Bombergi, Typographi celeberrimi, & Felicis Pratenfis, Theologi, (cujus hortatu & ductu Bombergus literas Hebraicas didicit, & per typographiam mirifico propagavit) Biblia Hebræa cum Chaldæo Targum, insigniorum Rabinorum Commentariis, Tabulis sectionum, Legis & Haphtararum sive lectionum Propheticarum, Articulis XIII, seu fundamentis fidei Judæorum, præceptis jubentibus & prohibentibus, libello de Accentibus R. Ben Ascher, lectionibus variantibus Ben Ascher & Ben Naphthali, notisq; Masoreticis nonnullis, in quas vehementer invehitur Elias Levita, præfatione libri in Masoreth hammasoreth, ignorantia & cæcitate accusans eum qui apposuit. Post hanc primam editionem ex eadem officina alia prodit, anno superioris se-

culi xxix, in qua procuranda Bombergus opera usus est R. Jacob ben Chajim, magna pecuniæ summa ad istum laborem conducti. Præmittuntur huic editioni, Præfatio jamjam memorati R. Jacob, qua de Masora, Kri & Ktib, de discrepantiis inter Talmudistas & Masoretas, de תיקון ספרים, sive Correctionibus Scribarum, deque Masoræ magnæ ordine, disseritur; Indices porro capitum sive paralchioth, sectionum, ordinum partium totius Scripturæ secundum Masoretas; sed & præfatio Aben-Ezræ de ratione commentandi in Scripturam, & de quinque modis interpretandi. Eadem geminam exhibet Masoram: minorem, quæ ad latera relictus singulis paginis conspicitur; & majorem, quæ partim ad finem secundum seriem Alphabeticam apponitur, cum instructione Ben Chajim, partim per singulas paginas, infra & supra textum. Denique subjiciuntur variantes lectiones Ben Ascher & Ben Naphtali, nec non libellus de Accentibus. Atque hoc opus maximopere extollit R. Elias, inque ejus laudem carmen encomiasticum composuit. Accesserunt deinde, annis hujus seculi xlix & xxiii, duæ præterea aliæ editiones Venetæ: sed quæ a secunda isthac qua rem ipsam, nihil differunt.

Biblia Buxtorfii Basilienensis.

xi. Ceterum cum in editionibus Venetis non pauca desideraret celeberrimus ille Hebræus Johannes Buxtorfius, aliam Basilæ, anno clc lxc xlii, adornavit ipsemet, sistentem textum Hebraicum & Chaldaicum, cum Masora magna & parva, selectissimis item Commentariis R. Sal. Jarchi, Aben-Ezræ, Dav. Kimchi, aliorumque Hebræorum. Ubi operam dedit editor, ut textus Chaldaicus a deformitate punctationis &

& pravitate vocum innumerarum liberaretur, loca in Masora transposita, deficientia, pugnantia, numeris depravata, diverforum exemplarium & Concordantiarum subsidio reponerentur, restituerentur, & reconciliarentur. Ut proinde hæc editio omnibus prioribus correctior longe sit ac nobilior.

*Biblia Ste-
phani. aliam
Vatabli.*

XII. Extat etiam opus Biblicum Lutetiae cura Roberti Stephani superiori seculo editum, completens textum Hebraeum, translationem Graecam ex editione Complutensi, Latinam vulgatam, versionemque Latinam Tigurinam (de qua supra cap. xv, 9. seqq.) adjectis annotationibus, quas titulus hujus operis, prout anno 1646 ex officina Santandreae in tribus voluminibus prodiit, Francisco Vatablo tribuit, Hebraeae Linguae in Academia Parisiensi Professori Pontificio, (unde ipsa etiam hæc Biblia Vatabli vulgo dicuntur) qui tamen pro suis eas non agnovisse dicitur. Et esse has notas ipsius Stephani, quamquam ex Vatabli prælectionibus auctas, in suo Animadversionum sacrarum indice observat Arn. Bootius. Tantam vero ob editionem hanc adversus celebratissimum illud Parisiense Typographum moverunt persecutionem Sorbonicae, ut coactus ille fuerit, quo vitae consuleret, mutato solo Genevæ se recipere. Quam in rem Thuanus Histor. lib. xliii, ad ann. lxx, indigna, scribit, bene merito de patria civi tot editis Hebraicis, Graecis & Latinis libris, gratia repensata est a Theologorum nostrorum collegio; qui hominem reipublice invigilantem, & quasvis aequas condiciones accipere se paratum demonstrantem, non desierunt laceßere, donec ille, vexationum iniustarum perasus, ex necessitate consilium cepit, & re-

lietia patria, Genevæ ad extremum se contulit. Confer, sed qui longe iniquius de hac causa judicant, Genebrardum, Chronologiæ lib. iv, & præfatione in Origenem, Bonfrerium, Præloqu. cap. xix, sect. ii, Gretserum, tract. de novis Scripturæ translationibus cap. i, Tirinum Indice auctorum Commentario in Scripturam subjuncto. Ubi etiam, quod post discessum suum Lutetiæ in simulacro exustus sit Stephanus, narratum invenies. Qui tamen, nunquam magis se riguisse, quam ubi Parisiis ustularetur, dicere fuit solitus.

xiii. Non prætermittenda quoq; hoc loco fuit

Biblia Maxima Parisiensis

mentio Bibliorum Maximorum (ut inscribunt) cura & labore Johannis de la Haye, Parisiensis, Lectoris emeriti, Concionatoris Regii, & in Gallia Minorum, Procuratoris Generalis, anno clbhc lx Lutetiæ editorum. Opus hoc ipsis xix absolvitur Tomis; quibus exhibentur sequentia: i. loco textus Scripturæ continui sistitur Vulgata Latina, & quidem sola. ii. Commati versionis hujus cuivis subjiciuntur translationes aliæ Latinæ variæ, non solum quæ secundum ipsos fontes adornatæ, sed & quæ ex aliis versionibus prognatæ, hoc est, translationes Chaldaicam, Syriacam, Arabicam, similesque Latine exprimunt, imo e Tractatoribus etiam (ut veteres appellant) sive Interpretibus & Commentatoribus tum Iudæis tum Christianis vetustis sunt collectæ. iii. Subjungitur Concordia versionum, brevisque expositio literalis. iv. Sequuntur Annotationes in textum Biblicum Nicol. de Lyra, Joh. Gagnæi, Guil. Estii, Joh. Menochii, Jac. Tirini. v. His omnibus præmittuntur Prolegomena de Scripturæ sacræ majestate, antiquitate, auctoritate, canone, &

& similibus, Chronicon item sacrum, tract. de Ponderibus, Mensuris, Monetis, Linguarum idiotismis.

XIV. Ceterum quid auctorem hunc moverit, ut, extantibus jam ante tot operibus Biblicis splendidissimis, ipse nihilominus de nova ista eaq; sumptuosissima editione susciperet cogitationem, non difficile est divinare. Scilicet cum tanto ubique applausu hodie excipi cerneret Biblia *πλύλωτα*, veritus, ne fraudi id esset forsan Vulgatæ suæ Latinæ futurum, hancipsam, & quidem solam, (prout nempe decebat talem Regiam, quam in augustum *αυγουστου* thronum Patres evexere Tridentini) novo ornatu voluit prodire in publicum, eoq; tam magnifico, ut ceteris omnibus quotquot hucusque lucem aspexerunt editionibus palmam hoc nomine videri posset præripere. Quod quidem suum consilium tantum abest ut dissimulet editor, ut potius in præfatione ad lectorem aperte significet, summo jure opus hoc prodire sub Bibliorum Maximorum titulo, quippe quod non solum mole voluminumque numero Biblia Complutensia, Londinensia, Regia, & Parisiensia polyglotta, superet, sed materiæ etiam amplitudine. Nempe cum Codices illi memorati non nisi translationes suppedirent linguis eruditis, ut vocant, adornatas, novum hoc opus idioma præterea Illyricum, Gothicum, Italicum, Hispanicum, & aliquando etiam Gallicum, adjicere; ita ut versus unicus viginti interdum aut triginta versionibus sit fecundus: cumque illi textus sacri nudas solummodo exhibeant translationes, istud sensus insuper sententiæque explicationem sistere: ut proinde *omnibus suis numeris absoluta* merito dicere possis hæc Biblia. Imo quo minus

*Judicium
de eadem.*

adhuc de editoris scopo, auctoritati Vulgatz velificaturi, dubitares, fatetur is diserte, quod eidem tot versiones alias sociaverit, etiā eo tendere, ut ex collatione lector disceret, illam translationes ceteras omnes, cujuscunq; sint idiomatis, intelligentia sensus, puritate sermonis, veritate, superare.

xv. Quamvis autem iusto hujus editionis pretio detrachere nolim, id tamen tacere non possum, grande *αδελφον* videri, quod Biblia hæc reliquis omnibus, quæ hucusque prodire, debeant præferri; Biblia, inquam, ne ipsum quidem textum originalem, Hebræum Veteris & Græcum Novi Instrumenti, sistentia, illis, quæ & hunc, & præterea Græcum *xxvi* ralem, Chaldaicum, Syriacum, Arabicum, Samaritanum, Persicum, Æthiopicum, exhibent. Nam quod dicit auctor, suum opus non illas tantum quas Biblia polyglotta, sed plures etiam præbere translationes, indeque palmam ipsis merito facere dubiam; palam est quam vana sit jactantia. Neque enim ipsas illas memoratas versiones in suo quemque idiomate inveniet lector, Biblia Maxima si evolvat, sed harum solummodo interpretationem Latinam, quam certe nec Angli in suo prætermiserunt opere; ut ne hoc quidem nomine Biblia illa Parisina aliquid habeant peculiaris. Et si maxime versiones istas in suis linguis daret auctor, præterque eas nescio quot alias, adhuc tamen ejus editio, quippe destituta textu Scripturæ originali, omnibus cederet Codicibus *πολυγλωττοις*. Nisi forte Biblia Maxima ex editoris intentione solis inservire debeant Pontificiis, qui, cum Vulgatam Latinam pro authentica habeant, fontibus æquo possunt animo carere. Translationes vulgares & Commentaria quod in operibus *πολυγλωττοις* desiderantur, si ipsa Bibliis Maximis facit inferiora, adjicias illis licet Biblia Hutteriana (de quibus supra num. ix) Bibliaque Anglorum Critica, & quid desiderabitur amplius? Imo si in operis mole Tomorumque numero aliquid situm momenti, sex Tomis Bibliorū *πολυγλωττων* Londinensium, præter ea quæ jam dixi, adjunges, non tantum Annotationes Lyræ, Gagnæi, Estii, Menochii, Titi.

Tirini, (quibus Hayena editio superbit) sed & quidquid amplius in orbe Commentariorum extat Biblicarumque expositionum: adice, quæ de Scripturæ sacræ sensu, majestate, antiquitate, auctoritate, canone, obscuritate & perspicuitate, deque linguarum idiotismis, origine Versionum, ponderibus, mensuris, chronologicis, similibusque, a tot viris doctis disputata & observata hucusque prodierunt, & opus habebis Bibliæcum, non Voluminum novendecim, sed innumeratorum. Neque enim, quod ab eodem editore in certos Tomos hæc talia non sunt digesta, nec eodem tempore typisque iisdem expressa, rei ipsi derogare potest, vel impedire, quo minus pro arbitrio corpus inde Biblicum quis constituat.

xvi. Quod porro credit auctor, ex suis Bibliis lectori posse patere, Latinam vulgatam omnes versiones reliquas, in quocunque linguarum genere habeantur, intelligentia sensus, puritate sermonis, veritate, superare, auditu perquam est mirum. Etenim qui potest istius operis beneficio antiqua Latina comparari cum translationibus Orientalibus, quarum ibi ne unica quidem lectori sistitur? Nam ex interpretatione Latina versionum Orientalium, quas in Bibliis suis auctor exhibet, de puritate & perspicuitate ipsius idiomatis Orientalis, Chaldaici v. g. aut Syriaci, velle judicare, nimis certe ineptum foret & ridiculum.

xvii. Deinde, quantum auctoris jactantiae de perspicuitate, puritate, & veritate textus Latini vulgati sit tribuendum, non modo docere possunt quæ supra cap. xii, xiii, xiv, a nobis disputata; sed & evidenter ostendit contraria ipsorummet Pontificiorum aliorum confessio, quam dedimus cap. x, 20. Et quandoquidem (id quod mirari inprimis subit) etiam ratione ipsius puritatis sermonis versionibus Latinis ceteris Vulgatam suam præferre non dubitavit editor, cujusmodi illa sit puritas, lectori ob oculos ponat specimen, quod, ex notabilioribus Vulgatæ elegantiss in modum centonis contextum, citatis in margine locis inde verba phrasæque petitæ, Hunnius noster exhibet Examini. Bellarm. lib. ii, cap. xiv. *Deus insensibilior est malorum; eduxit enim impios, & non constituit illis*

memoratur autem piorum. Ergo vos, o ignava ventres, Monachi, qui sub capitis estis intermissiles, & oleati, attendite. Vos apparescitis quidem desoris sancti & docti; sed ab intus estis indocti & infructuosi. & nota est vestra ineruditio & malitia, quam docet vos ociositas. Scopite autem spiritum vestrum, & penite mini: odite malum; desinite inimicari, & cessate Evangelium oppugnare gratia, nec angaritate Lusitanos ad falsam doctrinam vestram: sed meliora horum facite quae fecistis, ut fructum plus afferatis, & impleamini bonorum. Alias surget Deus, & sagittas suas ardentibus efficiet, & scopabit vos in scopis terens. Tunc partientur famelici milites substantiam, & insuspicabiles viri metibuntur agros vestros, & quod reliquum est in monasterio, consummabunt. Vos autem bene plagati stabitis foras portam, quasi crapulati a vino, & aporati, & ex tunc insubsidii & inauxiliati pulsabitis per ter in idipsum. Non intro missi, murmurabimini, & curretis passus mille & alia duo. Sic exclusi, manicabitis in magno frigore ad Papam, & dicesis illi: Sanctissime Pater, viri abominati & incredibiles emigraverunt nos ex monasterio nostro. Tunc Papa dicit: Dilecti filii, vos o creatura mea, qui in praesentiarum nausfragavistis, estote patientes, neque zelate ipsos. Qui enim me confusus fuerit, & ego confundar illum, & iterum nocebo illum. Sed satis nunc, pro instituti ratione, de his quoque;


Bibliis.

F I N I S.


ADDENDA

Pag. 3. lin. 4. post, *quasi*. 14. adde: C. Frassenius, Sorbonista, Disquis. Bibl. lib. 11, cap. 1, 3. pag. 28. lin. 8. adde: Plura tam in rem qui desiderat, Thomae Bangii Caelum Orientis legat pag. 150. seqq. ubi fusc de hoc argumento agitur. pag. 41. lin. 15. post, *cap. xvi*, adde: C. Frassenius Disquis. Bibl. lib. 11, cap. v. 2. pag. 43. lin. 8. adde: C. Frassenius Disquis. Bibl. lib. 11. cap. v. 3. seqq. pag. 88. lin. 3. a fin. adde: Imo habet vetustissima. ran latio Gothica. Vide infra cap. xxix, § pag. 135. lin. 9 post, *in quo*, adde: quae ex Cano, Valentiano, Svaresio, observat C. Frassenius, Doctor Sorbonicus, Disquis. Bibl. lib. 11, cap. vi, §. 17; item.









753.
754.

